

I. FERNELLI
AMBIANI
THERAPEUTICES.

1581







II
3


MEDICAL SOCIETY
OF LONDON




ACCESSION NUMBER

PRESS MARK

FERNEL, J.



653081A



II₃

IOANNIS

A. Lincolne p^l

FERNELII

AMBIANI, THE-

RAPEVTICES VNIVER-

SALIS, SEV MEDENDI RA-

tionis, libri septem.

*Quam totius medicine tertiam fecit partem,
ad praxim perutilem & necessariam.*



Willm. Parker

FRANCOFVRTI,

Apud Andream Wechelum.

M. D. LXXXI.

*Cum priuilegio Casarea Maiest.
ad sexennium.*



*Stillantē è Phœbi panaceam vertice monstrat,
Ægrotis medicam tradere doctus opem.*

H. Sur.



IO. FERNELII
AMBIA NI, THE-
RAPEVTICES VNIVER-
SALIS, SEV MEDENDI RA-
tionis, libri septem.

PRÆFATIO IN LIBRVM
PRIMVM.

Natura legibus esse medicina leges consentaneas.



VNIVERSA illa mundi natura, omnia *Universi atq*
continens atque per singula inaequalis, ut *microcosmi*
Solis & lunæ reliquorumque syderum *eadem esse le-*
gibus. *ges.*
cursus & conversiones, temporumq; vi-
ces & tempestatum commutationes at-
que Oceani æstus reciprocationesque
moderatur: ita & hanc rerum immen-
sitatem ordine certo & constantia regit immutabili. Nec
verò tam sapienter & uniuersa gubernare & singula foue-
re posset, nisi diuina quadam mente architectatrice & con-
seruatrice vteretur: quæ cōsilio & recta ratione omnia pru-
denter administraret & prouidenter tueretur. Hæc autem i-
pſius ratio, lex est naturæ, summa quippe vis insita in natu-
ra, qua administrantur omnia atque exsistunt & conseruan-
tur singula: ceu imperium quoddam cui cuncta pareant

METHODI MEDENDI

4
& sine quo nec rerum natura nec mundus ipse consistat. Atque hæc quid est lex una cum mundo nata, est summa est mente Deique numine profecta. Nam, ut inquit Plato, quum Deorum sator mundum naturamque conderet, huic simul leges fatales indixit. Tam verò quicquid aut animantium aut stirpium aut metallorum genere continetur, inferiore hac mundi regione comprehensum, id peculiari quoque quadam natura (quæ sua est rei cuiusque) consistat, quæ quod genuit, tucitur & regit. Hæc rursus peculiaris cuiusque natura, propria lege eaque stabili & rata ducitur, quæ actiones omnes perficit, illaque tota est obediens & subiecta vniuersæ naturæ, eiusque propria lex summæ legi: ut omnia una quasi consensione & sympathia iussis supremæ legis obtemperent. Itaque quicquid habet naturæ imperiū, id perpetua constantia rectaque ratione & conuenienti lege sustinetur. Hæc si ad nostram medicamque contemplationem referemus, quicquid in homine præter cognitionem & voluntatis arbitrium inest, id omne administratur naturæ legibus. Ad huius autem similitudinem effectum simulachrum quoddam est medicina, quæ naturæ legem semper intuens in eamque defixa, ad ipsius imitationem, studiū & opus omne dirigit, ut homini firmam minimæque morbis obnoxiam valetudinem conferuet & tueatur, lapsam verò & affectam erigat & in integrum restituat, vitamque ipsam saluam & incolumem quam potest fieri longissime producat. Illa quidem nata aut potius æterna, hæc verò scripta naturæ lex est: illa archetypus & primum exemplar, hæc solida & expressa quædam est eius effigies. Hæc nulla vis humana, nulla regionum locorumve mutatio, nulla temporum decursio peruertit: sed inuiolata, stabiles & omni seculorum æternitate immutabiles & perpetuæ manent. His vel inuiti (quia mors omnibus communis) colla submitunt, qui omnium gentium populos sibi subiicere & legibus astringere contendunt. His imperatores summique reges parent, aut certè non impunè refranguntur. Hæ legum omnium præstantissimæ, omnium gentium peræque communes prorsus necessariæ & immutabiles. Quum igitur sit tanta earum necessitas, tanta præstantia, cernendum omnino ut integræ, puræ & castæ hauriantur è saluberrimis & purissimis naturæ fontibus: non eæ quidem

Medicina ad naturæ imitationem efficta.

arctæ

arctæ & rigidæ, sed blandæ ac mites, quæ morbis grauitè afflicto erigant, recreent & reficiant: eos verò qui earum ope medicinam sint facturi, magna dignitatis commendatione apud omnes extollant, fiantque tandem suæ fori honorificæ, morigero & obtemperanti frugiferæ, toti denique humano generi salutare.

Medici officium, & quæ artis præstantia. CAP. I.

MEDICI munus atque officium est curare appositè ad sanandum. Non enim semper ægrotum sanitati restituit. Appositè autem curat qui citò, tutò & iucundè remedia confert. Medicus porò remedia confert, non solum ut naturæ minister, sed interdum ut adiutor, interdum etiam ut opifex primarius. Est enim in plerisque ars natura præstantior: ut quæ non solum naturam imitatur, sed & modò adiuuat, modò etiam superat, ac sæpe medendo plus quàm natura gerit. Etenim humanæ vitæ moderatrix natura, cuncta quàm optimè potest administrat, idque assiduè molitur, ut corpus in extremam vsque vitæ periodum integra, aut quam saltem ortu accepit, sanitate conseruet: & si quid fortè extrinsecus iniuria lacessitur, eam pro viribus propulset. Quæcunque autem vel tuenda sanitate vel morbis profigandis rectè illa gerit, imitatur consilioque dirigit medicina, vnam sanitatem scopum agendorum sibi proponens. Nonnunquã & morbi peruicacia impeditæ vel imbecillitate laboranti naturæ, adiutrix medicina fert opem, & manca inchoatæque munera explet ac perficit, diuturnosque morbos plerumque breuiore facit. Quinetiam naturam interdum ea superat. Siquidem luxatos artus reponit, vulnerisque disuncta labra adducit, & in aliis non paucis præcipuam curationis partem administrat, quam minimè natura aggredi potest. Quorsum quæso cõstituta hæc esset tot tantisque maiorum vigiliis, nisi maius quiddam & excellentius quàm natura præstaret? Ut fabrica in auro, quæ naturalis est materia, opera magnifica & eximia in sculpsit superiora naturæ viribus, & architectura ex lignis & lapidibus ædes templaque extruit, quæ architectari natura nunquã posset: sic & medicina nonnulla maiora, interdum & præstantiora

Plus interdum medicus quàm natura præstat.

METHODI MEDENDI

gerit, quam natura queat efficere. Nimirum quod natura instinctu solo, medicina verò iterum ducatur cognitione ac intelligentia. Quum igitur omnium quæ mundus habet medicina per se ipsas vires teneat, internoscatque salutaria a pestiferis, hæc quidem longè præuidet & declinat, illa cōsestat & inquit, & ita tempestiuè adhibet, vt suis viribus exitiales alioqui morbos leuat faciatque salutare, quos sola natura nunquam euicerit. Iam verò medicinæ scopus sanitas est. Hanc violatam restituit sanatio, quæ modò natura ac ipse modò arte fit. Leuiore morbo sola natura plerumque sanat, idque per se nullo artis subsidio: grauiore lapsus arte indigent, quos non ipsa per se, sed adhibita curatione sanant: nam quæ arte fit sanatio, non nisi curatione perficitur. Est autem curation, recta atque cōueniens remedium v'surpatio. Remedia dicimus quæcunque corporis affectum præter naturam depellunt. Horum autem recta & cōueniens est v'surpatio, quum idonea quantitate & modo rationeque congrua adhibentur, atque in his curation omnis consistit. Tria igitur sunt quibus ars tota medendi constituitur: remediij genus, quantitas & vtendi ratio: quæ hoc libro accuratè persequi cōsiliū est. Remediij genus vt planius cognosci percipi que possit, discernendum vnumne an multa esse oporteat. Si vnum, simplexne an cōpositum: si multa, similesne omnia, an sigillatim, & quo quæque ordine afferenda sint. Atque hæc recta censenda est methodus. Quantitas rectè designabitur si constet quàm validum remedium, quo gradu recessus à mediocri, quo pondere, quoties & quandiu exhibendum sit. Vtendi ratio explicat per quæ loca abigendus morbus est, cui sedi adhibenda remedia, qua forma, quo morbi tempore, quæve hora. Hæc igitur omnia nosse oportet, vt cōueniens fiat remedium v'surpatio. Quum enim remedium cōuenienti & quantitate & ratione adhibetur, arte curation succedit.

De remediij inuentione. CAP. II.

Contrariis
morbus omnis
abigendus.

MORBVS omnis contrariis profigandus: contraria enim sunt morborum remedia. Remedium est quod morbum depellit: quicquid autem morbum depellit, id illi

vium

vim infert: quod vim infert, contrarium est: omni ratione igitur remedium morbo cōtrariū esse necesse est, omnēque morbi depulsionem atque curationem contrariis perfici. Contraria multifariam dicuntur. Quæ non in qualitate solum, verum etiā in quantitate, in numero, in situ, in figura, in omni deniq; genere plurimū distant, vt calidum & frigidum, humidum & siccum, durū & molle, crassum & tenue, atq; etiam magnum & paruum, multum & paucum, altum & depressum contraria sunt, quæ propriē nuncupantur aduersa. Alia contraria sunt quæ priuantia appellantur, vt plenum & inane, integrum & corruptum, continuū & solutum. Quæcunque autem remedia contraria morbos remouere & valetudinem restituere possunt, in hæc tria genera retulerunt medicorū celeberrimi, quæ sunt medicamentum, chirurgia, diæta. Chirurgiam in aliud tractandi tempus reieciimus, medicamentorum alimentorumq; vires hic tradituri. Quæ morbis aduersa dicuntur, non in mediocritate quadam cōsistunt, sed ab hac in oppositum diuertunt. Quod enim mediocre est in medio extremorum positum, nunquam ad mediocritatē id traducet, quod vel extremum iam est, vel in extremum deuergit. Nam quum illa vel permissione vel contactu congregiuntur, mutua actione sese obtundunt, suāsque vires remittunt, ac neutrum omnino in alterius naturam, sed in medium quiddam facessit. Itaque quod frigidum est, non temperatis, sed calidis duntaxat in temperiem reuocatur: quemadmodum quod tortuosum est, nisi in aduersum crebrò retorqueatur, rectū vix euadet. Hoc autē in priuantibus multo euidentius existit, inter quæ quoniam medium nihil intercedit, non nisi contrariis curationem perficiunt. Rata igitur constansque manet curandi lex per contraria. Arbitrantur plerique, medendi summam legem euertere, dum morbos quosdam audiunt remedijs depelli similibus. At eiusmodi omnia morbo licet similia sint, eius tamen causæ primū ac per se aduersantur, morbo autem ex accidenti: hūcque tollunt non per se, sed sublata eius causa. Sic rheumbarbarum quamuis calidum febrem soluit, dum ipsius materiam expurgat. Et lassitudinem exercitatio lenit, quod humorem per musculos effusum discutiat. Et vomitionem sedat vomitio, quæ proritantem

Φαρμακωστία, χερουργία καὶ διαίτημα, partes medicine, quod medicina, manu, et victu morbos depellant.

Morbos quosdam similibus abigi quomodo accipendum.

Aph. 25. li. 5.

humorem excutiat. Et dysenteriam purgatio leuat, noxia materia eius efficiente causa detracta. Ad eundem prope modum frigida larga perfusio conuulsionem (vt est apud Hippocratem) soluere putatur. Caterum non eiusmodi remedia hic scrutamur, sed quæ primum ac per se affectum summoueant. Sunt autem eiusmodi omnia curando affectui verè contraria. Itaque quum situm cuique morbo contrarium sit remedium, eademque sit contrariorum doctrina, quot certè morborum, tot & remediorum genera sunt constituenda. Vt igitur alias vnus morbus est, isque aut simplex aut compositus; alias multi existunt modò impliciti modò disiuncti: ita sanè & remedium aut vnum est, idq; vel simplex vel compositum, aut multa existunt vel disiuncta vel implicita. Hæc summa remediorum genera ex vno simpliciq; auferunt. Nam vt vnum multis, ita simplex composito prius existit. Quocirca vt ea rectè constituantur, simplicia enumeranda sunt, & in primis inuestigandi colligendiq; vel in corpore vel in humoribus alijsve contentis subsistunt.

*Partis similis
in morbi.*

Organici morbi.

Partis quidem similis vitia & simplices affectus cōtra naturam sunt, intemperies calida aut frigida, humida aut sicca. Ad hæc substantiæ laxitas & molitudo: deinde corruptio atque putredo. Eadem vitia in humoribus quoque atque in cæteris contentis insunt, maximè verò intemperies & corruptio. Præter hæc quoque immodica exuperantia; qualis in plethora, turbulenta agitatio atque defluxio, crassities atque tenuitas, durities & mollities, lentor seu tenacitas & acrimonia. Hæc enim quoties à naturæ modo longius absunt, vitiosa & præter naturam censeri debent. Instrumentorum verò vitia, quæ quidem medicamentis emendari possunt, numerari solent: meatuum læuitas & asperitas, angustia seu coarctatio, & amplitudo seu dilatio, dēuitas & raritas, oclusio & apertio. Nam cætera quæ vel in figura vel in numero vel in magnitudine fieri traduntur, aut ex enumeratis humorum vitis obtrigerūt, aut certè chirurgiam expostulant, quemadmodum & continuisolutio affectus partis vtriusque communis. Quare non alij simplices & primi affectus præter naturam consistunt in nobis, quorum sit per medicamentis curatio. Iam verò si his aduer-

in diuersas medicamentorum vires perferutemur, ita quidem
 in medendi arte omnia inter se collata e regione responde-
 re videbuntur, vt quot affectus contra naturam simplices,
 totidem existant & medicamentorum facultates, parq; sit
 affectuum atque remediorum numerus. Quod & alia diui-
 dendiratione certius aliquando demonstrabitur. Itaq; in-
 temperiei calidæ contrahenit & opponitur medicamentū
 refrigerans, frigidæ calfaciens, humidæ exiccans, siccæ hu-
 mectans. Humorū exagitationi sedans & reprimens: de-
 fluxionitum inhibens tum repellens. Exuperantiæ aduer-
 satur vacuum per vomitum, aluum, vterum, per vrinas &
 sudores & quod per nares aut partē aliam attrahit: & quod
 per cutem resoluit digeritque: crassitieci ῥ' λεπνωτικὸν atte-
 nuans: tenuitati ῥ' παχνωτικὸν increassans: duritieci ῥ' μαλα-
 κτικὸν emolliens: mollitieci ῥ' σκληρωτικὸν indurans: lento-
 ri ῥ' ῥυπτικὸν καὶ κριτικὸν detergens & expurgans. Acrimo-
 niæ ῥ' ὑδατώδες ἑμπλαστικὸν illuens & glutinosum frigidū.
 Partium laxitati ῥ' σωματικὸν contendens & corroborans.
 Corruptioni quod hanc inhibet alexiterium & alexiphar-
 macum: putredini concoquens, suppurans & expurgans:
 quibus contraria sunt venenatum, corrumpēs & septicum.
 Meatum lœuitati repugnat τραχύον exasperans, asperita-
 ti λαϊνον lœuigans. Angustia dilatans, dilatationi coangu-
 stans seu adstringens: densitati ἀραιωτικὸν rarefaciens: ra-
 ritati πυκνωτικὸν densans: occlusioni ἀνασωμωτικὸν aperies:
 apertioni συνακτικὸν occludens. Continui solutioni & ag-
 glutinans & sarcoticum & epuloticum: his autem contra-
 ria sunt exulcerās, exedens, causticum & elcharoticum. O-
 mnes igitur simplices tum affectus præter naturam tū me-
 dicamentorum facultates summatim percensuisse videor.
 Hæc generalis est remediorum pro affectuum varietate
 inueniendorum ratio atq; indicatio summa, e qua medica-
 mentorū omnium tam simplicium quàm compositorum
 vires peti debent.

Cuique mor-
 bo suū opposi-
 tū remedium.

Simplicis affectus, simplex curatio. CAP. III.

SIMPLEX affectus, simplici remedio, compositus com-
 positio propellendus. Qualis enim morbi, talis est & cō-

trarij remedij conditio. Vt enim affectus alius simplex est; alius compositus vel implicitus: ita contrarium remedium alias simplex alias compositum aut ex variis implicitum sit oportet. Itaque simplicis affectus simplicissima est per contrarium curatio. Cui perspecta cognitaque sit morbi natura, facile sit nulla adhuc arte, sed communi quadam animi notione contrarium ipsi curando remedium opponere. Nam si vel corpus vel humor aliudve contentum calidius euasit, cuius efficiens causa esse desierit, solis refrigerantibus ad mediocre temperatumque remigrabit: si verò frigidius, solis calfacientibus, si humidius siccantibus, si siccius humectantibus: si quid denique humoris copia turget vacuantibus, si quid inanitum est, replentibus. Eademque ratione in cæteris, omnem exuperantiam cōtraria depellit exuperantia. At verò inter simplices illas & primas cæterarum quasi effectrices, quæ calida est intemperies pari tempore atque frigida discutitur. Licet enim caloris quàm frigoris maior sit efficacia, illi tamen patientis corporis repugnancia magis obstitit: agenti frigori vt minus efficaci, ita & repugnancia minor occurrit, quò sit vt pari illa tempore suas efficiencias exerceant effectusque compleant. At nihilominus tutior est ac mitior calidorum quàm frigidorum vsus. Nam frigida dum calorem præter naturam expugnare contendunt, insito pariter negotium facessunt: calida verò dum frigus propellant, insitum pariter calorem exuscitant atque fouent. Sed & insitus corporis calor aduentitio quasi auxiliarius opitulatur, vt facilius ac mitius externum frigus excludat. Itaque frigida intemperies tutius ac mitius quàm calida tollitur. Id verò de recente ac leui audiendum. Nam inueterata atque consummata frigida intemperies egrius multo quàm calida cedit remediis, quemadmodum extrema senectus insito calore destituta ac morti iam proxima, minus medicabilis est quàm hectica febris. Sicca quoque intemperies tardius omnino ac difficilius eximitur quàm humida. Si obsecrator morbi species nondum tibi penitus cognita perspectaque est, huic ne properes remedia adhibere: sed rem totam naturam committito. Natura enim probatione viuendi adiuta & innixa, aut morbum profligabit, aut pæsciat & foras proferet. Incerta quippe medicatio & irrita,

*Calidorū auihorū quā
frigidiorū v-
sus iustior.*

*Quando cura-
tionem natu-
re committe-
re oportet.*

rita, non nisi dispendio decernitur. Si quid fortè experiri co-
geris, leue id esto, ne fiat in re accipiti iactura grauis. Hæc
quidem de affectu simplici ac solitario, cui nec causa nec
graue vllum symptoma assistit. Nunc de affectu quem sua
adhuc causa fouet ac continet.

De methodica & legitima curatione. CAP. IIIII.

CAUSA omnis prius quàm affectus methodo recta ex-
cindi & summoueri debet. Causa enim persistente af-
fectus manet, nec penitus euelli potest. Quòd si adnitaris,
quantum huius demes, tantundem assidua & cōtinens cau-
sa (nunquam enim naturalis quum sit, ociosa manet) pro-
feret; atque licet affectus interdum leuior euadat, minimè
tamen eius succedit perfecta curatio. Quum recens affe-
ctus nulla adhuc firma stabiliq̃ue constitutione in hærescit,
totus quidem sublata causa plerumq; disperditur; at quum
pars quædã eius genita iam est, pars quasi ortu nouo con-
tinenter additur, tum causæ sublatio affectum non eximit.
Quocirca causa primum, genitus dein affectus summo-
uendus: ita enim radicitus extirpabitur, nihil vt deinceps
eius repullulet. Ergo & quum longior quædam continua-
tio seriesq; causarum existit, in qua alia ex alia nasci & exi-
stere, & omnes inter se aptæ connexæque videbuntur, suo
quæque ordine demenda erit, ab ea curationis ducto exor-
dio, quæ ortu prima, inuestigatione verò postremâ fuerit
inuenta. Ab hac sensim ordinatimq; ad cæteras, postremo-
que ad morbum progressus fiet, suo cuiq; obiecto contra-
rio. Hæc non iam simplex, sed methodica curatio est, quæ
non solis remediis, sed via vtendiq; ratione completur. Hac
vna maximè herbariis atq; pharmacopœis, quibus etiam
cognita est remediorum materia, medicus est præstantior.
Esto exempli causa, impuri eiusque calidioris alimenti vsu
longo & immodico chylus acrior factus, qui dein necessi-
tate & alterius penuria raptus in iecur, bilem multam viti-
osq; humores proferat, quorum postea fit in venis facilis
corruptio ac putredo, quam proximè febris sequatur suis
comitata symptomatis. Constat sanè neque febrem neque
eius symptomata sedari posse nisi vacuata putredine. Hanc

*Vna curandi
methodo me-
dicis herbario
& pharmaco-
pœo præstat.*

verò frustra purgari, nisi quæ hanc gignit humorum collu-
uies emendetur: hanc emendari non posse quandiu chylus
impurus è ventriculo affluet & impurius calidiusq; alimen-
tum suppeditabitur. Itaque nisi vrgentius quid piani inter-
pellet, primùm prohibendæ sunt euidentes causæ quæ cun-
que impurum chylum ingenerant, mox expurganda impu-
ra omnis colluies quæ putredinis est materia, ac demum
quæ his ex causis orta est humorum putredo vacuanda: ad
postremum si quid caloris alieni vel in humoribus vel in
ipsis partibus derelictum sit, extinguendum. Quendam rur-
sum statuamus molesta cerebri destillatione vrgeri, quæ ex
immodico excrementorum prouentu sit orta: hic verò ex
frigida humidâque cerebri intemperie, quam vel alimen-
torum refrigerantium vsus, vel gelidi cœli occurfus pepere-
rit: constat ipso statim initio tum immutata victus ratione
tum aliis quibuscunque remediis corrigendam cerebri fri-
gidam intemperiem, mox eximendum omnem excremen-
torum prouentum: sic demum quæ ab hoc sit destillatio-
nem protinus conuiescere. Hac ratione simplicis omnis
affectus curatio pro causarum ordine procedat. In connexis
quoque aut consequentibus, affectus omnes eo sigilla-
tim extirpentur ordine, quo sibi ortu succedunt. Affectus
enim prior statim initio eximatur necesse est, vt si crebrior
ea destillatio tandem illabatur in ventriculum, cuius vitio
tum nausea orta tum deiecta appetentia tum impedita sit
concoctio, neque profectò nausea tolli, neque appetentia
neque concoctio restitui potest, nisi expurgato ventriculo,
proprus verò expurgari nequit nō antè inhibita destillatio-
ne, neque hæc inhiberi nisi vacuato cerebro sublataque fri-
gida intemperie eius effectrice. Itaque nisi vrgentius quid
piâ sollicitet, primùm corrigenda frigidior cerebri intem-
peries, dein quicquid genitum est excrementi purgandū est:
ac si quid posthac gigni cōtingat, id cursu naturali deriuan-
dum in nares: his quum destillatio expurgata & auersa fue-
rit, ventriculus omnino expurgandus, dum in eo nihil sit re-
liquum, atque vaneſcant symptomata quæ laboranti erant
importuna. Hæc vtique vera est & exquisita medendi ratio,
ex causarum affectuumq; serie ineunda. Affectus dico præ-
ter naturam qui vel in partibus ipsis vel in cōtinentis inhære-
ſcunt,

scunt, id est vel morbos vel interiores eorū causas. Horum quippe vitium quodque contrario oppugnandū est. Symptomata verò inter hæc plerumq; apparent interiecta, sed quorum tamen propria non est curatio, neq; his cōtrarium quicquam è regione obicitur, quòd sublati affectibus ea protinus euanescent. Methodi atq; ordinis inuersio nō modo nihil ad curationē proficit, sed & plerumq; morbū duplicat. Quum enim persistente causa de morbo non nihil subtrahitur, licet tū fortasse sibi æger non nihil leuatus esse videatur, mox tamen pari ferocitate morbus repetit, atque etiam interdum maiore: vt quum collecta fluxio calidis vehementerque dissoluentibus discutitur, quæ irruenti causæ motum vehementiorem asserunt & agitant. Atq; hæc quidem methodus in causarum ordine: quæ verò in implicitis & compositis affectibus tenenda deinceps monstrabitur.

Quum multi morbi insunt, quanam curandi methodus.

CAP. V.

QVVM disuncti & disparati morbi in corpore consistunt, suam quisque seorsum medendi rationem obtineat. Qui ita sedibus longè distant, vt vniciq; sua possint remedia cæteris intactis adhiberi, possunt ij & sigillatim & pariter omnes curari, minimūq; refert cui primum propria remedia decernas. Impliciti verò atque compositi non nisi methodo ac ratione summa eximi possunt. Nam impliciti quoniam tam vicinis partibus insident, vt communiter ipsarum functiones impediunt, vix propriam seorsum curationem habent. Multo magis est compositorum implicita sanatio. Etenim quum vni eidemque particulæ penitus inhærescant, & in vnum quasi conflati coëant, quodecunque remedium vnum quempiam, idem cæteros quoque pariter attinget. Quum igitur neque compositis neque implicitis, singulis liceat propria seorsum accommodare remedia: quūque omnium curatio eodem tempore probè administrari nequeat, methodus omnino adhibenda in primis est, quæ suum cuiq; ordinem præstituat, & quid primo, quid secundo, quid denique tertio quartòve loco sit sanandum. Porro autem ita variè cōcurrentibus morbis accidit inter-

Impliciti & compositi morbi si congruant, quam curandi ratio tenenda.

Si dissentiant.

Si partim consentiant partim dissentiant.

dum ut omnino consentiant, quum vnus curatio alteri sanando conducit, aut nihil saltem obest interdū dissentiant, quum vtriusvis curatio alteri incommodat moram quæ affert: nonnunquam verò partim consentiant partim dissentiant, atque eatenus vnus curatio alteri & prodest & obest. Implicitos morbos atq; compositos qui aut congruunt aut minimè dissentiunt, & simul & seorsum sanare licet: quumque id seorsum fit, ab vtrouis incipere conceditur: vt si oculi suffusione & albugine teneatur implicitis affectibus, & quorū proximæ sunt sedes, potest suffusio acu deprimi persistente albugine, potest & albugo deleri permanente suffusione, possunt & illæ si videatur pariter eximi. Similiter si tunc frigida intemperie simulque obstructione simplici tenetur, ex quarum permissione compositus est morbus, intemperiem medicamentis emendare licet, quæ obstructionem nec expediant nec gement: & hanc quoque expedire intemperie remanente: licet & simul iudemque remediis illas tollere. Quum impliciti aut compositi morbi omnino dissentiant, nec prorsus huic aut illi, sed vtrique mediocritate quadā & contrariorum permissione succurrendum. Sic incrementi phlegmone reprimenda remedia digerentibus permiscuntur. Sic etiam ventriculum frigidior: em & iecur calidius temperata iuuant, quæque ex calidis frigidisque constant, & modò horum modò illorum vsus alternatus. Vbi vterque incremento iam vires acceperit, quoniam contraria præsidia postulant, difficile sanescunt ac plerumque desperati & insanabiles permanent. Quum impliciti morbi partim consentiunt partim dissentiunt, ab eo auspiciandum, cuius curatio alteri haudquaquam officiat, & ab eo fine quo alterius curatio compleri nequeat: vt quum ophthalmiæ implicatur albugo, quoniam acris hanc detergere non est quin noua accersatur fluxio aspereturque phlegmone, hæc in primis quidem sananda, mox dererenda albugo. Quum etiam in parte vlcus est, idque cauum & inflammationi coniunctum, vlcus neque agglutinari neque ad cicatricem perducipotest, nisi carne impleatur: carne autem proba impleri non potest, nisi inflammatione sedata pristinam temperiem pars receperit. Imò quæ cicatricem inducunt, quia validè siccant, carni gignendæ obstant, &

quæ carnem regnunt, inflammationem augent. Necesse igitur est inflammationem primum extinguere, quæ rationem eius obrinet, sine quo nequit curatio perfici: deinde carne vlcus impleri, tandemque cicatrice obduci. Hanc medendi methodum dicunt simplicium affectuum naturæ, quæque illis contraria opponuntur remedia. Horum quippe obseruatione cognosci potest, quid à quo, quid cū quo, quid post quod sanari possit. Ita quidem omnis absoluta videri potest legitima morborum curatio, quam semper sequi oportet, dum nihil vrgentius interueniet, quod hanc necessitate quadam interpellet.

De curatione extraordinaria legitima opposita. CAP. VI.

IN affectuum connexionem plerumque vrgentiori vel inuerso & præpostero ordine in primis succurrendum. Ab eo enim auspicanda curatio, à quo maximè ægro periculum impendit, in eumque primum medentis consilium dirigere debet. Vrget autem & periculosus est affectus trifariam: *Vrgere quid, & quot modis.* aut propriæ essentiae magnitudine, aut læsæ functionis præstantia, aut facultatis offensæ dignitate corpus vniuersum gubernantis. Atque horum quidem periculosissimus est, qui vniuersalem facultatem prosternit, & vires frangit corporis gubernatrices, ut quarum conseruandarum gratia omnis instituat curatio. Ab hoc sequitur qui præstantem quandam & eximiam functionem lædit: minus his periculosus est qui magnus quidem existit, sed citra præstantis functionis aut virium iacturam. Ceterum si quando vel à functionis lésione vel ab affectus magnitudine maius quam à virium iactura ægro periculum impendit, ab alterutro autpicandum, atque in id quod est grauissimum omni cura & cogitatione primum incumbendum, siue id ante susceptam curationem partum iam erat, siue recens dum legitima adhibetur curatio interueniat. Grauissimum autem dicere possis vel quod maximè ægrum in vitæ discrimen adducit, vel de quo is grauissimè queritur, cuius precibus & votis interdum cedere cogimur. Hæc ut illustriora exemplis fiant, memoria repetatur frigidior illa antè commemorata ventriculi intemperies, eiusque cruditas ex cerebri destillatione pro-

fecta, omnisque eius legitima curatio: cui tamen ut proposito seruiat hoc insuper addamus, tam frigidam esse ut totus æger inhorrescat, vixque queat consistere: morbi quidem vis atque magnitudo hanc primum lenire horrat, deinde ad destillationem quæ eius causa est accedere, quemadmodum a stuosum febris ardorem plerumque intermissa causa compescimus. Rursum verò id quoque ponatur, congestæ pituitæ vi usque eò ventriculi appetentiam languescere caloremque remitti, nihil ut concoquat, sinatque quicquid assumitur aut crudum deici aut vomitione reddi: læsæ quidem functionis necessitas ac præstantia suadent in primis ventriculorum expurgandum antequam irruens omnis destillatio sistatur. Hanc eandem pituitam si tertio statuamus ita in os ventriculi defigi, ipsumque tam acriter ferire, rosionisque sensum inuehere, ut frigidos sudores, viriumque defectionem ac syncopem accerlat, ita quidem maxime curationis methodum inuerti continget: tum quippe prætermisiss omnibus, properandum ut pituita accuratè abstergeatur. Tribus itaque hisce concurrentibus, postremum omnium maxime urgere solet, nisi forte (quod rarissimum est) vltu veniat, morbi magnitudinem aut læsæ functionis præstanciam plus negotij facessere. Omnem igitur eiusmodi curationem extraordinariam dicere solemus. Aliàs autem posterius curationem prioribus prodesse, aliàs obesse cõtingit. Prodest in his quæ nunc commemoravi: quibus enim præsidij posteriora, iisdem & priora tolluntur. Eodè quippe pituita medicamento potest è cerebro atque ventriculo expurgari. Expetenda omnino optabilisque curatio, qua omnibus eadem opera medeamur. Quòd si posterioris medicatio priori neque confert neque officit, non utique magna potest celeritate perfici, sed ferè longius produci- tur: tum nihilominus tamen urgentiori obstandum, aliis quoad fieri potest minimè neglectis. Quum verò urgentioris curatio ceteris prorsus obest, atque cõtraria exposcit remedia, dum illi vacamus, reliqua deteriora fieri est necesse, quorù dein aut difficilior aut certè longior sit futura methodica curatio. Hoc tamè optabilius est, quàm urgentioris ferocità & effrènatione affigi & prosterni egrotantis vires. Læsiõ etenim morte est tolerabilior. Qui methodum in omnibus

*Præpostera cu-
ratio & in-
versa.*

manibus nimium pertinaciter exquirat, pariter cum morbo plerumque hominem de medio tollit. Age verò donec usque pueritiam, quæ in ventriculum è cerebro fluxit, ita deum in venas intrudi, easque adeò obstruere vt bilem coërceat, hacque putrescente causum accendat: quis tam inconsideratus aut rudis sit, vt in perseverantem destillationem totus incumbat, neglecta febre quæ interim egrotum sit peremptura? Quis non potius properet in primis ardentem febrem tum vacatione tum refrigerantibus restinguere, etiam si quid in destillationem peccet aut etiam irriter? Eadem est atque etiam multo manifestior in ea pleuritide ratio, quam è capite ruens frigida destillatio, sensimque succingentem membranam subiens excitauit. Sæuiori quoque symptomati quod vires nimio opere cōuellat aut etiam prosternat, in primis diligenterque succurrendum, morbo etiam interdum prætermisso. Quanquam enim sublatum morbo protinus symptoma vaneſcit, quòd nusquam in corpore subsistat, si tamen nimium graue insensumque est, ne violentia aut pernicie iugulet, leniendum protinus, ipsaque methodus inuertenda. Atque ea quidem symptomatis sanatio est, non qua symptoma, sed qua aut offensarum virium, aut noui cuiusdam affectus causa existit. Nam vigiliæ, dolor excrucians, immodica omnis vacuatio, vacuandorum suppressio, prohibita transpiratio & vires debilitant & morbos ingenerant. Itaque virgente quouis symptomate quandiu virium robori fidimus, methodus quidem tenenda, nec contra artis præscriptum in ægrotantibus gratiam vni vacandum symptomati. At si iam vires labant, protinus symptomati occurrendum, morbo tantisper omisso, omnique ratione vires fulciendæ & reficiendæ, quò & morbo obſistere & toto curationis spatio satis esse possint. Sic igitur temperanda sunt omnia, vt neque laborans malorum sæuitia crudeliùs torqueatur, neque delicata mollique medicina quæ consanuisse videbantur recrudescant. Hactenus explicatum satis qua ratione vniuscuiusque affectus remedium peruestigetur, siue id simplex siue compositum, siue vnum siue multa: & quo hæc ordine congruenter & methodicè afferenda sint. Nunc remedij designanda quantitas.

*Sæuiori sympto-
mati oc-
currendum,
morbo inter-
dum præter-
misso.*

Vt remedii quantitas definienda sit. CAP. VII.

*Magnitudi-
nem morbi
quæ indicant.*

Aph. 3. lib. 3.

EXPVGNANDO morbo paria quodam modo oppo-
nenda adhibendaque sunt remedia. Vt tria erant ex
quibus medendi ars constituebatur, remedij genus, quan-
titas & vtendi ratio: ita tria sunt ex quibus illa nosse oportet,
affectus species, magnitudo & partis cui infidet conditio.
Ex affectus specie remedij genus innotescit, ex illius
magnitudine remedij quantitas, ex partis conditione vtendi
via & ratio peruestiganda. Affectus speciem ostendunt
propria ipsius signa quæ demonstratiua dicuntur. Magni-
tudinẽ verò, signorum symptomatumq; vis ac impetus, &
tum à pristino & naturali habitu, tum ab eo qui ante mor-
bum fuerat, recessus indicat. Hic autem ex laborantis na-
tura, ex ætate & consuetudine deprehenditur. Naturam di-
co non modò insitum temperamentum, sed & organorum
conformationem & situm, omnemq; insitam eorum con-
stitutionem. Consuetudo constat ex vitæ genere, ex supe-
riore victus ratione & ex anni tempore, cœli statu & regio-
ne in qua quis plurimùm versatus est. His si propria signa
accedant quæ alio loco prodita sunt à nobis, certũ indubi-
tatumq; euadet, quænam aut totius corporis aut partis af-
fectæ pristina fuerit constitutio. Ad hanc deinde si morbi
magnitudo symptomatũ vi percepta cõferatur, planè con-
stabit quãtũ morbus à pristino habitu recesserit, & quàm
valida decernenda sint remedia. Cognitus sit Dion ante
morbum calido siccòque temperamento, Theon verò fri-
gido atque humido: ambos perẽquẽ adoriatur febris ephē-
mera. Theoni qui à pristino habitu longiũ recessit, frigi-
diora remedia quàm Dioni decernenda sunt, grauius quip-
pe & periculosius ex Hippocratis sententia laborat, quòd
ipsum naturæ, ætati atque consuetudini minus cõsentaneus
sit morbus. Eadem ratione senex, qui iuxta ac iuuenis ta-
ctus iudicio febricitet, frigidiora tandem quàm iuuenis ex-
poscet auxilia, licet ad ea sensim veniendum esse hortetur
virium imbecillitas. Similiter quum pituitosum atq; bilio-
sum par causus inuadit, biliosus cognato morbo minus pe-
riclitatur, huicque leuiora medicamenta tum bilem pur-
gantia tum refrigerantia quàm pituitoso cõgruunt. In par-
tibus

tibus quoque si tendo pari atque caro vel humorum influxu vel vlcere tēatur, sicciōra quā caro remedia postulat. Et vt generatim complectar, aduersus omnem affectum præter naturam adhibendum eō vsque contrarium est remedium, dum in naturalem aut certē in pristinum habitum sit regressus. Id autem aliās semel & vniuersum fit, aliās ten-
sim ac paulatim. Remediū quod par morbo existit, quod-
que tanto recessu quanto & morbus à naturali distat, eum
quidem omnino & vniuersim eximit atque perfanat. Ete-
nim si quatuor numeris corpus incaluit, quicquid quatuor
quoque numeris frigidum, paribus viribus ei conuenienter
adiungetur, id quidem vehementer immutabit, paritē-
que tantundem ab eo vicissim immutabitur, dum mutua
amberum pugna mediocritas quædam emergat. Vt enim
si in aquam feruentissimam alterius gelidæ par modus in-
fundatur, permixtione tepor exurget: ita corporis sanguini
humoribusque valde calidis, si aut alimenta aut medica-
menta paribus viribus frigida, necdum ventriculi calore
prorsus obtusa accedunt, perfusione temperies inducetur.
Si quæ verò partes incaluerunt vehementius, eorum atta-
ctu adhæsiq; pristinam mediocritatem recipient. Ad hunc
modum humoris lenti & glutinosi adhesionē omnem de-
tergit medicamentum æquē validum, & vitiosū exuperan-
tiam vniuersam tollit medicamentum quod huic semel de-
trahendæ sit satis. At verò quod super infirmiusque mor-
bo est, hunc quidē minuit eaq; ratione iuuat, sed nec prorsus
tollit nec perfanat. Quod enim ordine secundo frigidū
fit, haudquaquam potest quarti ordinis calidum affectum
semel & vniuersimque eximere, sed eius tamen portionem ali-
quam delet detrahique. Nam licet ab affectu vehemen-
tiore id fortasse victum & quasi extinctum sit, ea tamen ve-
luti colluctatione aut sibi parem aut aliquanto minorem
alterius portionem sustulit. Curando igitur affectui con-
trarium remedium aliās quidem par, alias infirmius adhi-
bendum, his ferē legibus. Leuior affectus pari contra-
rio semel vniuersimque summoueri potest: quandoquidem
nullam id corpori viribus ve insignem vim infert. Extre-
mis quoque morbis extrema diligentissimè remedia au-
thore Hippocrate sunt adhibenda. Præcipientes enim sunt &

*Qui semel ac
vniuersim pa-
ri contrario
morbi prossi-
gandi.
Aph. 6. lib. 1.
Aph. 22.
lib. 3.*

*Qui lentè &
paulatim.*

Aph. 51. li. 2.

Tuta curatio.

acerimi, vt apoplexia, quique breui oppressuri sint vires & extincturi. In quibus etiam morbis materia turgescentiæque motu & instabilitate omnia conturbat, statim initio valentissimum medicamentum adferendum est. Præstat enim nonnullo virium dispendio morbum discutere, quàm sincere, vt ea materia principem aliquam partem obruat, & nullo subsidio vniuersæ vires mox collabantur & cōcidant. Mediocris autem affectus quoniam nec præceptum est nec periculosus, lentè paulatimque tutius eximitur. Non enim citra corporis offensionem, & magnam perturbationem iacturamque naturæ, vniuersum repente demoliri licet, quod in contrariorum validorum pari robore magna vi & viribusque iactura configatur, multoque magis si corporis aut partis affectus substantia rara aut eximio sensu prædita sit. Ita enim pronunciauit Hippocrates, vniuersum & repente vel vacuare vel replere, vel calfacere vel refrigerare, vel alio quouis modo corpus mouere periculosum: omne siquidè nimium naturæ inimicum: paulatim verò quod sit, tutum. Quum enim lentè id paulatimque fit, vtrique tum morbo tum naturæ consiliur: morbus siquidem abigitur, natura quàm minimum fieri potest offensa. Bisariam autem lentè paulatimque curationem fieri contingit, contrariis quæ aut pari aut inferiore sint recessus ordine. Nam & contraria paria si exigua quantitate adhibentur, & quæ inferiore sunt recessus ordine identidem repetita, morbum blandè sensimque eximunt. Quod enim ordine tertio frigidum est, si morbo paris ordinis applicetur quantitate modica, nō vniuersum potest semel repenteque discutere: at identidem sæpiusque repetitum potest. Atque hæc profectò tametsi copia non magis opere ledunt, tempore tamen qualitatis noxiæ labem corpori quandam inurunt, vt non admodum tutus sit eorū vsus. Non enim immodicum corporis calorem congruenter vel opio vel mandragora vel hyoscyamo, exigualicet portione repetita extingues: neque exuperantem humorem parua portione vel scammoni vel colocynthidis repetita vtiliter detrahes. Tutior altera est quæ lentè paulatimque fit curandi ratio, contrariis blandis & quæ inferiore sint ordine, sed aut repetitis aut interdum copia maiore adhibitis. Sensim quippe multoque ocio & tempore affectum

affectum omnem depellunt, nullo aut certè quàm minimo
 corporis & viriū dispendio, nec vlla qualitate noxia in cor-
 poris inducta. Ne tamen vique adeo imbecillæ & languidæ
 sint remediorum vires vt nihil ferè proficiat. Si quidẽ mor-
 bus vehementior illas plerumque sic aspernatur & conte-
 mnit, vt his vel iteratis nihil cedat. Sic verò blādæ sint vt ta-
 men aliquantum iuuent, ne remediorū blandimētis (quod
 sæpe fit) morbus exasperetur. Viribus imbecillis leuis len-
 taque curatio necessaria: ea quoque semper optanda, nisi
 morbus vehementior accelerare cogat. Tuta siquidem ea
 est ac iucunda, & quæ sat citò fit si fiat bene. Hac paulatim
 medendi lege si omnia recta ratione geruntur, neq; id suc-
 cedit quod ratio postulat, nō protinus, inquit Hippocrates,
 ad aliud est transeundum. Tamen enim manifesta utilitas
 necdum vlla sit secuta, & tardior sit remediorum euentus,
 de recta tamen medendi via decedendum non est. Imperi-
 ta stoliditas nihil ratum certūve obtinens, huc illuc per
 omne remedij genus oberrat. Dum tamen in eodẽ reme-
 diorū genere consistas, per varia & multa euagari licet, ne
 vni assuescēs natura eius vim non sentiat & aspernetur. Sed
 & plerumque remedium vni, non alteri confert, ob eas pro-
 prietates quæ sunt medicamenti cum corporibus commu-
 nes, & quæ sola experientia deprehendi possunt. Quod igitur
 permutatione utilissimū compertum fuerit, id sedulò v-
 surpandum, quod verò noxium protinus immutandum.
 Quæsitum sæpe dubitatumque est, possitne blandum ac le-
 ne remedium iteratū, id sensim præstare, quod validius se-
 mel & vniuersim, huiusque vehementia compescari crebri-
 tate & copia lenioris. Hoc sanè in iis remediis veritatem ha-
 bet, quæ nec genere nec agendi modo naturaque, sed ordi-
 ne solo distat. Nam plantago vel copia vel crebro vsu æquè
 refrigerare potest, atque semperuiuum semel aut parcius
 admotum. At verò non id efficit quod opium, quod huic
 vis inest narcotica: neque agaricus crebriore vsu id quod se-
 mel colocynthis, quod huic non illi vis inest trahendæ cras-
 sæ mucosæque pituitæ, idque è summis & extremis corpo-
 ris partibus. In omni porro siue repente siue paulatim sus-
 cepta curatione, sic administrari temperariq; remedia de-
 bent, vt neque morbi quicquam indiscussum maneat, neq;

*Multa cor-
 ria remedia
 ad vnum mor-
 bum abigen-
 dum commo-
 de usurpan-
 tur, generis ta-
 men eiusdem.*

contrarium morbi genus inducatur mediocritate transmissa. Id verò affectui in primis est arduum, vnaque remedij quantitas, omnium quæ in arte geruntur, maximè acriter iudicio decernenda.

*Partium indicationes quibus limitatius definitur
remedij quantitas. CAP. VIII.*

*Pro partu
tura & con
ditione medi
cine immuta
tur quantitas.*

REMEDIJ quantitas quam morbi magnitudo præscripsit, etiã pro partis affectus conditione augenda minuendave est: non enim omni æquè parti eadem congruere potest. Partis autem conditio æstimatur ex ipsius conformatione, positu, præstantia atque sensu. In conformatione considerandum quàm rara sit aut densa. In situ verò sitne in summo ea corpore constituta, an in alto demersa, quàm longè absit vel ab ore vel ab eo loco cui remedium imponitur. In præstantia spectandum parsne sit ex eorum numero quæ principes appellantur, & corpus vniuersum gubernant, cuiusmodi sunt cerebrum, cor & iecur: anne munus publicum habeat & toti corpori commune, vt pulmo, vt ventriculus, intestina, renes & vesica & quæ his subseruiunt venæ, arteriæ & nervi: aut an priuata sit, sibi duntaxat non aliis utilis. In sensu videndum hebesne is sit an acutus. Horum autem animaduersione remedij quantitas atque vis sic est immutanda. Pars densa & compacta, remedia exposcit validiora & attenuantia magis, quorum vis intrò subire possit, cuiusmodi sunt renes & iecur & quæcunque solida pars appellatur. Quæ verò substantia est rariore, vt lien, pulmo & musculorum caro, mitiora postulat. Affectus in corporis summo positus pari quodam modo remedio abigi potest: qui verò in alto corpore demersus latet, valentius & attenuantius flagitat: validiora quippe inflammato iecori quàm inflammato abdomini extrinsecus imponantur. Et ex assumptis vehementiora renibus quàm ventriculo debentur, quandoquidem in ventriculum illabuntur ea viribus integris: ad renes verò hebetiora & imbecilliora reddita, neque qualia assumpta sunt perueniunt. Longior quippe via est per viscera partesque multas directæ, in quibus remedia aliis permiscetur humoribus, nec leuem mutationem subeunt.

Substantia.

Situs.

subeunt. Quocirca longè actiora & vehementiora decernenda sunt, pro viâ longitudine & partium quas permeant numero. Præstantia porro idcirco mitiora exposcit remedia, ne vehementiorum appulsu & contagione facultas aue offendantur aut dissipetur ad vitæ conseruationem necessaria. Priuata verò pars & ignobilis vehementiora perfert, & quanta exposcit morbi magnitudo. Principi parti laboranti nullum adferendum est remedium quod immodicè vel relaxet vel refrigeret vel aliena & occulta qualitate sit prædium, sed id semper quadam corroborandi facultate polleat. Ob sentiendi quoque præstantiam neque oculus neque os ventriculi, vehementia actiæque medicamenta: hebetioris verò sensus partes & valida & actia medicamenta nullo incommodo sustinere ferreque possunt. Atque hæc quidem sunt omnia, quorum summa esse debet obseruatio, vt certa decernatur remediorum quantitas. Ex his enim & ex intellecta morbi magnitudine, sciri potest quàm validum remedium, quo gradu recessus & quo pondere conueniat, vt affectum semel vniuersæque demat: aut quoties & quousque ad mouendum sit, si lentè paulatimque id ars efficere præcipit. Semper autem pristini habitus memor, in eumque intentus, eousque curationem promoue, dum in eum factus sit regressus. Eò quippe redire consilium est, vnde morbus exordium duxit. Pristinum statum, licet vitiosum, qualem acceperis conserua, nec quandiu morbus fatigat, de eius in meliorem commutatione labores, nisi aut morbi causa sit aut eius curationi officiat. Sublato recentiore morbo recreatisque viribus, si quid demum vetustioris inesse deprehenderetur, id sensim ocioque multo, si videtur, demolendum. Nā quæ longo sunt tēpore cōtracta, lentè curare oportet: quæ breui, breuiter: vt creationis morbi atque curationis paria quodam modo sint temporū momenta. Quisquis remedij quantitatem arte consequi se posse diffidet, omnia sensim paulatimque gerat, dum æger sibi videatur restitutus & pristinas receperit vitæ functiones. Quæstionis huius magnitudine non pauci occupantur: polysine quis ex morbo, in pristinā & æquè atque antea salubrem statū redire. Validis hæc vtrinque rationibus agitur, sed quicquid in ea vel obscurū vel ambiguum est, explanatione adhibita

*Præstantia.**Sensus.**Quousque progrediendum in curando.**Aph. 7. li. 2.**Quæstio eius solutio.*

elucebit. Morbus sæpe repente emergit, cuius causa sensim radices egerat. Nam quicumque continentem causam intus habet, sensim multoq; tempore genitus est: ut licet fortasse continua febris repente hominem prehenderit, eius tamen causa, quæ humoris est vitium, multo antè tempore sensim inualefcebat, ob quam neque tum omnino & integrè sanū corpus erat. Quū igitur febris sublata causa perfectè sanatur, corpus non modò ad pristinum statum redit, verumetiam plerumque ad multo meliorem eo qui ante febrem fuerat. At verò fieri arte nulla potest, ut ad similem habitum redeat ei qui ante morbum & eius causam fuerat: aut si morbus sine cōtinente causa fuit, fieri nequit ut in pristinum statum regressus sit. Qui enim naturalis bonusque erat, ex morbo nonnihil immutatus est, parsq; affectione aliquid contraxit, cuius naturam aut diu aut perpetuò re-dolet, manetq; imbecillior: quod in grauioribus morbis luculentius apparet. Inuentum iam est affectus cuiusque remedium, eiusque designata quantitas: restat vtendi ratio, quæ cui parti, & qua forma, quoque tempore & hora id adhibendum sit, explicet.

Vtendi ratio. CAP. IX.

REMEDIORVM alia vacuant, alia duntaxat immutant vitiosumq; affectum depellunt. Remedia quæ solùm immutāt, siue externa siue interiora sint, affectu parti quàm proximè licet, adhibenda. Id autem partis affectu situs ostendit & sedes atque consensus. Nam si externa pars est, ei ipsi imponenda sunt quæ immutent, vitiosumq; affectum remoueant: ea quippe non nisi contagione quicquam efficiunt. Quum autem interior est affectus, eius sedes indicat remedia ei parti extrinsecus imponenda, quæ illi proxima è directo respondet. Quocirca ex anatome compertum sit oportet & notum, cui cutis regioni pars quæque interior subiecta subditave est. Quo modo verò intrò sumenda rectè exhibeantur, demonstrat partis consensus atque societas, & viæ in affectam partem ferentes atq; directæ. Quum enim cognitum perceptumque fuerit qua via ad partem affectam faciliior expeditiorq; transitus est, mox in promptu erit

ptu erit illac etiam intromittenda esse remedia. Sic cerebri
 affectus corrigunt & immutant auxilia, quæ capiti maxi-
 méque syncipiti & coronali commissuræ foris adhibentur,
 & quæ induntur in aures, quæque vel substantia vel suffitu
 per nares intrò lubeunt: iis verò quæ eduntur bibunturve,
 immutandi cerebri parua & admodum lenta vis inest. Pul-
 monum, laterum, thoracisque interiori vitio succurrunt,
 quæ foris pectori imponuntur, & quæ vaporis specie vna cū
 spiritu hauriuntur: & quæ lentim lambendo & deglutiendo
 illabuntur in arteriam, minimè verò quæ ore accepta in
 ventrem statim deuorantur. Ventriculū, iecur & lienem
 immutant & corrigunt, tum quæ admouentur tum quæ
 sumuntur conuenientia remedia. Intestinis superioribus
 potio clystere vtilior, inferioribus clyster portione cōueni-
 entior. Renibus & externa conueniunt & intrò sumpta &
 subdita vt clyster. Vesicæ atque vtero externa, immissa &
 assumpta. Vacuatio autem fiat per communes patentesq;
 vias, in quas natura commodè dirigit. Has verò ostendunt
 partis affectæ conformatio atque consensus. Conforma-
 tio quidem, vt quæ illius sit figura, quæ in ea aut circum eam
 spacia sint, in quæ excrementa sua deponit. Consensus, vt
 quas & ex quibus locis in se vias habeat pertinentes, quibus
 superuacanea suscipit, & quas aliò de se emittit, quibus illa
 depellit atque propulsat. Quum igitur vacuatio triplex ha-
 beat, vna absolūtè vocata, altera quæ reuulsio, tertia quæ
 deriuatio appellatur: simplex quidem & absoluta vacuatio
 eorum est, quæ citra motum vllum aut exagitationem pec-
 cant. Reuulsio eorum quæ ex quauis sede in partem aliquā
 impetu feruntur & influunt. Deriuatio eorum quæ partem
 obsident, ipsi quodam modo iam impacta. Itaque ventri-
 culum aut summa præcordia suis vitiiis vtiliter euacuat vo-
 mitio: intestina clyster: viscera atque mesenterium purga-
 tio: venas maiores venæ sectio: habitum corporis euapo-
 ratio aut sudorum eruptio. Ita igitur simplex sit euacuatio. *Simplex va-*
 Reuulsio verò ex humoris motu spectanda. Si enim cōstet
 ex qua parte in quam is incumbit, facillè sit reuulsione eum
 in contrariam partem retrahere, eiusque cursum inhibere.
 Sanguis vel quicuius humor cum sanguine per venas confer-
 tum in quamuis corporis partem supra clauas positam ir-

*Vacuatio tri-
 plex & unde
 quæque va-
 cuet.*

*Simplex va-
 cuatio.
 Reuulsio, &
 thoracis.*

ruens, reuelli debet, secta è regione cephalica cubiti vena. Influens autem è venis maioribus in aliquà earum partium quæ inter claues & renes sitæ sunt, reueliatur secta è regione basilica cubiti vena. Qui autè in eas partes decubìt, quæ inter renes & femora interiacent, sistitur, si quidem plethoricum corpus est, primum sectione interioris venæ, dein desaphenæ, idque è directo sedis affectu. At si minimè plethoricum corpus est, vna saphena aperta, satis reuellit. Aliorum humorum quocunque influentium, reuulsio etiam purgatione fit: præsertim si è iecore maioribusque venis, vel in totum corporis habitum, vel in caput, vel in pectoris sedes, vel in renes & vesicam vel in vterù aut crura proeumbant. E iecore aut è liene cursus præceps in aluum vomitione reuellitur, quemadmodum & vomitio deiectione. Deriuationis porro & genera & loca multo plura existunt, quæ vt apertiora sint sigillatim accuratiùs persequar. Cerebri humores quicunque partem priorem habent, per nares errhiois sunt deriuandi, qui partem summam per commissuras, qui partem imam apophlegmatismis per palatum, qui latera plerumque per aures, qui posteriora eius venæ sectione quæ puppis appellatur. Oculorum epiphora & lachrymæ deriuantur per coronalem commissuram: eorundem externa vitia collyriis eluuntur, interiora verò quæ è cerebro per opticos nervos fluxerunt, per occipitium vel commodiùs per id cauum quod pone radicem est infimæ auriculæ. Qui in auribus congesti sunt humores, per eas ipsas expurgantur: & qui circum fauces vel sectis venis quæ sub lingua extant, vt in angina, vel detergente & discutiente gargarismate. Pulmones, latera, interioraque pectoris vitia, vna excreatio purgat: quanquam interdum suppuratione aut abscessus pleuritidis, aperto latere foras deriuatur. Ventriculi pars summa, vomitione: ima, deiectione leuanda. Iecoris pars gibba per vrinas, pars caua quemadmodum & mesenterium & pancreas & intestina & lien totus, omnis denique intestinorum affectus per aluum expurgatur. Renes & vesica per vrinas: testes spermaticaq; vasa per parastatas: & vterus per suam ipsius ceruicem. Quæcunque aliter & per alia loca fit deriuatio, nec naturæ motu nec arte, sed humoris impetu fieri putetur. His quidem omnis

expo-

Deriuatio,
παραχρησ-
619.

exposita videtur remediorum adhibendorum ratio: nunc de eorundem formis.

Medicamenta qua forma, quo tempore conueniant. CAP. X.

VARIÆ multiplicesque medicamentorum formæ omnes duabus continentur, liquida & solida. Vtra autem sit utrumque ostendunt affectus species & partis affectæ natura atque situs. Pars affecta longius à remediis ab sistens, aut solida atque densa, liquidiorum medicamenti formam exoptulat, ut quæ altius ac promptius penetret omniaque subeat. Pars verò propior aut rarior, solidis etiã iuuari potest. Medicamenta autem quæcunque intrò sumuntur ut vel emolliant vel extenuent vel detergant vel dissoluant digerantque: & quæ foris admoventur ut vel eadem præstent vel dilatent vel relaxent, omnia quidem liquidiorum forma efficaciora sunt. Quæ verò vel repellunt vel attrahunt vel incraassant vel inferciunt vel astringunt atque densant vel corroborant, siue intus siue foris adhibenda sint, maiorem vim obtinent effectumque; promunt manifestiorem solida. Quæ medias quodammodo vires habent, ut pleraque detergentia aut emollientia, his media quoque forma, qualis vnguentorum est & eclegmatum, aptari accommodarique debet. Et hæc de remediorum forma, nunc de tempore.

In morbis curandis magni semper momenti est opportunitas. Affectus qui aliquantum protrahitur, vix nisi mutatis remediis sanescit. Simplex affectus qui leuioribus præfidiis tempestiuè non cessit, valentioribus profligandus. Quum autem diuersorum quadam remediorum serie curatio perficienda est, non nisi prioris effectu inducto, postèrius aggredimur. Non enim durum scirrhumque tumorem discutere conandum, antequam is planè attenuatus sit & emollitus. Neque erysipelatis humorem digerere priusquam id omnino deferbuerit. Frustra enim posterius tentatur, relicto priore. Ad hæc verò, qualis morborum per sua tempora, talis sit & remediorum mutatio. Fluxionis initio astringentia quæ hanc repellant sola ex usu sunt. In statu quum fluxio planè consistit digestentia: incremento verò utraque permista. Aut si fortè congesta materia digeri minimè

*Quo tempore
& ordine cu-
ratio peragen-
da.*

posse videatur, eius dein suppuratio procurāda. Et in febris cæterisq; partium morbis, primū quidem initio exuperantis materiæ portio vacuāda, reliqua dein naturę imitatione præparanda: quūque iam illius beneficio concocta aliquò propellitur, illac etiam protinus arte vacuanda ac prorsus extirpanda. Aut si fortè nullus vel certè languidus sit naturæ motus, artis præsidium eius vices tempestiuè suppleat: tunc enim medicamento locus est. Opportunè gerit omnia qui morborum temporibus omnique mutationi remedia accommodat. Naturam quippe adminiculantem habet qui progressum eius imitatur. Fœlix autem medicatio cui adiutrix natura succurrit: Irrita verò quæ citra naturæ opem tentatur. Sed & victus ratio præscribēda est ex morborum temporibus. Nam initio tenuis quodammodo est habendus, incremento tenuior, in statu tenuissimus. Quum enim sãuissima symptomata vigent & natura in morbi coctionem tota incumbit, aliò auertenda non est, neque plenioris cibi concoctione distrahenda. Et quo breuior futurus est morbus, hoc victus tenuior pro cuiusque temporis cõditione imperandus, quo verò longior, eo minus tenuis. Itaque sine clauo & remis nauigat, naufragium tandem factururus, qui nulla temporum obseruatione medicinam facit. Iam verò quum pleriq; morbi certis horis concitentur vehementiùs & exasperentur, neque vilius ferè sit eadem & perpetua æquabilitas, horarum quoque tum alen-

Qualis victus ratio quoque morbi tempo-
76.

Aph. II. li. I. do tum medendo habenda est summa ratio. In accessionibus (inquit Hippocrates) cibo abstinere oportet: nam adhibere noxium. Quum enim per circuitus irritantur morbi, natura his obsistens noua cibi coctione auocanda non est. Sed & ipsa concoctione suscitatus calor morbum plerumque grauiùs exasperat, quum etiam secunda valitudine non pauci dum cibis conficitur ingrauescant aut non parum agitentur. Huc adde, in ipsa morbi maximèque febris exandescencia, tetro vapore corpus vniuersum perfundi, eoque recens sumptum cibum labefactari & maxima ex parte corrumpi. Quò fit vt neque in accessione neque quum mox futura est, sed duntaxat quum eius est decessio seu inclinatio aut intermissio, cibis adhibendus sit. Medicamentorum autem extrinsecus ad mouendorū nulla

stata

stata hora, nisi quum ventriculū aut præcordia attingunt: hæc enim cibo præmitti debent. Quæcunque verò intrò sumuntur, expleta concoctione exinanitòque ventriculo iuant, nec antequam exciderint, cibi est offerendus, nisi quum fortè maligna qualitate prædita sunt. Hebetatur enim eorum vis & obruitur permissione cibi, neque longius potest syncerior ea prouehi, plerumque etiam permistum cibum corrumpit. At quum perniciofa qualitas medicamēto ut elleboro inest, ne eius contagione exinanitus ventriculus grauius offendatur, cibi reliquias inesse conducit, ut quæ illius vires non eximant, sed duntaxat exuperantem ferocitatem infranent. Neque præterea quum morbi accessio fatigat, vacuatione vlla conuellendæ sunt vires. Perutilis & accommodata est vacuationi hora quæ exacerbationem aliquantum præcedit. Tum enim cumulata materia exacui moueri quæ incipiens, promptius euellitur. Cautio tamen etiam atque etiam adhibenda, ne vacuatione immodica dissolutæ vires, succedentis exacerbationis impetum ægrius perferant.

*Medicina
quando as-
sumenda.*

His summas medendi leges perstrinxisse videor, quibus unicuique cognito perceptoque affectui, mox remedium eiusque quantitas & vtendi ratio præscribatur. Quod autem summam cōprehensum est, nunc particularim discutendum, & vnoquoque remedij genere proposito excutendum quæ id quantitate & qua ratione ac methodo, curādo morbo adhibendum sit: à vacuatione, quæ ferè omnium morborum communis est, inducto exordio.

METHODI MEDENDI LIBRI

PRIMI, FINIS.

METHODI MED- DENDI LIB. II.

DE VENÆ SECTIONE.

Quid euacuatio, quorū sint humorum vitia. CAP. I.



MEDDENDI methodo certis legibus stabilita, summa remedium genera, quæ vnicuique præter naturam simplici affectui ex aduerso opponuntur, eorū quantitatem, vrendique rationem summam attigimus. Nūc quod sit artis cognitio

visusque certior, particulatim in vnoquoque remedij genere accuratius versandum, & explicandum quæ cuiusque vis sit, quæ congruens quantitas, & quæ vrendi ratio. Quoniam autem cōtenta dum præter naturam existunt, quam plurimorum morborum interiores causæ sunt, quas in primis ars summouere præcipit, illorum euacuatio, vt maxime generale remediū, ceteris iure premitenda. Est quidem euacuatio eorū quæ præter naturā in corpore continentur expulsio. Cōtinentur autē spiritus, humores & excremēta. Excremēta sunt faex alui & vrina & quæ à partibus quibusdam vt à cerebro & à pulmonibus redduntur. Humores alij superuacui, alij propriè succi nuncupantur. Superuacui qui à sanguine vi naturæ secreti alendo corpori inutiles procul amandantur: vt pituita quæ in ventriculo & circum iarestina hæret, bilis flaua quæ in propria cysti, & melancholicus humor qui in liene est. Succī dicuntur qui in corporis substantiam conuerſi ipsūque alere solent: hoc genus ij sunt ex quibus sanguinis moles constituitur, & ij quos aliquando diximus secundarios appellari. Iam verò horum singula aliā, secundum naturam aliā præter naturam consistunt. Secundum naturam, quum decoram & consentaneam tum qualitatem tum quantitatem obtinent, conueniuntque naturæ legibus & integram sanitatem tuentur. Præter natu-

*Euacuatio
quid.*

ram, quum vel qualitatis vel quantitatis modum non tenent. Itaque quicquid horum à mediocritate & à iusto naturæ modo manifestè deficit, quia morbi causa existit, si emendari aliter non potest, protinus auferendum expellendumque est. Hæc autem illius expulsio, est euacuatio. *Vacuatiois differentia unde petenda.* Porro differentia ex contentorum tum vitio tum situ comparanda instituendaque sunt. Contentorum vitia sunt plethora & cacochymia, quæ hoc modo accipienda sunt. Venarum sanguis nequaquam simplex est & vniuersi modi, sed ex pituita, bilis vtriusque & puri sanguinis permixtione conflatus: atque hos etiam succos ex omnium consensione vsuque dicendi, sanguinis appellatione designamus. In homine bene temperato & optimè sano, minus est bilis flauæ quàm melancholicæ: minus huius quàm pituitæ, & pituitæ minus quàm sanguinis puri. Iusta illa & naturæ conueniens omnium humorum proportio, consentanea & naturalis est æquabilitas: atque is sanguis optimus & benignus censetur, qui ex quatuor succorum naturalium æquabilitate constat. Non sic quidem ut is parem habeat omnium portionem, sed pro ratione quam dixi cuique idoneam. Sanguis autem quantitate peccat, quum succi omnes in qualitatis mediocritate positi, supra iustam & naturæ conuenientem mensuram accumuluntur & increseunt. Tum sanè corporis vniuersa moles intumescit, & venæ supra modum plenæ tensionis sensum inuehūt, omniaque membra, præsertim ab exercitatione, exporrigi videntur. Hæc ista constitutio, tametsi bonis conferta est humoribus & vires obtinet robustas, hoc tamen malum circumgerit, quod ad immodicam peruenit redundantiam, quæ in grauius pericula præceps ferri solet. Siue autem in hac succorum omnium æquabilis est redundantia, siue syncerioris sanguinis summa vbertas & affluentia, quia purus ille sanguis reliquos in permixtione succos magnopere vincit, non qualitatis, sed quantitatis solius vitium subest, debet utraque plethora genere contineri. *Plethora prior & absolute plenitudo censetur, præterea ad vires relaxata.* Atque hæc simpliciter & absolute plenitudo censetur, quam etiam ad vasa iam trito & apud omnes peruulgato nomine celebrant, quoddam amplam vasorum capacitatem prorsus impleat, etiam si vires non premit. Alterum genus est plenitudinis quæ ad vires refertur, in qua tam-

- et si vasa nō tument nec copia distenduntur, plus tamen vitis sanguinis & alimenti continent, quā à natura regi gubernatūque possit. Mediocre alimentum sæpenumero infirmiori naturę molestum est & grave, quod licet per initia sit purissimum, diu tamen vix tale persistit: sed à nostri caloris gubernatione destitutum, tempore dierumque numero corrumpitur sitque morborum causa. *Cacochymia* est vitiositas seu vitiosa humoris qualitas, qua is à iusta mediocritate deiecit. Sub hac humorum perniciēs atq; corruptela corporis functionibus incōmodat, eiusque colluie corpus sordescit & labefactatur. Est autē ea bipartita, vna minor, quā vel superuacui humores immodicē accumulati sunt, vel succi in sanguine non illa iusta naturaliq; proportionē & concordia tenentur. Altera deterior quā vel superuacui humores vel succi tum primi tum secundarij à naturali & conuenienti sua temperatione in vitium prolepti sunt, quod aut substantiæ aut temperiei corruptio quædam est. Horum vtrumque rursū aut cum putredine aut citra putredinem obtingit. Latius verò patebit *cacochymia* appellatio, si excrementorum quoque vitia comprehendat.
- Contentorum vitia.* Contentorum porrò vitia quibus sedibus insint & vbi posita, nosse quidem maximē oportet antē quā vacuentur. Plenitudo quæ Græcis est *plethora* potissimum in venis atque in corporis habitu confedit: at *cacochymia* in omne corpus dispergi diffundique solet. Quò sit autem vacuandi ratio conspectior, corpus vniuersum in tres publicas regiones distribui partiriq; debet, quæ propriis limitibus & terminis circumscriptæ tum varia superuacuatorum receptacula tum vias expurgandi varias sortitæ sunt. Vna verèq; prima è gula in mediam iecoris partem dirigitur, in qua ventriculus, venæ melaraticę quæcunque ad portas concedunt, caua iecoris, lien & his interiectum pancreas includuntur.
- Secunda.* Altera è medio iocinere in tennes partium singularum venas excurrit, comprehendens iocineris conuexa, omnēque venam cauam atque illi comitem arteriam maiorem, & quicquid earum incidit inter axillas & inguina.
- Tertia.* Tertia regio musculos complectitur, membranas & ossa, omnem denique corporis molem, quæ ab ipso ingressu arteriarum venarumque minorum, in partes singulas & in summam

extimamq; cutem profertur. Magna profectò istarum regionum varietas, quum propriis sinibus ita circumscriptæ sint, vt inter eas communionis minimum intercedat. At multo maxima ex propriis cuiusque viribus: quum sint aliis aliæ coctiones, excremēta alia & viæ ad expurgandum aliæ: ex quorum animaduersione omnis ferè medendi ratio ducta deriuataque est. Præter communes ac publicas corporis regiones, extant haud paucae arctiores, excrementis etiam subiectæ, quæ nec latè dimanant nec in vniuersum corpus influunt. Hoc genus sunt cerebrum, pulmones, renes & vterus.

Euacuationum genera & differentia. CAP. II.

HINC rectè vacuationis differentia duæ statuuntur, vna vniuersalis, particularis altera. Vniuersalis est quæ communiter ab vniuerso corpore materiam subtrahit. Vniuersalis
vacuatio. Huiusmodi sunt sudor vel perspiratio, sanguinis profusio, vomitio & alui subductio. Harum siquidem quæcunque primum obtigerit, quanquam plurimum ac validè regionem vnā, cæteras tamen etiamnum consequutione quadam licet parciùs exinanit. Vomitio primum quidem ac maximum ventriculum, deinde si persistit viscera venasq; maiores, postremò corporis habitū. Alui deiectio primum & abundè intestina, ventriculum, viscera, primasq; venas, deinde venas maiores, postremò minores habitumque corporis. Sanguinis profusio primum venas exhaurit & arterias illis anastomosi coniunctas: exin corporis molē ipsaq; viscera, ad primas vsque venas progressa. Quæ per cutem fit dissipatio, proximè quidem è corporis habitu dissoluit, secundò è venis arteriisque grandioribus, ad postremum è visceribus & ex intima corporis regione. Particularis autem euacuat
Particularis. io partem duntaxat aliquampiam excrementorū one- re pressam leuat. Quo in genere est cerebri per palatum & nares expurgatio, excreatio, quæ pulmonum & pectoris vitia extulit, arenularum aut puris è renibus emictio, sanguinis ab utero aut hæmorrhoidibus profusio: hæc enim potidicem, illa vterum in primis, utraq; venam cauam expedit: quum alius balano vel clystere mouetur, aut ex quouis lo-

*Naturalis va-
cuatio.*

*Symptoma-
tica.*

Artificiosa.

co per cutem fit eruptio, particularis quoque vacuatio exi-
sit. Vnumquodque porrò vacuandi genus aliàs sponte a-
liàs arte fit. Sponte quum citra vllam medicationem quip-
piam è corpore effunditur. Id fit interdù natura duce, quæ
dum integrè valet nobisque rectè moderatur, quicquid vi-
tiosè se habet aut superfluit, id omne corpore excludit, èst-
que tum naturalis & opportuna euacuatio. Fit & interdum
præter naturam, quum imbecillior facultas, humores cor-
poris regere atque cohibere nequit, eosq; prorsum diffue-
re finit: aut licet robustior validiorque sit, interdum tamen
humoris copia vel acrimonia tantopere laceffit, vt hunc
è vasis receptaculisque suis proprio impetu foras exilire si-
nat. Vtraque symptomatica, irrita, præter naturam nullò-
que vsui est euacuatio, quòd benignus atq; salutaris humor
pariter cum pernicioso promiscuè, nullo delectu, nullisque
legibus prorumpat. Artificiosam euacuationem perhibe-
mus, quæ externi subsidij ope suscitatur. Ea rursum biparti-
tò scinditur. Vna legitima existit, quæ quod vel qualitate
vel quantitate negotium facessit, duntaxat exterminat. Al-
tera huic aduersatur extraordinaria, qua vilis & qui in nul-
lo vitio est humor exigitur: hæc medentium culpa vel insci-
tia decernitur, qui neque quod iustum neq; quod idoneum
est perspectum habent.

Euacuationem natura non externa ope, sed suis dunta-
xat viribus maximèque expultrice complet: medicus verò
variis subsidiorù generibus, quæ in ea comparat & accom-
modat. Profundendi sanguinis gratia venâ aperit aut scal-
pello aut hirudine aut medicamentis quæ ora venarum re-
lerent. Purgationem molitur medicamentis, quæ noxios
humores è corpore eliciunt, ac dein eos foras vel vomitio-
ne vel deiectione pellunt. Perspirationem verò atque sudo-
res, exercitatione, frictione, motu omni, æstu, balneis præ-
sertim nitrosis, sulphureis aut bituminosis & ex accidenti
inedia. Per hanc enim dum nihil offertur alimenti, insitus
calor humoris plurimum populatur atque dissipat. Multa
insuper attenuantia medicamenta tum foris adhibita tum
intrò sumpta, corpus per halitum pèrque sudores dige-
runt. In parietum quoque vacuationibus, cerebrum per na-
res expurgant erithina medicamenta, & per palatum apo-
phlegma-

phlegmatismi: pectus & pulmones expediunt, quæ bechica nuncupantur: renes & vesicam diuretica: vterum hystERICA: alium resoluunt balani & clysteres. Ex vnaquaq; demum particula eruptionem mouent, adhibita digerentia, suppuratoria, amyctica, caustica: itein hirudines, cornua, cucurbitulæ, scarificatio & ferrum candēs. Hęc igitur præsidia & tanquam instrumenta medici ad omnes omnium generum omniumque partium vacuationes sibi compararunt. Singulorum autem remediorum quæ hic generatim pertransui, tractationem iam iamque diligentius exequamur, à venæ sectione exoriri.

Quid & Unde Vena secta vacuet. CAP. III.

QUVM quatuor ex succis sanguis totus cõstet & cohereat, iisque tenui sero perfusus, omnes quidem caloris & concoctionis quæ in iecore perficitur efficientia, ita accuratè exquisitèque permixti sunt, vt nullus ne minimum quidem à cæteris disiunctus compareat. Incisa vena idque patentefatis foramine, continendi facultas nequit obliquis fibris tam arctè sanguinem continere ac inhibere, quin is aperta via excidat defluatque. Imò si fortè conetur auidius complecti atque suppressere, contractis venis hunc cyberius è vulnere profundet. Emanat autem, non quemadmodum in purgatione, seorsum hic illève humor, sed sanguis vniuersus, qualem in venis haberi commemorauimus. Atque tamen moderatus aut etiam paucus sit, motu tamen impetuque suo prorumpit, nihil aut minimum protrudente natura. Neque per morbos in quibus vitiosa est humorum constitutio, natura potest sic opus moderari, vt aperta vena id solum quod vel redundat vel vino contaminatum est effundat. In crisi (fateor:) nonnunquam infestum humorem concoctione præparatum ab aliis segregat, ac tandem per vias idoneas excludit: at nih.ominus si tum venam incidere contingat, per eam minimè possit tantulo tempore vitiatum humorem secernere atque ex gere. Quod Auicennas ait phlebotomiam bonum sanguinem rapere, malum verò intus relinquere, quodque metuit ne vena lecta ager vel ad biliosorum efferuescentiam vel ad pituitosorum cru-

*Promiscuè
quicquid in
sanguine boni
malisve continetur
vacuat
phlebotomia.*

ditatem perducatur: si de permistis venarum humoribus id protulit, falsissimum & inconsiderantia plenissimum est. Neque enim serum prius quam bilis, neque hec prius quam pituita vel melancholia, neque inutilis & deprauatus humor antequam integer & familiaris elabitur. Hoc & quotidianus rerum euentus dilucidè commonstrat. Dum enim sanguis effluit, simplex quidè & vniufmodi apparet. Exceptus deinde proprio dispendio calore mox totus concrefcit, eiusque partes omnes in suam quaque regionem cōtendunt. Serum per summa innatat, vrinæ haud absimile: bilis tenuis & florida concreti sanguinis pars fit suprema, melancholia subsidet, sanguis ruberior & pituita pallidior media tenent. Constans sit igitur præcisa vena omnes qui in venis conditi sunt humores æquabiliter vacuari. At verò vnde & quibus ex locis euacuatio fiat, quærendum. Quum profluens liquidusque sit sanguis, quisquis lecto loco vicinior affuit, primus quidè exilit, deinde qui illi iunctus cōtinuatūque est, deinceps verò totus non modò è venis & arteriis, verumetiam è visceribus & ex habitu corporis emanat. Est enim admirabilis quædam continuatio seriesque venarum, per quam sanguis sic totus transfunditur, vt patente via vniuersus plerumque cum anima excedat. Fit autè sanguinis per venas & arterias transmissio, dum toto corpore analogia quædam sit & æquabilitas: nam inanità & indigentes partes fibris oblongis trahunt è plenioribus, & pleniores illis subsidio veniunt, copiaque grauatè in vacuas illas onus suum deponunt. Adde quòd fufus & liquidus humor sponte sua decliniores inanesque regiones consequitur, in easque procumbit. Itaque venæ sectio quascunque venas depleuerit, vniuersum corpus euacuat. Hinc duplici illa nomine vniuersalis cēsetur, & quòd omnes humores ex quibus sanguis constituitur, & quòd ex vniuerso corpore detrahat. At certè non æquabiliter: quum enim partes ordine quodā constitutæ sint, prius ac magis è propinquis quàm è distantibus: quumque aliæ venæ in alias propagentur partes, celerius atque validius ab iis quæ è directo, quàm quæ ex transuerso positiæ sunt, hauriet. Hæc rerum nominumque explanatio præmittenda videbatur vacuandi præceptis, quæ deinceps traditurus sum.

Qua humorum vitia phlebotomia vacuet è Venis.

CAP. II. III.

HUMORVM qui aut peccant in venis aut ex his affatim defluunt, proprium accommodatumque remedium est venæ sectio. Illos quippe euacuat, hos reuellendo sistit. In primis autem de euacuatione, mox de reuulsione præcipiam. Humorvm qui in venis conduntur vitium, aut plethora aut cacochymia est. Plethoræ exuperantisque sanguinis vnicum ac proprium remedium est venæ sectio. Quumque sit plethora duplex, vna pura ex optimorum succorum pari quodammodo portione constans, altera impura cacochymia particeps, quæ vitiosorum est humorvm in venis redundantia, vtrique secta vena succurrit. Quum igitur musculi solidi atque distenti necnon venæ amplæ atque turgentes periculum minantur, protinus sectione venæ est opus. Hæc enim dolores ex tensione placat, corpus graui pondere leuatum erigit & quasi recreatum alacrius expeditiusque reddit ad omnis generis functiones: quin etiam insito calore liberalius ventilato, reſeratisque arctioribus viis & spiraculis, morbos arcet, quorum discrimen impendebat. Discrimen autem est vel ne distenta vasa dehiscant aut disrumpantur, vnde partium inflammationes obtingunt, & hæmorrhagiæ: vel ne oborta vniuersalis obstructio insitum calorem restinguat, stranguletque vires alioqui validas, vnde ardentissima febris aut repentina mors irruit. His vero malis neque purgatio neque exercitatio neque inedia tutò ac repète quemquam prohibere potest. Plethora pura sanguine tutissimè demitur. Impura verò non æquè tutò, quotamen ea simplici propinquior magisque affinis fuerit, hoc sanguis abundantius mittendus: parcius verò atque restrictius quo fuerit impurior. In iis igitur qui prauam constitutione sortiti, venas supra modum reſerſerunt, aut qui licet proba essent constitutione, vitiosis tamen se cibis impleuerunt, eoque solum eximendus sanguis est, dum plenitudinis pericula vitètur. Nam reliquæ impuritati purgatio deinde accommodatur. Calida autem biliosaque plenitudo omnium impurarum tutissimè vena secta tollitur: vt quæ non eam modò minuit, verum etiam refrigerat. Melancholica

*Plethora duplex.**Cōmoda phlebotomia, quæ plethora grauius est.*

plenitudo parcius id auxilij genus tolerat: non enim eoque calida existit vt refrigerationem postulet. Pituitosa omnium certè minimè: quum enim impense frigida sit, sanguinis missionem auerlatur, quæ magis cruditatem refrigerans ita conduplicat, vix vt vnquam concoqui emendarique possit. Sed & huic ferè comes virium imbecillitas largam vacationem minimè tolerat. Quocirca decernenda non est, nisi venæ supra modum confertæ graue periculum minentur: quumque necessitas exposcet non id semel & vniuerle, sed sensim ac partitè tentandum, ea ratione quâ post hac explicabimus. In omni igitur impura plenitudine à selecta vena suspicanda est vacuatio, sine qua vix tutò purgatio decernatur. Etenim medicamentum quod præsertim validius ut tum calore tum trahendi facultate, humores exagitant perturbansque plethoricum corpus, in grauius id discrimen adducit. In vniuersum autem plenis turgentibusque venis, si non prosit, obesse tamen non potest inoderata sanguinis missio. Iam verò altera plenitudo quæ ad vires referitur (hæc autem signis non faciliè agnoscipoteest) licet neque vasa diducere neque disrumpere neque ingentium calorem obruere possit, quoniam tamen imbecillas vires premit, nequa fortasse putredo aut humorum corruptela succedat, venæ sectione minui potest, quæ tantum relinquat, quantum natura faciliè gubernet. Sed & ea quoque quoniam nullius periculi præsentis metu vrget, aut victu parciori aut inedia vtiliter subtrahitur. De sanguinis humorumque corruptione aut putredine quæ in venis citra plenitudinem consistit, & quæ nuncupatur cacochymia, quam etiam nonnulli appellant plenitudinem ad vires, maior dubitandi occasio existit, num etiam possit commodè vena selecta demi. Simplicem venarum cacochymiam selecta vena minuere tutum est ac vtile, copiarum tamen ac virium ratione suscepta. Licet enim dum in hac vena secatur, omnes humores æquabiliter prodeant, & vna eademque ac antè reffet humorum proportio: quoniã tamen detracta oneris portione quo natura premebatur, vires nihilo imbecilliores, sed alacriores plerumque euadunt, quod reliquum est facilius ferunt, minorèque negotio domant atque conficiunt. Ita sanè per cōtinuas febres quæ humorum summa etiam

aum

plenitudo ad
vires an leuā
da vna secti-
one.

An cacochy-
mia sectione
venæ minuen-
da.

num cruditas & putredo in venis est, plerumque misso sanguine vrinæ quæ rubræ, crassæ ac turbidæ fuerant, mox puriores apparent, concoctionisque notas exhibent. Ita quidem ex artis principiis isthæc præcepta duci videntur atque stabiliri, vt in secanda vena perinde ac in diiudicandis litibus, facti quàm iuris quæstio sæpe sit obscurior. Exercitari igitur vnumquemque in his signis oportet, quæ tum plenitudinem tum vniuscuiusque humoris exuperantiam situmque demonstrant. Neque imperitorum more, si vel nares stillant sanguine vel vrinæ rubicundæ sese offerunt, protinus imperanda venæ sectio. Etenim facile sanguis prorumpit, non ex plenitudine solum, quodque eam vacuationem molietur natura, sed aliis compluribus ex causis. Quibus enim exesa sunt venarum oscula: quibus etiam viscera præsertimque iecur imbecillum vel scirrhum euasit, iis sæpe sanguis fluit è naribus, haud secus atque hydropicis. Quinetiam vrina rubescit cruentaque redditur in attritu calculi renum. Flauescit ex ictero simplici, ex scirrho hepatis atque venæ etiam ex ascite. Nemo tamen per hos affectus rectè venam secuerit. Itaque ex iis solum notis quæ vniuscuiusque humoris exuperantiam denunciant, venæ sectio tutò decerni potest. Hæc vna omnium humorum qui in venis maioribus conditi sunt vitio expeditè succurrit: eoque liberat si illinc non autem è malè affectis visceribus originem habet: tum enim (vt aliquando plenius exequemur) præstantior accommodatioque est purgatio. Ex his igitur constare potest quæ humorum vitia vena secta vacuet. Nunc vt è venis prorumpentes humores reuellendo sistat, exponendum.

*Catachymia
viscerum vitio
genita, sectione
vena non
emendatur.*

Reuulsio atque derivatio Et per Vena sectionem fiat.

CAP. V.

VNUM prorumpentis sanguinis remedium est reuulsio: idque siue foras vt è naribus aut ex vtero, siue in partem aliquam abcessum facturum illabitur. Est autem reuulsio illabentis humoris in contrarium tractus. Hoc quippe *ἀντίρροσσις*, nihil celerius fluxuosis impetus cohibere potest. Contra id est reuulsio, *ἡ ἀντίρροσσις*, quæ mathematicis sunt quæ varius & eiusdem rectæ lineæ ex

Cc 4

per' i'iv, seu
per' v'v' è di
recto.

trematenent, ad quæ qui sunt motus contrarij dicuntur, Medicis verò contraria quæ in eiusdem venæ recto processu, per quem humorum cursus est, quàm longissimè distant. Aperta porrò vena primùm quidē pars vulneri propinqua exinanitur, hæc dein è longinquis sanguinē prolucit. Quumque id rectarum fibrarū ope compleat (illas siquidem trahendo vt transuersas expellēdo natura destinauit) plus sanguinis & expeditius ab iis partibus, in quas fibræ diriguntur, quàm à cæteris eripiet. Imò etiam si nihil venæ trahant, humores tamē sponte recto fibrarum cursu defluent. Quicunque in dextris sunt, dextra consecretantur: qui in sinistris, sinistra: Laudanturque humorum cursus quicunque in directum feruntur: qui verò obliquè in transuersum, vitio dantur, tanquam violatæ naturæ & perturbationis indices. Nomine quidem contraria sunt, antè ponè, ad dextram ad læuam, sursum deorsum, intro foras. Cæterùm in humorum reuulsione, ne illa quidē cōtraria sunt, nisi & in fibrarum venarumque recto cursu collocentur. Pleuritidi dextræ nequaquam contrarium est latus sinistrum: at inflammato cruri dextro cōtrarium est sinistrum. Hic enim communis & directa venarum societas, per quam sinistrū crus incisum euocat è dextro: at è dextro latere nulla vena rectis fibris in sinistrum concedit. Proinde huius secta vena, dextram pleuritidem non adimit, sed noxium humorem vel inflammata parte linquit, vel puro sanguini permiscet, vel (quod frequentissimè accidit) sinistram pleuritidem inuehit. Quum itaque omne eò spectet consilium, vt à loco phlegmone occupato plus sanguinis ac celerius quàm à cæteris partibus hauriatur, vena præcidetur, quæ sit in directo situ partis affectæ. Sic enim & naturam cum ratione, & Hippocratem summum virum imitabimur, qui in pleuritide interiorem brachij venam secare iubet, ab eo latere quod dolore sit affectum. Neque verò solum in dextra pleuritide, verumetiam in iecoris inflammatione (cui tamen venæ omnes societate iunguntur) interiorem dextri cubiti tundit: qua non comparente, mediam secat: si nec ea se profert, ad humeralem cōfugere mauult, quàm ad interiorem sinistri brachij, tantam scilicet vim his attribuens, quæ sunt in directo situ. Itaq; reuulsio è directo euadens subsidiū celeri-

celeriter adfert, è transuerso nullum. Vena porrò ampla copiose, vicina validè atque celeriter trahit. Quum igitur magna vehemensque fiet inflammatio ex humore scilicet maligno cuius fluxio sit præceps, & locus in quem præcumbit nobilis eximiue sensus, ampla vena finitimo loco secanda, vt quæ plus, celerius atque potentiùs ab affecta sede vacuet. Sin verò affectus mitior est, angusta vena eligenda, eaque distantiore loco, vt minus, tardiùs & ignauius euacuet. Eiusmodi reuulsio omnis præterquàm quòd fluxionem sistit, ab affecta quoque parte prius putrem & inquinatum sanguinem, quàm ex reliquo corpore benignum atque syncerum detrahit. Neque tum metus vlli sit nouæ fluxionis proritandæ. Quum enim pars laborans magis quàm cæteræ exinanita fuerit, si ad penuriam vsq; deductum sit, vix denuo alia humorum fluxione conflictabitur, nisi fortè nouo peccetur viuendi errore. Distantes enim indigentia auida, proprium sanguinem elabi non sinent: nec pars affecta (nisi dolor aut calor restet vehemens) ab illis quicquàm eripiet, vt quæ sit imbecilla, nec multo egens alimento. Malè igitur Arabum dogmate censetur, præcisam in pleuritide eiusdem lateris venam fluxionis impetum augere, ac proinde quum ingens est plenitudo, ne fluxio geminetur, copiam primùm vel ex inferiore pedis vena subtrahendam: deinde ex aduersi cubiti interiore reuellendum, postremò reliquias ex eodem latere deriuandas. Quid hoc quæso consilij & prudentiæ, ægrum toties torquere, quem semel possis malo redimere? Profusus ad indigentiam ex laborante latere sanguis, copiam è fonte plenissimo haurit, simulque phlegmone obsessam partem releuat, nullum metum afferens nouæ fluxionis. At ex aliis venis quæ è directo nō sunt, vnā copiam imminuit, ne quicquam tamè deprauati elicit, neque oppressæ parti leuamento est: aut cerè putris humor è parte motus, puro venarum sanguini permiscetur, redditurque malum quod corrigendum fuerat pristino deterius. Quum autem è directo secatur, vacuat, reuellit atque deriuat. Vt fluxio lenta atque diuturna tutiùs è distantissimis reuellitur, ita & quæ futura est arcetur: sic enim in tractum nouæ viæ longiorem conuersa, sensim à pristino citra virium offensionem desciscit. Deriuatio est humoris illapfi

De vena sectione falsum dogma Arabum.

πρὸς ἐκτεν-
σις deriuatio.

tractus in vicinum latus. Fit autem aperta ea vena quæ in affectam partem inseritur. Per quam ea modò alimentum capessit, modò noxium humorem influentē excipit. Quocirca quum in ecto scalpello ea vena præciditur, pars multitudine defessa illac onus suum abiicit. Opportunè autem deriuatio aministrabitur, quum reuulsione præmissa fluxionis impetus & ardor iam reledit, neq; denuò recentis & inopinati suspicio est: simulque humor adhuc liquidus est in parte, è qua remeare potis est. Si verò vsque adeo infarctum esse parui coniectura est, vt omni fluendi remeandique habilitate sit orbatus (quod in diuturnis inueteratisq; inflammationibus frequens est, in quibus scirrhusæ quædam reliquæ inhærent) nulla vtiq; deriuatio venæ sectione, sed fomentis & emplastris mollientibus digerentibusq; tentanda. Quibus etiā si humor dissolui dissipariq; nō potest, neq; locus est insignis neq; dolor vehementer viget, pars affecta incidetur ac deducetur, maximè verò si humor perniciæ atque contagione vicinas sedes inquinauit. Id quanquā deriuatio propriè verèque dici non potest, illi tamen quasi vicaria succedit. Hactenus de venæ sectione generatim traditū sit, quæ interiorem morborū causam in vasis conditā euacuat vel effluentem reuellit: deinceps enumerandi affectus singuli quibus illa debeat accommodari.

Singulorum morborum, quibus vel presentibus vel futuris secta. Venæ succurrit, enumeratio. CAP. VI.

MORBOS quos vel sanguinis vberitas vel eruptio progeniuit, præsentis quidem sanat venæ sectio, impendentes arcet. Eius generis maximè sunt: synochus febris tū ea quæ citra putredinem ex sanguine effervescente tum quæ ex putrescente eo accenditur, omnisque continua, cuius putredo in vasis maioribus condita est. In partium autem affectibus numeratur, phrenitis, ophthalmia, parotis, angina, pleuritis, peripneumonia, hepatitis, splenitis, nephritis, vteri pudendorum, inguinū, alarū, brachiorū, crurum, articularum, omnium denique tum interiorum tum exteriorum partium inflammationes, dictæ Græcis phlegmonæ. Fiunt enim dum aperta, rupta vel exesa vena dilapsus

lapsus sanguis in partem abscedit, abundantiorque congestus tumorem parit. His proximè accedunt spurum sanguinis, incipiensque tabes, sanguinis vomitio & quæ è naribus, ex utero vel ex hæmorrhoidæ plenior sit eruptio. Horum initio vena opposito loco tusa fluxionis impetum sistit, reuulsionisque vi non nihil ex affecta parte reuocat. Ea igitur legitimum ac proprium his remedium est, qui ex boni sanguinis plenitudine ortus sui primordia acceperunt. Qui verò ex impura plenitudine emerferunt, quia his plurimum cognati sunt, vena quoque secta curari desiderant, quòd eorum materia, etiam si impura sit, in vasis tamen condita est, vel ab his emanat. Deinde carbunculus, furunculus, scabies humidior, omnisque rubor per corporis summa efflorescens & quicumque ad istorum naturam conditionemque accedunt. His ergo præsentibus venæ sectione medemur. Sic igitur caulus, omnisque continua febris curanda, cuius putredo in vasis maioribus coërcetur. Nam & interdum circa ventriculū maximèque os ipsius & iocinoris partes simas coaceruatus humor, exardescens febrem parit continuam, quam ut & eius causam non possit phlebotomia tollere. Intermitteus verò quæ pura sit, siue tertianarum siue quartanarum aut quotidianarum genere continetur, quòd eius proxima materia propriusque fomes non in vasis sit maioribus, neque ex his prorumpat, venæ sectione haudquaquam rectè curatur. At nihilominus in his interdum sanguis convenienter mittitur, quum aut venæ immoderata copia turgescunt, plethoræque pericula impendent, aut incalescentis sanguinis symptoma quoddam acrius vrget: ut pulsans capitis dolor, corporis iactatio, estus penè suffocans: quanquam & hæc plerumque obrepunt ex bile circū præcordia effervescente. At ne sic quidem venæ sectio aut febrem aut causam eius tollit, sed duntaxat symptomatum tum præsentium tum impendentium sæuitiam compescit. Ex partium quoque affectibus, capitis & aurium pulsans dolor, lethargus, vertigo, apoplexia quædam & epilepsia, acris mordaxque fluxio, cordis quædam palpitatio. Quinetiam impendentibus illis consuetis aut anniuersariis, quum iam plenitudo causæque subesse deprehenditur, anteuertendum occurrendumque est sectione venæ, quado-

Dubitatio
eius solutio.

quidem præsentium atque futurorum vna communis que est ratio medendi: & quæcunque morbis præsentibus rectè peraguntur, eadem sunt aut incipientibus aut imminenti-
bus illis præmittenda. Sed & citra plenitudinem, atq; etiam in penuria interdum vena inciditur, quum euidentes causæ vt contusio, dolor vel ardor fluxionem proritant, quæ partis alicuius phlegmonem minatur: quod etiam non præsentis, sed incipientis aut imminētis morbi magnitudine atq; metu fit. Hoc loco dubitatio existit non parum controuersa, vtri magis ex vsu sit venæ sectio, præsentine morbo an imminenti. Quæ sic tamen explicari potest. Quum maxima & præceps est plenitudo, necdum morbus vllus genitus est, nullo virium dispendio sanguis abundè educi potest, vt qui copia & pondere naturæ grauis erat: protinus enim laborans discrimen effugit morbi imminētis, securusq; red dicitur. Quum verò morbus iam est genitus, vires præsentia eius attenuatæ, vix queunt citra detrimentum iustam sanguinis effusionem sustinere. Hinc Hippocrates ex more insilientes vel imminentes morbos iubet anteuertere sanguinis missione, non illorum incursum appulsūque expectare. Hac ratione in ephemera ex obstructione, in synocho simplici, sanguis copiosè trahitur antequam materia putrescat. Quocirca tutius imminente quàm præsentē morbo sanguis profunditur: ac vtilius est futurum prospicere atq; præcauere, quàm prorogare, vt insilientem defixumq; profligemus. Nam ægrius euicitur quàm nō admittitur hospes. Cæterum quum morbus iam grauitè hominem exercet, maiore necessitate remedium expostulat, quàm quum nondum inuasit. Quocirca genito quàm impendenti morbo necessaria magis est venæ sectio, quòd geniti sæuitia, maiore nos necessitate impellit & vrget, quàm futuri metus. Itaque præsentī necessitas, imminētī vtilitas ac securitas inest.

Quæ Vena in quouis affectu secanda. CAP. VII.

PLENITUDO cui nulli^o partis affectio afficit, qualibet ex vena citra delectum detrahitur, commodissimè tamen vsuque maximo ex interiore cubiti dextri, quæ à caua plurimum & à iecore validissimè prolicet. Plenitudo bilio-
sa,

sa, ex dextri quoque, melancholica ex sinistri cubiti interiore vena: ita enim efflagitat lienis situs. Quæ verò ex crudorum colluue suborta fuerit, ex utroque cubito peraq̃ demipotes. Eadem prorsus lex & in febrium curatione obseruanda. Quapropter synochus tum simplex tum putrida, venam interiorem cubiti dextri præcidi postulat: perinde vt febris ardens & pestilens simplex, itemq̃ tertiana & quotidiana continua. Quartana verò quæ continenter affligit, interiorem poscit sinistri brachij. Eadem propemodum ratione in puris intermittentibus secanda vena deligetur, si quando aut plethora aut symptomatum sæuitia hanc aperire postulet. Ex partibus quæ supra clauiculas sunt, perspicuè reuellit & vacuat incisa vena humeraria, celerius validiusq̃ in cubito, tardius verò & segnius in eo manus ramo qui inter pollicem & indicem excurrit. Ex his verò quæ inter clauiculas & renes positæ sunt, reuellit secta interior celerius & maiore vi in cubito, tardius verò & segnius in manus ramo qui inter annularem & minimum digitum porrigitur. Ex utrisque reuellit vena media, siquidem ex communibus illa humerariæ & interioris ramis coagmentata conflataq̃ est. Nam plerumque aut latet altius inuoluta, aut alterius duntaxat soboles est. Subter renes in quacunque parte inhærescet affectus, secta poplitis vena maiore tum impetu tum celeritate reuellitur, lentius verò & infirmius secta in malleolo saphena. Renes ancipites sunt, medij inter superiora inferioraq̃ interiecti. Situm definitio non ex partis ordine, sed ex ortu & productione venarum, quæ in partem emittitur. Itaque phlegmone quæ rectos abdominis musculos supra vmbilicum inuaserit, retrahetur aperta inferiore vena. Quæ verò colum intestinum prehenderit, quamuis subter renes sit, reuelletur secta interiore cubiti: ita enim venarum origines deriuationesq̃ commonstrant. Hinc singulas vniuscuiusque partis affectiones persequamur. Capitis ex plenitudine affectus tum interiores tum *Capitis affectibus quæ vena* externos, siue etiam nunc initium faciant siue magnitudinem summam impleuerint, reuellit secta cubiti humeraria; *na secanda.* dextros quidem dextra, sinistros sinistra. At si segnius & ignauius id agendum erit, vt quum anteuertere ac futuros præcauere consilium est, secabitur quæ directo inter polli-

cem indicemq; manus cōtendit, nisi fortasse aliunde quā ex humeraria ducat originem. Eos porrò deriuant scapulorum atque humerorum scarificatus, iniecta quæ cucurbitulæ, & sanguis profusus è naribus, quemadmodum etiam phrenitidas, deliria & apoplexias. Vertigines verò quæ capitis vitio enatæ sunt, deriuantur præcitis quæ ponè aures sunt arteriis: perinde atque inueterati capitis dolores calidi spiritusque pleni. Qui dolores priora capitis obfederunt, deriuantur aperta frontis vena: qui verò occiput & posteriora tenent, cucurbitulis ceruici humerisque adhibitis aut incisa vena puppis. Oculorum inflammationes & acres lachrymæ, primùm secta eiusdem lateris humeraria, deinde humerorum ceruicisq; cucurbitulis retrahuntur inhibenturq;: deriuantur autem incisa vena quæ in alterutrum fertur angulū. Auribus inflammatis & parotidibus post humerariam secetur vena sub aure. Gingivarum, maxillarum & dentium calidiores affectus, post humerariam earum quæ sub labiis extant sectionem desiderant: vt angina earū quæ sub lingua cernuntur. Pulmonum inflammationem reuellit pariterque deriuat interior cubiti sinistri potius quā dextri: quandoquidem pulmonum venæ ex dextro cordis sinu prodeunt, hic autem in sinistrum parietem venæ caue inferitur, qui per alam sinistrā in cubitum excurrit. Eadem sanguini qui tussiendo reiicitur, tabi, cordis palpitationi, aliisque eorum vitiis succurrit. Pleuritidum interiorum externarum, itemque pectoris, diaphragmatis inflammationibus & vlceribus sanguinem sputo fundentibus, interior eodem latere secta reuellendo deriuandoq; confert. Inflammationes quæ vel axillas vel humeros malè habent, nisi ad brachij flexum pertingant, eandem curandi rationem subeunt: quum autem eo peruenietur, quoniam partē inflammatione obfessam sectione proritare tutum non est, manus è directo aperienda est vena. Iecore inflammato grauiterve oppresso, interior dextra cæditur: at verò malè affecto lieni succurrit interior sinistra, in cubito quid è validius, in manu languidius. Deriuatio è liene, non vt quibusdam videtur in hæmorrhoidas, sed in aluum fit: & è cauis quoque iccoris in aluum, è gibbis verò in vrinas. Recens renum inflammatio, quam copia sanguinis comitatur in venis, ex

Pulmonis inflammatione qua vena aperienda.

interiore

interiore cubiti reuelltur, dextri quidē si ren dexter, sinistri, si sinister affligitur. Cū verò nō immodica plenitudo premit, tutius validūque ex inferioribus quæ ē directo sunt, vel in poplite vel in malleolis. Per vteri affectus si menses præter modū emanant, vena cubiti interior impetum coërebit, sursumque retrahet, quemadmodum & cucurbitulæ subter mammæ, vel etiam vmbilico infixæ. Suppressos autem menses vena in poplite aut malleolo instanti purgationis tēpore casā mouet: nam sanguinis impetu deorsum conuerso, venæ quæ in vterum pertinent resignantur. At si qua inflammatio subest, per initia sursum retrahetur, idque directō illinc quippe tanquam ē fonte plenior fluxio irruerat. Nec est quod inde mensium suppressionem vereare: si modò quā mōx venam in poplite aut in malleolū directam ferire iubeas, quæ illorum euacuationi deriuationiq; paratum & expeditum est præsidium. At si quis temerē hoc ab initio experiatur & attenter, fluxionis impetū plegmonemque augebit. Reuulsio enim quæ fit secta interiore cubiti vena, quia iecur fontem ipsum ē quo fluxionis exordium est exhaurit, vniuersalis censetur: quæ verò ex venis inferioribus fit, particularis, neq; fontem primariō euacuat. Quū itaque vniuersalia particularibus sint præmittenda, inflammationes quæ subter renes incurrent, primū reuellendæ sunt præcisā interiore cubiti vena directā, deinde resectis inferioribus, quæ aliquam etiam reuellendi vim obtinent: has tamen tutum minimē sit primas ferire, maximē si ingens est vasorum plenitudo, fluxionisque incurso vehemens. Profluens affatim hæmorrhoidas secta in cubito vena supprimit: suppressas diducit & euocat secta in malleolo. At si qua inflammatio vel podicem vel partes obscenas vel vesicam vel alterutrum inguen infestabit, modò non venenatæ cuiusdam pernociæ particeps ea sit, ex superioribus cubiti venis multitudo sum mouenda in hibendaque fluxio: secundum quam ex inferioribus, si magna premet necessitas, particularis reuulsio deriuatioq; fiet. Similis est eorum inflammationum ratio: quoties enim ingens inest plenitudo effrenataque fluxionis vis & incurso, ex cubito sanguis primū, mox ex crure vel pede funderetur. Sin leuior exister inflammatio, neq; plenitudo extra modum increuerit, lu-

*Vtero affecto
vena quæ se-
canda.*

*Partibus in-
fra venter ali-
secta quæ in-
canda vena.*

*Ad arcendam
plenitudinem
venæ quæ se-
canda.*

periorum venarum sectionibus prætermis-
sis, satis superq;
erunt quæ ex inferis obeuntur. Hæc igitur venæ in factis aut
incipientibus morbis incidendæ. Caterû qui ex præsentî ple-
nitudine futuri morbi metuuntur, sanguinis detractione ar-
cedi sunt & prævertendi. Ac si plenitudo ex suppressis mensi-
bus coagmētata est, quilibet morbus impēdebit, cōgruen-
ter propulsabitur inferarû sectione, quæ dum vacuant, men-
ses pariter exiunt, ipsamq; mali causam exterminant. Vbi
verò ex longa consuetudine fluentes hæmorrhoides cohi-
bentur, plenitudinem quæ inuehunt, si quidem has euocare
consilium est, ex inferioribus plenitudo haurietur: sin illas
obscure ægrotus requirat, neque velit posthac illis obno-
xius haberi, plenitudo ex superioribus erit detrahenda. Quæ-
cunq; autē aliis ex causis nata plenitudo morbos minitatur,
eos inhibebit secta iecoraria in flexu cubiti dextri. Pars cu-
ius vasa facilè diducuntur vel rumpuntur, aut illabentem
fluxionem promptè excipit, exinanienda est nō per venam
finitimam, quum nihil morbi adhuc genitum sit, sed per ve-
nam quàm longissimè è directo disunctā, quæ & futuram
fluxionem inhibeat, & eius solitum impetum in diuersam
regionem incitet.

*Quid spontanea sanguinis eruptio conferat in
morbis. CAP. VIII.*

SANGVIS è naribus, ex hæmorrhoidē atque ex vtero
plerunq; sponte prorumpit: ex ore verò modò tussi
modò vomitione: at ex alia corporis parte perquam rarò,
nec nisi contra naturam. Quocunq; ex loco lentè parce-
que sanguis etiam secundum naturam emanat, inutilis ha-
bendus: neque enim morbum soluit neque conuenientem
vacuationem dehortatur, quā præsertim morbi vehemen-
tia maturare cogit. Qui verò affatim copiosèque profluit
tum in grauantē plethora tum in synocha febre vtilis, vt
quam decretorio die plerumque fiat. Quum enim vniuer-
sale malum omnes per æquē tum venas occupet, vnde cu-
que obtingat sanguinis imminutio, grauitatis plenitudinē
que symptomata cedunt. At in causo atque in omni conti-
nua per quam humores alij in maioribus vasis putrescunt,
sanguis

sanguis etiam copiosè & affatim profiliens non æquè confert. E naribus enim qui excurrit, licet vigilias, deliria, capitis dolorem aliq; symptomata demulceat, vix tamen propriam morbi essentiam atq; radicem euellit, nisi fortè immoderatio succedat profusio, summa vitium dissolutione, quæ tamen nusquam videtur optanda. Vitiosus enim sanguis per nares postremus elabitur, nec nisi quum vtilioris magna vis erit effusa. In his igitur febribus tametsi nares multo stillent sanguine, vena tamen cubiti secanda: quandoquidem sæpe deprehensus est è naribus tum colore tum substantia laudabilis, quum ex cubito impurus sordidusque detrahitur. At verò qui per hos morbos ex hæmorrhoidè aut vtero affatim & copiosè exit, quòd proximè è vena cava lumborum decedat, multo quidem vtilior habendus: sed plerumque nec ipsam febris radicem extirpat, quæ in venis est cordi proximis. Hinc sæpe profluentibus mensibus, atque etiam in puerperis quæ ritè purgantur, ob febris ardorem sanguis (licet parcius) è cubito demèdus. Eadem quoque ac etiam euidentior est interdum ratio mittendi sanguinis è cubito, profuente hæmorrhoidè. Iam verò partium phlegmonæ aliq; affectus qui supra iecur & diaphragma consistunt, nihil aut minimum mitescunt sanguine ex vtero aut ex hæmorrhoidè profuso: nec qui inferiores sedes obsident, eo profuente è naribus: quemadmodum nec è nare dextra emanàs affectus tollit sinistros, nec è sinistra dextros. Itaq; sanguis sponte at nò ex ratione profluēs, non eam dehortatur venę sectionem quam ratio vsusque postulat. Morbis autè curandis venę sectio aut per se aut ex acciderè confert: per se aut vacuat aut reuellit, ex accidente verò modò refrigerat, quum calidiorem sanguinem educit, modò obstructions expedit, sed eas duntaxat quę ex multitudine contractę fuerant. His autem affectibus semper adhibenda est, quibus per se, non semper verò iis quibus ex accidente medetur. Etenim iecoris calidiorem intemperiem emendare emissionè sanguinis quum eius est penuria, minimè tutum sit: sed eorum tutior vsus quæ per se refrigerat & proprium sunt intemperiei remedium. Dicti iam sunt affectus omnes quibus remedio est venę sectio: nunc est fundendi sanguinis præfinienda quantitas.

Sanguis sponte fluens phlegmoniam si eam morbus exigat nò dehortatur.

Quibus signis morbi magnitudo & virium robur comprehendantur: pro quorum indicatione mittere aut non mittere sanguinem oporteat. CAP. IX.

*Magnitudo
morbi unde
estimanda.*

CVICIVNOVE affectui conuenit venæ sectio, ei pro-
tinus adhibenda si magnus is est virēsque cōsentiant.
Leuis autem vsque adeo interdum affectus est, vt vel spon-
te nullo artis subsidio breui sanescat. Atque interdum li-
cet magnus sit, vires tamen imbecilliores apparent quā
quæ vllam vacationem sustineant: vt quæ ferè omnem il-
larum substantiam conuellat, quarum seruandarum gra-
tia curatio instituitur. Itaque vt accuratè & ad vnguem præ-
scribatur in quibus morbis & quantum demendum sit san-
guinis, prorsus æstimandum quā magnus morbus sit,
quāque validæ sint vires. Morbus autem siue factus o-
mnino, siue incipiens siue impendens, magnus dicitur aut
ex se aut ex sua continente causā quæ in humoribus confi-
sit, aut ex symptomatis cuiusdam læuitia. Ac primū quid-
dem magnus vehemensque intelligitur ex suo genere:
nam cuiuscunque partis sit phlegmone, grauior deteriōr-
que censetur quā simplex eiusdem intemperies. Deinde
ex partis vsu atque præstantia, si ex principum partium est
ordine, vt cor, vt cerebrum & iecur: aut si contrā inter
partes abiectas & ignobiles censetur. Præterea ex istarum
situ: nam aliæ principibus affinitate iunguntur, vt pulmo-
nes, latera, ventriculus & lien: aliæ verò longiore interual-
lo disiunctæ sunt, vt intestina, renes, vesica, artus, aliæ quæ
in extremis corporis positæ. Ex ipso denique partis sensu,
qui aut acer acutusque est aut hebes. At causæ magnitudo
ex humoris qui in affecta sede congestus est & continens
sit morbi materia, conditione & natura spectatur: quod
nempe benignus sit vel vitiosus, vel putridus, vel pernicio-
sa qualitate contaminatus, isque aut multus aut paucus. Hic
enim quicquid perniciosum est & malignum, magnum
etiam nuncupare consueuimus. Ex vasorum etiam & vis-
cerum toriusque corporis plenitudine vel exinanitione,
antecedentis causæ magnitudo deprehenditur: itemque ex
humorum inibi conceptorum puritate aut vitio. Sympto-
matis magnitudinem ex vehementia aut remissione co-

rum

tum quæ incidunt metimur, nempe doloris, sitis, languen-
tis appetentiæ, vigiliarum & cæterorum quæ vires immi-
nuunt & attenuant. Itaque si praua quædam morbi species
velut inflammatio, iecur, cerebrum vel partes cordi vici-
nas atque connexas occupauerit, cuius vis latè se fundat,
sitque humor putridus & venenatus, quali & corporis vasa
conferta appareant, adeò vt inde magna excitetur corpo-
ris agitatio, mala appetentia, sitis, dolor acerbus & vigiliæ:
hunc profectò in maximorum grauissimorumq; morborum
numero repõnemus, cui & maxima congruit euacuatio. In
quo autem morbo diuersa comparent omnia, is certè pro
leuissimo minimoque ducendus est, & qui fortasse nullius
vacuationis indigeat. Inter hos nõ pauci interieci sunt me-
di j ordines, qui pro maioris minorisque ratione, aut abun-
dè aut parcè vacuandum denunciant. Nunc ad virium esti-
mationem transferatur oratio. Facultatum viriumq; cor-
poris alia partibus singulis ingeneratæ sunt & insitæ, alia
communes & influentes. Insitarum atque innaticali diuina
eandemque haberi essentiam, eamque naturam appellari,
& ex innato spiritu & humido primigenio consisti, cui so-
lida partium substantia tanquam materia subternatur, alias
planum effecimus. Communium verò vagarumque essen-
tias è tribus principiorum fontibus emanare, triplicique
spiritu in totum corpus, animale quidem è cerebro per
nervos, vitalem è corde per arterias, naturalem è iecore
per venas effundi ostendimus. Quo loci demonstratum
simul est vires partibus singulis ingenitas ab influentibus
illis sustineri, totum verò animal ab vtriusque gubernari. Ita-
que si integra sanitate frui debet animal, vtræque tam insi-
tas quàm influentes saluas & incorruptas esse est necesse.
Quod euenturum est, si earum substantia æquabili & iusta
quædam moderatione consistat, quæ in certa quâritate atq;
proba temperie posita est. E contrariò autem si substantiæ
vel quantitas vel temperies inuertatur, illè necessariò iactu-
rà facient aut imbecilliores euadēt, vnde earum functiones
lædentur, totiusq; animalis gubernatio perturbabitur, tan-
demq; vitæ consequetur euersio. Ergo valentes & imbecillæ
vires ex operibus primùm intescenda sunt. Vitræ aut
alui excrementa cruda, nempe tenuia & aquosa, aut loturæ

*Vires unde
estimanda
coniectanda.*

carnis similia, naturalis facultatis imbecillitatem cōmonstrant, quemadmodū vel retētio vel alia quæuis oblecta functio. Vitalis facultas ex pulsu paruo, obscuro & lāgido, similiter ex respiratione parua, difficili atque crebra, ex voce exili & languida, quæ neq; pulmonum neq; pectoris vitio oborta sit, debilis animaduertitur. Horū verō cōtraria eiusdem robur & firmitudinē ostendunt. Animalem vim imbecillam coarguunt motus sensuūque læsio, vigiliæ, deliria, aliæq; perturbatę principes actiones: quemadmodum contrariæ constantiam ipsius firmitatēmq; demonstrant. Ex iis ergo functionibus facultates lædi coniicimus. Læduntur autem & imbecillæ apparēt bifariam, vel oppressæ vel lan-

Quæ languidas vires ab oppressis dignoscere liceat.

guidæ. In omni porro euacuatione maximē refert languidas ab oppressis internoscere. Hæ siquidē largam, illæ nullam vacuationem ferunt. Earum distinctio ex causis euidētibus est petenda. Si enim eius generis prægressæ sunt quæ virium substantiam vel mutant vel dissipant, eas verē languidas esse: sin nullæ eiusmodi deprehensæ sunt, & aliæ urgent suo pōdere, opprimi solūm cōfeto. Externæ causæ & euidentes quibus insitarum virium (ab his enim exordiar) temperies mutatur, sunt ardentissimæ febres quæ corpus liquant & causæ vehementiores quæcunque solidas partes immodicē calefaciunt, refrigerant, humectant, siccantve. At illarum substantia digeritur atque disperditur in morbis longissimis, qui hominem in atrophiam vel in tabem coniiciunt. Influentium autem virium triplex spiritus permutatur, tum ex ambientis & rerum quarumlibet irruentium intemperie vel venenata qualitate tum ex viscerum aut humorum deprauatis qualitatibus. Aëris quippe feruor & æstus nō solūm quā nos extrinsecus ambit, verum etiam quā intrō respiratione ducitur, pulmones primū, deinde cor, omnesque spiritus eousque inflammat, dum plerumq; febris incendatur: ex qua spiritus intemperie necessitas est vires imbecillæ languidæque reddantur. Adde per eum feruorem spiritus non modō temperiei mutationem subire, sed & dissipatione minui. Frigoris contrā immoderata vis foris incidens intrōque subiens, aliās spiritum omnēque calorem infringit & debilitat, aliās prorsus extinguit. Aër dum vel pestilens vel quodpiam venenatum aliud vitium concepit,

concepit, haustus tractusq; contagione nostros etiam spiritus labefactat, ex quo grauium morborum in corpus incurtio, viriumq; non mediocris iactura. Multo quidem apertius vel scorpij vel rabidi canis vel alterius venenatae bestiae morfu acceptum virus spiritum polluit & inficit. Porro etiam interiores & abstrusae causae spiritus immutare solent. Vbi enim principes corporis partes intemperie aliquapiam confluctabuntur, eadem si longius serpat, necessario ad spiritus indidem ortos dimanabit, viriumque robur comminuet. Quodcumque etiam humoris vitium in corpore dominetur, ex eius intemperie grauem offensionem spiritus excipiant oportet. Crudorum quippe humorum vi qui aut corpus vniuersum aut ventriculum maximaeque os eius occupauerint, necesse est tum caloris tum spiritus substantia refri-
gescat & infringatur, animalque prorsus languescat, interdum verò & syncope prehensum corruat. Bilis ardentior calore immodico spiritus cremans, aut os ventriculi vellicans & quasi aculeis compungens, haud leuiorum malorum fit causa. Est & quum humor aliquis veneni labe & perniciem aspergitur, cuiusmodi est cohibitum putrescensque semen aut menstruum aut grumus sanguinis, cuius vapor spiritum labefactans & inficiens alias syncopen, alias vteri strangulatum, alias epilepsiam, alias alia incommoda solet inferre, viribus extra modum offensis. Ergo tot tantisque modis spiritus à sua temperie desciscunt. Eorum porro viriumque substantia imminuitur atq; dissoluitur, interdum sponte, quia tenuis & dissipabilis in corpore calido, raro, laxoque concluditur, ut proinde suo pte impetu disperdatur & vanescat. Interdum verò externarum & euidentium causarum occurtatione perimitur, quales sunt ambiens aer feruidior & siccior, vacuatio immodica, motio vehemens, animi pathemata, dolor & vigiliae. Immodica humoris aut etiam inutilis excrementi euacuatio, hoc ipso quod spiritus substantia fusa atque profluens est, non potest non bonam illius partem è corpore secum abripere. Quocirca siue alius nimio opere vel natura vel arte profuit, siue vrina plus æquo profunditur ut in diabete: siue pus aut aqua ex thorace, stomacho, ventre inferiore, aut ex magno quopiam abscessu vniuersè & affatim prorumpit, necessitas est grauem

vires iacturam faciant. Multo autem certius & clarius nimia sanguinis aut salutaris humoris vacuatio spiritus effundit, virēsque; conuellit, siue is ex vulnere, siue ex naribus, siue ex ore, siue ex mariscis, siue ex vtero, aut aliunde profiliat. Hac etiam ratione inedia corporis robur frangunt, quòd per has necessario & vtili corporis alimentato dispersito & exhausto aliud non sufficitur, vnde vim omnem concidere est necesse. Labor acētus spiritus calorīsq; substantiam habitū aut sudore dissipant. Quapropter qui vitæ suæ cursum in labore aut circa balneas & fornaces cōficiunt, quoniam continenter labitur ac fluit eorum substantia, haud æquē excrementis circumfluunt atque ij qui ociosam & inertem vitam traducūt. Qui luxuria & effrenata libidine dissuunt, his (inquit Poëta) frīgēt effrētæ in corpore vires, quæ nullius medicinae vim perferunt. hi omnium maxime ex tantula seminis vacuatione flaccescunt & languent, quòd spiritus plurimum dissipetur. Doloris porro atrocitas multo amplius quàm labor spiritus disperdit, virēsque prostermit. Animi pathemata alia quidem spiritum atque calorem obtrunt & strangulant, vt timor, mœsticia: alia verò dissolūt atque dissipant, vt gaudium, læticia. Vigilia corpus vniuersum eiūsq; maxime animalem spiritū exhauriunt, quemadmodū somnus vacuationis genus omne præter sudores & quā ἀθλον διαπνοήν Græci vocant cohibet. Atq; hæc sunt causæ quarum exuperantia calorem, spiritum virēsque dissipat: quæ quoniam euidenter existunt, tanquam notæ & signa sunt ex quibus vires propriæ substantiæ iacturam fecisse intelligimus. Causæ verò quæ duntaxat vires opprimūt interiores sunt & abstrusæ neque adeò nobis expositæ: eius generis sunt obstructio, & immoderata humorum copia. Venarum arteriarūque obstructio quæ à crassis lentisq; humoribus fit, spiritus arctè coercet, neque illos ventilatione refrigerari sinit, vnde præpedito vlu vitæ necessario grauior cum ingenito calore opprimuntur. Id quidem in pulmonibus, in iecore, in cerebri ventriculis atque arteriis, in ipso denique corporis habitu sæpe ac multum euenire solet. Obstructio autem quam humores nimio plus exuberantes induxerunt, non modò spiritum caloremque premit, verum etiam suffocat & obruit. At multitudo libera neque vlla ob-

Quæ vires obtrunt & opprimunt.

structio-

structione præpedita siue simplex siue cacochymix particeps est, vires strangulat: vt in athletico habitu sanguinis, in leucophlegmaia pituitæ, in hydrope cruditatum, in icterobilis exuperantia. Quotiescunque igitur naturalis facultas ab excrementis, vitalis ex pulsu & respiratione, animalis ex propriis functionibus imbecilla deprehendetur, si qua ex causis illis procatarcticis vehementior antecesserit, direptâ & imminutam censeto virium substantiam. Vbi verò nulla ex causis illis pregressa fuerit, & vires nihilominus imbecillæ comparebunt, non vtique dissolutas, sed oppressas putato: maximè si vel plenitudinis vel multæ cacochymix signa fuerint connexa. Sublatis causis opprimentibus protinus vires recreantur & ad sese redeunt, nisi affectionis diuturnitate prostratæ iam sint. Velim igitur affectarum virium tres à nobis ordines constitui, alias esse prostratas, grauatas alias, tertias languidas, quarum signa sigillatim ex antè commemoratis elucebunt. Sunt qui vni pulsui tanquam signo minimè fallaci iubent attentos esse de virium robore iudicatos. Id certè magnum quippiam, at nondum satis esse iudico: quandoquidem pulsus ferè inconstans incertusque est, & externarum complurium rerum interuentu perturbatur mutationemque suscipit. Deinde ingens copiosaque euacuatio alias vires non minus quàm vitalem concutit, atque earum occasu haud secus emorimur atque si vitalis intercideret: quare videtur aliarum etiam facultatum obseruatio ad vacuandum necessaria. Si quis enim vehementi aut diuturno morbo, vt lienteria, atrophia marasmo ve extabuit, huic sanguinem non mittes, etiam si pulsus plenus nunc existit & validus. Quocirca non vnus, sed trium vagarum & influentium facultatum, neque harum solum, verum etiam insitarum quibus actio vitæ continetur, robur ad vacuationem æstimandum est.

*Ut vacuandi quantitas ex morbi magnitudine &
Virium robore æstimari debeat. CAP. X.*

MORBUS omnis ægroti vires conuellit, vt & vacuatio quæ ad illius depulsionem adhibetur. Ne igitur durū videatur iam assuetum grauius affligere, ea lege temperanda

sunt omnia, vt morbi substantia dematur, viribus quàm fieri potest minimum oblatis. His quidem tantisper negotium facessere dum malum profigetur, & in maioris commodi spem adducamur, periti in primis est artificis. Quæcunque autem offensio per legitimas euacuationes viribus inferitur, levis admodum & brevis esse solet, vt quæ completa euacuatione mox cõquiescat. Natura siquidem noxiarum humorum pondere deonerata, quo veluti sarcina premebatur, priores vires recuperat, quicquid spiritibus & innato calori fuerat detractum resarcit, factaque morbo deinceps superior, quæ reliqua sunt euincit partim coquendo partim foras dissipando. Si Hippocrates ad pericula prospicienda sagacissimus, consuluit tenuem victum ægrotis adhibere, haud veritus illorū vires licet infirmas victus tenuitate debilitare, vt hac simul morbi essentiam comminueret: idem profectò in vacuandi munere tenendum. Ceterum perinde vt in victus ita & in euacuationis ratione cauendum, ne in extremam debilitatem adductæ vires concidant, circumspiciendumque etiam atque etiam & accuratè considerandum, quantum & quoad perferre queant. Æqua autem & legitima vacuationis quantitas citra insignè virium offensionem morbum adimit. Hoc morbi viriumque inter se exquisita collatio commonstrat. Nam validis constantibusque viribus fidenter quantum morbus desiderat erit vacuandum: minus validis parcius, prostratis nihil prorsus moliendū. Ceterum hoc ipsum in disceprationem quæstionemque vocatur, possintne vires vsque adeo debilitari, vt ne minimā vacuationem tolerant. Plerumque enim in magna virium deiectione vacuationes sponte, salubriter, euentuque felici prorumpunt. Deinde vnique virium ordini sua quedam vacuationis quantitas proportionè reddi potest: non enim credibile est vncia aut semuncia sanguinis effusa vires etiam prostratas offensum iri. Quoniam igitur hæc obscura sunt, explanationes adhibendæ, vt omnis veterum ambiguitas tollatur. Vacuationum alia integra statuitur & perfectè absoluta, quæ omnem aut certè plurimam morbi materiam adimit: alia utilis quidem at non integra, quæ parte morbi sublata reliquum facit leuiorem: tertia eoque exigua & deficiens, nihil vt laborantem leuet. Rarò quidem

*Quæstio
eius solutio.*

*Vacuatum
quantitatis
tres gradus.*

quidem vires adeò prosteruntur (nisi malo victis & deplo-
 ratis) vt ne vel minimam quidem vacuationem sustineant:
 verum huiusce tanquam inutilis veteres non meminere,
 quòd citra agroti alleuationem viribus incommodet, sta-
 tueruntq; viribus afflictis & prostratis nullam omnino va-
 cuationem adhibendam. Itaque valentes vires integram
 consummatamque, mediocres imperfectam quidem, sed
 vtilem, prostrata nullam mali curatricem vacuationem to-
 lerant. Ex morbis autem quicunque vehemens ac magnus
 extiterit, copiosam eamque necessariam exposcit, sine qua
 aut nullo modo aut non tutò sanari potest. Mediocris mo-
 deratam, quæ rarò necessaria, sed duntaxat vtilis habetur,
 per quam citius ac tutius sanatio perficitur. Exiguus mor-
 bus exigua etiam aut nullius omnino vacuationis indiget.
 Iam verò morbi magnitudo viriù robori conferatur. Quù
 vires erunt planè integræ, & morbus mediocris, non vti-
 que necessaria, sed duntaxat vtilis est venæ sectio: potest tamen
 tutò & quantum morbus desiderat sanguis mitti. Nò enim
 verendù est còstantes vires aliquantisper imminuere, dum
 morbi sentina funditus exhauriatur: eæ siquidem promptè
 nullaque mora recreantur. Quum in virium constantia &
 firmitudine morbus inuadet magnus & periculosus, qui va-
 sa immoderatiore copia distendat, quemadmodum in ha-
 bitu athletico & in synochis febribus, tunc vberior vacua-
 tio præscribenda, quæ affectus magnitudini vsquequaque
 respondeat, expeditque (inquit Hippocrates) vsque ad ani-
 mi defectionem ducere, si æger perferre possit. Neque ve-
 rò de ea animi defectione præcipit, quæ vel timiditate &
 animi ignauia vel acrimonia humoris accidit, qui os ven-
 ticuli pungit & irritat: sed de ea duntaxat quæ vberio-
 rem euacuationem còsequitur. Hanc enim in morbis extremis
 statuit tanquam regulam & legitimum vacuationis mo-
 dum. Est autem animi viriùmque defectio lipothymia siue
 lipoplychia, in qua etiamnum agrotus loquitur, audit, vi-
 det, agnoscitque præsentis. Syncope verò est omnium vi-
 rium præceps lapsus, vt epilepsia animalium: qua certè qui
 opprimitur nec audit nec videt, & (vt verbo expediam) o-
 mnes externas functiones quasi interceptas habet. Lipo-
 thymia leuior est syncope, hancque solet præcedere. In his

*Virib⁹ firmis
 & constanti-
 bus quæ agen-
 dum.*

*Ad lipothymi-
 am vacuare.*

igitur affectibus sanguinem vsq; ad lipothymiam mittere permittitur: at non temerè & sine iudicio. Sed quum iam vires prævacuatione manifestè fatiscunt & vacillant, & initium patuntur defectiois atque lipothymie, cohibendum: neque vnquam vacuationes ad extremum & vsque ad veram syncopen deducendæ, vt quæ omnino periculose euadant, etiam si valide vires erant. Tentandum igitur est exuperantem humorem subducere, quoad vires ferant. Et quocunque tempore dissoluuntur, etiam si restent superuacua, ab euacuatione nihilominus desistendum cessandumque protinus est. Hoc autem certissimè discas pulsuum mutationi animum mentemq; adhibens, quum ex magno paruum, ex æquali inæquabilem, ex vehementi debilem & obscurum fieri, quumque fluentis sanguinis impetum labare, ægrotumque iam languere animaduertes. Quoniã igitur syncope mortis est imago quædam, quæ astantes perterret & ægrum in maximum vitæ discrimen adducit, in eam profecto vacuatione ægrotum minimè præcipitabit, quicunque dignitatem existimationemque suam inuolatam tueri, neque in vllas obrectatorum reprehensiones incurrere volet. Conducibilis quidem sit ægrum diutius torqueri, quam vnâ cum morbo vitam omnem profundere. Hactenus vires integras valentesq; oratio nostra attigit. Medio-

Viribus mediocribus quâ tum vacuandum.

res porrò vires si mediocres quoque morbus adoritur, moderatam quoque vacuationem postulant, quæ leui aut exigua virium offensione vniuersam causam detrahat. Atque etiam utilis ea fuerit, quæ leuior mitiorque adhibebitur. At si eadem vires morbus maior inuadat, & cui multa vacuatio fuerit necessaria, nequaquam debet ea semel & vniuersè suscipi: vt quam vires tolerare nequeant. Non enim rectè morbum demit, qui cum morbo ægrum de medio tollit. Quum igitur semel & vniuersè facta vacuatio citra periculum adhiberi nō potest, quod virtuosè se habet, paulatim vacuare expedit, & minutatim salubre quippiam pro eo repone: ac primum quantum vires ferant detrahare, deinde quod defuit iteratione supplere, idque vel bis vel ter vel nōnunquam sapius: ea curatio Græcis est *ἐν ἰσχυαίσι*.

Defectibus & exiguis.

Prostratis autem viribus nulla vel morbo exigente vacuatio in eunda. Quæ enim adeo exigua fuerit, vt viribus illis quasi dimensa

mensa

mensa & par respondeat, quoniam commodi nihil, incommodi verò atque perturbationis plurimū infert, tanquam inutiles & superuacua præmittatur. Atque in viribus roborandis confirmandisque omne tum studium collocetur, idque cibis boni succi modicè ac sæpius offerendis, quibus etiam facultas insit morbo aduersa, quæ cacochymiam emendet. Quòd si postea vires recreari atque refici contingat, tum idonea afferetur vacuatio, quod in diuturnis morbis sæpius vsuuenit. In acutis verò nimia cunctatio semper anceps est & periculosa.

Præsentium præteritorumque observationes, ex quibus certior vacuandi quantitas indicatur. CAP. XI.

MITTENDI sanguinis quantitatem ex morbi magnitudine atque virium robore perceptam, exquisitiùs atque perfectiùs euentium causarum observatio præscribet. Ex his causis tres numerantur interiores & nobis congenitæ, temperamentum, corporis constitutio vel habitus & ætas. Totidem externæ & aduentitiæ, ambientis constitutio ex anni tempore, regione & cœli statu profecta: vacuatio suppressa vel immodicè procedens: consuetudo victus vel generis vitæ vel vacationis. Præteritas hæc causas idcirco supra exquirebamus, vt ex iis exquisita morbi & viriū magnitudo nobis eluceret. Præsentēs & futuræ nondum morbiū aut vires immutarunt: quoniam tamē humoris aliquid è corpore vacuare & vires dissoluere incipiunt, nō parum ad euacuationē quam proponimus momenti obtinet. Quas autem hæ vires habeant, sigillatim explicandum est. Calidum humidūque corporis temperamentum, in propria solidarum partium substantia situm, quoniam vi insiti caloris assiduò plurimum dissipatur ac dissoluitur, non per eque copiosam fert vacationem atque quod ab illo plurimum dissidet frigidum & siccum. Quodcunq; verò corpus inde humidū appellant quòd multo humore abundet in venis recondito, id facillimè vacationem tolerat. Corporis habitus extenuatus, mollis & rarus, tum imbecillus tum multæ dissolutioni obnoxius est: contrà verò carnosus, firmus atque densus pauca sinit è corpore dissipari. Qui autē præ-

Primi & præcipui scopi duo sanguinis detrahendi.

Secundarii sex scopi ex animaduersione in sanguine mittendo.

Temperamentum.

Habitus.

pinguis & obesus existit, quanquam minimum dispergitur, difficile tamen venæ sectionem idcirco sustinet, quod exilibus sit venis, quas exinanitas pinguedo facile stringit deprimique, ut inde metus sit ne natium calorem extinguat. In corporis habitu æstimanda etiam est venarum capacitas: quibus enim amplæ & turgidæ spectantur, tolerabilior est euacuatio, quàm quibus angustæ. Neque verò humorum natura posthabenda est: nam tenues & calidi celerrimè dissipantur ac dissolunt, crassi ac frigidi diutius hærent. Acque hæc quidem ad corporis constitutionem habitumque pertinent. *Ætas.* Etatum porrò quæ decrepita nuncupatur, quia effectus est viribus, nullam venæ sectionem tolerat: moribundum senem præcipitat quisquis reliquum vitæ calorē cum sanguine profundit. Quæ inter senectutem & pueritiam mediæ interueniunt, quoniam firmis viribus & corpore bene constituto tenentur, nulla vacuandi præsidia metuunt. Puerorum ætas virium quidem substantia abundat, ceterum quia corpus calidum & humidum obtinet, molle, tenerum ac patens, quod sponte sua assiduò digeritur ac defluit, sanguinis missionem tutò non feret: quantum enim ex incidenda vena vacuandum fuerat, id vltro ex corporis natura præstatur. Has ætates nullis annorum finibus Hippocrates circumscripsit. At Galenus neque ante annum decimum quartum neque post septuagesimum iis quas protuli causis adductus venam pertundit. Quod profectò de pleniorē illa veteribusq; consueta vacuatione audiendum: nam moderatam quæ tum viribus tum plenitudini aut par aut inferior sit, utrique pro eo ipso quantulocunq; sunt præditi modo, facile ferent. Sic Rhases ætate decrepita quæ graui videnturque pleuritide vel peripneumonia torquebatur, sanguinem emisit. Sic Auenzoar filio suo trimo se vitiliter venam secuisse commemorat. Hoc & ipsi plerumque experimur, sexto aut quinto ætatis anno tres sanguinis quatuorve uncias, pleuritim, interiores inflammationes, hisque grauiorē morbos finiuisse. Sponte naturæ tum pueris tum infantibus lactentibus sanguis interdum abundè prodit è naribus, nulla corporis aut virium iactura. Suis viribus iisque validis prædita est puerorum ætas: cur igitur ad illarum proportionem vacuare non possumus, quum præsertim eufar-

tus est puer, plenè ac liberaliter educatus, cui amplæ venæ bene cocto puròque sanguine tument? Ad extremum verò donemus virum robur lædi: vtrum magis optandum fuerit, vel vt puer seruata plenitudine succique copia intereat, vel vt ea imminuta offensisq; quodāmodo viribus à morbo vindicetur? Secundæ autem venæ necessitas in pleuritide interioribùsque inflammationibus quàm in continuis febribus puero maior existit. Nulla igitur est ætas, quæ non aliquem vacuationis modum ferat. Hæ sunt interiorū causarum obseruationes, quæ sponte intimòque motu corpus virèsq; afficiunt. Præter eas verò euidentium quoque constitutio tenenda. Regio feruens & arida multum innati calidi viriūmque, multum peccantis humoris è corpore haurit. Hinc vires comminuuntur pauciorque sanguis manet in venis: in ea proinde contractiores parcioreque in sanguine mittendo esse conuenit. Regio frigidior ac humidior innatum calidum humorèsque intus coërcet, horūque minimum dissoluit, quocirca sanguis abundantiùs profundi potest. Cæterum in extremè frigida quæ plurimum in Boream deurgit, sanguis frigore veluti cōglaciens vacuationi vix cedit, sed & partes interiores si à suo calore destitute manean, ambientis frigoris iniuria extinctionis periculum subibunt. Quæ inter illas intercedit regio temperatior largissimam sanguinis profusionem tolerat. In anni temporibus ver temperatum, succi viriūmque abundans, sanguinem largiùs fundi permittit: estque verefecta vena præcauēdis morbis idonea. Post ver, autumnus, deinde hyems, omnium verò minimum æstas. Cœli status qui calidior obtigerit, vt subsolana vel austrina tempestate, parciùs: qui frigidior vt valido Aquilone aut Fauonio, is quoque parciùs: largiùs autem quicunque clementior nulla ingenti tempestatum vi iactabitur, sanguinem mittēdum esse suadet. Tria hïc in ambientis constitutione perpetuò implicita atq; colligata, iam in vnum conferamus. Regione frigida & hyeme premens Boreas prorsus venę sectione nobis interdicat: solusque Auster placidior illam admittit. Regione autē feruida & æstate, quum perflat Auster, venam pertundere formidolosum: at quum Boreas æstum temperat, tutissimum. Hęc igitur causę tum innati calidi tum humorū substantiam

Regio.

Anni tempora.

Tempestas.

*Spontanea
vacuatio.*

vel conseruant vel dissipant, sed tamen obscure ac sine sensu. Cæterum de manifesta copiosaque vacuatione, quæ fortè tum erumpit quum venam secare proponimus, ita quidem statuendum. Spontanea vacuatio materiæ morbi nihil detrahens, veram atque legitimam non excludit. Quod igitur morbus exposcit protinus vacuandum, præsertim si necessitas impellit, & vires spontanea illa vacuatione nondum in magnam offensionem incurrerunt. In vehementi pleuritide, quo tempore fortè fortuna erumpet totius corporis sudor aut vomitio aut aliuus, sanguis mitti non debet: at sedatis illis paulumque recreatis viribus, vena incidenda. Symptomata enim quum illa sint, neque morbi substantiâ detrahunt neque vicaria esse possunt phlebotomiæ. Sic in febre ardente, hienteria quæ ex frigida potu immoderatione laxato dissolutioque ventriculo inciderit, venæ sectionem non vetat. At quoniam vires inde paulo imbecilliores euaserunt, harum seruata dignitate sanguis parcius emittetur. Spontanea autem vacuatio quæ morbi substantiam demit, si iam ægrotum leuet possitque quantum requiris vacuare, prorsus est naturæ committenda: Sin minus id possit, tantum ipse detrahes, quo ex coniunctis ambobus perficiatur quod postulas. Quæ sponte natura perfectura est, ne tangito: inchoata verò nec ab ea perficienda completo. Itaque in pleuritide, in febre assidua, si sanguis abundantius ex utero, ex hæmorrhoides, vel è naribus dimanet, iustaque sit vacuationis quantitas, ex qua æger satis leuetur, venam non incidet. Sin verò parcius aut languidiùs ex his locis profluit, morbusque interim vehementer vrget, quod deficit, etiam si puerpera sit laborans, venæ sectione supplendum. Eadem ex causa in dysenteria purgans medicamentum offertur, vt quod sensim & languidè per anfractus parum idoneos elabitur, affatim per ductus conuenientiores deriuetur ac defluat. Consuetudo. Consuetudo porrò nobis obseruanda, in victus ratione, in vitæ genere & in euacuatione. Qui frugaliter siue ex consuetudine siue ex morbi impedimèto victitant, parcius vacuandi sunt quàm quilibet alius pleniusque viuunt. Qui venæ sectionem iam est expertus, modò vires crebra vacuatione nondum sint læsæ, alacrius ac leuius eam perfecturam. *Aph. 50. li. 2.* ret quàm inexpertus. Conseruata quippe mala, minus sunt infensa.

inſenſa. Quapropter opinione ſua vulgus longè fallitur, qua primam venæ ſectiōnem vt in primis ſalutarem ſuſcipit, & quaſi veneratur conſeruâtque in extremos vſus commodaturam.

*Futurorum obſervatiō aut ſerius promiſſio præſinienda
quantitati neceſſaria. CAP. XII.*

NON ſolùm vires præſentes emetiri, verum etiam futuras proſpicere acuti ſapientis queſtioneſt medici. Poſt vacationem vires ita tueri atque conſeruare par eſt, vt & alia deinceps adhibenda remedia ferre, & morbi longitudini atque iudicationi ſuſtinentæ ſatis eſſe queant. Quinetiam ne poſthac intempeſtiuè & alieno tempore nutrire cogamur, ſanguinis nonnihil retinendum aſſeruandūque eſt ad morbi decurſum & ad reliquæ curationis ſpatium. Futuras vires æſtimabimus tū ex cauſis procataſticticis quæ præſentes ſunt & poſthac etiam perſeuerabunt, tum ex ſymptomatis quæ præter opinionē incidere poſſunt. In cauſis procataſticticis præcipuè ſunt, cœli conſtitutio & viuendi ritus. Cœli conſtitutio ſi calida euaserit & ſicca, ac iſtiusmodi deinceps expectetur, reſtrictiùs ſanguis emittetur quàm ſi frigidam fore coniiiciamus. Rurſum ſi proſpicimus ægrotum tenuiter ſobrièque victurum, vel quia potionis & cibi languet appetentia, vel quia morbus deuorare non ſinit, vt in angina fauces præcludente, parciùs euacuare monemur, quàm ſi plenius is viuât. Seruare tum aliquid ſanguinis oportet, tanquam naturæ theſaurum & ſuppetias in leuamen futuræ penuriæ. Iam verò repentina & inopinata ſymptomata, quæ vires ſummopere enervant & frangunt, ſunt dolor vehemens, vigiliæ, vacationes præter ſpem erumpentes, & in primis ſyncope. In hanc ſiquidem non pauci quàm mox ab aperta vena ex conſuetudine incidunt, vel quòd natura ſint imbecilliores, vel quòd timore magno percuſi, vires omnes offundant: vel quòd os ventris amara bile perfuſum, aut quàm maximè acri ſenſu præditū & infirmum naſti ſunt. Quum igitur aliquid eiufmodi futurū ſuſpicamur, quanquam vires tunc valent, ſanguinem tamen vel nullo modo vel præparcè mittemus, niſi fortè huic periculo antè

*Quales erunt
vires in poſte-
râ, unde con-
ſiſtendum.*

fit occursum. Summæ autem prudentiæ fuerit repentina & inopinata quæcunque incident, longè prospicere atque præcauere. Hæc iam exemplis illustremus. Esto quispiam natura sanguineus, corpore eufarco, denso ac firmo, ætate florenti, qui multos dies luxuriosum vitæ genus secutus, alimentis se expleuerit solidioribus & valentis materiæ: qui pristinam exercitationis consuetudinem intermiserit, domique otiosè vixerit, cui sanguinis ex naribus, ex vtero vel ex hæmorrhoidibus vetus consuetæque eruptio iam pridem substituerit: adeò ut ex harum concursione causarum corporis habitus non mediocriter incrementum ceperit, & venæ naturæ amplæ præcopia sint distentæ. Quocunque tempore hominem ita constitutum grauis vehemensque febris vel inflammatio prehenderit, quam mox sanguis profundendus est, sique copiosus: quandoquidem tum morbi tum causæ magnitudo id expostulat, ex præteritorum obseruatione confirmata. Quod si his etiam præsentia consentiunt aditque aëris constitutio ex regione, anni tempore & ex tempestate coilatis moderatè frigida & humida, ægrotus verò ad vacationem proclius sit: posthac verò morbus non ad multos dies, lōgius producat, nulla calidioris futuræ tempestatis significatio appareat: nulla item futuri doloris, vel inediæ vel vigiliarum vel spontaneæ vacationis comminatio intendatur: his ita in vnum conspirantibus, quis dubitet largissimam sanguinis missionem imperare? At verò hisce contraria omnia, quem non subitò à sanguinis detractioe auocabunt? Permiscantur plerumque ac prorsus inter se pugnantes existunt obseruationes, ac tum prudenti acriq; iudicio est opus, quo ex comparatis illis vacationi modus præscribatur. Præteritorum recordatio plerumque copiosum sanguinem fundendum monet, cuius tamen libertatem nobis præsentium obseruatio subtrahit. Ut si quis pristina exercitationis consuetudine intermissa desidiè se & luxuriæ dediderit, & alimentis expleuerit, & solennis quæpiam vacuatio substituerit: sed hinc euaserit corpus pingue & album, laxum & molle, tenuisque succi plenum, aditque æstas, regio æstiuosa, cœlique status calidus ac siccus: omnino huic sanguinem non mittes: satis enim ex se ipso non modò obscure, verum etiam manifestè vacuatur. Parum verò detra-

*Indicationib⁹
cōtrariis quid
agendum.*

hes

hes in eo ipso habitu, si hyems adfit & regio frigida, cœli-
que status Aquilonius. In hac autem rerum permissione,
non obseruationum multitudinem, sed potestatem velim
te attendere, quod vna plerumque reliquas omnes dignita-
te præstantiâque superet. Qui neque artis cognitione neq;
longo rerum vſu neque prudenti lynerôque mentis iudi-
cio confiditſe poſſe vacuationis quantitatem definire, iſ
Hippocratis conſilio potius infrâ ſubſiſtat, quàm exquiſitè
vacuet. Hoc autem loco non abs re fuerit perſcrutari, ſitne
vteri geſtatio inter obſeruaciones habenda. Ipſa veritatis
ſpecies multa probabilitate ſuadet in prægnantibus graui
morbo implicitis temperandum, ob ſœtum qui vtero con-
tinetur, Hippocratis patrocinio ac ſententia hunc in mo-
dum deſenta: Mulier in vtero geſtans incifa vena abortit,
idque magis ſi eſt ſœtus auctior. At certè hoc perpetuum
minimè eſt, vt neq; illud quod proximè antè ſcribitur: Mu-
lierem in vtero gerentem acuto morbo corripì, lethale eſt;
Quum enim purgatio quæ malignis ſit medicamētis, cum
periculo grauiore ſœtus quàm venæ ſeſtione decernatur, ſi
Hippocrates grauidæ morbo ex cacochymia tentatæ, pur-
gationem largitur iis menſibus qui inter tertium & octa-
uum interponuntur: nos proſectò iſdem multo tutiùs ſan-
guinem mitemus ei, quæ aliquo plenitudinis morbo con-
ſiſtabitur. Quod ſi mediâ geſtatione liceat, longè tutius in
initio factu ſas eſt: quod ſanguis magis redundet, & ſœtus
minore egeat alimento. Hoc tempore ſi ſæpe natura illius
ſuperuacui effuſionem ſponte vtiliterq; aggreditur per na-
res, per hæmorrhoidas, aut per vterum: & nonnunquam
menſes ſtratis temporibus ſalubriter effluunt, cur non ſimi-
liter nobis liceat premente neceſſitate naturam arte imita-
ri? Multè niſi vena circiter quartum menſem referetur, ab-
ortiant, ſœtus enim copia obruitur. Neque verò in pletho-
ra ſola, verum etiam citra hanc quò pleuritis aliâve inflam-
matio vehementius vrget, prægnanti vena in cubito cæden-
da. Inferiores autem prægnantium venas incidere minimè
tutum, quòd impetu deorſum conuerſo menſes procedant,
præcipiturq; ſœtus. Octauo ac nono mēſe rarò citra ab-
ortum ſanguis emittitur, quum præſertim mulier leui ex-
cauſa vel ob vteri imbecillitatem, vel ob lubricum lento-

*Prægnatio an
inter obſeru-
aciones mitem-
di ſanguinis
habenda.*

Aph. 30. li. 5.

Aph. 31. li. 5.

rem abortire consuevit. Hac in re Cornelius Celsus morbi
 „ duntaxat virumq; magnitudinem animaduertit. Antiqui,
 „ inquit, primam vltimamq; ætatem sustinere non posse hoc
 „ auxilij genus iudicabant, persuaserantq; sibi mulierẽ gra-
 „ uidam, quæ ita curata esset, abortum esse facturam. Postea
 „ verò vltus ostendit, nihil ex his esse perpetuum, aliàsque po-
 „ tiores obseruationes adhibendas esse, ad quas dirigi curatis
 „ consilium debeat. Interest enim non quæ ætas sit neque quid
 „ in corpore intus geratur, sed quæ vires sint. Firmus puer, &
 „ robustus senex & grauida mulier valens tutò curantur. Ita-
 „ que vteri gestatio quemadmodum & ætas inter quantitatis
 „ obseruationes habenda. De quantitate mittendi sanguinis
 „ hæc quidem satis, deinceps verò de vtendi ratione.

*Quo morbi tempore, qua die quaq; hora sanguis emit-
 tendus. CAP. XIII.*

QVORVM morborum causa est plenitudo aliæve hu-
 morum labe in vasis, ea incipientibus illis quam mox
 lecta vena summoveri debet. Hoc enim pacto quicquid
 morbi in posterum gignendum est prohibebitur, quicquid
 verò genitum & procreatum iam est, facilius natura con-
 coquet, euincet atque profligabit. Sic febres ardentiores an-
 tequam sanguinis moles feruoris incendio torreatur, aut
 vehementior putredo inualeſcat, acceleratum hoc reme-
 dium extinguit. Sic & interiores inflammationes hoc auxi-
 lij genus initio radicitus eruit, dum qui in partem confluxe-
 rat humor nondum obhærens, profluentis sanguinis impe-
 tum cursumque sequitur. Vires per initia firmæ sunt & con-
 stantes, nec admodum iis dissimiles quæ pridem erant in-
 tegra valetudine: si quo igitur tempore, ipso maxime initio
 hoc præsidij genus tolerabunt. Qui plenitudine aut fluxio-
 ne permanente alia vult remedia adhibere, peruerso me-
 dendi ordine affectum conduplicabit viribusque negotium
 faciesset. Sic tamen maturè vena secetur vt ventriculus pri-
 mæque venæ nec vlla humoris corruptela, nec cruditate, nec
 cibo semicocto confertè sint. Præcepit quidem Auicennas
 in morborum principiis phlebotomiam prius omittere
 & concoctionem expectare, dum morbus principium sta-
 tumque

*Aduersus
 Auicennam
 non nisi post
 concoctionem
 phlebotomiã
 admittentem.*

tumque præterierit : atque tum demum solum illam conferre asseuerat. Idque non de solis partium morbis quos antè percensuerat, audiendum purat, quum & mox id ipsum de febribus omnibus præcipiat, maximeque de sanguinea, in qua quum aderit concoctio, iubet sanguinem profuenter educere. Quia verò ista mirabiliter dissentanea videtur, perpendendum quibus illa rationibus suadere contendat, ut controuersia ad vnguem discussa, veritas ipsa clariùs eluceat. Inquit igitur per initia incisam venam noxios humores extenuare, & per corpus quoqueuersum impellere, sanguineque puro & sincero permiscere : nonnunquam etiam nos expectatione nostra adeò decipi, ut cum salubri nihil prorsus vitiosi humoris educatur. Ex animi verò sententia atque voto omnia succedere, si expectata cōcoctione quum iam morbus principium & statum præterierit, sanguinem detrahamus. Sed minimè tam inconsiderata eius ferenda est sententia: neque audiendi illius explanatores, quorum dicta quotidie re & euentis refelluntur. Quæ enim absurdior futilliorque sententia hac excogitari possit, phlebotomiam humores extenuare, quum ex superiorum demonstratione dilucidè constet, qua ante, eadem & post phlebotomiam proportionè humores in corpore retineri atque seruari? Si qua fortè mutatio incidit, quum tenuis humor expeditiùs celeriusque, crassior ægrius & pigrius emanet, verisimilius est phlebotomiam, sanguinè & humores potius in crassare debere. Cur deinde hæc humores exagitet? si multitudinem demit, quæ perturbationum & morbi causa fuerat, debet eadem omnia mitiora & tranquilliora reddere. At si peccans materia sanguine permiscetur in venis, cur hæc secta vena non pariter foras exiliet? Sed iam plenius estimata rei veritate, donemus morbum quempiã vehemetem & acutum ex solius sanguinis exuperantia natum, cuiusmodi sunt utraque synocha, putrida febris ex plenitudine, angina, pleuritis, peripneumonia, iecoris aliarumque partium inflammationes. Hæc si peracutæ sunt & periculosæ præ sanguinis copia præcipientes, quis non statim ipso initio venam pertundat? quis quum adhuc vires integræ sunt, non eam plenitudinem prorsus eximat, quæ morbo cular dedit, & quæ in vitæ discrimen adducit? Hoc consilio in syno-

cha festinamus statim initio sanguinem ad animi defectio-
nem mittere, antequam materia putrescat. At ille, in ea fe-
bre sanguinea principio sanguinem parcè mittit, abundan-
tius verò ubi coctionis signa comparent. At quam quæso
coctionem expectet sanguinis optimi & bene cocti, qui
sola multitudine peccat? In his igitur ut in valde acutis, Hip-
pocratis consilio differre & cunctari malum est: sed statim
si vires integræ & valentes erunt, ad animi usque defectio-
nem ducendum. Si minus acuti & vehementes erunt mor-
bi, etiam per initia sanguis effundetur, idq; pro multitudi-
nis ratione. Num igitur in his venæ sectionem omitemus,
& cum Avicenna expectabimus dum concoctio eluceat, &
principium morbus statimq; præterierit? Siccine morbum
sinemus suo impetu proteruire atque ægrotum tam im-
maniter iactari citra ullam artis opem? Si exitialis is erit, ad
concoctionem nunquam perducetur: sin salutaris vel an-
ceps, post statum in ipsa declinatione quum iam profus e-
uictus erit, & laborans à periculo tutus, quid tum venæ se-
ctione fuerit opus? Sed age hoc loco temporum morbi &
concoctionis vim expendamus. Natura concoctione im-
puros noxiōsq; humores è purioribus secernit: hos ut con-
suerit, illos ut tandem foras exturbet, aut sola per se aut me-
dicamenti ope. At qui venæ sectio nullo delectu omnes qui
in venis sunt, promiscuè & indiscriminatim prolecat. Quo-
rum igitur ut hæc fiat, humorū concoctionem atque secre-
tionem præstolemur? Ut in phlegmone pus iam factum
non amplius secta vena, sed alia ratione per vias breuiores
deriuamus: ita in febris quarum materia in venis coër-
cet, concoctus ac iam secretus humor, medicamento de-
riuandus deturbandusq; est. Quia in re tum temporis na-
tura habebimus adminiculatē, quæ secretos humores
foras excludere contendit. At si quis hoc tempore venam
aufit incidere, non eos solum, sed pariter viles eliciet:
quodque grauius est, eos qui vi naturæ secreti fuerant, puro
sanguini permiscebit, hunc inquinabit, omnia confunder,

*Post perfectā naturæ quæ molitionem optimam interpellabit. Quū igitur
coctionem se- tur concoctionis manifestæ signa comparebunt, non am-
ctioni venæ lo- plius venæ sectione, sed aut purgatione, aut aliis deriuanti-
cum non esse. bus præidiis reliqua curatio transigenda: nisi (quod inter-
dum*

dum sit) cruditatis signa denuò se prodant. In febris vacuata multitudine ubi quæ putruerant concocta sunt, per aluum, vrinas & sudores ea vacuare tentandum. In pleuritide & in peripneumonia quæ putruerunt & in pus conuersa sunt, per sputa: in hepatitide, caua quidem per aluum, gibba per vrinas, quemadmodum & in nephritide: singula deniq; per loca proxima & conuenientiora sunt expurganda. Si metu, ignauia, aliisve occasionibus venæ sectio primis morbi diebus administrata non est, quocunq; die etiâ vigesimo in ægrû incideris, si plenitudinis atq; cruditatis signa permancbunt, hoc præsidij genus adhibendû, modò vires ferant neq; sint morbi diuturnitate collapsæ. Nô enim dierum morbi numerus à phlebotomia per se ac primû dehortatur, sed quòd sæpius temporis progressu vel concocta est morbi materia, vel sunt vires dissolutæ. Vt autè vniver-

Quo die aperienda vena.

salium temporum, ita particulariû & dierum quibus morbi recurrunt delectus habendus, in his potissimû morbis quorû certa est vel intermissio vel remissio. Vacuatio non exardescendi, sed mitescendi morbo afferenda. Natura quidem plerumque febrium maximè que intermittentium inuasionibus vomitiones, & declinationibus sudores cômouè ciet, quo tempore nobis etiâ licet eadem vtiliter arte promouere: at non vel alui deiectionem vel venæ sectionem. In accessionibus ab his omnino temperandum est, vt quas neq; natura tum molitur, sed si quæ fortè incidunt, solius morbi feruore impetûq; fiunt. Nulla eiusmodi vacuatio quæ vires supra modum laceffit, in tanta accessionum quasi fluctuum agitatione tutò obiri possit. Quû enim humores tum maximè quodâ quasi æstu incitati effervescent, obturbatiq; permisceantur, nulla omnino queat iusta eorû fieri secretio. Esto etiam, peccans morbi materia extra venas maiores exardescat, si hoc tempore vena referetur, metuendû erit ne illa in venas exinanitas è vestigio cômigret, fiatque ex intermittente continens. At verò maxima morbi tranquillitate vena secta, vix vllum naturæ negotium facessit, ipsamq; multitudinem è venis maioribus eripit, nullo exardescentiæ metu. Maxima tranquillitas est medio remissionis intermissionisve tempore. Si spatia inter accessiones porriguntur, facilè sit medium ipsum pro rerû com-

*Qua hora de-
trahendus san-
guis.*

moderate designare, sin angustū, difficile, quod interdum vix occasio sese offerat vt vel ante vel post venæ sectionem opportunè ægrum alamus. In quibus morbis vel præcautionis vel curationis gratia, potestas datur sanguini mittendo horam deligere, conuenientiō erit matutina quàm pomeridiana. Nam à Solis exortu sanguis suscitatur, viget atque dominatur, ipsoque diei lumine tenuis sit, serenus & adfluendum aptior: maximè secunda tertiāve hora. Hac ipsane æger sopore torpeat, experrectus in somnem horam saltem vnā duxerit oportet. Hesternum cibum integrè concoxerit, sitque alui & vesicæ munia executus: eoque magis si vna quæpiam ampliorum venarum erit incidenda. Nam exiles è quibus sanguis parcius emanat, nulla istiusmodi obseruatione feriuntur. Astrologica etiam obseruatio vt non parum efficax tenenda. Cæterum quotiescunque vehementiores morbi prement & instabunt, tum venam pertundito. In vehemēti enim & suffocante pleuritide vel in angina, in sanguinis immoderato fluore, in extrema vasorum plenitudine, in aliis denique morbis qui nimium præcipites sunt, nihil istiusmodi delectus habendus. At verò in febribus alijsve morbis qui circuitibus affligunt, quietis aut remissionis animaduersio multo præstantior quàm matutini temporis. In quamcunque igitur diei noctisve horam remissio incidērit, cæteris in id ritè administratis vena pertundetur.

Qua ante Venæ sectionem præparatio afferenda.

CAP. XIII.

*Quatuor ista
venæ sectio-
nem dum tol-
lantur retar-
dant.*

Vt ad venæ sectionem opportuna temporis occasio, ita corporis idonea præparatio adhibenda, qua neglecta ægroto plurimum offensionis impendet. Partium quæ in prima corporis regione sunt, puritas & expurgatio, potissima est ad venæ sectionem præparatio. Vitia quæ opus impediunt aut certè remorantur, sunt ventriculi primarumque venarum cruditas, noxiarum humorū colluies, aluius facibus astricta, os ventriculi nimio opere sentiens vel imbecillum: quæ non omnino vetant & excludunt, sed duntaxat retardant venæ sectionem dum arte sint sublata. Crudiore enim vetriculo secta atque exinanita vena, crudi succi pluri-

plurimum in sanguinis locum rapier. Et suppressiore aluo si venam eliseris, iecur exhausteq; venæ sordidum quiddam & impurum è sæcibus exugent. Tantum moræ in vena pertundenda interponi debet, quantum satis est tum ad crudorum concoctionem tum vt extremæta descendant. Hæc sponte nisi succedant, clystere vel balano prolicienda sunt: prius vel cassia aluus emollienda. Coctus crudûsve cibus internoscitur ex accepti eius qualitate & copia, ex tempore quo acceptus est, ex ructu, ex ventriculi pondere. Corruptus humor in vetriculo aut in vicinis partibus exuperans, siue illic genitus est siue aliunde, velut ex capite, ex iecore aut ex liene procubuit, differre hortatur venæ incisionem, dum sit expurgatus. Secus enim multo maiore detrimento quàm cruditas rapitur in venas, hæcque impuritate multa polluit. Hinc vel obstructiones vel cachexiæ fiunt, vel morbi quibus mederi proposueris ingrauescunt, euaduntque eorum symptomata sæuora. Quinetiam impuri humores impetu ferociq; concitati excalescunt, ventriculû præcordiaque vellicant, hinc nausea, conuulsio, lipothymia, syncope & alia symptomata, quæ terroris & metus plena sunt. Vnabilis in os ventriculi tum effusa, omnium maximè hæc mala inuehere solet. Has autè partes à putridis humoribus occupari portendunt cibi fastidium, nausea, humoris vomitio, frequens alui deiection, ventriculi grauitas, aut dolor, ventriculi præcordiorumve tumor atque distentio. Quæ quoties præter vllam ciborum cruditatem in ægris apparebunt, è prima corporis regione antequam venafecetur deturbandus est vitiosus humor, illorum author & velut seminarium. Vomitione id molendum si sursum vergit, hausta portione vel aquæ vel hydrelæi tepescentis pondo felibræ. Alui autem deiectione, si eò declinat. *Cassia non solum aptum detergendo expurgandoq; ventriculo medicamentum.*

Cassia non solum aptum detergendo expurgandoq; ventriculo medicamentum.

Alui autem deiectione, si eò declinat. Cassia in iis parum efficax, vt quæ sola vileniente & emolliente prædita, tenaces valde & glutinosos humores nec latis detergit nec ex aluo subducit. Accommodatior est hiera picra, si febris non reclamation, vel rheumbai barum, vel fenna, vel agaricum, vel pro humoris specie aliud quoddam blandum, cuius vis vniuersam corporis molem neutiquam exagitet. His non modò semel, verumetiam secundo & tertio pro rei necessitate expedit vti: sub hæc tamen innox advenæ

*Quum totum
corpus impu-
rum est qui
ordo tenen-
dus in pur-
gando.*

sectionem accingendum. Quandoquidem humorum vitia, quæ in omnes corporis regiones pariter irruerunt, methodus summæque artis præceptio est, eas suo quamque ordine vacuare, mesenterij quidem venas ante maiores, atque has rursus ante corporis molem. Non autem contrà, ne ex primis venis in maiores aut ex his in corporis habitum noxii humoris sit traiectionis: quod sanè est non expurgare, sed inquinare & labefactare corpus. At ex habitu corporis in venas maiores, aut ex his in primas atque in alium traducere consentaneum est. Quæ autem dixi vitia non solum venæ sectionem remorantur ac tardant, sed omnino præpediunt. Hinc neque in hydropse, neque in cachexia, neque in scirrho iecoris aut lienis, vel exigente alterius morbi importunitate, scalpellum admouemus. Tertium vitium cui præparatio ante venæ sectionem adhibetur, erat oris ventriculi sensus eximius aut imbecillitas. Eximius est sensus quibus nervi è cerebro missi, molles sunt, teneri, nudi aut occurrentibus rebus obuij: atque hi vix citra offensionem, acris, acida aut falsa, quod genus habentur acetum, piper, sinapi deuorant. Imbecillitas siue ex intemperie siue ex rariore fibrarum structura prouenerit, inde noscitur quod nec cibis appetitur nec facile fertur, sed eo accepto dolor est, interdum que vel nausea vel cibi vomitio. Qui sic affecti sunt, ut ex leuissima occasione, ex inedia, ex ira, ex tristitia vel timore, ita sanè ex phlebotomia quæ pariter cum sanguine spiritus dissipat & reliquos humores commouet, vel cõuulsione vel comitali morbo vel syncope stomachica tentantur ad interuentionis periculum, vel in alia denique symptomata incurunt, quæ huius partis occasione nasci proditum est. His itaque ante venæ sectionem consulendum, osque ventriculi muniendum iis quæ corroborant, quæ humorum acrimoniam retundunt & quæ humoris influxum arcent. Id genus sunt succus mali punici, mali cotonei, medici, citrei, limonũ, oxyachantæ & vuarum acerbæ, acetum aut qui ex his fiunt syrupi. Aut si qua frigida intemperie suspicio inest, ex usu erunt calida aromatica, maximè syrupus mentæ, diacydonion, vinum austerum aut aromatites. Horum tantulum, vel panis optimi momentum his intinctum conferetur: mox verò ut æger paulum quieuerit, vena incidetur. Præparatio venæ

sectioni

sectioni præmittenda, si morbi clementia finit. Immanis verò importunusque morbus nulla præparatione nullaque cunctatione festinare cogit. Sic in habitu athletico à quo præsens aut suffocationis aut ruptionis vasorum pericula impendit: in vehementissima pleuritide, in febre ardentissima eaque maligna, in casu & prolapsione aut in obtritu graui, imminenti periculi euentus magis reformidandus est quam noxa ex non præparato corpore.

Quid ipso sectionis tempore faciendum. CAP. XV.

DECUMBENTI ægro, in maximatum corporis tum animi tranquillitate vena incidenda, potissimum si vires imbecillæ sunt aut syncopes metus inest. Etenim dum vel stamus vel sedemus, animalis facultas corpus sustinens laborat, ipsæque intestina ac viscera ex præcordiis pendencia vitali naturalique facultati vim inferunt. Sit pars quæ inciditur prona, sit & in hanc facilis directusque sanguinis cursus, ex ea corporis sede quam plurimum exinanire proponimus. Artus confricentur dum incalescant, & proximè supra eum locum in quem scalpellus adigetur arctius vinciantur, ut sanguine prolecto vena tumentior in conspectum sedet. Infra etiam illigati mos est, quum tremula inconstansque vena ad scalpelli quemuis impulsu subterfugit, aut è sua sede dissilit. Quibus autem densa & squalida cutis est, & quibus angustæ venæ aut in altu demersæ multa carne vel adipe obductæ, iis multo arctius vinculum iniici debet, quam quibus diuersa est constitutio. Minores pedum manuumque venas, quia vinculis non satis implentur, in calentem aquam demittimus, quæ & profluente sanguini impetum facit. Si ne sic quidem vena in apertum promatur, eam quo loco inesse solet digitorum impulsu percunctare, dum sanguinis fluxu & incurtione, illius sit explorata sedes: hæcque signatam, scalpello industrius artifex feriat. Sedulo etiã atque etiam prospiciat, ne vel flatu tumidum locum, vel arteriam, vel tendonem pro vena petat. Interdum enim iniecto arctiore vinculo aliquid venæ simile intumescit: interdum pressa arteria motu vacat, & pro vena se profert. Scalpellum chirurgus visu perspicaci manuque valida, summis digitis

prehendet, nec plus mucronis proferet quàm ad penetrandum sit satis: manu altera membrum eiusq; pollice venam stabiliet, sensim nullaque festinatione scalpellum intrò suauiter, quod satis erit impellet. Venæ quæ in articulis, in brachij flexu & in poplite extant, in rectum diffusæ tardius coalescunt, quòd articuli motu vulneris labra dehiscant: neq; eiusmodi fissio tentanda, nisi quum iteratione est opus. Extra articulos, vt in capite, in manibus vel in pedibus quæcunque emergunt, in rectum fissæ cicatrice celerius obducuntur, quòd labra temper inter sese coeant. Sub interiore quæ basilica dicitur, ferè comes arteria dehiscit, & sub media nervus, vtrisque musculorum tendones plerumque substernuntur. Cephalica licet difficilis, omnium tamen solet esse tutissima. Chirurgus ne in tendonem, in neruum aut in arteriam impingat. Ex neruo aut tendone puncto dolor fit ingens, stupor, resolutio & brachij conuulsio cum tumore. Arteriæ sanguis agrè compefcitur: illiusque magna vi effusa virum sequitur exolutio, sed neq; incisa arteria coit, neque sinefcit, ac pars tandem gangræna corrumpitur. Punctum neruum aut tendonem indicant doloris vehementia & insequens conuulsio atque tumor. Huius si qua erit suspicio, vultus ne coalescat, dum ab impendente phlegmone vindicatum sit, & dies duo trës ve abierint. Inhibebitur autem coactis fotu tepentis olei. Lapso triduo si dolor conquiescat, nec noui quicquã obrepit, sinatur coalescere: Sin minus, adhibeantur aperientia, attrahentia, & qualia nervis compunctis cõueniunt, vt terebinthina, adiecto interdum euforbij momento. Aperta arteria, sanguis emanat tenuis, rubicundus, igneus & pulsû quodam exiliens. Subsidio autem est emplastrum ex aloë, myrrha, thure & bolo armena quæ ovi candido & pilis leporis sint excepta. His deio lintea ex liquore rosaceo imbuta insternuntur. Emplastrum fasciis obuoluetur firmè ac tutò, ne triduo excidat, hoc blandè sum moto simile denuò imponendum. Si ne iis quidem arteria coalescat, tota transuersim discindatur, vt extrema vtrinque reuulsa molli carne obducantur, Rursum autem quod ad sectionis modum facit, si crassus aut viscosus sanguis qualis melancholicus inesse putabitur, aut cœli constitutio frigida sit, ampla fiet venæ apertio: sin

tenuis

*Neruo puncto
quæ auxilietur.*

*Incisam arteriam
quæ obstruant.*

renuis & aquosus aut ipsa coeli constitutio calida, angustior. Vena ut decet aperta vinculum à superiore parte laxabitur, quò inde sanguis vberius defluat. Si sanguini cursus erit idoneus, sinatur, si minus abundè & segnius fluat, idque sectionis errore, ea emendetur: si sanguinis crassitie aliave ex causa, laboras pugnè arctè vehementerque adducar, nervos, musculos & latera tussi ac voce valida cõtendat: vulnus aque calidæ fomèto proritetur. Si vecordem cura metusque terreant, hincque parcius sanguis emanet, intermissio fiat dum vires exponendis recreentur modis. Imò etià si pro ratione sanguis dimanet, vile est medio cursu digitorum vulneri imponere tum ut vires reficiantur minusque dissipentur, tum etià ut deterior spurciorque sanguis ex intimis celerius in sectionem confluat. Emanantis autem sanguinis quantitas estimanda est, ut is demum opportunè sistatur. Estimatio ex morbi necessitate & ex viribus est ineunda. In plethora simplici, ad imminuentium morborum præcautionem satis sit redundantiâ demerre, dum mediocritas sit reliqua. At quum iam morbus inest, usque uniuersalis, ut febris, non satis illud fecerit, sed si vires tolerent, infra mediocritatem imminuendum est. Mediocris enim si putrescat, quasi efferuescens intumescit, & tum corpori infestus tum viribus grauis est: minui igitur debet, at parcius quàm in plenitudine. In partium autem phlegmonis non vna quantitas, sed tum coloris tum substantiæ mutatio spectanda. Quum vehemens dolor, aut magna quedam inflammatio locis inest sectioni propinquis, sanguinis cursus non antè sistatur, quàm vel dolor mitigare occipiat vel eius color commutetur. Mutatio quippe indicat sanguinem ex inflammata sede, in qua is est à reliquo dispar, euelli: quod omnino expectandum est, nisi aut parti vehementer impactus humor est aut euacuatione vires exoluuntur. Hec si quidem cogunt in tempestiuè suppressere, ac potius iteratò quod reliquum est detrahare, aliàs quidem eodem die, aliàs postero. Ut enim effluenti sanguini, ita & viribus attendendum ne deficiant. Vires defecturas præmonstrant, labans floris impetus, pallens faciei color, oscitationes, pãdicationes, aurium tinnitus, oculorum suffusiones, quæ omnia coarguunt vitales spiritus imminui & cor infringi destitutum calore. Ad hæc singultus & nausea, quæ sunt irrupente humore in os

*Signa expressa
virescentium
labantium.*

*Reuocandū
viriū modi.*

ventriculi. Omnium tamen certissima & minimè fallax est pulsus mutatio, qui si ex crebro supra modum rarus euadat, aut ex magno paruus, ex vehementi debilis & obscurus, ex æquabili inæqualis, vires collapsuras aut perturbationem epilepsię non admodum dissimilem præstat. Hęc igitur si ex vacationis quantitate incidāt, protinus intermittendū, ne imbecillitas progressa vel mortem inferat vel iacturam quæ nullo pacto refarciri possit. At si vel metu & terrore vel stomachi demorsu, hæc signa compareant, intercepto fluore laborans recreetur, vt exinde possit reliqua vacuatio cōpleri. Recreandi multę sunt rationes. Os atque faciem frigida conspergere: acetum, vinum, moschum, idque genus aromatica ad nares admouere. Ab his verò præstantissimū sit ægrum profternere: partibus quippe omnibus in vnā sitis æquabilitatem adductis, cessat labor omnis, principēq; partes caloris & spiritus plus sibi mutuò impartiunt. Si ne sic quidem releuetur eger, vomitus excitetur, aut faucium utillatu aut iniecto oleo: quandoquidem is impetus stomachi cordisq; rēdia depellit, suscitātque robur. Mox vires instaurentur vino, succo mali punici, iure carniū, medicamento diamoscho aliisve cardiacis.

Vt à Vena sectione regendus sit ager. CAP. XVI.

SANGVINE vt morbi magnitudo virēsque ferebant emissio, vinculum dissoluatur, vulnus exiccet, ne crescente sanguine madens aut non coalescat aut abscessus metum interat. His siquidem non accuratè animaduēsis, die octauo aliquando resignatum est vulnus. Adeps si exiliat ne præcidatur, sed intrò molliter referendus est. Detersum vulnus linteo obsignetur vel rosacea vel dulci aqua imbuto: aut etiam oleo, si sanguinem iterū funderē consilium est. Fasciis linteum deuinciatur, quæ nec arctiores sint nec cutem vlcerisve labra distorqueāt. Si ictu tendone aut nervo, fluxionis aut phlegmones metus est, emplastrū è cerussa imponendū est: in ambitu verò cataplasma ex semperuiuo, solano, arno glosso, aliisque frigidis. Sectus eger supinus decumbat, vt omnibus partibus in spinam dorsi tanquam in corporis basim reclinātibus, summa sit quies, & in quiete partes

partes exhaustæ repleantur, refarcianturque spiritus. Neque igitur ad consueta munia properet, neque celerius inambulet, neque villo exercitationis genere se fatiget: neque vtatur venere, neque in balneum descendat: quâdoquidem sanguis & spiritus vehementius incitati, ne dissipentur aut incalescant, sedandi comprimendique sunt. Nec verò venæ sectioni continuò indormiendum est, ne aut languidior calor extinguatur aut obruantur imminuti spiritus. Itaq; vigilans conquiescat, ablitque omnis tum animi tum corporis contentio, quod & in lipothymia præcipimus. Hora vna aut altera à sanguine misso, alimētum licet offerre, exiguū quidem quodque boni sit succi, quod promptè alar, & quod sit profligando morbo accommodatum. Duabus abhinc horis aut etiam minus, nihil vetat obdormiscere, modò asfidentes prospiciant, ne vel laborans in brachium cæsum se deuoluat, vel vinculum dissoluat, quo sanguis dimanet, vel aliud sibi incommodum ferat. Reliquus cibus sensim tum copia tum materia deinceps increset, neque temerè aut auidè ad pleniorē properandum est, vt quem natiuus calor imminutus non plenè sit confecturus & quem crudum multumque exuctæ venæ rapiant, quo demum omnem corporis molem referciant. Esto etiam, integra sit omnis alimenti concoctio, quid tamē iuuat illico se succis largiū implere, quos animus est vena secta demere? A misso sanguine exquisitior victus ratio tenenda, neq; protinus æger ad pristinam diætā perinde vt canis ad vomitum redeat. Intemperantes idōei venæ sectioni non sunt. De iteranda venæ sectione sic statuendum est. Quum ex feruentis sanguinis copia, vel maxima inflammatio, vel dolor vehementissimus, vel ardētissima febris irrupit: ipso protinus initio antequam effrænatus sanguis in principem aliquam partem incumbat, non modò quantum illius exuperat, verum etiam multo plus emittendū est, idque vniuersè & asfatim, etiam ad vsque animi defectionem, si valide vires tolerando sunt. Ferè autem valētio plethoricis affectibus, in quibus rarò vacationis copia deficiūt. Validas quidem & integras vires, non autem imbecillas permittit Hippocrates vsque ad animi defectionem deducere. Nam constans & integris viribus defectio interueniens, arteriarum

*De iteranda
phlebotomia,
quam et apl.
resin nomi-
nant.*

duntaxat spiritus exoluit, illæ sæ verò persistūt eæ vires, quas cordi, iecori ac cerebro natura cōgenuit. Licet autem in lipothymia illæ dispereant, ex his tamen insitis alię persimiles denuò suscitari poterūt, ex quibus impēdio recreabitur eger. At imbecillis (quoniā illæ principibus partibus insitæ vires languēt) si lipothymia obrepserit, vix instauratio fiet. Quocirca viribus imbecillis cauenda diligēter est defectio. Ita quidem de maximis vrgentibusq; morbis sciendum. At in leuioribus istque vniuersalibus, vt in plethora, in febribus & aliis morbis, quorum materia coercita est in vasis, non quidem ad lipothymiam, sed tamen quantum expedit quantumque affectus exoptulat, vniuersè & semel statim initio vacuandum est, si modò vires annuant. Ea vacuatio citra vllam virium iacturam, exuperantē materiam subtrahit antequam vel tota putrescat, vel in nobilem partem irrumpat, vel horrenda symptomata suscitet. Qui metu deterritus in his vacationem partiri proponet, & minus sanè proficiet, & morbum producet in longius. At si per virium imbecillitatem nequit vniuersa vacuatio compleri, quum præstantior virium quàm morbi sit observatio, partitione vti cogimur, idque summo iudicio summaque prudentia. Partitio autem sit ex modicis interuallis, atque vel dissoluto vinculo vel digito indito vulnere, intermittatur tantisper dum modis antè expositis restituantur vires. Interdum hora vna, interdum etiam plures ad virium instauracionem necessariæ sunt. Optimum autem sit non vltra diem prorogare, ac bis sanguinem (si vires sinunt) eodem die mittere, idq; in morbis vniuersalibus: & (nisi quid aliud vetat) antequam putredo aut alia inualescant mala, quantum expedit educere. Cæterum in affectib⁹ partium omnibus præsertimque in phlegmonis, partitas euacuationes oportet longiore interuallo seiungi, atque repetitam vel in diē posterum vel in perendinū differri: vt hoc temporis spatium, corrupti humores ex affecta sede remigrent in venas exhaustas, quos exinde altera sectio promptius eripiet. Pars enim laborans sensim vno alteròve die humores suos eò deposuit, qui corrupti quum sint, illic relinqui non debent, etiam si dolores conquieuerint. At verò venenatam, malignamque inflammationem, vt pestilentem bubonem vel carbun-

carbunculum, necesse est eo ipso die festinanter iterata vacuatione demoliri, ne pestilens contagio diutius hæreat in venis. Neque tamen confidentius atque audacius crebrior venæ sectio adeunda: non parum enim spiritus calorisque demit ac in senectutem immaturam & hanc morbis grauioribus obnoxiam præcipitat: cuiusmodi sunt cachexia, hydrops, arthritidis, tremor, paralytis, apoplexia. Impensius enim refrigerato natiuo calore, humidoque primigenio imminuto viscera languescunt, cruditas dominatur, quæ tot malorum causa fit atque origo.

Emissi sanguinis observatio. CAP. XVII.

EFLUENS sanguis excipiendus mundis terfisque peluiculis, terrenis, vitreis, stanneis aut argenteis, non item æneis, ne ab his vel propriæ substantiæ vel coloris vel alterius qualitatibus conuersionem subeat, quæ nostrum de corporis affectione iudicium peruertat. Sint & peluiculae multæ in quibus sanguinis varietas dispici ac distinguere possit. Seponantur loco mundo, quo nec puluis, nec fumus, nec ventus, nec Solis radij pertingant. Omnium prima in his observabitur sanguinis substantia. Viscosus est qui lentè fluxit & tanquam glutinum digitis obhæret, quorum neutrum efficit probus atque mediocris. Crassus est & densus, multasque fibras habet, quiocyus concreuit atque congeliat, hic obstructionum aliorumque inde morborum fit author. Qui tardius concreuit ac dureuit, tenuis est: qui verò iam refrigerens minimè dureuit, is omnino vel aquosus, vel putridus est, cuius fibræ omnes direptæ atque corruptæ vanuerunt. Id ipsum planius distinguit fissio. Crassus ac compactus difficilè finditur, tenuis facilè: putridus verò non finditur, verum simulatque attingitur totus in partes exiguas discerpitur. Serum multum tanquam aqua citrina concreto sanguini innatans, vel potum liberaliorem, vel iecur infirmum quale hydropici, vel imbecillos renes, vel eosdem obstruktos ostendit: quibus ex causis serum redundans in venas sanguini permiscetur. Hunc tamen non eo prorsus destitui par est, velut in his qui frugalius bibunt, aut immoderatus sese exercent: crassescens enim sanguis difficilè in

*Sanguinis con-
ditio ex sub-
stantia & co-
lore.*

tenues venas distribuitur, easque promptè intercludit. Spuma innatans nisi floris impetu nata sit, incendium atque feruorem eius humoris ostendit, cuius colorem præ se fert: rubra quidem sanguinis: citrina, bilis: alba, pituitæ: liuida, melancholiæ. Durescentis sanguinis color per summa rubicundus, boni utilisque sanguinis est index: ruber quidem ac lucidus ardentis, qualis est arteriarum, ruber verò & obscurus mediocris, qualis est venarum. Color citrinus, bilem: albus, pituitam: viridis, bilem retorridam: liuidus aut plumbeus atram bilem cum pernecie, ut disparium colorum permixtio varios humores exuperare commonstrat: qui an etiam putridi sint necne, sanguinis substantia palam facit. Sanguinis parte summa innatat nonnunquam pingue quiddam & adiposum, instar telæ aranei coherens. Hoc, si admodum pingue & obesum corpus est, ex ipso sanguine causam habet, qui est in adipem pronus. Sin corpus itrigosius fiat minusque opimum, id ipsum colliquari & marcescere portendit. Ina parte concreti sanguinis subsidet quod terrenum magis est atque feculentum. Id quum finditur, sæpius apparet vel rubrum obscurum, vel nigrum vel liuidum vel viride: unde humoris qui sanguinem perfundit, naturam videre est: atque ex coloris copia assequi quantum vnusquisque humor in venis abundet. Si diffisso sanguine grana quædam arenularum æmula offendantur, aiunt vel elephantiasim vel propensionem ad hanc notari: quanquam obseruantibus raro tale quiddam deprehensum est. Rarum est sanguinem à venis grauecolere: quod si contigerit, putredinis corruptionisque deplorata est indicium. Detractum sanguinem nemo degustarit: at si cui in os fortè incidet, dulcissime apparebit, secundum naturam est: qui amarus, biliosus, acidus aut stipticus, melancholicus: insipidus, pituitosus: salus, pituita salsa perfusus. Sanguinis substantia atque colore animaduersis, conferendæ inuicem erunt peluiculæ: quæ si omnes optimum sanguinem æquabiliter exhibeant, credibile est reliquum in venis similem haberi, illum tamen detrahendum fuisse, quod multitudine peccaret, quæ vna corpus grauat, sensus offundit, & in putredinem aut in grauiorum malorum pericula coniicit. Si vitiosus & impurus sanguis conspicitur, multo etiam vtilius eductus est, ut qui &

copia

côpia & qualitate molestus, corpori negotium facesseret: sed & post hac diligentius vacuari corpus debet, aut phar-
maco, aut venæ sectione. Non tamen quo impurius sanguis
aut crudior alieniorve a sua natura longius desciverit, eo
plus detrahes, vulgarium & malorum medicorum more:
sed quanto humores entis vitæve sanguinis naturam lon-
gius recesserint, tanto parcius & cunctantius hauriendum
de sanguine, quàmque longiniquè ab eius forma abesse de-
prehendentur, in totum erit à phlebotomia abstinendum.
Si qui prius manavit sincerus, qui autem posterius, pravius
existit, multi huiusmodi resident humores in corpore, pro-
ba victus ratione, idoneisque vacuationibus exterminandi.
At si hoc ex phlegmone accidit, bono esse solet, nempe in-
dicium completæ & integræ vacuationis, quæ morbi ma-
teriam ex affectu à sede extraxit. Si postrema peluis purior
est primis, consummata est vacuatio, quæ sanguinem vitio-
sum omnem detraxit, dum utilis ac bonus dimanaret. San-
guis in tepescentem aquam effusus, diuulsis secretisq; sub-
stantiis multa profert. Serum cum aqua omnino confun-
ditur, vt internosci nequeat: illi etiam permiscetur tenuior
sanguinis portio, ex cuius colore liceat de humoris natura
& specie quodam modo iudicium facere. Crassior sangui-
nis portio & fibrosa subsidet in imo: quæ pura & secundum
naturam esse iudicabitur, si lucida, tenuis, subalbida, & co-
hærens fuerit. At crassior crassum etiâ sanguinè inesse: ob-
scura & nigra aliòve infecta colore, sanguinem vitiosorum
humorû fœcibus inquinari demonstrat, quos ipsa coloris
differentia discernit. Si parum illa cohæret, distractaque fa-
cile dilaceratur, summæ putredinis est argumentum.

De arteriarum sectione. CAP. XVIII.

MAIOREM arteriam in cubito venæ substratam, aut
eam quæ in poplite sita est, neque ex industria, neq;
imprudenter incidere sit tutum. Eius enim sanguis egrè re-
stingui potest, nempe tenuis & calidus imperûque prorum-
pens: & sanè nonnulli volentibus medicis vitulo quasi hæ-
morrhagiâ sistere, nata partis gangrena mortui sunt. Ne-
que si reprimatur, facile queat vulnus ad cicatricem perdu-
ci, citra aneurysma ob assiduû pulsû obque tunc cas-
f f

fas & præduras. In ipsa verò aneurysmatis chirurgia non pauci periere. Præstat igitur quum necessitas postulat maiorem arteriam totam oblique in transuersum secare: nam sanguis deinde sistitur, vtrinque ipsius extremis retractis, & vulneri imposito emplastro ex aloë suprà descripto. Minores verò arterias quæ in summis artubus, in capite, in manibus & in pedibus extant, licet citra hæc pericula incidere: vt quæ agglutinari possint, præsertim in molli humidoque corpore, quali mulieres ac pueri præditi sunt. Confert autem harum sectio quum vehemens diurnusque dolor circum membranas vim infert, qui pungenti similis est ob membranæ sensum, & qui pulsans est ex arteriarum motu. Sanguis enim multus, tenuis & calidus in affectu partis arteriis coërcitus, fit doloris causa. Itaque si partibus extremis inuestigantur ac secantur arteriæ, quæ à sedibus illis affectis procedunt, dolor omnino vanescit. Pauci hoc tempore arterias incidunt, quod non admodum conspicuæ sint, nec facile sit illas consequi. In temporibus tamen tectæ calidas acrésque oculorum fluxiones inibent, quarum gratia totæ discinduntur, aut inuruntur candente ferro, vel caustico medicamento. Pone aures secantur in virgine, in diurnis capitis doloribus calidis atque spirituosiss, in faciei rubore & quibusdam aliis capitis affectibus inueteratis. Quæ inter pollicem & indicem excurrit, aperitur in diurnis laterum doloribus inter viscera & diaphragma positis. Iuxta malleolū secta vetustos lenit coxendicum dolores qui iamdiu inualuere. Semper autem eius delectus habeatur, quæ è directo affectæ sedis est, ad quam ne accedendum quidem fuerit, corporis totius prouisione neglecta.

De particulari sanguinis vacatione. CAP. XIX.

QUUM sanguis aliqua in parte ita inhaerit vt nec secta vena nec medicatione reuelli possit, ab ea potissimum parte quæ offenditur educendus est remediis quæ ei ipsi parti liberandæ insideant. Eiusmodi sunt hirudo, scarificatio & cucurbita, quæ à parte iam laxa sanguinem manifestè exhauriunt. Hirudo morfu trifidum vulnus infligit, quod non cutem modò, verum altius quoque, si ea tenella vt pue-

ris & infantibus est, penetrat. Exhausta porro exinanit aque & accuratè preparata auidius tutiusque fugit, ferèque continenter dum copia turgescat saturaque procidat. Plerumque etiam sublata ea sanguis confertim profluit si præsertim in prominentem venam erat infixa: ac tum pro scalpello & phlebotomia est. Ita quidem ex hæmorrhoides tam copiosum interdum sanguinem euocat, ut emplasticis adstringentibusque medicamentis sit opus, & puerorum cubito infixa phlebotomia exaquet. Quæcunque sic è vena caua haurit, pro vniuersali vacuatione habenda est. Quæ verò duriusculæ cuti, aut ei parti cui nulla sit amplior vena subiecta adhærescit, quam solum partem attigerit, euacuat: aut certè minimum è vicinis, nihil verò prius ex alto aut ex distantiore loco prolicir. Quocirca is duntaxat partium vitis exugendis adhibetur, quæ in summa sunt cute, ut scabiei, vitiligini, impetigini, pano, uasi faciei que rubori & elephantiorum tuberculis.

Scarificatio fit epidermide minutim scalpello discissa: que tamen & nonnunquam altius subiens veram cutem ferit. Vacuat è sola parte diuulsa, nisi fortè venam conuulneret: exitum enim facit humori subiecto, nec tamè vi quicquam ex alto aut è longinquo trahit. Quo altius scalpellus adigitur, eo plenior sanguinis est effusio. Expurgandæ cutis remedium est scarificatio, ac eorum quoque affectuum quibus dixi hîrudinem opitulari: quin etiam eorum qui in cutem iruperunt ei que iam contumaciter obhærent, ut scirrhi, inueteratæ phlegmones, & cuiusvis corruptæ materiæ. Ad hæc gâgræ, sphaceli & aliorum in quibus natiuus calor strangulatus ventilarî desiderat. Largius autè ac vberius scarificatio sanguinem profunder, si protinus adhibeatur cucurbitula. Hæc enim vi flammæ atque caloris non modò quicquid tenuis fluxi que humoris ac spiritus partè circumfundit, sed & quod in locis distantiorebus, penitionibus que inest, validissimè trahit. Arque si cutis antè ferro exasperata est, id manifestè in se prolicir: sin verò levis ea & integra manet, è distantiorebus penitionibusque euocat in cutè, ac in eam sedem transfert cui cunq; fuerit impacta. Itaq; inherens cucurbitula cute iâ incisa, corporis summas partes expurgat, multo quidem potentius, quàm aut scarificatio simplex,

Scarificatus.

Cucurbitula.

aut hirudo, iisdemque succurrit affectibus. Leuis autem & quæ sine scarificatione imponitur, nō manifestè sanguinē, sed vnum spiritū extrahit. Cæterum humores ad sese rapit, irruentem fluxionem reuellit, sanguinis profusionem vndeunque factam directo contrariōque loco imposita sistit, quum præsertim ex vena sanguinem mitti reuelliq̃ue imbecillæ vires minimè sinunt. Errabundum vterum fluctuantemq̃; humorem cohibet: eum verò qui partiam hæret impactusq̃; est deriuat: & eum qui in alto corpore demersus est euocat in summum: vt idcirco stuporis, paralyfis, inueterati doloris accommodatū sit remediū. Flatus verò ac spiritus quauis sede coercitos expeditè dissoluit atque dissipat. Proinde palpitationem, singultum, colicum, nephriticūq̃; cruciatum ocysimè compescit. Expeditissimum hoc præsidij genus ac minimè periculosum. Neque enim corpus vlla qualitate labefactat neque vires infringit.

Hactenus remedia exposui quæ sanguinem tum vniuersim tum particulatim detrahunt, ad ea deinceps accingar, quæ non hanc illamve, sed nullo discrimine omnem corporis materiam vel absument vel dissipant.

Vniuersalis quæ per habitum fit corporis euacuatio.

CAP. XX.

*Inedia & eius
efficæ.*

EORVM quæ per summa corpus exhauriunt vacuāntq̃;, alia sudores conspicuè cient, alia halitum tenuēmq̃ue substantiam perspiratu digerunt. Hoc genere continentur inedia, vnctio & frictio: illo exercitatio, balneum, laconicum. Phlebotomiæ vires proximè imitatur inedia, sensim ac pedetentim sanguinem absumentes quem semel ac repente phlebotomia vacuat: præterea verò crudos humores aliosque complures dissipat, omnisq̃ue generis excrementa propellit. Etenim natura liberā nec impedita, salutaria quæque nobis continenter procurat. Quum igitur consuetus corpori cibibus aut subducitur aut extoto circumciditur, huiusque penuria inest, insitus nobis calor omnium naturalium functionum author, per omnia diffusus ac insertus noui cibi copia minimè implicatus, vbique vim suam exrens, inualefcit. Ac primū quidem vtilem succum & sanguinem

guinem in corporis partiumque substantiam mutat absu-
mitque nutritione: tenues verò humores ac superuacuos in
halitum digerit & sine sensu dissipat: crudos concoquit, mu-
tatque in sanguinem alendo corpori idoneum. Ex superua-
cuis autem crassos attenuat, lentosque detergit: ac proinde
strenuè expedit obstructions, adhuc quicquid concoque-
re non potest, id saltem præparat, viasque omnes corporis
quibus excludatur patentiores expeditioresque facit. Tum
etiam expultrix facultas quæcunque præparata fuerint, in
expurgationis vias adducit expellitque foras. Hinc plerum-
que aliud sponte soluitur, vomitiones erumpunt, vrina pro-
funditur vberior, cerebri excrementa defluunt, & quæ à
purgationis via longius absunt perspiratione dissipantur.
His corpus vniuersum sublato quasi onere leuatur, respira-
tio libera fit ac facilis, mens sensusque omnes expeditiores
alacriorésque euadunt. Hæc dum confert inedia, impuro
quidem corpori plerumque venter vitiosus implet hu-
moribus: vnde stomachi erosiones, vigilæ, corporis per-
turbationes & vertigines, quòd scilicet insitus calor perin-
de ac medicamentum noxios humores exagitet in alimen-
ti penuria. At verò perturbatos ea demum subigit, domat
atque depellit, vnde magna sequitur tranquillitas & morbo-
rum multorumque symptomatum sedatio, supersiste qui-
dem etiamnum & integro naturali calore. Hæc sanè mo-
derata efficit inedia, vt quæ acres humores exacuit, incen-
dit, calfacitque corpus. Immoderata verò quoniam pabu-
lo atque etiam superuacuo humore absumpto, ipsam quo-
que partium substantiam dissipat, quæ calor est sedes, cor-
pus tandem refrigerat, virésque comminuit & obterit. Sa-
lubris est tempestiua abstinencia, & apprime utilis quæ per
inediam fit euacuatio. Etenim blandè nullaque violenta aut
corporis aut humorum impulsione, nullaque aliena qualita-
te in corpus inducta sensim ac lentè progreditur. Acutis
porro vrgentibusque morbis sola inedia vix tutò succurri po-
test, sed aut venæ sectione aut pharmaco expeditè vacuan-
dus est corruptus ac putridus humor, qui de sua bonitate
plurimum decessit, & quem insitus calor neque amplius in
benignum reducere, neque de repente exturbare potest. At
leues morbos ex cruditate futuros arcet cibi parsimonia:

eosdem recens genitos facile persanat inedia: inueteratos quoque eos plurimum in coctione lenit, tandemque profligat. En ipsa ex plenitudine futuros conuenienter inhibet, quod sensim ac tempore onerantem copiam eximat. Qui verò iam praesentes ex copia sauiunt, eos non inedia, sed venae sectio expedire tollit. Sed & in crudioribus morbis materiae sitis aestimandus. Nam quum venis aut summis partibus ut capiti, vel plenitudo, vel cruditas, vel pituita grauis molestaque est, cibus parcus siccusque confert, ea moderatione ut praecordia primaeque partes ne collabatur alar, non autem ad corporis summa ipse pertingat. Quum verò aut in ventriculo aut in prima corporis regione vitium inherescit, multo parcior sicciorque victus imperandus. Inedia appellatur modò abstinentia modò parsimonia non cibi duntaxat, sed & potus, qui magis promptusque quam cibus tum viscera tum venas implet, iisque negotium faceffit. Quos igitur morbos inedia non sustulit, medicatione curato.

Exercitatio.

Exercitatio aliquantum quoque, sed quam inedia minus ablumit ac digerit, idque magna tum corporis tum humorum perturbatione. Hec nullum extrinsecus corpori calorem confert, sed ingenitum nobis & innatum suscitatur, qui dein quoquoersum effusus corpus humoresque calfacit. Vnde alimenti coactio, distributio, nutritioque faciliior. Eadem sanguinem & humores extenuat, mollit, colliquat & diffundit, atque adeo perturbatur, ut sua illi vasa impleant atque distendant, vixque turgentibus contineri possint, sed vi impulsu aut foras exilant aut impetu in partem aliquampiam irruant. Ipsa etiam cutis spiracula laxat & resoluit, quumque validior suscitatus est calor, spiritus quoquoersum in corpus impelluntur, qui ductus omnes referant viasque expurgant, & oborto sudore copioso superuacua propulsant. Non aegrotantium, sed bene valentium est quae exercitatione fit sudorum eruptio. Etenim quia vires exoluit corpusque defatigat, laboranti grauis importunaque est. Bene valenti ad praecautiorem accommodata, concocto certe ac iam distributo cibo alioque subducta. Impuri corpori vitanda exercitatio. Quum enim vitiosos humores confundat ac perturbet, quos tamen nec euincit nec prorsus depellit, plerumque morbis grauioribus rudimenta ponit.

Balneum

Balneum dulcis aquæ longè quàm exercitatio potens- *Balneum.*
 tius spiracula laxat reimititque, humores calfacit, extenuat,
 fluxosque colliquat. Ex his fuliginosos non modò dissipat è
 summis, verum etià ex intimis corporis regionibus tenues
 & fluxos foras euocat proheicitque sudores. Crassiores verò
 quos nò discusserit, colliquat & tanta vi concitat, vt in alias
 plerumque partes iactati confluant. Quocirca balneum iis
 aduersissimum est qui morbo graui tenentur, atque iis qui
 citra morbū impuro plethoricòue sunt corpore, & quibus
 nobilioris cuiusdam visceris imbecillitas inest, aut præcor-
 diorum durus renitensque tumor. Quippe liquatus humor
 præter naturam in partem languidam decumbens in phleg-
 mones discrimen adducit. Vtile verò & accommodatum
 iis deprehenditur, qui squalidi extenuati que sunt, & quibus
 iam magna partium solidarum inest ariditas: atque iis etiam
 qui ex febris ardore quasi retortidi euaserunt: melancholi-
 cis quoque & crasse terrenòque humore oppressis. Sed &
 in iis cautio adhibenda, ne vlla subsit in venis primis copia
 crudi humoris, quæ in omne corpus rapi possit: nè inter
 administrandum horror vllus incidat, qui febrem prænun-
 ciare solet. Tanto autem manifestius atque validius hæc ef-
 ficat balneum, quãto vel natura vel arte calidius obtigerit,
 siue sulphureum, siue nitrosum, siue medicamentorum ca-
 lidorum permixtione comparatum sit. Solum verò aquæ
 calidæ in quod resupinus æger à genibus ad vmbilicum de-
 mergitur, non mouendis sudoribus destinatum est, sed aut
 molliendo referandòque vtero, aut leniendo dolori, qui
 ventris imas partes excruciat.

Laconicum in quo sicco calore sudor elicitur, humores *Laconicū sem*
 è corpore aliquanto valentius quàm balneū resoluit. Mor- *hypocaustum.*
 bis accommodatur frigidis atque diuturnis, quorum mate-
 ria aut in artubus aut in summo hæret corpore. At quoniã
 in eo vapor feruidus, non solum ex pori extrinsecus occur-
 sat, verum etiam respiratione intro sese insinuans, ac in o-
 mnia diffusus corpus haud mediocriter incendit & exiccat,
 nec calidis, nec acutis affectibus, nec impenasè bilioso, nec
 extenuato corpori decernendum. Quum verò humores
 conturbet corpusque vehementer lacescat, iudem atque
 balneū obseruationibus vsurpetur. His vtiendi generibus

humoris atque spiritus non exiguum ex vniuerso corpore dissoluitur in sudores, qui tamen per febres acutosque morbos, si res exposculet, leuioribus mouebuntur auxiliis.

*Vnctio &
frictio.*

Iam verò vnctio atque frictio summa duntaxat corporis exinaniant, neque humores intus ac penitus abstrusos, neque corpus ipsum insigniter conturbent. Mollis quidem longaque frictio corporis summa excalfacit, cutis spiracula laxat dilatatque, quibus ex causis humores in extrema corporis effusi locale sunt, extenuantur & liquefiunt, qui demum sponte sua dissipantur & euaporant. Vnctio calida eadem, sed aliquanto validius confert. Alius siquidem penetrans non modò cutem emollit, verum etiã corporis interiora & humores cõragine calfacit, extenuat, disperditque. Leuior tamen est vnctio & tolerabilior frictione longa. Illa quidem in acutis morbis, longa verò neque in acutis neque in crescentibus est ex usu.

His mihi cõcludenda videtur de venæ sectione deq; omni vacuatione vniuersali suscepta tractato, quam idcirco paulo pleniorẽ institui, vt omnia complecterer, quæ in hanc rem pertinent, & quæcunque veterum scriptis ambigua sunt aut controuersa, perspicuam lucem acciperent. Quæ si cui vix licet omnia ad vnguem ipso medendi usu complere, conandum tamen est, vt ad illa tanquam ad certam legem & regulam opus omne dirigat.

LIBRI SECVNDI THERAPEVTI-
CES, DE VENÆ SECTIONE,
FINIS.

METHO-

89
METHODI ME-
DENDI, LIBER III.

DE PURGANDI RATIONE.

Quid purgatio, quōq; eius differentia. CAP. I.



PURGATIO, est eorum quę sola qualitate molesta sunt euacuatio. Qualitatis genere non eas solum complector quę primę appellantur, sed & secundas & cuiusvis substantię corruptionem. Nam corporis excrementa & humores superuacui quū immoderatus exuperant, non mul-

ἡ καὶ διαπορῖς.

titudine, sed qualitate peccant; quemadmodum & qui aut nimium crassi sunt aut glutinosi aut acres. Pręterea tum hi, tum etiā qui proprię succi nuncupantur, si vel intemperiem, vel alienam quālitatem, vel corruptionem sortiti sunt, qualitate peccant, & cacochymię nomine continentur. Quum igitur hæc vitia à naturali cōstitutione eorumque iam recesserunt, vt neque victu neque alteratione sola emendari, neque naturę calorisq; beneficio in pristinam bonitatem reduci possint, auferenda certē sunt, omnisque eorum materia tanquam inutilis prorsus extirpanda. Id autem purgatione fit, quę vna cacochymiam subtrahit. Venę sectio cum fortasse vitiosum humorem qui consistit in venis, at nō solum euacuat, sed sanguine & vtili humore permiscuit. Purgatio verò id solum quod vitiosum est & qualitate peccat, vtili relicto, nisi fortē immoderatē efferatur. Purgatio alia sponte, alia arte & medicamenti ope fit, quę proprię appellatur medicatio. Hęc rursum duplex, vniuersalis & particularis. Vniuersalis non quę omnes humores, sed quę ex vniuerso corpore aut certē maxima ex parte superuacua deducit. Particularis quę partē quampiam propriis vitiis expurgat, vt è cerebro per palatum & nares muci deriuatio: è pectore & pulmone excreatio: arenularum aut puris è re-

ἡ διαφορὰ.

nibus emictio: vteri per ceruicem expurgatio: & quæcunque rupta cute è quauis particula fit eruptio. Est porro vniuersalis triplex, alui perfusio, vomitio & quæ alui nuncupatur deiectio: de quibus sigillatim accuratius differendum.

De clystere CAP. II.

ΚΛΥΣΤΗΡΗΣ. **I**NTESTINORVM præsertimque crassiorum vitiiis aptè clyster succurrit. Eo quippe integris viribus pertingit, quò e poti medicamento vis non nisi hebetior & longo viæ prolapiu fracta, ignauior accedit. Quot igitur in intestinis vitia, tot & clysterum genera: alij dolores leniunt, alij humores acres consopiant, alij vlcera detergant aut siccant, alij fluxiones cohibent, alij euocant. Horum rursus alij flatus discutiunt, alij fæces emolliunt, alij humores eliciunt è vicinis partibus, qui purgantium genere propriè contineri solent. Nam præter flatus ac fæces cibi; reliquias, nò pauca etiam in intestinis cumulat superuacanea pituita, quæ nonnunquã proruit è cerebro, assiduò autem ex ventriculi & intestinorum nutritione vt peculiare excrementum succrescit: maxime verò quibus ex multa ingluuie aut ex glutinosis cibis magnus est crudiratum prouentus. Ea quidem initio aquosa aut etiam mucosa existit, quæ diutius in longo viæ anfractu, præcipuè verò in cæco intestino, aut in coli cellulis inherescens, caloris vi tempore crassescit dum & vitrea & gypsea euadat. Talis interdum modò seorsum, modò fæcibus circumducta sponte redditur: plerumque tenacius intestinis adhærescit, vt neque illabenti excremento, neque medicamento cedat. Cumulata hæc copiosior, atque tum intestina, tum mesenterium inferciens, caput, sensus corpusque vniuersum degrauat, obstructionum multorumque morborum procreatrix. Similis est & humorum quorumlibet ratio, qui aut sponte, aut purgationis vi è visceribus decussi & in intestina deuoluti, illic subsistunt & hærent. Hos ergo attingens clyster incidit, extenuat, detergit, secumque deducit: ac multa sæpe crassa detrahère cernitur, quæ nulla purgationis vis excludit. Sed & inferiora expurgans, superiora consequutione exonerat: etenim viscera pressa quæ præcordia liberat meliusque spirantia facit. A clystere

stere omnis est purgationis initium: hic deiectionis viâ parat & expedit, vomitionis impedimenta subtrahit. Quumque in intestina defixi humores aliive eorû affectus sanandi sunt, flatus sæcæsq; clystere in primis excludendæ, vt deinsit in ipsos affectus vis efficacior. In latus dextrû decumbenti facilius celeriusque subit, sursumque excurrens intestina proluat: sinistro decubitu in recto aut in colo intestino, quod aliorum mole premitur, plerumque subsistit. Tepens iniciendus, idque sensum, ne impetu flatus sursum magnis torminibus compellat. Ad alui subductione, quod sæpe conturbet subuertatque cibum, ventriculo vacuo indendus est: ad medicationem verò eo etiam cibus cõferto admittitur, diuque continendus est vt tempore vires suas potentius exeret. Hoc diutius subsistente potest laborâs cibum sumere, aut huic etiam si volet indormire: nam postea licet non syncerus, ingenti tamen fœnore redditur. Rarènter admodum aut in ventriculum subit, aut in mesenterij venas rapitur, licet odore vel sapore os naræve feriat, aut etiam vrinas inficiat. Qui naturæ conueniens pro alimento subditur, absorbetur interdû si lōga fuit inedia aut parsimonia cibi. Sæpe etiam quû vehemētes cruciatus quales colici ac nephritici torquent, subsistit ac manet sursumq; repit. Dolor enim omnia quasi absorbens vacuationem cohibet. Ferè tamen remorantem clysterem acrior alter aut glans reuocat.

Glans clystere longè ignauior est, nihil quippe eorum eluit aut sanat, quæ intestina afficiunt, sed aluum duntaxat idcirco mouet, quod acrimonia podicem ad desidendum stimulet. Crebrior hæmorrhoidas irritat & aperit, acriorque vlcus interdum excitat. Ad podicis vitia solent omnis generis componi, adstringentes, detergentes, lenientes, prout affectus condicio polcit.

De Vomitione. CAP. III.

VOMITIO, est impetu ventriculi sursum facta reiectio. Quum immoderato potu ventriculus fluctuat, redundans humor plerumque sine sensu per gulam in os refluit, crebrâq; expuitione redditur. Lumbrici quoque interdum ex intestinis per ventriculû & gulam in os surrepunt: atque

in nausea & cordis dolore tenuis aqua è ventriculo confer-
tim in os confluit. Hi motus omnes tametsi sursum præter
naturam sunt, nondum tamen possunt vomitionis appel-
latione contineri, sed qui duntaxat manifesto ventriculi co-
natu obtigerint. Ut enim vterus in partu collectis vndique
viribus sese arctissimè summis partibus adstringit quò fec-
tum excludat: ita & ventriculus rei noxiæ iniuria laceratus
compressio fundo totus sursum impetu fertur, vomitione
quicquid infensum est excutiens. Motus hic omnium est na-
turalium manifestissimus, quo & ventriculus de propria se-
de exiliens, affidentes partes quibus annectitur magna vi
diuellit. Hinc vomitio difficilis violentaque est, aliis tamen
magis, aliis minus. Quibus pressum angustumque pectus,
& quibus cervix gracilis & oblonga, ij raro ac certè violent-
ter vomunt: facile verò & occasione leui qui contrario sunt
habitu. Violenter rursus & periculosè asthmatici, tabidi, &
ij quos præcordiorum inflammatio aut dolor exercet: me-
tus enim est aut suffocationis, aut cruentæ expuitionis, aut
ruptionis, quemadmodum & in motu omni vehementio-
re. Crebrior difficilisque vomitio ventriculum, præcordia
& quæ sub his sunt viscera, crebra validaque cõussione de-
bilitat, eoque humores rapit impuros: caput implet sensus-
que degrauat & offundit. Quæ verò facilis & moderata ob-
tulerit, saluberrima est & purgationum omnium præstan-
tissima. Noxios quippe humores ex ipsis fontibus synceros
elicit & vacuat, omnem quæ in ventriculi capacitate in eius-
ve tunicis hæret illuuiem in primis expurgat, è præcordio-
rum membranis, è cauis iecoris ac lienis, & ex pancrea o-
mnis generis superuacuos humores synceros elicit, quos
plerumque nec hiera nec aliud vehementissimum vllum e-
tiam frequens pharmacum in aluum exturbare potest. In
ventriculum enim ex his locis via breues ac expeditæ ma-
gis quàm in aluum directæ sunt, per quas facilis est vomitio.
Quamquam autem primum ab interioribus euellit, conse-
quutione tamen caput reliquumque corpus leuat. Quocir-
ca omnibus opitulatur affectibus, qui à præcordiorum im-
puritate ortum acceperunt, languenti appetentiæ, nausea,
cibi fastidio, crebræ vomitioni, ventriculo præcordiisve dis-
tensis, ictero, cachexiæ, febribus intermittentibus, hemi-
cranîæ,

οι δυσνηξ
καὶ δύνηξ.

Vomitio facilis
comoda.

craniæ, vertigini, incubo, epilepsiæ, suffusioni, omnibusque capitis affectibus, qui præcordiorum sympathia contracti sunt, & quos è præcordiis in reliquum corpus effusa impuritas protulit. In quocunque igitur affectu languescit appetentia, & nausea vomendique desiderium faugat, si pharmaco non satis fit, vomitione curandum. Nam quæ purgatio non eluit, extirpat vomitio, & quæ illinc non facile labuntur in aluum, promptè in ventriculum remeant. Tanti igitur vomitionis vis estimanda. Cui autem ægrè ea cietur, diligens adhibenda est preparatio. Quum enim vel ex corporis conformatione, vel ex humoris situ & crassitie, vomendi conatus angere solet, ac faciei oculorumque rubor, capitis tensio, sudor multus & interceptus spiritus obtingere, idque citra vacationem ullam, non nisi adhibita preparatione vomitio tentanda. Primum igitur attenuandus detergendusque humor, atque iis viæ molliendæ & laxandæ sunt quæ posthac traduntur. Corpore autem conuenienter preparato, quum vomendi necessitas premet, addendus stimulus ut artis & naturæ concursione effectus edatur perfectior. Ferè quidem ieiunos nausea vomendique desiderium premit, quum exinanitus ventriculus noxiorum humorum incurfione infestatur. Nam pastis benignitate cibi noxius humor demulcetur leniturque nausea. Sæpe verò noxius humor ventriculum stimulat cogitque cibum vomere, nec tamen ipse prodit, ut quum extrinsecus ventriculum feriens nondum in eius capacitatem penetrare potest, aut quum lentore suo intus illi tenacius adhærescit. Itaque synceri humoris superuacui vomitio ieiunis maximè cienda: quanquam tum leuiusculus cibus pharmaco præmitti potest, ut facilius succedat vacuatio. In id etiam corpus turbandum agitandumque est motu & exercitatione. Atque quum oborto cordis dolore illuies copiosior effluens laborantem vrger, prono situ collocandus firmato capite & vetriculo manu cōpresso, dū primum cibus & pituita, deinde bilis varia, quantum necessitas postulat eruperit omnisque impetus sedetur. Si violentior vomitio nimio opere fatigat superueniatque vertigo, æstus, angustia, suffocatio, cordis aut ventriculi compunctio: aut si immoderatiùs exuperat atque vel succos vitales vel sanguinem elicit, vel ramenta, vel nigrum quid-

*Ad vomendā
preparatio.*

dam foetidū atrābili persimile, lenienda certē & cōpescēda: atq; in quiete continendus est laborans, ventriculus fouendus spongia macerata in aceto tepente, atq; iis etiā firmandus quæ posthac dicentur. Quūq; sedata vomitione pulsus plenus & validus existit, placidus somnus sponte obrepat, facilis & libera est respiratio, appetentia bona reliquūque corpus leuius, vtilis ea censi debet & consentanea. Contrā verò inutilis & noxia, si contraria appareant.

De purgantium medicamentorum viribus, ac primum & vnumquodq; familiarem humorem totius substantia similitudine deducat. CAP. IIII.

PURGANS medicamentum humorem communi quodam omnium tractu prolicere non pauci censuerunt, eiusque portione detracta aliam dein consequutione quadam, ei quæ euacuata sit succedere, idque ne vacuum quicquam & inane in corpore subsistat. Neque medicamentum vnum quempiam humorem, sed omnes promiscuè hirudinis aut cucurbitulæ modo trahere, eum tamen qui tenuior & ad fluendum aptior sit, primum sequi, ab hoc deinde crassiores, postremò crassissimum: atq; si medicamentum infirmum & inualidum erit, nihil præter serum vacuari, si validius, cum hoc etiam bilem flauam, sin valentissimū, tum pituitam tum bilem atram. Huic sententiæ suffragās Auerrhois putauit tenues humores quia purgationi aptiores, prius quàm crassos omni medicamenti genere prolici. At si satis rerū peritus animaduertisset rheumbarbatum, agaticum atque sennam, etiā ex hydropico corpore non aquam, sed crassos humores: scammonium verò & iridem non crassos, sed tenues serofosque vel ex corpore sano elicere, non tam turpi credo errore lapsus esset. Si vacuationis ordine tenuia semper cæteris antecedunt, cur non & sanguis prius quàm bilis atra defluet, quem constat multo tenuiorē esse? Hæc opinio dum vnicum medicamenti genus sola pro vacuandi ratione quantitate mutatum satis fore humoribus omnibus expurgandis statuit, perturbato rerū ordine summam confusionem inuehit. Hæc incommoda circumspicius animaduertēs Hippocrates, rectē nouit medicamen-

tum humorem qui in corpore præter naturam continetur attrahere non communi & promiscua quadam vi, sed totius substantiæ similitudine insitæque familiaritate. Medicamentum (inquit) quum in corpus fuerit ingressum, primum sanè id quod omnium maximè sibi natura responderit, atque simile est deducit, deinde alia quoque trahit & purgat, quemadmodum semina & stirpes terram ubi subierint, id quod in terra secundum ipsorum naturam est, sibi attrahunt, siue acidum, siue dulce, siue amarum, siue salum, siue aliud quidpiam diuersum. Primum igitur eius quod sibi naturali similitudine coniunctum est plurimum arripiunt, tum cætera deinceps attrahunt. Talem quoque modum & medicamenta in corpore seruant. Etenim quæ bilem mouent primum hæc meracissimam purgant, deinde mixtâ. Quam igitur attractio aliàs caloris, aliàs vacui & inanitionis vi, aliàs totius substantiæ similitudine fit, quæ tamen à medicamenti purgantibus est, vna similitudinis proprietate completur, qua & stirpes succum è terra sibi idoneum, & vnaquæque corporis particula id quod in sanguine sibi familiare & conueniens est, & lapis heraclius ferrum, & paleas lucinum prolecat. Hæc autem similitudo non temperamentorum, sed substantiarum est. Illa quippe attractionis causa statui minimè potest: quandoquidem nullum medicamentum esset trahendæ pituitæ idoneum, quum illa frigida, vniuersum verò purgantium medicamentorum genus calidum habeatur. Ergo sola substantiæ similitudo causa est cur medicamentum hunc illumve humorem alliciat. Hæc autem substantia non ipsa est rei materia, à qua vnumquodque aut tenuis aut crassæ substantiæ dicere solemus: neque huius substantiæ similitudo attrahendi causa existit: nam neque agaricus, neque colocynthis tenuis substantiæ quum sit, crassiorem pituitam, neque rheumbarbarum quod astringentis & solidæ crassæque substantiæ, tenuem bilem educeret. Sed præstantior est tota illa substantia, à qua tanquam ab intimo principio defluit & manat, quæ totius substantiæ proprietas appellatur. Hæc igitur cum neque materia sit, neque temperamentum, necesse est rei species & forma sit, quæ precipua est ac ferè tota compositæ rei substantia. Admirabiles eius proprietates neque colore, neque sapore,

*Lib. de Natu-
hominis.*

*Proprietas si-
militudinis,
qua medica-
mentum fami-
liarem humo-
re allicit, vn-
de nam profi-
ciscatur.*

neque odore, neque vllis sensuum qualitatibus, sed operibus solis percipi possunt, vnde à plerisque cæcæ & occultæ nuncupata sunt. Quæ porro eadem continentur specie, substantiam non similem sed planè eandem habere dicuntur, vt ferum ferro, magnetem magneti, non simili, sed eadem substantia dicimus. At verò magnetem ferro similem, non eundem, quòd eorum substantiæ ac formæ affinitate quadam & familiaritate coniunctæ sint. Eadem in me licamentis quoque est ratio: censereturque agaricus pituitæ tota substantia similis. Ea autem substantiæ similitudo attractionis est causa, atque vnumquodque id trahit quod simile, non quod eodem est genere. Sic agaricus pituitam, non agaricus agaricum trahit, nec pituitam pituitam, non agaricus agaricum trahit, nec pituitam pituitam. Itaque perperam Auicennas colligit, si attractio sit à similitudine substantiæ, oportere ferum attrahere ferrum, aurumq; aurum. In hac autem similitudine quod validius est trahit infirmius, vt agaricus pituitam, non contrà, quòd agarico vis insit potentior, quam & temperamenti calor plurimum impellit. Si quando autem contingat tam exigua medicamenti portio exhiberi, vt ab humoris copia obruatur, ea omnino frustrabitur purgandi facultate, & in alienâ vertetur substantiam. Vltus enim tres notauit purgantium medicamentorum ordines. Vnus est malignorum, in quibus vis & substantia inest venenata, in quo habentur colocynthis & scammoniū. Alter benignorum, quæ minimum ab alimenti natura defecerunt, cuiusmodi sunt pruna, violæ, manna, serum lactis, cassiæ medulla. Tertius mediocrium, in quo sunt rheubarbarum, agaricus, senna, aloë. Itaque in corpore valido atque inedia exhausto, benigni medicamenti exigua portio in corporis substantiam faceffit: maligni verò portio vel exigua in putredinem veneno finitimam: mediocris in humorem vacuandum, qui ex superuacaneorum est genere alendo corpori minimè idoneus. Licet igitur agaricus calidus sit, verti tamen nihilo minus potest in pituitam, vtpote qui (quemadmodum & cnicus) tota substantia non temperamento pituitosus sit. Hac rerum commutatione temperamenti qualitates permanent, permanente substantia.

Medicamentorum purgantium ordines tres.

Purgans

Purgans medicamentum nonnunquam alium quàm proprium & sibi familiarem humorem extrahere e corpore. CAP. V.

APTAM vtilemque purgationem efficiunt medicamentum accommodatum satisque validum ut humorem exturbet: natura robusta quæ proritantem humorem expellat & purgationem moderetur: humor tenuis & ad fluendum aptus: corporis viæ per quas fluxurus est patentes & liberæ. Siquid horum desit, aut languida, aut inutilis erit purgatio. Inutilem dico quæ vel alieni est humoris, vel effugata existit. Quum igitur vacuandus humor corporis parte densa, adstricta, vel obstructa coercetur, neque huic purgationis viæ patent: aut quum vel nimium glutinosus crassusque est, vel crudus aliisque humoribus omnino permixtus, vel in longinquas partes diffectus, tamen si natura valens convenienti medicamento proritetur, languida tamen aut inutilis succedet purgatio. Languida quippe ac imperfecta eius humoris qui vacuandus erat: inutilis verò alterius qui paratior occurrerit. Medicamentum enim quod proprio humore frustratur, quemvis obuium & paratorem imperu adoritur atque exturbat, eum scilicet qui aut ad fluendum est aptissimus, aut immodicè exuperat, aut in viâ purgationis subsistit. Is enim quovis medicamenti genere impulsus excidit, ut qui sponte etiâ interdum elabatur. Id sanè commune facit Hippocrates. Si enim (inquit) eidem homini idem medicamentum quater in anno voles exhibere, hyeme pituitosissima tibi euomet, vere liquidissima, æstate biliosissima, autumno nigerrima. Quum ergo melancholicus humor crassus, sanguine permixtus forte irrepserit in cerebrum, licet medicamentum huic ducendo validum offeratur, potius tamen quàm hunc eam detrahet pituitam quæ in ventriculo & in intestinis solet in hærescere: aut etiam bilem quæ seorsum pura atque tenuis vel nimia copia, vel corruptela naturam extimulat. Cacoehiam igitur in venis conclusam, aut in corporis habitum effusam, vix medicamentum (nisi fortè validissimum) detrahet, quod quæ circa ventriculum, circum viscera primarumque venas consistunt, in primis occurrant expurganda. His ex causis nonnunquam accidit ut purgans medicamentum non

Que ad purgationis facilitatem & euphoriam conuenire oportet.

Cur alium quàm familiarem humorem interdum attrahat medicamentum.

proprium & peculiarem humorem, sed diuersum plerumque exturbet. Quinetiam si effrenata vis eius fuerit, alienum quoque trahet: tum quippe natura vel grauius lacescita, vel iam imbecillitate languens, neque medicamento vim, neque humoris impetum coercere potest. Effrenata & immodicæ hæ sunt purgationes, *ὑπερκαθάρσις* Græcis appellatæ, quibus non modo peculiaris humor, sed & reliqui deinceps profluunt. Etenim violentius medicamentum proprio humore detracto, in alios dein inuadit, ac primum tenuiorem ad fluendumque aptiorem prolicit, deinde eum qui crassior atque pigrior sit, postremo sanguinem, quem natura tanquam reconditum thesaurum au dius amplexatur ac retinet. Cholagogum exempli gratia in primis bilē, deinde pituitam, tertio loco atram bilē, postremo sanguinē euocat. Phlegmagogum primum pituitam, deinde flauam bilem, postea atrā, nouissimum sanguinem. Melanagogū atram bilem primum, deinde flauam, tertio pituitam, ad postremum sanguinem naturæ familiarissimum. Effrenatio ea & purgationis exuperantia fieri non potest totius substantiæ proprietate, quod nullum medicamentum possit omni humori substantiam similem habere. Hanc non pauci ad medicamenti calorem & acrimoniam referunt, quæ tum venarum oscula patefacit recluditque, tum continenter adeo proritat, vix ut humorem suum coercere possint. Verum si hypercatharleos ea causa sit, allium, pyrethrū & piper purgandi facultatem sortiuntur. Quocirca præter peculiarem, quæ sua est cuiusque, necesse est generalem purgandi vim medicamēto attribui, qua in alios quoque humores incubat, eosque communiter euacuet. Compertum sit in Dione purgandæ bili flauæ iustam congruentemque quantitatem esse rheibarbati drachmas tres: atræ bilī, sennæ drachmas sex: pituitæ, agarici drachmas tres. Consilium sit triplex humoris genus expurgare, in idque medicamentum componere & accommodare: aptum id efficaxque comparabitur si cuiusque triens conferatur, & rheibarbati drachma vna, agarici drachma vna, sennæ drachmæ duæ permisceantur confundanturque. Quod hac ratione compositum foret, nullam vim obtineret, nisi communi quadam & generali purgandi facultate simplicia illa mutuo se fouerēt. Neque

Qua sit hypercatharsis causa.

que enim drachma vna rheibarbati quicquam bilis purgare potis esset, neque drachma vna agarici pituitæ, neque lenæ drachmæ duæ, melancholiæ quicquam: neque igitur permista illa, nisi mutuas operas conferrent. Simile enim hic accidit atque cum multi nisu communi graue quoddam onus attollunt. Itaque præter propriam, necesse est & generali vi purgandi medicamentum vnumquodque prædictum esse, quæ cum nimia purgatio erit, alios etiam humores detrahet, idque adiutum calore & acrimonia.

Purgantis medicamenti facultatem à nostro calore excitari, substantiam vero ad expurgandum humorem non permeare. CAP. VI.

PROPRIETAS peculiarem humorem expurgandi est tota medicamenti substantia & ex intimis principiis manans ac defluens, illi non energia & re ipsa, sed duntaxat potestate inest. Etenim si scâmonio sincera bilis portio proprius assistat, non hanc quemadmodum magnes ferrum allicit, sed duntaxat quæ à nostro calore excitatum prorumpet in actum & ad agendum impelleretur. Dum enim ventriculi calore medicamentum teritur, calefit, omni que ratione exagitur, tacita eius facultas quasi solutis vinculis exurgens se promit profertque vires nouas. Actum vapor ea ipsa facultate prædictus illinc profiliens, per cæcos occultosque ductus in omnes corporis partes quoque uersum effusus, ad noxium humorem pertingit. Atque is humorem iam diu fortaſſe parti conſuetum ac quieſcentem, acrimonia incidit præparatque, & aduerſa qualitate partis naturam acrius ſtimulat proritatque ad excernendum. Ipla verò medicamenti ſubſtantia in ventriculo inteſtiniſve etiamnum perſiſtens, eum ipſum humorem ſimul proleſcat, vt purgatio communiter fiat trahente medicamento & expellente partis natura. Non igitur pharmaci ſubſtantia ad eum humorem concedit ac permeat, qui vacuandus eſt, vel hoc argumento, quòd plerumque aluo ſoluta medicamentum in ventriculo ſubſiſtat, aut etiã vomitione reſiciatur, quòdque pilulæ duriores poſtea quam abundè purgaſſent, viſæ ſint nondum diſſolutæ, aliàs vomitione, aliàs deiectione reddi. Hinc Paulus præcepit

lathyridis grana integra vorare si imbecillus est stomachus, eaque etiam si minimè atterantur minimèq; in corpus permeent, validè tamen purgare. Si, inquit Serapio, medicamentum ad humorem longè diffitum accederet, illi familiaritate iungeretur, neq; eum cuius iucunda voluptate perfruitur, detraheret aut exturbaret, quemadmodum neque magnes ferro iunctus id ipsum aliò trahit, sed planè retinet ac seruat. Et hæc quidem consentanea iis sunt medicamentis quæ maligna dicuntur, & in quibus vis inest venenata totique corpori infensa. Nam quæ in mediocrium sunt ordine, vt senna & rheubarbarum, quanquã dum agunt, magna ex parte subsistunt in ventre, corũ tamen tenuior quædam portio irrepit in venas, vacuandumque humorem assequitur, illiusque tum color tum odor manifestus in vrinis est. Benigna verò medicamenta in omne fortasse corpus peruadunt, & noxium humorem quasi vinctum reducunt in ventrem. De quibus ita censuit Aristoteles, Medicamenta vbi ventrem adierunt resolutaque sunt, statim ad venas per easdem feruntur vias per quas cibus comseat. Mox quum nihilo concoqui potuerunt, sed victrice persisterunt potentia, relabuntur, & quæ sibi obfistunt, secum detrahũt, quæ res purgatio vocitur. Venter porro selectum secretumque humorem vbi pariter cum medicamento excipit, gemino stimulo acrius lacescit, quum diutius ferre non potest, totis viribus vtrunque excutit, dum à se deponat expellatque per loca conuenientia. Non igitur quem humorem attraxit medicamentum, eundem exigit forasque excludit vomitione aut deiectione, prout scilicet ipsius vis insita in ventriculum aut in aluum irruerit, sed natura sola. Neque enim hinc solum vomitio obrepit, quòd medicamentum in ore ventriculi inhærescat, idque infirmet: neque alui deiectio quòd in ventriculi fundum & in intestina id mox illabatur eaque debilitet, sed quòd medicamento proprietas insit, qua familiarem humorem non ad se modò, verum etiam ad certum designatumque locum impellit ac mouet. Vt enim cantharides scapulis brachiòve admota, non solum ad se aquam alliciunt, sed & vrinas abundanter cient, quò tamen eorum substantia minimè penetrat: sic propemodum medicamenta quædam extrinsecus ventri ap-

*Expulsio no-
xij attrahi
humoris natu-
ralis est.*

tri applicata aluum subducunt, quædam vomitionem mouent. Quanto igitur expeditius eorum sumpta substantia, etiam in ventriculo aut in intestinis consistens, purgandi vires obtineat exeratque?

Per quos ductus medicamentum humorem detrahat.

CAP. VII.

QVI porro expurgatur humor ferè per apertos conspicuosq; ductus traducitur, & à corporis ambitu in venas refluunt minores, ab his in maiores, è quibus per iecur in intestina deuoluitur. Caterum in violenta purgatione humores non per hos solum, verumetiā per cæcos occultosq; ductus vel ab extremo corpore magna perturbatione cōfluunt in ventrē. Extincto animante ampliora duntaxat vasa & spiracula cernuntur, plurima in se confidunt atq; conueniunt, quæ dum id in viuus erat, vi caloris & spiritus distenta larius patebant, per quæ non modò tenues, sed & crassos glutinososq; humores validioris medicamēti vi deduci putandum. Sic hydropicorū aqua ex ingenti capacitate abdominis aut in intestina rapitur, aut in vesicā remeat: sic multa plerumque & è pulmonibus & è cerebri ventriculis, neque tamen per venas, neque per manifestos ductus in ventrem illabuntur. Sic & varij artuum articulorumq; tumores, non oedematosi modò, sed planè scirrhusi aliàs in aluum, aliàs in os lenta salina deriuantur ab illitu hydrargyri, cuius vi colliquantur omnia & è toto corpore in os impetu feruntur: sic deniq; valentiores apophlegmatismi non è cerebro solum, verumetiā è ventriculo aliisque partibus pituitam eliciunt, ea interdum copia, quæ neque cerebri ventriculis, neque totius caluæ capacitate contineri queat. Horum nihil mirum videbitur, ei qui præter rerū euentus, Hippocratis quoq; sententiam spectabit, qua is corpus intrò forasq; spirabile statuit, & naturam quæ præsertim robusta validaque sit, semper viam moliri expurgadis superuacaneis, crassioresque materias vel per angustissima foramina deducere, quin etiam per ossa abscessus fieri confirmat: quemadmodum & empyorum & pleuriticorum crassus humor per densam membranam traducitur in pulmones, ac demum iussi reiciitur. Hæc si natura per se facit, multò certè maio-

ἐκ τῶν καὶ
ἐκ τῶν καὶ
ὁμα.

ra & admiratione digniora molietur adiuta trahentis medicamenti vi, præsertim si conuenienter præparatum corpus, atque humor ad fluendum comparatus est. Ita que purgantibus medicamento quod validum sit facultas in omne corpus subiens ac penetrans, humorem familiarem (qui coërcitus non sit) vndique detrahit, non modò amplis patentibusq; viis, verumetiam occultis & sentibus incompertis. Hæc de vniuerso purgantium medicamentorum genere, deque viribus eorum præmittenda videbantur. Nunc verò particulatim medicamenti species quærenda, eiusque quantitas & vter di ratio: quod vt accuratiùs exequamur, explicandum quibus morbis conueniat purgatio, quod cuique adhibendum purgationis genus, clyster an vomitio, anve medicatio: quæ medicamento species, quàm validum & quo id ordine: vniuersè an partitè: deinde quantum & quousque vacuandum sit, & quaid ratione faciendum. His enim tota completur purgandi tractatio.

Quibus humorum vitii, & quibus morbis adhibenda purgatio. CAP. VIII.

CACOCHYMIAE proprium accommodatùmque remedium est purgatio: quicquid enim impurum aded corruptùmque est, vt omnino naturæ limites transcendat, quoniam arte nulla emendari benignumque reddi potest, prorsus extirpari eximique debet. Hoc autem purgatione præstandū, quæ vna omnem impuritatem seorsum ex quavis corporis sede subtrahit & vacuat, ex hac quidem promptius ac expeditius, ægrius tardiùsque ex alia. Primæ regionis cacochymia purgatione sola commodè vtiliterq; demipotest: & quæ in intestinis est clystere: quæ circum ventriculum & præcordia, vomitione: vtraque etiam pharmaco, sed maximè quæ aut in liene, aut in iecoris cauo, aut in pancrea, aut in mesenterio, aut in abdominis capacitate consistit. Ex his quippe sedibus viæ breues sunt ac directæ, per quas facillè ea ferri potest in aluum, quò sponte etiã interdū prona ruit. Venæ sectæ vis eò vix vnquam pertingit, neque hinc humores vacuat: sed grauisanè dispendio naturæ ordinem peruerit quicunque impuritate derelicta purum synecrùmque

Cuiuslibet regionis corporis cacochymia quo vacuationis genere & quibus viis eximenda.

cerumque sanguinem profundit è venis: quique venas sectione exinanitas implet foeda illuue rapta è primis sedibus, quæ quasi sentina est omnis impuritatis. Quis quæso ad eò rudis in medendo sit, vt aut ventriculi cruditatem, aut lienteriam, aut dolorem colicum, aut lienis scirrhum, aut choleram, aut hydropè, aut his affines affectus audeat aut tentet vena secta curare? Quinetiam venarum cacochymia sola purgatione, non phlebotomia eximi tota potest: permittitur tamen in hac plerumque venæ sectio, quum tam copiosa accreuit, vt venas supra modum distendens, pericula minetur, quæ ex immoderata impendent plethora, tū enim ad exuperantiam demendam adhibetur. Deinde etiam quum ex ruptis, apertis, aut exesis vasis, vel foras ea profluit, vel in partem quampiam abscedit: etenim reuellit impetumque sistit. Tertiò quum metus est ne ea concitata vehementius & quasi furore corpus exercens, in principè aliquam partem feratur: impetum quippe sedat atque compescit. Nonnunquam & citra hæc, quum præceps est morbus, cuius tamè materia in venis conclusa aut cruda est, aut viam expeditam non habet per quam facile medicamento detrahi possit, eius portionem venæ sectio promptius quàm purgatio demit, à qua & morbi sauitia sæpe mitescit, & natura quod reliquum est facilius coquit. Sic initio continuarum febrium, si vires ferant, nec venæ nimium exinanitæ sunt, sanguis mittitur. Cæterum quæ in his sit venæ sectio, impuritatis quidem portionem elicit, at minimè synceram sed sanguine permistam: nec vlla potest phlebotomia omnem venarum cacochymiam eximere, nisi fortè sanguinem vniuersum profundat. Nam vitiosus humor æquabiliter sanguini permixtus seorsum profluere non potest. Quocirca licet his ex causis aut necessaria, aut utilis fuerit venæ sectio, adhibenda tamen est tandem & purgatio, quæ vt proprium remedium reliquias detrahat. Ea porò cacochymia quæ vel partis alicuius substantiam vel corporis habitum occupauit, medicamento in primis non venæ sectione ducenda: deinde quicquid reliquum fuerit per cutis spiracula, aut per ductus peculiare mouendum. Sic exhausta est cerebri pulmonumve crudior pituita, sic & totius corporis cachexia. At verò in cacochymia quæ regiones

multas æquabiliter infestat, vnde libet vacationem auspicari licet. Vt si vel ab vniuersa obstructione, vel à stipatione cutis, vel à vigiliis, labore, æstu, ira, pestilentia, vel ab aliarum euentuum causarum immoderatione, omnium humorum putredo corpus æquabiliter inuasit, non magni interest à purgatione an à venæ sectione vacationē inchoēs, quam tutius primæ regionis præmittitur purgatio. At quum inæquabilis est cacochymia, ea in primis exhaurienda regio, quæ aut vehementius premitur, aut aliis mali initium dedit. Iam verò à causis ad morbos ex cacochymia ortos me conferam. In continua febre quæ æstu magno & lassitudine fatigat, si neque nausea, neque vomitio, neque primarum venarum cruditas est, protinus initio vena secari potest. In ea verò quæ aut ex ventriculi iecorisque constitutione praua, aut ab esculentorum potulentorumque vitio proficiscitur, quoniam infima regio prius ac etiam magis impuritate sordescit, ex eaque in venas & in habitum corporis vitium irrepfit, expurganda in primis est, utpote sine qua cæterarum nulla purior euadat. Hac etiam ratione in cachexia, in leucophlegmatia, in hydrope, in ictero atque in aliis plerisque affectibus, quorum impuritas est iecoris aut lienis vitio corpori toti impertitur, purgatione sola vacuandum. Nec quoties vrinæ crassæ ac rubicundæ cernuntur, temerè imperanda venæ sectio: nec si ex hac sordidus sanguis ac impurus emanat, continuò utilis putanda. Impuro enim mox impurior alius ex ipso fonte affluit. Non igitur è riuulis, sed ex fonte ipso exhaurienda mali seaturigo: cui nisi sit ante prospectum, vix cæteris de in potest arte succurri. Vt autem in his, ita & in febribus intermittentibus etiam atque etiam obseruandum, ne vel confusis vel transmotis humotibus corpus euadat impurius. Nā febres tertianæ quarum causam iecoris cauo inherescebat, sæpe intempestiuè secta vena in continuas abiēre: & continuæ in quibus admodum impura erant viscera, non parum exasperata sunt. Exhausto enim sanguine impurus humor, quauis sede sit derelictus, effertur ferociusque sequitur. Aliàs bilis flaua circū iecur, aliàs pituita vel in cerebro, vel in pulmonibus, vel in ventriculo quasi subultans detractō sanguine deiectionisque viribus grauiora profert iymptomata. Constare hinc iā potest,

Quo quaque
regio ordine
expurganda.

test, quibus humorum vitii & quibus morbis succurrat accommodata purgatio.

Per quas vias instituenda sit purgatio, quo medicamentigenere, & quàm valido. CAP. IX.

Dvo præcipuè sunt quibus purgationis via indicatur: vitij sedes & naturæ motus seu inclinatio. Sede perspecta in promptu sunt ductus omnes qui ex ea aut per ventriculum, aut per ælium, aut per aliud quoduis emissarium foras pertinent, per quos scilicet natura libera nec impedita, vitia sua expurgare consuevit. Hi sunt quos Hippocrates conuenientes appellat. Ventriculus quidem, & præcordiorum summæ partes vomitione: intestina maximèque crassa alui profusione: pharmacia verò cum hæc ipsa, tum maximè viscera & venæ habitusque corporis commodè expurgantur. Renes & vesica per vrinæ vias: vterus per propriam ceruicem: cerebrum per palatem & nares: corporis summa per cutem halitu & sudore. Si forte purgationis vias morbus intercipit, aliò motum conuerteres: nunquam enim humor noxius in affectam sedem est deriuandus. Quocirca neq; imbecillo ventriculo cienda vomitio, neque in intestinorum vlcere, aut inflammatione bilis eò deuocanda, sed aliorum reuellenda: neq; renibus inflammatis aut ulcerata vesica ad vrinas, sed ad intestina vitiosus humor conuertendus. Motus verò ac impetus naturæ sic obseruandus. Humor noxius per conuenientes regiones atque vias delatus sinendus est: atque etiam si segnius progreditur, incitandus, sit enim natura duce, quæ nihil perturbatè, nihil nisi vtiliter gerit. Qui verò in sueto nec naturali cursu fertur, inhibendus, & in breuè rectumq; tramitem (si còmodè licet) reuocandus, vt qui humoris impetu & impedita natura symptomaticè fiat. Iam verò medicamenti genus ex humoris genere petendum. Quot enim peccantiu humorum, totidem & medicamentorum genera vsus notauit, vt singulis accommodaret singula. Alia pituitam, alia bilem flauam, alia atram detrahunt, sanguinis serum alia: & in vnoquoque genere alia ex aliis partibus. Ita enim quum arquo laboranti & flaua bile suffuso medicamentum datur demendæ huic accommodatum, mox totus in habitum natu-

Aph. 21. li. 1.

*Inclinatio humoris noxi
& momenta.*

*Medicamenti
genus ex humoris specie.*

dum succum generant. Inter quæ primas tenet vinum generosum, deinde auium quadrupedumque salubriorum carnes, forbilibus ouorum vitelli, vna passa, strobili id est nuclei pinei, pistacia. Calida verò aromata & quæcunque post hæc tradentur suo calore partium robur augere earumque insitum calorem fouere atque suscitare, crudorum concoctionem complent. At verò quæcunque calida substantiæ tenuitate crassam pituitam incidunt aut lentam detergunt, vt inde profluentior euadat, ea ad purgationem præparant: in quorum censu hæc præcipue numerantur.

Apium præcipuam vim obinet in radice, deinde in semine: censetur secundo calidorum ordine, tertio siccantium. Venarum, arteriarum renumque obstructions abstergendis, attenuandoque soluit flatusque discutit. Sed epilepticis (vt quorum paroxysmos irriter) & foetui & mulieri lactantii insensum.

Petroselinum tertio est ordine calidorum ac siccorum, cuius etiam vis in semine atque radice. Extenuat, aperit, menses vniuersaque ciet, obstructions tollit, & flatus extinguit. Secundas & mortuum foetum educit recens potum aut vularum suppositum.

Feniculum semine valet & radice, estque tertio gradu calidorum & secundo siccorum, viscerum renumque infarctus expurgat, torminaque sedat quam prædicta tutius & validius.

Betonica calida siccaque recessu secundo, incidendi detergendique vi prædita: stomacho laboranti prodest, eiusque concoctionem iuuat, pulmonis, iecoris lienisque vitia expurgat, menses ducit, renum lapides exterit, regium morbum sanat, omnibus denique obstructionibus expediendis & cum febre & sine febre accommodatissima.

Hyslopum solo folio valet, quod calidum siccumque est ordine tertio, tenuium partium: præcipuam vim habet attenuandi & detergendi humorem crassum quem per aluum etiam exigit, sic viscerum omnium sed maxime pulmonum obstructions expedit crassamque eorum pituitam.

Prassium quod & marrubium album appellant, (nam nigrum quia foetidum intro nunquam sumendum) folio ac semine secundo est calidorum ordine, tertio siccorum, quod quia tenue & amarum est, iecur, lienem, thoracem, uterumque

que validè expurgat & obstructions liberat. Id tamen cen-
suit Dioscorides renibus ac vesicæ nocere.

Stœchas calida sicca primo ordine, subastringens & me-
diocriter amara, extenuat, detergit, omniaque viscera ob-
structione liberat simulque corroborat, & eorum putredin-
em arceat.

Origanum folio atque umbella eo quo prassium ordine
vniuersas obstructions aperit. Hinc ruffientibus & peri-
pneumonicis ictericisq; cõfert, lienosis atra deducit, men-
ses quoque ciet. Crudo etiam nauseabundòque ventriculo
efficax.

Calamintha præcipuè montana eodem quoque ordine
incidendo abstergendoq; infarctus omnes expedit, urinas
ac menses expellit, regium morbum & asthma expurgat,
corpus sudore digerit, elephanticis, quia crassos humores
extenuat, cutem calfacit, mordet, fugit, postremò vlcerat,
remedio est. Prægnantibus verò suspecta, quandoquidem
seu pota seu admota conceptum interimit ac elicit.

Pulegium eodem caloris siccitatisque est ordine: crassos
humores extenuat & lentos, quia subamarū detergit, cras-
sam pulmonum pituitam & lienis atram bilem educit, mē-
ses secundasque pellit, ventriculi cruditates nausæamque
compescit.

Satureia quæ & thymbra pulegij vires proximè imitatur.

Thymus calidus siccusque ordine tertio, strenuè incidit,
viscera omnia potu expurgat, maximè verò pulmones atq;
thoracem. Menses quoque ciet, sed foetum expellit.

Chamædrys quasi pusilla quercus calida sicca tertio or-
dine, crassos lentosq; humores incidit & terget, atq; visce-
rum obstructions expedit urinasq; & menses ciet.

Chamæpitys sicca tertio ordine, calida secundo, eadem
quæ chamædrys efficit, & peculiariter regio morbo corre-
ptis & arthriticis auxilio est, ab odore pius & similiudine
quasi pumila pinus appellata.

Rubia radice atq; semine pollet, calida ordine secundo,
sicca tertio. Eximia detergendi facultate insignis, quæ i-ctur,
lienem, renes atq; vterum exquisitè purgat. Nam icterum
sanat, lienem absumit, urinam crassam atque copiosam
nonnunquam & cruentam mouet, menses ciet, appositq;

Aph. 37. li. 2.

Calistatus.

Aph. 17. li. 3.

ἡ πᾶσα φά-
λας.

propterea tamen validioribus ea medicamentis sollicitanda sunt: quoniam qui integro salubrique corpore constant, difficile ferunt medicationes. Noxio quippe humore destitutum vehemens medicamentum sanguinem carnesque colliquat, quod proprium ex ipsis humorem magna vi proli-
ciat. Iam verò cæli status ex regione, anni tempore & tem-
pestate spectandus, purgationes quales futuræ sint osten-
det. Sub canicula & ante caniculam, atque in regione æstuo-
sa, acer & paucus inest humor in corpore, qui & foras euo-
catur, ut proinde haud facilis eius possit esse purgatio. Hyēs
media regioque gelida corpus densant & alstringunt, hu-
morem coarctant, qui ægrè demittitur. Sic propemodum
aquiloniæ tempestates corpora densant coguntque & al-
uum exiccant. Austrinæ solvunt, laxant & aluum humectant.
Solo igitur austrino statu, & temporum regionumque mo-
deratione felices succedunt purgationes. Hæc si omnia
summum complectemur, corpus siccum, robustum, den-
sum, obstruatum, purgationibus assuetum, melancholia pi-
tuitave crassa non admodum multa confertum, quæ inue-
terata longè à viis purgationis dissita concreuerit: hyeme,
regione frigida & tempestate aquilonia difficillimè medi-
camento moveri soluique potest. Hisce verò contraria sor-
titum, facillè. Horum igitur obseruatione pharmaci quan-
titas conici decernique debet. Ad hanc præterea magnam
vim habet roboris, ætatis & prægnationis obseruatio, quæ
non modò medicamenti quantitatè, sed & genus plerum-
que immutat, ceu mox docebitur. At quoniā nos sæpe mul-
ta latent nullis indicibus comprehensa, incognitam laboran-
tis naturam expedit blandis sensim pharmacis explorare,
non temerè vehementioribus impetere & labefactare. Co-
gnitis autè & exploratis naturis tuta decernetur medicatio.

Quantum & quousque vacuandum, & inuersè an
partitè. CAP. XI.

VB I medicamentū & inuentum & iustis viribus & ido-
nea quantitate tum humori tum corpori expurgādo
accommodatum fuerit, purgationis postea præfinienda est
quantitas, atque æstimandum quantum & quandiu sit va-
cuandum.

euandum. Noxius humor quum alienus ac præter naturã sit, siue morbum præcauere, siue profligare consilium est, prorsus eximi debet. Exigua quidem eius derelicta portio, ex quâ viuiendi ratione, naturæ calorisque vi domari ac vinci poterit, vt integra interdum tutaque sanitas succedat nullo metu recursum morbi. Multa tamen si reliqua sit, nisi hanc naturam tandem subactam sponte propellat, nulla quãtumvis exacta viuiendi lege tutus à morbo eger esse potest: nam tamen si purgatione leuatus appareat, in pristinam tamen valetudinem recidet, modò citius, modò tardius, aliàs leuius, aliàs grauius, pro humoris copia, malignitate atque virium statu & victus modo. Nam autore Hippocrate, quæ à morbis relinquuntur, reciduos morbos facere consueuerunt. Quum enim derelicta portio totius conditionem referat, quæ omnino erat præter naturam, nunquam ipsa poterit in corporis substantiam conuertere, sed tempore syncheros humores, atque etiam recens alimentum inquinabit, rediuiuosque morbos excitabit. Sic impura corpora quo magis nutris, hoc magis offendis. Itaque quicquid noxij inest humoris, id prorsus expurgandum, vt corpus à morbo vindicetur. Id autem vniuersè an partitè fieri oporteat, humoris copia laborantisque vires indicabunt: ita enim mittendi quoque sanguinis quantitatem ex morbi magnitudine & ex virium robore dimitimur. Constantibus viribus pauca cacoehymia vniuersè detrahi potest, præsertim si concocta sit aut tenuis, ab eaque viæ pateant in aluum. Imbecillis autem viribus non modò multa, sed & pauca cacoehymia partitè eximenda. Non enim vel in leucophlegmatia vel in cachexia humor quoquoersum in omne corpus effusus, potest vllius medicamenti vi ex distantissimis locis per cæcos occultosque ductus vniuersus in aluum confluere. Neque vt sanguis in plethora exuperans, semel & affatim totus ex aperta vena, ita multus humor è corporis habitu elabi profluereque potest. Atque si id medicamento quopiam præstari possit, necesse tamen fuerit corpus grauius concuti, humores variè permisceri, torsiones molestas inferri ac spiritus dissipari: hinc tandem vires concidere, prosterni ac plerumque exolui. Hæc in eos ferè incidunt, qui prauo vtuntur cibo, quos purgante hausto medicamen-

Vnde morborum hypostrophe.

Aph. 12. li. 2.

Aph. 9. li. 2.

Quando vniuersè, & quando partitè purgandum.

Aph. 36. li. 2.

to statim deficere tradit Hippocrates. Quum enim vitiosis corruptisque scatant humoribus, & paucio perficiantur bono succo, facile purgationibus soluantur & fatiscunt, atque venenatis pharmacis, quæ Hippocratis seculum usurpabat, non parum exagitantur. Neque tamen tentandum leuiorum medicamentorum quantitate immodica vniuersos semel demoliri: sed assentiendum Hippocrati monenti omnes euacuationes extremas periculosas esse. Quod non de sola virium extrema debilitate mortis proxima, sed & de peccatis humoris vacuatione extrema intelligendum. Nam alio inquit loco, Empyri, aut hydropici cum vruntur aut secantur, si pus aut aqua vniuersim effluerit, omnino moriuntur. Quanto magis in vitæ discrimine adducuntur si valido aliquo medicamento firmis etiam viribus vno tempore vniuersa teneretur purgatio? In multa igitur cacochymia tutius est paulo citra modum subsistere, quam ultra procedere. Lipothymia quæ purgationibus ob humorum vacuandorum acrimoniam & intestinorum torsionem interuenerit, levis est: grauis verò quæ ob concitati humoris corrupti retrum vaporem in cor principesque partes sublatum: grauior ob malignam venenatamque pharmaci qualitatem, grauissima ob immoderatæ purgationis violentiam: neque tamen vires hæc æquè deicit atque exuperans phlebotomia. Semper horrendum exanimato iam agro mortis imaginem obtrudere. Itaque humoris copia accuratè viribus comparanda est. Ex præsentium, præteritorum ac futurorum obseruatione, ex aliisque signis quæ secunda vena animaduertenda esse monuimus, tum morbi magnitudo humorisque copia tum virium robur exquisitè perspicendum. Virium autem obseruatio quum sit omnium præstantissima, non hic, vt in phlebotomia, solum vacuationis modum, sed & quod medicamenti genus, quamque validum esse oporteat præscribit. Tamen si enim morbi species, humorisque vacuandi sedes validum medicamenti genus postulent, aliquod tamen ex mitiorum ordine exhibendum suadet virium imbecillitas. Eadem quoque est tum ætatis tum prægnationis ratio. Pueri enim ac senis benigna, non vt ætati media maligna decernes medicamenta, etiam si humoris species atque situs eorum vim desideret. Prægnans quoque inte-

gris

*Aph. 51. li. 2.
Extremas va-
cuationes o-
mnes pericu-
losas.*

Aph. 27. li. 6.

*Lipopsychia à
purgatioue.*

gris viribus, licet horum vim tolerare possit, quoniā tamen
 foetui qui intus geritur, quem seruare volumus, vehemēter
 obfunt, benignis solis est purganda. Ad virium porrō obser-
 uationem pertinet expendere quæ corpora grauiter ac mo-
 lestè, quæ leuiter ferant medicationes: multis enim quibus
 integræ vires apparent, ingens ex purgatione labor, ac ple-
 rumque ob suam cuiusque corporis propriamque naturam
 virium sequitur exolutio. Macilenti acriter feriuntur medi-
 camenti qualitate praua, utpote quæ promptè in solidas
 partes se insinuet. Quibus acrium humorum copia inest,
 hos molestæ torsiones miserè fatigant, diriq; vapores prin-
 cipes partes offundunt. Dolorum metu non pauci medica-
 tionem despuunt & abominantur, quibus magna pernicie
 vitiorum colluies omnem vitam languoribus exercet.
 Quibus partes circa vmbilicum & imum ventrē extenuan-
 tur & contabescunt, ad inferas purgationes tuti non sunt.
 Multo quæ minus quibus abscessus vel in pulmonibus, vel
 in iecore, vel in liene, vel in renibus aliisve sedibus delite-
 scit. His enim concussis non modò dolor ingrauescit, sed &
 eruptionis & defectionis viriū metus incutitur. Quocunq;
 vitio labefactata sint interiores corporis partes, quia im-
 becillæ sunt, facilè medicamenti qualitate & acrimonia
 percelluntur. In summa, corpus aut magna labe aut mor-
 borū humorūve copia vehementer pressum & languēs,
 medicamenti vi labefactatum concidit, quemadmodum
 & ruinosa ædes instaurando fortè concussa, mox vniuer-
 sæ corruunt. Itaque in his omnibus qui aut imbecilles sunt
 aut agrè ferunt vacationes, pro medicatione expedit in-
 terdum inedia victuque opportuno blandiri, aut agrum,
 si nequeat in integrum restitui, sublata morbi portione le-
 uare. Vacuandum enim quantum & quousque vires pari-
 untur, quumq; iam dissolui apparent, etiam si restent super-
 uacua, protinus supersedendum dum illæ recreantur. At
 dum vires integræ manent atque persistunt, tum vniuersè
 tum partitè vacuandum conseq; est dum nihil reliquum
 sit morbi, & perfectæ purgationis indicia quæ mox tra-
 dentur omnia compareant. Ex his ergo omnis præfinietur
 purgationis quantitas: nunc quæ illius sit vtendi ratio, ex-
 plicandum.

*Qui facile
 qui agrè fe-
 runt purga-
 tiones.*

Aph. 35. li. 2.

Quò morbi tempore, quò die quaq; hora purgandum. CAP. XII.

Pepsimur.

Pepsis.

Omnis seu pepsis seu pepsimur solus est calor insitus auctor.

SUMMA purgandi opportunitas ex morbi tum concoctione tum impetu spectatur. Concoctio est substantiæ in naturæ convenientiorem statum caloris vi facta mutatio. Non enim qualitates solas, ut quæ appellatur alteratio, sed ipsam rerum substantiam concoctio mutat. Alimentum initio dissimile, corpori tandem simile euadit, in illiusque substantiam vertitur coctione crebra. Vitiosus verò putridusque humor & à natura prorsus alienus, tametsi in corporis substantiam nequeat facessere, concoctione tamen in aliquid melius & naturæ cōuenientius, ut in pus aut in quippiam quod sit puri finitimum deducitur. Phlegmones materia putris, quemadmodum & ulcerum sanies, in verum & exquisitum pus vertitur, quod interdum sputo aliisve excretionibus innotescit. Venarum verò maiorum succus putrescens in aliquid mutatur, quod est puri finitimum, cuius in urinae sedimento conspicua sunt notæ. Superuacui autem humores siue putruerint siue nondum putredine tententur, nunquam verè concoquuntur, nec caloris nostri beneficio aut in pus aut in quippiam illi finitimum mutantur: sed dumtaxat tum substantiæ tum qualitatis moderationem quandam adipiscuntur. Sic tenuis aquosaque pituita influens in pulmones concoctione crassescens facilius expuitur: crassa verò extenuatur. Sic & utraque bilis circum viscera (quemadmodum in intermittente febre) putrescens, concoctione mitescit, domitaque promptius excluditur. Omnis concoctionis insitus noster calor diuinus est opifex, cuius una eademque vis optimum quiddam perpetuè molitur: atque si varia interdum opera emergunt, non illius, sed subiectæ materiæ id varietas efficit. Non aliter is alimentum, aliter putridum humorem concoquit. Neque (ut quibusdam videtur) pus à duplici calore tum naturali tum præter naturam fit, sed à naturali solo, agente tamen in materiam quæ caloris præter naturam est particeps. Hanc neque prorsus vincere, neque in corporis substantiam, sed in pus solum mutare potest, quod est putredine melius, ac inter putredinem & corporis nostri substantiam medium. Ut autem in phlegmones

gmones suppuratione, ita & in febribus corruptus humor dum concoquitur ac mitefcit, pariter etiam fluidior euadit fecerniturque à crudis, vt eius dein expeditior elle poffit euacuatio. At verò purgandi tempus opportunum præfcribetur ex humoris specie & fitu, atque etiam ex morbi vehementia. Leuiter effecti naturæ viuendique legibus committendi: quos enim fpon te natura perfanat, fruſtra medicina fatigat. At quibus nec naturæ vis nec proba viuendi ratio ſatis fuerit, medicina ſuccurrat. Si enim aut longius protrahitur morbus aut vehementius excañdeſcit, opitulandū arte. Ac primum ſi corruptus vitioſusque humor aut in ventriculo aut circum hunc conſiſtere ſignis deprehenditur, ſiue pituitoſus, ſiue bilioſus, ſiue alio quouis præter naturam genere corruptus fit, primo quoque tempore expurgandus eſt, præſertim ſi imperu quodam ſpon te mouetur, neque locis illis tenaciùs adhæreſcit, alioquin leniter eſt præparandus: eius verò concoctio haudquaquam eſt expectanda, vt quæ propriè futura non eſt, neque eius ab urinis mutatio quærèda. Qui autem virioſus humor altiùs aut in liene, aut circum pancreas atq; iecur, aut in meſenterio conditus erit, ſiue lentam febrem, ſiue intermittentem, ſiue melancholiam, ſiue diarrhœam, ſiue cachexiam, ſiue ingentem obſtructionem protulerit, protinus quoque detrahì poteſt, niſi aut admodum lentus craſſusque ſit, aut ventriculi impuritas obſiſtat. Hæc enim quum adſunt primum quidem leniter detergendus eſt ventriculus, deinde attenuandus ac detergendus humor, poſtremò aut vniuerſè aut paritè vacuandus. Quum autem vitioſus humor in maioribus vaſis conelufus, vt in continua febre, aut circum hæc aliqua ſede coërcitus, vt in pleriq; acutis morbis, putreſcit: tamenſi corporis adſit præparatio, & ventriculus vigetque omnes eò directæ, liberæ, expeditæq; ſint, haud tamen rectè poteſt ante coctionem exquisitè purgari. Etenim in morbis acutis tempus perfectæ purgationi accommodatiſſimum, ſtatuſ eſt, aut veriùs declinationis initium, quo & perfectæ exiſtit concoctio & vacuationes ſpon te procedunt. Tum enim morbi materia fluida, & à reliqua puriøre ſecreta iam eſt, ſimul natura præparatam illam expellere contendit. Itaque quum iam perfectæ apparet concoctio,

Occaſio purgandi vnde captanda.

Si humor prima corporis regione hæreas quando expurgandus.

Si in ſecunda:

- statûsque vehementia mitescente nulla succedit vacuatio
Aph. 27. li. 2. decretoria, moue tu medicamento. His enim quæ præter
 rationem leuiora apparent minimè confusus, quicquid concoctum, præparatumque est expurgabis, vt mox integra sequatur solutio. At si tum natura euacuationem aggreditur
Aph. 20. li. 1. ac iudicat, sinenda est dum opus compleuerit. Deinde si integre iudicauit, neque morbi quicquam reliquum fecit, res
Aph. 12. li. 2. in tuto est, nec aliud quicquam mouendû. Sin quippiam derelictum esse quasi ex imperfecta crisi suspicio sit, quoniam quæ relinquuntur in morbis, recidiuos morbos facere consueuerunt, medicamento quoque detrahendum. Vniuersa igitur morbi materia non nisi concocta & post statû quum iam symptomata præter rationem mitescunt, radicitus extirpari potest. Id ipsum est quod præcepit Hippocrates, concocta medicari atque mouere, non cruda. At nihilominus morbi incremento quum nondum perfecte, sed manifestè solû, & in fine principij quum obscure concocta est materia, hanc etiam quodammodo vacuare licet. Quod enim iussit Hippocrates concocta medicari, non solû perfecte, sed & quouis modo cocta complectitur, mox ea duntaxat à medicatione remouens atque excipiens, quæ vt in morborum principiis absolute cruda sunt. Ita quæcunque illo modo concocta fuerint medicari finit, obscure quidem cocta parce, manifestè moderatius, perfecte verò cocta validius. Vt igitur in phlegmone non vniuersa materia retinetur, dum perfectam concoctionem sit assequuta, sed quicquid suppurat quotidie elicitur, ita sanè & in acutis statuentium morbis, id quæ siue partium siue graduum ordine fieri putetur materiæ concoctio. Ita enim quicquid à purgatione reliquum erit, facilius natura domabit. In neutra corporis affectione, impendentem morbum sæpe arcemus purgatione, quæ viciosos iam congestos humores derahat. Atqui tum maximè multoq; magis quàm ipso morbi initio crudi ij sunt. Cur igitur non peræque initio vtiliter illos purgemus? Et hæc de morbo quidem acuto, sed salutari prorsus quæ tuto præcepta sint. Cæterum in ancipiti atque graui cuius semper & symptomata læua sunt, & minimè tutus exitus, statim per initia non vtiliter solû, sed & necessariò vtendum medicamento, neque prudentis sit medici con-

concoctionē expectare, quæ fortasse futura non est. Quum enim anceps is sit ac vehemens, semperque metus impendeat, ne aut deterior euadat aut laborantem ante statum ingulet, crudæ etiamnum materiæ nonnihil purgationē demendum ante concoctionem. Et certè cruda ea materia quum in plerisque acutis morbis turgere solet, & quasi oberrans fluctuet & fluat resluatque in venis atque visceribus, non admodum agrè videtur medicamento cessura. Sic sæpe artis vsu animaduersum est crudioris humoris purgatione, siue sponte siue arte ea contigisset, accelerari concoctionem, moxque vrinas puriores & cum sedimento fieri, & ancipitem periculosumque morbum tutum salutarēque reddi. Id ipsum Hippocratis est consilium in acutis morbis *Aph. 2.9. li. 2.* inter initia vtendum esse medicamēto: & quum morbi incipiunt, mouendum esse, si quid mouendum videtur. Quo autem acutior est morbus, hoc magis acceleranda validiorque decernenda purgatio: vt tandem extremis morbis extrema diligentissimè adhibeantur remedia. His non solum *Aph. 6. lib. 1.* remediij celeritatem, sed & vehemētiā hortatus, concitatam omnem materiam protinus atque eodem ipso die euacuare docet, ne vltro citroque concita in principem aliquam partem irruat, repentinòque sit exitio. Itaque licet à perfecta concoctione scilicet semper sit purgatio, ea tamen etiam ante concoctionem in ancipiti grauique morbo est necessaria: in salutari ac miti vtilis. Est & alia ratio ante concoctionem purgandi necessitas, si præter continentem acuti morbi materiam, quæ aut in venis aut in visceribus aut in habitu est corporis, & cuius expectatur concoctio, alia quædam viriosa in ventriculo, in intestinis aut circum præcordia obhæret, dolore, æstu, nausea, amarore alijsve signis manifesta. Hæc enim omni tempore etiam nondum vlla morbi apparente coctione, vtiliter potest adhibita præparatione medicamento trahi. Humorigitur qui publicis viis subsistit, si præparatus est, omni morbi tempore vtiliter deiici potest. Qui verò aut in visceribus inhæret aut in venis concluditur, & proxima est morbi materia, dū concoctus apparet, scilicet: dum adhuc crudus est, vtiliter atque etiam interdū necessariò purgandus. Iam verò de purgationis die deq; hora dicendum. Tranquillo die purgatio *gandum.*

catur, expeditior verò perturbato. Quum enim morbus minus fatigat & collectæ vires melius cōstant, facilius medicamento vis & impetus tolerari potest. At quo die morbus exasperatur agitatq; eius materia in motu est, promptius detrahitur. Quocirca si per vires licet, neque ingens metuitur perturbatio, impari die acutorū morborum, atque etiam decretorio (quo tamen natura decretura nō est) copiosior expeditiorque, pari verò tutior fiet purgatio. In febrium intermittentium quiete, medicamētum tanto ante accessionem tempore offerendum, quo possit purgatio compleri. Per accessionem quippe materia non in alium, sed plerumque in diuersum ruit, & sæpe accessionis vehementia purgatio subsistit. Præstat nihilominus ante accessionem, quā mox ab ea, & pridie quartanæ, quā postridie medicamēto vri. Purgationi autem quæ libera est, nullique præsentis morbi necessitate ad præcautionem solam sulcipitur, aptissimum est ver, deinde autumnus, aut quæ illis non absimilis, sed quodammodo temperata sit constitutio. Dies non aquilonia, sed austrina humidave, quæ & corpora laxat & humores liquefacit. Tempestas quoque similis & beneuola syderum commistione salutaris.

Qua preparatio purgationi præmittenda. CAP. XIII.

*Aph. 9. lib. I.
Preparatio
duplex, una
corporis.*

VT in omnibus rebus agendis, ita maximè in purgandis humoribus antequam aggrediare, diligens est adhibenda præparatio: qua & viæ pateant & trahenti medicamento omnia cedant ac obtemperent, fiantque, vt iubet Hippocrates, corpora ante purgationem fluxa. Est autem præparatio duplex, vna corporis, vacuandorum humorum altera. Corpus sic præparatum comparatūque sit, vt viæ omnes per quas medicamentum decurret, & per quas noxius humor deriuandus expurgandusque est, liberæ sint & expeditæ. Primū igitur ventriculus humorum copia minimè sit nauseabundus, ne haustum pharmacum nimio opere auerfetur, aut mox reuomat. Nec intestina coarctata obstructave noxiorum humorum cursum impediant. Etenim concitati si subsistant, aut ventris torsiones, aut fastidia, aut vertigines, aut animi defectiones mouent, corpusq; iactatione

done multa fatigant. Quod si aut è visceribus aut è venis atque ex corporis habitu eliciendi sunt, non modò ventriculum & intestina, sed & mesenterij venas & viscera libera esse oportet. Itaque nausea omnis ante purgationem sum-mouenda est, aut inedia, aut vomitione, aut deterfione at-que deiectione per pilulam ex aloë. Suppressa iamdiu aluus clystere mollienda: aut si quid aliud intestinis adhærescit, detergendum id eluendúmque est. Noxius præterea humor præparandus: qui enim durus crassúsve est, non facîle per angustas vias profluit in aluum: glutinosus in his etiam ob-hæret. Quocirca durum mollire, crassum incidere & atte-nuare, lentum glutinosúmque detergere oportet ante pur-gationem. Quæcunque id præstant, pariter quoque vena-rum per quas futura est purgatio obstructions expediunt. Atque hæc vel alimenta vel medicamenta sunt. Horum au-tem alia intròsumuntur, eaque vel arida vel liquida. Arida quum frigidi lentique sunt humores, & magna cruditas in primis est visceribus, præsertímque hyeme. Liquida vt syru-pi, apozemata & oxymeli, quum altius & in exilibus venis conditi sunt humores, in sicciore corpore, ac etiam æstate. Alia verò extrinsecus præparant, vt fots & vnguenta. Fo-tus suo tepore ac vapore per spongiam, partem quamvis blandè concalfacit natiúmque: eius calorem erigit ac suf-citat, humores qui ei præter naturam insident & impacti consopitique sunt excitat, emollit, attenuat, colliquat, flu-xilésque reddit, vt facîle sequantur quocunq; medicamen-tum trahet. Hoc quidem præparationis genus diuturnis est affectibus accommodatissimum, quod tamen & Hippo-crates acuti morbi vt pleuritis in initio vsurpauit, neque ca-lorem veritus neque fluxionem nouam. Sed & quum o-mne corpus vitioso humore eoque crasso ac glutinoso per-funditur, hunc nonnulli ante purgationem balneo perinde atque fomento præparare iubent, quo tamen minimè pro-ritentur sudores, sed duntaxat emolliatur & liquefiat va-cuandus humor. Fotui proximam vim obtinet vnguen-tum, at infirmiores, quòd non admodum altè subire pos-sit. Victus quoque præparandi facultate pollet, quum at-tenuans detergénsque imperatur: maximè verò tenuis ac parciór. Detracta enim de consueto cibo portione, natiq;

*Altera humo-
ri, primū qui-
dem crassi &
lenti.*

*Deinde tenuis
& biliosi.*

calor crudos humores concoquit absumitque: frigidos vero crassos & glutinosos visceribus aut venis impactos partim absumit, partim adeo extenuat, ut etiam sponte nonnunquam procidant: quumque inedia corpus exhaustum excrementis vacat, liberumque est, medicamentum facile quoquoersum subit, ac integris viribus in omnia penetrat. A tenui victu medicatio synceros ac minimè permistos humores commodissimè detrahit. Ea igitur crassis lentisque humoribus ut melancholicis & pituitosis, ante purgationem adhibenda preparatio. Tenues verò ut aquosos & biliosos, non Auicennæ consilio, ante purgationem crassiores reddere oportet. Non enim quod ille existimat, ut sputorum quæ mediocri sunt substantia facilius est excreatio, ita & humorum mediocrium facilius est purgatio. Nam licet pulmonibus contenta materia supra modum tenuis, impellentis spiritus vi tusiendo non facile in arteriam sustolli excrearique possit, sed tenuitate sua facile relabatur in pulmones: in corpore tamen conuenienter preparato, quo tenuior ac liquidiior sit humor, eo fluidior existet, & promptius trahenti medicamento cedit, eiusque impetum sequetur: feruentior tamen & acrior is si fuerit, eius ante purgationem obtundenda est & frenanda acrimonia, iis præsertim remediis quæ corporis quoque preparandi vim habeant. Licet igitur tenuis humor concoctione aliquantum crascescat, atque tum euacuationi sit apparatus, non idcirco tamen & nos naturæ imitatione eum ante purgationem debemus crassiores facere. Non enim quod crascescat idcirco coquitur, neque concoctus idcirco purgationi aptior est quod crassior euaserit, sed quod sit à reliquis humoribus secretus, eumque natura prorsus vacuare contendat. Quo autem tenuior, eo ad effluendum est aptior. Aliud preparatio est, aliud concoctio. Hæc naturæ solius opera calorisque nostri beneficio, illa etiâ arte tota plerumque perficitur. Detergentibus enim incidentibusque medicamentis expeditur obstructio, humorque attenuatur, at non plenè concoquitur. Preparatum verò Hippocratis præcepto licet, quum præsertim viæ patent. Itaque corpus qua purgari debet, patens nec impeditum esto. In hoc quisquis peccat humor tenuis ac fluidus, si ut in

acutus

acutis morbis turget, statim initio nulla præparatione è quauis regione detrahendus est: sin verò parti cuiuspiam is firmiùs in hærescit, vix nisi deterfus aut concoctus & naturæ vi secretus, trahenti medicamento obtemperat. Crassus verò atque glutinosus humor, non nisi vi & perturbatione vel è patente corpore deduci potest. Accommodanda porrò vnicuique est ea præparationis forma, quæ pariter morbi satisfactionem leniat: vt acutis morbis potio, nonnunquam & vnguentum ex eorum materia quæ attenuando detergendoque refrigerant, at non impensè calfaciunt, Diuturnis atque lentis valentiora, non porionis modò aut vnguenti, sed & fots & balnei forma: vtriusque demum apta conueniensque victus tenuitas.

An ieiuno, & qua forma, & quibus obseruationibus dandum medicamentum. CAP. XIII.

SALVBERRIMA est quæ sine offensione sit medicatio. Solet autem omnium primus ventriculus offendi, vt qui medicamentũ summis integrisque viribus excipiens, primos eius sustinet impetus, neque id nisi fractum retusumque longius penetrare sinit. Quum igitur in omni morborũ curatione tanti sint momenti ventriculus, summa tum huius tum medicamenti ratio est habenda. Medicamentum omne validum aut malignum naturæ in se infusum est, forma quoque omnis liquida ventriculi latera alluit, in illiusque substantiam altius se infert, ac proinde grauius eum ferit: Solida verò minùs, quòd promptè in fundum intacta ferè illius substantia illabitur. Caterum liquida altius penetrat in omniaque subit, potentiùs detergit & infarctus expedit. Solida diutius hærens circum præcordia, tardior minùsque efficax existit. Ventriculus præterea quum aridior fuerit, atque prorsus vel ab inedia, vel à febre, vel à Solis ardore exhaustus, tum medicamenti vi plurimum laceffitur, tum id auidius in se recondens & velut exorbens, neque diffundi neque vim suam exerere sinit. Contrà verò, quum moderatè est humidus. At immoderato humore potius perusus, medicamenti, quod præsertim imbecillum fuerit, plerumque vim obtundit.

Forma liquida & solida.

Imbecillo aut puro ventriculo conueniens medicamentum. quemadmodum & puro ad vnguem ventriculo, medicamentum blandum aptetur: aut si forte distantiorū partium affectus validius exposcit, ieiuno quidem at non profusus exinanito detur: quum nempe concoctus cibus descendit, ac nihilominus interior ventriculi tunica reliquiarum benignitate etiamnum mader. Sic enim in distantiores partes id permeat, minimū offensa ventriculi substantia.

Aph. 13. li. 4.

Robusto & impuro.

A medicamento cur vomitur.

Medicamento utiliter super dormitur.

Quia autem malignitatis particeps est medicamentum, vt veratrum, corpora, inquit Hippocrates, ante portionem humectanda sunt cibo pleniore quietēque. Iplum verò medicamentum seu liquida seu solida sit forma, sacchari, mellis, aromatis aut rei cuiuspiam suauioris permissione condiendum, vt ventriculo præcordiisq; iucundum occurrens, quadam odoris saporisque gratia vires suas feliciter exerrat. At robusto atque impuro ventriculo, liquida forma nullius rei suauitate oblita confert, idque longissimè a cibo, vt aliū in primas corporis sedes in earūque humores se inferat. Et hæc quidem obseruanda, quum lyncera optatur humorum detractio. At verò blanda leuiāque medicamenta, quæ solas alui fæces emolliunt & exturbant, ecoprotica dicuntur, non multo ante cibum, atque etiam cum cibo sumenda. Si cui consueta est matutina vomitio, ea ante medicamentum cienda. A medicamento quoque ea nonnunquam succedit, vel quòd imbecillior sit ventriculus, vel quòd pharmaci horrore concutitur, vel quòd quum agitari coepit, humores quorum copia obruitur, excutit, vel quòd præcordiorum mole coarctatus pylorus, aut alius fæce obstructa duriore non id facillè illabi finit. Hæc tamen omnia diligens auertit præparatio. Hausto medicamento, vel aqua hordei vel succo mali punici, vel subaustero vino, vel saccharo reliquæ è faucibus & è gula detergendæ deiciendæque sunt, quum præsertim horrendo sapore grauis suspectaque est vomitio. Surrectum dein corpus in quiete continendum, dum ventriculus medicamentum arctius complectatur: atque etiam interposito semihoræ spatio, si (quod ferè fit) inexpugnabilis dormiendi necessitas premet, vile medicamento indormire, vt illius vis in sopore plenior excitetur: quum primum verò in actum id prorupit, vigilandum penitus est, dum effectum omnem compleuerit.

pleuerit. Nam arctiore somno purgationis opus subsistit.

Quum enim, inquit Hippocrates, sistendum censueris, so- Aph. 13. 14.
maum moliëris, nec quicquam mouebis, contrà quum me- 15. lib. 4.
dicamentum citare voles, corpus mouebis. Motione enim
corpus turbari indicio est nauigatio. Cibum plerique pu-
tant non antè offerendum quàm medicamentum suo per-
functum sit munere: satis tamen sit è ventriculo id ita exci-
disse, vt nullus eius odor, nullus ructus, nulla nausea, nullà-
que stomachi rosio subsit, quum præsertim sincera deside-
ratur purgatio. Cibuse enim medicamēti permistione cor-
rumpitur. Solida forma, blandumque medicamentum,
quòd tardius descendat, longiorem cibi moram, eamque
quatuor saltem horarum interponi postulat. Primus autem
cibus detergens sit sorbitio, quæ medicamenti reliquias
eluat, & quò decet impellat, simulque ventriculi interiora
oblinens omnem medicamenti qualitatem tardiusque de-
mulceat. Qui purgatur continendus est temperato loco:
nam concitati iam humores ætus iniuria, aut rapiuntur in
cutem, aut nimium efferuescunt febrémq; incendunt: fri-
gore verò torpescunt & densatis coarctatisque viis ignauiter
exeunt. Liberior ac vastior aër, aut apertus flatibusque
expositus, etiam si nulla est intemperies grauis, difficiles ef-
ficat purgationes, quandoquidem corpora præsertimque
imbecilla vehementer conturbat.

Vtilisne & perfecta fuerit purgatio, an contrà. CAP. XV.

ARTIFICIS cuiusq; summum est studium quorsum
opuseuadat animaduerrere. Purgationum alia utilis,
alia vitiosa est. Vtili talia purgantur, qualia purgari oportet,
vitiosa verò aut aliena purgantur aut non conuenienti
ratione. Vtilis tres statuatur differentiæ, obscura, manifesta,
perfecta. Obscura exiguum admodum peccantis hu-
moris portionem detrahit, quæ quia conueniens est, con-
fert quidem, nondum tamen agrotum manifestò leuat.
Manifesta quæ insignem humoris portionē exturbat. Per-
fecta quæ nihil illius reliquum facit. Signis hæc discernuntur,
à deiectionibus & à laborantis tolerantia depromptis. Aph. 23. li. 1.
Deiectiones, inquit Hippocrates, non copia æstimandæ sunt.

Aegroti euphoria perfectam purgationem indicat.

Neque enim facum neque crudorum quæ circum menterium exuperant copiosa deiection, vtilem purgationem facit: sed quum talia, inquit, deficiuntur qualia defici oportet: qualia nimirum exuperasse & morbi causam fuisse, coniectura fuerat. Qualia autem sunt illa, biliosane, an pituitosa, an melancholica, ex substantia & colore noscendum, nisi quid medicamenti color peruerat. Nam ex rheobarbaro & hiera flauescit deiection, nigrescit verò multum ex cassia, aliquantum ex senna. Laborantis verò tolerantia atque leuamen quàm perfecta fuerit purgatio docet. Itaque si purgatione qualia oportebat, sed admodum pauca exierunt, & quibus laborans non magnopere leuatum se percipit, obscura est purgatio, quæ confert quidem, sed leuiter. Si verò noxij humoris copia maiore detracta ægrotus seipso iam multò leuior apparet, manifestè vtilis est. Si plurimo humore seu vniuersè seu partitè euulso, laborans non leuiorem modò, sed vel ab omnibus vel à præcipuis quibus affligebatur symptomatis sese prorsus vindicatū solutūque sentit, idque non quum adhuc purgatio sit, sed quum ea iam planè desit, perfecta censeri debet. Tum somnus placidus isque multo quàm antè arctior, citra vllum tamen veternum obrepit: non quidem ex virium imbecillitate, sed inde obortus, quòd ex morbo perinde atque ex labore fatigatum corpus, mox vt peccantium humorum quasi sarcina deoneratur, sedato spiritu impetu leui somno conquiescit. Sitis quoque si vehemens præcesserat, exquisita purgatione mitescit, detracta nimirum materia quæ illam concitauerat: aut si fortè nulla fuerat, exquisita purgatione exiccatum corpus sitire incipit: nec, inquit Hippocrates, id desinit purgari antequam sitiat. Quinetiam à perfecta purgatione appetentia restituitur, dolor si quis urgebat mitescit, atque etiam febris, aut alia quæuis morbi essentia extirpatur, hinc laboranti vires resurgunt, idque pro eorum quæ vacuata sunt ratione. Cæterum nonnunquam accidit vt humor agitatus periodis conquiescat, aut morbus persistente intus causa sponte se remittat, ac tum laborans se morbo expeditum putat. At certè minime tuta est quæ citra vacationem obigerit mali leuario, & vt

Aph. 19. li. 4. inquit Hippocrates, si quid fiat præter rationem leuius confiden-

fidendum non est. Perfecta igitur purgatio non modò ex symptomatum sedatione iudicanda, sed ex eorum maxime quæ purgata sint tum specie tum copia: quippe quum iis respondent quæ certis signis inesse deprehensa fuerant. Horum igitur contemplatione innotescet quid, quantum & quandiu purgandum: & quando absoluta fuerit purgandi necessitas.

Vinola autem purgatio, aut inutilis est, aut molesta, *Mala purgatio.* aut exuperans. Inutilis est tum quæ humorem à eo xio diuersum trahit, tum quæ noxium proritat, non autem educit, conturbat enim magis quàm euacuet. Vtraque dum inferum humorem euellere contendit, eum diffundit & exagitat, suscitatoque vapore tetro corpus inflaturque diffundit, ac proinde magis quàm iusta purgatio lacescit. Molesta noxium quidem humorem, sed vi quadam elicit, vel quòd præparatio adhibita non fuerit, vel quòd vehemens aut immoderata quantitate sit pharmacum, vel quòd non correctæ malignitatis sit particeps, vt colocynthis, euphorbium, elleborus, vel quòd externus error sit admissus. Omnis quippe eiusmodi ægrotum præter modum affligit atque torquet. Hinc corporis lassitudo, capitis dolor, febris aliq; symptomata. Sub hac quidè talia exeunt qualia exire oportet, sed vires nimium conuelluntur atque dissipantur. Exuperans effrenatæque purgatio cum humore noxio naturalis pariter atque necessarij non nihil vi eripit, non citra virium offensionem. Quoniam igitur de propria corporis substantia non nihil euellit, vel cruor citra hæmorrhoidas, vel rametum, vel pingue aliquid liquamini aut loturæ carnis simile in excretis cernitur. Hinc torsiones, cordis dolor, æstus, anxietas, iactatio, corporisq; perturbatio, præter hæc animi quoque defectio, & summa virium exolutio: spiritu quidem quasi naturæ thesauro vel vi ditepto, vel pharmaci pernicie & malignitate oppresso. Hic iam omnis cōcludenda videtur de vniuersali purgatione tractatio. Quicquid enim præterea desiderari potest, ab his quæ fusiùs de venæ sectione præcepta sunt mutuari licet.

Depurgatione particulari. CAP. XVI.


PRÆTER ea quæ publicas corporis regiones, alia etiam priuatas quasdam sedes exhauriunt ac expurgant, quorum & hic tandem meminisse expedit. Eiusmodi numerantur errhina, apophlegmatismi, bechica. Nō antè his vtendum quàm reliquum corpus probè exinanitū sit prorsusque vacet excrementis, ne aliunde noxios humores rapiant in affectam sedem. semper enim vniuersalis curatio particulari præmittenda. Errhina in nares vel immissa vel hausta cerebri superuacaneam pituitam proliciunt. Non eam quidem quæ in cerebri ventriculis (hinc quippe nulla via excurrit in nares) sed quæ circum cerebri substantiam circumque meninges colligitur & fluitat. Hauriantur autem pronò capite, vt rectà per os ethmoides ferantur nec recident in fauces. Omnibus medentur soporosis affectibus, obtusosque sensus omnes expediunt, & interiores in quauis sede infixos dolores discutiunt. Similis propemodū est & sternutamenti ratio: sed quòd vehementer succutiat, vis ei maior. Etenim non modò cerebrum expurgat, sed & quæ in partem eius posteriorem atque etiam in fauces irruunt validè succussu reuellit. Apophlegmatismus vel manus vel gargarisatus saliuam atque pituitam ore deducit. Huic vis maior est expurgandi cerebri ventriculos, quibus via decliuis est in palatum: multò proinde maxima vis erit apophlegmatismi, si resupino capite hauriatur in nares, vt mox per summa palati relabatur in fauces. Ita quippe cerebri basim proluens longè validiùs ex illius ventriculis excrementa detrahit. Et hæc quidem in primis necessaria ars destinauit expurgando cerebro, quod naturâ cumulandis excrementis maximè est obnoxium. Expurgatur autem tutiùs confecto iam cibo quàm quum crudus venter est cibusque turgens. Pulmones interioraque thoracis expurgant, quæ bechica nuncupantur. Quanquam enim ex iis nonnihil detrahi potest in aluum, id tamen perexiguum est, ac maximam superuacuum partem vel in pulmonum substantia vel in arteriis tum destillatione tum peculiari vicio congestam, necesse est impetu tussis expurgari. In id autem ea conferunt, quæ destinata pulmonibus, modò tenuiorem pituitam incrassant, modò lentam detergunt crassamque attenuant, idque quadam lenitudine: nam exasperantia, vt

falsa,

falsa, acida & acria tussim plerumque frustra cient: neque ex usu sunt nisi quum pigriorem vel imbecilliorum expultricem vim stimulare oportet. Commodè autem bechica in lentam ac crassam medicamenti formam aptantur, qualis eclegmatis est aut crassioris syrupi, ne liquidior præproperè illabatur in ventrem. Lenta quippe (præsertim si sensim ac blandè quasi lambèdo demittitur) quoniam diutius subsistit obhæretque faucibus, maiore portione subit in asperam arteriam. Hanc tamen semper potulentorum liquore irrigari, præterquam quod Hippocratis sententia confirmatum est, conspicuè etiam in eo obseruauimus, cui ex vulnere gutturis sub larynge accepto, nec probè agglutinato, inter bibendum sorbendùmve nonnihil semper humoris emanabat.

Ita quidem medendi vacuandiq; ratio summis iam præceptionibus exposita videri potest, quæ tamen quoniam sola in usum accommodari nequit, par est deinceps singulatum simplicia tum composita medicamenta illi subnectere, quæ tanquam artis instrumenta ad profligandos morbos comparari usurparique solent.

LIBRI TERTII THERAPEVTI-
CES, DE PURGANDI RATIONE,
F I N I S.



METHODI MEDENDI, LIBER IIII.

DE SUMMIS MEDICAMEN-

TORVM GENERIBVS ET

FACULTATIBVS.

PRÆFATIO.



QUONIAM omnis motus & omnis effectio est contrariorum dissidio atque repugnantia proficiscitur, Natura dum mundi hanc vniuersitatem assiduæ mutationi subiecit, simul eam necessario variis dissidiorum generibus quasi seminibus conpe:tit. Atque vt quatuor rerum primordia, ignem & aquam, terram & aërem contraria instituit, ita & vnicuique quod ex iis ortu processit, aliud quippiam opposuit dissidij lege. Nullus igitur affectus subsistere potest in nobis, cui non pariter contrarium quiddam tanquam remedium illa protulerit. Nullaque vsquam est remediorum penuria, sed nostra eorum plerumque turpis ignoratio. Nullus toto genere immedicabilis est affectus, sed idcirco dūtaxat aut quod supra modum auctus omnem præsidiorum vim aspernetur, aut quod imbecille iam vires curationis prolixitati succumbāt. Summa igitur sit in inuestigandis remediis sedulitas, & quæ singulis morbis profligandis propria & accommodata sint, nobis semper in promptu extent & quasi aceruatim occurrant. In remediis quidem numerantur veng:sectio, cucurbitula, scarificatio, hiru:do, vstio, sectio, huiusque generis non pauca: at pars eorum maxima ex medicamentis petenda, de quibus nunc mihi ineunda tractatio. Ne quæ verò immensam eorum quasi syluam ingressum offundat turbulēta rerum confusio, omnem medicamentorum materiam posthac in classes quasdam referendam duxi. Sed in

primis vt omnis eorum cognitio ex differentiis & generibus stabilius dilucidior sit & luculentior, pauca de his in vniuersum præmittam.

Quid medicamentum, quorū id modis in nos agat. C. A. P. I.

MEDICAMENTVM est quod potestate naturalē corporis constitutionem quoquomodo immutat. Eorum autem quæ nos mutant & afficiunt atque etiam agentium omnium alia vim suam agendi actu, alia potestate duntaxat obtinent. Actū quidem, quæ ita promptam & expeditam illam habent, vt primo quoque contactu nos mutant, vt ignis, vt ferrum candēs. Potestate verò, quorum vis & facultas intus condita & quasi sopita nondum ita exeritur aut depromitur, vt primo quoque contactu agat. Sic piper potestate calidum est & mandragora facultate frigida. Iuuabit autem in hanc contemplationem paulò altius incumbere. Prima & communia rerum omnium elementa, terra, aqua, aër & ignis, & quæcunq; cœlesti diuinòque calore sunt prædita, vt sol, vt animates & stirpes, energia actūque vires habent easque sic promptas vt semper agant, nec vllius externi subsidij ope vel irritamento indigeant. Ignis quippe semper calfacit & aqua semper refrigerat: Sol quoque perpetuò calfacit, & animantes quoad viuunt actu calidē quemadmodum & stirpes omnes: quandoquidem suis facultatibus alimentum continenter trahunt, coquunt & expellunt superuacua, cæterisque vitæ muniis fruuntur. Ex inanimorum quoque genere magnes seu heraclius lapis facultate illa cœlesti & quæ trans elementum est, vim actū habet alliciendi ferrum, & succinum actu paleas attrahendi. Si qua forè alia comperientur vim actū habere, vt lapis ferrumve candens aut aqua feruida, non eam quidem insitam sibi, sed ascititiam habent, & ab iis acceptam quæ actū talia sunt. Reliqua omnia mundi mista & vitæ expertia corpora, præsertim verò medicamenta, potestate duntaxat vires habent insitas, easque ex varia elementorum cōmixtione profectas. Hæ autem illorum consopitæ vires, ab iis insuper excitari debent quæ actū vigent: nec vllū potest medicamentū insita facultate sua nos immutare, citra nostrica-

Quid actū.

Quid potestate.

Quæ actū talia.

Quæ potestate.

loris opem. Non hinc quidem quòd calor noster vim vllam medicamento impertiat (omnes enim hoc habet sibi congenitas) sed quòd tacitas illas & otiosas suscitet & in actum proferat, à quibus deinde corpus nostrum mutatur & afficitur. Calor enim noster medicamentum dum subigit, eius naturam, temperamentum & alias quascunque vires detegit & explicat: hoc verò quasi proripitatum communi rerum omnium conditione reluctatur & obstitit, atque vicissim contagione corpus afficiens, omnes in id vires suas exprimit. Sic piper aut pyrethrum etiam si actu frigidum sumitur, prorsus vt depulso frigore à nobis incaluerit, suo ipsius calore nos acriter vrit: & vinum licet nos plerumque dum bibitur refrigeret ascititio frigore, mox tamen vt incaluit impetè calfacit. At verò lactuca, mandragora & quodcunque frigidum est medicamentum, primum quidem ascititio frigore, deinde quum incaluerit insito quoque nos afficit, quemadmodum & aquæ frigida potus: haud absimili ratione quum purgans medicamentum calefit ac subigitur in nobis, purgandi vim suam exerit atque profert, qua dein corpus còturbat & peculiarem sibi humorem prolicat. Deleterium quoque venenatam qualitatem tum primum depromit & nos labefactare adoritur, quum calefit irritaturque vi nostri caloris. Ex his luculentius intelligi potest, nostrum calorem nullam medicamento agendi facultatem conferre. Vnde enim venenatam illam qualitatem fortiretur, aut cur eam sibi aduersissimam deleterio impertiret in suam perniciem? Ita igitur de his quæ actu & de his quæ potestate vim habent sentiendum. Medicamentum autem non ab actu, sed à potestate propriè definitur. piper enim & allium & lactucam & mandragoram propriè quidem: ceterum nec ignem nec niuem nisi fusa nominis appellatione medicamentum dixeris. Quicquid porrò calidum frigidum alicuius appellamus, aut simpliciter aut comparatè dicitur. Simpliciter & absolute quod vim illam summam & impermissam obtinet, vt ignis simpliciter calidus est, aqua absolute frigida. Comparatè verò cuius vis & facultas contrarij quidem permissione repressa obtunditur, sed tamen cæteris adhuc in missione superior præpoller actumque profert, vt piper, vt lactuca. Quod huius est generis nec sum

mè nec

Actu fieri.

Quid simpliciter tale.

Quid per comparisonem.

mè nec absolutè calidum vt ignis, sed homine eucrato (qui & vniuersa substantiæ mediocritatem obtinet) calidius, & lactuca eo ipso frigidior est, ob idque talis comparatè dicitur: vt enim sumptum piper temperatum hominem calfacit, ita & lactuca eum ipsum refrigerat. Quòd si ad vnumquemuis hominè referte velis, quod vni calidum alteri frigidum plerumque videbitur. Ita igitur vires quæ tum actu potestate insunt, æstimandæ sunt in iis quæ per se non per accidens agunt. Per se id agere dicitur quod proximè nulliusq; interuentu nos immutat, vt ignis vt nix. Ex accidenti verò quod non proximè, sed alterius cuiusdam interuentu, vt aqua frigida æstuoso cœlo corpori moderatè affusa. Ea quippe primo occurſu atque contactu, ac proinde per se refrigerat: at certè quoniam cutem densat nihilque expirare aut dissipari sinit, insitum nobis calorem cohibet ac etiam intrò compellens conseruat atque auget, & idcirco corpus ex accidente calfacit. Sic rheum barbarū licet occurſu primo aliquantum calfaciat, quòd tamen bilem quæ ardoris febrisq; causa est expurget, accidente refrigerat: quemadmodū & calida medicamenta quacunque februm obstrukciones infarctusq; expediunt. Hæ præcipuæ sunt & cognitæ necessariæ agendi efficiendiq; differentiæ. Nunc quo tota definitio particulatim explicetur, tradendū quot quibūque modis immutetur corporis nostri naturalis cōstitutio. Hæc quidem in tribus maximè posita est ex hisque constat, ex bona corporis & humorum temperie, ex materiæ commodatione, & ex formæ seu substantiæ integritate: nam & his tribus continetur humanum corpus, temperamento, materia atq; forma. Trifariā igitur id immutari potest, atq; triplex omnino statuendum est nos afficientium medicamentorum genus: vnum naturalem tum corporis tum humorum temperaturā mutat, vt quod impendiō calidū, frigidum, humidum, siccūmve est. Alterū materiæ cōmodationem, vt quod nimium densat aut rarefacit, adstringit aut laxat, incrasſat aut attenuat. Tertiū corporis humorūve formam atq; substantiam demolitur, vt quod illam deterit aut diripit ceu venenū, & quod illā detrahit aut penitus eximit, ceu quod septicū & purgans medicamentum appellamus. Et hæc quidem simplicia sunt genera. Postremum hoc

*Per se & per
accidens.*

20

*Humanæ cor-
pus quibus cō-
stet, & quib-
dissoluitur.*

Alimentum. genus propriè & maximè medicamentū est, alimento prorsus aduersum. Vt enim alimenti ita & medicamentū propria ratio, ex ipsius substantia seu forma spectatur. Alimentum quidem est quod corporis substantiæ quodammodo simile, in eam tandem facessit atque conuertitur, quam tum alitum interdū augeat. Id si ita simile est ut in corporis substantiam conuersum, nulla interim aliena qualitate illam insigniter afficiat, simpliciter & absolute alimentum dicitur, ut panis, ut caro, ut ouum. At si substantia quodammodo simile, exuperante qualitate corpus immutat, alimentū est medicamentosum, ut lactuca, vinum generosum, mespilum, coroneum malum. Quod porò substantia prorsus est dissimile, simulq; nulla est præditū qualitate qua corpus manifestè afficiat, id neq; alimentum neque medicamentum centeri debet. At si in substantia nobis prorsus dispari qualitates nimium exuperantes obinet, siue à temperamento ut hyoscyamus, ut pyrethrum, siue à materia ut rhus, galla & alumen, siue à forma profectas, ut scammonium, ut arrhenicum & veneni atque deleterij genus vniuersum, id prorsus & vsquequaque medicamentum est.

Medicamentum.

De primis & secundis medicamentorum facultatibus. CAP. I I.

Prima qualitas.

MEDICAMENTVM aliud simplex, aliud cōpositum. Simplex appellamus quod sponte solusque naturæ beneficio emerfit, cuiusmodi sunt rosa & absinthiū. Cōpositum quod arte & industria ex multorum permissione constat, talis est theriace. De simplici prior erit tractatio, de cōposito & cōpositionum formis posterior. Ut igitur paulo antè ex triplici corporis nostri constitutione tria nos afficientium medicamentorum genera statuimus: ita & omnes simplicium medicamentorum vires atque facultates in tres ordines aut differentias distribuēda sunt. Aliæ enim sunt quæ primæ qualitates aut facultates appellantur, aliæ quæ secundæ, aliæ quæ tertiæ. Prima qualitas seu facultas ex primorum elementorum permissione & qualitatu simplicium temperamento proficiscitur, eiusq; qualitatis vim & naturam imitatur quæ cæteris in temperamento antecellit. Ea enim licet contrariarum vi sit repressa, quia ta-

mea

men superiore est, vim agendi præcipuam obtinet, & medicamento nomen suum imperit. Aliàs autem vnica dominatur & vincit, aliàs verò duæ. Ab vna & simplici quatuor fiunt medicamentorum facultates, à quibus aliud calidum existit vt piper, aliud frigidum vt mandragora, aliud humidum vt oleum, aliud siccū vt aqua marina. Ex duabus qualitatibus quatuor quoque prodeunt coniugata facultates, à quibus medicamentum aut calidum siccūque est, aut calidum & humidum, aut frigidum ac siccum, aut frigidum & humidum. Hæc prima tum simplex tum coniugata qualitas atque facultas, elemento quidem actu inest, quia nullius contrarij permissione obtunditur aut impeditur: At medicamento illa solum potestate inest, quia contrarij permissio impedit & cohibet vincentem qualitatem ne promptè & primo quoque occurso agat. Quocirca piper dum actu frigidum est, non temperamento sed alcitina qualitate tale existit: eam autem vim & potestatem qua nos calfacit, sibi in se habet & à naturæ primordiis accepit. Quoniam autem eorum quæ verbi gratia calida appellantur non vna est omnium vis & æquè valida facultas, quatuor earū gradus & ordines vsus distinxit. In primam ea classē referuntur quæ obscure necdum manifestè agunt, in secundā quæ iam manifestè, in tertiā quæ vehementer, in quartā quæ summè atque extremè, vt quæ in calidorum genere deurunt escharamque moluntur. Deinde etiam vniuscuiusque classis & ordinis, vt cuius non parua sit latitudo, tres statuuntur partes, initium, medium & finis, vt eorum quæ ordine tertio calida dicuntur, alia in huius ordinis initio, alia in medio, alia in fine consistunt. Secunda medicamentorum facultas ex eorum materia temperamenti siue qualitatē primæ vi persula suscitatur. Est autem materia alia tenuis, quæ tum in corpus tum in humores sese promptè infert & insinuat: alia crassa atque lenta, quæ hæret ac subsistit nec alitè penetrare potest: alia mediocris, quæ ambarū medias vires sortitur. Calor verò in quamcunque materiam incidit, agendi vim atque celeritatem auget, quemadmodum & siccitas: at frigus & humiditas reprimunt & cohibent. Ex horum porro commissione varia, secundæ medicamentorum facultates emergunt, quarum hæc sunt præcipuæ,

Secunda qualitas.

ex methodo depromptæ. Incidens seu attenuans & incrassans, Detergens & glutinosum quod oblinat vel emplasticum est, Exasperans & leuigans, Aperiens & occludens, Dilatans & coarctans & coangustans seu adstringens, Rarefaciens & densans, Relaxans & contendens quod alstringens & corroborans, Attrahens, digerens, dissoluens & repellens, Emolliens & obdurans, Maturans seu pus mouens & corrumpens seu septicum, Agglutinans & exulcerans seu vesicas excitans, Sarcoticum & exedens, Epuloticum & distumpens quod causticum vel escharoticum est. Sic autem materia atque temperamenti permixtio illas profert. Medicamentum quod tenuis est materia si pariter calidum est, idque citra ordinem tertium ut petroselinum, hyssopus, sumptum quidem corporis meatus exiguos aperit, ex humoribus tenues dissoluit, dissipat seu halitu digerit, hincque sudores & urinas mouet, crassos vero incidit attenuat seu comminuit: foris autem impositum cutem rarefacit & dilatat, ex alto quoque corpore spiritus humoresque trahit atque resoluit. At si iam quarto est calidiorum recessu, septicum habetur, quod nimirum auturit aut ulcerat aut vesicas excitat aut colliquat. Quod vero tenuis est materie si temperatum, aut etiam si pariter id frigidum existit ut acetum, intro sumptum aperit quoque & attenuat, sed ignauius quam calidum: at foris inductum corpori, quatenus frigidum est fluxionem repellit & eruptionis imperum cohibet, idque validius quam quod frigidum adstringensque est, altius enim frigoris vim deducit. Quod vero cum media materia frigidum quoque existit ut onopordium, portulaca, modice fluxionem repellit ac sistit, siccatur & astringit. Medicamentum mediocris materie quod vna temperatum fuerit ut oleum simplex, relaxat, emollit scirrhus, concoquit, maturat atque pus mouet. At moderate calidum ut chamæmelum, quia dolorem lenit anodynum appellatur. Quod paulo calidius, sed citra tertium est ordinem ut ablynthium, sumptum quidem aperit ora vasorum, glutinososque detergit humores, ac proinde venas meatusque omnes expurgat, & eorum obstructions expedit: quod tenuior materia quia celerius & sine deterfione penetrat, non effecerit. Quod iam tertium caloris recessum superat ut colocynthis, anisotolochia, non solum detergit, sed etiam quia

quia acrius, partes ipsas vehementer exasperat & exulcerat. Eadem quoque præstat si foris corpori sit inductum. Medicamentum quod in crassa terrenaque materia temperiem quandam caloris frigorisque nactum sit, ut bolus Armena aut terra Lemnia, interiores meatus obstruit cutemq; obturat, exasperata lenit & soluta agglutinat: infercius enim est aut emplasticum aut læuigans aut etiam glutinosum. Quod autem moderatè seu calidum seu frigidum existit, ut rosa, ut myrtus, laxiores partes contendit atq; idcirco corroborat. At immoderatus velut ordine quarto calidum, ut calx, auripigmentum, arrhenicum, ex edit est que septicum, causticum vel escharoticum. Immoderatus verò frigidum atque siccum ut galla, nux cupressi, ora vasorum sumptum non modò obstruit, verum etiam cōtrahit & occludit, meatus omnes coarctat seu coangustat, ipsos verò humores supra modum incrassat. Foris impositum cutem densat & adstringit, fluxionis impetum cohibet ac etiam repellit, & vulnus cicatrice obducit.

Ita igitur facultates secundas ex medicamenti materia temperamento persusa prodire quibus intelligere possit: quorum tamen singularum rationes luculentius posthac explicabimus.

De saporibus. CAP. III.

Vt autem facultates secundæ, ita & medicamentorum sapores ex eorum materia primis qualitatibus instruita prodeunt: quumque horum magna sit ex origine affinitas, optima ratione sapores indices erunt & internuncij primarum atque secundarum facultatum. Itaq; calidumne quippiam an frigidum sit, tenuis an crassa materia sapore internoscitur. At verò tertias medicamentorum facultates, ut purgandi peculiarem humorem, aut obtundendi venenum, aut aliam quampiam exiis quas mox subiiciam, non sapor ullæ sensuum qualitas, sed vna patefacit experientia & obseruandi consuetudo. Nouem autem saporum differentiarum sunt, nec plures gustus norauit: acer, acidus, pinguis: salus, austerus, dulcis: amarus, acerbus, insipidus. Tres primi è tenui materia prodeunt, medij è mediocri, postremi è crassa atque terrena.

Acer. Sapor acer est qui linguam & os acrimonia ferit atque compungit, simulque calfacit & interdum quasi exurit: is maxime conspicuus est in pipere, pyrethro & euphorbio: quorum exemplo de ceteris inferioribus æstimandum. Sufficitur autem ex tenui, sicca calidaque materia, nec in alia consistere potest. Quicquid igitur acre seu mordicâs gustu percipitur, id statim igneæ naturæ participes est. Atque si non dum vehemens est sed citra tertium ordinem subsistit, ut hyssopus, petroselinum, feniculum, thymus, vim atque facultatem habet intro quidem sumptum penetrâdi & meatus aperiendi, crassosque humores attenuandi: extrinsecus verò corpori insidens cutem rarefacit, humoresque elicit ac resoluit. Quod verò iam acrius est tertiumque calidorum ordinem excessit, & gustando præter acrimoniâ tenui vapore caput ferit, aut exurit papulâque excitat, ut sinapi, pyrethrum, euphorbium: aut vesicas infert, ut lepidium, cantharis, ranunculus: aut colloquat & putrefacit, ut sublimatum, chamælea & thapsiæ succus.

Acidum. Acidus sapor gustum quoque penetrat & tenuitate ferit, sed citra vllum sensum caloris: talis maxime in aceto deprehenditur, deinde etiâ in succo mali citrei, in quibusdam malis punicis & cotoneis. Emanathic ex tenui siccaque materia, cuius vel calor insitus putredine exspiravit ut in aceto, vel frigidior intemperies tenuitati ab origine comes est, ut in aliis quæ commemoravi. Quocirca acidum penetrando & incidendo nihilo est acri infirmius, imò sanè ad hæc nihil quicquam est aceto valentius, præsertim si aut vetus est aut fulurancium, hoc enim metalla, quemadmodum & citrei mali succus margaritas dissolvit. At verò non ut acre foris impositum dissolvit atque dissipat, sed contra repellit cohibetque fluxiones: idque validius quam frigidum adstringens, altius enim frigoris vim deducit. Sic acetum experitur & fluxiones repellere, & omnem sanguinis è naribus eruptionem atque dysenteriam tum vapore suscitato, tum etiam foris cohibere, ipsasque hæmorrhoidas & immo ducas vteri purgationes suffitu insensûve sistere, omnemque sanguinis reiectionem potû vel per se vel admista aqua promptissimè cohibere. Neque idcirco id inter adstringentia numerâdum, longè enim ab his materia distat, sed vnus frigoris altè subeun-

subeūtis beneficio fluxiones repellit, siccitate verò quæ planè valida est eas atq; sanguinis eruptiones sistit ac cohibet.

Pinguis sapor nec calore nec acrimonia gustum sollicitat, sed linguam orisq; partes lentore quodam oblnit. Is præcipuè animaduertitur in oleo tum simplici tū amygdalino, in butyro, in adipe qui nec vetustate rancidus nec natura fit acrior, cuiusmodi leonū est & vulpium. Pingui quoque sapore est althæa atq; eius & psyllij mucus & tragacantha. In alijs plerisq; tum adipibus tū oleis, vt in ticinino, in amygdalino amaro, sub pingui alij quoq; sapores existunt: at verò vt non vnus simplexq; est horum sapor, ita nec facultas nec materia simplex & vna. Nascitur pinguis sapor ex tenui non quidē ignea sed planè aerea materia, quæ calore & frigore quodāmodo temperata sit. Atque ea licet tenuis, sicca tamen non est: alioqui pingue perinde atq; acidum & acre penetraret ac iacideret. At certè humoris eiusq; aërei particeps magis est: ac proinde præcipua vis eius atque facultas est relaxare, emollire & humectare.

Salsus sapor linguam non admodū calfacit, sed acriter *salsu.* siccando corradit. Hic in primis elucet in sale atq; in nitro, deinde moderatius in crithmo herba. In mediocri materia consistit cum calore & siccitate. Aquæ enim materiæ, (quæ non exquisitè simplex est) partes quasdam terrenas permittas calor externus tandem præassans & vrens atq; siccans, falsum saporem inducit: sitq; à terreno sicco quod in aqueo humido caloris vi præassatum attenuatūq; est. Neq; igitur prorsum terrenus neq; aqueus, sed ex amborum permissione quandam materiæ mediocritatem sortitur. Neque si ex calore processit hic totus manet sed permissione obtunditur, siccitas verò maior conquiritur ac persistit. Quocirca falsum moderatè penetrat & incidit, corradèdo stimulat & expurgat, validè siccando renues ichores absorbet, corpora conseruat & à putredine tuetur: lyngero tamen sallorū est & nimio, humores & sanguinē labefactari constat. Atq; falsus hic sapor secundum naturam fit à calore non admodum acri, sed qui tamen sensim multoq; tempore terrenas partes quæ sunt in aqueo humido exurit atque siccatur: hinc in falso sapore siccitas maior quàm calor deprehenditur. Alius etiam falsus sapor arte præsertim alchymia profertur, *Alchymia.*

exsiccissima planèq; terrena materia, quā acerrimus calor extremè tū exussitum assauit. Nuliumq; corpus est in rerum natura è quo & calcem & propriū silem non eliciant alchymistæ, quem vnulquisque gustu percipiat & agnoscat, vt è fuligine, è vini fæce, è nitro, huius enim axungia appellata, sal est. At verò omnis eiuscemodi impenè calidus est ac in plerisq; causticus & qui pro cauteriis vsurpatur.

Austerus.

Austerus sapor os & linguam moderatè constringit & quadam asperitate coarctat: hinc quadamtenus siccatur & refrigeratur. Hic propriè crudus appellatur, estq; immaturis fructibus peculiaris, vt in succo vuz acerbæ, pomorum, pyrorum, mespilorum immaturorum, atque etiam in portulaca. Consistit in media materia quæ terrenæ & aqueæ particeps est, in qua non calor sed frigiditas dominatur & exuperat. Ac proinde austerum omne strenuè refrigeratur, extinguit, cogit atque contrahit, fluxiones moderatè sistit atque repellit. Hæc autem frigiditate potius atq; siccitate efficitur quàm materiæ mediocritate. Quū enim in ea ipsa materia naturalis calor dominari cœperit & frigiditatem hæc euincet, quūque vi caloris terrenæ materiæ aquea exquisitè permixta fuerit & iam maturatio facta apparebit, depulsa austeritate in eadem materia succedet dulcedo. Sic enim crudorum fructuum austeritas maturatione dulcescit, non tam materiæ quàm qualitatis mutatione.

Dulcis.

Dulcis sapor gustu suauis atque iucundus oblectat, nullaque qualitatis exuperantia molestus est. Eiusmodi conspicius est in saccharo, melle, glycyrrhiza, polypodio, iuiubis & aliis plerisque fructibus: atque in omnibus lenientibus. Hunc tamen saporē caue ne cum pingui & oblinente confundas: licet enim affinis quodammodo, reipsa tamen diuersus est. Distat autem ab eo nō qualitibus primis, quia vterque temperatus est aut obscure calidus, sed vna materia, quæ in pingui tenuior est, in dulci paulò crassior, sed quæ tamen non vltra mediocritatem procedat. Quocirca dulce quadamtenus sed minus quàm pingue relaxat, magis verò asperitatem lenit: præterea quoniam & materiæ & temperamenti mediocritatem obrinet, anodynum est, maturatur, concoquit & pus mouet. Et hi quidem saporēs in mediocri sunt materia: nunc de his qui in crassa consistunt.

Amarus

Amarus sapor dulci ex aduerso oppositus, insuauis attritis sensum ipsum velut contradit aut diuellit. Eo insignis est aloë, deinde absinthium, centaureum minus, & colocynthis: quorum exemplo cetera dignosci possint. Crassatius est materia atque terrena, quam exuperans calor præstauit & exiccavit: omnèque amarum calidum siccumque est. Hinc sanè præcipua vis detergendi & meatus expurgandi ei inest, idque cum calore non tamen extremo. Quum enim calor penetrando crassiusculam materiam secum deducit, ea quicquid obuium est secum rapit & abradendo expurgat. Et quo amarius medicamentum, eo valentius id efficit. Absinthium quidem moderatè: at aloë, aristolochia, centaureum minus, & colocynthis non expurgant modò & abstergent, sed & partes ipsas immodico vñ exasperant atque corradunt & exulcerant. Hinc aloë ora venarum aperit profunditque sanguinem præsertim ab hæmorrhoidibus, aristolochia interiores dirumpit abscessus, centaureum & colocynthis exulcerant secumque ramenta detrahunt. His autem vt intrò sumpris infarctus expediendi, ita & ad motus sordida vlcera detergendi & expurgandi eximia vis est. Quinetiam amarum quia siccando superuacuos humores aut absorbet aut detergit, & dulcedini quæ putredinis parens est prorsus aduersatur; ratione optima putredinem arceat & corpora diu integra conseruat.

Acerbus sapor austero finitimus, eo tamen grauior molestiorque est, ac magis linguam omnemque gustum confringit & exasperat: ac proinde magis tum siccatum refrigerat. Is luculenter in malicorio, in galla, in rhoe & cupressi nucibus conspicitur: atque in aliis quàm plurimis quæ acerbitate sunt his proxima. Eorum materia planè terrena est & sicca nec aquæ nec humoris manifestè particeps, in qua non calor sed frigus planè dominatur cum siccitate. Quoniam igitur frigida fluxiones repellunt, vt adstringentia humorum impetum sistunt & cohibent, vt siccantia coarctant atque densant & vulnera cicatrice obducunt, vt verò terrena humores incrassant.

Insipidus à πῶτος dictus qui propriè sapor nō est, sed saporis priuatio, nulla qualitate manifesta gustum ferit. Tali esse videtur farris genus vniuersum, & cucurbita & citrulus,

quibus & alia plurima finitima sunt. His materia tamen crassa quodammodo est, non tamen prorsus terrena & sicca adstringens, sed humore quodam etiam perfusa, qui tamen non exquisitè sicco permiscetur vi caloris. Et quum neque ipsius frigoris vis superet, accidit necessariò ut nullo gustu sapor, nulla effectus qualitas aut facultas percipiatur. At nihilominus hæc eorum materia quoniam verè emplastica est, meatus omnes & intus & foris infercit & obstruit, exasperata lenit, & soluta agglutinat. Quanquã autem hic sapor dulci affinis est, distat tamen quòd & in paulo crassiore atque crudiore sit materia, & à temperie aliquantum in extremum frigidius deuegat: dulcis verò sapor in calidius. Moderato enim ac miti calore bene còcoquente plurima dulcescunt, ut fructus. Atque etiam in dulci non nihil inesse caloris argumento est, quòd dulcia non pauca ut mel vetustate aut coctura amarescunt.

Hi sunt igitur simplices omnes sapores atque synceri, in quibus dignoscendis seorsum exercitari oportet. Ex sapore autem quæ medicamenti temperatura & quæ materia sit cognoscitur: ex his demum quibus id tum primum tum secundis qualitatibus ac viribus sit præditum.

Quibus verò sapores varij inesse deprehenduntur, ut absinthio, quod præter amarorẽ qui primus est obuius, adstrictionem quoque habere percipitur, diuersarum quoque substantiarum atque facultates, ut detergendi & adstringendi seu corroborandi insunt. E contrario quoque, si cui medicamento ut cichorio, facultates inerunt variez, ut detergendi & refrigerandi, ex variis id quoque & ferè contrariis substantiis & saporibus constabit. Itaque è sapore siue simplex is est siue multiplex, de materia deque facultatibus medicamenti iudicari potest. Id autem faciliè ac certò fiet si simplex aut exquisitus sapor erit. At rarò admodum purus syncerusque & solitarius inuenitur. In quibus igitur sapor non certò poterit medicamenti vim atque facultatem exprimere, experientia succurrit ac supplet: atque etiam si gustu aut ratione videberis facultatem assequutus, eam tamen experimento identidem confirma. Multa enim plerumque solitaria meditatio & probablis ratio suadet, quæ vsus & experientia coarguit. At ne te fallax experientia decipiat, etiam

etiam

etiam caue ne effectum, qui per accidens à medicamento processit, primum ac per se editum esse iudices.

Quibus observationibus statuendi sint facultatum ordines. CAP. IIII.

Vt in primis ita & in secundis facultatibus virium ordines quatuor habendi sunt: atque in astringentium vel attenuantium genere, primæ classis existunt quæ obscure id agunt, secundæ quæ manifestè, tertiæ quæ vehementer, quartæ quæ summe ac extremè. Rursum vniuscuiusque classis seu ordinis & initium quoddam est, & medium & finis. Multorum simplicium facultates veterum diligentia & observatione in ordines digestæ sunt, quarum imitatione & exemplo quæ desunt referri in eosdem possunt. Id autem consideratis & circumspectis agendum, iis nimirum æstimatis & obseruatis quæ simplicium vires minuunt vel augent. Ea sunt regio, tellus, situs, tempus, cultura & præparatio. Ut enim similes vitis palmites diuersis regionibus atque locis depacti diuersa vina, ita similia semina regione atque tellure varia, stirpes proferunt facultatibus viribusque varias. Regio calida & æstuosa, omnia edit profertque acriora & vehementiora: hebetiora verò frigidior & humidior. Origani, hyssopum & satureiam aduectas è Cappadocia aut Creta, iis duplo aciores deprehendimus quas nostra Gallia protulit. Tellus arenosa atque sicca, acriora quoque edit, quemadmodum inculta atque deserta: frigida vero palustis & viginosa, & quæ multa cultura magnoque labore subigitur, vberiora & letiora, sed multò ignauiora. Collis in ascitum decliuus præstantiora gignit quàm in aduersum aquilonem deciuus. Vere & æstate media stirpes omnes dum multo succo eoque maturo & probè cocto turgent, validiores sunt quàm autumni sive, quò deciduis foliis & exhausto succo effortæ manent: semperque prior germinatio posteriore virilior. Adhæc tempore frigida aut humidarum quæ stirpium vis hebescit quum iam placè inaruerint: calidarum verò siccarumque inualescit. Etenim althæa aut malua quæ prosum arida sit, nec humectat nec probè emollit: neque plantago, aut solanum, aut semperuiuum quum proprio humore deficiunt,

Montanum.

commode refrigerat. Origanum verò, hyssopus, aut thymus conuenienter arefactus, dissipato humore aqueo multo magis tum calfacit tum exiccat. Præparatio quoque arte quæ sita simplicium vires auget vel imminuit. Nam calida attenuantia atque detergenia, si sensim arefacta & in puluerem redacta offerantur, multo præstantiores habent vires & effectus edunt manifestiores, quàm virentiù expressus succus: atque hic validior est quàm aqua in qua illa fuerint incocta. Non enim vt quidam prodidit, aqua simplex tanquam communis sit materia omnium quibus permiscetur, cum calidis calfacit & cum frigidis refrigerat, sed perpetuò calidorum & attenuantium quæ incoquantur vim obtundit. Quinetiam coctio omnis eorum quibus tenuis est materia vim aut minuit aut prorsus dissipat: crassiorum verò vt metallorum, adstringendi siccandique facultatem auget. Lotio quoque incidendi atque detergendi vim auferit, emplasticam verò auget. Horum igitur atque similibus obseruatione prætermissa, statui certò nō potest quàm valida sit vllius medicamenti facultas. In æstimandis autem simplicium medicamentorum viribus, hisque in classes digerendis, veterum imitatione omnia ex mediocri tum loco tum regione tum præparatione quærenda sumendæque sunt. Hic porrò non minus obscura quàm cōtrouerfa quæstio existit, qua quantitate designati sint in medicamentis facultatum ordines. Quum enim quod secundi est ordinis calidorum aut detergentium copia maiore sumptū, æquè validè vel etiam validiùs calfaciat aut detergat, quàm quod est tertij ordinis copia & quantitate minore acceptū: constat profectò simplicium vires & ordines ex pari eorum quantitate constituendas esse. Sed quænam ea quæritas est atque mensura? drachmæ an vncia? & quod gradu secundo calfacit drachmæ pondere, si vnus vnciæ pondere sumatur tertio calfaciet, atque necessariò in varias classes erit referendum. Hinc non minùs difficilis suboritur disputatio de dosi constituenda medicamenti alterantis, quod nimirum aut prima aut secunda facultate agit. His dissoluendis non pauci vehementer æstuant, atque rei tam arduæ interpretationem in iusti libri magnitudinem auxerunt, quam tamen ita paucis complectar. Medicamenti cuius vim experi

riri volumus quantitas ea sit mediocritate, quæ nō protinus exoleseat aut deficiat. Non enim scintillæ vis & calor quantus sit (summus autem est perinde ac totius ignis) percipi potest, quod prius extinguatur quàm in nos agat: neq; piperis aut pyrethri minima portio. Quum autem moderata & iam insignis medicamēti quantitas ad experiendum sumitur, mandendo æstimandum & perpendendum non quantum aut quàm latè, sed quàm vehementer aut acriter agat. Piperis enim granum si manditur, os & linguā acrius & vehementius calfacit quàm vncia feniculi: ac proinde piper toto genere censetur feniculo calidius, licet vncia feniculi plures oris partes ac latius calfaciat. Quæ pari mensura sunt, si pari quoque acrimonia & vehemētia agunt, pari statuuntur ordine: si verò impar sit agendi vehementia, diuerso. Sic igitur ut facultatis robur & ordo designetur, efficiendi qualitas & vehementia spectanda.

Iam verò in præstituenda dosi alterantis medicamenti, alterandæ seu mutandæ partis amplitudo atque situs æstimeretur. Affectionis quæ in ea parte est (seu intemperies fuerit seu obstructio) magnitudo, alterantis medicamenti ordinem præscribit: si enim pars frigida sit ordine secundo, medicamentum opponetur quod secundo quoque sit ordine. At qua id quantitate sit offerendum, ex affectæ partis magnitudine atque situ decernitur. Si magna pars est quæ laborat aut longè ab occurſu medicamenti distita, largius: si parua aut medicamento obuia, parcus & minore dosi id offerendum est. Crudum aut refrigeratum ventriculum sex octo uel piperis grana calfaciunt, quæ ad refrigeratum uentrum nihil aut minimum contulerint: & æstuantem oculum aquæ rosacæ semuncia recreat, quæ concalfactum caput nihil iuuat. Horum igitur obseruatione & prudentis medici iudicio, alterantiū medicamentorū dosis præscribenda.

De tertijs medicamentorum facultatibus. CAP. V.

TERTIA medicamentorū facultas de qua mihi dictum restat, non è temperamento, non è materia, sed è tota rei substantia atque forma primū ac per se proficiſcitur: ac proinde occulta totius substantiæ proprietates appel-

lari solet. Ab hac duarum medicamentorum differentia procedunt: alia enim euacuantia, alia duntaxat alterantia. Euacuant quæ totius substantiæ familiaritate atque similitudine peculiare sibi quiddam proliciunt. Horum rursus alia è toto corpore, alia ex vna quapiam particula trahunt: quæ è toto corpore, purgantia dicuntur: & eorû quedâ attractum humorem vomitione reddunt vt asarum & veratrû album, quædam deiectione vt rheum barbarum & scammonium. Quæ ex vna quapiam parte, aut ex cerebro per os atque palatum vt apophlegmatismi, aut per nares vt terribina, aut ex vtero per ceruicem superuacuum humorem trahunt, vt aristolochia. Cæterum quæ vel urinas cient vt petroselinû, vel menstruas purgationes vt artemisia, vel excreationes mouent vt hyssopus, quoniam non attrahendo, sed vel detergendo vel extenuando atque penetrando excrementa depellunt, quodammodo euacuantia, non tamen purgantia ritè dici possunt, non enim similitudine trahunt. At verò alexiteria & alexipharmaca, id est quæ aut venenum aut deleterium medicamentum proliciunt amolunturque similitudine, vt schistum lac, agaricum, dissecti pulli gallinacei calentes percussæ parti applicati, scorpius ipse proprii insecti veneni alexiterium, iure inter euacuantia connumerantur, nec tamen propriè cathartica dici debent. Huius quoque classis sunt quæ vulneri foris imposita tela atque specula euellunt & euocant, vt radix arundinis. Hæ sunt igitur eorum differentia quæ totius substantiæ proprietate euacuant. Quanquam autem quæ primis aut secundis facultatibus agunt, alterantia propriè nuncupantur, multa tamen tertius etiam facultatibus, seu tota substantia alterant. Ea sunt quæ abdita proprietate totam rei substantiam immutant, atque rem ipsam demoluntur ac prorsus corrumpunt. Horum alia sunt deleteria, alia antidota & antipharmaca. Deleteria quidem sunt quæ propriè venena dicuntur. Quum enim venenorum, id est eorum quæ præsentanea vi nos interimunt, alia id manifesta, sed tamen violenta & excellenti qualitate præsent, vt euphorbiû vrendo & opium stupefaciendo: alia verò qualitate occulta, hæc sanè non illa veneni appellatione complectimur. Hęc igitur totius substantiæ dissidio nobis infensa noxiaque sunt, vt dryopteris,

opteris, ptyocampe & hydrargyros: vt venenatarū bestiarum ceulscorpij, phalangij & rabidi canis ictus. Etenim cū salua hz virus ictu eiaculantur, quod sensim intrò subiens ac prorepēs, in principes tandem partes insilit earumque vires ac substantiam dirimit. Priora verò intrò sumpta quum nequeunt à nostro calore domari atq; vinci, hunc tandem omniumq; facultatum substantiā peruertunt. Antidota verò & antipharmaca deleteriis planè contraria sunt, eaque totius substantiæ dissidio sic mutant & obtundunt, vt ne minimum dein nos queant offendere. Horū alia haustum vel iniectum venenum aut etiam deleterium medicamentum, totius substantiæ contrarietate ac dissidio frangunt obtunduntq; aut prorsus extinguūt, vt citrij semen. In hoc genus pertinent & quæcunque pestilentes aliosque epidemios morbos profligant aut arcent, vt mithridatium. Alia virulentarū bestiarum ictibus medentur, vt alyssum & pimpinella rabidi canis: quorū ampla est tractatio, & eximia vis medendo. In hoc porrò tertium facultatum genus referenda sunt quæcunque vnicuique corporis particulæ aut iuandæ aut lædendæ addicta creduntur: pro quibus nonnulli frustra quartas medicamentorū facultates induxerunt. Etenim salua cerebrum idcirco iuuat & corroborat, quòd illi totius substantiæ similitudine familiaris sit: qua ratione & buglossum cordi, & eupatorium iecori, & scolopendrium vel asplenium lieni gratum familiareque est. At verò totius substantiæ dissidio atque repugnantia, lepus marinus solos pulmones, cantharis vesicam solam exulcerat. Tertia hæc medicamentorum facultas, quia extra sensus est humanos, nec sapore nec odore nec tactu, nec vllò denique sensu nosci deprehendive potest: sed vna obseruatione & experientia, quæ vltu longo & artis exercitatione bene stabilita confirmatq; sit.

Hic autem appositè de experiendi ratione pauca subnectere videbor. Experiri est quippiam effectū probare. Alia enim sensu aliquo comprobantur, quorū est certissima cognitio: alia ratione probabili, quæ tamen è sensibus ducta deriuataque est: alia vltu & effectuum atque euentuum obseruatione. Hæc igitur rerum notio quæ ex crebra euentuum obseruatione habetur, propriè dicitur experientia:

ἡ ἀπὸ πειρᾶς
ἐκείνη, ὅθεν ἡ
ἐμπειρία ἐκ
ἐκείνης ἐκέρχεται.

ἡ ἐμπειρία. ut alia cognitio sensu, alia demonstratione vel opinione,
ὁ ἔμπειρος. alia experientia percipiat, & experiens qui experientia
 doctus euasit. Ea autem experientia nosci debent, quæ nec
 sensus percipere nec ratio uila consequi potest: atq; hæc sorte
 sola vel casu deprehenduntur: ac sæpe diuque quesita, for-
 tuitò plerumque inueniuntur & occurrunt nobis. Sic sanè
 & purgantium medicamentorum & alexipharmacorum
 cognita vis est. Non quod semel duntaxat, sed quod identi-
 dem atque similiter & eadem rerum omnium concurfione
 sæpius euenerit, experientiam gignit. Quùmque effectus
 aliquis sæpius obseruabitur ex causa quapiam proficisci (ca-
 uendum tamen ne causarum similitudo nos eludat) vis hu-
 ius atque facultas erit experimento cognita. At nihilomi-
 nus ex aliquo experimento interdum affinitate rerum du-
 cimur in alterius experimenti inuestigationem.

De medicis ponderibus & mensuris. CAP. VI.

RERUM omnium æstimatio aut numero fit, aut pon-
 dere, aut mensura. Numeri una est & eadem apud o-
 mnes ubique gentium ratio, non etiam ponderis aut men-
 suræ, sed maxima horum varietas, & uniuscuiusque ditionis
 suum pondus suaq; mensura, patrio nomine insignita. Sed
 tamen quoniam rerum omnium maximè quæ ad mēden-
 di usum comparantur, certas & communes esse leges oportet,
 certa quoque & omnibus communia decet esse pondera,
 ut una lege una sit omnium gentium consensio. In id au-
 tem stabilendum in primis est pondus minimum ceu mi-
 nutum, è quo (velut in numeris ab unitate) additione con-
 tinua aucto prodeant cætera pondera. Id quidem est gra-
 num omnium ponderum minimum, è quo fiunt obolus,
 scrupulus seu scrupulus, drachma, uncia, libra: & quæ ex his
 componuntur, semuncia, sescuncia, selibra, selqu libra. Gra-
 num igitur cui tanquam basi reliqua inniuntur pondera,
 ratum constansq; esse decet: neque id granum esse hordei,
 neque tritici, neque ciceris, neque frugis ullius aut legumi-
 nis, quod nullus par sit ubiq; gentium pondus. At verò nu-
 marium minutum, quod aurifabri granū appellant, & La-
 tinè momentum dici potest, omnibus mundi nationibus
 vnum

vnum idémq; est & stabile: quod auri sacra fames & opum furiosa libido, inuiolare & incorrupte seruat, idque signis & exemplaribus vndiq; identidem collatis. Hoc igitur nobis sit omnis ponderis initium: è quo medicinarum pondera recepta nunc lege stabilita sunt hoc pacto.

Obolus \mathfrak{D} β	pendet	\mathfrak{g} . x.
Scriptulus seu scrupulus \mathfrak{D} j.		\mathfrak{g} . xx.
Drachma	\mathfrak{z} j.	\mathfrak{D} . iij. lx.
Semuncia	\mathfrak{z} β	\mathfrak{z} . iij.
Vncia	\mathfrak{z} j.	\mathfrak{z} . viij.
Sescuncia	\mathfrak{z} j β	\mathfrak{z} . xij.
Quartarius seu quadrans quart. j.		\mathfrak{z} . iij.
Selibra	$\mathfrak{t}\mathfrak{b}$ β	\mathfrak{z} . vj.
Libra	$\mathfrak{t}\mathfrak{b}$ j.	\mathfrak{z} . xij.
Sesquilibra	$\mathfrak{t}\mathfrak{b}$ j. β .	\mathfrak{z} . xvij.

Ita numarium pondus quod non modò numularij sed & mercatores vsurpant, vulgare medicum superat quincunces: estque ad id proportionè sesquiquinta Geometris appellata. Nym drachma numaria pendet \mathfrak{g} . lxij. & vncia quæ drachmis quoque his octo constat, pendet drachmas medicas ix. & \mathfrak{g} . xxxvj. siue vnciam medicorum vnam cum drachma vna & granis triginta sex: libra verò numaria quæ vnciarum est xj. (nam est vbi xiiij, est vbi xvj, aut xvij, aut xx. vncias habet) pendet medicorum \mathfrak{z} xiiij. \mathfrak{z} iij. & \mathfrak{g} xij.

Atque hæc ita licet pharmacopolarum & recentium medicorum vsu recepta confirmataque sint, certiora tamen & iniquitati ac fraudi minus opportuna pōdera retinere si velimus, in ea re præsertim in qua vel leuissimum detractum momentum non solum errorem, sed etiā periculum creare potest, præstiterit vt momentū numariū, ita & cætera inde prodeuntia pondera vsurpare, vt vna eadémq; sit vbique gentiū certa & constans medicis & pharmacopōlis ponderum mensurarūque regula, quæ & aliis omnibus. Itaque obolus grana xij. semiobolus sex, scriptulū xxiiij. drachma septuaginta duo pendebit, ceteraq; ad horū proportionem. Quæ ponderis ratio veterib⁹ medicis vīitata fuit, in scriptulo Græcis vsurpata apertè demonstrat. Propterea enim

γράμματα ipsi appellantur, quia tot minutis scriptulū constat, quot nimirū apud eos sunt literarū figuræ. Idem ratio quoque ipsa comprobatur. Quum enim scriptulum filiquas sex pondere æquet, & filiquā σιτήρια quatuor æquent, scriptulum quatuor & viginti frumenti grana pendeat necesse est. Antiquum autem pondus imminutū & adulteratū propolarū auaritia fuisse credibile est, qui quàm possunt maximo coëmunt pōdere, quæ postea diuendāt quàm minimo.

Hęc igitur pondera sunt, quibus hodie omnia referuntur ad lancem, ut aliis frustra sit opus. At ne iis deesse videar qui veterum ponderum interpretationem desiderant, illa quoque paucis complectar atque subiiciam, quæ Græcis, Latinis & Arabibus usurpata fuere.

Pondera.

Granum numarium basis omnium ponderum, tāquam minutum & λεπτόν, ob id minutia appellatum.

Chalcus siue } pendet ḡ ij, filiquæ dimidium.
Æreolus

Siliqua Latinis, ceration & dichalcum } pendet ḡ iij. Chalcos duos.
Græcis, kirat Arab.

Semiobolus, } pendet ḡ vj. æreolatria, filiquam vnam
ημιόβολος, da } & dimidiam.
uic Arab.

Obolus } Scriptuli dimidium, pendet ḡ xij. seu filiquas tres, chalcos sex.
Onq̄losat }
Arab.

Scriptulum, gramma Græcis & δρω } pendet ḡ xiiij. seu obolos duos,
βολον dictum } chalcos xij.

Semidrachma siue περιώβολον, } pendet ḡ xxxvj. Sescquilarium Oribasio, victoriatum } scriptulum.
Scribonio & Celso.

Drachma Attica, } pendet ḡ lxxij. scrupulos tres,
holce quoq; Græcis dicta, vnciæ pars octaua. } obolos sex.

Denarius Romanus paulò grauior est drachma, ut denarij duntaxat septem sint in vncia. Hincque Celsus & Scribonius qui pro drachma vertunt denarium, septem solum drachmas

drachmas ponunt in vncia: Plutarchus tamen, Galenus & Plinius dum Latina aut Græca transferunt, denarium drachmæ, & drachmam denario quasi nil differant reddiderunt, pro vnciæ parte octaua.

Sextula

Hexagium

Aureus

Solidum

} pars sexta vnciæ, pendet scrupulos quatuor.

Sicilicus pro didrachmo apud Scribonium pendet 3 ij. Allarius & *ἀσάριον* quoque appellatur quod duodenis obolis, sicut as vncius confert.

Duella sextulas duas

3 viij.

Strater est semuncia

3 s seu 3 iiij. Dupondium quoque dicitur, pendetque Allaria duo.

Vncia Attica libræ pars duodecima pendet drachmas octo, seu tradente Celsò denarios Romanos septem.

Romana libra

Pondo

As

} pendet vncias xij, siue drachmas xcvi.

Mna siue Mina Attica paulò grauior est, pendetque drachmas centum, seu vncias xij. cum dimidia.

Quantum autem propriè as libra dicitur, plerumque tamen & rem vnāquamque solidam & integram significat: utque libra ita res queque in partes xij distribuitur quæ totius sunt vnciæ: aliæ verò partes sic Latinis appellari solent:

As, libra, res ipsa tota.

Vncia pars est assis seu totius duodecima.

Sextans

Quadrans

Triens

Quincunx

Semis

Septunx

Bes & octunx

Dodrans

Dextans

Deunx

} vnciæ

duæ

tres

quatuor

quinque

sex

septem

octo

nonem

decem

vndecim.

Iam verò de mensuris: quoniam magna in his & incerta est varietas, rectè quidem videntur ex oleuisse, ac pro illis concavis quibus tum arida tum liquida veteres dimetiri solebant, libras & pondera nunc pallim medici usurpant: nisi fortè quum virentes herbas præstituat quarum non adeo exquisitum pondus desideratur: has enim pugillis & manipulis mensurant.

Manipulus m. quantum manu comprehenditur.
Pugillus p. quantum digitis tribus capi potest.

Potest tamen quisquis volet còcavas mensuras ad liquores præsertim sibi comparare, easque ponderibus coaptare, ut alia sit libræ vnius, alia duarum, alia trium, aliaq; aliorum ponderum capaces.

At nihilominus veterù mensurarum quæ tum aridis tum liquidis accommodabantur, hîc interpretatione subiiciam.

Cochlearium mēsurā minima, capit vini mediocris substantiæ seu flavi 3 j. & ʒ ss.

Cheme, mediocre seu minus cochlearium, capit cochlearia parua ij, seu 3 ij. ʒ j.

Mystrum, seu cochlearium magnum ligulæ par, cochlearia parua ij ss, seu 3 ij ss.

Concha mystra ij, chemas ij. ss. cochlearia v.

Cyathus conchas ij. mystra iiij. cochlearia x. seu 3 j. ss.

Acetabulum græcis oxybaphon sesquicyathum, conchas iiij. mystra vj. cochlearia xv. seu 3 ij. 3 ij.

Quartarius τέταρτον ἡμικοτύλιον, sextarii pars quarta, cyathos iiij. cochl. xxx. 3 iiij. ss. oxybapha ij. mystra xij.

Hemina seu cotyle seu tryblum & ἡμιέξων, dimidia sextarii pars, hemisextarius Parisiensis: continet quartarios duos seu 3 ix. cyathos vj. oxybapha iiij. mystra xxiiij. cochlearia lx.

Sextarius Græcis ἑξῆς, mensura omnium vstratissima, congij pars sexta, heminas duas, quartarios quatuor, cyathos xij. seu lb. j. ss. chopina est Parisiensis.

Chœnix Græcis, modulus Latinis, sesquiseptarius est, lb. ij. 3 iiij.

Congius, Græcis Chus, sextarios sex, lb. ix. quartarios xxiiij. Pintæ tres sunt Parisi.

Vina

Vrina } congios quatuor, sextarios xxiiij.

Amphora } idem, urnas duas, sextarios xlvij.

Metretes & Ceramium Græcis } capit congios seu cho-
Cadus Latinis } as xij. sesquiampho-
ram, sextarios lxiij. seu lb. c. viij.

Culeus capacissima Romanorum mensura, continebat
amphoras xx. sextarios 960. congios 160. urnas 40.

Atidorum verò mensuræ Romanis hæc fuerunt, quæ &
liquidorum communes erant præter modium.

Ligula par mystro.

Cyathus capit ligulas iiij.

Acetabulum ligulas vj.

Quartarius acetabula duo.

Hemina acetabula iiij. ligulas xxiiij.

Sextarius heminas duas, quartarios iiij. acetabula octo.

Semodius sextarios octo.

Modius sextarios sedecim.

Medimnus chœnicas 46. sextarios 72.

Hæc liquidorum mensuræ vino præsertim dicatæ fuerunt,
quod si mediocris est substantiæ, referetur ad id quod dixi
pondus. At quoniam oleum leuius est vino parte nona, mel
verò grauius vino parte dimidia, quæcunque mensura capit
mellis vncias xv. capit vini vncias x. & olei ix. Eaq; propor-
tio in mensuris omnibus obseruanda: quæ si iniquæ fuerint,
pondus quod minimè vnquam fallax est, iis erit pro lege.

De componendorum medicamentorum causis. CAP. VII.

VT morborum ita medicamentorum genus duplex sta-
tuendum, vnum simplex, compositum alterum. Sim-
plex medicamentum appellatur, quod sponte sua tale ex-
ortum est, nihil nostra adeptum industria. Hoc autem aliàs
vnica, aliàs pluribus tum substantiis tum facultatibus præ-
ditum est: vnica vt piper, pyrethrum, euphorbium, quorum
substantia omnis prorsus tenuis calidæque est: pluribus vt
rosa & absynchiū, quæ mediocri substantia detergunt, cras-
sa & terrena corroborant: & rheum barbarum quod tenui
purgat, terrena aluum & sanguinē sistit. Hoc eorum genus

*Compositum
medicamen-
tum quale.*

*Cōpositionis
medicamen-
torum neces-
sitas.*

*Prima compo-
nendi causa.*

Secunda.

possis quodammodo, nempe naturā & primā originē compositum appellare, quod varias illas tum substantias tum facultates ortu sint nacta. Ceterum hoc loco compositum dicimus quod non ipso ortu, sed arte operā; nostra tale euasit, ut theriace, mithridatiū, & quodcunq; ex multorum permissione constat. His tamen non ars vires contulit, sed duntaxat simplicia conuenienter miscuit, ē quorū actione mutua noua & incomperta vis tandem emerit. Miscendorum autem & componendorum medicamentorum magna fuit, tum ad simplices tum ad compositos morbos necessitas. Simplicem morbum simplex plerumque medicamentum quod paribus sit viribus tollit. Quūque simplex aliquod existit, quod citra vllam corporis & virium offensionē morbum prorsus depellat, quia omnium prastantissimum, nulla compositio permissione querenda; neq; quod simplici effeceris, composito tertandum. Etenim composito prius est simplex & certius & exploratius, neque eius quod vel optimaratione compositum sit, ante experientiā tutus ac certus vti esse potest: nam multa plerumq; nos consentanea putamus, quae permista tacitis sese viribus perimunt atque demoliuntur. Optimum igitur & in primis conducibile sit, ad vnumquemq; affectum simplicem prastantissima simplicia tanquā remediōrū bases accommodare, & in promptu habere, non gustu modo & ratione, sed experimento quoque & vltimo longo comprobata. At verò quoniam non semper cuique morbo peculiare remedium licet opponere, ad simplices etiā affectus multis de causis necessaria fuit medicamentorum permissio. Prima quum, ut dixi, simplex medicamentum deest curando morbo prorsus oppositum, eius enim penuria compositum vsurpamus, cuius vires sint morbo pares. Ut quum intemperies affligit numeris duobus à mediocritate distans, si nulum in promptu medicamentum sit frigidum ordine secundo, duorum quę primi & tertij sint ordinis pares portiones temperatę, compositum efficient ordinis secundi & depellendo morbo accommodatum. Eadem in detergentibus, attenuantibus atq; ceteris permiscēdis est ratio. Altera componendi causa ex simplicis medicamenti vitio depromitur, quod aut imbecillum est, aut malignum. Imbecillum seu ignauum ac pigrū,

acrioris

acrioris permiftione excitatur, vt rheum barbarum fpica vel cinamomo, fenna ginzibere, agaricus & turbith ginzibere quoq; aut fale gemmeo: aloë afaro, fpica, xyloballamo: abfinthiū cinamomo: & quorum vis in craffiore materia fixa inhaerefcit, fi altius aut longius deducenda eft, attenuatium aut acrium adiectione impellitur. Nonnunquam tamen & hæc agendi celeritas præparatione comparatur, præfertim tritura vel coctione. Afarū enim aut piper aut calaminthe diligenter trita cribroq; tenui creta, longius penetrat, validiusq; aperit ac digerit. *Æs* quoq; chalcāthum, alumen aliæque metallica vftione tenuitatem acrimoniāmq; nācīcuntur. Quod porrò malignum aut prauum medicamentū fuerit (fi qua eius vtendi neceffitas eft) benignioris permiftione obrunditur: vt scammonij atque etiā aloës acrimonia, maffiche, tragacantho, cotoneo malo, rofis, phœnicobalanis: venenata qualitas, dictamno, fcardio: ellebori nigri malignitas, anifo, dauco, cumino: æruginis ad malignorū vlcærum deterfionem acrimonia retūdītur olei & ceræ permiftione in *Ægyptiaco*, aut aquis adstringētibus: vis opij narcotica ne quid officiat, caftorio & croce emendatur: hæc quoq; correctio interdū præparatione fit, vt ne aloës acrimonia venas exedat lotionē eximitur, & æs vftum lauatur, vt fine morfu cicatricem inducat.

Tertia.

Tertia componendi caufa ex affectu partis fubftantia, fitu, præftantia atque fenfu exiftit. Quum enim pars denfa longēq; à remedij diftita fuerit, vt ren & vterus, plerumq; attenuantia bafi permifcemus quæ eò penetrēt, plerumque alia quæ fubftantiæ familiaritate bafim, id eft præcipuū fimplex medicamentum eò dirigant: vt medicamentis cephalicis betonicam, pulmonicis hyffopum, cardiacis bugloffum, hepaticis agrimonium, fplenicis fcolopendrium, hystericis artemifiam. Pars quoq; nobilis aut exquisiti fenus (fi bafis vehementior fuerit) aliud quiddam fibi tota fubftantia familiare mifceri poftulat, & quod fe fuūque robur conferuet. Ea propter quæ vifceribus accommodantur medicamenta, corroborantibus fulciuntur, & quæ fub alimentis funt fpecie, vt medicata vina, quia minus molefta, cæteris antecellunt. His igitur de caufis fimplex affectus compositum plerumque medicamentum poftulat.

*Quarta &
postrema.*

Quarta & omnium maximè necessaria cõponendi causa est affectuum varietas. Quot enim simplices ij fuerint, totidem facultates iis opponuntur, neq; vlli simplici vis est depellendi compositũ affectum: quandoquidẽ simplex simplici, non autẽ composito contrarium est. Si quod ortu simplex varias tum substantias tum facultates sortitũ est vt satis sit composito affectui tollendo, bene est: sin minus, permiscenda tot erunt simplicia quot facultates expetuntur. Si simplex quidem est morbus, sed quem vel sua interior causa, vt humoris lentior, vel symptomatis grauitas, vt doloris sequitia comitatur, necessaria est medicamẽti cõpositio, quẽ in singulos affectus referatur atq; pertineat. At multo magis si multi iique dissimiles morbi, vt intemperies & obstructio in eandem partem cõcurrant aut etiã si partibus ij diuersis insideant, vt iccoris calida intemperies, renum calculus, & vteri obstructio mentes supprimens. In his igitur necesse est medicamẽtum ex iis componatur quẽ singillatim vnumquemq; affectũ depellant. Quum multę compositionis bases collectę fuerint, addenda fortassis his rursus erunt quẽ singulas illas vel adiuent, vel emendent: vt iam inde non paruus simplicium numerus accrescat. Sic enim fiunt quẽ polychresta medicamenta veteres appellarunt.

*Secundaria
quedã causa
compositionis.*

Hęc igitur causę quatuor, ne inpe simplicis medicamenti penuria, eius peruersitas, affectę partis conditio, & affectuũ varietas, efficiunt vt necessaria sit medicamentorum compositio. Sunt & alię quẽdam causę, non ex tamen necessaria, sed vel viles vel inuicidę, vtilis quidem est medicamenti forma, quod solida potentius trahat, liquida commodius penetret & eluat. Quocirca medicamentum in cataplorum formam accommodamus, quum potentius è capite & è distantioribus locis trahere: in potionem verò quum ventriculum & præcordia expurgare, & in omnia penetrare consilium fuerit: sic quoque si dolor leniendus est, aut emolliendum quippiam est, vnguentum: sin verò euocandum quippiã aut dgerendũ est, emplastrum potius usurpamus. Adde quod quadã vtilitatis specie medicamẽti formã vrentis consuetudini aut naturę plerumq; aptamus, quod alij cataporia, alij bolos, alij poriones penitus auersentur: vt etiã vtilẽ medicamento formã demus, quẽdã interdũ adiicienda

adiicienda sunt, vt porioni hydromeli, vnguento oleum, emplastro cera vel lithargyros, quæ nullas vires, sed formam duntaxat exhibent. Iucunditas porro quoad licet medicamentis comparanda, modò vtiliorum vim & facultatē non tollat: tristitia enim & horrenda nec sumuntur facile, nec continentur, sed ventriculum euertunt, corpus conturbant, ac plerumque animi defectione vires exoluunt. Comparatur autem medicamento iucunditas colore, odore, sapore. Ad colorem & tenuitatem, purgans medicamentum in tenui & puro liquore maceratur, quædam foliis auri integuntur, cerusa vnguentis additur vt albescant. Ad odoris gratiā medicamentis addimus anisum, daucum, cinamomum, caryophyllum, nucem moschatam, & ipsum quoque moschum, aut ambarum. Externis quoque spicam nardi, iridem, cyperum, malabathrum, amomum, costum. Hæc enim odoris iucunditate non modò oblectant, sed & corroborant, & corporis spiritus vehementer reficiunt, animūque exhilarant. In saporis suauitatem (qui quàm odor magis ventriculum & præcordia recreat) amara medicamenta melle vel saccharo leniuntur, nimium dulcia succo limonum, vel aceto, vel succis austeris, vt nempe expetet laborantis gustus, cathartica in vino, & liquore rosarum stillaticio macerantur, additis aromaticis: eadem quoque ex carniū iure sumuntur.

Hæ igitur causæ sunt omnes quæ medicamento, quod basis appellatur, nõnulla adicere cogunt, ex quorum permistione & coagmentatione quædam fit compositio.

Lex & methodus componendorum medicamentorum.

CAP. VIII.

Vt methodo quadam apta fiat medicamentorū compositio, basis in primis constituenda est, id est medicamentum simplex in compositione præcipuum & velut columen cui cætera innitantur, profligando affectui accommodatissimum, eiūsque tum qualitas tum quantitas designanda. Qualitas quidem ex affectu qui præter naturam in corpore fuerit specie: magnitudo ex illius magnitudine, & ex laborantis partis natura atque conditione præscribere.

Basis quid.

tur. Vt quum frigidus erit affectus, medicamentum pro basi statueretur atque eligeretur calidum: atque si ordine secundo frigidus est, id à mediocritate in cōtrarium pari ordine recederet. Si pars quoque affecta profunda fuerit, aut longè distita, densa, obtrusi sensus, atque ignobilis, hinc basis facultas augenda erit, vt vires omnino pares in ipsam affectus substantiam exerceat. Partis quoque dignitate æstimata, medicamentum quærendum quod ei consentaneum sit, eamque singulari quadam familiaritate iuuet. Horum obseruatione basis designabitur affectui contraria, ei que par viribus, & affectu parti consentanea. Oportet igitur medicinam facturo, selecta omnis generis remedia ad vnumquemque affectum & ad partem affectam accommodata, vndique ratione & experimento cognita comparentur, vt quasi in promptuarium recondita ac seposita suppetant ad vsum. Atque in primis si simplex & solitarius morbus sine causa interiore, sine symptomate proponetur curandus, simplex depromatur medicamentum quod depellendo illi par sit viribus, & partem iuuet, aut saltem nō offendat. Si simplex nulum par morbo suppetet, ex multis vnum tale cōparetur, quæ aut similiū, aut etiam contrariarum sint virium. Si basis quæ sit arte constituta omniumque optima, fuerit nihilominus vel ignaua nimis, vel maligna, vel minimè ad partem sit accommodata, aliorum permissione iuuetur, & reliqua, vt dixi, attexantur, quæ illius effectum opusque propterent, ac promoueant. Basis si nō quantitas, vis saltē summa atque præcipua in compositione esse debet: neque enim theriaci pastilli, neque euphorbium, neque scammonium in compositionibus quæ ex iis constāt, cæteris quantitate, sed tamen viribus antecellunt. Carterorum quæ basis effectum felicitant, tum quantitas tum vis minor sit, vt neque in affectum neque in partem insigniter agat, sed in solam basim, cuius tamen vires minimè peruertat. Eorum verò quæ melioris vsum vt odoris saporis que gratia induntur, inulto quidem minus vis elucere debet aut basi obistere. Iam verò si morbus simplex quidem est, sed quem interior quædam causa fouet, aut aliquod graue symptoma committatur, vniuersumque profligandi constituenda quoque basis est, cuius etiam quantitas ex affectus magnitudine designetur,

signetur, ut quo vehementior is fuerit, validiorem quoque
 basim fortiaur. Atque si vno eodémque tempore his omni-
 bus quæ præter naturam concurrunt pariter occurrendum
 est, confusæ bases in quandam compositionem referantur,
 quæ vna vice sit omnium. Si quid verò eorum magis vide-
 bitur urgere, in id quoque magis ac præcipuè remedio va-
 lentiore incumbendum. Si præterea morbi complures in
 vnam eandémque partem cōcurrant, cum omnibus vnum
 æquè possit remedium opitulari, multo magis cōpositum
 id esse oportet, & ea ratione quam dixi ex variis basibus ac-
 que ex iis quæ illas constabiliant ac vndiq; perficiant, con-
 stitui. Si in varias longéque distitas partes varij morbi inci-
 derunt, non æquè necessaria est compositio, cum sua cuiq;
 remedia seorsum pura aptari possint. Hæc componendorū
 medicamentorum methodus est, ex ipsa quoque methodo
 medendi deprompta, quæ morbo depulso, corpus in natu-
 ralem habitum restituit. Hic autem obiter dubitare licet, *Quæstio.*
 vilis ne sit multorum eiusdem facultatis simplicium permi-
 sitio. Empiricorum verus is mos fuit, in eundem vsum & ef-
 fectum multa vndiq; simplicia congerere, ut vnum saltem
 ex multis in compositione existeret, affectui curando pro-
 priū, & laborantis naturæ cōsentaneum. Hanc & hunc ra-
 tionem pleriq; sectantur, qui neq; affectus speciem, neque
 magnitudinem inuestigant, neque laborantis naturam, ne-
 que remediorum vires aut ratione aut vñu compertas ha-
 bent. De his verò ita statuendum: Si prima aut etiam secun- *Solutio.*
 da medicamentorum facultas, ut calfaciendi, refrigerandi,
 molliendi, incidendi, detergendi, aut similis quædam com-
 positione quaeritur, complura hisce facultatibus prædita a-
 pte commisceri possunt: atque tamen si complurium vires
 non sint quàm vnius efficaciores, in eundem tamen effectū
 consentiunt, nec sese perimunt: ut plantaginis, solani, lentis
 palustris & semperuiui commissio: aut ex malua, althæa, &
 helxine compositio. Cæterum si tertia quædam qualitas
 compositione expetitur, non æquè certò aut rariò multa &
 varia permiscueris. Cum enim eiusmodi qualitas obscura
 quodammodo sit, nec sensibus deprehensa, quæ ex multo-
 rum confusione emerget admodum incerta atque anceps
 erit, nec nisi experimēto & obseruatione cōprobari potest.

In nobis seiungere: sed pereuntibus & extinctis singulorum viribus, nouæ prorsus emergunt, ex illarum tamen concursione profectæ. Quæ autem hæ sint nouæ vires, ex primis quidem atque secundis qualitatibus quænam fiant, potest ex simplicibus ipsis coniici. Ex tectis verò quænam summa facultas oriatur, quæ totius compositionis formam atque totam substantiam comitatur, cum ex simplicium occultis viribus illa prodeat, non nisi experimento disci cognoscique potest.

De medicamentorum formis eorumque eliciendis
Viribus. CAP. IX.

FORMÆ tum sumendi tum ad mouendi medicamenti quàm compositionis longè diuersa est ratio: magnique refert qua forma quoduis seu simplex seu compositum medicamentum administres. Nam præterquam quòd alios aliarum formarum delectant, aliarum etiam formarum tum ad partes affectas, tum ad morbos accommodatiores sunt, neque formarum pares sunt omnium vires, quandoquidem ad extruendum atque penetrandum conuenientior est liquidum, ad corroborandum & adstringendum solida. Quæ talia sumuntur qualia sponte prodierunt, siue recentia, vt holera & acetaria, siue arefacta, vt sicca radices vel stirpes, nondum formarum differentiarum inde depromptæ sunt, quòd medicamenti tum simplicis tum compositi alias ipsa substantia & materies, alias vis eius præcipua atque facultas arte elicitæ suggeritur. Vim ipsam atque facultatem interdum ipsi materiæ permisceri, in eaque contineri confert, vt in medicamentis adstringentibus, corroborantibus & siccantibus: interdum verò à materia secerni, vt in medicamentis attenuantibus, diaphoreticis & purgantibus, quòd crassior illa & compactior materia viribus obsit. Itaque forma omnis aut solida est aut liquida. Solidarum prima atque simplicissima est puluis, qui deinde & ipse in alias coaptatur formas: quales sunt pastillus, electarium tum liquidum tum solidum, catapotium, bolus, eclegma seu delinctus, antidotus multiplex recentioribus confectio appellata, partim enim aromatica est & analeptica, partim opiata & anodyna, partim

cathartica, partim antipharmaca, conditum simplex, conditum compositum, ex quibuldam autem horum liquore quouis solutus poriones fiunt medicæ. Quæ verò solam medicamenti facultatem retinent formæ ferè liquidæ hæc sunt, liquor stillaticius, infusum seu dilutum, & vniuersum factitiorum vinorum genus, ius seu decoctum, emulsio, medicatus succus, sapa seu rob: è quibus & aliæ comparantur, iulepus, tyropus, apozema. Ex his quoque varè commistis poriones fiunt medicæ, clysteres, glandes, pelli, noduli.

Externorum medicamentorum formæ eadem possunt methode institui: puluis inspergendus, fomentum siccum, facculus, fomentum humidum, infusus, balneum, epichema, collyrium, mucilago, embrocha, oleum, ceratum simplex seu illitus, vnguentum, puls, cataplasma, emplastrum. Caeterum autem, errhinum, gargarisma & apoplegmatisinus, facultatum potius quam formarum sunt nomina. De singulis ergo hisce formis particulatim tradendum, & explicandū qua ratione, & qua simplicium proportionem præscribi temperarique debeant. Simplicium autem cognitio, collectio, delectus, expurgatio, conseruatio, præparatio, correctio & miscendi industria, seorsum ad pharmacopœos referuntur ac pertinent: quorum tamen in primis & medicum gnarum peritūque esse oportet, siquidem apud artis ministris auctoritatem dignitatēque suam retinere ac tueri velit: quos docere hæc ipsa debet, quemadmodum componendorum medicamentorum formulâ ad pharmacopolas ostensuri sumus. Formarum ergo rationes atque vires exposituri, à liquidis auspicemur. Quas veteres olim medicamentorum facultates memoriæ prædiderunt, eas in integris illis primū quidem sunt experti, alij postea ut laborantium deheris subscriberent, eas variè à crassiore terrenāque materia seiunxerunt: ut destillatione, infusione, decoctione & succi expressione. Quum autem in physiologia demonstratum sit, stirpis cuiusque materiam humorem continere alimentarium, & alterum primigenium, in quo præcipua vis inest, aqua stillaticia alimentarij humoris portio est tenuior: quæ si sine odore & sine sapore est, nullas, si odorem saporemque stirpis retinet, exiguas illius vires habet. Oleum vero humidi est primigenij portio æria, atque ut illius odorem

rem saporémque, ita & vires plurimum refert, quarum tamen non parum ignis vi dissipatur & euanesceit. Elixatione facultas (quæ præsertim in crassiore materia inhaeret) manifestius euocatur, atque in ius ipsum transfertur: quæ verò in tenuiore consistit, tota plerumque dissipatur ac disperditur. Infusio vim multo maiorem transfundit in quemvis accommodatum humorem, nihilque aut minimum dissipat tenuioris substantiæ, quòd sensum blandèque fiat, nulla vi immodici caloris. Expressione qui quasi plantæ sanguis citra liquoris alieni permissionē succus extorquetur, nulla videtur illius facultate destitui. Sed hæc rursum planius ex facultatum discrimine distinguam. Refrigerandi, humectandi, emolliendi atque relaxandi facultas, in solis virentibus & humore multo præditis, & in fructibus atque seminibus inueniri potest. Neque enim plantago, neque solanum, neque semperuium si exaruit, manifestè refrigerat, neque althæa, aut malua, aut helxine arefacta manifestè humectat, vel emollit. Neque profectò facultas ea admodum destillatione sincera euocatur, quòd empyreuma siccitatisque conquiratur calore. Elixatione verò ac infusione efficacior manet, multoque magis expressione, vt in iure, in mucilagine, in succo vel oleo. Calfaciendi autem, siccandi, attenuandi, detergendi, penetrandi & adstringendi facultas in arefactis quoque integra consistit, & aliquanto valentior quàm in virentibus, quandoquidè in his ex humoris alimentarij eiusque aquosi & crudiusculi perfusione ea facultas obtunditur. Hæc è virentibus stirpibus destillatione aliquantū elici mi potest, sed expressione plurimum, infusione atque decoctione siue ex virentibus illis siue ex aridis, mediocriter elicitur, si præsertim è liquore accommodato, vt ex hydro-melite fiat, nam aqua calidorum & attenuantium quæ incoquuntur vim hebetat, atque remittit, neque potest integras illorum calidorum vires assumere aut adipsi: sed est necesse decocti ius mediam & mixtam naturam aquæ & eorum quæ incoquuntur, obineat. De singulis qua ratione fiant rursum summam tradendum.

Liquoris destillatione eliciendi ratio. CAP. I.

LIQVOR stillatius duplex comparatur, aqua & oleū. Aqua elicitur è floribus, herbis & radicibus virētibz, quæ tempore legitimo lectæ & expurgatæ, in vaporarium integre coniiciuntur, si tenuior substantia in qua præsertim vis inest odoris, expetitur: cui deinde blandus lentusque ignis subdendus. At si medicamentosa facultas desideratur, recentes herbæ atque radices minutim concisæ, atque etiam tonsæ, suoque succo immersæ ac madentes, in fictile vas omnis alienæ qualitatē expers recondendæ & operiendæ sunt loco tepido, dum vno aut altero die insita earum facultas, olim tacita & penitus recondita, sese expromat. At si multarum stirpium, & quæ diuersæ sint facultatis, vis quædam summa extrahenda est, confusæ illæ contritæque, suo sistantur liquore madere atque macerari, dum fermentatione omnium in quandam unitatem facta sit coitio. Postea verò omnia promiscuè in vaporarium coaptentur vitreum, aut plumbatum, & inducatur stillans capitellum cæmento vel luto tenaci obseratum, ne quid expiret, è cuius oblongiore canaliculo & quasi ceruice receptaculum propendeat, diligenter etiam obseratum. Vaporarium porro in cacabum æneum, cinere, sabulove, aut aqua plenum, fornaci superpositum & coaptatum sic mergitur vt ne fundum eius attingat, ignisque succenditur è prunis aut carbonibus aut è stipulis, qui minimè tetto fumo opus inquinet: isque initio acrior, deinde languidior & ignauior, qui duntaxat moderatam caloris vim conferuet. Quæ per cineres aqua elicitur acrior est, magisque empyreuma redolet, ac minus vernaculæ & insitæ facultatis retinet quàm quæ per aquam, asseruatur tamen diutius & tardius corrumpitur. Vtraque tamen ratione & modo stirpium pars tenuis in qua tum odoris tum saporis vis inest, dissipatur, simulque facultatum pars maxima exolefcit, vt non temerè illis sit fidendū. Quapropter tertia destillandiratio solius vaporis vi inuenta est, quæ vna omnium maximè stirpium odorem, saporem, facultatēque retinet citra vllam empyreumatis insuauitatē: quæ tamen vt diutius conferuari possit, postea octo circiter dies insolatur. Ad hanc comparandam lebes æneus aqua plenus fornaci inducitur, & lebetis labris amplæ ollæ vel vtriusque labra quoque coaptantur, & luto agglutinantur. Olla

verò

verò circumquaque in ambitu amplis foraminibus pertusa est, in quæ vaporaria herbis plena inseruntur & agglutinantur, ut cum accensus ignis fuerit, feruentis aquæ solus halitus in ollam subiens, vaporaria contingat, & blandè è stirpibus aquam suscitet. Ne tamen coerciti atque conclusi halitus copia calor obruat, urna vel olla summo fastigio exiguum foramen habeat, quo halitus pattem expiret, possitque calorem pro nutu moderari. Liquoris huius stillaticij si quam cæterorum vis aliquanto ignauior est, iucundior tamen, suauior & ad multa accommodatior existit. Id autem minimè silendum, earum stirpium quarum tenuis est & rara materia, ut ocymi, florum violarum, toris marini, vires cum odore & sapore quauis destillatione exoleceret earum verò quarum crassa est & densa materia magis retineri ac conseruari.

Olei autem è stirpibus eliciendi diuersa estratio: neque in id virentes sed conuerter inter arefactæ sumuntur, partim ut humoris alintetarij & aquei minuatur portio, & oleaginata (quæ humiditatis primigenij pars est) sincerior & purior eliciatur, partim etiam ut herbe teri possint. Imprimis enim eas tundere & terendo in tenuissimum puluerem redigere necesse est. Is in miltus in cucurbitam vitream, quæ protrorsum collum habeat & tanquam longam proboicidem exactè, ne quid expiret, Hermetis sigillo obserandâ, in diplomate per octo decemve dies finitur, dum per mediū vitrum quandam conquirat substantiæ macerationē. Deinde proboscidis summo naso detruncato, collocanda transversim cucurbita est in perforato amplo fistili in id adaptato, & tenui cinere vndique ad duos tresve digitos aggesto operiendâ, & viuo carbone fumi experte desuper dato paulatim calfaciendâ, dum in aliud agglutinatum vas profluat oleum primùm pallidum dein flauescens. Hac ratione Alchymistæ ex lachrymis, resinis, atque etiam metallis per humectationem oleum extrahunt purius & odoratius cum peculiari phlegmate, quod nec odore nec viribus oleo cedit. Sed ad id longo opus est tempore & maxima diligentia, atque in moderando attemperandoque igni dexteritate summa: & ad postremum pro impensa opera ex pulueris libra dimidia vix peri & sinceri olei uncia elici potest.

De infusione, elixatione & succorum extractione. CA. XI.

INFUSIO quòd caloris vi nihil dissipet, simplicium vires puras syncerasque transfert in liquorem: at non omnes, sed eas præcipuè quæ in tenuiore sunt substantia: eas verò quæ in crassa ac terrena, non equè validas. Purgandi etiam vim summam elicit, quum præsertim tenuis ac penetrans liquor fuerit, aut simplicium naturæ consentaneus. Rei autem infundendæ conuenientes liquores sunt multiplices, quorum præstantissimus est aqua vitæ, quæ tenuissima cum sit, in omnes commissæ materiæ partes sese insinuans, concretum illius succum attenuat, incidit, colliquat, secumque rapit: ab hac deinde sunt vinum album ac tenue, aqua tum simplex tum stillaticia tum in qua attenuata simplicia sunt incocta, hydromeli, mel & oleum. In his quæ maceratur materia exarsfacta sit & aquoso humore destituta, expurgata, minutim concisa aut tusa, vt liquorem omni ex parte combibat. Tam diu autem maceretur dum contabescat, & sapore deprehendatur vim omnē suam exuisse: aut si multa variaque permiscueris, dum omnia fermentatione vnā eandemque communem naturam sint adepta, quod ferè triduo fit. Liquor autem in quem eorum materia coniicitur vel tepidus sit, vel tepido loco asseruetur, vel in soleatur, vt blandi caloris beneficio adiutus vim promptius exorbeat. Hac igitur ratione comparantur portiones cathartice, & aceti, vini, mellis atque olei complura factitia genera. Vinum autem vt commodè fiat, stirpium materia quum viribus excellit legitur, & in vmbra siccat: deinde in mustum coniicitur dum deferuescat, ac post duos trēsve menses quum iam vinum deferbuerit & fuerit defæcatū, transfunditur reconditurq;: nec si stirpium materia diutius macerari sinatur, corruptionem subit, nisi vinum fortè vapescat dolio nimium vacuato, aut non cōuenienter obthurato. In vetustius etiam vinum macerata stirpium materia, non parum id efficax reddit. Quum autem vinum naturæ inueundum sit ac familiare, qualescunque vires acceperit, eas per omnia sese insinuans, promptè in singulas & abditissimas corporis partes diffundit atque impartit, estque optimum medicinæ vehiculum. Vis ei præcipua hyeme ad cras-

fos lentosque humores, ad obstructions, ad morbos frigidos ac diuturnos, qui sine febre fatigant: ad quæ quouis est syrupo vel medicato liquore præstantius. Aceti, aut mellis aut olei conficiendi non admodum dissimilis est ratio: de quibus seorsum particulatim trademus.

Liquor in quo iam stirpes incoctæ sint, quod & earum *Liquor seu decoctum.* ius appellatur, non paruas earum vires elicit, & coctio earum quæ propriè elixatio dicitur, rerum facultatem atque facultatem à materia sciungit. Elixantur autem quorum vis & facultas cum quadam tenui substantiæ portione transfertur in liquorem, vt ligna, pulueres, radices, herbæ, germina, fructus, semina, flores. Lapides & metalli elixari nequeunt. Liquor verò, aut aqua simplex est, aut hydromeli, aut lactis serum, aut succus, aut simile quippiam: rarò vinum, quod promptè acefcat aut vapescat, rarius aqua stillatitia, quod vis eius exolefcat. Non igitur, vt quidam memoria prædidit, simplex aqua omnium eliciendarum virium communis est materia, neque vt ea cum frigidis frigida est, ita cum calidis calida, neque si seorsum diutius excoquitur (quod ille patat) incalefcit, sed frigida semper, tamen si min⁹, persistit. Ita que calida tenuiaque medicamenta quorum vires integræ desiderantur ad frigidos crassosque humores attenuandos, aut lentos detergendos, aut ad expediendos veteris infarctus, ex hydromelite tenui coquenda sunt, quod eorum vim aqua simplex nimium obtundat: frigida verò, vt biliosos feruentesque humores ac febrium ardores validè restringunt, ex aqua coquenda, addita etiam sub finem interdum aceti parte octaua, si cum refrigeratione extenuatio quoque & penetratio expetitur. Facultas porro quæ in tenui atque dissipabili est substantia, vt penetratio, extenuatio, apertio, resolutio, coctione pauca euocatur, multa dissipatur: quæ verò in crassiore est materia, vt absterfio, adstrictio, repressio, incrassatio, non nisi coctione plenior e-
Montanus.
duci potest, altius enim demersa est. Quin & eorū quæ coquuntur materia æstimanda, crassane sit, dura, sicca atque compacta, vt lignorum, radicum aridarū & seminum: an e contrario. Cum igitur singula selecta expurgataque fuerint, seorsum moderatè (vt supra de infusione dixi) arefiant in vmbra, dū aquosus humor fuerit absumptus. Ita enim vt odo-

re atque sapore sic viribus efficaciora fient; dein quum co-
quenda erunt, quæ compactiora sunt & diutius coqui postu-
lant, prima in tepidam aquam coniicienda sunt, deinde quæ
mediocriter, postremò quæ leuius: vt primùm ligna, dein-
de radices, semina, lignorum cortices ac fructus, postremò
flores, qui non nisi macerari debent. Igne lento qui retti &
alieni sumi sit expers, sensim ea serie coquantur, dum arida
atque dura mollescant: cætera verò planè contabescant, &
in liquorem vires suas odore saporeque noscendas singula
deponant, quod nec, vt quidam putant, hora vna, nec villo
temporis certo spatio, sed vno periti artificis iudicio, defi-
niri potest. Percocta omnia quinque sexve horis maceranda
sunt in tepido liquore, & antequam penitus refrigerescant, ex-
colandum est ius, atque in vltus recondendum. Vt autem vi-
rium quædam prodeat æquabilitas, nihilque cætera viribus
aut lapore nimio operè superet & obtundat, simplicis vniuf-
cuiusque vis atque sapor seorsum ante permissionem asti-
mandus obseruandusque fuit. Moderatus tamen atque con-
ueniens virium saporisque modus iuri impartietur, si recen-
tes herbar, radices, cortices, semina, quibus præsertim vis
saporque validus inest, ex liquoris sextuplo pondere coquan-
tur ad dimidias, vt stirpium recentium vnciæ quatuor aut
manipuli quinque, ex aquæ libris duabus dum libra vna su-
persit: aut aridæ ex octuplo liquore ad tertias, vt arefactarū
stirpium vnciæ quatuor ex aquæ vnciis duabus & triginta,
dum vndecim vel duodecim restent. Has enim quod ari-
diores sint & humoris non parum combibant, ex copio-
siore liquore, & quod in sicca earum materia vis firmius in-
hærescat, diutius elixari par est. Et hæc quidem ad iulepi aut
apozematis vsum; nam syrupis, quod pluri melle & saccha-
ro condiantur, efficacius reddi decoctum oportet, & pa-
rem ferè mensuram relinqui iuris atque herbarum. Recens
enim herbarum radicumque materia ex quadruplo liquo-
re coquitur, dum ad tertias redeat: sicca verò ex sextuplo
liquore, dum ad quadrantem redeat: vt libra vna materiæ
aridæ ex libris sex aquæ, dum seiquilibra supersit. Manipu-
lorum is modus esto vt singuli paulo minus quam singulas
vncias pendeant. Erit igitur mediocritate nec crassum nec
insuaue nimis ius fuerit, atque moderata dosi integras vires
sortie-

fortietur. Quanquam autem hæc communes sunt coquendi reges, sciendum tamen peculiariter est, quam simplex vinum quodque decoctionem ferre potest, ut vis integra elici possit: quorundam enim etiam si dura sint, ut asari, iridis, pyrethri & cyclamini vis coquendo perit: quorundam virentium & mollium manet, ut sennæ, maluæ, cichorii, buglossi: in id quidem simplicis cuiusque natura pernosceda. Et hæc quidem ad quasvis potiones comparandas. Ad fomenta verò ex aliis etiam plerisque liquoribus stirpes coquantur, ut ex lacte, si leniendus est dolor, ex oleo si quid emolliendum, ex aqua aluminosa si adstringendum, è lixiuio si validè digerendum siccandumque est.

Succus è viridi stirpe aut fluëtu expressus, ut illius ferè omnem substantiam atque saporem, ita & summas vires obtinet. Exprimitur autem ex minutim concisis tuisque radicibus, herbis, floribus, atque seminibus, quæ tula uti lites finuntur biduo aut triduo macerati: dein in linteum rarum coniecta, vel manibus, vel prælo, vel torculari subiguntur, dum succum profundant: alia quidem faciliè, ut quæ humida sunt & succulenta, ut plerique fructus: alia difficilè, ut quæ exucca sunt & paucioris succi, ut thymus, polium, laurus, salvia, lampuchus, & quorum lenta viscosaque est materia, ut buglossum, borrago, portulaca: ex his enim vix nisi ignis tepore liquatus succus prolicitur. Omnium efficacissimus est qui recens sit ac turbidus: qui autè iam inclaruit puriorque redditus est, licet gravior iucundiorque sit, ut tamen faciem ita & facultatis portionem deposuit, neque vllius purgantis medicamenti quod defæcatum sit vis admodum valida deprehenditur. At nihilominus ad syrupos & potiones qui accommodabitur, expressus phialaque reconditus leniter insolari, aut tepido loco reponi debet dum vinorum ritu deferbuerit faciemque deposuerit, & quicquid crassum inest subsideat. Ita deinde quicquid purius & clarius innatat, secretum in potiones confertur. Hac ratione comparatur limonum succus, granatorum, & cotoneorum, pomorum, pyrorum, ceraforum, oxydeanthæ & ribes, hi enim diutius sine coctura persistunt. Recentium quoque herbarum succi eadem possunt ratione elici. At plerumque proptius ut extracti sunt, in rem præsentem clarescunt, idque

vel sæpius colo denso aut panno transmissi, vel ex oui candido icopulis agitati, vel leniter feruefacti, dum omnis crassior sordes ipsi candido tanquam visco adherescat. Concreti porro & obdurati succi pieriq; asseruantur in variis vsus, qui aut mox vt expressi sunt & colo transmissi lento igni coquantur dum crascescant, vt sapa, defrutum, miua cydoniorum, robur ex ribes: aut insolantur concrelescuntque in solidam formam, vt aloë, scammonium, elaterium, lycium, acacia, mororum succus.

Emulsio iunioribus dicta huc etiam pertineat. Ex fructibus enim & quibusdam seminibus contusis elicitur, quod succi minimum fundant & ne attritu pinguescant, inter conterendum liquore asperguntur, qui deinde simplicium vinibus persusus colatur & exprimitur, hac ferè ratione: $\frac{1}{2}$ amygdalarum dul expurgatarum uncias duas, quatuor seminum frigidorum maiorum recentium & mundatorum an. drachmas duas, seminis lactucæ & papaueris albi an. drachmam vnam, pariter omnia terantur in mortario marmoreo, affusa sentim libra vna aquæ coctæ quæ iam refrigerarit, aut aquæ decoctionis hordei vel glycyrrhizæ. Huic quidem non parua vis est ad refrigerandum, ad renum ardores extinguendos & ad leniendam urinæ acrimoniam. Ad pectoris quoque & pulmonum vitia, conteruntur pinei nuclei, pistacia aut strobili: nonnunquam & syrupus aliquis permiscetur leniens atque refrigerans.

De iulepo, apozemate & syrupo. CAP. XII.

POTIONVM formæ ad simplicem intemperiem, & ad corporis vel humorum præparationem & ad alios pleurosq; vsus, tres nunc præcipuæ vsurpari solent, iulepus, apozema & syrupus. Iulepū iuniores Græci iulapium appellant, idque è quouis liquore stillaticio, aut succo defæcato addito mellis saccharive triplo faciunt, coquantque sentim expumando dū toto ferè liquore absumpto mellis consistentia fiat. Nunc verò simplicior sit atq; liquidior, quòdque simplex sit ab apozemate, quòd liquidus à syrupo distat. Accommodatur autem is præcipuè intemperiei corrigendæ, leniendæ siti & compescendo atque frenando humoris ardori, &

ri, & malignitati frangenda. Fit proinde vel è cardiaco liquore stillatio, vel è puro defæcatoq; succo, vt limonum aut granatorû, vel è iure vnus paucorûve simplicium, cui melius saccharive quadrans permiscetur, lenitèrque coquitur, ac deinde clarescit, & coaditur aromate, vt citra aquæ viliusve liquoris permistione, omnino iucunda fiat potio. Interdum etiâ nulla ignis vi ex his fit quæ coqui nō possunt, vt ex aquis stillaticijs, & succo limonum: quæ omnia saccharo expurgato affusa, colo denso subinde transiguntur. Ferè autē sacchari quadrans aut sextans inditur, cinamomi verò ad vnamquamque dosim scriptuli dimidium. Est & alia iulepi ratio, cū hyeme, aut in virentium herbarum penuria, quiuis syrupus duplo aut interdum quadruplo stillaticij alteriusve puri liquoris diluitur, nullo ignis beneficio.

Apozema æquè ac iulepus liquidum est, sed ex complurium simplicium decocto compositum, quæ in multos variosque vsus accommodantur: atque id ferè ad tres quatuorve doses instituitur. Id autem quoniam ferè iulepo insuauius est, rarò in eisdem vsus destinatur, sed maximè in humorû attenuationem, atq; detersionem, in corporis præparationem, & in reliquiarum expulsionem. Olim quidem veteres modò virentes, modò aridas herbas mulsæ incoquebant, propinabantq; ius colo transmissum: hyeme verò earum pollinem tenuissimū mulsæ inspergebant: hæcque vice erant apozematis. Nūc verò decoctarum stirpium ius assumitur ea quam suprâ dixi ratione, in quod sacchari aut mellis aut cuiusvis syrupi quadrans, si non admodum insuauis, aut triens si insuauius est, soluitur: rursumque leniter & parçè coquitur aut solum calefit vt clarificetur & aromate condatur ea dosi quam nunc iulepo dixi. Hæc quidem potiones in rem præsentem vsurpari solent. Solet exigendis quoque humoribus præparatis è simplici apozemate catharticum ex tempore fieri, incoctis scilicet in eo aut dilutis medicamentis purgantibus. Syrupus quòd in herbarum penuria recondatur, asserueturq; diutius, crassiore sit cōsistentia, in eos præcipuè vsus in quos & apozema, quamquam plerumque iulepi etiam commoditatem habet. Ex his cōparatur quæ vix hyeme suppetunt nobis, aut quæ a state non facile fit aut promptum, cū necessitas postulat,

ex variis locis tam multa congerere. Fit haud secus ac apozema, è stirpiù succo, vel ex eaiù coctum iure, in quod adhuc tepidū pro libris ternis singula ouotū candida iniicies, diūque scopulis agitabis dum sordes omnis spumę adharescat. Deinde in id ipsum mellis saccharive par pondus dissolue, & rursum coque dū feruendo sepositaq; spumę portione, sub hac detectus humor clarus appareat. Tū deind coletur & leuiter exprimatur reddaturq; igni lento, dum percoctus sit in syrupi consistentiam, & in singulis libris binæ duntaxat liquoris vncię supersint. Quum tamen ius ipsū ex admixtis fructibus, vt ex prunis, sicubus, myxariis, zyziphis, aut ex quibuldā mucosis seminibus, vt althæa, cydoniorum, aut psyllij, aut ex tragacantho vel gummi Arabico crassum lentumq; euaserit, vt conuenienter coletur, mellis saccharive minus indendū est. Accuratus is clarificatur vt diutius asseruetur, nec putrescat facillē, percoquiturq; in mellis consistentiā, ac dum extracta guttula atq; refrigerata, nō amplius perisuat, & diluti mellis crassitudine indurefcet. Quoniā autem plus sacchari quā apozema habet, liquorisq; minimum & vix sextantem retinet, vt valida integratq; eius facultas transferatur in saccharum, ius, vt supradixi, meracius atque efficacius assumendum est. Omnium autem validissimi sunt ij syrupi, qui è defæcatis expurgatisq; fructuum succis comparatur, in quos par quoque sacchari modus additur, expurgantur coquanturq; vt superiores. Aut si fortē succi vis coctione nimia disperditur in sacchari iam expurgati & perfectē cocti libra vna, succi crudi & residencia defæcati selibra sensim dissoluatur atq; coquatur. Si metuitur ne hic syrupus ob succi cruditatem sitū cōtrahat, in soletur dies aliquot. Hi enim si vel blando igne, vel diplomate lentē ac sensim coquātur, tota & integra succi vis transferetur in saccharum: ex melle confectus syrupus quia diutius asseruatur, minus neque ad consistentiam coquēdus est: is quoq; magis incidit ac detergit. Ex saccharo autem suauior, sed non æquē efficax: percoquendus is est, at ferē tandem candescit, quod tamen vitium præcauetur, si mellis quadrans permisceatur saccharo. Harum compositionum formulas hīc nullas descripsimus, quod multæ posthac omnisq; generis passim occurrant.

De chylæ

Declystere & balano. CAP. XIII.

CLYSTER siue clymus est alui & intestinorum diluuium atq; perfusio siphone in podicem indita. In variis vsus comparatur, ad molliendas faeces obduratas, & intestina oblienda, ad flatus dissipandos, ad expultricem vim proutendam, ad crassos & pituitolos humores detergendos qui intestinis adhærescunt, ad humores è locis distantioribus euocandos, ad compescendos dolores, ad coercendam aluum & corroboranda intestina, ad naturales vires instaurandas. Constat ferè clyster omnis ex libra vna iuris vel cuiusvis liquoris, in qua sextās, aut quod summum sit quadrans medicamentorum diluatur cum olei quadrante. Pueris aut pusillis iofrà subsistitur, grandioribus supra transcenditur ad sesquilibram, simili cæterorū ratione seruata. Omnium primus atque simplicissimus ex hydromelitis libra vna, olei quadrante & salis drachmis duabus constabat: deinde verò compositiones redditi sunt. Qui emolliens dicitur, ex iure fit coctum herbarum emollientium, vt radice althææ & liliorum, maluæ, helxinæ, violæ, mercurialis, acanthi, seminis lini, althææ & fœnigræci, sicuum, in quo soluta sint interior pulpa cassiæ, mel violatum, butyrū salis expers, oleum simplex aut violatum. Interdū ex oleo simplici tepefacto, vel ex oleo & butyro, additis mucilagibus vt prorsus intestina oblinat. Ad flatus dissipandos confertius origani, calaminthæ, rutæ, chamæmeli, anethi, cum semine anisi, carui, cumini, feniculi & cum baccis lauri, quo dissoluatur mel anthosatum, confectio è baccis lauri, cum oleo rutæ, lauri aut chamæmeli. In eundē vsum fit ex oleo nucum puro, vel addito vino Cretensi. Proritabitur expultrix facultas, si salis communis drachmæ duæ, vel salis gemmei drachma semis liquefiat, vel hiera simplex, vel composita, vel diaphœnicum, vel confectio Hamech, vel aliquid ex his quæ potenter stimulant. Detergens ex hordeo, fursure, rosis, plantagine, absinthio, beta, agrimonio, centauro minore & contritiis lupinis, admista hiera & melle rosato. Euocabuntur quoque humores è superioribus sedibus, si istis pulpa colocynthidos ad duas trēsve drachmas incoquatur: aut tantundem dissoluatur pilularū coctiarum, aut

quoduis acrius medicamentum, quandoquidem diutius intestinis obhærens, viscera reliquumque corpus vi sua conturbare expurgareque potest. Cum dolores leniendi sunt, melilotus, chamæmelum, semen lini & althææ, aliæque anodyna coquuntur in lacte, addunturque vitelli ouorum duorum. Aut si doloris causa perspecta est, induntur quæ illam summoueant, ut exin dolor mitescat. Si concitator aluus, cohiberi adstringit; quæ d. bet & intestinum corroborari, conuenient roseæ rubræ, plantago, portulaca, sanguinaria, rapus, cauda equina, additis granis myrti & cupressi nucibus: in quorum iure interdum mattiche, bolus armena, sanguis draconis, amyllum, farina fabarum, aliæque eiusmodi quæ quandam pulvis speciem exhibent, permiscuntur sine oleo. Nec creantur porro intestina, si iusculo capi carnisve alterius bene succulento, aut vino rubro generoso sub austero proluantur: exinanita quippe audius hæc plerunque retinent, & in corporis commoditatem referunt.

Balani seu glandium usus est ad proritandam vim intestinorum excreticem, cum enim subditus vix supra sphincterem musculum ascendat, hunc solum acrimonia stimulat, & desidendi cupiditatem infert. Fit autem teres & oblongus quatuor sexve digitos: infantibus betæ vel mercurialis cauliculus, melle vel butyro salio oblitus pro glande est: quemadmodum & sapo albus in eâ coaptatus formam. Ceteris mel coctione incrassescens, & in eam quam dixi formam redactum: cui si acrior desideratur, salis vulgaris drachma dimidia, vel gemmei scrupulus dimidius, vel pulueris hieræ scrupuli duo, vel pulpæ colocynthidos pulueratæ scrupulus vnus inspergitur. Frequentior porro balani usus sæpè hæmorrhoidas, interdum vlcera & condylomata proritat. Quocirca non solum ad aluum ciendam, sed ad hæmorrhoidas quoque referandas aut sistendas, & ad tebalnum ex idonea fingitur materia.

De potione purgatoria. CAP. XIII.

CATHARTICA potio quod latius sese diffundat subeatque tenues venas, ad humores quosvis expurgandos efficacior est bolo, pilulis & quauis solidiore forma: & pilularum

pilularum drachma vna liquore soluta, nō minus purgabit
 quā duriorū duæ. At verō quod medicamentum vel acrimonia,
 vel malignitatis est particeps, liquidū id magis quā
 solidum partes principes ferit atq; vellicat. Purgātis portio-
 nis dosi raro excedit tres vncias, ne copia vētriculum sub-
 uertat. Fit autem interdū ex simpliciu purgantiū infusione,
 vt cū rheibarbati drachma vna & semis, agar trochiscati
 drachma vna, & drachma dimidia cinamomi electi mace-
 rātur in hydromelite, aut in aquis stillaticis betonicę & en-
 diuicę, & in expresso diluuntur sex drachmę syrupi capill.
 ven. Interdū ex iure coctōrū fit purgantiū, vt quum poly-
 dij quei cini, seminis carthami, radicis petroselinī, vuarum
 passarū expurgatarū an. ʒij. foliorū sennę emundatorum
 ʒij. epithymi ʒj. decoquuntur in vñā dosim, addendo sub
 cocturę finem cinamomi ʒß. & in expresso diluuntur sy-
 rupi de scolopendrio ʒvj. si que portio. Interdum mixturā
 quadam iunguntur decoctum & infusum, vt si ad varios ex-
 purgandos humores præscribas, ℞. Endiuicę, lupuli, beto-
 nicę, buglossi an. m.ß. foliorum sennę emundatorum ʒij.
 fiat decoctio ad ʒij. in qua colata infunde rheibarbati le-
 cti ʒjß. agarici trochiscati ʒj. cinamomi ʒß. in expresso
 dissolue syrupi violati vel capilli veneris ʒvj. fiat portio. hac
 quoque formula apozemata fiunt in plures doses, atque sy-
 rupi in varios atq; multiplices vsus conseruandi. Interdum
 verō ipsa purgantiū materia vel in tenuem pollinem reda-
 cta, vel ab antidotis accepta, aquis stillaticis aliōve liquore
 diluitur: vt cū rheibarbati drachmę duæ pulueratę dan-
 tur ex aqua rosarum & syrupo rosato ad dysenteria: aut pul-
 ueris hierę simplicis vncia semis ex hydromelite, aut catho-
 lici drachmę decem ex decocto hordei, aut diaphœnici se-
 muncia ex iure radicum cichorij, oxalidis, petroselinī & po-
 lypodij. Purgantium porro alię quædam solidiores forme
 sunt, bolus vt qui fit ex drachmis decem pulpę cassiæ cum
 saccharo vel cum puluere Ducis, & qui ex catholico vel ex
 diaprūno. Electarium quoque solidiore forma, vt quod ē
 succo rosarum est, & diacarthami, & quæcunque ad horum
 imitationem solēt in rem præsentem præscribi. Pilulla hi
 solidiores existunt, quarum varia genera, & cōficiendarum
 rationem posthac exponemus.

De solidioribus formis, ac primùm de pulvere.

CAP. XV.

SOLIDIORES forma præcipuam è medicamentorum pulvere nanciscuntur materiam, qui vt rei necessitas postulat, variè in illas coaptatur. De eo igitur tanquam bati in primis dicendum. In puluerem teruntur quæ aut natura duriora sunt, aut prorsus exaruerunt, vt quædam radices, complura semina, herbarum folia, surculi, flores, plurimæque aromatum genera. Hæc igitur mortario teri possunt, alia quidem tenuissimè & in exquisitissimum leuorem, quorum nempe vis & facultas in substantia non admodum tenui posita est, & quæ altiùs penetrare desideramus: alia verò crassiusculè & minus accuratè, vt flores & aromata, quorum nimis attenuatorum vis faciliè disperditur. Aluta itaq; tegendum mortarium, ne pars tenuissima attritu euolet atq; vaneſcat in auras: nève acrimonia astantes feriat offendatq; , vt ferè fit in thapsia & euphorbio. Si tenuissimus pulvis expetitur, denſo cribro cernendus est, ac subindè mortario reddendus dum totus traieci possit, ac demum sedulo recondendus. Quæ multò sunt duriora, vt corallium, margaritæ & alia complura tum lapidum tum metallorū genera, quæ præterim in collyria vsurpari solent, mortario primū crassiusculè trita, marmori deinde vel porphyrio solidissimo inducuntur, & laboriosè lauigantur dum nihil asperum aut durum subsistat. Quæ porrò minus dura sunt aut arida, quia puluerari nequeunt, vt radices quædam & semina atq; fructus, scorium pila contunduntur pilo mundo, deinde cernuntur & aliis permista ficioribus promiscuè teruntur atque puluerantur. Amygdalæ, pinci nuclei, cucurbitæ, melonis & aliorum quorundam semina, quia trita pinguescunt, & tempore rancida euadunt, minutissimè cōciduntur. Glutinosa vt gummam ammoniacum, bdellium & myrrha, quòd minimè contundatur, vino, aceto, aut alio quouis liquore soluuntur & expurgantur. Hæc igitur aut scorium singula, aut confusa puluerantur, sed quadam serie, primūque durissima, postremò tenerima. Pulueres tum cardiaci tum corroborantes, ampulla vitrea reconduntur in vsus: quibus nunquam pingua semina, vt quæ diuturnitate rancescant

im-

immiscenda sunt, sed quum apparabitur electarium illa populusans, tum recentia addentur opportunè.

Pulveres ad varios accommodantur affectus, nō solum ad venena & vulnera aut ad vires corroborandas, aut ad iuvandam concoctionem, sed præterea ad sistendas destillationes, ad aluum vel cohibendam vel subducendam. Is si non admodum insuavis est, purus datur: sin insuavis, addito sacchari triplo aut quadruplo. Extrinsecus quoque in variis vsus pulveres tū capiti tum aliis partibus inspergi solēt.

Pastilli quos *τροχισκους* & *κυκλίσκους* ceu orbiculos complanatos Græci dixerunt, ex pulveribus quoque ac plerumque ex metallicis fiunt. Arida quippe medicamenta diligenter cōtrita, humore aliquo non pingui iunguntur excipiunturq; dum coëant, ut liquore stillaticio, vino, aceto, herbarum succis, aut quadam mucilagine. Humore absorpto concinnantur formulæ orbiculares lupinorum specie, propterea quæ *ἀπρίσκοι* Græcis & nobis pastilli ceu parui panes dicti, qui aut blando igni exiccantur, aut sensim in umbra exarescunt recondunturque. Cū vsus requirit, cōuenienti humore diluuntur, aut cerato molli, aut in alias coaptatur formas. Hoc tantū distant à pulvere, quod huius soluti putent vires promptius dissipari & vaneſcere, pastilli verò utpote solidioris atque compactioris, melius retineri & conservari.

Antidoti non solum aduersus venena, quæ vel per morsus, vel per cibos, vel per potiones, vel per inspiratum contactū ve inferuntur, sed aduersus viscerum interiorūque partium affectus omnes, ad vires quoque corroborandas, & ad expurgandos humores dantur perinde ac pulveres: ex his enim fiunt vel melle vel passo exceptis. Mēl optimum in fistilem patellam coniectum aquæ vel alterius liquoris quadrante diluitur, sensimq; moderato igne coquitur atque despumatur, cumque expurgatum planè fuerit, deponitur, & feruore sedato per ducto que ad teporem qui immissum digitum admittat (nam calidius pulverum vim absorbet) in libras singulas ternæ confusorum pulverum vnciæ panlarim insperguntur, paulatimque ligæ opilio, melli permiscuntur, dum ubiq; substantiarum quædam sita quæbulitas. Cū mixtura prorsus inflixit, eximitur & pyxide

reconditur, nec liquida nimis nec solida, vt deinde mutua simplicium actione melior succedat fermentatio. Si amygdalæ, dactyli, aliue fructus, aut saccharum etiã indendum fuerit, aut cassiæ aut thamarindorũ pulpa, aut manna, minimè debet istorũ causa mellis pondus augeri. Et hæc conficiendæ antidoti summa est ratio, in qua simplicium vires integræ persistunt admodum efficaces, probeque fermentantur, & diutissimè conseruari possunt. huius innumera posthac exempla suppetent.

Electuarium formæ solidioris iuniores antidoti vice in laborantium gratiam substituerunt, idque saccharo concinnatum, sed commodo & effectũ minori. Neque enim simplicium æquæ validæ vires manent, neque par est fermentatio, neque conseruatio. Pulueres eadem ac in antidoto ratione triti cretisque confunduntur: saccharum verò liquore stillatio, aut quouis alio qui tamen acidus minimè sit (nũquam enim vel limonum, vel mali punici succo, vel aceto solutum denuò obdurefcit) igne diluitur, despumatur expurgaturque, coquitur lentè supra syrupi crassitudinem, atque dum extracta guttula soliditatem prorsus adepta videatur. Tum demum aliquantũ refrigerato, paulatim puluis inspergitur, & accuratè pilo agitur, confunditurque dum æquabilis omnium sit vnitas. In singulas expurgati sacchari vncias, pulueris non admodum ingrati drachmas singulas: insuavis verò n̄ inus inspergunt. Exempta dein massa antequam refrigerat mentis inducitur, pilo dilatatur atque complanatur, & refrigerata discinditur in tessellas vel quadratas vel quadrangulas vel rhomboideis, ponderis duarũ triumve drachmarum, quæ in sacchari duritiem siccescunt. Quidam mixturæ adhuc calentis guttulas excutiant quæ mox concrefcunt in orbiculos, vt in electuario cui manus Christi nomen indiderunt.

Rhomboideis.

Cataposia.

Pillulæ ex aridis quoque sed minus laboriosè contritis medicamentis singuntur, quibus plerunque arefacti succi, & lacrymæ gummi accedunt. Omnia conuenienti pondere permista, humore excipiuntur non pingui quidem, sed neque tenui vt pastilli, lento tamen & glutinoso, vt in massam iuncta aptius cohæreant, nec tempore exiccata massa delinfcatur, nec simplicium expiretur facultas. Humor igi-

tar aut mel erit coctum & expurgatum, aut syrupus crassiusculus, aut lenta quædam mucilago ex idoneo succo vel liquore cõparata. At nihilominus si vel lacrymas, vel gummi, vel succos, vt aloën, scammonium, sagapenum, ammoniacum, tragacanthum compositio habeat, tenui quouis liquore cogi satis ea poterit. Ac primum quidem gummi aut lacrymæ expurgatæ subiguntur pilo calido dum mollescant, pulueres paulatim induntur, ac postremò liquoris affunditur quantum mistura postulat. Molliuscula sit initio, vt simplicium concursione fermentatio proba fiat: exacto biduo aut triduo recondenda massa oleo amygdalino oblinatur, obuolutaque aluta vel tenui membrana referatur in pyxidem.

De mediis medicamentorum formis, primum de delinctis.

CAP. XVI.

LINCTVS, Græcis eclegma, thoracis destinatus affectibus, mediam sortitur substantiam eamque glutinosam, ne præproperè elabatur in ventriculum, & media quasi via subsistens atque obharens, thoraci pulmonibusque impartiri possit. Fit igitur maximè ex fructibus, cuiusmodi sunt vix passæ, da styli, ficus, myxaria, zyzipha, & ex succis glycyrrhizæ, scyllæ, brassicæ, prasij, hyssopi, ex tragacantho, gummi arabico, ex semine cydoniorum, maluæ, melonum, cucumeris, citrulli, ex amygdalis, auelianis, strobilis. Horum igitur contusa cretaque impulsu materia, aut melle cocto, aut syrupo, aut mucilagine accommodata excipitur, dum mediam nacta crassitudinem, mellis aut pulvis modo delinigi possit. Si qui præterea pulueres, vt cinamomi, zinziberis, iridis, ari, dracuntij, aut diaphoræ aliorumve electariorum induntur, pro eorum modo lentus liquor, qui omnia comprehendat augendus. Fit etiam linctus ex ipsis electariis & saccharo candefacto, aut penidiis, quæ in eam formam thoracico quodam syrupo soluntur. Quocirca liquoris quantitas præscribi nulla potest, sed artificis committenda arbitrio.

De succu medicatu & conditu. CAP. XVII.

SVCCAGO, Græcis ἀποχύλισμα, & Arabibus robub appellata, succus est fructuum herbarumve expurgatus atque defæcatus, & ignis Solisve beneficio in duriusculam sapæ consistentiam percoctus. Hæc diu incorrupta seruari potest, & simplex appellatur: quæ autem mellis saccharive nonnihil in palatigratiam accepit, composita. Ab vna triplex omnino substantia elicitur, vna quum in lebeate coquitur, exprimitur, & quod expressum fuerit, denuò in duriusculam consistentiam recoquitur, hæc veteribus inusitata fuit. Altera quæ propriè sapa Latinis, σάπων & ἑψημα Græcis, & rob Arabibus appellatur, ex quàm recentissimo fit musto ad tertias cocto, quod & mellis crassitudinem superat, & tempore dierumque numero vt saccharum candescit. Quòd si aliquantum tardetur, dum dulcore minimum deposito acrimoniæ nonnihil mustum conquirat, nunquam postea in sapam concresecet. Sed ex hoc ad dimidias aut etiam ad tertias cocto expumatoque, fiet quod veteres defrutum dixerunt, id etiam ex metaciore vino conficitur. Sic senè & cotoneorum, & ribes, & baccarum oxyacanthæ, & cerasiorum, & pyrorum, & maiorum & prunorum recens succus feruè factus concresecet in sapalem crassitudinem, quæ aut simplex fiet, aut addito saccharo composita. Herbarum & fructuum expressi succi in alios, vt supra dixi, vel siccantur vel reconduntur vsus.

Condiuntur fructus aut saccharo, aut melle, aut permixtis ambobus: exigui quidem vt cerasia, pruna, baccæ ribes & oxyacanthæ, integri: maiores vt mala, pyra, cydonia, persica, citrea, iuglandes virides confecti & foris intusque purgati. Saccharum aqua solutum clarificatur & percoquitur, tumque humidiores fructus, vt cerasia, corna, pruna, persica, baccæ ribes atque oxyacanthæ immergeantur coquanturque leniter, donec absumpto fructuum humore saccharum in priorem redeat consistentiam. Fructus verò duriores, vt cotonea, iuglandes virides, citrea, pyra & mala, intus forisque purgati atque secti elixantur donec tenerescant, deinde exmuntur & demadeiscunt: in hac eorum aqua saccharum dissolvitur, clarificatur & percoquitur: huic dein fructus rediuntur & recoquantur, dum reliquo humore absorpto, syrupi consistentia fiat. Amariores fructus

ut ut iuglandes, citreorum & aranciorū cortices, nouem circiter dies tenui lixiuio quotidie mutando macerantur, exin aqua coquuntur dum mollescant, condunturque ea quam dixi ratione. Haud secus radices vt eryngij & fatyrij, acori & zinziberis, herbæ quoque vt menta, lactuca, earūque teneriores cauliculi condiri solent. Hæc porro saccharo imbuta ac bene saturata eximuntur, & sole vel igne lento exiccantur, vt condita sicca euadant, quæ pletosque magis quàm liquida inuant.

Condiendorum florum diuersa est ratio: puluerato enim duntaxat immerguatur saccharo, vt conseruari possint, quæ proinde conditura neotericis conserua nuncupatur. Quod enim florum vis coctione faciliè dispereat, non igni coqui, sed duntaxat insolari debent. Flores igitur vt rosarū, violarum, buglosli vtriusque, nymphææ, genistæ, cichorij, aranciorū, peritorū, betonica, saluæ, hyssopi, præoniæ, rosmarini, calendulæ, exemptis superuacuis demeruntur summo vigore. Hos dein alij integros, simulque saccharum duplo pondere pulueratum in vitreato vase inuicem inferunt, insolantque vnum, duos, trietve menses pro florum tenuitate & natura. Alij recentes flores laboriosè conterunt, & sacchari duplum triplūve pondus addunt, exquisitè illa permiscet, recondunt & insolant, vt sensim nulla virium aut odoris dissipatione fermentatio fiat. Alij saccharum tenuissimè terunt, huic rosarum aliorūve florum succum affundūt, ex hisque confusis pastillos, & figuræ cuiusuis panes cōtingunt, quos linteo obductos insolant, dum planè exaruerint. Hos bene reconditos conseruant in annum, ad quoluis vsus multò ceteris præstantiores. Quidam flores integros duplo triplōve primario saccharo liquato & adhuc calente immergant & perfectè commiscet, dein vbi restitit misturā pyxidibus recondunt & insolant.

Conditum compositum quale iuniores plerique in rem præsentem præscribendum duxerunt, mixtura quadam est appositā ex simplici condito aut conserua, & ex quodam electario aut puluere corroborante, quibus tandem conueniens sacchari modus adicitur. Temperandum lex quidem nulla, sed vtilitati iungenda est commoditas. Rarò tamen cōseruarum vncia, plusquàm puluerum drachmā

admittit: ut in cardiaco quod habet conditura buglossi, nymphæ & rosarū, corticis citri conditi an. vnciam dimidiam, pulueris electarij diambæ, de gemmis & diamargariton frigidian. scrupulū dimidium, ollis ē corde cerui, seminis citrei & cardui benedicti, radicū tunicis & tormentillæ an. scrupulum vnum, scobis vnicornis grana octo, folia auri minutim concisa sex numero, sacchari albi quantum satis esse videbitur ad conditi formā. Huc quadam rerū affinitate pertinere videtur mixtura quæ neoterics est pasta regia, Mesuæ electuariū regiam. Ex his ea maximè conficitur quæ pectoris pulmonisquē vitiis, & extenuatis succurrunt: cuiusmodi est quæ continet, amygdalarū dulcium cortice liberatarum 3j. strobilorum, pistaciorum recentium & expurgatorum an. vnciam dimidiam, pulpæ dactylorū, myxartorū & vuarum passerarum an. drachmas sex, gummi tragacanthi & Arabici an. drachmam vnam, amyli vncias duas, pulpæ capi elixi vncias quatuor: fructus omnes aqua rosata aliquandiu macerati cum cæteris tundantur, & saccharo modo conuenienti paulatim inperiso omnia subigantur in massam, ex qua boli aut panes dulcietarij fiant cuiusvis figuræ, sensim exiccandi, & auri foliis obducendi. Adduntur interdum quatuor seminum frigidorum maiorū cortice expurgatorum, seminis papaueris albi & sesamini, an. drachmæ duæ: interdū cinamomi drachmæ tres aut semūcia: interdum ambre aut musci sex octoue grana. Quæ ex quibuldam horū massa simplicior conficitur, si diligenter subacta in panes aut placentulas concinnetur furno quæ leniter coquatur, fiet qui Massæ panis aut Marci panis à iunioribus est appellatus. Et hæc quidem præcipuæ sunt sumendarum compositionum formulæ, quæ nunc vsurpari solent: deinceps quæ foris admoventur tradendum.

De externorum medicamentorum formulis ac primū de humidis. CAP. XVIII.

In externis medicamentis prima sunt humida fomenta, quæ ut variis partibus & in varios coaptantur vsus, ita & ex varia constant materia. Alia dolores leniunt, alia laxant, atque emolliunt, alia adstringunt, alia siccant ac dissipant, alia

alia partes corroborar. Sua autē est cuiusque affectus & partis apta peculiarisq; materia. Hęc non aliter quā supra dixi, ex cōuenienti idoneoq; liquore coquitur, aliās ex aqua simplici, cui interdū sub finem vinū vel acetum sic adiectū, aliās ex lacte, aliās ex lixiuio, aliās ex ferrationū aqua. Modi & quantitas tum simplicium tum liquoris, partis fouendę magnitudini & situi accōmodetur. Itaque ad caput siccandum atq; corroborandum, & ad eius distillationes sistendas, lotio fortiusq; fiet ex cephalicis stirpibus, tenui lixiuio incoctis, addito interdū vino, interdū sale aut alumine. Ad lateris dolores finiendos, ex mollientibus, anodynīs & leniter discutientibus, aqua incoctis, affuso interdū vini albi quadrante. Ad ventriculi dolores & eius cōcoctionē iuuandā, ex stomachicis, vino rubro adstringente & aqua percoctis. Ad iecoris lienisq; tumores & veteres infarctus, ex mollientibus & attenuantibus, quibus & adstrictio lenis ad partium robur accedat, nunc vino albo, nunc aceto sub finem impositio. Ad nephritidē laxantibus & anodynīs, aqua simplici vel hydro melite incoctis fouendū. Vtero his quę tum affectui, tum parti conueniēt, modō fotu, modō vapore succurritur. Fotus porrō parti affectę per filtrum, vel per spongiā inducitur, quę eo ipso iure calēre imbuta, ac deinde expressa sit, aut per vesicā, aut per lagenā eiusdem iuris plenā. Quum amplior est pars, quā ut fotu vllō regi tota possit, inlellus aptandus est, cōstans copiosiore decocto, in quod pars tota affecta immergi possit: nō alia is quā fomentum ratione cōparatur: particulatim autem mirē conducit tribarum atq; coxendicum doloribus: vteri affectibus menibusq; ciēdis, colicis, iliācis, præsertimq; nephriticis doloribus. In hunc quippe laborantes partes omnes demerit, plurimum leuantur nulla reliqui corporis perturbatione.

Balneum verō ut totius est corporis, ita & eius tum interioribus tum externis confert affectibus. Quod moderatē frigidum est, aut egelidum, aut nondum tepidum, calidiores viscerum intemperies emēdat, quibus plerumq; corpus vniuersum absimitur atq; marcescit: corporis summa refrigerat, itēmq; densat, sudores coērcet, nec tenuem substantiā dissipari sinit. Tepidum quo diutius sine manifesto calore corpus madescat, insitū calorē suscitāt & auget, hunc cum

optimo succo & alimento in corporis summa euocat, omnia humectat ac modicè refrigerat, extenuata implet, habitumq; meliorem procurat, nec quicquam sudore halitūve digerit: quæ omnia confert, nulla corporis humorū, aut spirituum perturbatione. Quòd porrò calidius fuerit, corpus calfacit, rigidis perfrigeratisq; nervis atque muscularis opitulatur, humores crassos attenuat, concretos diluit, colliquat, fluxilésque reddit, interiora quoque sed maxime cutis spiracula laxat, sudores ciet, multaque dissipat à corpore, hæcque ratione ex accidenti siccat. Simul verò his est incommodis molestum, fluxiones si quæ sunt in partes imbecilles auget, spiritus incendit, corpus vehementer exagitat, adeò vt si vel plethoricum vel impurū fuerit, morbo promptè tentetur. Atque balneum eiusmodi simplex esto, Compositum verò vt fomentum variam simplicium materiam pro affectus symptomatisve natura continet.

Epithema aliter quàm olim nunc plerique vsurpant, estque tum viribus tum formula à fomento diuersum: id similiter parti cuiuspiam admouetur ferèque principi, quam vel ab interperie, vel ab insiliente malignitate vindicare, vel corroborare consilium est. Id cordi & iecori peculiare est. Concinnatur ex aquis stillaticijs alijsve liquoribus, & binis vncijs singulæ accommodatorum puluerum drachmæ dissolutæ permiscuntur, mixtura deinde tepefacta per spongiam tenuem vel per pannum mundum imbutum expressumq; parti inducitur. Nonnunquam pulueres aliâq; simplicia sacco includuntur, qui tepentibus aquis inspersus imponitur. Vt ad iecur calidum & imbecillum id confert, in quo sunt aquarū stillaticiarū endiuia, cichorij, portulacæ, rosarum, plantaginis an. ʒ ij. aceti ʒ j. s. in quibus soluantur rosarum rubrarum, cimarum ablynthij, trium santalorum, cyperi, schœnanthi, trochiscorum è camphora, singulorum pulueratorum ʒ j. fiat epithema. Cordi verò muniendo atque corroborando superponatur quod habet aquarū buglossi, boraginis, rosarū, cardui benedicti & scabiolæ, vini albi odorati an. ʒ ij. in quibus soluantur foliorum melissæ & pimpinellæ, granitinctorij, xyloaloës, corticis citri sicci, radicum dictamni & tormentillæ an. ʒ j. caryophyllorum ʒ s. croci ʒ j. fiat epithema. Si pulueres sacco libet com-

prehæ-

prehendere, crassiusculè terantur ac duplo ferè pondere. Sacculos eos ipsos citra vllius humoris perfusionem nonnunquam partibus inducunt, sed vsu minore.

Mucilago ad humectandum, molliendum & leniendum dolorem in primis efficax, cum sola tum illitui iuncta. Elicij autem ea solet ex plerisque seminibus, vt cydoniorum, althææ, maluæ, psyllij, lini, fænigræci, quæ aliquantū tusa aut incisa in liquore aut stillaticio aut alio qui ad rem conducatur macerantur: hic tepesfactus vel feruesfactus dum totus lenti cuiusdam mucoris speciem induat, linteo colatur & exprimitur. Singulis autem aquæ vncijs singulæ seminum drachmæ satis sunt. Sic cydoniorum & psyllij contusa semina, in aquis solani & plantaginis macerantur ad erysipelata & quasuis inflammationes. Sic ad molliendum althææ & lini mucilago elicitur ex iure ficuum, & fænigræci mucus ex aqua chamæmeli aut saluæ aut ex Hydromelite, cum quid leniter resolui postulat.

De oleo, cerato, Unguento. CAP. XIX.

OLEUM genus statuendum duplex, vnum simplex, mistum alterum. Simplex fit aut pressu aut destillatione. Pressu ex fructibus, baccis aut seminibus oleagineis, quæ mortario tusa, & aquæ calidæ vapore tepesfacta, sacculoque inducta, torculari premuntur dum purum emanet oleum. Ita quidem ex amygdalis dulcibus & amaris, pistacijs, strobilys, nucibus auellanis & iuglandibus, atque etiam ex baccis lauri, iuniperi & myrti, ex seminibus lini, canabis, ricini, cucurbitæ, cucumeris, papaueris & hyoscyami, denique ex vuarum acinis tritis, calfactis & torculari expressis oleum simplex elicitur. Destillatione verò ea quæ per descensum appellatur ex lignis, herbarum folijs arefactis, & olla comprehensis, vi ignis superpositi oleum in vas subiectum & agglutinatum profluit, quod ferè empyreuma redolet: quæ ratione oleum eruitur è iunipero, tartaro & è lateribus quod philosophorum nuncupant. Elicitur & destillatione per ascensum dicta, quomodo supra docui quintam essentiam iunioribus inuentam, è stirpium materia seijungi, præcipuamque earum vim cum odore atque peculiari sapore

retinere. Mixtū porro oleum ē simplici sit, in quod stirpiū, fructuum, floru & quorumuis simpliciu materia mergitur: id deinde insolatur vel coquitur dum inditæ materiæ vires prorsus hauserit, tum demum exprimitur atque recōditur. Sic oleū fit rosatū, violatum, melinū, rutaceum, vulpinum; Scorpionum, lumbricorum, aliāq; generis huius complura; Simplex oleum ex oliuis aut amygdalis expressum sumitur, omnis alienæ qualitatis expers, purissimum ac optimum, quod integrè ac purè eorū quæ infundentur velut cōmunis quēdā materia, vires excipiat. Hoc autē vt pulchrius synceriusque euadat, & ne tempore pinguescens aut rancescens sordescat, retrūmque nanciscatur odorem, lauati in primis debet, vel aqua simplici, vel rosacea, blandēq; agitari, aqua subinde mutata dum prorsus albescat. In eo macerātur medicamenta quadrantis aut (vt vires erunt) sextantis pōdere. Si nō insolatu, sed coctione comparandum id est, cum medicamentorū materia humor quoq; aliquis vt vinum, aqua simplex vel stillaticia, vel succus de recenti stirpe extractus assandatur, & eousq; decoquantur dum humor omnis absumptus fuerit, & olei guttula igni data non arāplius crepiteret, ne si asseruandum fuerit, putredine sitūve inquineretur. Humoris indendi modus quadrās ad oleum aut etiā triens esto: aut oleum sine humore duplici vase sensim coquatur, ne feruendo vstionis vel nideris insuauitatē conquirit. Atque hæc & similia composita olea veteribus græcis quidem *μύρα*, Latinis verō vnguenta ceu vnguinosa odoramenta appelliantur. Vnde myrepolæ & vnguentarij dicti qui aromatibus atq; aliis odoratis rebus olea imbuunt ac spissant ad odoris gratiam. Ipsis siquidem eiusmodi odores conditi experebantur, non ad fomenta solum & cataplasmata, aut ad vlcera inunctionēve corporū, quibus vario vsu illinebantur, sed propter fragrantiam etiam & suauitatem odoris: quæ quidam nostris quoque & oleis & vnguentis quoad fieri potest concilianda esset, sed ea in re medicorū imprimis dein & pharmacopœorum accusanda est incuria. Quinetiam simplex quoduis oleum si fragrabat, vnguenti nomīne dignabatur. Vnde laurinū vnguentum Galeno dictum: & stractæ perquam odoratum & preciosum vnguentum per se efficere tradita Dioscoridi.

Embrocha non est vlla medicamenti composicio, sed vtendi quædam ratio: partis nempe cuiusvis irrigatio atque perfusio oleo facta, quod vel altè cadendo, vel blandè fricando intrò adigitur.

Illitum appellamus quod veteres ceratum mollius dixerunt: ex oleo & cera in id comparatum, vt olei vis atque facultas cuti diutius insideret. Oleum quippe permisto ceræ triente aut quadrante inærastratur. Sed vt temporis & cæli constitutio fuerit, ceræ plus minùs indè dum est, vt æstusoso cælo plus, rigido verò minus. Cera minutim concisa in oleum coniicitur, eaque liquantur simul vel igne lento, vel ne exustionem redoleant vase duplici: vix dum liquata igni subtrahuntur, continentèrque tudicula permiscetur dum coëant. His interdum adipēs adduntur, & axungia, & mucilagines, quæ paulatim quoque refrigerando permiscentur. Si nihilominus exustio metuitur, cera pilo calido subigenda est, adiecto adipe aut mucilagine, vt res postulat, sensimque affuso oleo dum omnia in linimento mollitudinem concrecant. Hoc genere continentur quæ quòd fatigatis neruis affectisquæ lassitudine musculis sint vtilia, acopa Græci dixerunt: cuiusmodi est quod habet, olei, ceræ an. ζ ij. terebinthina ζ ij. mellis ζ ss.

Vnguentum id iam appellant quod Græcis est *ἔχρηστρον*, medicamentum quidem quod in cerato molli crassiusculam quandam materiam confusam habet, vt idcirco ceratum crassius appellari iure possit. Ea autem est herbarum arefactarum, aut metallorum, aut terrarum pulvis tenuissimus, qui refrigerenti cerato inspergitur, & ne quid grumosum maneat, accuratè spatha permiscetur, id cerato seu linimento aliquanto crassius euadit. Mixturæ modus est vt oleum pulueris quadrantem, ceræ verò sextantem contineat. Succiquum ex vñu erunt & gummi & resina, sicciiores quidem vt pix, vt mastiche, teruntur: humidiores verò vt terebinthina instillantur: mediæ vt ammoniacum & bdellium, aceto, vino, aut alio liquore solutæ induntur, siccanturque dum absumpto humore moderata sit vnguenti consistencia. Illitus aut vnguenti præscribendi quantitas vix duas transcendit vncias, nisi affectæ partis amplitudo maiorem postulet.

Puls, cataplasma seu malagma, emplastrum.

CAP. XX.

PULS ad demulcendum dolorem, ad molliendum, ad resoluendum & ad cōcoquendum, ex farinis fit liquore quodam solutis, & moderata coctione coactis. Nonnunquam & panis medulla farinarū vice substituitur: ut quum ad arthritidis dolorē panis mica lacte bubulo diluitur, coquiturq; adiectis sub finem vitellis ouorum & croco. Nonnunquam mucilagines pro liquore sunt, ut si in libra vna mucilaginis seminum althææ, lini & fœnigræci, paulatim igne lento hordei farina inspergatur, coquatūq; cum ouorum vitellis & croco dum puls forma existat. Buryū, adipēs & olea his inter coquendum continenter misceri possunt, idque in varios vsus, & ne puls dum laboranti partícula infidebit, præproperè siccescat.

Cataplasma ad eodē ferè vsus arque puls accommodatur, media inter vnguentum & emplastrum quali ex amborum materia mixtum, consistentia. Fit ex radicibus, herbis, floribus, surculis, coctis arque contusis dum abundè mollescant, adiectis dein farinis & oleis. Vnde non aliud cataplasma ceteri debet, quàm quod veteres malagma dixerunt, cū & ex his ipsis quæ dixi medicamentis malagma confici Celsus tradat. Itaque recentes radices, herba, flores, surculi, fructus, præsertimq; carica coquuntur dum cōtabescāt, cribro cernuntur, cretis adduntur & mucilagines, & farinæ, & adipēs, & olea, rursumque coquuntur dum in puls aut concreti mellis crassamentum coëant. Hoc deinde cataplasma linteo aut stupæ canabinæ inducitur, & super integrā cutim iniicitur. Omnium autem modus is esto, ut stirpium pars sit vna, farinarum semis, adipis aut olei quadrans. Si quæ semina, aut radices aridæ aut stirpes indendæ fuerint, pulueratæ substituentur pro farinis hac formula: ℞. Radicum althææ, liliorum & iridis an. ʒ ij. caricas sex numero, malvæ, violariæ, parietariæ, rutæ, absinthij, an. m. j. coquantur & cribrentur, deinde addendo florū chamæmeli & meliloti, seminis anisi & feniculi pulueratorum an. ʒ ʒ, farinæ hordei, lini & fœnigræci an. ʒ j. axungie anseris, olei irini an. ʒ iij. coquatū in cataplasma.

Sina-

Sinapismus tum qui cum axungia tum qui sine hac fit, in cataplasmatum est genere. Confititur enim ex pulpæ ficuum & fermenti pari pondere, quibus seminis sinapis contusi quadrans concorporatur. Nonnunquam adduntur & farinæ & adipēs, sed ea semper ratione, ut sinapi compositionis totius pars sit quarta, tamen si eius vis incendi remittive ex causa potest.

Emplastro forma solidior inest, quoniam id non induitur in vlcera, sed parti superinducitur, iccirco maximè ut eā corroboret & exiccet, vel impactos ei humores digerat, interdum ut concoquat, raro ut emolliat. Non enim emplastri substantia intro se infert, sed foris insidens quæ subiecta sunt potius in se rapit & euocat. Præcipua eius materia aut lithargyrus est, aut cera, aut gummi aliquod, aut permixta omnia, quibus tamen oleum aut adips additur ut aptè cohæreant, nec partem cui inducantur inquinent, & quod ex his agglutinatis emplastrum fit, non adeò tenaciter parti adhærescat ut agrè summoueri possit. Sic quod tetrapharmacum appellant ex oleo, cera, pice & resina coalescit. His lentis, glutinosi ac verè emplasticis, aridatum stirpium, aut metallorum creti pulueres plerumque induuntur, omnia quæ legitimè concorporantur. Primum autem si cera indicitur, ea liquatur in oleo: si lithargyros, ea quoque ex oleo coquitur: si qui præterea insunt herbarum succi & liquores aut mucilagines, cum his pariter feruefiunt dum absumantur. Postea verò his permiscentur adipēs, & resine, & gummi, ut ammoniacum, bdellium, sagapenum aut pura aut liquore quodam velut aceto aut vino soluta: postremo terebinthina infunditur. His demum confusis & in legitimam temperaturam coctis, igne subducto pulueres paulatim insperguntur, agitanturque: spatha dum omnia in massam coeant. Ex hac manibus oleo perunctis subacta finguntur magdalix, ac tum tenuissima quæque admiscuntur, ut crocus humore solutus, moschus, ambra & cætera quæ ignis vim nullam sustinent. Magdalix ea sint consistentia quæ minimè manus inquinant, & lentam nihilominus solidamque emplastri nanciscantur formam, nec mollem, nec planè duram. Sic igitur singulorum in temperatione quantitas iudicio potius quàm legibus præscribenda: quam qui

non obtinuerit, liquidis denuò vel siccis malaxâdo adiunctis, aptam compositionis formam inducet,

Est porro & alia simplicior emplastri species, cum prætermisissis lentis hisce & glutinosis, ceræ plusculum oleo liquatur, ut indendos pulveres comprehendat. Ceratum durius non autem emplastrum id iuniores appellant. In hoc oleum & cera pari sunt pondere: at nihilominus cum æstas est aut recens pinguisq; cera, paulò minus sit olei: plus vero si vetus aridaque cera aut hyems fuerit. Si qui pulveres conveniant, hi detracta ceræ portione substituendi erunt. Et hoc quidem ceratum est durius. Ut autem emplastri forma existat, si quod gummi, aut terebinthina, aut adeps, aut medulla exigitur, minuendum est oleum. Si verò resina, pix, metallica, arida stirpes, aut alia quævis exiccata atque pulverata inerunt, minus esto ceræ. Antequam autem horum pulveres indantur, reliqua quæ in cerati compositionem venerant, coquantur dum bene coëant, & eousque dum exempta eorum portio, atque refrigerata legitimam emplastri consistentiam habere videatur, crassaque sit mediocriter & ut cera igni remollita sequax & quadamtenus glutinosa.

Iuniorum quorundam sedulitas formarum varietate capta, telas emplasticas inuenit, quæ pro partis affectû magnitudine confectæ & impositæ, aliæ resoluunt, aliæ vlcerû lordes expurgant, aliæ illa agglutinant & cicatrice obducunt, non in alios quàm emplastrum vsus aptæ. In emplastrum quod coquendo legitimam propè consistentiam sit assequutum, tela vetustate quodâmodo iam attrita demergitur, emplastro convenienter vtrinque imbuta atque infecta, extrahitur tenditurque, ut refrigerata obdurescat, ac tum demum obuoluta reconditur, ut quæ sic habet: olei, axungia porci, lithargyri. an. lb. j. cere nouæ, axungia arietis, picis nigrae tulsæ an. lb. ss. coquatur sensim, sub finem addendo colophonis pulveratæ uncias nouem, cerusæ uncias tres: quum idoneam substantiam compositio nacta fuerit, immergendum linteum, dum vtrinque infectum sit satis, atque ubi refrixerit recondendum.

De specioribus medicamentorum formis. CAP. XXI.

PULVIS ad externos affectus, siue è stirpibus & earū seminibus, siue ex metallicis & terrenis petiitur, nō aliter quā sumendus apparatur: quanquam interdum formæ quædā crassiusculum postulant. Is in varias coaptatur formas, in sacculum, in scutum, frontale, cuculam, luffitum. Sacculus pro fomento siccō est ad flatus dissipandos, ad dolores qui ex his orti fuerint demulcendos, ad refrigeratos artus, ad humores euocandos & absorbendos, denique ad destillationes sistendas. Eiusmodi est qui continet milij lb̄ss, salis vulgaris ℥ iij. baccharū lauri modicè contusarum ℥ ij. sem. anili, tēniculi, carui & cumini, florum chamęnili, comarum anethi, an. ℥ j. integra nectula omnia sartagine torrefiant, & protinus recondantur in sacculum; calidus capiti, ventri, aut cuius parti affectæ inducatur, subinde mutetur dum opatum effectum præstiterit.

Scuti forma ventriculo peculiaris est, in id maximè ut illius insitum calorem suscitaret, concoctionem iuuet, illique omnino robur addat. Arida materia crassiusculè teritur ad vnciam vnā vel sesquunciam, carptōque bombace excepta geminis linteis cōsistitur in scuti formam. Vt in eo quod habet rosarum rubrarum, mentę, absinthij, saluix, sampſuchi, anethi an. ℥ ij. caryophyllorum, nucis moschatæ, galange, schœnanthi an. ℥ j. Redigantur in puluerem ex quo cum bombace scutum concinnetur. Nō alia ratione cucufa minurim cōsistitur, ad frigidam capitis intemperiem, & ad dolores inde genitos, ad destillationem sistendam, modò eius forma capiti apta sit & cōueniens. Pulueris modus duarum est vnciarum: vt qui recipit saluix, sampſuchi, rosinarini, stœchados, betonicæ, an. ℥ ij. corticis citri sicci, granorum alckermes an. ℥ j ss. piperis, cardamomi, caryophyllorum, nucis moschatæ an. ℥ j. referatur omnia in cuculam. in eodem vsus is quoq; pulvis interdū capillis inspergitur. Ex cardiacis vt ex melissa, floribus buglossi & rosinarini, ex semine ocymi, cardui benedicti, xyloaloe, macere, singulis pondere drachmę vnius cum croci scrupulo, sacculus insistitur cordi aptus. Ex his præterea quæ capitis ardorē compescunt & somnum cōciliant, vt ex rosarum, florum nymphææ, violarum, betonicæ, serpilli an. ℥ j frontale concin-

Sententia

Cucufa seu
cucullus.

natur: quibus si conciliandus somnus erit, addentur lactu-
cæ, papaueris albi & hyoscyami aut folia aut semina.

Suffitus & odoramenta ad spiritus rescificandos & cor
exhilarandum, ab externaque malignitate vindicandum:
ad crassam pulmonum pituitam & infarctus soluendos: ad
siccandum roborandumque cerebrum, eiusque destillatio-
nes coëreendas ex conuenienti singulorum sunt materia.
Hæc trita aut prunis candentibus inspergitur, vt odoratum
fumum expiret: aut aqua rosarum stillaticia vel alia odora-
ta diluitur, quæ sensim igne incalescens, suauem halitum e-
dat: aut in pilæ pomivæ formam conglomerata, in odoris
gratiam circumfertur. Ad siccandum corroborandumque
cerebrum efficacior est suffitus siccus, qualis ex styrace, ex
succo cyrenaico, xyloaloe & caryophyllis: sistitur destilla-
tio suffitu ex rosis, mastiche, vernice. Pulmones expurgat
ex tusilagine, iride, thure, aut sulphure. Cordi halitus con-
fert ex xyloaloe, caryophyllis, nuce moschata, calamo aro-
matico, styrace, benioin, ambra, moscho, quæ trita vt ve-
terum thymiamata vel in pastillos referuntur, vel aqua ro-
sarum vel lauendulæ vel florum aranciorum soluta, igni su-
perponuntur.

Ex horum quibusdam pulueres fiunt odorati, ex his rur-
sum ladanò exceptis poma odorata, vt quod habet styracis
aridæ ʒ ʒ, calami aromatici, benioini, rosarum rubrarum,
maioranæ siccæ, radicis iridis florentiæ an. ʒ. iij, macis, ca-
ryophyllorum an. ʒ ij, ambra, moschi, an. ʒ ʒ, ladani puris-
simi quantum ad omnia concorporanda desideratur. Pilo
malaxantur calido, affundendo sensim aquam rosarum,
aut naphthæ, vel terebinthinæ momentum vt tenacior
massa fiat.

Sapo quoque horum permistione odoratus euadet, hac
ratione, ʒ saponis albi (qui ex veruecis adipe, ex calce &
sale constat) ʒ ʒ, radicis iridis florentiæ ʒ j, mentæ, maiora-
næ, nucis moschata, caryophyllorum an. ʒ ij, aquæ lauen-
dulæ quantum satis fuerit ad concorporandum.

Cypriæ quæ vocantur auiculæ eos ipsos pulueres habet,
cum duplo aut triplo carbone è salice: ex his deinde vel la-
dano, vel terebinthina coactis iunctisque effinguntur auic-
ularum

ularum formæ, quæ citra flammam ignem faciliè admittant, è quo fumus expiretur. Si pulueres cum cera subigantur, ex hac concinnatæ minutiores tedæ, quum incenduntur, iucundum quoque halitum edent.

℥ carbonis salicis ℥ iij, styracis, calaminthæ ℥ ij, beioini ℥ j, caryophyll. pulueratorum ℥ ℔, concorporentur cū gummi tragacanthæ, effinganturque vel tedæ vel auiculæ.

METHODI MEDENDI LIBRI

QUARTI FINIS.

METHODI MEDENDI, LIBER V.

DE VSITATA INTERIO-

RVM MEDICAMENTO-

RVM MATERIA.

PRÆFATIO.

DE SIMPLICIUM medicamentorū viribus generatim quidem dixi, & quæ ratione permisceri illa cōponiq; debeant. Nunc verò particulatim omnem eorum materiam persequi, & in quasdam facultatum classes digerere consilium est, quæ summis affectuum generibus ex aduerso respondent, vt unicuique medicinam facturo statim constet & in promptu sit, quod remedium ad curationem tum interioris tum externi affectus proferat. In id autem nō solas simplicium medicamentorum quæ in eodem sunt genere, sed & singulares ac proprias cuiusque vires tum veterum tū nostra obseruatione cognitæ recensbo, vt ex vnoquoq; genere quid ad quemuis affectum aptius conueniat

accommodatumque sit, feligere liceat. Non enim quæcumque vno & eodem genere continentur vt attenuantia, prorsus similia sibi sunt: sed singula insuper peculiare sibi vires sortiuntur, quibus ad hunc illumve affectum magis conducant, aut hæc potius quam aliam partem iuuent. Vniuersalis porro interiorum affectuum curatio iis completur, quæ partis cuiusq; intemperiem corrigunt, quæ humores emolliunt, attenuant aut detergent, quæ corporis vias leniunt & aperiunt, in quibus posita est omnis ad vacationem præparatio: iis deinde quæ iam præparatos humores detrahunt & vacuant, quæ vacationis reliquias ex quauis particula eximunt, quæ prorsus expurgatas partes ab omni malignitate aut intemperiei labe vindicant, quæ illas tandem corroborant ac firmant. Post hæc verò non admodum dissimili serie externarum facultatum materiam distinguam. Quæ autem medicamenta singulis morbis atque symptomatis peculiari quadam dote opem ferunt, in particulari singulorum curatione tradetur. In his recensendis tamen vniuersalibus tum particularibus remediis, ex immensa medicamento: sylua ea solum protuli, quæ velut optima & in hominum salutem vsu longo comprobata, medendi exercitatione vsurpari debent. Quæ nulla naturæ & virium offensione cognita fuerint languentibus opem ferre, eximio quasi cultu seruanda sunt, nec temerè in noua quæuis & incomperta prompendum. Sapore multa aut profutura, aut nihil certe nocitura putantur, quæ sæpe vidi tacitis viribus, sola observatione noscendis, alia sumpta, alia solum admota, in perniciem summam & exitium mileros præcipitare. Vtinam qui omnem ætatem discendis stirpium nomenclaturis conerunt, operam suam iis experiendis sedulo nauarent. Vt in rebus cæteris quæcumque optimæ sunt habitæ, magno mortalium vsu retinentur, aliæ verò tempore exolescunt, ita & in stirpibus credi par est, eas omnium esse præstantissimas, quarum prius etiam nunc extant nomina. Quocirca non opere precium esse duxi, hoc loco stirpes singulas & metalla, atque res omnes terra marique comparatas, in medendi vsum eorum more coaptare, qui omnia peræquè indignis laudibus quasi encomiis celebrare contendunt, naturæ potius inani ostentatione aut admiratione quam medicinæ fructu.

Qua simplicem intemperiem corrigunt. GAP. I.

PARTIVM interiorum totiùsque corporis simplicem intemperiem emendat contrariorum vsus, quæ sumpta aut qualitate sola, aut sua pariter materia nos immutant. Qualitate sola, quæ non in nostram vertuntur substantiam, sed prætereuntia suam nobis qualitatem impertiunt, & intemperiem immodicam temperant. Horum alia frigida, alia calida, humida aut sicca existunt. In frigidorum genere primas obtinet aqua simplex frigida, quæ citra vllũ substantiæ nostræ incrementum exuperantẽ calorem obrundit: ad quam deinde accedunt oxycratum, & potiones non paucæ ex aqua comparatæ, & mali punici & citrij & consimilium simplicium succi, in quibus tamen & alia quàm refrigerandi facultas inest. In calidorum genere habentur piper, zinziber, pyrethrũ, sinapi, & quæcunque citra alimenti conditionẽ refrigeratas corporis partes calfaciunt, depulsoq; frigore calorem suscitant. Sic propemodum de humidis atq; siccis statuo, aquæ potum aut balneum etiam si intrò subeat, & inanes corporis capacitates impleat, quòd tamen minimè in corporis naturam mutetur, simpliciter humectare: quemadmodum & violam, & maluam, & althæam, & hordei decoctum, potus verò parsimoniam & arida omnia, quòd cum superuacuum humorẽ absument, exiccare. Materia pariter atque qualitate intemperiem emendant, quæ coctione in sanguinem & succum vertuntur alendo corpori idoneum, qui pristinæ qualitatis semper particeps, conditionis suæ quandam substantiam gignit in nobis: sicquæ pro dissipata calida frigidam substituens atque reponens, cum substantia ipsam quoque intemperiem mutat nouamque suggerit. Ea sunt quæ alimenta dicuntur medicamentosa. In frigidorum ordine sunt lactuca, cucumis, pepo, cerasiũ, aliqũe fructus complures, qui dum nos alunt, nos pariter refrigerant, & exuperantem partium humorũque calorem obrundunt. In calidis numerantur vinum suaue, vua passa, strobili, pistacia, sorbiliun ouorum vitelli, & iuuenum quadrupedum auiũque carnes: horum quippe vsu corporis substantia alitur, & pro frigida calidior redditur, atque quocq; calor fouetur atq; suscitatur. In humectan-

tibus ea sunt quæ non humore superuacuo, sed vtili & alimentario partium solidarum substantiam implent, alunt & augent, citra vllum caloris aut frigoris præter naturam incrementum, vt hordei cremor, pullorum gallinaceorum aut columbinorum decoctum, hœdina aut vitulina carnis iusculum, in quo etiã humidiores herbe sint incoctæ. Corporis verò substantiam vehementer siccat & abluvit inedia, idque ex accidenti, per se autem panis biscoctus & arefactus è fabis, pis, hordeo & milio torrefactis & sale conspersis, & meracius gaiaci decoctus. Copiosa est tum alimentorum, tum medicamentorum, tum etiam cæterorum remedium materia, quibus intemperies omnis emendari abigique solet, nec integrè potest eorum tractatio sine mendicatione compleri.

De preparantibus. CAP. II.

SIMPLEX intemperies diutius vix solitaria subsistit quin sibi consentanei humoris eiusque superuacui prouentum faciat, & ex simplici composita euadat: hæc verò non antè potest commodè tolli, quàm vitiosus humor qui illius fomes est expurgatus fuerit. Expurgari autem conuenienter nequit ante præparationem idoneam: hæc igitur si deest, vacuationi est præmittenda, ferèque curationis est initium. Est autem præparatio duplex, vna corporis, humorum altera. Vtraque rursus aut naturæ aut artis fit beneficio. Naturæ quidem in concoctione, qua sensim inutiles & superuacui humores, insiti caloris vi mitescantur & domantur, acres frenantur, crassi attenuantur, duri molliuntur, lenti detergantur, adeò vt non amplius vel partibus vel viis ipsis adhaerescant. Eos tandem sic concoctione præparatos, natura plerumque vel sponte vacuat: in idque opus illa etiam vias per quas excretura est dilatat atque patefacit. Cæterum cum non semper natura valeat sola humorum vitia domare, vt in diuturnis morbis, sed nec in acutis omnia illi tutò commiseris, idcirco artis subsidio illam plerumque adiutare cogimur, præsertim autem vacuatione, & ante hanc tum corporis tum humorum præparatione. Hac quidè non verè coquantur humores superuacui, sed teruidi & acres temperantur,

perantur, crassi attenuantur, duri molliuntur, lēti detergun-
tur, & corporis exasperatæ viæ leniuntur, clausæ patehant
aperiuntur: atque in his maxime posita est omnis tum
corporis tum vacuandorum humorum præparatio. De sin-
gulis igitur particulatim dicendum.

Frangens domansque medicamentum dixeris quod fe- χαλινάγων.
rocientes humores, turgentes & quoquoversum impulsos γούν.
coërcet atque compescit, vt eorum perturbatione sedata,
facilior sit in aluum deductio. Id autem frigidum esse oportet,
non tenuis substantiæ, ne magis exagitet, neque tamen
crassæ, quòd hæc vacuationi oblit, sed quodammodo me-
dia: cui etiam austeritatis quiddam sit adiunctum: hæc e-
nim pecuarii dote ferocientis humoris acrimoniam ob-
tundit. Itaque medicamentum eiusmodi sapore austum,
acerbum & quodammodo crudum existit, vt omphacium,
succus oxalidis, mali punici acidī, citrij & medici, succus
quòque oxyacanthæ & ribes: his enim maxime bilis retun-
ditur acrimonia. Contrarium huic est medicamentum a-
cere, quod vehementi calore & tenuitate bilem auget, eam-
que concitat & in furorem agit: quo genere est sinapi, na-
sturtium, piper, cardamomum, omnēque calidiorum aro-
matum genus.

Detergens medicamentum, Græcis est *ῥυτίκον*, tum ca-
lidis tum frigidis humoribus præparandis aptum accōmo-
datumque est, quòd utrisque lentor plerumque infit. Id len-
tos atque glutinosos humores aut visceribus, aut internis
meatibus, aut etiā vlceribus cutisve poris præter naturam
adherescentes eluit, præteriensq; secum deducit atq; rapit.
Quod cutis poros expurgat, quia in eos penetrare debet,
tenuis cuiusdam & nitrosæ est substantiæ: quod verò inte-
riore infarctu liberat, siccum est & mediæ cuiusdā substan-
tiæ: quod enim tenuius est, celeritate nimia citra effectum
vllum penetrat, hoc verò mora quadam & moderata cras-
sitie lentos humores conuenienter abradit. Sapore id ferè
amaro est, qui & in eadem substantiæ mediocritate conse-
dit: hæc illius detergēdi facultas interdū cum frigida est in-
temperie, vt in cichorio, & omni intybi genere: sed effica-
cior cum calida, quæ tamen citra ordinem tertium existat,
vt in absinthio, in aristolochia & centauro.

Huic ex aduerso opponitur glutinosum, Græcis est *πλαστικόν*, cuius partes colligatæ inuicem tenaciter coherant. In quamcunque id corporis partem impegerit, ei firmitus adhærescit, eam oblinat, atque etiam si caua est obstruit: verè inquinans, infarciens & emplasticum id est. In interiores corporis ductus insertum, eos obstruit & infarctui implet: cutis meatibus illitum tenaciter hæret, eosque pariter obstruit. Huic media quodammodo est materia, humore multo aquæo vel aëreo, sed tamen tenaci perfusa: citra manifestum calorem, in quadam calidi frigidique mediocritate. Eiusmodi est quod pingue appellant, quodque dulci est sapore, aut insipidum, nec acre, nec mordax, nec acicidum, nec salsum, nec amarum.

Attenuans medicamentum quod Græcis est *λεπτωτικόν*, crassos atque compactos humores incidit, comminuit & variè disiungit. Id faciliè penetrare oportet, ac proinde tenuis esse materix: siue pariter frigidum sit vt acetum, siue calidum vt piper. Cæterum quod in tenui materia calorem habet secundo aut tertio recessu estq; ferè sapore acti, id in attenuantium genere valentissimum est.

Incrassans quod Græcis est *πυκνωτικόν*, tennes fluxosque ac liquidos humores, consistentiores compactioresque reddit: hoc verò efficit dum crassa sua materia se tenuioribus illis permiscet, perinde ac si aquæ terra inferatur sitaq; lutum. Sita est hæc vis & facultas in crassa & terrena substantia, quæ aut frigida aut temperata sit, citra vllam acrimoniam.

Obstructione & infarctu liberans quod Græcis est *εξοφρακτικόν*, non simplex est & vniusmodi, vt neque vna atque simplex est obstructionis ratio. Sed vt hæc vel à lento vel à crasso sit humore, ita & quod obstructione liberat, vel detergens est vel attenuans, vel etiam interdum emolliens. Præcipuè autem infarctu liberans id appellare liceat, quod vnum potest omnia præstare. In his igitur posita est vacuum dorum humorum præparatio: at verò eam quæ corporis est, hæc præcipuè faciunt.

Leniens seu lauigans Græcis est *λαγνών*, asperas & summa facie inæquales partes æquabiliter implet, ac planas læuesque reddit. Exquisitè humidum, id est humore multo
aqueo

aqueo atque etiam aëreo abundans, in mediocri tamen & minus crassa quam glutinosa materia, quæ tamen humor ipsum cohibeat, nec dissuere sioat, ut melius implendis partibus atque lauigandis adhaereat. Estq. quemadmodum & glutinosum in quadam caloris frigorisq. mediocritate, omnis acrimoniæ & vehementioris qualitatis expers.

Exasperans *παραύων* Græcis, detergente nullo est validius, ut non solum sordida & aliena eluat, sed & partium quibus adherent substantiam corradat, & quadam inæqualitate duellat. Id certè vehementer siccum est, & calore quodam præditum, in mediocri tamen materia: hoc genere sunt centauryum minus, aristolochia, aloë & quæcunque vehementer amara sunt, salia & acria.

Aperiens medicamentum quod *ἀνατομικόν* appellant, vasorum ora referat, omnetque interiorum partium ductus, ut venas, arterias, vretes & intestina dilatat & amplificat: quæ coniuvent iunctæque sunt soluit, longiusque disungit. Id substantia est mediocri, sed tamen calida, ut altè penetret, nec immodicè sicca, ut commodius relaxet nec vias coarctet.

Occludens atque coangustans, quod venarum & artèriarum ora reliquosque corporis ductus coarctat, & in angustum adducit, Græcis est *συναντικόν*. Crassioris id substantiæ est, frigidum pariter & siccum, omnis expers acrimoniæ & amaroris, ut quod in austerorum adstringentiumq. genere primas obtinet.

Dissolvens *διαφορτικόν* dicitur, quod intrò sumptum detergendo & attenuando non solum obstructas vias aperit, sed & obstruentes humores in corporis summa impellit, eosque tandem vel sudore vel halitu dissolvit. Id autem substantiæ est tenuis & calidæ, ut detergendo attenuandò precelestimè penetret in omniæque subiecta: huic ex aduerso est cohibens, & tenuis humoris dissolutionem coercens: quod certè vel crassum omnino est vel oblenens. Deinceps autem quæ sit expositarum facultatum materia tradendum.

Frigida quæ aquantem & ferocientem bilem compescunt, inhihentq. putredinem. CAP. III.

FRIGIDORVM medicamentorum alia simpliciter refrigerant, vt lactuca, alia refrigerando acrium humorum impetum sedant, vt mali punici succus, alia attenuant & detergunt infarctūque liberant, vt cichorium: de quibus sigillatim dicendum.

Lactuca frigida est initio tertij, humida secundo, idque simpliciter citra adstrictionem aut vllius qualitatis excessum, cruda quæ estur, aquæ frigidæ modo refrigerat, ventriculi & præcordiorum æstum compescit, bilem feruidiorēque sanguinem frenat. Neque tamen vt aqua emollit, aut ventriculi præcordiorūve rebur soluit, sed nulla offensione pro succo feruido temperatiorem profert, cumque benignum ac probum. Ea temperatione somnum accersit, veneris insomnia coercet: ad quæ eius quoque semen vsurpari solet.

Portulaca frigida ordine tertio, humida secundo, sapore austero, bilis feruorem per febres maximè arduas atque malignas, eiūsq; ferocientis & concitatæ impetum sedat, & putredinem cohibet ne serpat longius. Ventriculum corroborat, eiusque vomitiones sedat, cum præsertim siti à bilis ardore exæstuat. Ventris quoque biliosas fluxiones atque dysenteriam sistit. Cruda acetariis expetitur, herbæ coctæ ius & interdum succus medicamenti, quorum penuria semen vsurpatur.

Plantago utraque frigida siccaque est ordine secundo, modicè adstringens folio & semine, radice quoque abigendis febribus peculiariter est efficax. Ea quoque bilis feruorem compescit, sitim sedat, etiam si vel decocti ius, vel stillaticius liquor ore contineatur. Sanguinis reiectiones aluique biliosos fluores & dysenteriam cohibet: at nihilominus iecur renēsque infarctū liberat.

Rosa frigida primo, sicca ordine secundo, leniter adstringens præsertim alba, rubra verò paulò minus frigida, sed sicca adstringensque magis. Quocirca bilis æstum retundit, confertque ad febres arduas & quascumque putrescens biliosus humor procreauerit. Ventriculum iecurque corroborat, & effluvia reprimi quibus per febres caput tentatur, eiusque dolores demulcet & somnum conciliat. Quod sapore non admodum iucundo sit, stillaticius liquor

quor huius in eadem non minori facultate accommodatur. Rosa pallida caloris est particeps atque siccitatis in tenui substantia, multoq; magis quæ moschata appellatur. Vtraque amara abstergensque, venarum, arteriarû ac præcipuè iocineris obstructions expedit, nec secus ac aloë crebro vltura venarum aperiens sanguinē prolicit: bilem flauam ferososque humores subducit, ac proinde morbo regio incipientisque hydropi non parum confert.

Omphacium vix acerbæ & nondum maturescens succus, frigidus est ordine secundo, siccus primo, austerus quæ admodum & fructus omnis crudioris succus. Estum omnem febriumque ardores valde compescit. Incipientes phlegmonas cohibet, putredinem coercet ac sitim extinguit. Ac nihilominus iecoris obstructions expedit, vt idcirco regium morbum scedosque colores abstergat: quæ dum præstat leni simul adstrictione ventriculum iecurque corroborat, nec vt acetum acrimonia ferit.

Cerasium quod rubrum subacidumque est, frigidum ordine secundo siccumque primo est, languenti stomacho confert, appetentiam excitat & sitim extinguit. Eius succus quum vini modo expressus deferbuerit sæcemque deposuerit, in annum asseruatur, febrium demulcet ardores estuantique stomacho auxiliatur & odoris suauitate cor exhilarat. Et (quod cæterorum acidorum austerorumque commune est) serpentem putredinem cohibet. At qui è dulci cerasio exprimitur, stomacho nocet, estque mali succi febricitanti prorsum insensus.

Ribes fructus Arabibus appellatus è suo frutice racematim propendens, subacido dulciq; sapore, acidum cerasium suauitate superat, nihilo facultate inferior. Eius succus frigidus & siccus ordine secundo, acidus acerbusque ac leniter adstringens, in annum quoque asseruatur: acutus febribus opitulatur earumque putredini resistit, cardiacis confert, vomitum & biliosum alui profluium sistit, appetentiam mouet, sitim sedat, sanguinis feruorē demulcet & bilis acrimoniæ domat, erosiones & vellicationes eiusdem tollit.

Mali punici acidi multo quam cerasij aut ribis succus est acerbior & adstringentior, sed insuauior. Quocirca bilis ardorem aluique profluium efficacius compescit, acutarum

feoriorum non putredinem modo sed & malignitatem coërcet, earumque acrimoniam strenuè retundit, syncopas stomachicâsque defectiones arceat, viscerum substantiam roboratione tuetur.

Mali medici seu citrij, limonij & arancij succus acidior est quàm punici & acerbior, minus tamen adstringens. Minus quoque vomitiones aut aluum sistit aut syncopas tollit, aut viscerum robur seruat: febrium tamen acrimoniam & malignitatem, earumque concitatorum materiâ non minus frangat atque demulcet. Præterea tenuitate quadâ vias duâsque expungat, calculosis renibus opitulatur.

Oxyacanthæ quàm mali punici succus, frigidior acerbior adstringentiôrque habetur, & quamvis insuauior minusque cardiacus sit, ferocientem tamen febrium humorumque cohibet: validius verò bilis impetum, hincque ortam diarrhoeam & dysenteriam alâsque eius fluxiones sistit atque coërcet.

Acetum frigidum atque siccum ordine secundo, licet tenuissimè & alè penetraret crassosque humores extenuet, cretâsque obstruções expedire, pariter tamen non medioctiter humores cohibet. Hinc alui profluuia & sanguinem vnde cumq; manantem, incipientesque inflammationes & suppurum & admodum arceat: bilis quoque impetum sedat temperatque febrium æstus, sitim extinguit, appetentiam mouet, nauisam tollit. Perientia medicamenta prægnantibus tutiora reddit. Quæ dum præstat in humoribus ipsam tamen viscerum partiumque substantiam vellicat & ferit, neque his æquè ac superiores succi robur tuetur.

*Frigida medicamenta quibus attenuandi detergendiq;
Vis inest. CAP. IIII.*

INTYBI genera quatuor quæ nuncupantur feriola, intybum latium, intybum agreste & cicetibæta, omnia quidem frigida atque sicca gradu secundo, & aliquanto validiora agrestia quàm latius. Omnia sanguinis humorumque feruorem leniant & veneris appetentiam extinguunt. Simuletian quoniam amara sunt & detergentia, viscera maximèque icteru infarctu liberant, absumuntque aut dissipant collectam in illis biliosam illuuiem, viuidumque faci-

eiei colorem reddunt. Ad hæc verò adstrictione quadâ stomachum propriè autem iecur atque renes corroborant, ut ne assiduo illorum præsertim cichorii, quod intybum est agreste, esu vel potu quisquam incommodum perceperit.

Oralidis quæ Latinis rumex appellatur & quæ frigida atque sicca est secundo recessu, vis præcipua est in radice deinde in folio. Licet nullo sit amarore prædita, iecoris tamè primum ac præcipuè, deinde lienis atque renum infarctus tollit. Hinc regium morbum emendat, lienem discurtit, arenulas expurgat, & menses ciet, moderatè quidem omnia. Semen verò leniter adstringit & corroborat: hinc alui profusio & stomachi vitia potum sanat.

Cucurbitæ, cucumeris, melonis & citruli pulpa frigida & humida ordine secundo, quæ quoniam improbum succu gignit ac faciliè corrumpitur, raro in artis remedia vsurpatur. Semini præcipua vis est, quod integrum si coquitur, musculo refrigerato modicè siccatur, incidit & abstergit, ut etiam lentes in facie delect, ac propterea iecur ac renes expurgat urinæque ciet. Quod verò expurgatum fuerit, tritum aquaque hordei exceptum sanguinis & urinæ ardores lenit minusque siccatur.

Lichen vulgò hepatica dicta refrigerat & siccatur ordine primo ut & inflammationes compescat, moderatè abstergit & regium morbum sanat. Ad hæc tamen omnia quam intubigenera ignavior: cæterum hepatis familiaris atque vernacula.

Trichomanes, polytrichon, callitrichon omnèque adiantigenus calore quodammodo temperatum est. At modicè siccatur, exsiccatur ac digerit. Quocirca crassam glutinosamque pulmonum pituitam expellit, confertque asthmaticis, sentiamque & visceribus adhaerentem bilem eluit. Hinc ictericis succucut, hydropicis lienosis, nephriticis, horumque calculos terit ac menses mouet. At nihilominus venarum fluxiones colibere Dioscoridi creditur.

Gramen & asparagus moderatè refrigerant, siccant atque etiam abstergunt. Hinc iecoris & renum obstructions aperiunt profusæque regio morbo correptis & nephriticis. Gramini præcipua vis in radice: asparago in radice atque in semine cuius & cauliculi eduntur crudi.

Eupatorium quod agrimonium appellant folio atque semine commendatur. Incidit detergitque, ac modicè adstringit nullo manifesto calore. Propriè autem iecur, deinde omnia quoque viscera in farctu liberat seruato eorum robore. Febris diuturnis morbisque ex obstructione profectis mirè succurrit,

Formula potionum qua ex his simplicibus in rem presentem præscribi solent. CAP. V.

SIT IM quæ per summos æstus aut per febrium ardores vehementer excruciat, aqua in primis compescit quæ pura sit, levis & omnis alieni saporis ac odoris expert: qualis è purissimo fonte per saxa & arenosa rapidè profluit. Quæ tamen ampliùs extenuari leuiorque reddi potest, vel agitatione vel transfusione crebra: immersa etiam interdum cibarij panis medulla, quæ fermenti acrimonia illam seruato sapore emendet. Quæ diu igne ferbuerit in fictili mundo & si tenuem de se vaporem multum expirauerit, attenuata tamen est leuiorque facta, sed minus frigida, quòd igneain quandam in se vim conceperit: neque pristina suauitatem retinet, quòd contrarij ignis vi immutata sit, & de sua natura decesserit. Vt autem tutiùs & citra viscerum offensionem pro potu ac vice vini sumi possit, in ea integrum hordeum incoquitur dū crepuerit: vel glycyrrhiza vel vua damascena vel corinthia vel saccharū, cum præsertim villa est pectoris affectio, adiecto sub finem cinamomi momento si ventriculi robur seruandū est. Quod si acida magis delectat, aut nausea & animi defectio dulcibus proritur, aut ferociens humor frenandus est, aut viscerum robur conferuandum, in ea vel mali punici expurgata grana incoquantur, vel medici citriue mali pulpa, vel cerasia, vel vua acerba, vel oxyacanthæ baccæ: aut certè horum expressus defæcatusque succus aqua cocta & refrigerata, eo modo diluitur qui ad laboratīs palatum faciat. Sic enim seruatur aque refrigerandi facultas, & eius mollities qua tandē ventriculū visceraque relaxat atque debilitat, emendatur. Itaque per febres ardentes atque pestilentes eiusmodi potiones his conferent qui ventriculo & visceribus sunt imbecilles, & qui

& qui nausea aut animi defectione aut alui profluvio, aut maligna putredine, aut immodica virium spirituumve dissipatione laborant. In diuturnis porro febribus & in cæteris morbis quos iecoris lienisve calidior intemperies aut vetus obstructio etiam cum tumore progeniit, ut in ictero, in cachexia, in leucophlegmatia, in diuturno alui profluvio, si vino parcendum est, ut plerumque licet, pro potu erit iusculum radices graminis, aut oxalidis si præstantius desideratur, aut cichorij si præstantissimum. His enim citra ullum incommodum servatoque robore, iecoris quæ dixi mala tolluntur: quemadmodum & lienis vitia radices buglossi aut asplenij herbarum aut corticis tamarisci iusculo. Medicaræ verò potiones ad sitim, bilis æstus ac fervorem & ad febrium ardores earumque arcendam putredinem, ex asseruatis iisdem succis & ex aquis stillationis sic sunt iulepi formulæ in rem præsentem. ℞. Aquæ rosarum stillatiæ ℥ j. sacchari clarificati ꝑ iiiij. bulliant igne lento dum exquisita sit permistio. Utendum ex modo pari aut duplo aquæ coctæ refrigeratæ. Alius. ℞. Aquarum stillationum endiviæ & rosarum an. ℥ ss. sacchari albi ꝑ iiiij. coquantur modicè in iulepi consistentiam. Ex aqua portulacæ vel plantaginis similes quoque comparantur cum præsertim aliis profuit. Iam verò si acidi iulepi usus fuerit necessarius, seu propter nauseam & animi defectionem, seu ut bilis fervor putredine coërceatur, acidus succus quicumque videbitur ad rem accommodatior defæcatus in iulepum sub finem indetur, ne fervore exoluatur aciditas. ℞. Aquæ rosarum, succi limonum, succi granatorum, sacchari albi an. ꝑ iiiij. lentè coquantur dum despumaverint. Aut: Iulepi rosati, succi limonum, an. ℥ ss. misce in eisdem usus.

Dilutior verò hic fuerit, qui habet aquæ fontanæ ℥ j. aquæ rosarum, succi limonum, succi granatorum, sacchari albi an. ꝑ iiiij. coquantur dum despumaverint. Ex aceto quoque vel omphacio sic fiet. ℞. Aquæ purissimæ ℥ j. aquæ rosarum, sacchari albi an. ꝑ iiiij. aceti sub finem iniectionis ꝑ iiij. vel omphacii ꝑ iiiij. coquantur in iulepum. Hyeme verò vel in succorum penuria, syrupi pharmacopolio asseruati aquæ coctæ quadruplo diluuntur. Eiusmodi sunt syrupus è limonibus, è succo citrij, è granatis acidis, ex omphacio, deri-

bes & è succo oxalidis, syrupus acetosus & oxysaccharum simplex. Hæ igitur portiones biliosis febribus tum intermittentibus tum continuis seu ardentes seu pestilentes eæ sint, accommodari solent. Cæterum noxiorum atque feruentium in illis humorum præparatio, aliis perficitur medicamentis, quæ refrigerando pariter detergant & attenuent: bilis enim tametsi feruida, plerumque tamen tenax crassaque est, velut in fellis cystis nonnunquam & per has febres viscerum tenuiūque venarum obstructio à pituitosis & obduratis est humoribus. Tum igitur apozemate infarctus tenendus, quod ex his aut ex horum quibusdam constet. *℞* Radicis cichorii, oxalidis, graminis & asparagi an. \mathfrak{z} \mathfrak{ss} . endiuia, seriola, agrimonij, hepatica, polytrichi, callitrichi, asiantij albi an. m. j. seminis cucurbitæ, cucumeris, melonis & citrulij an. \mathfrak{z} ij. coquantur ex aquæ lb ij. ad dimidias. Colato & expresso iuri adde sacchari albi \mathfrak{z} iij. fiat apozema clarificetur & aromatizetur \mathfrak{z} ij. santali citrini, vel santali citrini & cinamomi an. \mathfrak{z} j. Si qua fortè malignitatis suspicio inest, arcerica simul poterit adiectis radicibus tunicis & tormentillæ, seminibus citrij & cardui benedicti, & limonium succo: de quibus tamen posthac plenius.

Autumno quum iam herbæ marcescunt, aut hyeme quoniam frigiditas tam arefactis vis nulla manet, radices ac semina sic debent in apozema conferri.

℞ quatuor radicum frigidarum an. \mathfrak{z} \mathfrak{ss} . quatuor seminum frigidorum maiorum, sc. endiuia lactuca & asparagi an. \mathfrak{z} j. Coquantur ex arte ad quartaria tria. Colatis adde sacchari albi \mathfrak{z} ij \mathfrak{ss} . fiat apozema clarificatum & aromatizatum. Si res acidum fieri postulet, radices horis quatuor in aceto macerentur, aut sub coctore sinem affundatur aceti pars octaua. Nonnunquam & sacchari vis syrupus aliquis diluitur in apozemate ut syrupus de cichorio, de endiuia, de limonibus nonnunquam iusculum si non admodum ingrati fuerit nulla sacchari syrupiue permissione datur, ut quod habet radicibus graminis, asparagi & oxalidis an. \mathfrak{z} j. sem. endiuia & melonum an. \mathfrak{z} ij. Coquantur ad lb j. ius coletur in rempessentem. Cum non facile suppetet apozematum materia, syrupi in usum attenuati diluentur duplo triploue aquæ coctæ, aut liquoris cuiusdam conuenientis. Etiusmodi

suat

sunt syrupus è cichorio simplex, syrupus de endiuia & syrupus bizantinus: qui omnes etiam à purgatione derelictam iracundiam emendant & exiununt.

Medicamenta quibus bilis atra domatur & quibus preparatur. CAP. VI.

QUAE porrò medicamenta ad atram bilem aut etiam ad ei finitimam caeruleam aut æruginosam (quæ ex præassata citrina aut prassina fiunt) conferant, si domanda ea fuerit, ea ipsa vsurpentur acida quæ supra dixi flauæ bilis acrimoniam conspire atque frenare: etenim crebro vsu atræ perinde ac flauæ bilis symptomata lenient. Sin verò feruor minor fuerit qui leniri duntaxat postulet, hæc peculiariter conuenient.

Viola purpurea frigida ordine primo, humida secundo aquea & emolliens, feruidos acrésque humores temperat, lenit atque subducit, siccam exustamque bilem & qui ab hac fiunt capitis dolores consopit, somnumque accersit, cordis tardia depellit.

Buglossum utrumque tum hortense quod borrago appellatur, tum agreste calidum humidumque est ordine primo. Eadem quæ viola confert ac præterea animum lætitia & hilaritate perfundit, discutitque melancholicorum imagines & spectra.

Malorum fragrantium succus ut odoris suauitate correficit, ita & quicquid hinc infectum est præsertim verò bilis atræ fuliginem domat: suæque substantia illius materiam diluit & mitificat: cordis palpitationem arcet.

Citrugo quæ & melissophyllon, calida siccaque recessu primo. Demulcet quoque atram bilem: confert ad timores & tristitias quæ occasione nulla ex atræ bile suscitantur, lætæque facit somnia. Simul quoque aliquantum detergit.

AT verò quum bilis atra ad purgationem præparanda erit, medicamenta quæ ipsi præparandæ conueniunt, si feruidior ea acriorque fuerit, ex his consent quæ mox subiciam: sed quæ tamen frenantium quæ dixi inmissione temperata sint. Si verò lenæ crassa atque terrena ea fuerit, & tanquam fax limutque sanguinis nullius sit caloris participes,

ceps, vt in lienis tumore & morbis diuturnis inde pfectis, iis quæ sequuntur solis ad purgationem præparabitur.

Fumaria calida primo ordine, sicca secundo, modicè acris & amara: viscerum omnium obstructiones tollit eaq; corroborat, exustos humores blandè ac sensim expurgat, sanguinemque puriorem reddit: vrinam biliosam & multam commanducata aut pota ciet: diuturnis febribus ex viscerum obstructione & morbis omnibus ex sanguinis impuritate remedio est: corpus enim & humores à putredine vindicat.

Lupulus calidus primo recessu, sicca secundo, cauliculus & flore insignis, lienem præsertim ac deinde cætera viscera infarctum liberat, vrinasque mouet: fumariam facultatibus omnibus æmulatur, sed saporis molestia minore.

Cassia quæ vulgò cuscuta, primo ordine calida, sicca secundo, amaroris adstrictionisque particeps, melancholiam tum herba tum semine propriè incidit atque detergit, obstructum lienem expedit, deinde & iecur, arquatūque nigrum & febres lentas diuturnasq; pellit, quandoquidem venas omniaq; vasa à putridis humoribus expurgat, seruat ventriculi & reliquorum viscerum robore.

Scolopendrium quod est asplenium, quòdque ceterachum appellant, nulla saporis insuauitate, folio solo lienem diebus quadraginta absumit, fœdumque ex obstructione colorem detergit, atq; calculos etiam in vesica comminuit.

Polypodium moderatè calfacit, siccatur vehementer, dulci simulq; austero sapore præditum: lentos & crassos humores terget & expedit, atram crassiorēq; bilem sensim expurgat, Nimia autem eius austeritas leniente & humectante quopiam, vt gallinaceo iure, mollienda est.

Capparis cuius florem ac radicis corticem vsurpant, calidus siccusq; est tertio recessu. Attenuat detergitque adstrictione leni, coctus appetentiam excitat ac ventriculum recreat, lienis prædurum tumorem dissoluit, præcipuè cortex aridus tum sumptus tum admotus: eumque diebus quadraginta colliquare traditur. Iecoris quoque obstructionibus non leuiter succurrit.

Tamariscus calidus est & siccus principio gradus secundi, incidit abstergitque. In id primas tenet virentis succus apprimè efficax, ab hoc est cortex, deinde flos ac folia, postremo

mo loco lignum: huius decoctū peculiari facultate lienem validissime comminuit prodestq; morbo regio cōsumptis.

Epithymus calidus siccusq; ordine tertio, incidit ac leniter adstringit, melancholiam extenuat ac lienem validè expurgat morbisque omnibus eximiè confert illius vitio prognatis. Sed tamen sitim æstumq; suscitatur quāmobrem vuar passæ, violis aliisq; lenientibus permiscendus.

Ex his compositiones in rem præsentem fient quæ ad hypochondriacam melancholiam, ad maniam, ad cordis palpitationem & cæteros ex atra bile affectus cōferent: ut iulepi ex aquis stillatitiis violarum, buglossi utriusque, melissæ & fumaris. ℞. Stillatitarum aquarum violarum, buglossi, borraginis an. ʒ iij. succi malorum redolentium, sacchari albi an. ʒ iij. fiat iulepus sumendus ex pari portione aut ex duplo aquæ hordei. ℞. Florum violarum, buglossi, borraginis recentis, florum pomorum redolentium & melissæ an. m. ij. macerentur horis duodecim in tb duabus aquæ tepidæ. In expresso dissolue sacchari albi tb ʒ. fiat iulepus lenissime coctus.

Apozema ex earum herbarum radicumque decocto ad crassam & fæculentam melancholiam, ad lienis obstructiones atque tumores, ad quartanam omnesque affectus melancholicos. ℞. Radicum buglossi, polypodij, querni an. ʒ ʒ. corticum capparis & tamarisci an. ʒ iij. cymarum lupuli, fumaris, melissæ, cassuthæ, scolopendrij an. m. j. fiat decoctum ad tb j. in quo dissolue sacchari ʒ iij. coquantur in apozema clarificatum.

*Calida medicamenta simplicia frigidos humores
preparantia. CAP. VII.*

CALIDA tum præcipuè ex usu fuerint quum corpus vel nimio perè refrigeratum, vel frigidis pituitosisque humoribus confectum existet. Ex his autem alia probum vilè etque succum progignunt, alia crudorum concoctionem adiuuant, alia superuacuos ac pituitosos humores attenuant, detergunt & ad purgationem præparant. Primi quidem generis sunt calida alimenta, quæ quoniam boni sunt succi, nativum calorem augent simulque vilè cali-

dum succum generant. Inter quæ primas tenet vinum generosum, deinde auium quadrupedumque salubriorum carnes, sorbillum ouorum vitelli, vicia passa, strobili id est nucis pinei, pistacia. Calida verò aromata & quæcunque post hæc tradentur suo calore partium robur augere earumque insitum calorem fouere atque suscitare, crudorum concoctionem complent. At verò quæcunque calida substantiæ tenuitate crassam pituitam incidunt aut lentam detergunt, ut inde profluentior euadat, ea ad purgationem præparantur: in quorum censu hæc præcipue numerantur.

Apium præcipuam vim obinet in radice, deinde in semine; censetur secundo calidorum ordine, tertio siccantium. Venarum, arteriarum renumque, obstructions abstergendo, attenuandoque soluit flatusque discutit. Sed epilepticis (ut quorum paroxysmos irriter) & foetui & mulieri lactantii iussum.

Petroselinum tertio est ordine calidorum ac siccorum, cuius etiam vis in semine atque radice. Externuat, aperit, menses vitæque ciet, obstructions tollit, & flatus extinguit. Secundas & mortuum foetum educit recens potum aut vuluæ suppositum.

Feniculum semine valet & radice, estque tertio gradu calidorum & secundo siccorum, viscerum renumque; infarctus expurgat, torminaque sedat quam prædicta tutius & validius.

Betonica calida siccaque recessu secundo, incidendi detergendi que vi prædita stomacho laboranti prodest, eiusque concoctionem iuuat, pulmonis, iecoris lienisque vitia expurgat, menses ducit. renum lapides exterit, regium morbum sanat, omnibus denique obstructionibus expediendis & cum febre & sine febre accommodatissima.

Hyslopum solo folio valet, quod calidum siccumque est ordine tertio, tenuium partium: præcipuam vim habet attenuandi & detergendi humorem crassum quem per aluum etiam exigit, sic viscerum omnium sed maxime pulmonum obstructions expedit crassamque eorum pituitam.

Prassium quod & marrubium album appellant, (nam nigrum quia foetidum intro nunquam sumendum) folio ac semine secundo est calidorum ordine, tertio siccorum, quod quia tenue & amarum est, iecur, lienem, thoracem, vterumque

que validè expurgat & obstructions liberat. Id tamen cen-
suit Dioscorides renibus ac vesicæ nocere.

Stoechas calida sicca primo ordine, subastringens & me-
diocriter amara, extenuat, detergit, omniaque viscera ob-
structione liberat simulque corroborat, & eorum putredi-
nem arceat.

Origanum folio atque umbella eo quo prassium ordine
vniuersas obstructions aperit. Hinc tussientibus & peri-
pneumonicis ictericisq; cõfert, lienosis atra deducit, men-
ses quoque ciet. Crudo etiam nausæabundòque ventriculo
efficax.

Calamintha præcipuè montana eodem quoque ordine
incidendo abstergendoq; infarctus omnes expedit, vrinas
ac menses expellit, regium morbum & asthma expurgat,
corpus sudore digerit, elephanticis, quia crassos humores
extenuat, cutem calfacit, mordet, sugit, postremò vlcerat,
remedio est. Prægnantibus verò suspecta, quandoquidem
seu pota seu admota conceptum interimit ac eiicit.

Pulegium eodem caloris siccitatisque est ordine: crassos
humores extenuat & lentos, quia subamarū detergit, cra-
ssam pulmonum pituitam & lienis atram bilem educit, mē-
ses secundasque pellit, ventriculi cruditates nausæamque
compefcit.

Satureia quæ & thymbra pulegij vires proximè imitatur.

Thymus calidus siccusque ordine tertio, strenuè incidit,
viscera omnia potu expurgat, maximè verò pulmones atq;
thoracem. Menses quoque ciet, sed fœtum expellit.

Chamædrys quasi pusilla quercus calida sicca tertio or-
dine, crassos lentosq; humores incidit & terget, atq; visce-
rum obstructions expedit vrinasq; & menses ciet.

Chamæpitys sicca tertio ordine, calida secundo, eadem
quæ chamædrys efficit, & peculiariter regio morbo corre-
ptis & arthriticis auxilio est, ab odore pius & similitudine
quasi punila pinus appellata.

Rubia radice atq; semine pollet, calida ordine secundo,
sicca tertio. Eximia detergendi facultate insignis, quæ i-
ctur, lienem, renes atq; vterum exquisitè purgat. Nam icterum
sanat, lienem absumit, vrinam crassam atque copiosam
nonnunquam & cruentam mouet, menses ciet, appositq;

secundas foetumque detrahit: vt proinde minimè sit tuta pragnanti.

Centaurium minus calidum siccumque gradu secundo, folio ac flore vtile. Iecoris, splenis, renum & vteri obstructions vehementer adeo soluit, vt etiã tamen immoderato vsu sanguinem atq; etiam pragnanti foetum excludat.

Gentianæ radix calida siccaque ordine secundo, summè amara. Terget, tenuat, purgat & obstructions liberat, eadem quæ centaurium ac multo etiam validius præstat.

Aristolochia præsertimq; rotunda calida atq; sicca tertij gradus initio, radice ad omnia que dixi superioribus quoq; est efficacior, adeoque validè cerebri & pulmonum lentam putremq; pituitam expurgat, vt epilepsia ab utero, tussi & asthmati eximie conferat, & interiores rumpat abscessus: sed abortum quoque prouocat.

Aloë calida siccaq; ordine secundo, adstringens & amarissima, ventriculum impensè roborat, quæ præsertim lota fuerit: lentam crassamque pituitam extergit, & omnes omnium viscerum obstructions validè adeo soluit vt & venas corradat & earum oscula crebriore vsu referet & sanguis emanet, quum præsertim extenuantiũ medicamentorum permistione exacuitur, idque non amare solum, sed purgandi quoque vi, qua quod deterfit protinus expurgat detrahitq; in aluum. Crudos humores & superuacuos absorbet, cæteros à putredine tuetur.

Nunc autem extemporaneas aliquot ex his compositiones exempli gratia subiiciam, quæ lentam crassamque pituitam appatent, contumacesq; obstructions expediant. \mathcal{L} aquarum hyssopi, feniculi & betonicæ an. \mathfrak{z} iij. sacchari albi \mathfrak{z} ij. fiat iulepus clarificatus & aromatizatus \mathfrak{D} iij. cinamomi. Apozema, \mathcal{L} radicum apij, petroselini & feniculi an. \mathfrak{z} ss. hyssopi, betonicæ, origani, satureiæ an. m. j. coquantur in hydromel. ad \mathfrak{f} j. decoctum coletur deturque ad \mathfrak{z} iij. Calidarum enim herbarum vis purior atque validior in hydromeli quàm in aquam transfertur, hebescit enim si aqua permista sit.

Si acidum magisq; penetrans apozema esse conueniet, radices horis sex macerentur in acri aceto. Validius id autem reddetur si rubiæ radicem, prassium, calamintham, thymum

thymum aut pulegium habeat, sed in suavius & gestanti in vtero mulieri suspectum. Id hyeme perinde ac aestate comparari commodè potest, quòd calidæ stirpes exaresfactæ calcificiendi, incidendi detergendiq; integræ facultate minimè frustrentur. Quapropter veteres vice apozematis aut syrupi hyeme aridas herbas in exquisitum læuorem tunsas dabant ex hydromelite. Hyeme quoq; in apozemata conferuntur semina anisi, apij, petroselinij, fœniculi.

Si magna attenuandi & in distantissima quæque penetrandi vis desideratur, hæc ex gaiaci iusculo seu cocta seu in puluerem redacta offerantur apozematis specie, maximè in frigidis artuum & articulorû morbis: promotis quidem sudoribus si vitium in summo est corpore, aut sine his si in viscere reconditur. Si vetustior ac contumacior fuerit interiorum viscerum obstructio, minimè ciendi erunt sudores: sin vitium in summo sit corpore, purgatione præmissa cieri vtiliter poterunt. Ex cæteris simplicibus quæ postremo loco inter valentissima recensui, compositiones & ad menses ducendos & atterendos calculos præstituri solent.

Purgantium medicamentorum materia. CAP. VIII.

Nunc quæ medicamenta præparatos iã humores exigant è corpore omnemq; impuritatem tollant, proposita iam serie tradendû. Eorû autem quæ corpus quouis modo seu sursum seu deorsum versus exinaniunt, alia id quadam materiæ conditione, alia formæ & totius substantiæ proprietate, alia vtriusque præstant. Solius materiæ vi emolliendo quidem & leniendo aluum subducunt, oleum & butyrum, malua, althæa, viola, mercurialis, pruna, psyllium & huiusmodi plurima: quæ quoniã formæ proprietate prorsus destituta sunt, inter purgantia neutrquam recenseri solent, quemadmodum neque hydrelæum, quod tamen vomitiones ciet. Etcotonea mala comprimendo obuias partes sic coarctant & adstringunt, vt humoris in se reconditi non parum eructent & exprimant: Myrobalanos tamen eadem quoque vi purgare cum Mesue non affirmem. Et enim si peculiari quodam instinctu hunc quàm illum potius humorem prolecent, atque vt fateatur, myrobalani citreæ

bilem, cepula pituitam, inde melancholiam ducant, ea vacuandi varietas non ab adstringente materia quæ vna omnium est communis, sed à cuiusq; formæ proprietate proficiscitur: quanquam non dubito eorum materiam obuios humores quos attingerint adstrictione sua depellere. Quædam igitur formæ proprietate quodammodo prædita hæc sunt. Tertia porro quæ peculiarem quandam humorem insita duntaxat proprietate trahunt, alia vomitione alia deiectione purgant. Et vomitione alia blandè vt semen attriplicis & raphanus: alia mediocriter vt asarum: alia molestè vt elleborus. horum verò quæ aluum mouent, alia bilem flauam, alia melancholiam, alia pituitam, alia humores tenues aquososque deiciunt. In vnoquoque genere quædam imbecillius, quædam validius id præstant. Bilem blandè purgat rheubarbarum, valentius scammonium: pituitam modicè agarius, validè turbitus aut colocythis: melancholiam facilè senna, molestè elleborus niger: aquosum humorem moderatè iris vel cucumer agrestis, immoderatè & impetu daphnoides. Neque solum ex viribus & energia, verum etiam ex agendi ratione horum differentiarum existunt. Nam licet rheubarbari tanta portio sit, quæ pares atque exigua scammonij portio vires obineat, non tamen similiter & ratione pari ager: neque potest rheubarbarum quantumuis auctum scammonij rationem & naturam imitari, neque scammonium quantumuis imminutum rheubarbari conditionem sortiri. Inest enim præter communem & alia sua cuique proprietas indiuidua quam in alio nusquam reperias: hanc ex veterum monumentis nosse aut vsu inuestigare decet. Quæ in vnoquoque genere imbecilliora sunt, è proximis sedibus expurgant, ex ventriculo, intestinis, mesenterio, iecore & ex liene: validiora è distantioribus magna vi extorquent. Cæterum vt humorum ita & purgandorum locorum certior cognitio ex medicamenti natura capi debet, quæ vt cuipiam humori, ita & cuipiam parti expurgandæ addicta est & accommodata. Capiti agarius, pectori cassia fistula, ventriculo & intestinis aloë, iecori rheubarbarum, lieni senna, articulis hexmodactyli proprietate affines sunt, quæ & eò vim suam dirigunt & inde potèntius trahunt. Hæ summæ sunt purgantium me-

dica-

dicamentorum vires ac differentias, quas deinceps sigillatim persequemur.

Qua bilem flauam ducunt, Græcis cholagoga appellata. CAP. IX.

MANNA quæ & mel roridum, calida ordine primo, leniens lenitèrque extergens, citrinam bilem creditur blandè expurgare, idque nulla offensione virium. Quocirca infantibus bimulis aut etiâ iuniorib⁹ dari potest duarum triûmve drachmarû pondere, hordei aut pulli iusculò diluta: adultis verò & ætate florentibus tres vnciæ aut non satis, aut parum commodè aluum subdlexerint.

Castia fistularis calida humidaque primo ordine, lenir, emollit & laxat: bilis acrimoniâ febrîumq; æstus obtundit, sitimq; sedat, sed flatus excitat. Infantibus sesquidrachmæ, adultis verò imbecillis aut etiâ prægnatibus vnciæ, validioribus sesquinciæ pondere, flauam bilem aluo leniter detrahit. Crassam verò pituitam etiam si contigerit, quia lubrica celerimè præterfluit, ignauius expurgat. Datur itaq; pulmonum thoracisq; affectibus leniendis, iecori bile æstuant, febri ardenti, præsertim si squalidû corpus est aut æstuosum cælum: datur quoq; renum & vesicæ ardoribus. Ventrículo tamè humidiori, laxiori, nauseabundo, ac imbecillo, quemadmodum & profluenti aluo infensa.

Rosarum rubrarum ac præcipuè pallidarum succus calidus siccusque ordine primo, amarus, detergens, & obstructions expediens. Bilem ab aluo atq; aquas citrinas manifestè ducit. Permiscetur autem conuenienter vel sero lactis, vel saccharo syrupi specie, cuius dosis est à sesquinciâ ad vncias tres. Accommodatur autem propriè obstructo iecori, ictero, cachexiæ, incipienti hydropi, febribusque lentis: prægnanti parum tutus, quòd venas plerumque referet.

Rheumbarbarum calidum siccûmque ordine secundo, amarum, crassiore substantia adstringens atque corroborans, tenuiore verò detergens ac purgans. Educit flauam bilem atq; pituitam. Tenuis eius portio purgandi que vis coëctura dissipatur atque disperditur: sincera verò elicitur in extenuante quodam liquore macerata, adiecto vino albo & cinamomo: cuiusque siccitas & adstrictio humectante

aut leniente syrupo vel alio liquore lenienda. Infantibus, pueris, senibus, prægnantibus & ex morbo iam imbecillis familiare ac tutum. Lactantes pueros drachmæ vnius pondere purgat, eiusq; diluti summum pōdus est drachmarum trium. Februm omnium materiam blandè subtrahit, iecur propriè expurgat, idque strenuè corroborat, & eius obstructions incipientesque scirrhus dissolvit, icterum & cachexiam sanat, ventriculū quoq; conuenienter expurgat & firmat, idque mitiùs quàm aloë. E distantioribus verò sedibus noxiū vix humorem prolestat: validiorib⁹ & quibus crassi humores per angustas vias ex alto sunt educendi minus congruit, quòd adstrictionis vestigium purgādo relinquat, sed & iis aduersissimum est totum & cum magmate datum. Hoc autem summè confert vomitioni, lienterix, dysenterix, sputo cruento, sanguini vndeunque erumpenti, ruptis atque contusis: propriè verò assum & ex plantaginis succo haustum.

Aloë deligenda substatia mediocris, nam quæ tenuis est & perspicua, ignauior existit, bilem pituitamq; crassam expurgat, sed lentè ac præcipuè è ventriculo & intestinis, easque partes detergendo vacuandòque corroborat. Datur à ʒ j ss ad ʒ iij. Huic autem permisceri debent quæ vim eius stimulent, cinamomum, macer, aux moschata, spica, caryophylli: & quæ eius acrimoniam exlesionemque retundant, tragacantha & mastiche. Confert autem propriè nausæ, cruditati & quibus aut ventriculus aut præcordia multo crudo conferta sunt humore, voracibus, frigidis humidisq; corporibus: hæc enim abundè siccant, vix tamen è partibus quæ supra iecur sunt quicquā detrahunt in aluum. Nocet hepatis vt cuius tenues venas amarore & acrimonia vellicet, podicem corradit, aperitque hæmorrhoidas. Aduersissima igitur iis qui sanguinem aut vomunt aut excreant, aut quouis modo ex aluo aut vtero profundunt. Deinde etiam calidis, siccis, extenuatisque corporibus, nisi quum ingens est humorum excrementorum proventus. Nec puero apta, nec prægnanti tuta, nec seni excrementis vacuo utilis.

Scammonium calidum siccumque ordine tertio: acre penetrans & conturbans. Bilem tenuem atque citrinam ex vniuerso corpore simulque aquam citrinam ac serosos humores

mores trahit. Quúmque vis eius quasi furens & effrenata sit, promptè quidem ac citò & è distantioribus vacuat, neq; tamen crassiusculos villos humores, seu pituitosos, seu biliosos qui circum præcordia ac viscera concreuerunt & obhærent euellit, sed effectum quasi præcipitans & accelerans, eos duntaxat qui tenues sint & fluxioni apti humores secum rapit: idque tum ex abdomine vt hydropicis, tum è venis & è summo corpore, ac inde pauca succedit emiçtio. Nec puero, nec seni, nec prægnanti, nec imbecillo conueniens, nec ardète febre aliòve acuto affectu iactato: sed robusto duntaxat, qui ætate sit valida & vniuersa purgatione indigeat. Eius tamen nonnihil imbecillis interdum pharmacis vtiliter permiscetur, vt eorum aut tardio rem vim acceleret, aut sopitam extimulet. Opere quidem vniuersum corpus concurbat, calidos humores inflammat, paratis febrem accendit, visceribus principibúsq; partibus qualitate maligna infensum. Quocirca non syncerum sed temperatum retusumque datur, vt ea permistione quam diadacrydion appellant. Fit autem hunc in modum. Scammonium lauatur & concutitur in aqua rosarum, in qua prius incoquantur cortex myrobalani citreæ, spica & cinamomum. In hac horis viginti quatuor maceratum tandem siccatur, deinde diluitur excipiturque oleo amygdalarum dulcium cum pauca tragacantha, ac demum coquitur in cotoneo malo acido expurgato, ac massa diligenter oblito. Quibus conuenit datur diadacrydion à ḡ vj. ad xij.

Que atram bilem detrahunt, melanagoga propterea dicta. CAP. X.

SENNA calida siccaque initio gradus secundi: folliculis & semine quàm folio præstantior, subamara abstergensque est: melancholiam retorridam, bilem atque crassam pituitam commodissimè purgat, non statim è distantioribus locis, sed præcipuè è liene, deinde etiam ex aliis visceribus, ex hypochondriis & mesenterio, in quibus omnis est illuiei sentina. Ex iis enim sedibus vix aliud quicquam æquè validè corruptos atque crassos humores proliciat, aut obduratos tumores euacuat, aut in tenues venas subiens

veteres earum obstructions expedit: neque tamen vicinas hydropicorum aquas detrachere potest. Diuturnorum atque lentorum morborum quos viscerum impuritas, aut vetus obstructio genuit singulare est præsidium, vt lentarum veterumque febrium, melancholiar, epilepsiar, scabiei, imperiginis, vitiliginis, elephantiasis & omnis denique impuritatis. Sensus pariter exacuit, cor exhilarat, torsionibus sæpe molesta, non quòd flatulenta sit, sed quòd firmiter hærentes humores ac plerumque acres nequeât sine sensu doloris euelli. Nunquam tamen deprehensa est vel intestina corradere, vel sanguinem proritare: blandè alioqui sed tamen lentè purgans, nulla qualitate infensa, nisi quòd ventriculo aliquantum grauis: pueris ac senibus utilis, neque prægnatibus aduersa. Permiscenda ei sunt quæ ventriculum roborent, simulque tardiorum vim extiment, cuiusmodi sunt zinziber, cinamomum aut spica: & quæ leniendo sine torsionibus faciliè deducant, cuiusmodi sunt iura pingua, pruna, iniuba, vux passæ, viola, althæa, polypodium, & qui ex his sunt syruipi. Datur autem puluis eius ad drachmas duas: decoctum à drachmis tribus ad drachmas sex: dilutum ab vncia dimidiâ ad vnciam vnam.

Elleborus radice præcipuè utilis: hæc autem calida siccâque est ordine tertio. Albus vomitione purgat, sed maxima corporis perturbatione & præfocationis metu ex qualitate venenata. Niger verò bilem imprimis atram, deinde etiam flauam atque crassam pituitam detrahic in aluum, non è visceribus modò, sed & è venis, è quibus sanguinem rapit, & è partibus extremis præcipuèquè è cerebro. Quocirca confert in primis elephantiasi, cancro, herpeti, vitiligini, melancholiar, furori, vertigini & epilepsiar. Purgatio ex elleboro difficilis terrorisque plena, ac pueri, nec seni, nec imbecillo, nec grauidæ, sed robusto soli & animoso adhibenda, quum peruicacioris morbi necessitas exposulat, nec aliis cessit remediis. Infundantur autem radicum cortices contusi, aut etiam conquantur à scrupulo vno ad drachmam vnam in iure carniū pingui, aut in hydromelite, aut in aqua hordei, aut in aliquo leniente syrupo, expressumquè detur. Puluis scorsum decernendus non est, ne conuulsionem accersat, eius quoque

quoque dilutum tutius aliis permittū medicamentis quā purum offertur.

Qua pituitam educunt, phlegmagoga ob id dicta.

CAP. XI.

AERIEVS albus sit levis & friabilis, calidus primo, siccus secundo gradu. Crassam præcipuè ac lentam pituitam, deinde etiam bilem vtranque expurgat: maximè quidem à ventriculo, mesenterio, iecore, liene, vtero & pulmonibus, quorum obstructions atque in iis genitos inueteratos morbos tollit. A cerebro verò, à nervis, articulis, summisque partibus debilius trahit, quòd vis eius signaui sit & imbecilla. Aliquantum horrendo est sapore, & ventriculo infensus: quapropter maceratus vino in quo zinziber aut caryophyllū aut spica maduerint concinnatur & confingitur in trochiscos. Datur pulvis eius à drachma vna ad drachmas duas, decoctū vel dilutum à drachmis duabus ad vnciam dimidiam, non robustis modò & validis, sed & infirmioribus, puberibus, senibus nondum præcipitatis, ac etiā grauidis idque nullo periculò, si morbi conditio expositulat.

Turpethum quod album, gummosum eligitur, radix est herbæ lacte turgentis, quæ alypia dicitur, & folia habet ferulæ minora. Id calidum siccūque tertio ordine, pituitam non modò tenuem, sed & crassam & lentam à cerebro, à nervis & ab articulis euellit, multòque magis è pulmonibus & è visceribus. Confert morbis frigidis diuturnis, quos leuior purgatio non subtrahit. Ventriculum autem subuertit, corpus conturbat & immodicè siccatur. Quæ mala corriguntur permissione zinziberis, mastiches, olei amygdalarum dulciū & sacchari. Rarò seorsum datur, sed lenioribus permittum, nec puero, nec seni, nec grauidæ, nec debili, sed vni robusto conueniens. Datur pulvis à scrupulis duobus ad drachmam vnam: decoctum à drachma vna dimidia ad drachmas tres. Nonnulli radicis thapsiæ corticem pro turpetho substituūt graui errore, vt qui scrupulorum duorum pondere vomitionem deiectionemque magna perturbatione ac periculo conciter.

Hermodactylus cuius radix rotunda, rum foris tum intus alba & modicè cōpacta sit, calidus siccusque initio secundi.

Craſſam lentâque pituitam expurgat peculiariter ab articulis, ſed admodum lentè & languidè, & idcirco vix vnquâ ſeorſum, ſed validiorû medicamentorû permiſſione corroboratur. Ventriculû offendit, flatûsque ſuſcitât: quæ incommoda tollunt cuminum, myrobalani atque zinziber, aut ſpica. Datur pulvis à drachma dimidia ad drachmam vnam: decoctum verò à drachma vna ad drachmas duas.

Colocynthis calida ſiccâque ordine tertio, amariffima. Lentam pituitâ craſſoſq; humores ac glutinolos, paritèrque bilem vtramq; (quod vix alijs conceſſum) detrahit & aquam citrinam, idq; maximè ex articulis & diſtantiſſimis reconditiſſimisq; partibus. Conſert morbis inueteratis contumacibus, quos neque agaricus neque turpethum ſoluerit. Vehementer autem ventriculû, viſcera, corpûsque conturbat: venas aperit & ſanguinem elicit quàm aloë aut aliud quoduis pharmacû potentiùs: inteſtina corradens grauiſſis torſionibus excruciat. Quocirca exquiſitiſſimè tuta diluitur oleo amygdalarum dulcium, additâque tragacantha aut maſtiche concinnantur trochiſci: vel coquitur ex iure pingui, aut ex alio quouis liquore leniète. Nec puerorum, nec ſenium, nec prægnantiû (foetus enim vel ſuppoſita enecat) ſed etate duntaxat florentium & robuſtorum medicamentum eſt, vixque niſi aliorum permiſſione tuta. Datur à ſcrupulo vno ad drachmam dimidiam.

Qua aquas & ſeroſos humores ducunt, hydragoga diſta. CAP. XII.

EBULLVS calidus ac ſiccus ordine ſecundo, hydropicorû aquas facilè per aluum deducit, nōnunquam & vomitione reiicit. Eſt autem ventriculo aliquantum grauis, ſucci vis efficacior, purgâtque vniûs vniûs pondere. Elicitur autem vel è radice, vel è mediano cortice ſtipitis contuſo aſuſa aqua hordei vel vuarum paſſarum, cum cinamomi vel nuciſ moſchatae momento & cum ſaccharo. Cocturâ vis eiûs purgandi perit & exoluitur, neq; vt Dioſcorides ſcribit eam perſiſtere uſu cōpertû eſt. Fructum nonnulli condiunt duplo ſacchari & cinamomi parte octaua, exhibentque vniâ vnam. acinorû verò drachma vna tunſa idem ex muſſa

aut

aut vino albo præstat. Sambucus eodem temperamento iislemque pollet viribus, sed ebulo aliquanto infirmior.

Hæc sola ex iis quæ aquas ducunt imbecillis & prægnantibus, sed ne temerè quidem decerni possunt: cætera verò quæ deinceps tradentur, vt nec pueris, nec senibus, nec imbecillis, nec prægnantibus, quòd mentes ac plerumq; conceptum expellant: ita neque extenuatis, neque biliosis, neque febre, neque acuto morbo correptis, neque æstuoso cælo conueniunt, sed robustis duntaxat, qui frigidis diuturnisque morbis tenentur, idque frigidum aut certè temperatum celi statu.

Iris cui flos purpureus, efficacior est ea cui albus, calida & sicca tertio recessu, acris & fauces exurens, ventriculo ac visceribus infensa non parum est acrimonia qualitatibus suæ. Deiectione nonnunquam & vomitione aquam præcipuè citrinam ducit, ab hac deinde & crassiore pituitam, viscerum obstructionibus expediendis efficacissima. Radicis succus vncie vnus pondere ex vix passæ iusculo & saccharo, addita spica aut cinamomo moderatè purgat: sicca verò rursusque radix ex eodem liquore, aut ex sero lactis à drachma vna ad drachmas duas. Decocta huius purgandi vis vanescit: Nec puero nec seni, nec prægnantibus, quòd cæterorum more quæ valide aquas expurgant, mentes moueat abortumque faciat. Soldanella hydropicorum aquas puluere ad 3 j. decocto & succo ad semunciam pota salubriter educit.

Cucumer agrestis calidus siccusque ordine tertio, vehementer amarus, abstergens & ora venarum aperiens. Fructus præcipuè aquas deorsum sursumque mouet, nec non pituitam atque interdum bilem: nec multo infirmior eius radix: efficacissimus autem succus è maturo fructu inclinante ætate leniter expressus siccatusque, elaterium appellant. Permiscetur autem atque temperatur leniente liquore, vel tragacantha, addito cinamomo vel spica. Datur elaterium à granis decem ad viginti, radix verò puluere à granis quindecim ad triginta: decocto à drachma dimidia ad drachmam vnam.

Ricinus calidus siccus tertij ordinis initio. Deiectione ac vomitione hydropicorum aquas & serosos articularum

humores expurgat, simulque crassam pituitam ac bilem. Dantur autem eius grana quinque, aut quod summum sit octo, quæ quoniam vehementer magnòque labore ac impetu & turbulenta vertigine purgando corpus iacitant, expurgata torrefiunt igneque siccantur, aut in massa coquuntur, ac deinde trita dantur ex decocto feniculi & uuarum passarum, addito saccharo & cinamomo. Quinetiâ integra & minimè trita granaliquato saccharo & melle obducta si viderentur, blandè purgant, minima offensione ventriculi.

Lathyris vires habet ricino proximas, cuius grana haud secus præparata dantur à septem ad duodecim. In eundem quoque usum vulgus tria quatuorve lathyridis folia ex pingui iure cum holeribus coquit. Qui verò tum hæc tum grana cruda ex solo vino trita propinant, in magnam perturbationem atque terrificam symptomata corpus miserè præcipitant.

Esula maior pityusa est Dioscoridis, cuius radix magna & lacte turgens, turbet appellata, quòd ulceret venenatæque sit, prorsus exoleuit & ab usu recessit. Esula verò minor eligitur quæ rotunda nuncupatur atque etiam peplos. Huius minor est radix calida siccaque ordine tertio, aquas altius immersas validè purgat, deinde pituita atque bilem atram. Cordiautem ac visceribus vim infert, exulcerat, venarum ora aperit excitatque febrem. Quæ mala emendantur permissione bdellij, vel tragacanthæ, atque myrobalani vel coronei mali. Sed antè maceranda herba est diem circiter vnum in aceto, vel in succo portulacæ, vel solatri, vel intybi, facta subinde liquoris mutatione. Radicis cortex datur in pulverem redactus à granis v ad x. Lac verò à tribus ad septem. Sunt qui hodie tunfæ herbæ succum qua dixi arte præparatum aut aloë aut pici permiscant, quam deinde substituant pro scammonio, ex quo diadacrydion comparatur. Tithymali species usurpatur interdum in eodem usus, præparanturque ratione non dissimili.

Mezerii species tres describuntur Mesuæ. Prima quæ maioribus atque virentibus est folijsisque tenuibus & gracilibus: daphnoides est Dioscoridi. Secunda quæ folio est olivæ, angustiore, sed multum pingui & viscoso: thymelæa est. Tertia est Dioscoridis chamæleca. Primam duntaxat admittit

mittit Mesues, posteriores duas vt perniciosas exterminat. Ea calida siccaque est ordine quarto & acerrima, inflammata febrémque accendit, exulcerat, cordis principiumque partium vires veneni modo exoluit. At nihilominus quòd aquas citrinas & melancholicos humores eximie ducat, hydropicòsque mirè iuuat, interdum vsurpatur. In id autè eius folia corriguntur vt esula. Propriè verò macerantur in aceto & succo oxyacanthè, vel mali punici, vel coronei cum tritis myrobalanis: deinde siccantur. Quum vsus postulat hac ratione præparata folia infunduntur à drachma dimidia ad drachmam vnā, vel coquantur à scrupulo vno ad scrupulos duos in pingui aut leniente iure, adiecto saccharo & cinamomo: puluis autem eorum datur à granis v. ad grana x. mastiche & spica permixtus.

Euphorbium calidū siccum ordine quarto. Vrit, vlcerat & magna angustia in syncopen frigidūmq; sudorem precipitat. Anno primo prorsus est venenatū, hinc in annū quartum integris persistit viribus. Omnium autem validissimè aquas & crassam lentāque pituitam ab extremis partibus euocat. Sed quæ dixi illius pericula emendātur, si diem vnū maceretur in oleo amygdalino, deinde exceptū mergatur in citreo malo acido, quod deinde massa obductum coquitur. Quumque vsus exposcit, datur à granis vj. ad x. cum mastiche, cinamomo & spica. Ac vbi corpus perturbari cœperit, danda subinde potio quæ refrigeret & leniat.

Quæ Vomitus cient. CAP. XIII.

OXYMELI iuniores plerique iis annumerant quæ vomitiones cient, quod nusquam tamè est vsu comperit. Quòd enim acetum vt Dioscorides diligèter animaduertit adstringens sit, id ipsum sanguinis eruptiones è naribus, ex vtero & ex hæmorrhoidè, alui quoque profusio & vomitiones cohibet, idque non modò potum, sed & odoratum & appositum. At verò stillaticium acetum vulgares nonnulli non paruo periculo experti sunt vomitiones mouere, quandoquidem ventriculum, intestina, omniāq; interiora viscera summis cruciatibus exulcerat, quemadmodum & hoc ipsum metalla omnia dissoluit, ab arte igitur vt

perniciosum exulet. Ceterum quum ventriculus crasso lentoque humore confertus est, multo ante vomitionem tempore is extenuari præpararique commodè potest oxymelite, non simplici modò, sed & interdù composito, vt demum addito stimulo expeditior scilicetque sit vomitio.

Raphanus domesticus esculentus quum sit, offensione nulla vomitione purgat, atque ventriculum blandè exinanit: quæcumque nimirum in eo crassa sunt attenuat, quæ lenta sunt detergit, ac demum stimulat expultrice vi sursum extollit, nulli ætati neque prægnanti infensus. Teruntur autem radices eius concisæ vinctæ duæ, affusæque mulsa succus exprimitur tepidus offerendus. Seminis (quod efficacius sit) semuncia vel ʒ iij. similiter teritur addita mulsa aut sero lactis, aut aqua hordei.

Peponis radix nulla etiam qualitate infensa, ventriculum eo quo & raphanus modo vomitione expurgat: Nec puero, nec senì, nec prægnanti grauis. Ea autem arida atque trita datur ex aqua mulsa à scrupulis duobus ad drachmam vnam.

Vrtica his aliquantò acrior, non modò è ventriculi capacitate sed partibus quoque ei vicinis crassos humores euocat, ac facillè minimòque labore vomitu pellit, nec calore, nec acrimonia quicquam offendens. Datur semen eius tritum ex aqua mulsa, aut lenientè iuscule & saccharo à drachma dimidia ad drachmam vnam.

Asarum calidum siccum gradu tertio, attenuans, obstruçõesque aperiens, odore aromatico: vomitione validius quàm quæ nunc proposui, primò ventriculum, deinde vicinas quoque & abditiores partes ex interuallis purgat, è quibus & crassam pituitam, & bilem tum flauam, tum æruginosam euellit. Omnis malignæ qualitatìs expers, atque etiam prægnanti tutum præsertim quum non exquisitè teritur. Viridia folia dantur à v. ad viij. trita & affusò vel hydromelite, vel sero lactis, vel leniente decocto expressa. Radix cui præcipua vis est trita, datur ex liquore simili à drachma dimidia ad scrupulos quatuor. Maceratur verò in eo ipso liquore à drachma vna & dimidia ad drachmas tres, expressumque datur. Cocturà vis eius vanescit, quemadmodum & cæterorum quæ vomitione purgant.

Iuglan-

Iuglandis arboris quum præsertim succo madet, decerp-
tus medianus cortex, arefactus tritusque vomitionē ciet,
longéque mitius iuli eius qui catuli vocantur, quiq; florem
antecedunt, deciduntq; frondescente arbore. Hi enim fur-
no siccati, tusiq; à drachma dimidia ad drachmam vnam
ex leniente liquore, aut ex vino albo sursum purgant, colic-
cósque dolores ac nephriticos tollunt.

Spartum maius, quod stipite est quadrangulo calidum
siccum ordine secundo, incidit & attenuat, vomitione pi-
tuitam aliosq; humores trahit tum flore tum semine, at-
que licet sapore non iniucundo sit, ventriculum tamen con-
turbat, & aliquantum offendit. Quocirca permiscendum ei
feniculi semen cum cinamomo & saccharo, datúrque pul-
uis aut seorsum, aut ex aqua mulsà à drachma dimidia ad
drachmam vnam.

Balanus myrepfica quam granum ben Arabes dixerunt,
duplex, maior quæ instar est auellanae, minor quæ ciceris
est magnitudine, vtilior est & ad purgandum accommoda-
tior. Calida tertio, sicca secundo recessu, oleosa sed tamen
acris, ventriculum visceraque conturbat, crassos lentosque
humores vomitione purgat. Medulla eximitur siccaturque
igne ac torretur, datúrque ex feniculo, cinamomo & sac-
charo, vel ex feniculo & cinamomo subacta vt ricinus, co-
quitur in massa datúrque à drachma dimidia ad drachmam
vnam.

Elleborus albus calidus siccusque tertio ordine: mordet,
& vomitu tam violenter purgat vt propè strangulet. Cor-
pori viribúsq; perinde atque venenum infestus prorsum fu-
giendus est. Si cui tamen robusto hunc exhibere morbi
diuturnitas & peruicacia suadebit, radicis fibræ à scrupu-
lo vno ad scrupulos duos in raphani radicem infigátur, iis-
que postridie exemptis raphani radix offeratur. Aut eæ fi-
bræ in iure pingui, aut in vino dulci, aut in leniente decocto
cum cinamomo & aniso macerentur nocte vna, expressus-
que liquor addito saccharo propinetur.

Non pauca ex iis quæ aquas detrahunt vomitum quo-
que ciet, vt sambucus, ebulus, ricinus, lathyris & esula: sed
hoc tamen loco ea solùm persequor quæ citrà alui deiectione
nem vomitione purgant.

Purgantia quæ ab usu recesserunt. CAP. XIII.

PLERAQUE veterum monimentis celebratur purgantia medicamenta quæ tempore dierumque numero ut superuacua exoleuerunt, alia quod commoditate vsuque minimo naturam vehementius conturbarent, alia quod nulla aut certe quàm minima deiiciendi vi sine fructu molestæ agrotis essent. Prioris generis sunt lapis armenius, lapis cyanæus, nitrum aliaque salis species, sarcocolla, sagapenum, opopanax, æs vstum, antimonium & squama æris, cyclaminus, staphisagria, thapsie succus, inuolucrum maius. Et quæ rustici interdum vsurpant pix nigra, buxi contrita folia, & eius fruticis quam nigram prunum vocant fructus. Posteriori classe continentur quæ aut alui fæces emolliunt, aut intestina leniunt, pruna, iuiube, myxaria, ficus recentes, viola, malua, althæa, atriplex, beta, blicum, mercurialis, psyllium eiusque mucor, butyrum: deinde quæ bilem flauam imbecillius trahere dicuntur, tamar indi, eupatorium, abanthium, capillus veneris, rumex maior, chamaepitys, lactuca sylvestris, myrobalani citreæ, & quæcunque ferè aluum molliore diximus. Quæ præterea melancholicæ & bili retorridæ accommodantur: serum lactis, fumaria, volubilis lupulus appellata, brassica semicocta, pulegium, polypodium, cortex radicis capparis, thymus, epithymus, myrobalani nigre. Postremo quæ pituitæ cõueniunt, stæchas, origanum, tragoriganum, hyssopus, polypodium, cnicum, cetaurium minus, scylla, aristolochia, terebinthina, thlaspi, struthio id est lanaria, dracuntium maius, myrobalani cepula & emblica. Ea igitur quod hac tempestate hisve regionibus minimum sint efficacia, non purgantibus, sed iis quæ ad purgandum iuuant & præparant, & iis in quibus purgatoria maceranda permiscendæ sunt, adscripsimus.

Hæc igitur purgantia simplicia operibus iam diu confirmata, in artis vsus satis superque fuerint, nisi cui fortè noua quædam benigniora obseruationibus occurrant. Ex his quoque compositiones in pharmacopoliis asseruatæ, quas in antidotarium retulimus. Sunt autem eiusmodi: Ad expurgandos omnes humores, syrupus catharticus minor & maior, catholicum liquidum ac solidum. Ad bilem, syrupus ro-

pus rosarum pallidarum, syrupus persicorum, hiera simplex, electarium è prunis tum simplex tum compositum, electarium è succo rosarum & diacydonion. Ad pituitam, electarium diacnicum, diaphoenicon, benedicta, confectio hamech, hiera diacolocynthis. Ad melancholiam, è sena & confectio hamech. Ad aquam citrinam, electarium hydragogum minus & maius, & electarium è thymelæa. Ex iisdem quoque pilullæ asseruantur, ad bilem quidem hæ leniores, pilullæ è hiera, pilullæ stomachicæ, pilullæ ruffi & assaieret, pilullæ imperiales: valentiores autem pillulæ sine quibus, & pilullæ aureæ. Aliæ ad pituitam, vt pillulæ de agarico, pillulæ lucis, coccig, de hermodactylis & polychrestæ. Ad atram bilem, pillulæ è fumaria, pillulæ indæ, pillulæ è lapide cyaneo. Aliæ ad aquas, vt pillulæ è thymelæa, & vnguentum lathyridis.

Prescriptionum purgantium formula. CAP. XV.

IN eorum gratiam qui vix dum artis operib⁹ initiati præscriptionum formulas quas imitentur exposcunt, hoc iam loco explicaturus sum, qua temperatione quibûsque formis tum simplicia tum composita quæ dixi purgantia medicamenta in rem præsentem accommodari discernique soleant, sumpto à balanis & clysteribus exordio: ad ea dein progressurus quæ sepe ruacuos humores è singulis corporis regionibus detrahant.

Aluus proritur glande ac subducitur: pueris aut infantibus betæ vel mercurialis cauliculus radixve oleo intincta, aspersæve sale aut salina pro glande est. Recentis etiam oui vitellus cum salis & croci momento linteolo raro illigatus delicatioribus & infantibus nodulus fit balani vice subdendus. Sapo quoq; albus aut succidia in glandis formam palmæ longitudine exacuitur, inditurque blandè, citra morsum aluum exonerat. Crebrius autem ex melle in eandem formam concinnatur, quod eousque coquitur dum crassescat nec amplius digitos inquinet. Euadētis acrior si salis vulgaris drachma dimidia conspergatur. Ne tamē sua acrimonia primo statim ingressu anum stimulet, sal aut quidvis aliud acre melli dum coquitur permiscendum. Mellis

vncia, salis vulgaris drachmam vnam habeat, aut salis gēmei scrupulum vnū, aut mūlcerdæ scrupulos duos, aut pulueris hieræ simplicis drachmam vnam, aut hieræ diacolocynthidos drachmā dimidiā, aut agarici scrupulos duos, aut colocynthidos puluerisatæ scrupulum vnum: hæc tandem intestini calore liquefacta atque fuscitata idipsum ad excernendum proritant sphincteremque recludunt.

Clysterum formula.

QUAM ad facilem expeditamque purgationem vias liberas esse oporteat per quas detrahendus sit humor, clyster intestinorum capacitatem exinanienti & mesaraicarum ora venarum patefacienti, in præparantium censu habendus est. Alius quidem obduratas alui fæces emollit cohibitasque deducit, alius coercitos flatus discutit: alius crassam lentamque pituitam infarciētem intestina iisque tenacius adhaerentem abstergit, secūmque rapit: alius ex alto vacuandos humores euocat: alius dolorum acrimoniam lenit: alius immodicum alui fluorem sistit: alius sanguinem suppressit, aut intestinorum vlcera siccat. Ferè autē clyster libram vnam aut vncias quindecim habet liquoris, mellis vncias tres, olei tantundem, salis momentum. Omniumque primus ac simplicissimus olim continebat hydromelitis probè cocti vncias quindecim, salis vulgaris drachmas tres, olei simplicis vncias tres. Emolliens hæc contineat, radicis althææ & liliorum an. \mathfrak{z} j. ficus pingues concisas quatuor, maluæ, violæ, helxines, mercurialis, acanthi an. m. j. seminū lini, fœnigræci & anisi an. \mathfrak{z} ss. coquantur, & in t̄b j. percolata dissoluatur cassiæ fistularis, mellis violati, butyri recētis, vel axungię asferis an. \mathfrak{z} j. olei violati vel simplicis \mathfrak{z} iij.

Discutiens flatus, ℥. Quatuor emollientium, origani, calaminthes, chamæmeli, anethi an. m. j. seminum anitū, feniculi, carui & cumini an. \mathfrak{z} ss. baccarum lauri contusarum, seminum rutæ & sileris an. \mathfrak{z} ij. coquantur, & in t̄b j. iusculi dissolui electarij diaphœnicōn vel benedictæ \mathfrak{z} ss. cōfectio- nis è baccis lauri \mathfrak{z} iij. mellis anthosati, sacchari rubri an. \mathfrak{z} j. oleorū rutæ & anethi an. \mathfrak{z} j. ss. Ex inferioribus partibus detur in aluum. Additur his interdum oleum è nucceinglande, quod

quod etiam solùm vel vino permistū flatus validè dissipat, quemadmodum & rutaceum oleum.

Clyster detergens hac formula præstituendus, ℞. Origani, calaminthes, abrotani, absinthij, centaurij minoris, fursuris, hordei integri an. m. j. seminis carthami cōtusi, polypodij quercini an. ʒ j. hermodactylorum ʒ ss. percoquantur, & in iuris t̄b j. dissolue hieræ simplicis ʒ j. vel hieræ dialococynthidos ʒ vj. mellis rosati ʒ ij. salis ʒ ij. fiat clyster sine oleis: his nonnunquam & succi betæ vel mercurialis ʒ j. affunditur. Ex horum quoque materia proritans clyster est comparandus, cui si cæteris purgantibus prætermisiss pulpa colocynthidos semuncia incoquatur, validissimè ediffractissimis euocabiturq; deducet.

In varia affectuum concursione atque confusione, ex multorum permistione varij quoq; vsus clysteres fient, hac formula: ℞. Quatuor emollientium, chamæmeli, meliloti, anethi, origani, calaminthes, abrotani, fursuris, hordei an. m. j. feminum anisi, feniculi, carui, lini & scængræci an. ʒ ss. In t̄b j. decocti iuris dissolue catholici ʒ j. vel hieræ simplicis, diaphœnici an. ʒ ss. mellis rosati, sacchari rubri an. ʒ j. olei chamæmeli & violati an. ʒ j. ss. hi igitur omnes in præparantiū sunt genere. A purgatione verò clyster interdum quoque necessarius est, qui aut anodynus sit, aut immoderatum profluuium cohibeat intestinaque corroboret, aut sanguinem supprimat, aut intestinorum vlcera persanet. Anodynus: ℞. Radicum althææ & liliorum an. ʒ j. maluæ, violæ, chamæmeli, meliloti an. m. j. feminum althææ, lini, scængræci & cydoniorum an. ʒ ss. coquantur ex lacte & in huius t̄b j. dissolue buryri recentis ʒ ij. vitellos ouorum duorum, subter indatur.

Adstringens: ℞. Rosarum rubrarum, balaustrorum, plantaginis, sanguinalis, arnoglossi, verbasci an. m. j. feminum oxalidis, portulacæ, plantaginis & myrti an. ʒ ss. coquantur in lacte vstulato, vel in aqua fabrorum. In iusculi t̄b j. dissolue amyli ʒ ij. gummi arabici vel tragacathæ vstulata: vel mastiches ʒ j. clyster fiat sine oleis.

Adstringentior fiet, sanguinemque supprimer, intestinorum vlcera siccabit, & ad cicatricem perducet, si huic præterea addas boli armenæ, sanguinis draconis an. ʒ ij. Multo

quoque præstantior reddetur, si pro iusculo vsurpentur herbarum succi.

Purgationes.

*Qua aluum
moliunt atq;
subducunt.*

NONNULLA quoq; assumpta solas ab aluo fæces ducunt & exturbant, eccoproptica propterea appellata. Ea rectè cibus præmittuntur vt eorū impulsu celerius & validius excidant. Eadē quoque pastis ciboque confectis offerri possunt, sed cibum præcipitant aluūq; subducunt minore profectu. Nonnulli cibus illa permittent, sed ij vt aluū exonerent, aut nondum confectos cibos præcipitant, aut certè corrumpunt. At vnā aloem cibus interponere nihil nocuerit, quū præsertim in pestilenti cōstitutione in corpus illam distribui volumus, vt humores à putredine vindicet. Itaque ad molliendam aluum si neq; olus, neque oleum, neque butyrum, neque pruna satis erunt, manna calabriæ ʒj. ex carniū iure soluta sorbenda est semihora ante pastū, aut cassiæ fistularis semuncia ex saccharo. Quā autem simul quædam desideratur ventriculi deterfio, vel aloës vel pilularum stomachicarū, vel rheibarbari & aloës drachma dimidia in pillulas duas trēsve concinnata voretur paulum ante pastū. Ita enim copiosius deiciet, quàm si tripla multò antè tempore fuisset assumpta. Quib hæc vel lenissima auersabitur, pruna circiter duodecim coquas è iure duarum triūmve drachmarū sennæ, additōq; saccharo edantur ex suo iure. Quū plenius mollienda est aluus citra insignem vllam humorum purgationem, æstuoso præsertim cœlo per febrem ardentem & sitim validam, ita præscribendum. ℞ mannæ calabriæ ʒij. dissolue ex iusculo capi, horis tribus cibo præmittatur. Aut validius sic, ℞ cassiæ fistularis ʒx. asperge ducis puluerem fiatq; bolus. Aut sic, ℞ diaprunon lenientis simplicis ʒv. medullæ cassiæ fistulæ ʒβ. cum saccharo fiat bolus. Quum autem seorsum expurgandi sunt humores, medicamentum longiore intervallo cibum præcedat, vt purum nec aliena permissione fractum è ventriculo excidat, penetretq; prius in venas quàm cibi potūsve permissione interpelletur. Ventriculo detergendo atque purgando accommodatissima est aloë, lienisenna, iecori rheubarbarum, mesenterio & intestinis agaricus: quanquā & vnumquodque

quodque in alias etiam partes, in alijsque humores vires exercet. His igitur è prima corporis regione citra reliqui corporis perturbationem vllam præparati detrahuntur humores: atque sic è ventriculo. ℥ massæ pillularum assaieret 3 j. rheibarbati 3 ss. ex syrupo absinthij malaxentur singanturque pillulæ septem. Potio autem quod ventriculi latera proluat, validius extergit. ℥ pulueris hieræ simplicis 3 iij. rheibarbati electi contriti 3 j. diluta vncijs tribus hydromelinis propinetur ieiuno. Si vires permittant, addetur 3 j. aut 3 j. ss. El. diaphœnicon, vt medicamentum languida vis proritetur ocyûsque prolabatur in aluum. At quum ventriculi seu pituitosa seu biliosa impuritas vel nausæa, vel animi exolutionem languescente pulsû, vel syncope accersit, lerioribus res tutò gerenda. Quum quis præterea aloës amarorem fastidit, rheubarbarum, & si hoc quoque graue & insuaue, senna in eam quam mox subdam formulam, aptetur. At verò si iam altius circum ventriculum, circum pancreas aut mesenterium conditus est humor biliosus præsertim, his ducendus est pharmacis, quæ habent pulpæ cassiæ fistularis vel diaprunon simplicis 3 vj. rheibarbati electi triti 3 iij. ex saccharo bolus fiat, vel potio. ℥ rheibarbati electi 3 j. ss. electarij lenientis 3 iij. syrapi violati 3 ss. aquæ decoctionis hordei 3 iij. soluatur in potionem. Ita quidem rheibarbati substantia, quia sicca & adstringens, leniente aliquo (nisi immoderate aluus profluat) temperanda. Vel sic, ℥ aquæ stillatitiæ endiuæ, vel cichorij 3 iij. vini albi odorati 3 j. in quibus macera rheibarbati electi triti 3 j. vel 3 j. ss. cinamomi 3 ss. in expresso dilue syrapi adiantini aut de cichorio simplicis 3 vj. Eiusmodi potio vel ex alijs quoque aquis vt buglosi, betonicæ, aut melissophylli comparata, laboranti puero, vel seni, vel iam imbecillo, vel prægnanti mulieri, quum non alia secura fuerit purgatio, decernenda, quæ & interdum syrapi rosarum pallidarum vnciâ vnâ validior euadet. Complurium autem humorum confusa illuuiæ, ex iisdem sedibus sic eluenda: ℥ endiuæ, lupuli, betonicæ an. m. j. florum cardiacorum an. p. j. foliorum sennæ expurgatorû 3 ij. ss. aut 3 iij. decoquantur ad 3 iij. In colato iure macera rheibarbati electi contriti 3 j. ss. agarici trochiscati 3 j. cinamomi 3 ss. in expresso.

De expurganda
prima corporis
regione.

dilue sacchari albi ꝑ ꝑ. vel syrupi è cichorio simplicis ꝑ. vj. Hyeme cum herbarū est penuria, ad coquendum assumantur polypodiū, cnici semen, vñe passæ, radices cichorii, oxalidis, graminis, aut feniculi. Si casus præceps est, drachmæ decæ vel fescuncia catholici ex hydromelite aut cōuenienti iure propinetur: vel in decocto & expresso iure quod habeat foliorū sennæ ꝑ. iij. agarici ꝑ. iij. diluuntur catholici, syrupi de cichorio an. ꝑ. ꝑ. vel ꝑ. vj. Quum pericacius malū in his sedibus nō vni purgationi cessurū speratur, apozema vel syrupus subinde dandus, dū victum malū sit. ꝑ. radicū graminis, petroselini & feniculi, polypodij, seminis cnici, passerū expurgatarū an. ꝑ. iij. endiuie, lupuli, hyssopi, scolopendrij an. m. ꝑ. foliorū sennæ ꝑ. j. ꝑ. decoquuntur in aqua ꝑ. xij. ad ꝑ. ꝑ. In qua colata macera agarici albi ꝑ. iij. ꝑ. cinamomi ꝑ. j. ꝑ. In expresso solue sacchari albi ꝑ. j. ꝑ. vel syrupi è cichorio simplicis ꝑ. ij. Apozema hoc erit in tres doses.

Syrupus in eisdem vsus. ꝑ. radicū apij, petroselini & capparidis in aceto horis sex maceratarū an. ꝑ. ꝑ. agrimonie, endiuie, cichorii, lupuli, fumarie, cassuthæ, scolopendrij, hyssopi, origani an. m. ꝑ. seminum anisi, cucurbitæ & melonum, glycyrrhizæ an. ꝑ. ij. coquantur in aqua ꝑ. tribus ad ꝑ. xv. in quibus infunde horis duodecim foliorum sennæ electorū ꝑ. iij. agarici albi ꝑ. ij. florū cardiacorum, epithymi an. ꝑ. j. zinziberis, cinamomi an. ꝑ. ij. feruefiant ac exprimantur, ac dein dissolue syrupi è cichorio, è scolopendrio & hyssopo an. ꝑ. ij. sacchari albi ꝑ. ꝑ. coquantur in syrupū, dentur ꝑ. ij. ex cōuenienti decocto. Si post hac affectus expostuler, seorsum in fescunciam syrupi, ꝑ. j. aut ꝑ. iij. theibarbari expressum diluetur. Horū igitur imitatione possint generis omnis compositiones ad expurganda primæ regionis vitia præstitui. At nihilominus in ascite, quod aqua citrina desit membranis arctius coercita sit, & à purgationis viis ductibulq; teposita, validiorum medicamentorum vim efflagitat. Quæ porò humorum impuritas in secundam corporis regionē quæ maiorum est venarum inuasit, nisi languidiores vires aut acrior morbus obstat, pharmaco valētiore demenda est, & iis quæ dixi lenioribus nonnihil eorum adiiciendum quæ scammonium, turpetum, colocynthidem, hermodactylos, huiusque classis pharmaca continent. Vt cal-

Quo modo secunda corporis regio expurganda.

fiæ fistulari, vel diapruno simplici, vel catholico pondo semunciae: vel diluto rheibarbati, vel agarici, vel sennæ miscendum aut diaphœnici, aut diacarthami, aut diacydonij, aut confectionis Hamech ʒ ij. vel ʒ iij. pondo: quæ etiam ratione suprà scripto syrupo turpethum & scammoniū adiungantur: aut syrupus catharticus maior, aut electariū catharticū maius vsurpētur. Patefactis tandem & expurgatis primis regionibus, tertiæ iam quæ summā est partium, vt capitis, lumborum, artuum cacochymia, quemadmodum & hydropicorum serofus humor, aliis insuper vehementioribus detrahenda, quæ vt vires erunt & corporis præparatio, ita conuenienti tum dosi tum forma decernentur.

*Regio tertia
vt expurganda.*

Capitis & cerebri peculiaria medicamenta. CAP. XVI.

OMNEM iam eorum medicamentorum materiā quæ noxios humores tum apparant, tum è publicis corporis regionibus detrahunt exequutus, ea dein perfequitur quæ purgationis vniuersæ reliquias è singulis partibus, præsertim è cerebro, è pulmonibus, è thorace, è corde, è iecore, è liene, è renibus, ex vtero atque ex articulis deriuent. Et ea demum quæ partes ipsas prorsus omni illuie expurgatas corroborent, pristinaeque reddant valetudini. Id autem remediis præstandum quæ peculiari dote partem vnā quamque iuuent. Cerebri igitur mucum atque pituitam per nares hæc eliciunt.

Sampfuchum narium mucum ac pituitam impositum blandè expurgat.

Salvia & betonica vtraque trita & in alterutram narem indita si aliquantum sinitur, pituitam nullo tædio prolicet, cerebrumque mirè leuat.

Anemone quæ præsertim quadrato est caule & flore purpureo, acris est, propriè verò succus eius naribus infusus cerebrum expurgat: commanducata radix pituitam trahit.

Beta vtraque & nigra & candida nitrosa quadam facultate cerebri excrementa deducit, in idque succus earum ex melle aut hydromelite naribus indendus.

Brassica satiuā eadem qua beta vi nitrosa, naribus immissa capitis pituitam elicit, cæterisque humoribus exonerat.

Radix iridis nostratis, naribus subdita sternutamēta mouet, & pituitam prolicit, quod & succus validius præstat, sed quòd acrior sit, leniente liquore temperandus.

Elaterium cucumeris agrestis succus, iridis succum facultate superat, vt maiori quoq; temperatione sit opus.

Cyclamini succus ad purgandum caput omnium efficacissimus, at non satis tutò naribus instillatur, quòd cerebri meninges acerrimè feriat. Qua autem ratione hæc conuenienter aptentur in errhina dicendum.

Errhina.

Errhinum blandum. ℞. Foliorum sampsuchi, saluæ, betæ & anemones (quum haberi potest) recentium an. m. j. Terantur & affunde aquæ betonice, vini albi an. ℥ ij. expressus succus accommodetur in errhinum. Si acrius optatur, addenda radice iridis virentis seniuncia: hauriendus autem hic succus est in nares prono capite, vt altius subeat ne relabatur in fauces. Valentiū: ℞. Radicis cyclamini ℥ j. elaterij, si in promptu est, 3 ss. Trita maceretur in ℥ iij. vini albi vel hydromelitis vt mitius euadat. Expressus succus reponatur in ampullâ. In hoc maceratū oblongum contortumq; linamentū in nares inferendū: nam succus si haustus feratur in cerebrū, abundè quidē mucum eliciet, sed acerrimo & tamen momentaneo dolore: neq; aridorū pulueres tutò possunt in nares inspirari. At tenuissimè contrita illa excipi possunt mellis vncia vna quo nares sublinantur. Cyclamini quoq; radix in oblonge turundę speciē præcisa & aqua vitæ macerata si naribus indatur, pituitâ abundè proliciet. Oporteret autem quæ immittuntur non prorsus nares obturare, vt quum ducetur spiritus errhini vaporem vimq; secum deducat in cerebrum: ipsum quoq; laborantem prono haberi capite, vt excrementum cerebro meningibusque circumfusum promptius illabatur in nares.

Quæ porro pituitâ sternutamento promouent, diuersa sunt facultate, nam & his acriora ferè sunt, & cerebrum impulsione vi concutiunt, sicque eius superuacanea vndiq; in priora atque in nares deriuant. Sunt autem huiusmodi.

Struthiū quæ & lanaria & saponaria nūcupatur, sternutamēta ciet, ac mucū prolicit trita cū melle & naribus infusa.

Castoreum vt aliis facultatibus cerebrum neruôsque inuat, ita & ipsum sternutamento purgat.

Prarmi-

Prarmica hoc est sternutatoria ex ipsius effectus præstantia nomen inuenit, quandoquidem & foliis & floribus efficacissima esse euocando sternutamento.

Batrachij radix acerrima arefacta tritaq; naribus subdita, sternutamento cerebrum expurgat.

E. leborus albus potentissimè sternutamenta mouet, si vel sola radice eius fibra inferatur in narem, multòque magis si arida ea in aqua vitæ macerata sit. Puluerem eius in nares indere non nisi veterano aut apoplexia correptis & conſopitis liceat.

Euphorbium vel odore solo sternutoriū est, cuius etiā oleo perunctæ nares, aquoſo multo stillant humore.

Quum autem horum effrenata vis sit, ne quid inopinatò contingat, singulis certius quàm permixtis compluribus atque compositis vtili liceat.

Struthiū & batrachium terantur macerenturq; in hydro melite, in quo dein intincta linamenta indantur in nares. Verratio tamen & euphorbio ea quæ dixi præcautione vtendū.

Per palatū verò pituitā hæc pliciat mās aut gargarizata.

Mastiche commanducata blandè & leniter pituitam ex ore & faucibus potius quàm è longinquis elicit, perinde ac omnia ferè diutius ore circumducta. Vua quoque passa & per se cum nucleis & cum pipere commanducata caput blandè purgat.

Sinapi verò tunsum ori quouis modo inditū, è cerebro pituitā ducit, naribus quoq; admotum sternutamenta ciet.

Nasturtium semine eadem quæ sinapi præstat.

Pyrethrum radice idem & aliquanto validius efficit.

Piper longum tamen calidius, non æquè ad ducendam pituitam efficax.

Staphis agria non solum quoddam acris semine os faucesq; velut exurat, sed peculiari quoque vi cerebri pituitam euocat, & ore profundit.

Hæc ita comparentur in vsum: ℥. Sacchari candefacti ʒj. mastiches ʒss. piperis longi, pyrethri, staphidis agriæ an. ʒj. fiat puluis, qui referatur in nodulos ore continendos premeandosque dentibus: hæc quidem mansa præcipue gingiuas, dentes, maxillas & oris fauciumque partes expurgant, quas nimirum calor attigerit. At verò gargarizatu quo-

niam altius in fauces incidunt, longius quoque proliciunt
 ut ex ipſis faucibus, ex amygdalis, ex oſtophago & palati ca-
 uo, quemadmodum & penna altius in fauces indita. ℥. Se-
 minis ſinapi tunſi ex aceto ꝓ ꝑ. piperis longi in puluerē triti
 ꝓ j. hydromelitis ꝑ j. fiat gargarifmus. Vel ſic: ℥. Ficus pin-
 gues incifas quatuor numero, vuarum paſſarum expurga-
 tarum ꝓ j. glycyrrhizę ꝓ ꝑ. coquantur ad ꝑ j. In expreſſo iu-
 re diſſolue radices pyrethri tenuiter tritaꝑ ꝓ j. piperis longi ꝓ
 ꝑ. fiat gargarifmus. Piperis enim atq; pyrethri vis coquēdo
 vanefcit atq; diſperditur. Sed neq; gargarizatu cerebri in-
 teriora exquiſitē purgantur, quōd minimē ad cerebri ba-
 ſim is peringat, quō maximē cerebri excrementa coſſuunt.
 Optima autem & vtiliſſima cerebri expurgatio per pala-
 tum fiet, ſi aptus conueniensq; liquor hauſtus in nares re-
 ſupino capite relabatur in fauces. Etenim tranſitu cerebri
 baſim ſubiens viam per quam excremento curſus eſt expe-
 dit, cerebrum vi ſua ferit, cuius etiam excrementa facultate
 deducit: hanc autē cæteris mitiorem ita decernito. ℥. Ra-
 dicis althęę & betę an. ꝓ j. hordei integri, glycyrrhizę, vua-
 rum paſſarum an. ꝓ ꝑ. coquantur in hydromelite ad ꝑ j. In
 quo macera radices pyrethri, radices cyclamini cōtritaram
 an. ꝓ ij. exprimatur liquor in eum quem dixi uſum.

*Frigida qua capitis ardores & deliria mitificant accer-
 ſuntq; ſomnum. CAP. XVII.*

ROSA ſicca deſtillationes arcet, quas tamen humida
 ac recens odore ſolo proritat, capitis dolores ex ardo-
 re compellit, accerſitq; ſomnum, cerebrum mentemq;e
 roborat.

Viola frigida & humida, tū odore tum ſubſtantia capitis
 quoq; ardores ac mētis pturbationes lenit inducto ſopore.

Nymphæa tota refrigerat ordine ſecundo, eius radix
 atque ſemen exiccat, ſos verò humectat, iſque naribus ac
 fronti admotus, capitis ex bile dolorem lenit, ſomnū con-
 ciliat, ſumptuſq; omnem extinguit ardorem. Lactuca tum
 admota tū ſummo cibo ſumpta acres demulcet humores,
 deſipientiam ſedat, vaporisq; ſuauitate ſomnum accer-
 ſit, idque blandē & citra offenſionem vllam. Solanum fu-
 rioſum

riofum venenatum est ac inutile, hortense verò esculentum est & ad motis foliis somnificum: sed & hortense immoderate sumptum mentem quoque perturbat.

Hyoscyamus albus eligendus cui flos & semen album est, cui verò flauum aut nigrum quod vel infaniam vel soporem inferat fugiendum. Sed ne albus quidem tutus, quòd immodico vfu dementet. Papauer album medicinis tutius sed minus efficax quàm nigrum, & sylvestre quod rheada appellant, flore rubro, nigro autem semine: estq; frigidum ordine tertio. Semperuium maius frigidum quidem abundè, sed nullius particeps malignitatis. Tria hæc fronti & naribus admota acres fluxiones sistunt, capitis ardores extinguunt, dolores leniunt ab æstu & febris ardore natos, somnumq; inducunt ac deliria sedant.

Caphura frigida sicca gradu tertio, acris, odorata, partium tenuissimarum. Capitis ardorem, cephalalgiam ab æstu naribus admota, aut cum fantalis & aqua rosarum stillaticia in frontis & temporum forū adhibita mitigat, sanguinem è naribus profluentē sistit, exëstus cerebrum recreat odore, sed libidinem extinguit. Mandragora frigida ordine tertio, siccaque primo perhibetur, radice, folio, fructuq; vsurpanda. Eximia ei vis refrigerandi atque compescendi ardentium febrium æstus, capitis dolores ac deliria, sed præcipua conciliandi somnum, soporifera enim est & narcotica. hæc autem præstat tum fructus odore, tum folio radicè ve trita, inductaq; ex oleo fronti atq; temporibus. Opium frigidum summo quartove gradu, siccum primo: planè narcoticum est quòd sublato aut consopito sensu stuporem inferat. Ad leniendum acerbum dolorem, ad quemuis ardorem protinus extinguendum, soporemque accersendum, extrinsecus moderatè appositum omnium quæ suprà dixi efficacissimum, quæ vel naribus illitum odore solo confert. Medicamentis inditur quorum exuperans calor temperari postulat, intro aliàs minimè purum admittitur.

Hæc igitur præcipua est eorū materia quæ in prædictos vsus coaptantur vel in syropos, vel in pilullas, vel in antidotos: huiusmodi sunt quæ asseruantur, syrupus rosarum siccarum, syrupus nymphææ, syrupus papaueris, diacodæon simplex, diacodæon compositum, pilullæ è cynoglossa, Philo

nis antidotus & trochisci de succino, Trochisci de Caphura & Trochisci Narcotici. In rem autē præsentem focus sunt sincipitis, embrocha, illitus, cataplasmata, frontalia. Vt in caulo & capitis dolore ab æstu, focus qui habet aquarū stillaticiarū plātaginis, rosarū, solani an. ʒ. iij. aceti ʒ. j. β. caphura ʒ. β. misce in fotū sincipitis & temporū. Aliud, ℥. rosarū, violarū, nymphaeæ, lactucæ, solani, semperuiui an. m. j. seminū lactucæ, hyoscyami & papaueris albi an. ʒ. β. coquantur ex aqua simplici, aceti quæ sextans sub finem indatur: tepido sinciput foueatur per spongiam aut per splenia. Hæc eorum materia (serpillo, meliloto, betonica rutaque additis) tusa cretaque & rosaceo vnguento aut populeo vel oxyrhodino excepta in cataplasma redigitur, accommodatum vigilis, phrenitidi, omniq; desipientiæ, fronti ac sincipiti inducendū. Ad hæc quoq; vitia earū partiū embrocha, id est irrigatio, fiet ex oleo rosato, nymphaeæ, papaueris albi & mādāgoræ: quibus si extrema res est, opium addetur, sed ea temperatione vt eius non supra grana dena olei vnciæ singulæ excipiāt. Addita cera illitus ex his fient, & cerata tum liquida tum solidiora, fronti temporibusque inducenda. Ex his quoq; aceto exceptis oxyrhodinū fiet cōpositum, iisdē partibus inducendū, vt quod ℥. olei rosarū, nymphaeæ & papaueris albi, aceti, aquæ stillaticiae solani & betonicæ an. ʒ. β. mista agitur pro embrocha frontis & sincipitis. Aliud: ℥. vnguenti populei & rosacei aceto lotorū an. ʒ. vj. β. seminis papaueris albi & psyllij contusorū, ceræ an. ʒ. β. malaxetur & concorporentur in cerati formā, quod inductum linteo fronti circundetur. Aliud siccū, ℥. rosarū rubrarū, foliorum violarū & nymphaeæ an. p. j. foliorum betonicæ, lactucæ, & hyoscyami an. m. β. sem. lactucæ & papaueris albi & amygdalorū amarorum contusorum an. ʒ. iij. concisa omnia & (si aridiora sunt) vapore aquæ rosarū madefacta exceptaq; splenus, interluantur, & applicentur fronti & temporibus.

*Calida medicamenta qua affectuum cerebri præsertimq;
frigidorum reliquias proprietate dissipant.*

CAP. XVIIII.

SALVIA calida primo, sicca secundo, quæ angustiore folio efficacior habetur, caleniter adstringit, & emanantem

tem sanguinem cohibet, ventriculū atque cerebrum corroborat, torpentem appetentiā excitat. peculiariter autem nervos firmat, eorumque vitiis omnibus medetur: in idque vires obtinet castoreo finitimas. Betonica cerebro auxiliatur, idque vel odore solo recreat. Hinc comitialibus furiosisq; medetur, paralyſim torpentiaq; membra perſanat.

Sampſuchus caſfacit ſiccātq; tertij ordinis initio, tenuiſſimum eſt partium, & validè digerit, odorisq; ſuauiſſime cerebrum nervoſque corroborat: ex hiſque ſtatim, craſſam pituitam, & hinc ſubortas obſtructiones diſſolvit. Roſmarinus ſampſucho præſtantior, vñā cum cerebro & nervis corſenſus omnes & memoriā confirmat: tremori atque paralyſi ſalutaris. Stœchas cerebrum nervoſque iuvat, & frigidis eorum medetur affectibus, illiſque moderato calore quaſi vitam reſtituit: vertigini, epilepſiæ atque melancholiæ ſaluberrima. Laurus caſfacit & ſubadſtringit, baccæ in medicamenta adiiciuntur quæ nervorum laſſitudines reſciunt, & ad vnguenta quæ caſfaciunt & diſcutiunt, earum ſuccus aurium dolori & gravitati inſtillatur. Myrtus quāmlaurus adſtringentior, moderato calore atque ſuauiſſime cerebro familiaris, eiꝯ ſpiritus virēſque fouet & firmat, nec parum ſiſtendis deſtillationibus opitulatur. Acorus qui Galanga eſt, calidus ſiccus ordine tertio, oriſ halitum commendat, frigidis & flatuofiſ ventriculi & cerebri affectibus medetur, inditus naribus cerebrū iuvat & firmat, ore verò derentus venerem ſtimulat.

Pæonia mas præſtantior eſt fœmina, calida ſiccaque ordine ſecundo, radice, flore, ſemine celebrata. Cerebrum odorata mirè recreat, ſed admota ſumprāque magis: mentis perturbationem ſedat, nocturna ludibria atque etiam incubos diſſipat, timores pauoreſque diſcutit, comitali morbo medetur. Cerebri quemadmodum & iecoris, renum, vteriq; obſtructiones tollit. Ruta ordine tertio caſfacit & exiccat: odorata & admota mentis hallucinationes & deſipientiam arcer, melancholicōſq; pauoreſ diſcutit, cum oxyrhodino illita capitiſ doloreſ quacunq; ex cauſa mitigat.

Serpillū acre, calidū & ſiccū initio tertij, & odoratum & ex oxyrhodino appoſitum cerebrum iuvat atque corro-

borat, vt idcirco dolores, deliria mentisque perturbationes sedet accersito somno: at nihilominus rheumatismos frigidâsq; destillationes capiti inductū sistit & dissipat. Spica quæ & pseudonardus, calfacit & siccatur ordine secundo, caput adnota calfacit eiuſque humores superuacuos exiccat, & destillationes arceat, apoplexiæ, paralyſi tremorîq; vtilis.

Centaurium minus rheumaticis affectibus auxilio est, neruis accommodatissimum, vt quos humore turgentes citra noxam euacuet ac desiccet. Iridis illyricæ seu florētix radix & aloë præterquam quod somnum alliciunt, dolorem etiam capitis temporibus & fronti ex rosaceo illitæ sedant, & odoratæ cerebrum recreant.

Compositiones porrò ex his pauca extant præcipuûsq; est syrupus è stœchade. Aquæ verò singulorum stillaticia ferè vsurpantur, & ex his quædam saccharo conseruantur, vt flores rorismarini & saluiæ & stœchados. Olea quoque non pauca vt myrtinum, laurinum, rutaceum, nardinum. In rem verò præsentem cū vel affectuum frigidorum materiam siccare, vel cerebrum corroborare consilium est, horum plurima in capitis lotiones aptantur, additis iuniperi baccis & anisi feniculiq; semine: coquunturq; vel farmenorum lixiuio, vel aqua cui sub finem vini albi quadrās affundatur. In id non modò virentes, sed & arefactę herbæ conferuntur, vt quarum integra vis etiam subsistat. Oleum quoque ad frigidos quosuis affectus sic comparari potest. ℞ Baccarum lauri, myrti & iuniperi an. ʒ ss. seminis feniculi, rutæ & peoniæ an. ʒ iij. saluiæ, betonicæ, sampſuchi, florum stœchados, rorismarini & spicæ an. ʒ ij. Tunfa omnia conspergantur lb ss aquæ vitæ, dum omnino madescant: deinde affusa olei libra vna coquantur vase duplici dum liquor omnis sit absumptus, expressumq; oleum recondatur in vsus.

Quæ destillationes sistunt & quæ cerebrum corroborant. CAP. XIX.

MASTICHE vapore tenues capitis fluxiones in crassat atque cohibet voratæq; cerebrum tenuibus expirationibus impetitur tuetur ac firmat, præsertim verò in feбри-

febris, epilepsia, vertigine & in cæteris quæ sympathia fiunt. Vernice suffitu aliquantò adstringentior & valentior mastiche, ad cætera tamen non tutò sumi potest. Succinū quod Arabum est carabe, & Græcorum ἡλεκτρον, calidum primo, siccum secundo ordine, leniter adstringit, tritūmq; ac potum vomitiones ventrisque fluxiones ac destillationes sistit, attritu iucundum spirat odorem, suffitūque cerebrū recreat, siccatur, eiūsq; destillationes quocunq; ruant cohibet, quod & collo circumductum non leuiter confert.

Thus calidum siccūmq; secunda classe, frigidas capitiss destillationes tum interiores ad fauces, pulmones & ventriculū, ad dentes & maxillas, tum externas sistit & quodammodo discutit atque siccatur, tum suffitu tum appositu emplastrivice.

Agallochum xylaloë, calidum siccum secundo gradu, odoratum, adstringens, subamarum, firmat omnia interiora viscera, sed peculiariter cerebrum tum mansum tum suffitum, eximie siccatur & corroboratur. Spicanardi humores è capite seu in fauces seu in pectus stomachūve procumbentes sumpta ac etiam ore contenta proprietate cohibet, viribus cæteris quàm pseudonardus præstantior.

Styrax calidus gradu primo, siccus secundo, cerebro quoque iucundus, cuius suffitu cerebrum siccescit, destillationes sistuntur, & raucesines grauedinesque mitescunt.

Melanthium calidum siccum recessu tertio, ad omnia ad quæ styrax atque etiam efficacius accommodatur. Nam frictum adductumq; naribus expirante odore destillationes omnes & coryzam exiccat, imbecillōque cerebro opitulatur. Intrò verò non tutò immititur. Succus quem officinæ benioin appellant, calidus siccus ac summè tenuis, odoris suauitate cor, cerebrum sensusque omnes exhilarat, caput suffitu siccatur, eiūsq; superuacua absorbet, inclinantibus morbis aptus.

Caryophyllum odoratu cerebrum corroborat & exiccat, eiūque affectus frigidos persanat, mentem erigit memoriāque firmat. Nux moschata eiūque macer sivel manditur vel naribus inditur tum odore tum substantia, cerebri, mentis, sensuūque vires auget. Myrrha suffitu cerebrum quoque recreat, superuacuos humores abstergit &

absorbet. Ambarū caput odoris suauitate roborat & epilepsia confert, cæteris quæ frigidis opitulatur affectibus.

Compositiones ex his nullæ extant, sed re exigente ex tempore comparari possunt: ferè autem singula teruntur in pulueres, quorū sit varius vsus. Suffitus adstringens destillationes tenues & acres, habet rosarum rubrarum, mastiches, vernicis, succini singulorum contusorum ʒ ss. crassas verò ac frigidas sistit cerebrumque corroborat, qui ʒ℥. Succini, seminis melanthij an. ʒ ss. styracis calaminthæ, benioin an. ʒ iij. maceris, caryophyllorum, nucis moschatae an. ʒ ij. Terantur in puluerem crassiusculum ad capitis suffitum. Si myrrha & mastiche singulæ pondo vnciæ vnius aqua rosarum stillatitia soluantur, adiecto puluere præscripto trochisci concinnabuntur ad suffitum apti. Puluis capillis inspergendus destillationes arcens. ʒ℥. Xyloaloës, succini, caryophyllorum an. ʒ iij. rosarum rubrarum, sampluchi, maceris, nucis moschatae an. ʒ ij. Cucullus verò seu interfusus pileus quo caput ad destillationes & frigidos affectus muniri solet. ʒ℥. Sampluchi, rosarum rubrarum, florum rosimarini, saluæ & stœchados, spicæ nardi arefactorum an. ʒ ij. corticis citri siccī, grani infectorii, maceris, piperis, nucis moschatae, caryophyllorum an. ʒ iij. fiat puluis qui bombacæ carpta exceptus coaptetur in cucullum. Cerebrum quoque roboratur siccaturque odoratis in nodulum coniectis, vel in globum pomi specie, vt ʒ℥. Seminis melanthij torrefacti ʒ ss. spicæ nardi, nucis moschatae, caryophyllorum an. ʒ ij. trita concludantur syndone in nodulum. Pomum odoratum hac formula ʒ℥. Sampluchi, rosarum rubrarum, pseudonardi an. ʒ ij. maceris, xyloaloës, nucis moschatae, caryophyllorum an. ʒ iij. styracis, benioin an. ʒ j. Trita confusaque omnia excipiantur ladano purissimo, vel mucilage gummi tragacanthæ, singanturque globuli pertusi, asperso puluere ambaris & moschi an. ʒ ss.

Ad pulmonum pectorisq; vitia. CAP. XX.

VITIA quæ tum pulmoni tum pectori inhærescunt purgato iam corpore atque destillatione sedata, ferè quidem vel leniendo, vel detergendo extenuandoque tolluntur.

Iuntur. In idq; ex infatigabili liberantiũ ordine aptissima sunt quæ incidendo atq; detergendo, nec vehementer calfaciãt siccãtve, nec exasperent: sed leniant & quadamtenus humectẽt, vt strobili, mel, terebinthina. Interdũ etiã acriora, sed ex melicrato, pitfana, vino dulci, aut leniente sorbitione data. Arteriæ autem pectorisq; asperitatem hæc peculiariter leniunt simulq; ardorem extinguunt.

Pruna dulcia moderatè refrigerant, humectant verò ordine secundo, aluum molliunt ac subducunt, pectus arteriamq; leniunt, bilis ardorem ac sitim compescunt.

Zyzypha quæ & iuiubæ ac myxaria quæ & sebesten, quo prunis dulciora, hoc viribus omnibus eis antecellunt. Cre-mor hordei refrigerat, humectat & oblinat, sitim restinguit, deterget sine adstrictione, ac facili in thoracis partes illabitur.

Succus amygdalarum dulcium arteriam pulmonemq; lenit, ac simul emolliens humores è thorace (putis educit: qui ex amaris elicitur, obduratos ac tenaces validius expectorat. Semen malux quia humectat & oblinat asthmaticis bibendum datur, thoracem pulmonemq; proprietate iuuat, raucamq; vocem lenit.

Semen bombacis quod crassa leniendo extenuet, tussi & thoracis viriis peculiariter medetur. Viola feruidos acresque humores temperat & sicciscentes pulmones humectando recreat, eorumq; exasperatas vias lenit.

Glycyrrhiza temperata calore, modicè humida: omnia exasperata propriè verò arterias lenit, tussim siccã, asthma atq; sitim mitigat. Gummi arabicum refrigerans ac modicè siccans, sed tamẽ quia emplasticum, asperitatibus omnibus medetur, nec ventriculum relaxat.

Tragacantha frigida secundo, humida primo recessu: humidior quàm gummi, aptiusq; tussim veterem omnesq; asperitates lenit.

Nuclei pinei calore temperati luculenter humidi emolliunt ac detergunt, purulentam, crassam, lentamq; expuitionem promouent.

Pistacia quia leniendo subamara sunt & adstringẽtia, pulmonis thoracisq; obstructions liberant. Auellana tostæ destillationem arcent, crudæ verò ac recentes tussi veteri

medentur, stomacho tamen infestæ præsertim quæ vetustate nimium exaruerint.

Mel calidum siccumque ordine secundo, valenter dergit, aluumque subducit, non nisi coctum sumitur, nam flatus crudum excitat & ventriculum offendit.

Saccharum minus calidum ac siccum quàm mel, utque gratius est & suavius, ita & omnia mitius quàm mel efficit, nec stomacho infestum est.

Compositiones ab his extant, syrupus zyzyphorum, syrupus violatus, electarium tragacanthæ frigidum, eclegma è pino, pilullæ bechicæ, pilullæ albæ & penidia. Ad quarum imitationem aliæ quoque possunt in rem præsentem præstitui, quemadmodum & potiones quædam lenientes pectorales appellatæ, quales ex hordei m. j. paslarum 3 j. zyzyphis, myxariis an. viij. nu. glycyrrhizæ 3 ß. in aqua 1b. iij. percoctis.

Hæc verò pectoris pulmonumque vitia detergendo & extenuando purgant. Vua passa quæ dulcis fuerit, leniendo detergendoque leniter thoracis ac pulmonis affectibus eximie succurrit.

Ficus abstergendi facultatem & incidendi obtinent, præcipue verò thoracem purgant, tussi veteri diuturnisque pulmonum vitiis conueniunt, gutturi, arteriæ, & anhelatoribus aptissimæ. Capillus veneris propriè pectus & pulmones expurgat, pleuritidi & peripneumoniæ utilis. Adiantum album crassa & lenta ex pulmone educit.

Hyssopus peculiariter peripneumoniæ, asthmatis, orthopnoæ & tussi veteri ex destillatione opitulatur, præsertim si ex melle, aut vis passis, fico & ruta decoctus potetur, detersor familiaris. Prassium quod album appellatur, crassa è pectore educit, vtiliterque datur asthmaticis, tussientibus, & interdum tabidis. Origanum linctum ex melle tussibus medetur: inclinanti quoque peripneumoniæ & pleuritidi.

Calamintha orthopnoæ, asthmatisque confert ex hydro-melite. Abrotanum maximèque eius semen recta ceruicæ spirantibus, ruptis, conuulsis, tussi, orthopnoæ auxiliatur.

Polypodium radice vsurpatur calida siccaque ordine secundo: dulcis pariterque subaustera est, crassam pituitam detrahit, præcipue verò è pulmonibus, quia lenis est & dulcis.

Cnici

Cnici semen ac propriè eius medulla in vsum venit, calida siccaque ordine secundo: abstergens & aperiens, simülq; leniens, propriè pectus atque pulmonem lenta pituita expurgat, vocem clarificat.

Iris flore ac radice insignis, calida siccaque ordine secundo, inueterata omnia pectoris pulmonumque vitia blandè expectorat. Hellenium radice vile, calidum ordine tertio, siccum primo, ad educendos lentos & crassos thoracis humores accommodatum: veterem tussim emendat, orthopnoeam, conuulsiones, inflationes, stomachique vitia, mentes quoque mouet & vrinas. Satureia quæ & thymbra, medetur pulmonis & thoracis vitiis & thymum viribus æmulatur. Thymus vt obstructiones hepatis & viscerum soluit & expurgat, ita crassa lentaque è pulmone & thorace expectorat, anhelotis & asthmaticis cum melle datum omnia thoracis vitia excreabilia facit, sed foetum excutit.

Iuniperus calida & sicca ordine tertio, baccæ crassos & glutinosos humores extenuant, Potæ ad vitia thoracis, ad tussis, inflationes & tormina profunt: sed ramentum ligni deuoratum interficere creditur. Sefeli masiliense officinis filer montanum calfacit & desiccatur ordine secundo, radix & semen tenuium sunt partium, stomachi viscerumq; concoctionem iuuant, tussis diurnas sanant, & orthopnoæ medentur.

Dracūculus calidus siccus, acer & amarus, lenitèrq; adstringens, tenuium est partium. Radice viscerum omnium crassos ac lentos humores attenuans expurgat, tussibus ex destillatione prodest: bis tervè elixa in cibo, radix crassos ac glutinosos humores è pulmone validè extergit, incidit, & expurgat. Arum calidum siccum ordine secundo: easdem atque dracunculum vires, sed multò infirmiores obtinet.

Cepa, portum, allium, scordium vim acrem & excalfactorem habent, qua viscerum omnium imprimisq; pectoris crassos & viscosos humores extenuant, detergunt & expurgant: præcipuè verò portum & scordium purulentam crassamque pulmonum materiam pectore expellunt & arterias purgāt, si aut cum ptisana hydromeli tervè cocta edantur, aut cum nasturtio, melle & resina in eclegmate delinantur. Si semel atque etiam iterum mutata aqua parum

præcoquantur, acrimoniam quidem illa & cacochymiam deponūt, sed inefficaciora ad cōmemorata paulò reddūt.

Scylla pectus crassīs & lentis humoribus infarctum expurgat, tussim veterem & asthma persanat, sanie ē pectore elicit. Crocus lethargicos strenuè iuuat, sed pituitam attenuans ad spiritus difficultatem, ad tussim & pleuritidem mirè cōfert.

h. h. Zioziber crassam pulmonum pituitā attenuat, tenuem cōcoquit, tussis veteris, asthmatis frigidorūq; affectuum familiare remediū, quod præcipuè recens conditum fuerit.

Aristolochia vtraq; amara & subacris, abstergit & digerit, sed rotunda crassos humores validius extenuat, & ab iis natas obstructions promptius expedit. Hinc asthmaticis, suspiriosis & pleuriticis auxilio est. Genūne radix extendendo & abstergendo obstructions efficaciter expedit, idq; tanta vi vt iumentis etiam non tussientibus modò, sed illa quoque trahentibus auxilietur pora.

Myrrha tuberculo fabæ deuoratur in vetere tussi, orthopnoea, in laterum pectorisq; doloribus.

Hæc autem peculiari dote tabidis opem ferunt. Scabiosa calida sicca, non modò quia amara, sed & ingenita facultate validè adeò pulmonē expurgat, vt eius tum abcessus atque vomicas tum etiam pleuritidas proprietate rumpat & expurget.

Pimpinella calida siccaque ordine secundo, absterfionis adstrictionisq; parriceps: tabidis aptissima, cruentas excreationes sistit, sordidas ac purulentas expurgat, vlcera detergit, mirificè siccāt & agglutinat.

Tussilaginis radices & folia petuntur, hæc virentia temperatis proxima sunt, siccata verò modicè acria & calida euadunt, hinc siccas tusses & orthopnoeas sanant, & accensa inspirato fumo pulmones tam blandè expurgant, vt sine noxa omnes thoracis abcessus rumpere credantur.

Symphytum, consolidā maior ordine secundo excalcificatque. Collectum in thorace pulmonēque pus expurgat & sanguinis reiectiones sistit.

Pulmo vulpis arefactus si bibatur suspiriosos adiuuat, tabidorū vlcera agglutinat, roboratq; pulmonū substantiam.

Ex his componuntur extantq; medicamenta huiusmodi, syrupus

sympus hyssopi, syrupus prassij, electariū diaireos simplex
 & diaireos compositum, conditum adiantū, conditum flo-
 rum iridis, conditum radicum enulæ, zinziber conditum,
 eclegmā ē scylla simplex & compositum, pilullæ scabiosæ.
 Et quæ ad sanguinis excreationem & ad rabidos purulen-
 tōsve conferunt, trochisci ē terra lemnia, syrupus symphy-
 ti. Quum magna sit horum compositorum supellex, rarō
 decernuntur alia nisi cū penuria subest, aut ad implicitos
 affectus insueta desideratur permistio, vt quæ leniendi &
 expectorandi hoc modo vim obtinet. ℞ zzyzypa, myxa-
 ria, ficus passas an. vj. nu. vuarum passerum ab acinis libe-
 rarum ℥ j. polypodij quercini, seminis enici, radice helenij
 an. ℥ ss. adiantū albi, hyssopi, prassij, origani, satureiæ an. m.
 j. seminis althææ & seseleos an. ℥ ij. coquantur exprimanturque
 ad sesquilibrium, adiectoque pari sacchari pondere
 recoquantur in syrupum. Si vel ecleginata vel electaria rei
 præsentis necessitas expostulet, horū permistio ex his quas
 antè protuli formulis discenda.

Quæ cordis discutiant affectus cardiaca appellata.

CAP. XXI.

QUOD affectus pauci in cor inuadere posse credantur,
 cardiace facultates præcipue sunt, noxia omnia mali-
 gnâque depellere, & cordi robur cōferre. Malignitatē
 depellūt alia frigida, alia calida. Cardiaca frigida hæc sunt.

Buglossum, trumque languentibus medetur & tyncope *verbu de*
 vexatis, melancholicos exhilarat, & ex diuturno morbo cō-
 ualescentes recreat. Viola & nymphaea in cardiacis frigi-
 dis quoque habentur, vtraque cordis tædia discutit, spiritus
 excitat ac tetros arceat vapores. Semen mali citrij amarū,
 venenis resistit, oris suauitatem commendat, ad mulierum
 malaciā confert. Succus mali citrij & punici acidi & aran-
 cij acidi frigidus siccus ordine tertio, aduersus internas &
 pestilentes putredines, venena, & partium principum ma-
 ximeque cordis imbecillitatem in primis utilis est, & dum
 cardialgia hoc est mordicatio ventriculi os inest. Se-
 men oxalidis cordis & oris stomachi inextricabilia vitia,
 maxime scorpionum ictus sanat.

Mali odorati atque coronei succus cor & stomachum roborat, syncopen tollit, venenum consopit aut arceat.

Calida. Melissophyllum syncopen ex frigida causa, morem tristitiâmq; excutit. Doronicum quod Paulo Arnabo dicitur, radix calida & sicca ordine tertio, subdulcis, intus alba, foris flaua, pollicis castitæ, nodosa, densa, cordis palpitationi & venenatorum moribus atque ictibus auxiliatur, ipsumque cor peculiariter roborat. Veronica altera quæ & tunix & bistorta, calida & sicca, subamara, contra nocturnas peregrinationes & difficiles somnos commendatur, aduersus toxica, serpentum & scorpionum ictus ex vino albo bibitur: succus pestis arceat contagia, & vomitiones cohibet. Dictamni radices & folia in viu sunt, calcificant & siccant ordine tertio, tenuium sunt partium: ad morsus & ictus venenatos exhibentur, & ad pestilentium febrim malignitatem. Pentaphyllum tormentilla vulgo, siccatur tertio recessu citra manifestum calorem, subadstringit, tenuium est partium, venenis resistit & pesti, omnes sanguinis eruptiones cohibet. Atractylis hirsutior quibusdam, aliis acanthium, carduus benedictus vulgo, calidus siccus, amarissimus, obstructions interiorum viscerum tollit, & eorum vlcera sanat: aduersus pestilentes aliosque venenatos & putres affectus in primis efficax. Stoebe scabiosa, vt abscessus interiores rumpere, ita & pestilentium morborum virus e corde foras extrudere creditur, & eorū bubonas carbunculósque discutere. Ocimi semen cardiacum est, cor enim exhilarat eiusque defectionem tollit & humidum stomachum roborat.

Corroborantia frigida. Os e corde cerui, hominis cor quadam substantiæ similitudine roborat, ad cardiacam affectionem & syncopen in primis vtilis. pro quo in eisdem vsus cornu cerui substituitur. Cornu unicornis omnium præstantissimum creditur cor tueri, veneni vim omnem obrundere, & pestilentium morborum perniciem lenire.

Ebur frigidum siccum primo gradu, cordis robur tuetur & conceptum adiuuat. Aurum temperatissimum, foliolis & veluti bracteolis ad naturæ robur & affectus melancholicos, ad exolutum stomachum, ad cardiacos & præter rationem mœstos efficax. Argentum frigidum humidumque

Sprei symbol

dūmque temperatè, auri vires quadamtenus æmulatur, sed iam metallica malignitatis quodammodo particeps.

Vniones seu margaritæ frigidæ siccæ, integræ potiores, cor proprietate roborant, syncopen tollunt, putredini cor obfidenti pestique & venenis obfistunt.

Saphyrus potus ictos à scorpione iuuare, & cor ab omni veneni labe tueri creditur, & intestinas vlcerationes emendare. Hyacinthus virulentarum quoque bestiarum ictibus & malignis medetur affectibus. Smaragdus, eadem non potus modò, sed & collo subnexus confert, & melancholiam mœstitiãq; soluit. Corallus frigidus siccus secundo gradu, ut adstringendo stomachum roborat, & sanguinis reiectiones magnoperè sistit, ita & cordi robur conseruat, idq; muat aduersus pestilentium morborum iniurias. Succinum cor & stomachum firmat, cardiacis & cordis palpitationi accommodatum.

Sigillum leuium frigidum & siccum primo recessu, morfus serpentum & omnium reptilium sanat, mortiferas & venenatas potiones nocere prohibet.

Bolus armena frigida ordine secundo, pestilenti feбри opitulatur ei que resistit, putredinem cohibet, & sanguinis expuitionem & dysenteriam & destillationem.

Caphura malignos vapores præsertim calidos extinguit, ab hisque ortam sensuum exolutionem reparat.

Calida. Xylaloë ad cardiacos affectus, ad syncopem, ad omnia denique cordis frigida vitia vtiliter exhibetur.

Cortex citrei mali, odor, calidus siccus, cor aliasque principes partes muniens, putredini & venenis resistit.

Cinamomum calidum tertio ordine, siccum secundo, putridam saniem exorbet, ad delecteria & venena vile.

Caryophyllum calidum siccum tertio gradu, odoratū, acre, subamarum: cardiacos affectus & syncopem tollit, viscera corroborat & cordis spiritus resarcit. Amomum calidum siccum tertio gradu, validè siccatur & adstringit, odoris que suauitate cor recreat. Crocus calidus ordine secundo, siccus primo, coquit, digerit, mediocriter adstringit, cor in primis deinde alias partes roborat, emendatque earum putredines: sed extra modū sumptus lethalem vim inferre perhibetur. Moschus calfacit siccatur ordine tertio, tenuium

est partium, odore spiritus instaurat, languidas partes ac præcipuè cor firmat & roborat, lipothymiam & vires resolutas facit, sed imbecillum cerebrum biliosis præsertim fecit. Ambarum calidum siccum secundo gradu, humores calfacit, incidit, attenuatque, stomachicis miscetur, cor & cerebrum proprietate roborat, & syncopem tollit, sed ebrietatem accersere dicitur permistum vino: senibus & natura frigidioribus accommodatius quam iuuenibus.

Hæc porro simplicia in compositiones coaptantur, quæ sunt huiusmodi: Syrupus buglossi, syrupus è succo aut infuso violarum, syrupus nymphææ, syrupus è succo oxalidis, syrupus malorum redolentium, syrupus è succo persicorû malorum, syrupus è succo limonum, syrupus granatorum, syrupus è cortice citrij, syrupus è succo citrij acido. Quibus omnibus cardiaca quodammodo vis inest cor muniendo arcendôque putredinem: vnos autem syrupus melissophylli malignitatem omnem extinguit. Electarium quoque de gemmis, diamargariton frigidum, electuariû de ambra, electuarium exbilarans, mithridatium, electuariace. Flores præterea & fructus saccharo conditi conseruatique, vt buglossi flos & radix, flos violarum, persica condita, mala odorata condita, cortex citri conditus, & nux moschata condita. Quinetiam non pauca extemporaneæ compositiones in alias quoque trāsferuntur formas, vt in pulueres, in condita, in pastam regiam, in destillatum instaurarium, in epithemata, in sacculos, in suffitus & odoratos globulos: quorum exempla quædã exercitationis gratia hic subieci. Puluis. ℞. Cornu cerui & vnicornis, margaritarum splendida- rum, scobis eboris an. ḡvj. fiat puluis tenuis ex cochleari sumendus, aqua buglossi & vino albo dilutus. Eiusce pulueris drachmæ duæ exceptæ vncijs tribus sacchari albi soluti aqua rosarum stillaticia, concinnantur in tabellas quas manus Christi appellant. Huic & nonnihil interdû additur electarij de gemmis aut de ambra, interdû & ambatis momentum. Fit & ad pestilentia hac formula: ℞. Fragmentorum gemmarum sapphiri, hyacinthi, smaragdi, margaritarum, coralli rubri an. ʒj. ossis è corde cerui, eboris, seminis ocymi, cardui benedicti, citrij, oxalidis, radicum tunicis, tormen- tillæ & angelicæ, daronici an. ʒss. terræ lemnis, boli arme-

ne an 3. j. moschi, ambaris an. g. viij. sacchari albi soluti aqua
 melissophylli lb. ss. cōcinnetur electarium in tabellas pon-
 do 3 ij. Conditum cardiacum. ℥. Corticis citri conditi,
 confusæ buglossi, violarum & rorismarini an. 3 ss. pulue-
 ris electarij diamargariton frigidi & electarij de gemmis
 an. 3 ss. sacchari albi quod satis est ad conditiū formam. Epi-
 thema. ℥. Aquatum stillaticiarum melissophylli, buglossi,
 cardui benedicti & rosarum an. 3 ij. acetii 3 j. In quibus dis-
 solue omnium santalorum, xyloaloës, caryophyllorum,
 corticis citrij siccitritorū omnium an. 3 j. croci 3 j. caphu-
 ræ 3 ss. fiat epithema cordi inducendum ad æstum & mali-
 gnitatem arcendam. In id quoque pulueres sacculo inclu-
 duntur, qui vel fuscus cordi admouetur, vel suprā dicto liquo-
 re imbutus. Odore quoq; labes arcetur ex his quæ epithe-
 ma constituunt. Destillatū cardiacum & instaurans. ℥. Cō-
 feruæ buglossi vti usq; violarū, rosarum & nymphaeæ, corti-
 cis citrij cōditi an. 3 ij. pulueris electarij diamargariton fri-
 gidi, electarij de gemmis & de ambra, croci an. 3 ij. seminis
 citri, oxalidis, cardui, atractylidis & citrij mali, radicū di-
 ctamni, vetonicæ & pentaphylli an. 3 iij. iusculi caporū iu-
 uenum altératorū cum lactuca, oxalide, portulaca, scabio-
 sa & melissa lb. vj. trita confusaq; omnia vaporario vitreo
 inclusa igni mandentur, vel aquæ feruenti, sensimq; liquor
 eliciatur. His nonnunquam perdicum aut turturum, aut
 etiam nemoralium testudinum præparatarum concila ca-
 ro permiscetur cum medulla panis albi, Excepti deinde li-
 quoris libra dimidia cum sacchari vnciis duabus & cinamo-
 mi drachma vna colo transmittitur in vsus, affusa interdum
 semuncia succi granatorū aut limonum. Destillatum aliud
 malignitatem arcens & obtundens. ℥. endiuia, buglossi
 vtriusque, stœbes, pentaphylli, cardui benedicti, oxalidis,
 pimpinellæ, betonicæ recentium omnium an. m. j. radicū
 dictamni, vetonicæ, & pentaphylli, aristolochiæ rotundæ,
 gentianæ, doronici romani, zedoariæ an. 3 ss. seminū oxali-
 dis, cardui atractylidis & plantaginis an. 3vj. theriacis, mi-
 thridatij veteris an. 3 ij. Recentes herbæ tundantur hisq;ue
 aspergantur reliqua omnia exquisitè trita, sinanturque tri-
 duo macerari: ex his dein in vaporarium coniectis sensim
 liquor excipiatur.

Ventriculo accommodata. CAP. XXII.

QUAE stomachica nuncupantur medicamenta, alia humorum quibus est imbutus ventriculus illuciem exungunt absumentque, vel profus detergunt, eius robore servato: alia concoctionem adiuvant, ceterasque illius functiones confirmant. Prioris quidem classis sunt, malum citrium & medicum, malum punicum & cydonium seu cotoneum, cerasium, ribes, oxyacantha, sorba, mespila, & quaecunque supra dixi æsuantem bilem frenare. Hæc enim bilis reliquias obtundunt, vomitiones sistunt, æsuantem ventriculum refrigerant, sitim extinguunt, cibi fastidia discutunt & appetentiam inuicant, dissolutumque ventriculum adstringunt & corroborant.

Quæ verò deinceps sunt id ipsum præstant in frigidis humoribus, qui stomachi tunicas infarciunt.

Menta utraq; calida & sicca principio tertij ordinis, gustu acris, subamara, tenuium partium, adstringendi & excitandi vim obrinet. Stomacho apprimè utilis est, appetitum excitat, & in condimentis peculiarè usum inuenit, in eo humores frigidos crassosque excalfacit, attenuat & absorbet, singultus, vomitiones choleraq; sedat, sanguinis vomitiones sistit: sed cõceptioni resistere creditur. Beronica crudorù cõcoctione adiuuat, datur acidum ructantibus & stomachicis, dolorè capitis ex ventriculi sympathia sedat. Absinthiũ calidum primo gradu, siccum secundo, adstringens, amarũ & acre, excalfaciens pariter & detergens, roboras & desiccās: eius decoctum stomachum corroborat, bilem eiq; inharrentem pituitam detergit, vacuatque tum per aluum tum per vrinas. Hinc morbo regio correptos sanat, malaciam stomachi, & inflationem discutit, appetitum excitat, nausæ arcet, lumbricos pellit: comæ, folia & semen vsurpantur: sed succus stomacho insensus est. Salvia excalfaciens & subadstringens, appetitum excitat, cruda crassaque conficit, & stomachum corroborat, singultum quoque lenit. Sisymbriũ, balsamita vulgò seu menta aquatica, excalfacit atque siccat tertio ordine, tenuium partium est, & digerentis facultatis, ex redundante pituita vomitiones, singultus, stomachicq; dissolutiones cohibet seu sumptũ seu admotum, vrinam

vinam ciet. Non edendum grauidis nisi mortuo iam conceptu: quippe etiam impositum ipsum extrahit. Succinura calidum primo recessu, siccum secundo, ventriculū & torroborat, nauseam sedat, prauos ventriculi humores absorbet atque eos gigni prohibet, ventrisque fluxiones sistit.

Corroborantia & adstringentia frigida, quæ tum reliquias acrium humorum absorbent, tum concoctionem iuuant. Rosa amara, adstringens præcipuè rubra, arefacta stomachum & secur corroborat, eîsque dissolutioni mædetur, vomitiones & lienterias sistit. Cyrtinus mali puniceos, stomachum roborat, fluentem aluum sistit, bibitur commodè sanguinem excreantibus. Balauftium adstringentem quoque vim habet, & eandem quam cytinus.

Myrtus tum baccis tum folio citra calorem, ventriculi superuacua & alui illuiem siccatur atque concoquit, fastidiū abigit, præcipuamque corroborandi facultatem adstringendo obtinet. Oliua recens flaua necdum matura, vilis stomacho, ipsam roborat, adstringit, appetentiam mouet, humores acres digerit. Idem præstant oliuæ halmades, quæ muria conditæ seruantur.

Coriandri semen præparatum adstringit, terget, concoctionem adiuuat, ventriculum roborat, eîsque exhalationes in caput ferri prohibet. Rhus frigidum ordine secundo, siccum tertio, vehementer adstringit, ventriculum eîsque facultates omnes roborat sumptum & admotum, vomitiones, dysenterias, sanguinis eruptiones, aliàsque diuturnas fluxiones cohibet obioniis inspersum, aut aliter sumptum, inflammationes mitigat, menses quoque sistit. Acacia frigida primo gradu, sicca tertio, validè adstringit, stomachi robur virèsque omnes fouet, vomitum sistit, menses suppressit. Lycium siccatur ordine secundo, calore temperatis proximum est, adstringit, terget, digerit. Hypocistis eadem quæ acacia, & multò validius præstat, eodem quoque censu cistus existit, aliquanto tamen siccantior & adstringentior.

Calida quibus præcipua vis est ad frigidos crudosque ichores absumendos, & ad concoctionem augendam, hæc ferè sunt. Mastiche calida & sicca ordine secundo, parum adstringit, minimum est acris, stomacho auxiliatur, purgantium

acrimoniam frangit, exhalationes reprimat, destillationes arceat & absumat, vomitionesque sistit. Crocus stomacho utilis est, ciborumque concoctionem iuuat. Myrobalani omnes vehementer adstringunt, stomachum expurgant & corroborant, vomitiones, dysenterias, & alia alui profluvia compeſcunt, & appetentiam reuocant.

Galanga calida sicca tertio gradu, sapore acerrimo linguam admodum vellicante, concoctionem adiuuat, oris halitum commendat, venerem stimulat. Spica nardi calida excessu primo, sicca secundo, adstringit, subacris & leuiter amara, stomachum roborat sumpta & admota, omnesque frigidos affectus concoquit. Agallochum odoratum, gustu adstringens & subamarum, ventriculum frigidum corroborat, concoctionem adiuuat, eius putredinem summovet, & superfluentes humores absorbet, flatusque discutit. Macer calidum siccum tertio gradu, vi aromatica odoreque suauis præditum, subacre, tenuium partium: hoc peculiare habet ut ventriculum roborat, & concoctionem iuuat. Nux moschata calida sicca secundo gradu, vim habet roborandi ventriculum, & frigidos ipsius affectus sanandi, concoctionem iuuandi & flatus discutiendi. Zinziber calidum tertio ordine, humidum primo, odoratum, obstructions aperit, stomachum corroborat & exalfacit, concoctionem promouet, vapores crassos & flatus discutit, crassos humores attenuat, aquosos absumat. Caryophyllum ventriculi calorem roburque suscitatur, concoctionem perficit, cardialgiam tollit & nauseam, doloresque ex cruditate & flatuum copia subortos.

Cinamomum exalfacit, adstringit, roboraturque ventriculum & concoctionem iuuat.

Ambarum siccitate ventriculi superfluentes humores absumat, odoris suauitate prauam illorum qualitatem omnemque impuritatem ac putredinem emendat, suscitato natuiuo calore ac spiritu concoctionem iuuat, ceterasque functiones validiores efficit. In id quoque usurpantur quæcumque eorum natuiuumque calorem fouere & roborare tradita sunt.

Ex his porro compositiones extant asseruanturque variæ, syrupus myrtinus, syrupus mentæ & abſinthij & miuæ cydoniorum, electarium myrtinum, electarium diarrhæon, & aro-

& aromaticum rosarum maius, trochisci espodio, myrobalani emblicæ & cepulæ conditæ, iuglandes nuces conditæ, sorba condita, cydonia condita, conferva rosarū & mentæ, cortex citri conditus, & nux moschata condita. Quarum imitatione alia quoque ex tempore præscribuntur, ut vinum absinthij & iusculum è radice cichorij & absinthij coma, iulepus è succo cydoniorum aut granatorū, & aqua rosarum stillaticia. Condita quoque multiplicis usus. Adhæc fomentum è rosa, cytino, salvia, menta utraque, & absinthio, cum portione cyperi, calami aromatici & schœnanthi, adiecto sub siæm vini quadrante. Ceratum molle ex oleo mastiches, mentæ, absinthij, nucis moschatæ & nardino, aut horū quibuscūq; cum ceræ momento. His etiam ut vnguenti species euadat, interdum pulveres insperguntur galangæ, maceris, nucis moschatæ, xylaloës, & zinziberis, ut singulæ olei vnciæ singulas puluerū drachmas habeant cum ceræ tantillo, & ambari aut moschi exiguo. Aut si plusculum puluerū atque ceræ sit, ceratum solidius existet, in quod plerumque solet mastichestriens quadrante addi, tundiq; pilo calente: quò etiam pertinere videtur ceratum stomachicum. Sacculus præterea minutim transsutus in scuti formā concinnatur ex aridiorum tritorum pulvere, ut qui habet rosarum rubrarum, cytinorū, mentæ, absinthij, sampsiuchi arefactorum an. ʒ iij. spicæ nardi, galangæ, nucis moschatæ, caryophyllorum an. ʒ ij. croci ʒ ss.

Iecoris peculiaria medicamenta. CAP. XXIII.

CUM iecoris tum substantia tum venæ exiles sæpe infarctu & humorum illius præpediri soleant, magnæque sit huius visceris dignitas & præstantia, id quidem maxime medicamenta postulat quæ obstructione liberent atque corroborent, nullo vehementi calore. In hæc autem non omnia promiscuè, sed peculiari quadam dote ista conferre comprobantur.

Gramen modicè frigidum siccūque, subadstringens & suave, tenuis substantiæ, iecoris infarctus soluit roburque tuetur. Iatybum omne calidam hepatis intemperiem, atque etiam inflammationem extinguit, sanguinis feruorem se-

dat, obstructions iecoris aufert: hinc biliosam eius collectionem expurgat, icterum persanat, iecur proprietate quadam corroborat, nec ventriculum offendit, semen genitale minuit. Cicerbita, hieracium & chondrilla, vt temperatura affines sunt, sic viribus minimum discrepant: eadem quæ intybum, sed ignauius multò præstant. Lichen quæ hepatica, detergit, mediocriter refrigerat, iecoris obstructions tollit, icterum & impetigines curat, sanguinis inflammationes compefcit. Adiantum omne tenuat, digerit, aperitque iecoris obstructions & ictericis cõfert. Quatuor semina frigida maiora & minora refrigerant, incidunt, ac detergent, tenuium sunt partium, vt iecoris quoque obstructions expediant.

Plantago frigida sicca ordine secundo, adstringit, & nihilominus digerit, hepatis obstructions soluit, putredines & dysenterias coërcet, fluxiones sistit tum folio tum semine.

Oxalis omnèque rumicis genus tum radice tum semine blandè iecoris illuuiem expurgat, obstructions expedit, ex eaque genitos affectus persanat: & adstrictione leni nec iniucunda ipsam pariter iecoris substantiam firmat & corroborat.

Calida. Eupatorium calfacit, incidit, abstergit, peculiari-ter verò iecoris obstructions expurgat seruato robore, diuturnis & erraticis febribus apta. Fumaria iecur obstructum aperit, laxiùsque firmat, bilem expurgat, sanguinem impurum clarificat, & putredini resistit.

Lupulus calidus siccus primo ordine, detergit & aperit, expurgat iecur, & obstructionibus liberat, icterum sanat, mensesque mouet. Asparagus iecur infarctu liberat tum radice tum semine: regiòque morbo auxiliatur. Idem ac etiam efficacius conferunt apij, petroselinij & feniculi radices, quæ si calidior erit affectus, aceto macerandæ sunt.

Abinthium vt ventriculo, ita præcordiis & iecori opitulatur, quòdque in venis biliosum est per vrinas expurgat.

Prasium vt gustu amarum est, ita iecur infarctu liberat & regium morbum expurgat.

Peucedanum veteres hepatis obstructions aperit, confertque incipienti scirrho.

Chamædrys amara, subacris, incidit, terget, viscera præcipue

cipue verò iecur expurgat & obstructionibus liberat. Chamaepitys terget, purgat, obstructum iecur liberat, ictericis auxilio est.

Corroborantia frigida. Santala omnia frigida gradu tertio, sicca secundo, calidis naturis conueniunt, propriè verò hepar corroborant & refrigerant, cardiacos iuuant. Ebur frigidum siccum gradu secundo, adstrictionis cuiusdā particeps, qua visceribus robur adiicit. Spodium ebur vsum, refrigerat, adstringit, sitim compefcit, ventriculū & hepar roborat. Rosa & lichen iecur roborant. Corallium frigidum siccūque ordine secundo, adstringit, roborat, bilis feruorem compefcit, eiusque impetum seu sursum seu deorsum sedat, iecoris substantiam quouis modo solutam impingit atque coarctat, & sanguinis vndecunque manantis fluorem sistit.

Calida. Iuncus odoratus seu schoenanthum modicè calfacit adstringitque, mediocriter digerit, ventriculū & hepar corroborat, sanguinem excreantibus auxiliatur. Calamus aromaticus calidus siccus ordine secundo, leniter adstringens, minimum acer, ventriculū & hepar excalfacit roboratque, hydropem sanat & tussim. Eupatorium moderato calore peculiariter hepar corroborat. Vua passa tota substantia iecori familiaris, moderata adstrictione ipsum roborat. Id ipsum præstat pistacium subamarum, odoratū, atque essentia tenuitate iecur obstructum expedit.

Composita medicamenta quæ humorum reliquias è icore per vrinas expurgant sunt syrupus cichorij, syrupus endiuia, syrupus bizantinus, syrupus è radicibus minor, syrupus è radicibus maior, & oxymeli cōpositum. Corroborat verò electarium triū santalōn, & trochisci eupatorij, electarium diacubebe, & trochisci è succino. Refrigerant verò conferua cichorij, surculi lactuce, endiuie & portulacæ conditi, cerasia cōdita, oxyacantha condita, & ribes conditum, aut si quando res ipsa expostulat, recentia sient apozemata modo simplicia, modò acida, affusis interdum herbarum succis. Electaria quoque & condita confusis pulueribus atque conferuis. Fetus præterea siquid emolliendū aut calfaciendum est, & epithema si refrigerādum ex aquis stillatitiis endiuia, portulacæ, absinthij, plantaginis, & rosarum paribus

portionibus & aceti parte octaua, in quibus trium santalorum, tolarum, lupinorum & trochilicorum è caphura pulueres conuenienti dosi soluti sint. Illitus quoque & vnguenta ex his quæ ipsi quoque ventriculo accommodauimus.

Qualiæni conueniunt. CAP. XXIIII.

APTA lieni medicamenta ea sunt quæ suauitate quadam terrenum illius humorē vel emolliunt, vel quodammodo colliquant, detergunt & attenuant, sine adstrictione conspicua, vt deinde obstructione soluta facilius excidat in aluum. Horum quædam moderatè frigida sunt & humida, quæ exuperanti bili retortidæ conueniunt, vt viola, buglossum vtrumq; succus malorum fragrantium. Plurima verò moderatè calida sunt & tenuium partium, vt crassam sæculentamque melancholiam attenuent atque dissipent: qualia hæc sunt. Lupus salictarius seu lupulus, lienis obstructiones expedit eumque expurgat. Cassutha peculiariter lienem obstructione liberat, arquatūque nigrum pellit. Scolopendrium seu asplenum & ceterachum, proprietate lienem expurgat absumitque. Raphanus lienem extenuat & obstructione liberat, iecori etiā prodest. Radix apij lienem expurgat, & obstructione liberat, eiusque tumores dissoluit. Cortex thamaricis peculiariter lienem expurgat, obstructionibus liberat absumitque & icterum sanat. Capparidis radicis cortice imprimis, dein fructu & cauliculis tum decoctis in oxymelite tum pulueratis spleni scirrhuso eximie benefacit, atque frequentivsu lentos crassosque humores extergit & incidit, tandēque per vrinas & per aluum exigit. Agnus calidus siccus tertio gradu, flore & semine insignis, aperit, extenuat, flatus discutit, duritiam & obstructionem lienis dissoluit: sed genitale semen absumit, & libidinem extinguit. Chamædrys lienem validè adeò expurgat, vt ipsum absumere credatur. Acori veri radix in vsu est, quæ galanga maior dicitur: calfacit & siccatur tertio ordine, gustu acris est & modicè amara, odore nō iniucunda, tenuiū partium, detergit & extenuat: lienēs induratos resoluit atque comminuit, duritias & collectiones omnes sanat decocto huius fountibus. Scylla calida sicca ordine tertio, summè incidit & resoluit, duritias lienis collectiones-

lectionesque discutit, & obstructions valide expedit: quar-
tanam & icterum sanat.

Lapathum digerente detergentēque facultate præditum,
lienem ex aceto sumptum iuuat, ex vino coctum sumptum-
que regio morbo prodest, lepras imperiginēsque sanat.

Rubia semen ex oxymelite potum lienem absumit. Id-
ipsum præstat & peucedanum & raphanus & iris similiter
ex aceto aut oxymelite pota. Aristolochia multo validius
lienem obstructione liberat, laterisque doloribus auxilia-
tur, putrescentia sanat, & sordida expurgat. Cancamum
vulgo gummi lacca, obesos extenuat, concretumque lie-
nem dissoluit. Horum quædam etiam foris admota, sed
maximè quæ deinceps sunt lienem plurimum expediunt.

Ruta tum sumpta tum admota ex aceto cataplasmatibus
vice lienis obstructions duritiāsque tollit. Nasturtiū præ-
fertimque semen eius cum melle illitum lienem extenuat
& comminuit.

Struthium duriciem quoque lienis soluit. Vrtica cum ce-
rato imposita concretum conduratumque lienem colli-
quat. Sinapi calidum siccumque quarto recessu, lienis tu-
mores omnisque generis dolores ex alto in summa trahit.

Centaurium minus calidum primo ordine, siccum tertio,
summè amarum & subadstringens, validèque abstergens,
optimum est ad lienis & iecoris obstructions soluendas:
sed & lienem induratum foris impositum sanat. Asarum ca-
lidum siccum tertio ordine, tenuium partium, hepatis &
splenis obstructions referat, eorumque duricias dissoluit,
icterum sanat, febribus diuturnis auxilio est: valet foliis sed
radice efficacissimum.

Cyclaminus calidus siccus tertio gradu, radix in usu est.
Incidit, terget, aperit, digerit, resoluitque. Lienis durities &
tumores fotu aut illitu persanat: tum recēs tum aridus ar-
quatum sistit, & biliosum sudorem ciet.

Alia ex his aptantur in eos syropos qui tetrumbilis atræ
vaporem demulcēt, cuiusmodi sunt syropus violarum, syru-
pus buglossi, syropus è succo malorum benè olentium, &
syropus melissæ & confectio alkermes. Alia in eos qui me-
lancholiæ reliquias ex tumente liene vel dissipant vel absu-
munt: quales sunt syropus scolopendrij & fumariz, syru-

pūs ē radicibus, oxymel scylliticum, electarium diacapparis, trochisci ē capparibus & dialacca, electarium de gemmis, electarium exhilarans, & aliæ complures compositiones ad cordis affectus relaxat. Ex quibus dein in rem praesentem iulepi fiunt & apozemata, electaria quoque & condita. Fortis praeterea fons ex ruta, vrtica, struthio, nasturtio, centauro minore, in quo aceri quadrans insit. Illitus ex oleo rutaceo, oleo de capparibus, oleo amygdalarum amararum, oleo liliorum lotis aceto scyllitico cum cera: quibus si sextans adiectus sit puluerum iridis, asari & cyclamini, cum bdellio & ammoniaco solutis aceto forti, emplastrum efficiet lienis obstructioni tumoriq; accommodatum. Possunt & aliæ formæ complures pro rei necessitate ex tempore praestitui.

Renum ac Vesicae medicamenta. CAP. XIV.

QUAE leniunt & refrigerant, arenulas minimè sinunt in calculum concreescere, urinae ardorem demulcent, eamque facilius emittunt. Quæ urinas cient tenuitate substantiæ ac siccitate sanguinè attenuat & colliquat, serumq; scernunt atque deducunt in renes. In hoc genere nonnulla traduntur moderatè frigida, vt pepones, melopepones, cucurbitæ, cucumeres, hordeum & gramen: sed omnium efficacissima sunt quæ in substantiæ tenuitate calida siccaque sunt tertio recessu: vt apium, petroselinum, feniculum, daucus, phu, tefeli, asarum & smyrnium. Quæcunque urinas strenuè cient, eadem quoque renes & urinae ductus abstergendo incidendoque expurgant, & arenulas pariter exturbant, & calculos ex arenularum adhæsu leuiter concretos dissolunt atq; diripiunt. At verò solidiores verosque calculos quæ propriè comminuere traduntur, attendant iaciuntque nullo calore nullaque siccitate insigni: nimis enim calor concretum calculum magis excoquit & obdurat, obiterque quæcunque mediis viis obhærescunt superuacanea secum in renes deducit, vnde urina alias supprimitur, alias tenuis & pellucida præterfluit. Hoc genere sunt limonum succus, radix oxalidis, rubi, asparagi, graminis & persona-tæ, betonica, adiantum, asplenium. Nonnulla etiam aspe-

ritate

ritate sua calculi summā faciem abstergunt & attritu comminuunt: vt vitrum combustum, ouorum testæ, milium iolis. Nec desunt quæ id proprietate efficiant, vt lapis iudaicus. Vtraque igitur affectis renibus opitulantur: sed hæc præcipuè. Amygdala amara & dulcia eorumque recens oleum, zyzypa, myxaria, glycyrrhiza, gummi amygdalæ amaræ & cerasi, pistacia, strobili, carica, & quæcunque leniendis pulmonibus conuenire diximus, eadem renum ac vesicæ scabriciem leniunt, urinam demulcent atque effundunt, nec arenulas in calculum coagmentari sinunt. Althææ radicis ius potum eadem confert, & urinæ difficultati medetur, renum & vesicæ cruditates pellit: eius semen renū calculos etiam confringit. Quatuor semina frigida minora, lactuca, portulacæ, intybi, cichorij renum siccitatem, asperitatem ardoresque leniunt. Semen melonum & quatuor semina frigida maiora sicca sunt ad finem primi ordinis, incidunt, tergent, tenui sunt essentia præsertim arefacta & contrita: hinc urinas adeo mouent, vt renibus arenis aut calculo pressis non mediocriter prosint. Halicacabi rubentes fructus tenuandi & abstergendi vi renes validè expurgant & urinam pellunt. Fraga quoque chamæbati Idæi fructus, renum & vesicæ sordes & arenulas eluunt, detritosque calculos excludunt, præcipuè autem ab his aqua stillaticia.

Plantago vtraque semine aut folio arefacto, renum obstructions tollit, idque abstergendi quadam & tenuandi facultate quæ præter cæteras pollet.

Adiantum omne urinas ac menses mouet, renesque validè adeò expurgat, vt calculos minuere credatur. Helxine subfrigida, abstergit, leuiterque constringit, calculo tamen & urinæ difficultati succurrit. Graminis radix moderatè frigida & sicca, tenuiūque partium, urinæ difficultatibus medetur & calculosa vesicæ rudimenta comminuit, quod & eius semen præstat. Asparagi radix trita & ex vino pota urinam ciet, renes infarctui liberat, calculos exturbat, nephriticis auxiliatur: neque credi par est longo eius vsu vesicam exulcerari, semen genitale auget, veneremque stimulat. Ruscus tum radice subamara, tum foliis & bacis ex vino potis urinam ciet, vesicæ calculos deterit, stillicidio urinæ medetur, mensesque mouet & morbum regium

sanat. Eryngij radix calore temperata, non modicè sicca, pota colicis medetur, calculos, stillicidia, difficultates vrinæ & renum vitia sanat. Chamæmelum potu & infessu calculos vrinasque pellit.

Quæ verò subiiciuntur quòd calidiora acrioraque sint, ad ea ipsa vesicæ renûmque vitia efficaciora comprobantur. Cicer omne calidum siccum ordine primo, incidendi abstergendi que facultate præditum, obstructiones tollit, vrinam mouet & renes expurgat, renum & vesicæ calculos exterit: sed nigrum & paruum validissimè, ab hoc deinde rubrum. Terebinthina cassacit, mollit, discutit, terget, expurgat, viscerum omnium maximè que renum obstructiones tollit, & angustos meatus aperit, vrinam ciet, putredinem cohibet. Pimpinella calida sicca ordine secundo, ex vino pota calculosterit, & stranguriam decocta iuuat. Saxi fraga calida & sicca, eadem sed multò efficacius confert.

Critimum vulgo creta marina calida sicca tertij ordinis initio, dysuriæ & regio morbo opitulatur, renûmq; calculos confringit.

Lithospermum vulgo milium folis, semine ex vino pota calculos cõminuit, vrinas pellit, stranguriâmq; discutit. Silybrium aquaticum & Sion excalfaciunt, tenuiũ sunt paritum & sapore acri, ea cruda coctaque potenter vrinas mouent, calculosq; dissoluere atq; excernere traduntur.

Vrtica calida sicca recessu tertio, tenuium partium & acris, tanta abstersione valet vt ventrem subducat, renes infarctu expediat calculosque terat. Anonis calida ad finem secundi, attenuando tergendoque vrinas ducit, calculosque confringit, radice cortex præcipuè vtilis, deinde eius cauliculi, qui antequam spinis muniantur sale conditi gratissimi sunt. Petroselinum vulgare, Plinio apium satium, Græcis selinum, calidum ordine secundo, siccum tertio, foliis, semine & radice obstructiones tollit, vrinam ciet, renes & vesicam abstergit, eorûmque calculos comminuit: eadem foris tum fori tum infessu confert. Feniculi radix & comæ renum & vesicæ vitia expurgant, vrinam mouent tum sumptæ tum admotæ. Smyrnum quod & libysticum, radice vrinæ difficultati medetur: semen etiam renum & vesicæ vitiis confert, cætera præstat quæ apium & petroselinum.

linum. Raphanus uterque calidus tertio, siccus secundo, tum radice tum semine renes expurgat, urinam ciet, calculos comminuit & exturbat. Apium saxatile quod petroselinum macedonicum, calidum siccumque tertio recessu, radice præsertimque semine urinam ducit, renum & vesicæ doloribus potum succurrit. Daucus semine primum, deinde radice calfacit & exiccat, urinam vehementer pellit ut etiam calculos excludat. Sefeli massiliense daucum viribus emulatur. Personata quæ bardana, radice & semine urinas pellit, renes infarctum liberat, arenulas calculosque excutit. Pæonia radix acris & subamara, ex vino pota renum & vesicæ dolores lenit, seminis grana sumpta calculorum rudimenta pueris eximunt. Tribulus uterque præsertimque sylvestris, potio semine renes purgat, calculosisque medetur. Spartum genista appellatum, secunda classe calidiorum & siccorum, incidendi extenuandique viribus præditum semine præsertim urinas ducit, & tum vesicæ tum renum calculos comminuit.

Iuniperi fructus calidus tertio, siccus primo, stomacho utilis est, renes deterget, & urinam pellit: sed caput tentat.

Lauri bacca & folia tū fotum infessu vesicæ conferunt affectibus: radicis cortex renes expurgat & calculos rum-pit, sed conceptus enecare traditur. Calam odoratus urinam mouet, renum vitii & stranguriæ commodè opitulatur. Cyperus radice insignis quæ calida & sicca, citra acrimonia incidit, calculo vexatis congruit, & urinam mouet.

Cardamomum ex vino sumptum affectis renibus & dysuriæ medetur. Periclymenum quod est inuolucrum maius, & caprifolium officinis, vehementer calidum & siccum, tum fructu tum folio urinam mouet, calculos pellit, & si plusculum bibatur cruorem profundit.

Præcipua ex his comparata compositiones sunt, syrupus capillorum veneris, syrupus de limonibus, syrupus althææ, syrupus raphani, electarium diaspermaton, & electarium λίδον τριβον. At verò in rem præsentem varia ex his apozemata decernuntur, alia quæ leniât & laxent, alia quæ expurgent deturbentque arenulas aut calculos: quibus interdum oxymeli scylliticum utiliter affunditur. Pulveres quoque & electaria & condita his formulis quæ supra sunt

expositæ. Fetus quoq; & infestus tum ad compescendos nephriticos dolores tum ad comminuendos calculos, ex radicib⁹ althææ, raphani, petroselinî macedonici, feniculi, eryngij & bardanæ, cum malua, parietaria, berula, chamæmelo, betonica, nasturtio, pimpinella & origano, lauro & iunipero. Ex quorû deinde magmate, addito polline seminis althææ, lini & fenigræci, seseleos & dauci cû axungia cuniculi & anseris cataplasma concinnâdum est. Illitus præterea ex oleo liliorum, chamæmelino, laurino, nardino, è scorpionibus & terebinthino. Nonnulla etiam in clysteres induntur, qui eductis primùm fecibus summè sint profuturi.

Vteri medicamenta. CAP. XXVI.

QUAE VERO conferre traduntur, alia immodicum eius fluorem sistunt, alia suppressum mouent, alia humorum colluuiem eluunt expurgantq; vterum, alia corroborant. Quæ mensium fluore sistunt ferè frigida sunt omnia, genitale semè extinguunt, sedantq; veneris impetus & vteri strangulatus cõpescunt: nec frigidis aliter iuuatur vterus. Nymphæa quæ præsertim candidam radicem habet, muliebri pfluuiio medetur, veneris insomnia cohibet, & semen genitale extinguit. Cytinus & balaustium refrigerant siccantq; gradu secundo, adstringendi vim habent, menses aliàs q; vuluæ fluxiones cohibent. Rhois semen obsonis inspersum pro sale, & decoctû potui datû menstruas mulierû purgationes & alba earû profluuiâ retardat. Idem ramusculorum rubi decoctû præstat multoq; efficacius eius foliorû & cauliculorû succus expressus & sole siccatus. Cornu cerui vstum & lotum, & ebur in tenuissimâ scobem redactum sceminis fluxione vuluæ laborantibus magnopere profunt è conuenienti liquore hausta. Portulaca mulierum purgationes sistit, venerisq; impetus & insomnia sedat. Plantago refrigerat densatq; hinc sanguinis eruptiones omnes cohibet, atque vtalui profluuiâ ita & vuluæ fluxiones compescit, & aduersus vteri strangulationes ex lana subiicitur. Semperuiuum vtrumque refrigerat gradu tertio & moderatè siccatur, muliebres fluxiones sistit & veneris ludibria strangulatq; retundit.

Quæ-

Quæcunque autem menses mouent, calida ferè sunt recessu tertio, nectamen vehementer siccant, eiusmodi sunt amara & acria, quorum tanta vis est, vt in distantissima saluis viribus penetrare possint, & venarum ora reserare, crassa extenuare & lenta detergere: atque etiam cum mensibus pleraque peculiari dote alias quoque vteri sordes & illuies expurgare. Nec pauca ex his cõceptus secundasq; pellunt, aut etiam foetus enecant. Chamæmelum calidum siccumque primo recessu, tenuium parcium, anodyna digerendique facultate præditum, potu & infusione menses & foetus euocat, vteri duritias & flatus dissoluit. Betonica vterum expurgat, & nihilominus corroborat & conceptum retinet: vtilis prægnantibus, quibus alba sordidaque illuies ex vtero manat. Laurus calfacit & emollit eiusque decoctum in muliebres infusus additur, & vuluæ sordes vel prægnanti tutò eluit. Parthenium decoctum ad vuluæ duritiem & strangulatum infessu prodest. Lilium radice, foliis & floribus vtile, assum & ex rosaceo rufum subditumq; vuluam emollit, & blandè expurgat. Trifolium odoratum calidum siccumq; ordine tertio, semen & folia ex aqua pota vuluæ strangulati succurrunt. Pæoniæ radix eiusque grana nigra vuluæ strangulati & vteri doloribus ex vino pota medentur. Quæ validius menses cient aut vterum expurgant, minimè tuta sunt prægnanti, quòd pleraque solutis acetabulis conceptum eiiciant, quædam etiam seu sumpta seu admota interimant. Sampſuchus menses ducit tum sumptus tum in pesslo subditus. Ocimum sumptum in acetariis vterum expurgat, veneremq; stimulat. Origanum attenuans aperiensq; menses euocat, Melissophyllum secunda classe calidorum, prima siccorum, ad menses educendos tum potum tum infessu vtile & ad concipiendum iuuat.

Prassium mulieribus quæ non purgantur, menstrua & à partu secundas pellit, difficilè parturientibus salutare. Scordium menses ducit, & fori potuue partum accelerat.

Baccharis odorata, radice subdita partum educit. Artemisæ species duæ calidæ secundo, siccæ primo, tenuiū partium, sumptæ aut in vteri fomenta vel infusus accommodatæ, menses ducunt, secundas foetusque extrahunt, vteri præclusioni conferunt: earum quoque succus cum myrrha

subactus & ad motus, elicit quacumque concluduntur in utero. Pulegium calfacit siccatque ordine tertio, potum extenuando menses, secundas foetusque pellit, tumores, duritias & uteri conversiones in seflu tollit. Cypripidis radix refrigerat & praelusa vulvae fori auxilium datur, mentesque euocat. Philadelphiana dicta, calida siccatque ordine secundo, menses fortu ducit & urinas. Rubiae maioris radix semineque menses, secundas, foetusque subditum trahit, tumptumque pellit.

Polium montanum cui reucris nomen est, menses & a partu secundas, mortuumque foetum sumptum eicit. Selselum semine tum radice uteri strangulatum medetur: menses & foetum utero excludit. Daucis semen efficacis adeo promouendis mensibus ut etiam secundas foetusque pellat, & strangulatus sumptum sedet.

Ruta incidit & digerit, menstrua ducit, flatulentos uteri tumores discutit ex oleo cocta & infusa, & vulvae strangulatum liberat: cum melle trita & obscenis partibus inducta, veneris appetentiam & semen extinguit. Calaminthe calida siccatque tertio recessu, acris & modice amara, vehementer incidit & abstergit, menses valide adeo ciet: ut & conceptum seu pota seu ad abortum interimat & eiciat. Sabina tertio est gradu calidorum & siccorum, acris & valide digerens, menses siquid aliud prouocat, foetum etiam viuentem enecat & mortuum eicit. Dictamni radix tum potum vel lusu vel pessio excepta, mortuos iam foetus educit, & solo gustu partus accelerat. Aristolochia utraque mentes, secundas, & foetus cum myrrha & pipere pota pellit: subdita eadem praestat, & uteri sordes expurgat. Gentianae radix sumpta extenuat, abstergit, purgat & obstructione liberat, nec modo sumpta sed & subiecta menses, foetus & secundas excludit. Iridis radix fori mollit aperitque locos, & muliebria trahit, & glandis modo cum melle apposita foetus euocat. Alari radix subdita menses conceptusque trahit. Smyrniacum radice, herba aut semine sumptum, aut etiam feruifacitum subditumque menses secundasque pellit, & abortum facit. Myrrha calida siccatque ordine secundo, tenuis & valide detergens, vuluam emollit, & praelusa aperit, menses & partus celeriter extrahit praefertim quae stacte appellatur. Syrax & bdellium myrrhae

vires

vires imitantur. Castorium cum pulegio potum menses, partus & secundas eiicit. Sagapenum ex hydromelite sumptum, menses potenter eiicit, sed foetum exanimat. Galbanum non sumptum modò, sed & ad motum menses parit, quæ euocat. Oppopanax vteri tumores duritiasq; appositum soluit, menses trahit, sed foetum enecat.

Eorumque corroborando vtero designantur, alia eum ipsum firmannt conceptumq; continent, alia moderato calore fouent & manantem illuuiem exorbent, amara quadam tenus & odorata vt simul aperiant & calore suscitent, odorisq; suauitate vterum oblectent. Prioris generis sunt.

Bistorta officinis appellata, frigida siccaque moderatè & adstringens, menstrua sistit, vterum corroborat, conceptumque retinet ac fouet tum ad mota radice tum sumpta cum nuce moschata & caryophyllis.

Corallium tum sumptum tum subditum menses cohibet, vterum conceptumque corroborat. Costus impurum vterum expurgat tum fori tum suffitu, & ad concipiendum iuuat. Betonica eadem vt supra dixi confert, foetumque recreat.

Caryophyllum tum sumptum ex vino odorato tum subditum, vteri strangulatù lenit, & vterum foetumque recreat. Nux moschata & macer easdem quoque vires obtinent.

Nardus seu spica nardi impura vuluæ profluuiâ saniemq; subdita absorbet, conceptumque suffitu adiuuat. Styraç suffitu quoque vterum expurgat, exiccat & corroborat, vteri strangulatum compefcit, & ad concipiendum præparat.

Succinum suffitu potuque vterum siccatur, prauos humores in eo igni prohibet, corroborat, & ad concipiendum iuuat. Melanthium suffitu menses ob crassitiem lentoremque suppressos educit, vterum excoalfacit, exiccat & corroborat. Calamus odoratus tum potu tum appositu aut suffitu menses euocat, vterum siccatur & recreatur. Benioin liquor creditur cyrenaicus, calidus summè tenuis & halitu digerens, vteri fluxiones suffitu vel pello exorbet, ipsumque vt & partes omnes neruofas corroborat. Moschus tum sumptus tum pello subditus, vteri strangulatum tollit, venterem proritatur, vterum odore recreatur, siccatur & corroboratur, concipiendi que speciem auget. Ambar quoque præfoca-

tionem arceat atque sistit, & tum sumptum tum subditum omnia quæ molchus validè confert.

Compositiones verò ad vteri refrigerationem & ad immodicos menses cohibendos hæc extant. Syrupus è portulacæ, syrupus è succo oxalidis, syrupus myrunus, aqua plantaginis aut portulacæ diluti: trochisci spodij, trochisci terre lemniz, trochisci succini: oleum rosarum, nymphææ & myrtinum, vnguentum Comitis.

Ex tempore autem decernetur iulep rosatum, & ex aquis stillariis myrti, plantaginis & oxalidis, adiecto succo vel oxyacanthæ vel cydoniorum, Pulveres quoque & electaria aut condita ex corallio, lapide hæmatite, margaritis, cornu cerui vsto & succino, addito saccharo rosato aut conservæ rosarum, aut alia quavis adstringente. Emplastrum quoque quod habet boli armenæ lotæ in aceto ʒ iij. terræ lemniz similiter lotæ ʒ ij. sanguinis draconis, mastiches an. ʒ j. nucum cupressi, gallarum, rosatum, balaustiorum tritorum an. ʒ ss. ceræ & vnguenti comitis an. quantum satis est ad corporanda in emplastri formam. Vel farinæ fabarum dilutæ mucilage gummi arabici vel tragacanthæ quantum satis est ad excipiendâ & vinciendâ & cogendâ omnia in emplastri consistentiam: quod lumbis & pubi inducetur. Ex eadem quoque materia pelli subduntur vel iniectiones. Ad mouendos porro menses & ad expurgandum vterum extant syrupus capillorum veneris, syrupus hyssopi, syrupus artemisiz, electarium diacalaminthes tum simplex tum compositum, trochisci è myrrha qui etiâ secundas pellunt, & pilule sagapeni, quibus etiam vis inest mortuum foetum excludendi. Harum exemplo aliæ quoque formulæ re vrgente præscribentur tum sumendæ tum ad mouendæ: ut fortis huiusmodi. ℞. Chamæmeli, sampsuchi, ocimi, pulegij, origani, prasilij, calaminthæ, artemisiz, melissophylli, parthenij, abrotani, absinthij an. m. ij. coquantur in aqua quæ satis sit ad forum vel infusum, vel iniectionem. Eadem aptari poterunt in pessos, quos etiâ vtiliter ex radice dictamni, aristolochiz, gentianæ, ex myrrha, styrace & aloë, terebinthina exceptis concinnare liceat.

Ad vterum verò corroborandum & ad iuuandam cōcoctionem extant electarium de gemmis, electarium aromaticum,

maticum, electarium diasatyrium, satyrium conditum & caryngium conditum. Suffitus quoq; decerneretur qui habeat melanthij seminis ꝯ s. styracis calaminthæ, succini, tchennanthi, calami odorati, spice nardian. ꝯ iij. rosarum rubrarum ꝯ ij. fiat puluis ad suffitum. Aut pessus: ꝯ. Liquoris cyrenaci, iridis, rosarum rubrarum an. ꝯ s. zibeti, ambaris an. ꝯ iij. moschi ꝯ ij. fiat puluis qui syndone exceptus in balanos aut pessos aptetur.

Quæ arthritidi & externis quibusdam affectibus medicamenta conferunt. CAP. XXVII.

EXTERNI affectus qui in vnamquampiam particulam siue cum vlcere siue citra vlcus incidunt, peculiaria habent libro proximo tradenda remedia. Qui verò in plures partes inuadunt, vt arthritis, paralyfis, tremor, artuum dolores & qui ex vniuersa fluxione orti fuerint, huic commodè referri possunt. Per hos igitur affectus cum iam satis purgatum corpus & fluxio cohibita fuerit, si humorum reliquæ sumendis digerendæ dissipandæque videbuntur, in id apta erunt simplicia quæ ad cerebri affectus suprâ attulimus: quandoquidem neruorum eadem atque cerebri est ratio. Propriè verò & peculiariter ad artuum dolores hæc commendantur: Helenij radix & iridis, chamæpytis, verbascula duo, calaminthe, acori radix, centaurium minus, hermodactylus, in apozemata aliæve compositiones aptanda: de quibus mox sigillatim dicam. Caterum præcipua ad horum malorû curationem topicorum vis est, quorû alia statim initio ardorem si quis inest extinguunt & fluxiones arcent, nec tamen humores in partem inflammatâ altius impingunt: alia dolorem qui citra inflammationē fuerit compescunt: alia dolore sedato impactum humorem attenuant, digerunt dissipantque ne tempore obdurefcens concreseat in tophum. Quum igitur chiragræ aut podagræ initio dolor ardorque articulos obsidet, hæc ex vlu erunt. Aquæ stillaticæ rosarum, plantaginis & solani, quibus aceti lextrans aut quadrans affundatur. id enim fori calido inflammationes sedat reprimittque fluxiones, & collectas quodammodo discuit, arthriticis & podagricis accommodum. In eius

Itē j. si caphura 3 j. aut 3 j. β. soluat, ceteros articulorum cruciatus qui etiam altē demersi sunt compeſcit.

Phyllj semen maceratum mucilaginem edit, ad omnes inflammationes sed propriē ad articulorum calidos dolores in primis salutarem. Cotonei mali & althææ semina mucilagines quoque reddunt non minus efficaces, si præsertim ex aqua solani aut plantaginis elicita fuerint. Hyoscyami folia recentia aut per se aut cum polenta calidas acriterque fluxiones sistunt, omnesque dolores mitigant, & medicamentis in id compositis commodè miscentur. Cicutæ folia atq; semen arefactusq; succus omnem dolorem sedat qui præsertim ex inflammatione ortus fuerit. Eadem quoq; vis semper uiuo vtriq; & mandragoræ: quibus si dolor intolerabilis non facile finiri potest, opij momentū addetur, quod sensus torpore inducto in calidis præsertim affectibus dolores omnes sedat atq; consopit.

Anodyna quæ dolores quacunq; ex causa ortos demulcēt. Lac vaccinum acres fluxiones partiumq; omnium inflammationes foris mitigat: quod & polentæ forma permixtis anodynis euidentius præstat. Stercus vaccinum cū præsertim depalcuntur herbas impositum, emollit & resoluit, ardores doloresque mitigat, vesparum ictus sanat & addito aceto tumores digerit. Oxyypus calfacit & emollit, paulumq; digerit, dolores quacunq; ex causa compeſcit: quod & lana succida eo imbuta præstat. Thus calidum ordine secundo, siccum primo, anodynum quoq; est, & ex oui candido subactum impositumq; omnem dolorem lenit.

Dolorum autem humorumq; reliquias hæc imposita digerunt & euocant. Verbascula duo quæ paralyſis & arthritica herbæ vocantur, calida & sicca, manifestè adstringunt atq; digerunt, foliaq; tusa vtiliter imponuntur articulorum doloribus & paralyſi.

Chamepitys quæ iua arthritica, citra insignem calorem aut acrimoniam latentes in alto & in flaccidis partibus humores imposita absorbet & exiccat, partesque firmando roborat. Calamintha triplex, affecto articulo inducta totum excalfacit, humoremque ex alto euocat, ilchiadicis familiaris. Nasturrij quemadmodum & vrticæ semen adurentis particeps est facultatis, & idcirco fixos peruiacacesq;

coxendicis dolores euellit. Helenij radix frigidos diuurnosque partium affectus sanat, & coxendicum dolores & articulos humore nimio luxatos. Centaurij minoris decocti ius clystere saepe infusum ischiadicis misticum auxilium praestat, humorem enim elicit doloremque leuat. Succus verò epotus, aut etiam herba ipsa ex hydromelite decocta, peculiariter neruorum vitiis succurrit: & cum oleo partibus contusis emplastri modo inposita praesentissimo est auxilio. Hermodactylus pituitam crassam ex articulis trahit & expurgat, podagriae & arthritidi confert tum sumptus tum adinotus in cataplasmate. Oppopanax ischiadicis induratum & podagricis opitulatur. Bdellium calfacit, emollit, discutitque duritias, & neruorum nodos.

Ammoniacum calfacit & inter emollientia principatum obtinet, articulorum rophos dissoluit, & induratos liues sanat, arthriticos & podagricos iuuat. Sagapenum calidum tenuiumque partium, paralyticis & conuulsis confert, articulorum nodulos dissoluit. Galbanum molit ac digerit, eadem quae sagapenum confert. Castorium tenuium partium & calidum, neruis accommodatum, contumaces & scirrholos eorum affectus sanat, potum illudumve prodest tremori, conuulsioni & omnibus neruorum vitiis. Euphorbium omnium calidissimum, causticæ & vrentis facultatis, tenuium partium: crassos & lentos humores quocumque sint loco incidendo digerit: aurium sonitum & dolorem tollit, coxendicos & paralyticos iuuat.

Non paucae ab his compositiones deducuntur, aliae leniter refrigerantes, aliae anodynae, aliae dissipantes & exiccantes, quae quoniam externae sunt in proximum librum aptè referuntur: ex tempore verò hæc facile apparari possunt. Fotus per oxycratum comparatum ex aquis stillaticis vel succis solani, plātagnis & rosarum, vel etiam hyoscyami si dolor vehementer exerceat: in quibus quadrans aut sextans insit aceti. Aut si dolor altè sit demersus vt in humeri, cubiti, aut coxendicis articulo, caphuræ etiam nonnihil insit, in singulis quippelibris binæ drachmæ. Ad hæc mucilago seminis cydoniorum ex aqua solani iuncta, aut è semine pilylij, aut utraque simul hoc ferè modo, ℞. Aquæ stillaticæ plantaginis & solani an. ʒ. iij. in quibus macerari finito super

cineres calidos seminis cydoniorū & psylli j an. ʒ ʒ. extra-
hatur mucilago quę repida inducatur locis dolentibus, ob-
ducaturque stupa canabina, aut linteo oxycrato tepido im-
buto. Herbarū quoque ex oxycrato in cataplasma coquuntur
sine oleo, sine adipe. Nihil enim pingue inflammatis parti-
bus imponendum: quanquam hac in re non parum confert
unguentum populeum in aceto lotū. Ardore sedato quum
doloris immanitas repressa fuerit, cataplasma anodynum
ex medulla panis in pultis formam fiet hoc modo. Ꝛ me-
dullę panis lb. j. sensim ex lacte coquatur dum crassescat,
asperfo pulvere qui habeat florum chamęmeli & melilori
an. ʒ j. rosarum rubrarum, saluie an. ʒ ʒ. croci ʒ ij. nonnun-
quam & oleum inditur chamęmeli vel liliorum. In id quo-
que illit^o cōueniet qui habeat mucilaginis seminis althęę,
lini & fenigręci depromptę ex aqua chamęmeli ʒ j ʒ. olei
liliorum, chamęmeli & violarum an. ʒ ʒ. axungię anferis
ʒ vj. croci ʒ ij. cerę quod satis est ad illitum.

Doloris demum impactam materiam antequam obdu-
rescat digerunt, emplastrum ē mucilaginibus, ē meliloto,
& oxycroceum: sed validē quod habet gummi pini, picis
nigrę an. ʒ ij. cerę, axungię an. ʒ j. thuris, hermodactylo-
rum, radices iridis, sulphuris non extincti an. ʒ ʒ. olei irini
quantum satis fuerit ad concorporandum in emplastri for-
mam. Locis compactioribus præsertim coxendici ex cæte-
ris gummis validiora inducuntur, sinapismus quoque &
alia proximo libro tradenda.

METHODI MEDENDI LIBRI
QVINTI FINIS.

METHO.

METHODI MEDENDI, LIBER VI.

DE EXTERNORVM MEDICAMENTORVM MATERIA.

PRÆFATIO.



SVMMA S externorum medicamentorum facultates tot omnino statuendas esse, quot & summa externorum affectuum genera, medendi lex methodusque demonstrat: ipsamque eorum materiam in quam nunc incumbo in qualdam facultatum classes digerendam, quæ affectibus ex aduerso contrariæ sunt. Harum quidem aliæ calidis affectibus fluxionibusque succurrunt, quales sunt refrigerans, repellens, emplastica seu infarciens, anodyna, narcotica. Aliæ tumoribus affectibusque frigidis, vt rarefaciens, emolliens, attenuans, absumens velexicans, attrahens atque resoluens. Aliæ abscessibus & vlceribus, vt suppuratoria vis, sarcotica, agglutinans, detergens seu expurgans. Aliæ contrà, soluendæ cuti & aperiendæ conueniunt, vt vesicans, cathartica, septica, escharotica & caustica. De his igitur deque earum contrariis sigillatim tradendum, & quas vnaquæque facultas alias de se particulatim vires proferat.

Refrigerantia medicamenta. CAP. I.

EORVM quæ refrigerant vt varij ordines, ita & effectus quoque varij sunt, alia simplices inflammationes demulcent, alia erysipelata, alia herpes, carbunculos & igne sacrum: quæ hac ita serie subiunximus à lenioribus exoriri. Leniora ea sunt quæ ad interiorum quoque æstum tunc sumuntur, vt lactuca tum sativa tum sylvestris, portulaca, in-

tybi genera quatuor, helixine, hieracium: calidas enim phlegmonas & lenia erysipelata compescunt: sed hæc potētius.

Lenticula palustris frigida & humida ordine secūdo, collectionibus calidis, podagris & igni sacro commodè illinitur cum polenta. Umbilicus veneris humidus ac frigidus, obscure adstringentem & leuiter amaram obtinet facultatem, qua phlegmonas erysipelatos, & erysipelata phlegmonola per sanat, & omnibus partibus excelsis in cataplasma commodissimè aptatur. Psyllium secundo ordine frigidū, semine in primis efficax, prodest erysipelatis, fronti imponitur in dolore & temporibus ex aceto aut posca, eius mucilago vtiliter illinitur cuicunque dolori & collectioni inflammationique: siquidem egregiè adeo refrigerat, vt si in aquam feruentem coniecta fuerit, ea protinus deferuecat. Hyoscyamus albus tertio ordine refrigerat, succus ex tenero semine, foliis caulibusque expressus, collyriis dolorem lenientibus commodè miscetur, & contra acres calidasque fluxiones: cum farina aut polenta contra oculorum, pedum, aliarumque partium inflammationes. semen eadem tritum potest additum cataplasmatibus dolorē leuantibus, folia ad eadē tum per se tum cum polenta vlturpantur. Papauer satium ordine quarto frigidum, eius capita trita & cum polenta cataplasmatibus mista inflammationibus & ignibus sacris medentur. Capitis ardores cum rosaceo, oculorum inflammationes cum oui candido & croco mitigat. Nigrum frigidius est albo, cuius succus est vocatum opium, ad omnia longè efficacissimum. Caphura frigida sicca gradu tertio, lachryma indicæ arboris, tenuium partiū, acris & odora: repellit & faciliè penetrat, phlegmonas & erysipelata refrigerando mirè iuuat, ad gonorrhoeā & albas vuluæ fluxiones efficax, cum succino è conuenienti liquore hausta.

Hæc igitur simplices inflammationes quæ præsertim à feruidiore sanguine profectæ sint, vt phlegmonas, erysipelata & artuum dolores per sanant. Quæ verò deinceps erunt, quoniam præterea austeritatem quandam & adstrictionem obtinent, ardentes biliosasque eruptiones extinguunt, herpetas, epinyctidas, carbunculos & ignē sacrum.

Porculasa recessu tertio frigida humidaq; secūdo, est uam
tibus

ribus auxiliatur, & calfacta omnia egregiè refrigerat: quod que austeritatis & adstrictionis cuiusdam sit particeps, fluxiones omnes reprimat, biliosas eruptiones vt herpes, impetigines, ignemque sacrum retundit. Polygonum portulacæ vires æmulatur, collectionibus feruidis ignibusque sacris auxiliatur. Plantago exiccat & adstringit, pariterque refrigerat ordine secundo. Hinc eruptiones sanguinis, nomas, carbunculos, herpes, epinyctidasque cohibet, ambusta & inflammationes demulcet.

Ligustri folia astrictoria vi feruidis inflammationibus & carbunculis illita profunt, & commaducata oris vlceribus medentur, & eorundem decocto ambusta vtiliter seuentur. Solanum hortense refrigerat & adstringit ordine secundo, ad inflammata & omnia quæ refrigerari & adstringi postulant, & ad fluxiones acres mirè conducit: ignibus sacris & herpetibus folia cum polenta inducuntur. Somnificum verò multò magis refrigerat, vt penè ad papaueris vires accedat, nec nisi foris illini aut aliter admoueri innoxie possit. Cortex radice eius vsurpari debet. Semperuium vtrumque ordine tertio, refrigerat, desiccatur verò & adstringit mediocriter, phlegmonas refrigerat, erysipellata, herpesque cohibet. Sed & ad nomas, oculorum inflammationes & ambusta, folia per se vel cum polenta illita conferant. Succus per se eadem præstat fori, aut cum rosaceo intusus. Corianum refrigerat & leuiter adstringit, erysipellatis & herpetibus medetur, epinyctidas, testium inflammationes carbunculosque cum melle sanat. Succus eius cum cerusa & aceto arduentes in summa cute inflammationes iuuat. Mandragora tertio ordine refrigerat. Radicis cortex valentissimus est, ab hoc succus è malis aut è caule collectus. Folia recentia oculorum inflammationibus, & iis quas vlcera excitarunt cum polenta inducta profunt, articulorum dolores leniunt. Radix trita ex aceto herpetibus & ignibus sacris medetur. Acetum refrigerat & adstringit, inflammationes arcet impositum, fluxionesque reprimat, & sedem vuluamque procidentem: ad ignem sacrum, lepras, impetigines cum aliquo conuenienti efficax est: phagedænas vlcenum nomasque fori cohibet, item vlcera quæ serpunt, panos & pruritus. Omphacium & mali punici,

citrj limonumque succus perfectè refrigerat, & bilis acrimoniam impositus valide obtundit. Eo commodissimè vtemur contra omnes calidos & biliosos affectus, non quidem puro, ne adstrictione immodica calorem ipsorum cute densata includat, sed succo portulacæ aut semperuiui temperato: ita enim herpetas, impetigines, lepras, phagedænas nomâsq; sanat.

Compositiones ab iis sunt, oleum rosarum, oleum violarum, oleum nymphææ, oleum papaueris, hyoscyami & mandragoræ, vnguentum refrigerans & vnguentum populeum. Præter hæc verò re exigente alia præscribuntur his sanè præstantiora. Nam oleo, cerato aut vnguento moderata vis inest refrigerandi, neque quum ingens inflammatio erysipelâsve summa corporis exurit, satis ea prosunt, nisi & aceti momento perfundantur: omnis quippe adeps omnèq; oleum mox vt incaluit, quasi incensum partis calorem auget, & summam cutem exulceratam exasperatamve forde coinquinat. Multò ad refrigerandum præstantior vis inest epithemati, fomento aut cataplasmati. Epithema fit ex aquis stillatitiis rosarum, plantaginis, solani, intybi & portulacæ. Valentius comparatur ex recentium herbarum coctarum iure, valentissimum ex earum præsertimque è solani, semperuiui, hyoscyami, papaueris & mandragoræ expressis succis, qui linamentis sint excepti. Quinetiâ ex ipsæ tutæ herbæ imponuntur cataplasmatibus specie. Benefacit & mucilago è seminibus althææ, cydoniorum & psyllij, aqua vel succo quodam accommodato maceratis de prompta: vix quippe vlla potest adstrictio in lenta mucilagine haberi. Debent autem in liquoris tepidi libris singulis seminum vnciæ quoque singulæ demergi, dum liquor concreuerit. Quum lenior est ardor, mucilagini permiscetur oleum quoddam refrigerans linimenti forma. ¶ Ceræ albæ liquefactæ ꝑ j. in quam dissolue oleorum violarum & papaueris lotorum aqua solani frigida an. ꝑ j. mucilaginis seminis cydoniorum & psyllij extractæ in aquis vel succis solani & plantaginis ꝑ ij. fiat illitus, huic addi potest caphurè ꝑ ss. Mirè iuuat cataplasma ex refrigerantium succis, & hordei expurgati farina, quæ sine igne agitantur, & ea temperatione permiscantur dum polentæ aut puliculæ ranciscantur

tur crassitiem. addit ut vtiliter caphura: adduntur quoque sub permissionis finem interdum mucilagines, rarius olea. Quæ igne permista coquantur, melius quidem coeunt ac firmitus cohærent, sed minus refrigerant. Omnia porro in vehementi ardore & æstuoso cælo frigida inducentur, atque etiã interdum arte refrigerata, & protinus ut partis feruore acrius incalescunt arescuntve, commutantur, quod subinde fit, dum represso ardore atque dolore pars liuescere incipiat. consistendum enim tum est, ne pariter extincto insito calore pars gangræna vel sphacelo pereat. Hyeme verò atque mitiore inflammatione tepida etiam subinde admota iuant. Ad herpes verò, impetigines, phagedænas aut igne sacrum, portulacæ, plantaginis aut semperuiui succis, acetati, omphacii, succi limonum aut granatorum par modus additur in forum: aut ex his farina orobi & hordei permistis, pulvis specie cataplasma existit.

Repellentia medicamenta. CAP. II.

REPELLENS medicamentum quod Græci ἀποκρουστικόν dicunt, id appellamus & quod influentem humorem cohibet, & quod eum ipsam aut etiam parti leuiter infixum in aduersum reicit, estque hoc priore vehementius. Vtrumque frigoris vi perficitur, cuius natura est cohibere, comprimere, repellere & retrudere. Sed ad hos effectus validissimum id frigus est, quod in crassa terrenaque substantia consistit, qualis nimirum ea est quæ acerbo, austero, adstringenti; sapore deprehenditur. Ea enim partis substantiam premens atque coarctans, influentem humorem remeare cogit, huic ex diametro attrahens opponitur, de quo postea sermo habendus. Vitis viniferæ folia capreoli que refrigerant & adstringunt, trita & illita capitis dolores, stomachi inflammationes, & aliarum partium ardores fluxionesque sistunt. Rosa refrigerat & astringit præcipue rubra, sed arefacta magis. Contusa & illita præcordiorum inflammationibus & sacris ignibus medetur. Succus oris vlcera, gingiuas, tonsillas & faucium ardores gargarizaturæ premit & fluxiones cohibet. Arida verò rosa vino aut aqua calente dum extabuerit macerata, ad capitis, aurium, oculorum

rum, sedis, recti intestini ac vuluæ dolores facit fotu adhibita. In id efficax quoque est rosarum sæx post rhodostagma in alambici fundo residua, similiter macerata & calens locis dolentibus imposta, partim ita mitigata, partim repressa doloris causa.

Rubus immaturo fructu & floribus refrigerat, potenter adstringit & desiccatur, mollioribus & recens natis foliis & germinibus lenius. Hæc tamen mansu aphthas & alia oris ulcera sanant, & gingivas firman. Flos & fructus immaturus ut hæmorrhoidas manâtes, dysenterias, & alia ventris profluvia sistunt, ita herpetas cohibent, oculosque procidentes confirmant. Myrti utriusque germina, folia, baccæ & semen refrigerant & adstringunt, sanguinem excreantes sanant, & vesicæ erosiones exsiccant, oculorû fluxiones & inflammationes cum polline polentæ leniunt. Semen in defensionibus vtile, sedis vitii & vuluæ procidenti aut fluxione laborâti, fluentes quoque capillos continet. Trita folia & ex aqua imposita, partibus omnibus fluxione laborântibus cœliacisq; prosunt: & admisto omphacino oleo ad ulcera serpentia, igne sacrum, testium inflammationes & ambusta cōferunt.

Cupressus folio & nuce seu pilulla modicè refrigerat, sed valdè siccatur & adstringit. Folia hernias intestinorum per se reprimunt, & cum polera ignibus sacris, ulceribus quæ serpunt, carbunculis & oculorum inflammationibus illinuntur. At tum folia tum pilullæ ex vino potæ dysenterias albaque alui profluvia & sanguinis reiectiones sistunt: vulnera glutinant & sanguinem ex iis manâtem supprimunt. Quercus, siccatur & adstringit, sed validius adstringit quæ in trunci cortice membrana subest, & quæ sub glandis putamine fructus carnem conuestit, ab his folia. Omnium decoctum datur dysentericis, sanguinem excreantibus, ventrisq; diuturno profluvio vexatis: & in pello cōtra mulierum fluxiones. Eodem ad incipientes & crescentes phlegmonas aliâve humorum defluxiones videntur, nam quæ iam vehementes constitierunt, adstringentibus haud indigent.

Galla omphacitis tertij ordinis in siccâdo, secûdi in refrigerando, admodum acerba & terrea: desiccatur & reprimat fluxiones: adhæc constringit comprimitque partes laxas ac languidas, omnibusque fluxionum affectibus strenuè resistit.

fit. Galla altera flava, laxa & magna, exiccat quidem & ipsa & adstringit, sed tanto imbecillius quanto acerbior qualitas minus est particeps. Decoctum earum ad infusus utile, contra vulva & sedis procidentias fluxionesque.

Balaustium sylvestris mali punice flos, cytinus sativus & domestica, insigniter adstringunt, siccant & refrigerant, crasse sunt essentia, fluxiones cohibent, humidagringiarum vitia mobilesque dentes decocto colluto emendant: herniam prolapsu intestini erumpentem cataplasmate repellunt. Malicorium asperum mali punici putamen, eadem praestat quae balaustium.

Acacia ex fructu aut foliis Aegyptiae spinae expressa & arefacta in umbra, siccatur ordine tertio, refrigeratur primo.

Hae ignem sacrum, ulcera quae serpunt, mensum exuperantiam & procidua vulvam cohibet, procidentes oculos & citam alvum reprimunt. Lora leuem suam acrimoniam deponit & commodum oculorum medicamentis admiscetur. In eius locum ex fructu immaturo & virgultis prunorum agrestium coctis succum expressum, coactum & in tabellas confectum insolatumque substituimus.

Hypocistis acaciae vires imitatur, verum aliquanto magis siccatur & adstringit. Rhus vulgo sumach, fructus est racemosus, cortice acido, adstringente, repellente: Fracta, conrussa, liuida; illitus ex aqua ab inflammatione vindicat, fluxiones omnes coepescit: Aqua in qua is maduit decocta coagitur coitque in mucilaginem, omnia quae semen praestans: Folia etiam eandem vim sortita, gangrenas & pterygia cohibent ex aceto illita: liquamen enim mellis consistentia fit ex aridis foliis ex aqua decoctis, eadem quae lycium confrens. Oxyacantha adstringit & desiccatur, & secundo ordine refrigeratur: Alui profluuium & muliebrem fluxum, omnesque fluxionum affectus cohibet atque sistit. Mespila adstringunt, stomacho grata sunt, alvumque supprimunt.

Sorba minus quam mespila adstringunt, alvi fluenti in cibo accommodatissima, quod & decoctum eorum potest.

Cornia in cibo adstringunt, profluuium alui atque dyenteriae salutaria. Coronae mala parva rotunda & odorata, adstringunt & refrigerant, fluxiones sistunt: decocto eorum sedes & vulva procidentes proluuntur. Cruda cata-

plasmatis miscentur ad cohibendam aluum, contrâque stomachi subuersionem & ardorem mammarumque inflammationes. Hæc quidem sumpta nec minus tamen ad mota iuuant.

Compositiones quæ fluxionem inhibent repelluntque sunt, oleum omphacinum, omotribes, & ex hoc recenti oleum rosaceum, oleum melinum, oleum myrtinum, oleum mastichinum comparatum: vnguentum diachalciteos, emplastrum Comitum, emplastrum ad herniam & alia quædam inter emplastica relata.

Quum igitur leuior quædam calidâque fluxio ut phlegmone incipiens fatigabit, reuulsione præmissa & dolore si is acius vrgeat mitigato, adhibendus foris oxycrati specie ex aquis stillaticis rosarum, plantaginis & lotiatri, addito aceti rosati sextante cæue temperatura ut bibi possit. Mox vinctio ex oxyrhodino, quod interdum myrtini olei dimidium habeat. Benefacit & mucilago è semine cydoniorum & psyllij ex aqua rosarum, plantaginis, solani, affusa aceti parte octaua. Efficacius est cataplasma ex decocto aut succo rosarum, balaustiorum, plantaginis, solani & semperuiui, & ex polline fabarum permixtis omnibus coctisque in polenta aut pulicula speciem. huic si grauior fluxio exposcet, pulueres inspergentur rhois, myrti, rosarum, boli armenæ, aut terra lemnæ. Ad extremum his non satis proficientibus, adstringentis nostri emplastri portio oxyrhodino diluta imponetur vnguenti specie. Supra verò sedem affectam locus per quem fluxio decurrit cingetur emplastro adstringente, quod fluxionis vias coangustet. Horum continuandus eousque est vsus dum fluxio consistat, & tumor aut non amplius crescere aut subsidere videatur. Ac tum deinde ad vnguentum diachalciteos & cætera transeundum quibus mixta insunt vires. Atque ita fluxionum quidem initio tempestiuus est repellentium vsus, nisi fortè vel pestilens, venenata aliterve maligna materia existat, vel critico modo depulsa, vel emunctoriis excepta allecæ sit, vel acerbum & excruciantem dolorem habeat coniunctum: quippe illicientibus tum & paregoricis vtendi locus est, non repellentibus & exasperantibus.

Emplastica medicamenta repellentibus finitima. CAP. III.

EMPLASTICORVM quæ temperatura sit & quæ materia, quasque vires sortita ea sint, supra quidem comprehensum est cum detergentibus illa opposui. Quæ verò simpliciter talia dicuntur, frigida crassa atque terrena, nec vlla qualitate molesta sunt: proinde meatus infarciunt, tenuemque humorem permissione incrassant. Alia quædam insuper siccant & ulcerum humores absorbent. Alia etiam leuiter adstringunt & roborant, nec humores diffuere sinunt. Primo hæc genere continentur.

Triticum lentoris quiddam & obstruentis naturæ nactum est. Eius farina cum oui liquore iuncta fluxiones sistit, ex hyoscyami succo neruorum fluxionibus illinitur, pollen verò eius ex aqua multa aut hydrelæo coctus omnem inflammationem valentius quam farina simplex compescit: extrinsecus ad motus cutis spiracula infarcit & humores coërcet. Fabarum farina ex liquore quouis frigido admota cataplasmatissimè specie eadem confert. Amylum, farinam triticam tum frigidius tum siccius, verè ac propriè emplasticum est: contra fluxiones oculorum & pustulas cauæque vlcera efficacissimum: sanguinis quoque reiectiones potè cohibet. Cuiusdum oui albumen emplasticum est, refrigerat, fluxiones arceat, oculorumque inflammationes lenit, vesicæ & renum exulcerationibus prodest. Quæ verò sequuntur emplastica, exiccant pariter & vulnorum aut vlcera quemcumque attigerint humorem, combibunt exorbentque, vt idcirco sistendo sanguini conueniant. Mumia humani est cadaueris liquamen, thure, myrrha & aloë in sepulchro conditi, calida sicca ordine tertio, leuiter adstringit: peculiariter verò tum sumpta tum admota sanguinem vnde cumque prorumpentem sistit. Mastiche leuiter adstringit, siccaturque sine morfu, & sanguinis reiectiones cohibet.

Corallium adstringit & moderatè refrigerat, contra sanguinis reiectiones in primis efficacissimum, ex crescentia coërcet, vlcera caua & oculorum cicatrices abstergit.

Lapis hæmarites adstringit & refrigerat, tenuissimè tritus ex oui candido oculorum phlegmonas lenit, sanguinem

puitioni & cuius eruptioni conducit, oculorum vlcera per te siccant, & cicatrice includit. Terra omnis in medendi vsum recepta, summè siccant citra omnem morsum, quòd omnis igneæ substantiæ prorsus sit expers, vt quæ propriè argilla appellatur, hinc leuiter refrigerat siccant quæ & meatibus obliuiscit ocluditque, quæ præsertim lota fuerit. Sigillum lemnium strennè siccant & leuiter adstringit, vique emplastica vndecunque prorumpentem sanguinem tum sumptum tum admotum cohibet. Bolus seu terra armena validam siccandi vim obtinet, qua putria oris & tabidorum vlcera desiccant, sanguinis expuitiones abasque reiectiones, quemadmodum & dysenterias, compefcit.

Sanguis draconis officinis factitius ex hircino sanguine, bolo armena & sorborum aliorumve adstringentium succo, eadem quæ bolus, ac etiam promptius efficit.

Gypsum emplasticum verè est ac siccans, ad sanguinis expuitiones vtile & ad ophthalmias ex oui candido.

Vsum ac deinde lotum, quemadmodum & calx elota, emplasticum magis euadit. Omnia quidem excipienda diluendaque sunt aceto, cui etiam vni præcipua vis est vt fota solo erumpentem sanguinem protinus compefcant.

Metallica quæ subiciam emplastica quoque sunt, & sine morfa siccant, adhuc quoque non leuiter adstringunt. Lithargyrus chrytiis & argyritis siccant primo recessu, nullo insigni calore aut frigore, modicè adstringit & terget, cum oxelæo cocta emplastica fit & complurium emplastrorum materia. Vis ei ocludere, adstringere & explere cana.

Cerula refrigerat, siccant, ocludit, repellit & adstringit, emplastica tamen est, cana defacit emplastra quibus inditur.

Pompholyx, Arabum tutbia, ex aris vel detrita cadmiæ fauillis tenuissimis, quæ fornacum metallicarum summis caminis adhærent, progignitur, refrigerat, adstringit & exsiccat lota omnium prope citra morsum siccantium euadit præstantissima, hinc ad vlcera cancrofa ad abasque maligna, & ad oculorum fluxiones efficacissima. Spodium verò pompholyge aliquanto crassius & adstringentius, è crassiusculis enim fauillis quæ in fornacum pavimentum decidunt succrescit: plurimas tamen pompholygis vires imitatur.

Cadmia factitia botrytis appellata, & pompholyge & spodio

spodio erassior ac magis terrena, siccior & adstringentior. Naturalis verò quæ officinis est lapis calaminaris, sicca minus existit, veruntamen vsta sæpius acetoque restincta & in exquisitum læuorem trita, oculorum inflammationes arceat, palpebras inuersas reducit & in emplastris laxos cedematososque tumores siccat atque dissoluit. Stibium vulgo antimonium, valenter adstringit, refrigerat, meatus obstruit, fluxiones oculorū in collyriis inditum & sanguinem manantem, quod præsertim coctum fuerit sistit, est enim rosionis expers, & vim habet vsto plumbo persimilem. ambusta igni in pustulas erumpere non paritur cum adipe rectei illitum, & maligna vlcera comprimit, nec latius serpere sinit. Plumbum frigidum humidumque existit multò magis quod aceto lotum fuerit, & in pollinem redactum, adstringit & phlegmonas incipientes arceat, oculorum fluxiones reprimat, partiumque omnium ac præcipuè sedis vlcera rebellia & caneros demulcet. Plumbum vltum eadem efficit, sed acrimonia maiore nisi lotum fuerit. At plumbi recrementū quod scoriam appellant, his multò vehementius adstringit. Molybdæna plumbago dicta recrementum in camini fundo repertum, quo vi plumbi argentum aurūve expurgatur, magis refrigerat & adstringit quàm lithargyros, estque substantiæ crassioris: eundem tamen vltum in emplastris obtinet acrimoniæ expertibus, detergentibus minimè idonea. Alumen scissile & candidum adstrictione est vehementissima præditū, ab hoc rotundum, quod aqua soluitur & igni liquefcit celerius quàm scissile. gingiuas humore turgidas comprimit, dimotos vacillantēque dentes cum aceto firmat: sanguinem profluentem, eruptiones papularum & aurium fluxiones inhibet.

Compositiones ab his extāt vnguenti aut emplastri forma, vnguentum album, vnguentum è cerula, vnguentum è lithargyro, vnguentum nutritum, vnguentum diachalciteos, vnguentum diapompholygos & vnguentum exiccans rubrum. Ad hæc autem alia in rem præsentem comparantur hac formula, quæ sanguinis aliorumque humorū fluxum sistit. 2℥ Boli armenæ 3 ij. amyli 3 j. sanguinis draconis, mastiches, myrrhæ, olibani an. 3 ℥. symphytii, rosarum rubrarum an. 3 ij. Bolus & sanguis draconis diluuntur

aceto, cætera teruntur, omniâque oui candido & oleo rosato vel myrtino excipiuntur in cataplasma, his interdum vehementiora accedunt adstringentia, vt trochisci è terra lemnia & alumen vsum. Pleraque etiam intrò sumuntur ad immodicos sudores, ad dysenteriam, ad cruentam excreationem, quæ sunt ex mucilagine gummi arabici & tragacanthæ deprompta ex aqua plantaginis & rosarû, asperso amylo aut tritici vel orizæ polline. Conuenit & puluis qui habeat, boli armenæ ꝯ j. terræ lemnia ꝯ ss. lapidis hæmatitæ, corallij rubri an. ꝯ j. sacchari rosati ꝯ j. ss. vel conseruæ rosarum & symphyti an. ꝯ j. Idem quoque puluis exceptus mucilagine tragacanthæ in hypoglottidas fingitur aduersus hæmopticos.

Anodynâ medicamenta. CAP. IIII.

DOLORIS causa admodum multiplex est, & quicquid eam cõtrarietate tollit, dolorem verè sedat, at nequaquã anodynû id appellamus, sed quod persistente causa dolorè lenit & mitigat, quanquã propriè paretoricum dici debet. Id autem vel temperatum existit corporiq; nostro consimile, vel ordine primo calidum tenuisq; substantiæ: quod nimirum doloris causam æquabilem reddit, temperat, demulcet, corporisq; substantiâ fouet. Eius sunt generis quæ tum pus mouent tum emolliunt, præcipuè vero hæc,

Althæa ordine primo calida & modicè humida laxat, digerit, phlegmonem demulcet, mitigat & concoquit.

Radix in aqua mullâ decocta & cum adipe anserino aut suillo subacta ad vteri inflàmationes & præclusiones utilis. Decoctû radice ex aceto collutione dentiû mitigat dolorè: radice mucilago ad omnia vtiliter accommodatur,

Malua humida & glutinosa, leniter digerit & emollit, moderato & tepido calore prædita, Eius decoctum vuluas in sessione molli, erosionibus intestinorum, vuluæ & sedis prodest clystere infusum, aut fotu admotum. Sacris ignibus & ambustis decocta ex oleo folia imponuntur, neruis profunt & vesicæ: potum decoctæ ius faciem partum reddit crebriore vsu. illita inflàmationes lenit & indurata emollit. Id illi peculiare est vt imposita ictibus vesparum & apum dolores leuet.

Lilium

Lilium radice & foliis desiccat, abstergit & digerit. Radix asla aut cum rosaceo trita ambustis medetur, vteros emollit, mensesque prouocat, & in vino cocta clauos pedum tollit, si triduo non soluitur. Succus è flore expressus ad omnia efficacior. Chamæmelum temperato est calore, extenuat, digerit, rarefacit & laxat, dolores mitigat, & ad lassitudines mirè confert. Tensa remittit & laxat, quæque mediocriter dura sunt emollit & condensata rarefacit, eius decocto vesicæ vitia vtiliter fouentur. Melilotus omnes sed præcipuè oculorum inflammationes mollit, deinde etiam vteri, sedis & testium in passo decocta & illita, addita aliquando scenigræci farina, aut lini semine, aut polline molario.

Lini semen primo ordine calidum, omnem inus forisque inflammationem cōpescit & emollit cum melle, oleo & exigua aqua decoctum. Cum lixiuio parotidas duritiesque discutit, herpes & fauos purgat in vino decoctum. Ad vuluæ inflammationes in deflectionibus vtile.

Fœcum græcum secundo ordine calidum, siccum primo, digerit, eius farina molliendi & discutiendi facultate prædita: inflammationes exiguas sed duras digerendo curat. Seminis decoctum in fessu ad vteri inflammationes præclutionesque vtile, & exulceratis locis commodè infunditur. Farina cum anserino adipe pessi vice apponitur, loca quæ iuxta vterum sunt emolliens & relaxans.

Lac alienæ omnis qualitatis expert, medicamentum leniens est, ad acres & mordaces fluxiones præcipuè oculorum commodissimum, non eas modò sero abluens, sed etiam pinguedine corpora illiniens, ad quæ omnia lac mulieris benè habitæ recens, vtilissimum & humano corpori est familiarissimum. Lac omne concoquit & relaxat, sed maximè bubulum, phlegmonas oculorum cum rosaceo & ouo concoquit: infunditur & vtero exulcerato, ad sedis & pudendorum vlcera, & ad omnia quæ leniri postulant præprimè conducit. Hinc cancris vlceribus aliis medicamentis anodynis permistum applicatur. Collutū oris phlegmonas mitigat, tōssillas & columellam phlegmone liberat, venena erosionem interimentia nocere prohibet.

Butyrum facultatis est remollientis, concoquentis, paululum etiam digerentis. Exiguas & quæ in teneris & molli-

bus sunt corporibus phlegmonas id solum per sanar, ut parotides, bubones & oris inflammationes. Gingivis puerorum assidue illitum, exitum dentibus accelerat: cataplasmatas inditur quæ extrinsecus imponuntur parotidibus, hypochondriis, bubonibusque, idque initio ex aqua rosacea lotum, & modico intinctum croco. Oleum quod ex maturis olivis exprimitur, salis expers, ætate medium, moderate calidum est, lenit, omniumque maxime humectat & emollit, lassitudinis optimum remedium ob idque Græcis acopum appellatum: corpus ad obeunda munera promptius alacritusque reddit. Oleum amygdalarum dulcium ad hæc omnia quam simplex oleum præstantius & efficacius tum ad motum tum sumptum. Oletypus calfacit ac emollit, paulumque digerit: omnium partium doloribus tum per se tum ex aceto & rosaceo efficaciter imponitur. Succida lana eadem vires habet: percussis & contusis peculiariter succurrit. Adeps omnis qui tenuitate substantiæ sit præditus, dolorem lenit atque demulcet, humorum acrimoniam obtundit & aliquantum digerit: eiusmodi est qui à feris & agrestibus animalibus sumitur: at qui à domesticis quæ conclusa degunt in urbibus, tum crassior est tum humidior. Adeps suillus insigniter humectat, emollit & relaxat, at non admodum excafcit, quod calorem obtrineat nostro calori finitimum: vicinam oleo vim nactus nisi quod aliquantò magis tum emollit tum concoquit. Quamobrem cataplasmatas quæ ad phlegmonas exiguas & aliquantum duras accommodari solent miscetur, in teneris præsertim corporibus. Adeps vitulinus suillo aliquanto calidior & sicciior, eumque proximè vitibus imitatur. Adeps gallinaceus suillo vehementius emollit & relaxat, simulque humorum acrimoniam obtundit, Adeps anserinus tum suillo tum etià gallinaceo calidior est & partium tenuiorum, magisque obtundit quæ in alto corpore demersa fuerint. Adeps humanus ut omnium medius, ita & mediocriter ad omnia usurpatur. Medulla indurata & scirrhusa corpora emollit. Optima omnium cervina, dein vitulina: ex utraque pelli componuntur ad emolliendos vteros: miscetur commodè omnibus medicamentis emolliendi vi præditis. Et hæc anodyna simplicia. Quæ autem causam vel summovendo vel cõpescendo le-

de leniunt dolorem, quòd curandi lege id efficiant, ex iis petenda & depromenda sunt, quæ ad vnumquemque curandum affectum proferentur.

Eliciuntur extantque ab iis oleum chamæmelinum, oleum liliorum, oleum leucioj lutei, oleum scesaminum, oleum amygdalarum dulcium, oleum anethinum, oleum irinum, oleum ex vitellis ouorū. Itaq; cum dolor vehementer fatigat, is promptè ne vires prosternat leniendus est foru ex iure althææ, maluæ, violæ, liliorum, chamæmeli, meliloti, anethi, semine lini & sceni græci, ex aqua & lacte percoctis, deinde cataplasmate ex libra vna medullæ panis similaginei ex lacte aut sapa coctæ, adiectis ouorum vitellis tribus, rosacei scesuncia & croci drachma vna. Huic etiã interdum permiscuntur mucilagines seminis althææ, lini & sceni græci, cum florum chamæmeli & meliloti tritorum an. ʒ ss. Summè conferunt memoratæ mucilagines depromptæ ex aqua chamæmeli, additis oleis aut adipibus accommodatis & ceræ momento illitus forma, vt qui ʒ℥. mucilaginis seminis althææ & lini tractæ ex aqua rosarum ʒ j. olei liliorū & amygdalarum dulcium, cœsypi, xungia anseris recentis an. ʒ ss. ceræ ʒ vj. Hæc vera est & simplex anodynorum ratio, quorum tamen vis eorum permissione augetur & increseit, quæ doloris causam tollunt. Sic enim ad artuum atque neruorum dolores ex frigida materia ortos, veteres acopa & myracopa ex his concinnarunt. ʒ℥. lampsuchi, rorisinarini, rutæ, pulegij, origani, centaurij minoris, marrubij an. libram dimidiam, radicū iridis florétinæ, cucumeris agrestis & aristolochiæ rotūdæ, baccharum lauri & myrti contusarum an. ʒ ij. florum iunci odorati ʒ j. Tunsis omnibus affundantur vini & olei an. lb vj. macerenturq; horis xxiiij. postridie coquantur dum vinum fuerit absumptū. In expresso humore eliquantur terebinthinæ, bdellij, ammoniaci, resinæ & ceræ an. ʒ iiij. caryophyllorū, nucis moschatæ, cinamomi an. ʒ ss. compositio in pyxidem reponatur ad vsus. Sic etiam plethorico aut cacochymo corpore quū acerbus dolor ex fluxione vrget, qui mitigari euestigio postulet, quòd sola lenientia partes laborantes relaxant & enervant euocantq; fluxionem, vnde magis distenduntur atque dolent, ipsis propterea conuenienti modò adstringetia

permiscetur. nimia siquidem adstrictio conduplicat dolorem, & relaxatio partes dolentes effoeminat. Modus itaque erit vt fluxio leniter reprimatur, infirmisque partibus robur, & excrucianti dolori lenimentum adferatur.

Narcotica. CAP. V.

DOLOREM idcirco narcotica leniunt, quòd indulto stupore, partis sensum obtundant torpidiorémque reddant, vt doloris vrgentem causam ea minimè percipiat. Omnia quidem vehementer frigida existunt, sed quæ tamen non hac sed peculiari facultate sensum adimant. Etenim temperuium maius licet alterco frigidius, minimè tamen partē vllam admotum stupefacit. Hyoscyamus seu altercum cui semen & flos candidus est, ad externos affectus vsurpatur. Folia recentia tum per se tum cum polenta mista ad oculorum, pedum aliarumque partium inflammationes, ad omnes denique mitigandos dolores vtiliter illinuntur. Succus quoque ex virente herba confusa, aut etiam ex semine expressus ad acres calidasque oculorum fluxiones, dolores aurium, & vuluæ vicia benefacit. semen confert podagris, testibus inflammatis, mammisque à partu lacte turgentibus si tritum cum vino inducitur. Miscetur vtiliter & aliis cataplasmatibus dolorem leuantibus.

Cicuta summa refrigerandi vi pollet, folia dolorem omnem & epiphoras sedant. Succus exprimitur è foliis floribusque; aut etiam è semine viridi, qui in sole densatus in pastillos ad inflammationes, erysipelata & herpetas medicamenti leuandi doloris gratia permiscetur. Mandragora tertio est ordine refrigerantium. Succus è cortice recentis radicis confusæ aut ex pomis expressus & sole concretus, miscetur medicamenti ocularibus, & omnibus quæ dolores finiunt. Folia quoque recentia oculorum inflammationibus omnibusque ab vlcere ortis cum polenta auxilantur. Radix trita ex aceto ignibus sacris medetur: articulorum dolores cum polenta sedat.

Torpedo tanta stupefaciendi insita vi insignis est, vt per sibi infixum tridentem piscatorum manus protinus stupefaciat: cùmque vniuersum qui manibus eam prehenderit,

aut

aut nudis pedibus calcauerit. Oleum narcoticum id redditur in quo viua torpedo extincta fuerit. Papauer album quod & satium, fottum folij tum capitis ex aqua decocti somnum accersit, sed potu magis vigilias discutit. Capita trita & per se & cum polenta ignibus sacris & inflammationibus prosunt: oculorum vero inflammationibus cum tosto oui luteo & croco: igni sacro & vulneribus cum aceto, podagris cum lacte mulieris & croco. Papauer nigrum frigidius est magisque narcoticum. Meconium papauere aliquanto magis refrigerat & torpescit, sed vsu tamen periculosius est. Opium tum ipso papauere tum meconio multo ad refrigerandum & stupefaciendum potentius, despectatis duntaxat leuioribus auxiliis ad mouendum in ardore summo & intolerabili cruciatu cum exquisito sensu. Nam sensus obstupefacit, tenues & acres fluxiones coërcet: sed nisi moderatum & correctum fuerit, periculi plenum existit. leuoratum enim mortiferum est: oculis ad motum caliginem & rugas inducit, surda strāsque reddit aures, & partes omnes ad motum sensumque torpidiores factas, excrementis tandem opprimit.

In narcoticis compositionibus præcipuæ sunt, philoniū romanum, & pillulæ e cynoglossa, oleum hyoscyami, papaueris & mandragoræ, in quibus & opij nonnihil interdū diluitur. Narcotica leuiora externis medicamentis tuto permisceri possunt quæ vigilias & deliria sedant, & iis quæ ardores atque erysipelata extinguunt, ex hisque ortos cruciatus sedant. Opium verò non nisi quum dolor acerbior vires dissoluit syncopēsque metum incutit, nec alia remedia iuuant medicamentis permiscendum. Quumque id rei necessitas exigit corrigitur castorio, myrrha & croco: possuntque trochisci mitigatorij hac ratione teneri, ℞ Gummi arabici & tragacanthæ, amyli an. ʒ ss, cerusæ lotæ aqua rosarum ʒvj. styrcis, myrrhæ, castorij, opij sapa soluti singulorum ʒ iij. croci ʒ ss. Trita omnia excipiantur mucilagine psyllij ex aqua rosacea, singanturque trochisci. hi in vsu varios aptari possunt, atque externis præsidij misceri quæ adhibentur leniendis partium doloribus. Hæ quidem facultates simplicium medicamentorum sunt quæ calidis affectibus eorūque symptomatis medentur. Quæ autem fri-

gidis & ex frigido concretòque humore in partem quamlibet impactò genitis opitulentur, proximè tradendum.

Emolliens, relaxans, & rarefaciens medicamentum.

CAP. VI.

Siccitas,
Reple-
tione,
Concre-
tione

DURVM id corpus dici solet quod pressum carni non stræ minimè cedit. Est autem id triplex, vnum quod vehementer siccum est atque terrenū, siue natura tale euasit vt lapis, siue ab externis causis vt exercitatione valida, Solis feruore, æstuario, ardenti febre, aut inedia. Alterum quod plenum distentumque est largioris humoris affluxu vt plenus vter, aut hydropici venter idque propriè nobis tensum ac renitens, Græcis *ἀντίρρινον* appellatur. Tertium quod frigoris vi concreuit, siue id extrinsecus incidat, vt in glacie, siue ex propria partis intemperie vt adeps, siue ex influentis humoris natura, vt crassa pituita in scierho proprio calore destituta sponte obdurefcens atque concrefcens. Postremum hoc verè ac propriè durum est medicis: cætera in alias referunt differentias, vt siccitate durum in siccum, plenitudine durum in tensum ac renitens.

Emolliens igitur medicamentum id propriè fuerit, non quod copia distentum ac renitēs vacuat, aut siccum humectat, sed quod concreta ex calfacit, soluit atque colliquat. Est autem mediocris id materiæ, & moderatè nec supra secundum ordinem calidum, ne tenuiorem humoris portionem dissoluens, reliquam obduret. Est id quoque humore aërio confertum, vt oleum maturum, & adeps temperari animalis, omni acrimonia omni que externo sapore & qualitate vehemēti destitutus, pingui & oleagineo eoque subdulci sapore id deprehenditur. Si tensum totidem modis atque durum dicitur, trifariam quoque relaxās dicitur, & quod humectat, & quod calore emollit, & quod in tumore collectam materiam euacuat, siue sanguis ea sit, siue pituita, siue serosus humor, siue flatus. Sed hoc propriè relaxans appelletur quemadmodum Græcis *χαλαστικόν*, & emolliens *μαλακτικόν*. Quod verò rarefaciens appellamus & Græci *ἀραιωτικόν*, solidam compactamque materiam soluit & diffundit, eiusque partes inuicem longius disiungit vt exiguos poros ampliores reddat.

Eiusmo-

Huiusmodi diaphoreticum quoque est quod cutem corporis
 solutiorē efficiat, ut per eius spiracula vapores commodē
 dissilari possint. Substantia huic tenuis est ut altē satis pene-
 tret, eāque moderatē calida ne aduersione aut siccitate immo-
 dica meatus coarctet. Quod huic contrariū est condensans
 seu πυκνωτικόν partis substantiam solidiorem compactio-
 rémq; reddit, & cutis poros contrahit, ut eorum partes mi-
 nori intervallo coeant. Id moderatē est frigidum, sed tamē
 crassum est, acerbum vel austerum. Itaque quæ simpliciter
 humectant ut viola, helxine, acanthus, malua, althæa, ole-
 um simplex, omnium quidem mitissimē emolliunt. Quæ
 verò his paulò calidiora sunt & tenuia, emolliunt, laxant at-
 que rarefaciunt ut chamæmelum, lilium, ficus arida, buty-
 rum recens, adeps suillus recens. Quæ verò hoc genere ca-
 lidiora atque tenuiora sunt ad secundum tertiumve ordi-
 nem, scirrhus emolliunt, digerunt, dissipantque, ut hæc. Li-
 ni semen omnem duritiem emollit & leuiter discutit ex o-
 leo & aqua coctum: vuluæ tumores & duritias in fessu persua-
 dat, vteri & intestinorum exesiones demulcet & lenit. Fi-
 cus arida præsertimque pinguiorē coctæ & illitæ tumores
 duros, strumas, nodosque omnes, parotidas ac furunculos
 emolliunt. Decoctum earum eiusdem naturæ est: nam
 cum farina triticea ad tumores maxillarum, panos, paroti-
 dasque illinitur. Fœnigræci semen molliendū & discutiendū
 quoque facultatem habet. eius farina cum anserino adipe
 vterum emollit & relaxat, & in hydromelite decocta, addi-
 ta axungia genitalibus induratis medetur. Vitis albæ seu
 bryoniæ radix calfacit siccātque moderatē, inflammatione-
 nes & duritias emollit & discutit, abscessus rumpit, lienes in-
 duratos liquefacit & absunt foris cum ficibus imposita.
 pforam etiam ac lepram sanat, lentigines, varos, sugillata &
 cicatrices nigras cum fœnogræco emendat. Cucumeris
 agrestis radix calida sicca, emollit, digerit & abstergit. Illita
 ex polenta omne vetus œdema discutit, imposita cum te-
 rebinthina resina tubercula rumpit, decocta ex aceto & il-
 lita podagras aliosque articulorum dolores discutit, arida
 trita, alphas, lepras & impetiginē abstergit, & in facie ma-
 culas aut cicatrices nigras expurgat, ad quæ omnia præ-
 stantius est elaterium, Iridis radix calida ordine secundo, sic-

ca tertio, strumas veterēsque duritias cocta & illita mollit, idem & succus ex ea expressus confert, qui malagmaris & acopis vtiliter imponitur, lienes ex aceto imposita extenuat: decoctum radice ad muliebria fomenta apprimē vtile, molliens aperiensque locos. Ebulus exiccandi & modicē digerendi facultate pollet. radix vulvas cocta emollit & aperit, & quæ circa eas sunt affectiones in sessione corrigit, inueteratos tumores cōcretōsq; soluit, podagricis cum taurino adipe auxiliatur. Folia recentia ac tenera cum polenta illita inflammationes mitigant. Oesypos omnium pinguium mihi in ē mollit, laxat, digeritque. Adeps suillus inueteratus & salis expertus, potentiū quā recens emollit: vetustate enim substantiæ tenuitatem, calorem & acrimoniam quandam nanciscitur, qua recens languidus & imbecillus indiget. Ceteri autem calidiores: vt adeps gallinæ, ceus, anserinus, anatinus, vitulinus, bubulus, recentes magis, vetustate aciores iam facti, minus emolliunt: digerunt verò potentiū & siccant. Qui verò ē siccioribus sunt animalibus, vt arietinus, hircinus, ceruinus, abundē siccant nec emolliunt. Medullæ omnes vt dolores compescunt, ita etiam molliunt, calfaciunt, rarefaciuntque. Colliguntur æstatis exitu, ex ossibus humidiores, ē spina verò sicciores. Laudatissima omnium ceruina, quæ viscera, chordas, tendonesque emollit: hanc proximē sequitur vitulina, eadem, sed aliquanto segrius præstans.

Ladanum calfaciendi molliendique vi præditum, venarum ora patefacit, in pessis vulvæ duritiem sanat: in medicamentis quæ dolorem liniunt, vt quæ duritias omnes emolliunt, vtiliter inseritur. Gummi ē pino recens, articulorum maximēque coxendicum lenit dolores, præduros tumores emollit atque concoquit: quod autem vetustius est calfacit magis ac digerit. Terebinthina resina, ab hac dein lentiscina, & aliæ omnes acrimonie expertes, emolliunt, concoquunt, leuiterque discutunt.

Ammoniacum calfacit, mollit, extrahit: ex aceto commodē liquatur igne leni ne vratur, aut ex aceto tunditur in mortario: tubercula duritiasque mollit ac discutit, articulorum coxendicumque doloribus auxilio est cum nitro & oleo subactum impositumque: & ex aceto solo iecoris lenis que

nisq; duritias soluit: nodos qui in artubus occalluerūt cum melle aut cum pice illitum discutit. Bdelium molle & pingue, calfacit & emollit; coquit, modicēque digerit: duritias omnes & bronchocelas discutit, cum ieiuna salina subactum: vuluæ spiracula appositū & suffitu laxat: malagmatis inseritur quæ contra duritias & neruorum nodos prolunt: contusum soluitur affuso vino aut aqua calente. Styra liquidus calfacit, emollit & concoquit: vuluæ præclusæ duritiæve laboranti conuenit, menses educit appositū, miscetur vtiliter emollientibus & discutientibus malagmatis.

Ammoniacum, bdelium & styra, aliæque generis eiusdem, vbi iam vetustate exaruerint, discutunt potius quàm emolliunt. Attamen in recentium & molliorum penuria arida ista pingui oleo soluta vtrpantur. Galbanum excalfacit, molit, coquit & discutit, furunculos sanat, vteri euerfiones atque duritias, articulorum nodos, concretq; omnia aceto liquatum soluit. Opopanax calidus ordine tertio, ficcus secundo, emollit ac modicē digerit, galbano aliquanto valentior & calidior.

Compositiones hinc fiunt, oleum liliorum, oleum violaceum, oleum chamæmelinum, oleū lumbricorum, oleum lini, oleum irinum: vnguentum de althæa, vnguentum resumptiuum, emplastrum diachylon magnum, emplastrum è mucilaginibus. Cùm autem referentur in vsum, vt sedandi doloris ita scirrhus concretosq; humores emolliendi initiū ab humido fori ducetur. Id autem comparatur ex radice lilij & althææ, ex malua, viola, adiectis quibusdam attenuantibus, anetho, origano, calamintha, serpillio, pulgione, thymo, quæ omnia ex aqua simplici vel hydrelæo cocta adhibentur in forum. Mox à fori quum tepefactus humor adhuc incalcescit, ac modicē solutus est cutisq; spiracula patent, illitus adhibendus ex vnguento althææ vel resumptiuo. Vel ex hoc extemporali. ℞ mucilaginis seminis althææ, lini, & scenigræci depromptæ ex decocto sicuum ꝑj. s. olei liliorum, anethi & irini, adipis anteris & anatis an. ꝑj. s. ceræ pinguis quantum satis est ad illitus consistentiam. Hæc igitur quod calore liquata & frictione adacta alitè subeant possintq; in affectam sedem & in noxium humorem penetrare, strenuè quidem emolliunt atque iuuant. Proximas

his vires obtinet cataplasma huiusmodi. ℥ radicū althææ, liliorum, ebulli & iridis an. ℥ ij. maluæ, violæ, chamæmeli, meliloti, anethi, an. m. ij. caricas pingues incisas viij. coquantur dum contabescant, terantur & cribro cernantur, postea adde radicū bryoniz & cucumeris agrestis crudarum & derafarum an. ℥ ij. pollinis seminis lini & fenigræci an. ℥ j. adipis gallinæ, anseris & anatis an. ℥ iij. Rursum modicè coquantur in cataplasma. Emplastro quòd crassior eius substantia nè queat per cutè altè subire, nō tanta emolliēdi vis inesse potest. Hoc tamen extemporale vires summas obtinet. ℥ mucilaginis althææ, seminis lini & fenigræci depromptæ ex decocto sicuū lb β. axungiz anseris, gallinæ & vituli, inedullæ cerui & vituli an. ℥ ij. ceræ citrinæ ℥ iij. coquantur in duplici vase ad emplastri crassitiem, inspergendo sub finē radicis iridis florētinz, styracis calaminthæ an. ℥ β. Validius emplastrum est diachylan, quo rursum efficacius est emplastrum è mucilagibus, ex quorū permissione & temperatione varia, alia non pauca decerni solent.

Attenuantia medicamenta. CAP. VII.

ATTENUANTIVM vt ad interiores affectus, ita & ad externos eosque contumaces non paruus est vsus. Ea quidem rarefacta cute dum altius intrò subeunt, non modò frigidum, crassum concretumque humorem calore liquant, sed & partium tenuitate eum ipsum incidunt & extenuant adeò vt exin vel sponte sua in halitum & vaporem abeat, vel saltem trahentium vi facilè dissipetur. Quæ subiciam quòd ea facultate plurimùm valeant, affectus sanè varios calore & attenuatione tollunt, non quòd attrahant digerantve, sed quòd his extenuatus humor sponte sua ple-
runq; euolet.

Anethum ex oleo decoctum crudos & incoctos humores concoquit & incidit, hinc varios sedat dolores, ex cruditate obortos flatūs discuit, tormina compescit. Mulieribus vteri præfocacatione correptis decoctū inessu perutile. Corpus immodico labore defatigatum leuat, somnūq; conciliat. Pulegium, crassa lentaque incidit, extenuat & concoquit: cum polenta ischiadicis & aliis partibus frigore af-
fectis

fectis inductum confert: neruorum cōuulsiones & opisthotonum sedat: decoctum prurigines, inflationes, vteri duritias & subuersiones in sessione tollit: lienosis cum sale vtiliter adhibetur. Satureia, partium omnium crassos lentosque humores extenuat & concoquit, lethargicos calfacta excitat, cum triticea farina ischiadicis opitulatur.

Origanum extenuandi facultate oedemata aliosque latexos tumores fori illitūve discutit: prurigines, scabies, regiumque morbum eius decoctum balneo expurgat. Succus eius cum lacte aurium tinnitus doloresque finit. Thymus validdè incidit & recētia oedemata seu fotu seu illitu ex aceto discutit, sanguinis grumos dissoluit: thymos penilesque verrucas tollit: coxendicibus cum vino & polenta impositus medetur. Sampsuchus tenuium partium digerentis est facultatis: arida folia ex melle subacta sugillata eximunt: aceto excepta luxata firmant & oedemata dissolunt: acopis & malagmatis calfacientibus resoluendique gratia permiscuntur. Rotularius abstergentis incidentisque facultatis participēs, ex vino tenui coctus ad morusque oedemata dissipat, neruorum dolores sedat: sed & suffitu destillationes tussimque compefcit. Hypericum calfacit tenuisque substantia incidit & crassa comminuit: lassos fotu illitūque recreat, conuulsis attritisque neruis eximie succurrit.

Abſinthium peculiariter ilibus, præcordiis, iecori & stomacho dolenti cum cerato tritum imponitur: epinyctidas ex aqua, & anginas cum melle & nitro sanat. Centaurium minus veteres duritias emollit & extenuando resoluit, siccat & validdè nulla acrimonia adeo deterget, vt sinus fistulasque persanet. Eleniū lentos crassosque humores extenuat: radix & folia ex vino cocta & admota partes frigidis & diurnis obfessas affectibus ex calfaciunt atque persanāt, quemadmodum & ischiadas & exiguas articulorum præ humoris copia luxationes. Dauci radix præsertimque semen ex calfacere multūque discutere foris impositum deperchēditur, & oedemata soluere. herba his inferior & hebetior existit. Rura strenuè incidere ac digerere lentos crassosque potest humores: quin & partium tenuitate flatus dissipat, ad veteres stomachi dolores & cruditates, ad tusses & laterum thoracisque affectus cum spirandi difficultate, ad

coxendicum articulorumque cruciatus fori & illitu benefacit: testium collectionibus inflationibusque cum lauri foliis, & exanthematis cum myrto in cerato prodest: succus instillatus aurium doloribus ac tionitui succurrit, sylvestris ad omnia præstantior. Cum inum semine efficac, calfacit ordine tertio, siccatur & non nihil adstringit, tormina inflationesque discutit coctum & illitum ex oleo & hordei farina, testium collectionibus impositum cum vicia passa aut lolij farina cera rove opitulatur. Laurus calfacit, molliat & incidit: decoctum foliorum eius vulvæ & vesicæ vitii apprimere convenit fori vel infessu, folia cum polenta & pane inducta flatulentum omnem tumorem discutunt, bacce foliis calidiores omnibus thoracis rheumatismis profunt. In medicamenta commodè adiciuntur quæ nervorum lassitudines reficiunt, & in vnguenta quæ calfaciunt & discutunt.

Adipes & medullæ ex calidis ferocibusque animalibus quod calidiores tenuioresque sint, partemque facile imbuant, attenuandi facultate insignes sunt, cum præsertim virtute aciores euaserint: ut adeps vulpinus, caninus, ursinus & leoninus: & quæ ab his animalibus eruntur medullæ. Olea quoque vetustate & annis extenuata purgataque, attenuandi vim maiorem nanciscuntur.

Iam ex istorum temperatione constant, oleum anethinum, oleum rutaceum, oleum amygdalarum amararum, oleum scorpionibus, oleum capparis, oleum nardinum simplex tum compositum, oleum hypericium, oleum laurinum, oleum vulpinum, oleum terebinthinæ: deinde vnguentum Agrippæ & vnguentum quod Arogon dixerunt.

Itaque ut frigidi, crassi lenti que humores qui quavis corporis particula vel in scirrhum vel circum nervos, membranas aut articulos effusi coierunt, facile tandem euelli, attrahi dissipari que possint, molliendi in primis deinde verò extenuandi sunt, idque vel viraque seorsum facultate, vel ambabus pariter confusis. Quæ id efficiant medicamenta, fortius vel epithematis vel embrochæ vel vnguenti forma capiuntur, ut altius possint in corpus & in concretam materiam penetrare. Solidior enim, qualis est emplastri forma, non æquè facile potest. Itaque pars affecta hoc decocto primum fouenda, quod non perinde ac molliens necesse est

è recentia.

è recentibus herbis constitui, quandoquidem arefacte effi-
 caciores vel hyeme ad extenuandū deprehenduntur. ℞. ra-
 dicum enulæ, iridis & ebulli, baccarū iuniperi an. ℥ij. origa-
 ni, calaminthæ, pulegij, thymi, anethi, sampsuchi, rorisma-
 rini, centaurij minoris, foliorum lauri an. m. j. seminis anisi,
 feniculi, cumini & rutæ an. ℥ss. modicè coquantur ex aqua
 sufficienti, affuso sub finē vini albi quadrante, pars calide fo-
 ueatur per spongiam, vt potentius humorem colliquet &
 attenuet. Si malū iam vetustate occalluit, his initio vel præ-
 mitti vel permisceri debent emollientia. Mox à fotu calen-
 te adhuc & patente cute embrocha fiat ex attenuante quo-
 uis oleo per lanam succidā: aut pars vnguento Agrippæ vel
 Arogo duriter affricetur ad ignem. Aut si multorum deside-
 ratur permistio, emplastrum è mucilaginis, aut diachy-
 lon soluatur duplo triploue olei irini vel rutacei. Epithema
 hoc validius humore quemuis frigidum attenuat & liquefa-
 cit, in parte præcipuè neruosa quum cæteris præmissis dige-
 rendi atque dissipandi tempus iam instat. ℞. aquæ vitæ lb.
 j. in qua tepida macera thymi, calaminthæ, pulegij, organi
 aridorum an. ℥ss. radices pyrethri, zinziberis, nucis moscha-
 tæ, spice, caryophyllorum an. ℥iij. aqua exprimatur in vltus.
 Deterfus dein locus rigandus imbuendusque est oleo tere-
 binthinæ vel hoc stillaticio. ℞. radices iridis & helenij, bac-
 carum iuniperi an. ℥ij. hyperici, rorismarini, sampsuchi, thy-
 mi, satureiæ, absinthij, centaurij minoris an. ℥iij. dauci se-
 minis rutæ & cumini, baccarum lauri an. ℥ij. nucis moscha-
 tæ, caryophyllorum, zinziberis an. ℥j. ss. croci ℥j. styracis,
 castorij an. ℥ss. Tritis omnibus affunde aquæ vitæ lb. j. de-
 inde cum absorpta fuerit, terebinthinæ & olei an. lb. j. cōfu-
 sa omnia excipiantur stillante vaporario, primūmq; elicia-
 tur aqua deinde oleum, vtrumque seorsum recondatur. Ne
 pars ab vnctione nuda maneat, emplastro regi poterit con-
 stante paribus portionibus vnguenti Arogi & emplastri è
 mucilaginis: vel ex facie stillaticij olei cum cera subacta.

Absorbentia medicamenta. CAP. VIII.

EMOLLITVS, attenuatus & alia quauis ratione appa-
 ratus iam humor, tum demum vel absorbendus, vel at-

trahendus forâsque per patefactam cutem euocandus est, dum tumor omnis subsideat, & affectus symptomatici mitescant. Absorbent quidem validè exiccantia, quibus tanta at tenuendi siccandiq; vis inest, vt quemcunque attigerint humorè præter naturam citra dissolutionem absumant. Hæc liquida forma aptari par est, si altius subire cōuenit. Conferunt autē œdematosi, aquosi, flatulentiq; tumoribus nō nunquam & scirrhis & præduris, sed inclinantibus, & quibus exquisita emolliendo attenuandoq; preparatio est adhibita. Acetum tenui substantia apprimè digerit & vehementer siccatur, fori calido œdemata, sugillata, podagricosque dolores tollit, & vlcera quæ serpunt: feruentis vapor aqua inter cutem absumit, & aurium tinnitus. Sal humores superuacuos tenuat & absorbet, & quicquid in corporibus præter naturam humidum est, id totum absumit, reliquam solidiorem substantiam cogit, cōtrahit, & impensè exiccatur & à putredine vindicat, gingiuas humidiore aut putrescentes perlanat: ex oleo illitus œdemata & hydropicorum tumores minuit, luxatos & podagricos iuuat: pruritus, lichenas, lepras, pforasq; & vlcera serpentia fori compescit.

Muria & aqua marina salis effectus exhibent: ischiadicis, podagricis & œdemate vexatis fori conueniunt. Nitrum salis vires æquat, nisi quod parciùs cōtrahit: miscetur emplastris quæ extenuant, siccant & absumunt, & quæ lepras abstergunt.

Cinis omnis vñione igneas partes conquirir: ficulneus validè extenuat & absumit, acrimoniæ vrentisq; facultatis plurimum fortius. Huic proximus est sarmētitiis & qui ex ilice aut brassica sumitur. Omnes cum axungia vel oleo illiti œdemata discutunt, articulorum doloribus, neruorum nodis & contusionibus mirè profunt.

Lixiuum pro cineris qui eluuntur naturâ vires habet. Omne quid ē vehementer abstergit, exiccatur & absumit, flatulentos œdematososque tumores discutit, & eadem quæ cinis fori præstat: sed omnium maximè quod ex cinere ficus & rithymalorum sit, ad eò vt ob substantiæ tenuitatem nullo sensu doloris exurat. Alumen validè adstringit, siccatur & absumit, excrecentem carnem, putrescentia vlcera, gingiuas humore prægnantes, oris vlcera, oculorum epiphoras,

aurium

aurium fluxiones, pruritus atque lepras siccant ac coercent.

Calx cineris species sed tenuioris substantiæ quam quæ lignis fit, vehementer adeo vrit ut crustas suscitet. Elora vero citra morsum potenter exiccat, validiusque absorbit ac digerit si marina aqua lauetur. Lixiuum quod eius lotionem vim & acrimoniam conquisiuit, omnium summè exiccat & absorbet.

Composita in id vsurpantur oleum castorij, oleum euphorbij, oleum philosophorum & petroleum. Si igitur mollis laxusque tumor doloris ac ruboris expers in parte quapiam ut in genu aut in scroto collectus est, aut latè diffusus ut in tibus & pedibus eorum qui cachexia, hydropse aut inclinante podagra laborant: pituitosus serosusque humor aut etiam flatus conclusus primum absorbedus est: fortu è lixiuio cineris sarmentorum vitis, aut ilicis, aut ficus, aut brassicæ, per spongiam nouam quæ aliquandiu sinenda arctiusque vincienda est. Nonnunquam origanum, calaminta, thymus & alia quædam ex incidentium & attrahentium genere vtiliter incoquantur in lixiuio. Si vehementior consideratur exiccatio, lixiuium vsurpetur ab extincta eloraque calce. Sublata spongia siccataque cute, embrocha fiat ex oleo castorei, euphorbij, aut è lateribus: aut ex alio quod habeat salis marini vel nitri ζ ss. aluminis, sulphuris an. ζ ij. soluantur aqua vitæ ad sordidam crassitiem: deinde adde olei nucum vel rutæ vel terebinthinæ ζ iij. agitentur & modicè calescant dum permista omnia vnguenti temperaturam habeant. At verò quum scirrhusus tumor est, isque iam quadamtenus emollius, quicquid in eo preparatum est humoris, exiccandum non modò præscripto foru, sed & acetia: cerriimi & aquæ vitæ vapore. In hac duo permista lapis molaris candens immergitur, tumorque scirrhusus ita exponitur, ut calentem vaporem vndique excipiat. Mox deinde oleo vel vngueto siccante perfunditur duriusque premitur & quasi subigitur. Hac absorpta portione quod reliquum est rursus emollitione præparandum, rursusque siccandum: atque sic alternanda remedia dum humore omni absorpto tumor totus subsideat. Vtrique demum tumori tum scirrhuso tum œdematoso continuò ab vñctione emplastrum aliquod digerens, attrahens atque resoluens ex iis quæ

mox dicentur inducendum. Aut hoc etiam emplastrum vehementer siccans imponendum quod è vomica saniem per cutis spiracula manifestè exugit. ℞. olei veteris ꝑ vij. ceræ albæ ꝑ v. liquefactis adde terebinthinæ ꝑ iiij. permistis refrigeratisque insperge salis petræ, nitri, cineris ficulnei an. ꝑ j. fiant magdalix.

Attrahentia.

CAP. IX.

ATTRAHENS medicamentum Græcis ἐκτρίκων & ἐπισπαστικὸν repellenti aduersum, foris impositum humores tum serosos tum crassiusculos, spiritusq; ex alto corpore in summa transfert. Id autem calore præsertim efficit, cui præcipua attrahendi vis est. Cui tamen si præterea tenuis substantia atque siccitas accedat, multò efficacius euadet. Quod ordine secundo completo calidum est ac tenue, attrahit id quidem: quod verò iam tertio recessu consistit, non attrahit modò, verùm etiam quod attractum est dissipat, èstque metasyncriticum, id est euocans ex alto & resoluens. Quod deniq; hæc tum calore tum tenuitate superat, resoluendo vel pustulas vel vesicas excitat, diciturq; vel rubrificans vel phœnigmus. Attrahēdi porrò facultatem alia insitam sibi obtinent, vt dictamaus, propolis, sagapenum, thapsia: alia à putredine vt fermentum, fimus columbinus, anserinus, & quicumque à calidiore animante decedit: alia totius substantiæ similitudine, vt scorpius vulnere suo impositus deleterium venenum quod ei aculatus est extrahit & euocat. Anagallis cui flos pupureus, attrahendi adeò insita facultate valet, vt ad actos corpori aculeos euellat: succus gargarizatu & naribus infusus capitis pituitam eadem vipurgat. Anemone vtræque acris, commanducata radix, aut succus naribus infusus pituitam trahit, folia & caules menstrua cient vellere apposita, illita quoque lepras eximunt. Calamintha admodum tenui est essentia, qua humores ex alto euocat atq; transmutat, confertq; ilchiadicis, strenuè digerit, humores incidit & extenuat valēter crassos, quales sunt qui elephantia simp procreant, ex vino cocta sugillata tollit, nigrasque delet cicatrices. Narcissi radix diuturnis articulorum doloribus trita ex melle & imposita

sta subuenit, infixæ corpori extrahit, illita cum lolij farina & melle. Struthion seu saponaria cum polenta & aceto illita lepras tollit, tubercula discutit cum farina hordeacea & vino decocta: sternutamenta mouet, trita cum melle & naribus infusa ex ore pituitam ducit.

Aristolochia vtraq; furculos & spicula extrahit, squamas ossium illita educit: in pello subdita menses, secundas & foetus omnes educit. Hiberis nasturtium agreste Latinis, ordine quarto calida: radix eius apprimè utilis ad coxendicis dolores, cum suillo adipe falso emplastri modo horis quatuor insidens, hoc modo rheumatismos omnes sanat oculos: exiccandi scilicet & ex alto euocandi, trahendique facultatem obtinens. Lepidion vulgo piperitis calfacit etiam ordine quarto, itchiadicis præsentî remedio illinitur tritum cum radice enulæ & horæ quadrante impositum: lepras idem quoque eximit. Thlaspi semen calfacit & exiccat ordine quarto: bilem & pituitam per superna & inferna purgat. menses ciet & foetus enecat, prodest ischiadicis per sedem infusum. Cardami seu nasturtij satiuî semen adurentis est facultatis perinde ac sinapi. Coxendicis dolores excalfacit illitum cum polenta & aceto: oedemata & panos discutit cum pice, extrahitq; infixos corpori aculeos, lienem illitum cum melle extenuat, & fauos expurgat, lepras & impetigines abstergit, furunculos & carbunculos rumpit, & ad suppurationem deducit, herba eadem, sed multo imbecillius præstat. Sinapi calfacit siccaturq; ordine quarto, extenuandi & extrahendi vim habet, lethargicis derafo capiti illinitur sicubus admistum & impositum donec rubescat locus: ad coxendicum cruciatus, lienes & omnis generis diurnos dolores confert, quoties permutandæ affectionis causa ex alto in cutis summa aliquid trahere animus est. Alopecii illitum medetur, sugillata cum melle aut adipe aut cerato delet, extrahentibus emplastris scabiemq; exterentibus vtiliter admiscetur, ex aceto cõtra lepras & feras impetigines perungitur, grauitati aurium & sonitui tritum cum fico & impositum prodest.

Viticæ tum folia tum semen articularibus morbis & podagricis cum oleo vetere aut cum visino adipe imponitur, & lienosis cum cerato, tubercula & parotidas sanant, ad e-

scilicet digerente facultate valent. Hermodactylus calidus siccus ordine secundo, podagræ omniq̃e arthritidi confert cataplasmate admotus, cum vitellis ouorum & farina hordei vel mica panis. Pyrethrum calidum siccum ordine tertio. Radix pituitam elicit, sudores ciet inuncta ex oleo, diuurnis rigoribus efficax, contra refrigeratas resolutasq̃ partes corporis eximiè conducit: stupidis partibus illita sensum restituit. Dracontij radix acris & amara tenuiumq̃ue partium, calfaciendi vim obtinet, crassa & lenta extenuat, ad vitilignes cum melle efficaciter illinitur. polypus & carcinomata absุมit & eliquat, maximèq̃ue succus qui & radice & folijs est valentior. Cyclamini eius quæ Arabum est arthanita, radix tertio ordine calida & sicca, aperit, incidit, attrahit & discutit. Succus medicamentis tubercula, strumas, aliàsque durities discutientibus commiscetur: ac bile suffusus cum melle illitus competit. Decocto radice luxata, podagra & capitis vlcuscula, pernionèsq̃ue vtiliter fouentur. Cauata radix oleo impletur & cineri feruenti imponitur, adiecto interdū ceræ modico, & vnguentum comparatur imprimis vtile pernionibus & tumoribus omnibus frigidis ac crudis: ipsos enim aut maturat aut resoluit. ossicula etiam extrahit. Cyclaminus altera quæ officinis beatæ Mariæ sigillum nuncupatur, illita cruda (nam coctæ vis perit) sigillata non sine morfu tollit, tunc exceptaq̃ pari axungia veteris modo strumas, prædurosq̃; tumores omnes emollit, & integra cute dissoluit. Tithymali omnes strenuè calefaciunt, resoluunt, siccantq̃ue & detergent: myrmecias, acrochordonas, pterygia & thymos auferunt, deterguunt quoq̃; lichenas & psoras.

Ellebotus eruptionibus pituitæ medetur cum axungia illitus, & suppurationi veteri: alphas, impetigines, scabies leprasq̃ue eximit. Thapsiæ tam radix quàm succus omnium maximè quæ pares cum eis vires adepta sunt, vim habent attrahendi, vbi ex imo aliquid euocandum est. Succus illitu aut radix recens affricu alopecias explent. Radix succusq̃ue cum æquis ceræ thurisq̃ue portionibus sigillata liuoresque tollunt, cum melle lepras cutisq̃ue vitia emendant: cum sulphure tubercula discutiunt: sed non diutius, quàm horis duabus dimittantur, ne inflammatio inuadat: locus

locus deinde aqua maris calida fouendus. Anacardi ordine quanto calidi ac sicci, serpiginem, impetiginem & morphem illitu tollunt, sed non multò post locus aqua ablucendus. E resinis autem vna strobilina omnium calidissima & celerissime siccans, vterebinthina mordacitatis expers. Illa è profundo validius quàm cæteræ resinæ trahit. Pix nigra mollis & pinguis, vuluæ durities & sedis tubercula discutit, laterum, articulorum partiumque omnium dolores aut sola aut cum sulphure inducta dissipat: carbunculos & strumas distrumpit cum melle subacta, estque digerentium medicamentorum communis materia. Castoreum valde tenuium est partium, calfacit siccatque. coquit ac discutit tumores contumaces & scirrhosos. Illitum prodest tremulis, conuulsionibus & omnibus nervorum vitiis. Euphorbium coxarum doloribus, paralyti, tremori, conuulsioni, omnibus frigidis affectibus mirè prodest: squamas ossiū eadem die eximit, pituitam per nares largiter euocat, & sternutamenta ciet. Sulfur calfacit, trahit è profundo, discutit, terget: salua, vel lotio, vel vetere oleo, vel melle subactū ictibus venenatis prodest: psoras, lichenas, lepras cum terebintina tergendò & dissipando persanat. Ex eorum porro genere quæ putredinis vi trahunt, mitissimum est fermentum, quod tenuium est partium, mediocriter calidum: proinde citra molestiam quæ in profundo sunt extrahit & digerit, particeps est aciditatis & caloris ex putredine. Fimi omnes attrahendi facultate pollent, at non paruo discrimine. Columbinus admodum calfacit, attrahit & rubrificat, cum hordeacea farina & aceto mixtus strumas discutit. arefactus tritusque cum nasturtij semine, inueteratos coxendicis, lateris, cervicis & lumborum dolores, podagras & arthritides omnes extirpat. Anserinus aliquanto calidior, iisdem viribus sed efficacioribus præditus est, ac vix præ acrimonia vilius est usus. Gallinaceus verò eadem, sed ineffacius potest, nam multò quoque minus ealit, si præsertim à conglutis gallinis sumitur.

Stercus caprillū digerētis & acris facultatis adeò vt induratis & scirrhis tumoribus congruat non lieinis modò sed aliarum quoque partium, idque fabacea farina & oxycrato permistū. Confert & ad aqua inter cutem emplastri specia.

Vstum tenuioris essentię nō tamen manifestē aerius red-
ditur. Miscetur digerentibus cataplasmatibus quæ ad paroti-
das & bubonas diuturniores accommodantur.

Inter composita autem quæ validē trahant ac digerant
habentur oleum riciniū, oleum balaninum, oleum sina-
pinum, quæ pressu perinde ac amygdalinum elici possunt.
Emplastrum ē meliloto, emplastrum ē baccis lauri, empla-
strum oxycroceum. Sed his multō præstantiora sunt quæ
ex commemoratis simplicibus possunt in rem præsentem
parari. Quum igitur scirrhi durioris vetumoris attenuatus
præparatusque humor minimē potuit exiccantium medi-
camentorum vi totus absorberi, euellendus resoluendusq;
est attrahentium medicamentorum vi, quæ in imo cōditos
demersosq; humores in cutem summā transferunt. Eadem
porrō si diutius parti insident, attractos tandem aut mani-
festē aut sine sensu dissipant. Conuenienter ea in solidam
pulueris emplastrivæ formam aptantur, quæ ipsa non intrō
se infert, sed aduocat ad sese subditum humorem aut spiri-
tum. Extemporalia igitur his formis describuntur. ℞. picis
aridæ, ceræ nouæ, axungię suillæ, saponis nigri an. ℥ ss. li-
quescent coganturque in emplastrum. Aut sic, ℞. picis sic-
cæ, ceræ nouæ an. ℥ ss. axungię suillæ ℥ vj. sulphuris ignem
non experti ℥ iij. liquentur in emplastri crassitiem. Aut sic,
sulphuris, radices pyrethri, hermodactyli an. ℥ j. ss. additur &
nonnunquam salis nitri vel salis petræ, vel salis marini tor-
refacti ℥ j. Hoc etiam vehementer trahit & discutit, ℞. olei
veteris ℥ j. lithargyri, picis siccæ an. ℥ ss. ladani, ammo-
niaci, galbani aceto forti solutorum an. ℥ iij. æruginis tritæ
℥ j. ss. fiat emplastrum. Imponuntur & cataplasmatum for-
mularum quibus discutendi vis summa inest. ℞. pulpæ ficuum
ex aceto aut ex aqua vitæ coctarum, fermenti veteris an. ℥ ss.
radicum ireos, cucumeris agrestis & bryoniæ recentium
& crudarum an. ℥ ij. seminis vtricæ & nasturtij an. ℥ ss. Trita
omnia contundantur in cataplasma. Addi quoque potest
fimi caprini aut columbini selescuncia. Hi fimi arefacti tritiq;
& cerato aut pice excepti, validē etiam trahunt: at validius
si ex caricis aut melle in cataplasmatibus formā aptentur, va-
lidissimē si vel anacardino melle vel sapone nigro coquan-
tur. Sinapismus quoque vehementer discutit, sed vehemen-
tiori

iori dolore & papularum ardore. ℥. pulpæ caricarum co-
ctarum in aqua & aceto, seminis sinapis ex aceto triti an-
pares portiones. Aut pulpæ caricarum, fermentian. par-
tem vnam, sinapis partes duas. Tenellis corporibus sina-
pi minuendum, augendum verò durioribus atque robu-
stis, detracta etiam sinapis portione nonnunquam tantun-
dem vtiliter addetur seminis thlaspi, vel nasturij cōtusi. His-
ce autem omnibus multò validius trahit cataplasma quod
habet, Radicis thapsiæ tritæ ʒ j. axungiae suillæ ʒ iiij. Hoc
tamen non modò albicantes papulas excitat, sed & partem
vniue: sam in tumorem attollit nō leui sensu ardoris. Quod
verò sequitur non attrahit solū, sed & attractum validis-
simè dissipat leniori quodam pruritu aut ardore. ℥. radi-
cis cyclamini crudæ & contusæ ʒ j. axungiae ʒ ij. Prior qui-
dem cyclaminus erit efficax, sed multò præstantior est alte-
ra quæ Dioscoridi est posterior, & officinis beatæ Mariæ
sigillum appellatur.

Phœnigmus eiusq; vsus. CAP. X.

HVMORES parti cuius insidentes qui neque mollien-
tibus, neq; attenuantibus, neq; attrahentibus resolu-
discutivè potuerunt, phœnigmis liquati trahuntur ac de-
fluunt. Eorum ope hydropicorum aqua & serosus humor
vndeuis educitur, capitis, coxendicum omniumq; articu-
lorū pernicax dolor eximitur. Cōpositū nihil quod vesicas
excitet asseruari solet, prōptèr tamen sic aliquod apparatur.
Sæponis nigri & salis vulgaris triti pares portiones cōfundi-
to dum cōcorporentur & emplastri forma fiat: impositum
vesicas excitat, aquamq; ducit nullo sensu doloris.

Tithymalus omnis acer quidem est, & hoc quoq; acrior
est ranunculus. Vterque rufus & impositus humores ex alto
non sine dolore prolicit in vesicam. Phœnigmus è can-
tharidibus omnium promptissimè nec admodum vehe-
menti ardore serosos humores largiter euocat. Canthari-
des in exquisitum læuorem tritæ parti imponuntur iam fri-
ctione rubenti & exalfectæ. At mitius vnguentum fuerit
quod in portione vna tritarum cantharidum, axungiae vel
cerati liquidi quadruplum contineat. Tutius quoque & mō

deratius fuerit cataplasma quod habet cantharidum tritum partem vnam, seminis sinapis contusi partes tres, pulpa sicuum aut fermenti acris partes sex. Cuicumque parti è cantharide phœnigmus infederit, urinæ ardorè dysuriâque ciet. Rupta aut aperta pustula humor sentim emanat, inductoq; pingui aut leniente vnguento, non ante finitur exulceratio siccari quàm omnis humor ex affecta parte sit exhaustus. Haftenus quidem remedia protuli quæ externis affectibus citra exulcerationem medentur, vt tumoribus collectionibusque frigidis, ex hisq; progenitis doloribus. Nunc quæ remedia affectibus opitulentur externis in quibus aperta exulceratæve cutis est, vt abcessibus, vlceribus, vlceribusque variis dicendum.

Maturantia.

CAP. XI.

MATURATIO ἡ πέποισις à cibi concoctione diuersa, est vitii corruptique humoris in conuenientiorcm naturæ statum deductio. Est autem ea duplex, suppuratio ἡ ἐκπίσις, & concoctio quædam seu mitigatio ὁ πατισμός. Suppuratio est corrupti putridique sanguinis in pus exquisitū cōmutatio: ex hoc enim solo pus efficitur lyncerrū. Pepsimus verò seu mitigatio, est putridæ bilis tum flauæ tum atræ atq; etiam pituitæ, non in pus quidē, sed tamē repressa putredine in benigniorē & minus naturæ molestā substantiam conuersio. Quod pus mouet medicamentum ἀπυσιτικόν dixerunt: quod concoquit πατιστικόν seu mitigatorium, cui ex aduerso est σμητικόν. Vtraque maturatio proprium est naturæ & nostri caloris opus, nec vllum medicamentum per se maturat. Vtrumque tamen tum suppuratorium tum mitigatorium duplex existit: vnum propriè quod infiri nostri caloris vim atque substantiam tuetur vel etiam auget: temperatè id quidem calidum & partis cui foris adhærescit temperaturæ non admodum dissimile. Id quoque in eum humorem qui computruit calorem inducit infirmitati nobis simillimum, cuius etiā beneficio corruptus is humor in benignius quippiam mutatur. Alterum genus ex accidenti maturat: idque moderatè calidum & humidum est, verèque emplasticam materiam sortitum, hoc dum cu-

vis spiracula infarcit & obstruit, spiritum caloremque natuum partis cohibet, nec dissipari sinit: qui dein intrò remansit augetur & vel pus conficit, vel corruptū humorem mitificat ac concoquit. De iis igitur quæ phlegmonarum pus mouent in primis tradendum. Aquæ tepidæ fons per se semper calfacit & humectat, molliit & concoquit, interdum tamen ex accidenti humores quoque digerit ac dissipat.

Hydrelæum modicè calidū parti affusum maturat & concoquit, idque euidentius quàm aqua tepida. Oleum maturum salis expers, calfacit moderatè, humectat & emollit, præsertim quod nec frigidum summè, nec calidum, sed tepidum adhibeatur. concoquit quoque & pus mouet, aucto natuo calore, dum cohibet occluditque quicquid è nobis foràs effluere est natum. Butyrum tam per se concoquit & pus mouet, tum medicamenti quæ id præstant commodè miscetur, maximè in puerorum molliorumque corporum phlegmonis exiguis. OEsypus non dissimilem butyro concoquendi & pus mouendi vim obtinet. Adeps omnis præcipueque domesticorum animalium molliit, concoquit & pus mouet: nam præterquam quod suo lentore perinde atque oleum offarcit cutis spiracula, cohibetque quicquid è nobis effluere aptum est, calorem etiam obtinet nostro finitimum. In eorum quos usurpamus censu imbecillior est suillus, ab hoc vitulinus, hunc gallinaceus sequitur, anserinus omnium efficacissimus, vt non modò mouendi puris, sed etiam digerendi facultate iam polleat. Medulla eoruina & vitulina vt scirrhos emolliunt ita etiam concoquunt, & pus mouent eadem quæ adeps ratione. Farina tritici perpurgata fursure ex oleo aut ex hydrelæo cocta cataplasmatris forma cutis spiracula offarcit, & calorem natuum intus continet adaugetque, qui demum humorem superuacuum maturat, concoquit, & in pus album, leue & æquale conuertit. Idemque præstat & tritici pollen. Panis triticeus recens & adhuc calens ad motum eadem efficit: aut si tempore exaruit hydrelæo aut oleo pingui ac dulci, aut butyro molliit & in cataplasma redactus. Caricæ pingues ex aqua aut hydrelæo coctæ & illitæ, aut forma cataplasmatris ex oleo aut butyro & farina triticea admotæ pus mouent, panes aliósque tumores ad maturitatem perducunt.

Tuskilaginis & oxalidis folia sub cineribus cocta & ex adipe tunsa, phlegmonas aliosq; abscessus celeriter maturant.

Radix althææ laxat, mitigat, & difficilia tubercula concoquit. Cocta in aqua multa foru ad parotidas, strumas, aliosque tumores maturandos efficax. Cataplasmatibus specie ex adipe suillo vel anserino, aut etiam oleo cocta, adiecta farina triticea, aut panis medulla potentius concoquit & maturat. Liliorum radix cocta dum planè contabescat, mollit atque maturat præsertim asla, & ut althææ radix adipe excepta cataplasmatibus specie. Cepa licet cruda acris sit & mordax, coctura tamè dissipata acrimonia, emollit, pus mouet, in his præsertim tumoribus qui agrè suppurant.

Pix mollis & liquida, lentoris multi particeps, per se molliendi, puris mouendi & concoquendi facultate pollet, arida rosaceo in affectu calido, aut oleo conuenienti dissoluitur in eisdem usus: dura enim emollit, pus mouet, tubercula panosque discutit, ex pice molli, cera & oleo compingitur ceratum puri generando perutile. Resina terebinthina aut etiam lentiscina dura molli & coquit cruda. Elettæ omnes acrimoniam deponunt & adiecta cera & butyro, vel oui vitello, vel oleo quopiam accommodato, puris mouendi facultatem adipiscuntur. Thus molle, album & pingue moderatè calidum, mediis ac temperatis naturis contentiens, insignem puris mouendi facultatem obtinet, utpote nulla siccandi aut adstringendi vi præditum. Ladanum ad primi excessus finè calidum, emollit & moderatè concoquit. Styraç liquidum seu rubrum, calfacit quoque emollit & concoquit. In hoc quoque censu habentur bdellium & ammoniacum, & quæcunq; moderato quodam calore emolliunt, eadem quoque pus mouent.

Iam verò vnguenta ab his exstant maturantia basilicum minus, basilicum maius, vnguentum de althæa, vnguentum Agrippæ, & quod resumptiuum appellant emplastrum quoque diachylon simplex, diachylon compositum, & emplastrum è mucilaginis.

Iraque si qua collectio aut tumor præter naturam partem obeditis que calidus cum rubore, calore & dolore lancinante, cuius materia non dissoluenda, sed in pus vertenda videatur, ut in phlegmone, furunculo & carbunculo, fluxio-

ne co-

ne cohibita repressioque ardore atque dolore, maturatio atque suppuratio iuuabitur primum quidem fortè ex hydrelæo tepido, aut ex eorum decocto quibus emolliendi pariterque maturandi facultas inest: quibus pariter & dolor leniri & calor obtundi possit. Protinus à fortè conferet illitus facultatis eiusdem: moxque cataplasma pulvis speciei ex mucilagine althææ, lini & scœnigræci desumpta ex decocto caricarum, in quo farina tritici soluta coctaque sit adiecto oleo & oui vitello. Si minus calida est phlegmone & ægrè suppurat, ut idcirco maturantia validiora postulet, cataplasma fiat ex radice althææ, liliorum & ceparum cum oxalide, malua, acantho, chamæmelo & meliloto exquisitè coctis atque cretis: quibus deinde farina frumenti, lini & scœnigræci adiecta sit cum butyro & axungia gallinæ vel anseris. his rursum validius est unguentum basilicum utrumque & emplastrum diachylon cōpositum & emplastrum è mucilaginibus, quorū utrumque olei liliacei vel irini permissione emolliendum est, quò altius subire possit viresque suas exercere.

Detergentia & expurgantia abscessus & vlcera. CAP. XII.

Quæ extrinsecus inducta abscessus & vlcera mundant sordesque expurgant, emplasticis contraria, non aliam naturam sortita sunt quam quæ intrò assumpta diximus lentos atque glutinosos ductuum humores detergere & expurgare. Ea Græcis idcirco *πυλινικά* & *καθαγνικά* nuncupantur. Ordine autem & viribus plurimum distant: leniora enim apertarum phlegmonarum pus eluunt & euocant, his valentiora sunt quæ crassiorem vlcere sordem detergunt, valentissima quæ malignorum vlcere corruptam carnem exedunt atque etiam fistularum callos blandè exterunt, quæ sanè sunt catharteticis proxima. Sic autem digerenda sunt. Cichorii, endiuiz, omniumque intuborum succus licet frigidus, quia tamen amarus tutò detergit & vlcera non minus quam viscera purgat.

Rosarum præsertim rubrarum succus cum adstrictione leni deterfionis tamè ut & amaroris particeps est, hinc meli rosato & ex aridis rosis lyropo detergendi facultas insignis.

Plantaginis folia vel integra vlcenbus inducta sordem luculenter extergunt: succus vlcernum malignitatem emendat, expurgatque ad cicatricem perducit. Sed seu semperuiui maioris succus licet refrigeret ac leuiter adstringat, omnia tamen quæ de plantagine protuli potentius efficit. Hæcigitur tuta admodum & vtilis est cum nondum torruptæ phlegmones restincta est inflammatio: aut cum vlcus ardore atque dolore distorquet. Agrimonij & betonicæ succus aliquantulum calidus detergit, omniæque vulnera & vlcera capitis præsertim sanat, nec quicquam putrescere aut in fistulam coalescere sinit. Apij succum ad extergendum non minus efficacem iuniores experti sunt, quem idcirco passim in id vsurpant.

Fabacea farina leuiter abstergit vt idcirco cutis sordes, maculas è sole contractas & lentes in summa cute exterat.

Hordei farina modicè quoque abstergit & paulò plus quàm fabacea siccat.

Cicerum farina incidit & extergit, scabies, impetigines, maligna etià vlcera cum melle purgat. Orobi farina cutis alprelinem, pruritus, lentigines in facie atque etiam maculas & vlcera cum melle detergit: nomas gangrænasque cohibet. Lupinorum farina extergit validè, alphas, liuores, achoras, exanthemata, scabies, gangrænas vlceraque maligna partim extergendo, partim digerendo siccandoque citra acrimoniam iuuat. Fœnigræci farina furfures, achoras, lepras & lentigines emendat, & ex vino aut melle subacta carcinomata purgat.

Seminis lini farina varos, fauos, vngues scabros cum nitro & melle eximit: ex vino cocta herpetas & serpentina vlcera cohibet. Mel calidum siccūque ordine secundo, aperit, putredini obsistit, siccat, detergit, expurgatque meatus & vlcera, nec vt sal corporum substantiam coarctat: crudum cocto & despumato detergentius quidem multò est & mordacius, sed eo minus agglutinat. Saccharū mellis species cum sit, siccat quoque & abstergit, sed quod rubrum est potentius, vrpote calidius & acius. Terebinthina licet substantia tenuis, quia tamen subamara blandè abstergit, & tum sumptum admota sordes expurgat. Aloë vehementer amara, moderatè tamen terget vt ne puris quidem & aperista-

aperitatis vlceribus sit molesta: peculiariter serpentia vlcera cohibet, putridis genitalibus medetur & oculorum medicamentis permiscetur. Thus extergit quoque, sed quam aloë ignauius. Myrrha verò quòd cum amaritudine tumina tenuis sit substantia: potentius quam aloë extergit. propriè autem impetigines ex aceto purgat, albugines tollit, caliginem discutit, scabritiem laeuigar.

Quæ portò sequuntur valentiorè detergendi facultate prædita, malignis peruiacibusque vlceribus accommodantur. Marrubium siccatur detergitque validè adeo vt folia ex melle illita sordidis medeantur vlceribus, nomàsque cohibeant: quod efficacius expressus succus ex melle confert, & illitus oculis videndi vim exacuit.

Melissophylli succus vt marrubij maligna etiam vlcera propriè verò thoracis & pulmonum sanat, & cum melle oculorum caligines delet. Absinthij succus calfacit & validè deterget & expurgat, sordemque vlcerum eluit, ac in fistulam abire prohibet, & à putredine vindicat: eadem decoctius, sed ineffacius præstat. Anagallidis vtriusque succus siccando & extergendo putrida vlcera, & cū melle oculorum caliginem discutit. Scordij vetera vlcera purgat, siccatur & cicatrice obducit. Hypericum arefactum atque tritum inspersumque humida atque putrida vlcera persanat. Vrticæ semen sordida vlcera quæ citra acrimoniam detergi exiccarique postulant conuenienter sanat: carcinomata & serpentia vlcera addito sale sistit. Cyperi radix siccatur & sine moris abstergit, arida tritaque vlcera omnia præhumida, qualia sunt oris, genitalium, atque sedis etiam si depascent compescit.

Aristolochiæ vtriusque radix strenuè abstergit, sed rotundè potentius: putredines sanat & exest, vlcerum sordes expurgat, vermèsque necat & extrahit.

His verò quæ sequuntur ad exedendam putredinem & fistularum callos exterendos vis maior inesse comprobatur. Centaurij & chelidonij succus exiccatur detergetque validè adeo vt vetera malignaque vlcera, sinus quoque & fistulas expurget, detergat, tandemque persanet.

Iridis radix calfacit, exiccatur, abstergit, arida tritaque cum melle vlcera capitis præcipuè expurgatur: eius verò suc-

cus infusus fistulas & sinus detergit & carne explet. Sabina calida siccaque ordine tertio, vehementer abstergit, cum sensu quodam acrimoniæ & exesionis: vlcera quæ atra cernuntur & admodum sordida cum melle expurgat, putrida exedit, sinuum fistularumque callos exterit, si modò viscius citra noxam perferri potest.

Gentianæ radix impensè amara, expurgat abstergitque, alphas delet, vulneribus sinuatim depascentibus medetur.

Asphodelus radice efficax, calida sicca extergēte & discutiente: vlcera sordida purgat, fistulosa sanat, depascentia sistit. Ari radix calida sicca & detergendi facultate insignis, vlcera omnium generum siue phagedænæ sint siue carcinomata, siue serpentina, siue fistulosa, commodissimè expurgat. Draconij radix vt acrior & amarior, ita efficacius maligna & phagedænica vlcera trita cum melle expurgat, fistulasque & sinus exterget.

Cucumeris agrestis radix arida tritaque vt alphas, lepras, impetigines, cicatrices nigras, & in facie maculas abstergit, ita & veteres sinus fistulasque expurgat. Elleborus potenter extergit, ad alphas quoque, impetigines & lepras accommodatus: si in fistulam callo obduratam immitatur, duobus tribusve diebus callum detrahet. Misy, sory, chalcitis & chalcanthum, vsta lotaque maligna vlcera fistulasque valenter detergēt: cruda verò aut non lota vim habent exedentem & catharteticam. Pro iis, quòd nobis desint, substituitur vitreolum vstum atque clotum. Ærugo elota putridis quoque vlceribus & sinibus expurgandis aptissima.

Spuma nitri, nitrum & aphronitrum quanquā vehementer tergent, non tamen vlceribus, sed lepris, alphis, impetiginibus aliisque cutis vitiiis expurgandis cum aqua calida aut vino infunduntur. Pro his quòd desint sal petræ expurgatus substituitur. Alumen crudum & ex eo comparata aqua nomis, phagedænis, Chironiis, malignis, putridis & pascentibus vlceribus conueniunt, non tam detergendo quàm cohibendo ne longius serpant.

Ex his igitur quæ primi sunt ordinis compositiones sunt expurgandis phlegmonis recens apertis, vt quæ habet mellis rosati ʒ j. vitellum oui vnus, farinæ hordei quod satis est vt in vnguenti speciem concorporentur: adduntur inter-

dum

dum terebinthinæ lotæ ꝓ ij. si melior optatur deterfio. Valentius autem est quod recipit succi apij ꝓ viij. succi agrimonij ꝓ iiij. succi plantaginis ꝓ ij. mellis rosati ꝓ x. coquantur aliquantum, deinde addece farinæ hordei, lupinorum & scœnigræci an. ꝓ j. percoquantur in vnguentum, permiscendo sub finem terebinthinæ ꝓ ß. Si crassius aut tenacius pus fuerit, deterfio maior fiet hac formula. ℥. resinæ, mellis, terebinthinæ an. lb ß. myrrhæ, sarcocollæ, farinæ lupini & scœnigræci, radice iridis an. ꝓ ß. fiat vnguentum. Huc pertinet vnguentū aureum, cui vis quoque detergendi par quodammodo inest, & emplastrum de ianua, & emplastrum gratia Dei nuncupatum, quæ aut solida aut oleo tenui diluta induci possunt, ad capitis imprimis aliarumque partium nervosarum vlcera. Huc quoque referri poterunt quæ tertij ordinis sunt vehementer detergentia, cuiusmodi ex ærugine cæterisque acrioribus metallicis constant, si lenioribus solvantur & temperentur, veluti emplastri diuini drachma vna si tribus recentis vitelli dissoluatur, aut si vnguenti Ægyptiaci, aut Apostolici drachma cum duabus tribusve tetræpharmaci aut cerati alterius subacta vnitaque sit, vlceribus blandè extergendis optimum comparabitur remedium. Sic & præcipitati pulvisculus leniente quoque expurgat. Si iam vlcus sordidum est, & mali moris, siue id sponte natum est, siue ex vulnere aut ex phlegmone negligentius curata factum, ex his quæ secundi sunt ordinis vnguentum comparabitur hac formula. ℥. Plantaginis, absinthij, marrubij, scordij, melissophylli, hyperici recentium & contusorum an. m. j. coquantur aliquantum in vino albo & olei lb j ß. in quo expresso dissolue radicū cypri, iridis & aristolochiæ rotundæ tritarū atque cretarum an. ꝓ ß. ceræ ꝓ iiij. rursumque coquantur dum crassecant, ac tum adde resinæ ꝓ ij. thuris, myrrhæ, aloes, sarcocollæ an. ꝓ j. & postremò terebinthinæ ꝓ j. ß. Quæcunque validiora desiderantur, ea insuper nonnihil habent æruginis: cuiusmodi sunt emplastrum diuinum remollitum, vnguentum Apostolorum & vnguentum Ægyptiacum, omnium certe quæ extant præstantissima.

Si verò è sinu aut fistula exterendus est callus, inicietur

decoctum, quod habeat plantaginis, absinthij, centaurij minoris, fabinæ, foliorum oliuæ & agrimonie an. m. j. radicū gentiane contusæ ꝑ ij. fiat decoctio in vino albo, in quo colato ad lb. j. dissolue mellis rosæ, syrapi absinthij an. ꝑ j. ss. Si non id præstiterit quod postulas, vel myrrham, vel alcen, vel vnum quodpiam ex his postremis medicamentis dissolue: vt voguenti ægyptiaci ꝑ ss. sicque sensim augeri vis potest dum optatus existat euentus. Exposita eorum medicamentorum materia quæ partium externarum inflammationes, præduros tumores, phlegmonas, abscessus, vlceræque sanant, deinceps ad ea pergendum quæ vulneribus medentur, eaque ad cicatricem perducunt.

Profluentem sanguinem cohibentia *ἰσχυρά* *Græcis*
appellata. CAP. XIII,

QUAE sanguinem vberius prorumpentem siue ex aperta exelave sponte vena, siue ex rupta aut in vulnere præcisa, alia quadā proprietate, alia vi emplastica, alia cautica id ipsum præstant. Quæ primi sunt ordinis, non statim frigida sunt omnia aut adstringentia, sed ex his quædam calida & actia, vt vrtica. Quæ secundi, venarum exitus inficiunt atque implent, moxque arefacta nihil effluere sinunt. Quæ tertij ordinis, vrendo venas coangustant, crustulæque obducunt, quæ omnia cohibet. Telephium tertia semperuiui species & quæ huic similis crustula maior appellatur, insistendo sanguine & curandis vulneribus efficax: tertio recessu frigida, humida secundo. Polygonū ab effectus præstantia sanguinariæ nomen obtinuit, quod eo siue integro siue tunso stillati parti inducto sanguis coëat & in grumos concreseat, vt non amplius effluat.

Pimpinellæ folia tunta aut etiam cocta si apertam venam attingant, protinus sanguinem sistunt, quod & radix luculentius efficit: eadem quouis modo sumpta sanguinis vomitiones excreationesque supprimunt: subdita verò mulierum purgationes hæmorrhoidasque cohibent. Vrticæ radice recenti in narem interta sanguis mox suppressitur, quod nec minus tum ca ipsa, tum folijs tunsis vulnere indutis præstat.

Penta-

Pentaphylli radices, folia florésque vehementer adstringunt & desiccant sine morfu & in multo sunt vñ ad sanguinis reiectiones. Androsamum licet calidum & siccum, recenti tamen vulnere impositum, sanguinem continet,

Hippuris seu equisetum adstringit manifestè atque siccat, propriè verò succus sanguinem è naribus manantem reprimat. arefacta folia trita & inspersa cruenta vulnera glutinant. Salicis folia & cortex præcipuè que lanugo & flores inserti naribus erumpentem sanguinem promptè sistunt, & redacti in puluerè & calamo efflati in nares idem præstant.

Itatis valenter quoque siccat & adstringit: cuius folia recens vulnus conglutinant, nec sanguinem effluere sinunt. Symphytum maius atque etiam petreum siccat atque coniungit moderato calore: tunc & radices vt sumptæ sanguinis reiectionem, ita & recenti vulnere illitæ, eruptionem sistunt, labràque vulneris conglutinant, quemadmodum & minutim concisæ carnes cogunt si vnà coquantur. Corallium, hæmatites lapis, iaspis & qui cornalinus appellatur, oculis quoque viribus sanguinem supprimunt. At verò mumia, thus, myrrha, mastiche, sanguis draconis, terra lemnia & bolus armena, in emplasticis habentur, & obstruendi siccandi que facultate sanguinis effluuià cohibent.

Quum itaque recens vulnus sanguinem immoderatus profundit, emplastica quædam aceto lota cum puluere eorum quæ proprietate sistunt, aut in pulueris inspergendi aut in cataplasmatum formam aptabuntur oui candido excepta, vt ℞. boli armenæ, terræ lemnia lotarum in aceto an. ʒj. mastiches, sanguinis draconis an. ʒß. thuris, myrrhæ, radicis consolidæ maioris, pimpinellæ & vrticæ an. ʒij. fiat puluis. Vel ℞. boli armenæ, sanguinis draconis an. ʒß. thuris, mastiches, aloes an. ʒij. pilorum leporis minutim incisorum ʒiij. pul. succini & coralli rubri an. ʒj. ß. oui candido excipiantur & turunda oblonga indantur in nares. Causticorum vsus si quando fortè ad cohibendum sanguinem necessarius fuerit, posthac tradetur.

Glutinantia medicamenta. CAP. XIII.

G LUTINANS medicamentum *κολλητικόν* Græcis appellatum est, recentia vulneris labra adducta coniungit & ad pristinam reducit integritatem. Id autem efficit quia prohibet ne inter coitura labra aut infuset aut succrescat humor. Adstringens id esse oportet, crasse terrenæque substantiæ, ac siccum ordinae secundo, calore temperatum, ut nec deterfione nec acrimonia feriat. Arneglossum quæ plantago, siccatur & adstringit sine morfu, recentibus vulneribus aptum, quæ citra metum inflammationis glutinat, vetera quoque ulcera sordida, maligna & elephantica expurgat, & inæqualia cicatrice obducit.

Cynoglossum seu lingua canina ut oris fauciumque ita & cæterarum partium ulcera terget, recentiaque vulnera glutinat, horumque calorem temperat. Myriophyllum seu millefolium adeo exiccat ut cruenta vulnera protinus glutinet, & ab inflammatione vindicat, seu viride seu siccum, ex aceto oblitum. Salicis tum folia tum flores citra morfum siccant & adstringunt, cruentumque vulnus glutinant & inflammationem arcent. Vlmi folia & cortex medianus spissandi vim obtinent multoque magis succus è pomis expressus, recentia vulnera celeriter his admotis coeunt atque solidesunt. Verbena siccatur & adstringit, glutinandis vulneribus familiaris, vetera quoque putrescentia ulcera cohibet, sordida ex melle purgat, & cicatrice obducit.

Myosotis quæ pilosella adstringit atque siccatur, foliorum farina vulnera mirum in modum glutinat.

Anagallis citra morfum siccans, tula & admota recentibus vulneribus præsertim senum efficaciter medetur. Betonica vulneribus quoque recentibus præsertim capitis accommodatur. Stœbe quæ & scabiosa, omnibus quoque vulneribus & maxime pectoris succurrit. Bugula & sanicula recentioribus primum cognita inter vulnerarias herbas primas tenere creduntur. Hypericum siccatur moderato calore, folia, flores, fructus tuncti glutinandis vulneribus imponuntur. Atractylis in sanandis quoque vulneribus efficacissima, eadem ulceribus fistulisque diuturnis medetur.

Lumbrici terræ triti & admoti vulnera omnia præcipueque nervorum glutinare traduntur. Cochleæ pusillæ tritæ iisdem quoque viribus esse creduntur, quas & ad interiora ulcera præfer-

præsertim pulmonum vsurpant. Sarcocolla emplastica & subamara citra morsum siccat, & vlcera glutinat. Myrrha, thus, magisque thuris cortex, aloë, mumia, & omnia ferè quæ sanguinem cohibere diximus, glutinandis sunt vulncribus apulissima. Terebinthina resina, atque etiam abietina quæ nobis frequens est, omnibus medicamentis vulnera glutinantibus vtiliter permiscetur: nec sola aut oui luteo excepta parum conducit. Pix mollis & liquida iissem quoque medicamentis adiungitur: & pix sicca atque resina arcifacfa, sed hæ durioribus corporibus aptiores. Lithargyros auri quòd emplastica sit & ferè omnis qualitatıs expers non modò glutinantibus, sed & cæteris quoque emplastris vt communis quædam materia substituitur.

Quum igitur recentis vulneris suppressus iã sanguis fuerit idque citra phlegmones metum, labris propius adductis atque iunctis, instillanda aut linamentis inducenda erunt vnguenta carptis linamentis excepta, variè ex iis concinnata simplicibus: his quæ superponenda lintea vino rubro tepido imbuta expressaque leniter. Si exiguum est vulnus, satis fuerit terebinthina lota adiecto oui luteo & farinæ momento. Efficacissimum quoque est balsamum artificiale ita concinnatum. ℞. vtriusque plantaginis, semperuiui vtriusque, symphyti vtriusque, betonicæ, verbenæ, pimpinellæ, pilosellæ, pentaphylli, absinthij, centaurij minoris, millefolij, cynoglossi, equiseti, attractylidis, hyperici an. m. j. recentibus contusis affunde aquæ vitæ ℥ viij. sinantur macerari diebus quatuor, quinto succus ex his tepefactis exprimitur, in quo dissolue olei optimi loti in aqua rosarum stillaticia ℔ ij. coquantur vase duplici dum succi dimidium absumptum sit, ac tum adde terebinthinæ lucidæ ℔ j. percoquantur in reliqui succi consumptionem purè, coletur atque recondatur ampulla vitrea. Potest & oleum tuis herbis cum aqua vitæ pariter affundi atque quatridduo macerari ac deinde coqui & liquor totus exprimi, purusque excolari vt in eo tandem terebinthina vase duplici percoquatur. Hinc & vnguenta quibusdam adiectis comparari possunt in primis efficacia, vt ℞. balsami prædicti ℔ ℔. ceræ albæ, resinæ an. ℥ ij. sarcocollæ ℥ j. thuris, mastiches an. ℥ ℔. fiat vnguentum in vase duplici. Rursum quoque validius ita com-

parabitur ad nervosarum partium conglutinanda vulnera & carne implenda. ℞. lumbricorum terrestrium expurgatorum atque tunforum lb. s. macerentur diebus sex in olei optimi lb. s. his deinde feruefactis exprimatur oleum ei que adde balsami prescripti lb. s. seu arietini mundi lb. s. picis nigrae ℥. iij. resinae ℥. ij. ammoniaci, galbani, opopanaxis aceto solutorum & colatorum an. ℥. j. thuris, mastiches an. ℥. s. coquantur vase duplici in vnguentum, vel etiam si voles in emplastrum.

Ex his quæ ad balsami compositione protuli, potio quoque perutilis fit ad vulnera, quæ vel in pectoris vel in abdominis cavâ penetrant cum viscerum offensione, & ad inveterata vlcera præsertim renum atque pulmonum. si amaro metuitur nimius, subtractis absinthio & centauro minore substituantur stoebe seu scabiosa, agrimonii & brassica cymæ. Tunsa omnes aut ex his quædâ vino aspergantur albo & tenui dum prorsus mersa madescant, & mellis collati quadrante. Macerentur diebus sex, tepefactis his aut modicè feruefactis vinum exprimatur, denturque ieiuno ℥. iij.

Sarcotica medicamenta. CAP. XV.

Σαρκοτικόν medicamentum est quod deficientem carnem in vulnere aut in ulcere cauo progignit, ipsumque cauum carne implet. Id quidem proprium est naturæ opus: quodcumque tamen medicamentum vlcus moderatè siccât, eiusque sordes blandè ac mediocriter citra morsum dertergit, quoniam sanguinem qui gignendæ carnis est materia tuetur, & impedimenta subtrahens vlcus purum aut quale saltem acceptum est conservat, sarcoticum dixerunt. Est autem id substantiæ mediocris, moderatè atque infra ordinè secundum tum calidum tum siccum, ut acrimoniæ sit expers. Calidius enim aut tenuius carnem colliquat: crassius autem aut frigidius nimium siccât & adstringit.

Herbæ quibus sela sit progignendæ carnis facultas, pauca admodum sunt, sed quæ recentia vulnera conglutinant, & quæ sordida vlcera leuiter expurgant, eadem quoque carnem gignant, si modò mitiorum quorundam permissione temperentur.

Fœni-

Foenigræci, orobi & lupini farina, siue sola siue melle & oui luteo & terebinthine momento excepta, mitissimè carnem generat. Thus peculiari facultate sarcoticum est, & in mediis corporibus carnem gignit: in aliis verò tum siccioribus tum humidioribus nonnihil additur his consentaneū.

Manna thuris vulnera quoque caua & vlcera conuenienter explet.

Pix liquida atque etiam sicca manna thuris commodè iungitur vt vlcera vulneraque caua impleat. Terebinthina blandè tergendò siccandòque efficit vt vlcerum caua carne impleantur. Sarcocolla quæ præsertim in aqua rosarum stillaticia aut in lacte soluta sit, citra morlum desiccās & vlcera commodè detergens, ea quoque facilè carne implet.

Aloë præcipuè lota paulum extergit vt ne puris quidem vlceribus sit molesta: hinc ad vlcera carne implenda apprimè utilis. Myrrha siccans atque detergens, vlceribus carne implendis aptissima.

Si quod igitur vlcus est aut recēs vulnus cuius portio quædam sublata sit, vt idcirco non protinus agglutinari queat, sarcoticis primùm caro gignenda est, deinde vlcus glutinantibus committendum. Sarcotica autem medicamenta tum ex his quæ protulit tum ex agglutinantium, detergentium atque suppurantium temperatione fiunt. Sic quidem tetrapharmacum quod & basilicum appellant, ad gignendam carnem passim extat, & basilicum magnum, & vnguentum aureū, & emplastrum gratia Dei, & de ianua, & emplastrum diuinum. Potest & præscriptum suprâ balsamum ad vulnera implenda atque glutinanda ita comparari, ℞. balsami præscripti ℥b ss. in quo liquentur vase duplici ceræ albæ, resinæ, ammoniaci, an. ʒ j. galbani, olibani, mastiches, myrrhæ an. ʒ ss. aristolochiæ rotundæ tritæ ʒ ij. fiat vnguentum, aut si voles aucta cera emplastrū. Puluis quoque in eundem vsum hac forma præscribitur: ℞. sanguinis draconis, boli armenæ an. ʒ ss. mastiches, olibani, sarcocollæ an. ʒ iij. aloës lotæ, aristolochiæ rotundæ, radicis ireos an. ʒ j. fiat puluis. huic etiam addi conuenienter possunt ambra ʒvj.

Epulotica medicamenta seu cicatricem inducentia.

EΠΟΥΛΩΤΙΚΩΝ medicamentum Græcis est quod impleti
iam vlceris summam carnem vehementer siccatur & ob-
duratur, & in cicatricem cuti simillimam cogit. Id autē abun-
dē siccum est, vt humorem absumat: est & crassioris mate-
riæ vt carnem adstringat, contrahat, atque denset. Nullius
caloris sed frigoris cuiusdam particeps, omnique morfu de-
stitutum.

Terra armena putrescentia oris vlcera sanat, cæterâque
siccatur & cicatrice obducit. Terra lemnia eadem quoque, sed
imbecillius efficit. Lithargyros moderatē siccatur & adstrin-
git, & vlcera cicatrice obducit. Cerusa siccans quoque &
adstringens, excreſcentia leniter reprimat, & cicatrice clau-
dit. Malicorium & balaustium adstringunt, humida vlcera
siccant hisque cicatricem inducunt. Myrtus siccatur quoque
& adstringit, trita & vlceribus præ nimio humore cicatricē
non recipientibus auxiliatur: hæ matites lapis siccatur adstri-
ctione leui qua tamen excreſcētia reprimat & obdurat, hæc
quidem leniora sunt & lenioribus vlceribus tenerisque cor-
poribus apta. Lapis calaminaris qui cadmia est lapidosa,
sæpe vltus acetōque extinctus vehemēter siccatur, excreſcen-
tia reprimat & cicatrice munit. Cadmia vera siccatur & ad-
stringit, sed non sine acrimonia, quam tamen lotionē ex a-
qua rosarum & plantaginis deponit, sicque vtilior ad cica-
trices inducendas euadit. Spodium & pompholyx acria
quoque existunt, sed lotionē mitia adeo redduntur, vt citra
morſum excreſcentem carnem coërceant & cicatrice ob-
ducant. Concerpta etiam linamenta sola tum sicca tum
madefacta in styptico rubro vino, aut in quo absinthium,
rosa & aluminis pauxillum sit incoctū, inter epulotica, me-
ritō sunt habenda.

Scoria ferri, plumbum vltum, stybium quod & antimo-
nium vltum, calx viua, alumen vltum, vitriolum vltum, æ-
ris squamma, æs vltum, omnia quidem acria sunt, & verē ca-
thæretica, sed quæ tamē sæpius lota dum omnem acrimo-
niam deposuerint, epulotica redduntur, optima sanē mali-
gnis vlceribus cicatrice obducendis in durioribus corpori-
bus: idque modō trita & inspersa, modō excepta cerato ex
oleo rosaceo, melino, myrtino, omphacino, aut mastichi-
no. Ex eorum leuioribus extat vnguentum album, è ceru-
sa, quod

fa, quod & in emplastri formam aptatur, vnguentum rubrum exiccans. In id quoque valentiora sunt, vnguentum diachalcitæ, austero vino subactum & myrteo emollitū, vnguentum diapompholygos, & vnguentum quod propriè adstringens appellauimus. Possunt & alia in rem præsentem ita comparari. Calx viuatoties in aqua frigida aut in aqua plantaginis lauetur dum omni destituatur acrimonia, & ex oleo rosaceo quantum sensum combibere poterit diu in mortario subigatur in vnguenti formam. Aliud valentius, ℥. plumbi vsti & loti, pompholygis seu tuthiæ lotæ, æris vsti & loti, aluminis quoque vsti & loti an. ʒ j. oleo rosato & aceti momento excepta in mortario diu subigantur in vnguenti speciem. Ex iisdem quoque puluis tenuissimus confici potest, addendo lumbricorum terrestriū arefactorum, sanguinis draconis an. ʒ j. β.

Cum plumbi crudi lamina tantoperè cōmendetur non ad simplicia modò verum etiam ad maligna & cancrofa vlcera tum sananda, tum etiam cicatrice regenda: cumq; ad eadem omnia multò præstantiorem crudi plumbi tenuissimum puluerem sim expertus, inspersum malignis vlceribus illa blandè citra vllum doloris sensum corrigere, expurgare, & ad cicatricem perducere, eius conficiendi rationem subricere nolui. Plumbū in laminas quàm tenuissimas ducitur, hæ minutissimè cōciduntur, aceto quàm acerrimo immerguntur, maceranturque triduo, permutato quotidie si videtur aceto, postea exemptæ & igni siccatae citra vstionem, in mortario laboriosè teruntur, sic tandem in tenuissimum leuissimūque puluerem rediguntur, cuius vis est ad ea quæ dixi, & ad multò maiora singularis & eximia.

Cathartica medicamenta. CAP. XVII.

EXEDENS medicamentum καὶ ἀπερινδὲν Græcis appellatum est quod inutilem tum putridam tum excrecentem carnem absumit, & polypos, tubercula, verrucas, callosq; detrahit: non quidem vniuersim ac repentè, sed quasi liquefaciens ac sensim tabefaciens citra vllam vicinæ carnis corruptionem aut putredinem. Id autè vehementer & iam quarto ordine calidum est atque substantiæ pectenuis, qua

se alius in absumendam materiam insinuet. Quod igitur epuloticum medicamentum siccando comprimendoque sine doloris sensu facit, id catheteticum non sine acrimonia & sensu doloris exedit, hoc genere continentur, testarum, concharum & rerum causticarum ut rithymalorum cinis, pumex crematus, sal torrefactus aut melle duplo exceptus, ollæque noua exustus: alumen vstum, pompholyx, plumbum vstum, stibij seu antimonij cinis, qui peculiariter canculos absumit. Vitrioli genera, quæ pro chalcantho, chalcitide, misy & soiy vsurpantur: ad hæc ærugo & æris squamma, hydrargyrus sublimatus, & idem præcipitatus, atque cinabrium.

Quum igitur in vlcere aut putredo aut mollis suagosaque caro tantopere luxuriat, ut neque detergentibus, neque vehementer adstringentibus eximi tota possit, necessarius est catheteticorum vsus, quæ quicquid superuacuum est sensim exedant. Ex his simplicibus compositiones extant: vnguentum Apostolorum, vnguentum Ægyptiacum: possunt & trochisci ex calce viua trita & melle excepta confici, qui acriori igne siccantur, & trochisci asphodelorum hac formula. ℞. succi radicis asphodelorum ℥ iij. calcis viuæ ℥ ij. arginis ℥ j. permista in trochiscos concinnentur qui sole feruente siccantur vel igne.

Septica medicamenta. CAP. XVIII.

PUTREFACIENS medicamentum Græcis *συνήκον*, est quod tum humorum tum corporis materiam labefaciat, & cum fœtore quodam corrumpit. Est autem id insitum nobis calori aduersissimum, ut cuius vim atque substantiam prorsus demolitur. Quod frigidissimum & veluti quartum est ordine, naturalem certe calorem extinguit, interimitque partem idque sensum ac plerumque sine sensu. Septicum tamen id appellare non licet, sed id solum quod summa caloris acrimonia insitum nobis calorem aut dissipat, aut in ignem conuertit, simulque qualitate maligna humidum primigenium dissoluit, & omnem partis substantiam tabefacit atque colliquat & putredinem cum fœtore inducit. Id igitur summum est caloris in substantia moderatè crassa: nam tenuior à nostro calore euinci facile dissiparique possit.

posset. hoc genere sunt, aut pigmentum seu arthenicum purum tum sublimatum, sandaracha, chrysocola, aconitum, dryopteris, pytiocampe.

Hæc quidem licet vehementer calida, nec tamen caustica sunt, neque escharotica, nec crustam in nuda carne gi-
gnunt: sed qualitate prorsus maligna atque venenata carnis
quam attigerint substantiam corrumpunt & in putredinem
cadaverosam deducunt, quæ multo deterior est quam ex
gangræna. Venenata autem eorum vis sensim intrò subies
præcordia visceraque ferit. Quocirca non nisi repressa cre-
bra lotione ex succo portulacæ, limonum, solatri, aut sem-
peruiui vlli ulceri adhibenda sunt, debentque cerato leni
permisceri, parua copia & in parte quæ à principibus pro-
cul ab sit. Maiore enim copia nec repressa in ulceribus cor-
di propinquis, ut in manuum cancro, illa præsertim artheni-
cum & sublimatum mulierem diebus sex sustulisse notaui
perinde ac si id hausisset. Horis circiter tribus ab inperfo-
puluere vehementi rigore coccussa, vomitione mox tenta-
ri cœpit, & crebris animi defectionibus corripitur, cum pulsu
languido, quæ dein sensim aucta, oborto extremarum partiū
frigore, & facie reliquorum corpore supra modum intumesce-
nte, miserè illam iugularunt. Periculosus omnino istorum v-
sus, nec certè ad chirurgiam necessarius, cum sine fructu vl-
lo perniciosi sint: nec enim partem quam attigerint ut cau-
stica vrunt, nec crustam inducunt, sed quam corruerint ita
relinquunt arte excidendam. Quocirca eiusmodi remedia
prorsus exterminanda sunt, omniaque vel detergentibus,
vel cathartecis, vel escharoticis, vel causticis citra perniciem
eximenda absumendaque sunt. Aut si parum meticulous
est laborans & constanti animo, constantibusque viribus
ea vel sectione vel candenti ferro demolienda sunt, quibus
nulla in corpus aliena qualitas inducitur.

Escharotica & caustica medicamenta. CAP. XIX.

EXVLGERANS medicamentum, quod Græcis est *ἔγκα-
ρωτὶς*, non modò nudam carnem ut cathartecum
absumit, sed & cutem ipsam diuellit. Veticans id quodammodo
efficit, sed lenius & ignavius, quod ardoris vi humorē proli-

ciat & solum pustulas excitet. Escharoticum multo vehementius vrit ut iam crustas inducat, nec tamen infra cutem subit. Vtrumque summo & quarto est calidorum ordine, sed vesicans in tenui, escharoticum in crassa densaque substantia. hoc ordine sunt, corticis fraxini cinis qui salua delutus & parti cuius impositus, cutem vrit sine pustula. Sabinæ crematæ cinis verrucas & duriora cutis tubercula exest: cinis è cremata vini facie id ipsum quoque præstat exiguo humore liquatus. Sapo niger mistus pari portione salis marini triti, impositus cutem quoque vrit, ruptaq; crustula faniæ copiosa manat. Nitrum atq; etiam eius succedaneum quod est sal petraë exquisitum, instar pisi loco madido inductum, cutem diuellit & vrit inducta crustula. Fit autem sapo niger è calce, sale, oleo & seuo. Sapo autem albus è calce, cinere & seuo veruecino.

καυστικόν medicamentum est quod non modò summam cutem ut escharoticum, sed & veram quoque soluit atque dissipat: nonnunquam & in subiectam carnem cauterij instar penetrat, non id quidem ientim colliquans & exedēs, sed repente exutens, crusta dēfiore inducta. Id quàm escharoticum vehementius est, feruentissimo calore præditum in crassa terrenaque substantia.

Tria hæc igitur, causticum, escharoticum & vesicās, quòd vires in cutem exerant, vno eodémq; genere contineri par est, & solum agendi vi distare. Quæ verò non ipsam cutem sed solam nudam carnem afficiunt diuersi planè sunt generis. Quem igitur quauis ex causa cutis aperienda fuerit, nec laborans sectione vñtionem vñtolerare potest, inducto caustico medicamento vri rumpiq; debet. In causticorū autem censu præcipua sunt, calx viua, vitriolum vñsum, æs vñsum, & quæ ex his fit aqua fortis alchymistica. Ex his quoque lapis fit ruptorius qui sequehoræ ipatio cutem penetrat. *℥* vi. trioli vñsti *℥* ij. salis armeniæ *℥* j. calcis viuæ, cineris è vini facie an. *℥* ij. Tritis atque permistis affunditur lixiuium ficulneum aut tithymallinum, quod subinde colatur dum istorum materia tota ferè dissoluta sit: lixiuium deinde in olla noua aperta coquitur ac feruescit dum crassescat atque lapidescat. In ampullam vitream & obturatam reconditur loco sicco, ne humidioris aëris attractu liquecat.

Cinna-

Cinnabrium, mercurius sublimatus & præcipitatus eius puluis integram cutem nec exulcerant nec diuellunt, neque in hunc ordinem, sed solum inter catheretica valentiora haberi possunt.

Ad ambusta.

CAP. XX.

Sed vni igni seu aqua oleo feruente ambusta est corporis pars quæpiam, alia inflammationem sedant simulque extinguunt empyreuma, aut euocant, alia pustulas prohibent & reprimunt dolorumque leuant, alia vlceratas partes aut excoctas dolentes leniunt & ad sanitatem perducunt.

Primi generis sunt potestate frigida omnia vt aqua, acetum & ex his oxycratum, oui albumen, succus semperuiui, lactuca, endiuia, solani, hyoscyami, plantaginis & portulacæ, & horum aquæ stillatitiæ, terra quæuis obuia, sed maxime Cimolia & quæcunque leuis vt bolus armena commemoratorum succo aquæve destillata aut oxycrato soluta & protinus illita, coriandrum viride, lenticula semicocta, cerusa, alumen aqua solutum cum oui candido, atramentum scriptorium ex aqua, caphura. Atque hæc ab vitione protinus arripienda & tepida applicanda, quia actu talia anodyna euadunt & empyreuma foras euocant, dein qua valent potestate ardorem extinguunt & inflammationem sedant. Vt enim ignis, si propius ipsi pars vsta admoueatur, proprii iniusti mali fit alexiterium, eamque reuocato empyreumate dolore leuat: sic nonnulla impressum partibus ardorem foras calore proleant, atque ita sedata inflammatione ambustis medentur, vt ari & porri illita folia præsentia sunt ambustis remedio. Cæpæ cum sale contusæ ambustæ parti impositæ miraculo perlanant. Oleum quoque sale addito idem efficit. Sambuci & ebuli contusa folia & apposita idem præstant. Radicis etiam asphodeli decoctæ in oleo succus per niones & ambusta sanat.

Frigidorum vltu quæ partis ambustæ ardor repressus statim initio fuerit & mitigata inflammatio, tum ea inducenda quæ pustulas prohibent simulque dolo rem leniunt. Gluteni quod ex tergoribus bouum fit pellucens & candidum, dilutum aqua ambustis vtiliter allinitur & pustulas prohibet. Ligu-

stri, saluæ, myrti singulorum cruda folia cerato vel adipe suillo excepta, quia & sedandi doloris & reprimendarum pustularum vim habent, ambustis utilissimè imponuntur. Eadem viridia contusa, & maluæ & papaueris corniculati, admista axungia aut cerato efficaciter quoque ambustis illinuntur. Mori folia ad ambusta teruntur ex oleo vel aceto linèda: sic maluæ folia oleo incocta & trita sacris ignibus & ambustis utiliter imponuntur. Lactuca cū sale illita prodest recens ambustis: & helxine admota. Hyperici folia cū semine, & althææ cum paucō oleo illita sanant ambusta.

Pulicula ex hordei farina ambustis ex vino prodest, & ex oui quoque candido. Ouum crudum cum sua testa tritū & illitum, & virides platani pillulæ cum axungia sanant ambusta, alba & nigra oliua prodest ambustis trita & oblita, quod empyreuma eliciat & pustulas reprimat. Gummi spinæ ægyptiæ ambustis quoque prodest, quod dolorem leuet & pustulas gigni prohibeat illitum cum ouo. Arctium & verbascum & ex floribus huius destillata aqua pernionibus & ambustis commodè imponuntur. Lilij radices tostæ cum rosaceo ambusta persanant, idem decocta folia præstant.

Herba cucullus vulgò appellata, charta conuoluta & sub cineribus cocta, dein contusa & addito oleo ambustis induta intra triduum persanant. Thus quia anodynum & astringens ambusta pernionésque cum pingui suillo aut anserino subactum percurat. Ruta in olei libra viniq; sextario cocta commodè fouentur partes quas penetrabile frigus adussert. Ambusta aquis feruidis si statim ouo occupentur pustulas non sentiunt, admista præsertim hordeacea farina & salis mometo. Chrysanthemi flos utiliter ambustis cum melle imponitur.

At verò pars si iam pustulosa aut excoriata vlcerauere est, quæ leniunt & moderatè siccant vsurpanda erūt, qualia metallica vsta & lota, leni & blādo liquore excepta. Calx aqua rosarum aut plantaginis lota & rosaceo vnguento subacta, blandum sit pustulosis & vlceratis remedium: efficacius fiet si viuiam eam & illotam cerato liquido exceptam, parti pustulose inducas, aut myrrham tritam cum vino rubro adhibeas, aut hyoscyami viridis succum continenter illinas. Magnes quoque crematus & tritus, & hæmatites, & ostreorum cinis

cinis commodissime ambustis inperguntur. Ovis in aqua duratis & putaminibus in pruna exustis, tum lutea ex rosaceo aptè illinuntur. Frumentum tostum in ferro & tritum è vino ulceratis præstantissimo est remedio. Betæ folia in vino cocta & trita vtiliter excoctis illinuntur: eiusdem succus rosaceo liquido paulatim instillatus quantum combibere potest, illis quoque remedio est. Folia myrti puluerata, aqua rosarum perfusa blandè exiccant & cutim nutriunt. Hordeum tostum, tritum ex oui candido vtiliter illinitur. Ficus cum cera & rosaceo subacta ambustis cicatrice in obducit. Cinis sarmentorum vitis & vinaceorum ambustis cum rosaceo prodest, idem brassicæ radicum cinis & folia decocta, & coriandrum cum lacte muliebri præstant.

Cyclamini radices cum semper uiuo trita ambusta sanant, ita ut cicatrix fallat: idem quoque præstat calida admota plantago, & beta. Gallarum pulvis intertrigines & ambusta excoriata inpersus sanat. Cinabaris cum sanguine draconis illitus. Hederæ flores ex cera. Lactis cremor cum hordei combusti cinere. Laridum ad flammam liquatum dum destillet, aqua rosacea exceptum. Oleum ex induratis ouorum vitellis & mortario plumbeo contritis, tandemque in farragine frixis, ubi crustæ deciderunt pustularum, eruo cum melle aut iride vlcus expurgandum, tandemque sicco linamento.

Ad hæc compositiones pauca extant, oleum rosaceum, oleum è tartaro, oleum myrtinum, oleum ex ovis, vnguentum populeum, vnguentum rosaceum, album Rasis, diaporpholygos & διακροθῶν, emplastrum è cerusa, de minio, drachalciteos & nutritum rosaceo aut aqua plantaginis soluta. Ex tempore verò ex cerusa, oleo myrtino, adipe suillo, spuma argenti & cera optimum ad perniones & ambusta comparabitur vnguentum: vel sic. ℞. mucilaginis seminis cydoniorum & tragacanthæ an. ʒ. β. olei ouorum & nenufaris an. ʒ. j. misce in formam vnguenti. Item ℞. ficus aridas quot voles, cum cera eliquata subiguntur in ceratum.

METHODI MEDENDI LIBRI

SEXTI FINIS.

Xx 2

METHODI ME- DENDI LIB. VII.

DE COMPOSITIS MEDI- CAMENTIS.

Praefatio.



RAECLARIS olim viris qui tum
medicinae tum chirurgiae usu & ex-
ercitatione celebres euaserunt. pra-
cipuam curam summumque stu-
dium fuisse comperimus, ut ad dif-
ficiles quosque affectus peculiaria
sibi remedia quasi thesauros reponderent, ut felici o-
perum successu, nominis sui dignitatem & gloriam
augerent atque tuerentur. Ea licet unusquisque do-
mi conficienda curaret, & tanquam arcana habe-
rentur, tempore nihilominus annorumque numero,
aut morte, aut precibus, aut precio, aut commuta-
tione, aut aliis plerisque modis cognita inuulgataque
fuere. Hinc verò alij publicis mortalium commodis
potius additi, sparsas medicamentorum compositio-
nes quae iam passim innotuerant, congerendas esse du-
xerunt, operamque nauarunt ut è celeberrimis au-
thoribus optimas & quamplurimas in libros quos-
dam medicamentarios referrent. Ita quidem Scribo-
nius Largus & Aetnarius et Nicolaus Myrepsus et
Nicolaus Praepositus opera sua cōcinnarūt. Hoc labo-
re fieri hand potuit quin ex variis authoribus cōpla-
res non

res non admodum dissimiles in eundem usum compositiones adducerentur, ut syrupi effectus eiusdem, & pharmaca multa ex aloë, nec pauciora è scammonio, aut è colocynthide, aut turpetho, quæ sola componendiratione, aut simplicium quorundam varietate distant, & electaria quoque, & emollientia, & detergentia multa, quorum præcipua vis ex æruginest, & quæ aliorum simplicium sola immutatione variant, ut est cuiusque authoris arbitrio concessum. Sic igitur multa tandem congesta fuere, quorum pars maxima ociosa & supernacua. Conducibilius autem erat in quouis genere optima quaque seligere, ceteris ut inutilibus prætermisiss. Sed & hac remedium congestione affectus complures omni ope destituti manent, ad quos nimirum non satis accommodata remedia inuenta fuissent. Ea siquidem multorum hinc inde colligendi cura, empirices quodammodo imitatrix & æmula, nullo delectu nullaq; methodo adhibita, nec morbis, nec symptomatis, nec eorum causis remedia accommodavit, nec eorum genera ex illorum differentiis constituit. Neque præterea quid unaquæque compositio aut utile, aut supernacuum, aut gratum, aut insuave contineret, usquam expendit, sed quales ab indoctis plerunque viris usurpate fuerunt, nullo adhibito iudicio recepit atque comprobavit. Ex his quoque plurimas nonnulli suo quique arbitrio inverterunt atque depravarunt: vix ut nunc ulla restet pharmacopœis certa componendiration, & nondum rata aut stabilita sit ea medicina pars quæ in primis est ad curandos morbos necessaria. Hoc quum multi passim reformandum esse

indicarent, dedi operam ut compositiones quemadmodum & superiore libro simplicia arte traderentur: & quaecunque utiles vsuque faciles existunt, pristinam formam retinerent: qua vero distorta re-
 Et censura in meliorem formam aptarentur, nec quicquam aut superesset aut deesset ad morbos eorumque causas & symptomata profliganda necessarium. Itaque non omnes veterum monumentis tritas compositiones, sed praecipuas duntaxat persequor, novas plerunque adicia, ut opus omni medicamentorum genere compleam: plurimas circumcido quae sub his comprehensa confusam & indigestam multitudinem reddunt. Inuulgata earum nomina retinui, sed non iisdem ubique aut simplicibus aut ponderibus, quandoquidem ut curandis morbis aptiores essent atque suauiores, quaedam in plerisque commutanda fuerunt. Ut tandem pharmacopœorum commoditati quodammodo responderem, in classem unam syrnpos, in alteram pharmaca, in aliam electaria, & reliqua in suam quaque classem digessi, unde rursus deprompta facile possint in medendi usum referri.

DE SY-

DE SYRVPIS.

SYRVPVS acidus simplex omnes tum calidos tum frigidos humores præparat, & quodam robore attenuat, eorum putredinem coërcet, bilis ardorem febriumque æstus & sitim lenit, obstructas vias expedit, altè in omnia penetrat, vrinas sudoresque à purgatione ciet. ℥. aquæ purissimæ lib. quatuor, sacchari albi lib. quinque, coquantur dum expumauerint & dum aquæ dimidium superfit: ac tum affunde aceti vini albi lib. tres. Rursus coquantur in syrupi crassitudinem.

IN SYRVPVM ACIDVM

SCHOLIA AVCTORE

GVIL. PLANTIO.

Syrupos & inlepos multaque alia tam simplicia quam composita medicamenta inuenta Arabum esse Gelappellatio ipsa barbara manifestò ostendit. Longo tamen antè tempore Veteres Græci & ex eadem materia & in eodè vsu sua habuerunt apozemata: qua quòd præparandis ad purgationem tum corporibus tum humoribus accommodarentur, propotismata ipsis sunt appellata, quasi purgationibus prauas potiones dicas, quòd recta medendi ratione siã medicamentis purgantibus sternant. Ita Galenus origanum, hyssopum, pulegium, calamintham in mulsâ & oxymelite incoquit ad purgandi corporis præparationem. Et, si ipsi credimus, Archigenes, Antonius Musa, alique complures prisce medici ex cichori, anethi, iridis, chelidonij, & similibus herbarum succis cum mulsâ dulciculas esu modis potiones egrotis conficiebant ad varios hepatis aliarumque partium affectus. Et Dioscorides radices comasque plantarum in aqua decoquit & seruefactum ius excolat, deinde

Vel per se, Vel malsa & melle dulcoratum exhibet, aut & recondatur, tam diu decoquit dum ad mellis crassitudinem peruenierit. Vt hac tria, apozema, syrupus, iulepus, solo conditura modo inter se differant. In apozemate enim prater ea quod pro re nata ex tempore ferè decernitur in tres quatuor & doses partiendum, ad cōdituram satis erit si sacchari aut mellis trientē recipiat, & subtripulum scilicet saccharum sit ad excolatum decoctum aut expurgatum succum. Syrupum Verò qui & asservari diu possit perfectiorem cōdituram desiderat, tantundem aut minus aliquāto sacchari Vel mellis obtinere par est atq; colati decocti aut purificati succi. His quia dilutior, penetrabilior & delectabilior iulepus est, solum propterea sacchari sextantem aut pro saccharo convenientis syrupi parem modum recipere abundè fuerit, & subduplus sacchari modus sit ad decoctum accommodatum aut aquas stillatitias.

His Verò omnibus ex decoctis & succis plantarum & fructuum comparatis portionibus mel & saccharum adduntur, non ad conseruationem solum aut gustus & saporis suauitatem & gratiam, sed ob proprias etiam mellis & sacchari vires quas ipsis impertunt. Quia enim duo hac quotidiano propemodum & consueta nobis sint & familiaria non & condimenta solum, sed etiam & cibaria, & utraque & itaq; ratione potiones quibus hac admixta fuerint, vires naturales in morbis sopitas & languentes exsuscitant & erigunt, naturamq; calorem qui solus morbos concoquit & mirificat recreant, crassaq; extenuando & viscosa extergendo & obstrueta expediendo purgationes quam facillimas prestant. Atq; haec a melle & saccharo facultates eiusmodi potionibus accedūt, suas & ipsis ad varios & sus haud paruas utilitates habentibus, quas singulis describendis auunculus ipse operis auctor declarabit, eo seruato ordine quem & componendi ratio postulat, & medendi methodus praescribit. Nam quem simplex prius natura composito existat, & recta adhibendorum remediorum ratio alia aliis ordine usurpandis proponi velit, a simplicioribus & iis quae recta medēdi via prae-mittuntur orationē exorsus est, eādem toto opere in ceteris rationē seruaturus, a syrupo acetoso simplici ducto initio. Nā apozemata & iulepos hoc loco silentio prateris, quod in praesen-

presentia de iis medicamentis solum sermonem instituat, quæ apud pharmacopolas in longum tempus asservantur, & alioqui singularum partium morbis convenientia apozemata supra sunt ab auctore tradita. Et quævis cõdita quas conservas vulgò appellant, & ex herbis & fructibus conditiis quidam succi ἀποχυόμενα Græcis dicti simpliciores sint Syrupis, ob eamque causam proponendi videntur, post purgationes tamen quia ferè instituuntur ad partium robur tuendum aut etiam conciliandum, ideo auctori consilium fuit in alium locum reuocare, ita scilicet medendi stantante methodo.

Inuenti autem sunt Syrupi ut in promptu essent quoties his utendis occasio inciderit: quod herba earumque radices & fructus quouis tempore ad manum præsto non adsint, & quum suppetunt, Urgeat adco interdum necessitas, ut ex his apozemata & inlepos parare non patiatur. Primo autem loco Syruporum compositiones traduntur quæ præparandis ad purgationem humoribus conueniunt: deinde Verò quæ partium singularum expurgandis reliquiis, quæque tuendo ac conservando illarum robori accommodantur. Atque hæc generaliter de Syrupis. Particulatim Verò Syrupus acerosus simplex non est solo aceto & saccharo (quemadmodum & alii acidi) componendus erat, sed adiicienda fuit aqua quæ aceti vim & acrimoniam temperaret. Cauendū ne pro aceto albo destillatum imponatur quod acerrimum interiora omnia ferit non parua sumentis pernicio. Cauendum etiam ne aceti plus adiciatur, siquidem hæc mensura æquabilis visa est. Si quis autē aceti acorem suspectum habeat ne penetrabili suo frigore molli carne corpora, quale puerorum & mulierum, præcipueque in ipsis Sterum offendat (ὕστερως enim acetum est Hippocrati) poterit utendi tempore permissione aqua dulcis aut stillatitia aut etiam conuenientis decocti quàm dilutissimum Syrupū hunc reddere, aut pro eo oxy-saccharo uti. Syrupus acerosus compositus descriptus hic non est, ne pharmacopæos inanis satietas oneret. Nam addita portione Syrupi à radicibus compositus euadet & in Syrus eisdem aptus. Id quidem auctori consilium fuit compositiones omnium quàm optimas ad summam quæque morborum causarumque genera proponere.

Et nihil prorsus maneat remediis destitutum. At Verò inane & superuacaneam compositionum farraginem vndique eorum more corrogare qui incompertis nec comprobatis remediis inconsideratè chartas implent, onerosum nimis pharmacopœis, studiosis Verò indistinctum & confusum plenum fore existimauit.

SYRVPVS è succo limonum minùs quidem quàm acetatus extenuat ac penetrat: at bilis feruorem corporis què æstum ac sitim magis restinguit, & ardentium febrium putredinem pestilentiumque malignitatem magis cohibet: oris præterea ventriculi & cordis principumque partium robur tuetur, nauseam, vomitionem, animi defectionem & syncopen arcet: peculiariter verò renes expurgat, & vrinam ducit. ℞. succi limonum expurgati & colo laëne sponte sua transmissi lib. vij. sacchari albi expurgati lib. v. lentè coquantur in syrumpum.

PLANTIVS.

Syrupi de limonibus, de acetositatè citrj, de granatis acidis, de aurantiis, de omphacio, è succo oxalidis, oxyacanthæ & de ribes: omnes quidem acidi, è succis fiunt qui aut residendo aut colando clariores purioresque sint redditi, hii deinde per sacchari modum aut etiam minus additur sine aqua permistione, propterea quòd aciditas ea minime infesta est, sed suavis & cardiaca. Et minus quoq; dilueretur sacchari (quemadmodum in iulepis) si diutius succi conservari possent. Sunt qui succos præpurgant residèdo & insolando, aut per spumantia albumina colando, aut etià leniter solùm exprimèdo, & in pretropo vino fit: Deinde cum saccharo expurgato, id est ex aquali aqua cocto, dein clarificato, tandemq; in iulepum percocto, paulatim admiscètes bacillo versatili agitant dum cõprehendantur & vna coeant: aut cum sacchara propè percocto parum coquunt: aut etiam cum primario saccharo (quale Maderanum) eo tam

suum & que coquunt dum colligefactum saccharum sit & planè dilutum. Atque eo modo Syrupus è limonum & citriorum succo, Syrupus acetatus simplex & iulepus rosatus albi sumi fiunt: granatorum vero, oxyacanthæ, de ribes, & è rubro aceto & genuini coloris gratiam retineant, minus sunt diu ad misturam pistillo conuerberandi. Atque conficiendi hæc ratio in succis quidem fructuum præcipueque acidis locum habere potest. alij vero & herbarum & radicum succi maiorem ad Syrupos preparationem requirunt, atque bis coquendi sunt, semel per se ad tertiam ferè partis consumptionem: deinde ubi colando & residendo declarati fuerint, cum optimo saccharo in Syrupum percoquendi: alioqui facile corrumpuntur & situm contrahunt.

SYRUPUS qui sequuntur ex acidis quoque succis comparati, superioris vires imitantur: vt Syrupus è succo citrij acido, Syrupus è granatis acidis, Syrupus ex auranciis, Syrupus ex omphacio, Syrupus è succo oxalidis. Peculiariter tamen Syrupus è succo citrij acido febris æstum, putredinem & malignitatem restinguit: Syrupus de granatis acidis ventriculum & viscera magis corroborat, vomitiones & animi defectiones sedat: Syrupus de auranciis cardiacus magis est & suauis. Syrupus ex omphacio sitim magis compescit: Syrupus è succo oxalidis bilem obtundit obstructionesque soluit: Syrupus è ribes suauior & adstringentior. Vna eadèque omnium conficiendorum ratio, in succo enim cuiusvis expurgato sacchari aliquantū minus diluitur: hæcque statimato vase excepta igni dantur, sensimque percoquantur in Syrupum.

OXY SACCHARVM simplex mistas tum attenuandi tum obtundendi & corroborandi vires sortitur, mistæque humorum materiæ, hinc-

que ortis febribus erraticis confert. ℞ succi mali punici acidi ℥ viij. aceti ℥ iiij. sacchari albi & puri lib. j. coquantur in syrupi consistentiam.

PLANTIVS.

Oxysaccharum easdē quas syrupus acidus vires obtinet, sed inferiores prater roborandi vim qua praeſtat: propterea morbis asthis & mollioribus corporibus eius quam syrupi acidi rurius vsus eſt. Ne tanta ſyruporū ſarictas fruſtra aſeruetur, auctōr rectē ac prudenter oxysaccharum compositum, oxymeli compositum & oxymeli ſcylliticum compositum pratermittit. Nam quum ex vsu eſſe putabuntur, medicus illa expedite componet atq; praescribet, oxysacchari ℥ j. & syrupi de radicib⁹ maioris ℥ ij. Vel syrupi adiatini ℥ j. ℞.

OXYMELI simplex crassos humores valdē extenuat, lentosq; detergent, & veteres soluit infarctus, crassa è pectore ducit, asthmati contumacibusq; febribus accommodum. ℞. aquae purissimae, mellis optimi añ lib. iiij. coquantur expumando dum aquae dimidium absumptum sit: ac tum affunde aceti acerrimi lib. ij. rursumq; expumando percoquantur in iustam cōsistentiam. Dilutius verò quod fit habet aquae purissimae lib. j. mellis ℥ iiij. aceti ℥ j. ℞. eaque despumando leuiter coquantur.

Oxymeli ſcylliticum simplex multò validius crassa attenuat, & ad omnia quae dixi confert. Id ex aceto fit ſcyllitico quod melli ex aqua cocto despumatoque affunditur, percoquiturque vt alterum. Vtrumque autem compositum redditur adiecta dupla portione syrupi & radicibus maioris.

PLANTIVS.

Aceti multi quod oxymeli vocant, rarior nobis & vsus eſt quam

quàm fuit Veteribus, quibus Syrupus aceratus nōdum comparatus erat, qui detergēdis & quā mel saccharo præstat excepta, cetera quā oxymeli habet minimè inferiora, aliāq; præterea non parus ad febres momenti. Quod autem hodie passim in pharmacopoliis asservatur acetum mulsum, ingratum planè est: siue id nimia eius crassitie ex multa coctione nata accidat, siue etiam acore eius nimio, qui non perinde nostratis mellis atque sacchari permistione hebetescat & obtundatur. Quantavis enim aqua dulci aut decocto accommodato crassum istud oxymeli diluas, nunquam ramen similiter gratum & potabile atque syrupum acidum effeceris. Dilutius Verò quod in rem præsentem fit a nonnullis & oxymeli Galeni appellatur, id in omnia penetrantius multo est & incundius. parua enim coctione quā non crassecat, sed in eo aqua fluxilitas seruetur, quā aceti adiuvat tenuitas, & mellis præterea spurcitia omnis partim spuma detractioe partim clarificatione detergeatur, tenuissimum propterea simul & lucidissimum enadit, si mel præsertim album & acetum album receperit, & pauco aceti acore gustanti sit minimè molestum: frequentiore ramen eius & su & pleniore haustu stomachum offendi constat, is præsertim quibus Vētriculi os natura est admodum sensile: Unde eius in febribus, ceu acetosius ceu mellitius pares, parum tutus est & su. Mel autem probū deligatur, quod inter crassissimū & tenuissimum sit mediocre, sapore dulcissimum & acerrimum, simulq; dulcedinis sensum inferēs & Velliatu pungens linguam, colore pallidum aut subrutilum & pellucidum, odoratissimum & recentissimum, quodque sublatum non facile ob sequacem lentorem abrumptatur, pondere graue, Unde in imo Vasis quod sedit supernatante pretiosius, & inter coquendum spuma parum emittens. Nostris tamen temporibus candidissimum mel & suauissimum Verèque aromaticum, liquidissimum maximeq; fluxile, albam & durā crustam ducens, ex Lusitania & Gedano Antuerpiam deportari capit, quod bonitate Attico & Siculo minimè cedit: Verū id iam inuitores & pluraq; alia nostrates sapius abluendo & dealbando mentium tur, quā eorum fraudem insuauitate odoris & gustus deprehendes. Huc bonitate & colore proximè accedit mel

Narbonense, & hisce etiam regionibus quod è fauis sponte primum defluit Virgineumque mel vulgo appellatur. Improbius verò mel coctione melius redditur: & si despumati semper aptior, nisi stomachum inflaret in eo diutius immorans, estuosumque esset & bilem auget. Mel pueris non tineosis & senibus accommodum, aluum & Urinas monet, caloremque nativum suscitatur & tuetur, & longam provocat senectam: Picrocholis verò & iuuenibus, quod facile in bilem convertatur, aduersum.

SYRUPVS è cichorio moderatè refrigerat, viscera omnia leni adstrictione corroborat, detergendo aperiendoque iecoris aliarumque partium infarctus soluit, bilem eluit & ad purgationem præparat, initiis acutarum ardentiumque febrium & pestilentium accommodum atque salutare. ℞. totius intubi agrestis, quod cichorium vocant ℥ iiij. radicum oxalidis, graminis & asparagi contusarum añ ℥ ij. lichenis, eupatorii, intubi satiui, quod endiuia vulgò appellant, seriolæ, cicerbitæ, lactucæ sativæ & agrestis, adiantialbi, adianti nigri, adianti simplicis & saxifragi, lupulorum, calluthæ añ .m. j. coquantur omnia in lib. x. aquæ dum ad sex redeant. In expresso iure dissolue sacchari albiss. lib. vj. coquantur in syrupum clarificatum.

PLANTIVS.

Quum Syrupus è cichorio crebrò in Usu Veniat descriptione Nicolas Florentini aut Gulielmi Placētini, & uterque ex confusa quadam simplicium tum calidorum tum frigidorum miscella atque etiam ex rhab. constet, Sicut si eis possit in quem præcipuè effectum sit accommodandus: non præter rationem hic descriptio immutata est, & prorsus ad eos effectus comparata qui titulo rectè enunciantur: ad quos propter radices calidas aliorum neuter decerni potest.

est. Si forte acidus desiderabitur, huic Syrupi acetosi vel
oxyssachari triens permiscebitur: aut si paulo calidior vel
magis penetrans vel ut ad complicatos affectus, Syrupi è ra-
dicibus tantundem, vel etiam semis assundetur. Rhabar-
barum autem si squam addendum esset, Stendi tempore
potius ad sciendū videretur quàm parandi, quod eius pur-
gandi vis & coctione & diutina asservatione canescat, &
ad preparationem humorum hic Syrupus non ad purgatio-
nem comparetur, robor adiq; vis insit maior in rhabarbaro
quàm qua preparatorio proporismati conveniat. Sed ne &
stendi quidem tempore per se utiliter permisceri potest,
quia purgandi eius facultas nullas aut certe perexiguas vi-
res sit habitura, obstante videlicet nimia Syrupi crassitudi-
ne. Eadem de causa Syrupus ipse ad eos effectus ad quos de-
scribi solet non ita efficax per se fuerit, quemadmodum si
decocto conveniente diluatur & incundior reddatur. Nul-
lo itaque agrorum commodo, sed solo dispendio faciunt qui
singulis Syrupi libris ꝑ j. rhabarbari incoquunt, eamque
interdum mensuram non duplicant modo & triplicant, sed
quadruplicant etiam & sextuplicant contra omnium co-
dicum fidem, qui pro quaque lib. rātim ꝑ iiii. permiscendas
esse iubent. Hallucinantur & qui Syrupum hunc è solo cicho-
rij succo componendum esse contendunt, haud dissimiliter
atque Syrupum è citrriorum succo: qui in eo licet veritate
maximè nitantur, quod componendis medicamentis mul-
torum simplicium inter se pugnantium congeriem reiicien-
dam esse ducant, ideòque Gual. Placentini & Nicol. Flo-
rentini è cichorio compositiones sit discrepantes temereque
& citrarationem insistentes repudiant, non tamen propter
ea è cichorij succo compositio in earum locum substituen-
da est: quum ad eos effectus quos Syrupus de cichorio pra-
stare comperitur, rectè praestitui non possit. Sine enim ad
purgationem preparanda bilis est, iecorisque & aliarum
partium obstructions liberanda, siue moderatè refrige-
randum & roborandum, ut acutarum pestilentiumque fe-
brium initio, quid horum quæso efficere possit eiusmodi
succus, qui diu & vehementer contundendo agrèque
exprimendo primum crassior redditus, deinde per se ad ter-
tia partis consumptionem feruefactus, tandemque ad

*Syrupi crassitudinem cum saccharo percoctus, omnis prope-
modum virtutis sua iacturam vaporando fecerit? tamen un-
dem ferè ac ipsum merum saccharum. Secus habet in de-
coctis & succis fructuum precipueque acidis, qualis citrio-
rum, limonum, granatorum & similium succus est. Hi enim
integras vires suas in Syrupos conferunt, quum nec pressu
substantia tenuitatem, nec coctura facultatem amittant,
quemadmodum supra adnotauimus. Decocta vero quod
multiorum simplicium vires recipiant & propter aquam
tenuiora sint & fluxiliora, simili non crassescunt nec vi-
res deperdunt coquendo. Unde & ex his constantes Syrupi
præparandis ad purgationem corporibus magis conueniunt:
qui verò ex aliis succis fiunt, post purgationem patente iam
& fluxili corpore, relictis in eos & ses decernuntur, quos sin-
gulis describendis auctor commemorat.*

SXRVPVS intybi domestici bilem obtun-
dit, iecur refrigerat, expurgat atque corroborat,
icterum & è iecoris obstructione ortos morbos
perfanat: post purgationem utilis, & concocta
iam quodammodo febrium aliorumve morbo-
rum materia. **℥.** endiuia recentis, seriolæ, li-
chenis, lactucæ, agrimonij, cicerbitæ, hieracij
añ m. j. **℞.** quatuor seminum frigidorum maio-
rum añ \bar{z} j. fantali albi & rubri contusorum, ro-
sarum rubrarum añ \bar{z} ij. coquantur ex viij. lib.
aquæ ad dimidias. Adde colato iuri sacchari albi
lib. iij. Rursum pariter coquantur, despuen-
tur, expurgenturque, coquendo adde succi endi-
uiæ residencia purgati lib. j. Postea succi granato-
rum acidorum puri & defecati \bar{z} iij. percoquan-
tur in syrupum.

PLANTIVS.

*Syrupum hunc endiuia tametsi incerti auctoris, compo-
nendum tamen atque reseruandum idcirco putauit, quod
summa*

*Summa ratione descriptus Videretur, atque ita plus effica-
citas habiturus quam si è solo endiuia succo constaret &
nonnulli Solunt: omnibus secoris Vitis persanandis post
corporis purgationem Scillis, atque biliosorum morborum
reliquis expurgandis, imprimisq; cutis scabies & prurigni
accommodatus.*

SYRVPVS bizantinus mistas vires sortitus
tum iecori tum lieni expediendo expurgando-
que comparatus, idque post purgationes: ictero
& arquato nigro & diuturnarum febrium reli-
quiis peculiaris. ℞. succi intybis fatiei & apij añ
lib. ij. succi lupi salictarij & buglossi añ lib. j. co-
quendo purgentur dum inclarescant, & cum sac-
chari lib. tribus syrupus fiat.

PLANTIVS.

*Interpres Mesua negat in febribus ante diem septimum
Syrupo bizantino Stendum esse, sed communiter in compo-
sitis febribus statim initio apparanda materia Sum fore
Syrupi acetosi simplicis cum feniculi decocto & tertia par-
te mellis rosati. Post purgationem Verò, quia hepaticorum
& splenicorum reliquias Valide expurgat curationemque
complet, Scillissimus futurus est Syrupus hic bizantinus per-
curandis vtriusque Visceris morbis solutus contumacibus,
qualis æterum est & arquatus niger, addito præsertim Syru-
po è radicibus. Compositus prætermisus est quòd simplicis
Sim peruerit, nimumq; habeat aceti.*

SYRVPVS scolopendrij crassam terrenam-
que melancholiam extenuat, mollit, fluxamque
reddit, lienem obstructione liberat, tumentem-
que soluit, melancholia, quattanis diuturnisq;
febribus apprimè utilis. ℞. polypodij è quer-
cu, radicum vtriusque buglossi, corticis radicum
cappar, corticum thamarisci singulorum ℥ ij.

Yy

scolopendrij veri m. iij. lupi salictarij, castuthæ, capilliveneris, melissophylli singul. m. ij. coquantur in aquæ lib. ix. dum ad quinque redeant. Colato adde sacchari albi lib. iij. percoquantur in syrupum expurgatum & clarum.

PLANTIVS.

Syrupum scolopendrij rectè & magno usu compositam huc retulit, quod nullus apud pharmacopæos extaret Veterum descriptione ad terrena melancholia præparatione accommodatus. Est autem Serum scolopendrium asplenium Dioscoridis, & officinarum ceterach.

SYRVPVS è radicibus lentam crassamque pituitam terget & extenuat præparatque. Iecoris omniumque viscerum obstructions soluit, tumoresque summittit, fœdos virginum colores expurgat, vrinas ciet, febres quæ agrè soluantur inueteratosque affectus finit. ℥. radicum apij, feniculi, petroselini, rusci & asparagi añ ℥ iij. radicum capparis & rubiæ añ ℥ ij. coquantur in lib. x. hydromelitis diluti dum redeant ad lib. vj. & cum sacchari lib. v. clarus fiat syrupus.

PLANTIVS.

Quum duo tradantur Syrupi è radicibus, vnus è duabus petroselini & feniculi, alter è quinque priorè consulto prætermisit Si parum efficacem & parum facilem si res postulet. posteriorem Si efficacem seruandum putauit, cui Si efficacior existeret, & ad plures affectus virilior, capparis & rubiæ radicem rectè adiecit. Acetum resegit quod plerumque sine eo desideretur: quodq; si res postuler facit et Syrupi acetosi portio præscribendo admisceri posuit, & interdum aliorum quoque permissione temperari.

SYRVPVS adiantinus moderato calore o-
mnem

innes æquabiliter humores quacunq̃ corporis
sint parte leuiter incidit atque deterget: cuius
incipienti morbo & cuius naturæ, ætati, regio-
ni, atque etiam prægnanti familiaris. ℞. adian-
ti albi m̃. iij. adianti nigri, adianti simplicis, laxi-
fragi, betonicæ, pimpinellæ, asplenij añ. m̃. iij. co-
quantur ex aquæ lib. viij. dum ad quinque rede-
ant. In expresso solue sacchari albi lib. iij. mellis
optimi expurgati lib. β.

P L A N T I V S.

Syrupi capillorum Veneris artificiosa descriptio quum
nulla exret, his stiliter hac inserta est: quæ lectissimorum
simplicium in Varios effusum substantiarum tempera-
mento coasspirantium delectu absolvitur. Vnde preparan-
tium Sympliciorum hic omnium maximè est à Vario & multi-
plici usu polychrestus, ad quorumcunq̃ partium, præci-
pue Verò thoracis, iecoris, lienis, renum & Vteri quosus af-
fectus, omni ætate & natura stilis. Sed & ipsius ea est præ-
rogatiua ut aluum in eius usu aliquādiu persuerant sol-
uat, & humores non solum præparet, sed præparatos etiam
exigat imprimisque crassam pituitam & bilem, quemad-
modum recentioribus medicis quibusdam & nobis ipsis
artis tractatibus operibus sepenumero obseruatum est, quem
quidem effectum pariter præstat quum adiantorum o-
minum decoctum, tum albi maximè: quamuis contra Dio-
scoriditer adatur aluum sistere. Ceterum aut Gel Succi passis
Gel glycyrrhizæ adiantis permiscet in Syrupum, ij. quam-
plurimorum affectuum alioqui communem, patetorum
proprium efficiunt, eiusq̃ arctant usum quādiu latissime a-
lias parentem: ac tenuandi & detergendi cum ipsius istorū
permissione obtundunt. Rectius itaque ex solo adiantorum
decocto Syrupum hunc conficerent, qui ceteri communis ma-
teria ipsis asseruaretur ad cuiuscunq̃ generis affusum, de-
inde quum res postularet peculiari decocto ad huius aut il-
lius partis affectus accommodarent: ad thoracis (exemplis
causa) passularum aut glycyrrhizæ decocto: ad iecoris, a-
grimony aut cichorij: ad lienis, asplenij aut amariscij: ad re-

Chronem-
burgius.

num, *Syrinas* aut *arenulas promouentium*. Ita enim decocto conueniens *Syrupi* *Sis communis partis* cuiusdam simul destinatur & augetur, qua in descripto *Syrupo* inest longe efficacissima.

HAE *syruporum* compositiones præparandis ad purgationem humoribus sunt aptæ. Nunc autem qui *syrupi* partium singularum expurgandis reliquiis conferant tradendum.

S Y R V P V S è *stœchade cerebri* atque *neruorum affectibus* frigidis, vt *paralyfi*, *epilepsiâ*, *conuulsioni*, *tremori* & *destillationi* è capite quouis procumbenti mirè conducit. ℥. *florum stœchados* ℥. *iiij.* *thymi*, *calaminthes*, *origani* añ ℥. *j.* *β. saluiæ*, *betonicæ*, *florum rorisuarini* añ ℥. *β.* *feminis rutæ*, *pæoniæ*, *feniculi* añ ℥. *iiij.* coquantur ex aquæ lib. *x.* ad dimidias, expressum ius cum *sacchari* & *mellis* singul. lib. duabus denud coquatur in *syrupum*. Condiatur *cinamomi*, *zinziberis*, *calami odorati* añ ℥. *ij.* quæ raro *linto* illigata in *syrupum* sint appensa.

PLANTIVS.

Syrupo è *stœchade* quod parum capitalis esset, alia quædam non præer rationem adiecit, *saluiam*, *betonicam*, *rosmarinum*, *semen rutæ*, *pæoniæ* & *feniculi*, *Sariis cerebri* & *neruorum affectibus* multum profutura. Alias non video quamobrem *capitis affectibus* destinari debeat hic *Syrupus*, quum *stœchas*, quæ primas in hac descriptione tenet estque velut basis *Syrupi*, veterum auctoritate *hepatica* sit potius aut *splenica* quam *cephalica*. Ad *viscerum* enim omnium obstructions imprimis commendatur, quas substantia tenui & ignea facile aperit, simulq; altera subadstringente terrea interiora omnia roborat. Ad condituram autem si *calamus aromaticus* deest, substituatur *nux moschata*, qua roborandis *cerebri* vim habet præcipuam.

S Y R V

S Y R V P V S rosarum siccarum calidos cerebri affectus temperat, sitim extinguit, ventriculum roborat, somnum conciliat, tenues defluxiones cohibet. ℞. aquæ simplicis lib. iiii. in qua tepida macera horis xxiiij. rosarum rubrarum arefactarum lib. j. In expresso solue sacchari albi lib. ij. coquatur in syrupi consistentiam.

P L A N T I V S.

Aridarum rosarum macerationem secundo & tertio plerique renovandam esse volunt, quo (ut ipsi arbitrantur) augetur vis Syrupi, & unica tamē efficax nō minus fuerit. Terna siquidem infusione longē copiosissimam aquam affundi necesse est, Veluti pro siccatarū rosarum lib. Sna aqua libras octo, alioquin multiplici maceratione vel exhauritur vel valida expressione nimium crassescet: sed & singulari infusione rosarum facultatis non minus combibet quā pluribus, quemadmodum in sale accidit aqua soluendo. In omni autem alius fluore & stilis est hic Syrupus confirmandis corroborandisq; partibus, & Viceribus agglutinandis blandēq; detergendis tum per se tum aliis excipiendis facultatis eiusdem.

S Y R V P V S nymphææ capitis ardores, phrenitides, vigiliasque compescit, & somnum conciliat, destillationum asperitates lenit. ℞. florum nymphææ recentium lib. β. florum violarum ℥ ij. foliorum lactucæ m. ij. seminis lactucæ, portulacæ & cucurbitæ añ ℥ β. coquantur in lib. iiii. aquæ dum tres superflint, expresso adde aquæ rosarum stillaticia lib. β. sacchari albi lib. iij. percoquantur in syrupum.

P L A N T I V S.

Syrupus nymphææ simplex omissus est & parum stilis: compositus descriptione Francisci Pedemontani propter semina quamplurima, acetum & succum granatorum, pro-

sius alienus est, & ad ea inutilis qua desiderantur. Quocirca iure hic alius descriptus est perfacilis & utilis ad ea qua inscriptione proponuntur. Alterius autem nymphaea qua flore est luteo & radice candida flores sunt hoc syrupo componendo praeferendi.

SYRUPVS de papauere eadem confertur quæ nymphaea, ac peculiariter molestam tuissim compescit & destillationes quæ fauces gutturque exasperant. ℥. capitum papaueris albi mediocriter maturorum & recentium ℥ viij. capitum papaueris nigri recentium ℥ vi. aquæ cœlestis lib. iij. coquantur ad medias, deinde adiectis sacchari & penidiorum añ ℥ viij. coquantur in syrupo consistentiam.

PLANTIVS,

In syrupo de papauere simplici minus inditum est capitum papaueris nigri, quod eius non aequè tuus sit atque albi & sus. Compositus autem Syrupus è papauere complura habens lenientia prætermisus idcirco est & ab usu reiectus, quod talis re exigente facile comparari possit, addito syrupo rubino aut violaceo.

DIACODION præterquam quodd somnum accersit, cerebri quoque destillationes quocunque irruant arceat, ventriculum firmat, dysenteriam aliâque alui profluuiâ sistit. ℥. capita papaueris albi tum magnitudine tum maturitate mediocria xij. num. aquæ cœlestis lib. ij. coquantur ad tertias,colato adde sapæ optimæ ad tertias coctæ ℥ iij. mellis optimi ℥ ij. Perfectè simul coquantur addendo sub finem rosarum rubrarum, balaustiorû, acaciæ, rhois culinarij tritorum añ ℥ ij. seminis portulacæ, corallij albi & rubri añ ℥ j.

PLAN.

PLANTIVS.

Diacodij reiectis quibusdam superuacuis & insuani-
bus in meliorem formam relatum est, aptam sistendis de-
stillationibus. In eundem usum Dioscorides capita papave-
ris in aqua ad dimidias per se decoquit, dein adiecto melle
& hypocistidis succo in eclegmatis consistentiâ redigit. Ca-
pita autem papaveris neque perquam viridia, neque etiam
ariditate exucca esse debent, sed quum viridi adhuc matu-
ritate sonare incipiunt ad compositionem decerpenda sunt,
propterea κρόκων & κρόκου Græcis dicuntur, id est strepen-
tia papaverum capitula. Compositio hæc præ nimia crassi-
tie quia insuavior quibusdam esse queat, & suo tempore po-
terit herdes decocto aut alio quouis accommodato dilui.
Quinetiam si vel cõciliandus somnus erit, vel ab acri & te-
nui fluxione exulcerationis periculum impendebit, ad eam
tum inhibendam tum etiam temperandam, recētis seminis
papaveris decocto, aut eiusdem cremore è decocto hordei
expresso. *Diacodij* vim augere licebit. Neque metuentum
est ne noxa ab his ulla corpori oriatur, licet quarto excessu
frigefacere tradantur ab auctoribus: quum tenera papa-
verum germina nationes pleraque olerum modo in cibis
adhibeant, & expresso è semine oleo vescantur semenz, i-
psam operibus dulcariis (si placentis & panibus) ad gustus
& saporis gratiam aspergant citra ulla omnino offensam
aut somnum grauiorem: quo utique modo Aegyptij sesa-
mino oleo & sesamo palati gratia utuntur. Ex qua consue-
tudine omnia dicta factaq; quasi papauere & sesamo spar-
sa pro eleganti dulciq; oratione dixit Petronius. Nam &
papaveris lacryma cœu liquor opium Græcè dictus, & suc-
cus è foliis & capitulis expressus meconium Græcis appel-
latus, non vnica, sed multiplici substantia constant, vna a-
que valde frigida, altera aëre temperata, & tertia calida
amara & odorata, illa in virentibus & teneris, in aridis hæ-
magis elucet. At verò opium vel potius meconium quod
ad nos conuehitur, adulteratum planè est & occulta quadã
si nobis innotum, ideoque minime vitendum, quacunque
id arte corrigatur. Quum enim opium ex lacte ipso capitum
papaveris syluatici cum maximo labore exiguum conficia-

tur, meconium vero sine molestia & abundanter exfoliatur, facile insitiores qui compendium & lucrum quarunt, opium adulterant, aut pro eo meconium ex Apulia aut Hispania comportant.

SYRUPVS violarum compositus acrem destillationem temperat, raucitatem, tussim grauem, & arteria asperitatem, pleuritimque lenit & sicim compescit. ℞. florum violarum recentium ℥ ij. seminis cydoniorum, seminis maluae añ ℥ j. zizipha, myxaria añ xx. num. decocti cucurbitae vel seminis eius lib. v. coquantur ad medias, & cum sacchari lib. ij. syrupus fiat.

PLANTIVS.

In composito hoc syrupo nihil est immutatum, quod arte compositus videretur, leniendo, refrigerando, humectando ad omnem arteria ardorem & asperitatem Stilis, sed & ardentem Urinam & nephreticum cruciatum demulcet, Viola autem herba & folia cocta maturandi cum habet: semen cholagogum est ad modum rheibarbarici: habetur & flore medio subcroceum quiddam, quo angina & puerili epilepsia succurri tradunt si cum aqua bibatur. Viola stlos & ex eo vna aut altera infusione simplex syrupus comparatus feruidos acresq; humores temperat, lenit atque subducit, idcircoq; in pleuritide Stilis: atram retorridamq; bilem & ab hac fuliginem domat, indeq; suscitata symptomatica capitis dolores, vigilias, insomnia consopit, & cordis tadia depellit: Calidiora siccioraq; medicamenta commodè leniendo frenat, ha. dotes cum magne sint. Syrupus ex violarum recentium diluto confectus, merito inter polychrestos censendus est. Hoc è fragrantibus Violis, aliquantulum in Umbra, & decet, siccatis, et aqua tepida maceratis expressum, cum primario saccharo si percoquatur in Syrupum, in annum & eo amplius citra rancorem illum aut corruptionem asseruari potest ad commemoratos vsus, ante & post corporis purgationem videtur. Frustra autem quidam tum Violaceo tum rosaceo syrupo conficiendo violarum & ro-

sarum

sarum macerationem nonies renouant, quam una & altera tertiade aut ad summum quarta infusione nihilo inefficaciores futuri sint, quemadmodum conficiendorum medicamentorum formula ad pharmacopæos ostensuri sumus. At Syrupus ē glycyrrhizæ parum necessarius visus est, quod parum sit efficax, quodque in Syropo de hyssopo sit comprehensus, neque tanta alioquin varietas quicquam conferat, sed confusionem potius tyronibus adferat.

SYRVPVS zizyphorum eadem quæ syrupus violarum & multò efficacius præstat: vterque morborum initiis aptus. ℞. zizypha lx. num. myxaria xx. num. florum violarum, adianti albi, hordei à cortice liberi, glycyrrhizæ añ ʒ vj. seminis malux, cydoniorum, seminis papaueris albi, melonum & lactucæ, tragacanthæ añ ʒ iij. Semina cydoniorum & malux & tragacantha linteo raro illigata cum cæteris coquantur in aquæ lib. v. ad medias, & cum sacchari albi lib. ij. percoquantur in syrupum.

SYRVPVS de hyssopo thoracis pulmonumque vitia tum calida tum frigida leniendo blandè ac leniter expurgat, sputum attenuando detergendoque concoquit faciliusque reddit: peripneumonix atque pleuritidi inualescenti & inclinanti aptus. ℞. hyssopi arefacti ʒ j. β. radicis polypodij quercini, feniculi, glycyrrhizæ, seminis carthami añ ʒ j. hordei expurgati, adianti albi añ ʒ β. pallularum purgatarum ʒ j. β. ficus siccas, palmulas pingues añ x. num. coquantur in aquæ lib. vj. ad dimidias, expressum cum mellis & sacchari añ lib. j. β. percoquatur in syrupum.

Syrupi de hyssopo descriptio eadem permansit, nisi quod pro radice apij substituta est radix polypodij, & pro radice petroselinii semen carthami, quae multo aptiora sunt & accommodatiora. Subtrahuntur quaedam lenientia, quae in syrupo Violato & Zizyphorum satis habentur, Et huic vis esset paulò detergentior.

SYRUPVS de prassio validissimè incidit, tenuat, detergit, expurgatque thoracis pulmonumque vitia: strenuè confert inueteratis affectibus ex crassa lentaque pituita, vt asthma, tussis veteri, empyemati: quinetiam peripneumoniae & pleuricidi iam inclinatae confert. ℞. prassij albi recentis ℥ ii. glycyrrhizae, polypodij quercini, radicum apij & tenticulian ℥ β. adianti-albi, hyssopi, origani, calaminthae, thymi, stoebeae, fatucae, tusilaginis añ ℥ vj. seminis anisi & bombacis añ ℥ iij. uuarum passarum expurgatarum ℥ ij. ficus passas pingues x. num. coquantur in lib. viij. hydromelitis diluti ad dimidias: expressum percoquatur in syrupum cum mellis & sacchari albi añ lib. ij. condiantur ℥ j. radicis iridis florentinae trita.

P L A N T I V S.

Syrupus de prassio Veteri descriptione Ioannis Mesuae ex tanta permixtione lenientium, detergentium, & incidendum confectus videtur, ut dici solet posuit in quos praecipuè usus referendus sit: quod & de aliis plerisque qui nulla methodo nullaque ratione ex variis vndeque authoribus cõgesti sunt, dici etiam potest. Quocirca cum propositi iam essent Syrupus Violarum & Zizyphorum pro humectantibus & abundè lenientibus, & Syrupus de hyssopo pro moderatè detergentibus, incidente & expurgante pectoris vitia, rationem optima hunc de prassio Syrupum summè incidentem atque detergentem.

tergentem esse voluit, & extremis & inueteratis mederetur affectibus: quem tamen quisquis volet superiorum permissione temperabit.

SYRVPVS symphyti tabidorum & vlceratorum pulmonum saniem & pus blandè ac leniter expurgat sine metu erupturi sanguinis, pulmonesque pariter corroborat. ℞. radicū & cymarum symphyti maioris & minoris añ. m̄. iij. rosarum rubrarum, betonicę, plantaginis, pimpinellę, polygoni, scabiosę, tussilaginis añ. m̄. ij. E tussis omnibus recentibus exprimatur succus, coquatur & expumetur ad lib. iij. addendoque sacchari albi lib. ij. β. syrupus fiat.

PLANTIVS.

Quòd Syrupus nullus & quā extaret aut esset in usu descriptus ad tabem purulentosq; pulmones, in tanta penuria hio & symphyto & scilis sanè & arte summa pręstituendus erat.

SYRVPVS è succo buglossi cor præcipuè corroborat & exhilarat, eiusque palpitationem & syncopen discutit, melancholicos & maniacos iuuat. ℞. succi buglossi defecati lib. iij. sacchari albi lib. ij. Percoquantur in syrupi consistentiam.

SYRVPVS è succo buglossi domestici & syrupus è succo violarum & syrupus è succo persicorum malorum omnes quidem cardiaci eadem ratione confici solent.

PLANTIVS.

In Syrupo buglossi tum sylvestris tum domestici & in Syrupo è succo violarum aut succo persicorum malorum aut è cortice citrij nihil immutandum fuerat. Ceterum magna fuit necessitas adiciendi syrapi melissophylli, quod nullus

in ſum Veniret qui cordis affectus & peſilentium Venenatorumq; morborum iniuriam propulſaret.

SYRVPVS è cortice citrij mali cor etiã quavis ex cauſa frigida torpeſcens aut palpitatione affectum excitat & exhilarat, mœſtitiãq; diſcutit. ℞. corticũ citriorum malorum recentium in aqua maceratorum & præparatorũ liß. j. coquantur in aquã lib. vj. dum duæ ſuperſint, & cum lib. iij. ſacchari albi ſyrupus fiat, condiatur q̃ue cum moſchi granis ſex.

SYRVPVS meliſſophylli omnium maxime cordis palpitationi & ſyncopæ ſuccurrit, peculiariſſime verò peſilentium & venenatorum morborum malignitatem obtundit & arcet. ℞. radicũ dictamni, pentaphylli, veronicæ & doronici romani añ ℥ ß. foliorum meliſſophylli, ſtæbes & morſus, florum bugloſſi vtriuſque & rorilmari ni añ. m̃. j. ſeminis oxalidis, citrij mali, feniculi, atractylidis (qui carduus dicitur benedictus) & ocimi añ ℥ iij. coquantur in aquã lib. iiij. ad dimidias: expreſſo adde ſacchari albi lib. iij. ſucci meliſſæ, aquæ roſarum añ lib. ß. Percoquantur in ſyrupum conditum cinamomi & ſantali citrini añ ℥ ß.

SYRVPVS è menta ventriculũ moderato calore iuuat lenique adſtrictione corroborat, concoctioni opitulatur, nauſeam, vomitum, ſingultum & henteriam ſedat. ℞. ſucci cydoniorum dulcium, ſucci cydoniorum acidodulcium, ſucci granatorum dulcium, ſucci granatorum acidorum, ſucci granatorum acidodulcium añ lib. j.

lib. j. β . in his permistis macera horis xxiiij. menta sicca lib. j. β . rosarum rubrarum \mathfrak{z} ij. coquantur ad medias: colatis adde sacchari albi lib. iiij. percoquantur in syrupum conditum \mathfrak{z} ij. galliæ moschatae linteo raro illigatae.

P L A N T I V S.

In Syropo de menta maiore nihil immutandum fuit, neq; ascribendus erat minor alter, & qui sub hoc comprehendatur. In Syropo absinthij nihil quoque immutandum.

SYRVPVS absinthij ventriculi reliquias vel expurgat vel absorbit, ex morbo conualescentibus appetentiam viuendumque colorem reddit. iecur infarctu liberat regiumque morbum discutit, ac omnia concoctionis instrumenta corroborat. \mathcal{L} . absinthij romani lib. β . rosarum rubrarum \mathfrak{z} ij. spicae nardi \mathfrak{z} ij. macerentur horis xxiiij. contusa in vini albi veteris ac odori & in succi cydoniorum añ lib. ij. β . coquantur igne leto ad medias & cum sacchari lib. ij. percoquantur in syrupi crassitudinem.

CYDONIORVM miua appellata vetriculum heparque roborat, concoctionem iuuat, appetentiam excitat, vomitum & lienteriam compescit. \mathcal{L} . succi cydoniorum defecati lib. vj. coquantur prunis lentis ad medias sensim expumando, dein affunde vini rubri veteris & optimi lib. iiij. sacchari albi lib. iiij. & denuo coquantur dum mellis consistentia crassescant, condiantur cinamomi \mathfrak{z} j. β . caryophyllorum & zinziberis añ ij. \mathfrak{D} .

P L A N T I V S.

Hæc miua cydoniorum media est inter simplicem & copositam, & Viriusque vires obtinet.

SYRVPVS myrtinus ventriculum & viscera corroborat, vetus alui profluuium, sanguinis omnem eruptionem omnemque cerebri destillationem sistit. ℞. baccarum myrti ℥ ij. β. santali albi, rhois culinarij, balaustiorum, baccarum oxyacanthæ, rosarum rubrarum añ ℥ j. β. mespilorum lib. β. contusa omnia coquantur in lib. viij. aquæ ad tertias: expresso adde succi cydoniorum & granatorum añ lib. ij. sacchari lib. v. coquatur vt artis est.

P L A N T I V S.

Syrupus myrtinus veterem retinet compositionem. Syrupus autem bizantinus quod omnium hepaticorum reliquias à purgatione valide expurget curationemq; complet, commode huc referri potest.

SYRVPVS fumariæ è sanguine falsos exustosque humores expurgat, pruritum, scabiem, impetiginem, lepram, omniaque cutis vitia emendat, maligna fistulosaque vlcera, cancerum & elephantiasim demulcet. ℞. endiuia, absinthij romani, lupuli, cassuthæ, scolopendrij veri añ. m. j. epithymi ℥ j. β. coquantur in lib. iiij. aquæ ad medias, colatis adde succi fumariæ expurgati lib. j. β. succi vtriusque buglossi añ lib. β. sacchari albi lib. iiij. coquatur syrupus bona consistentia.

P L A N T I V S.

Quia multa sint syrupi è fumo terra descriptiones, nullus sanè videtur hac vna conuenientior & vti facilius ad expurgandam omnem sanguinis impuritatem.

SYRVPVS è succo buglossi vtriusque, è succo vio-

co violarum, & syrupus melissophylli ad lienem quoque pertinent.

SYRVPVS è malis odoriferis tetros melancholia vapores infringit, pauores, mœrores, furoremque sedat & exhilarat. ℥. succi malorum acidodulcium fragrantium lib. iij. succorum violarum, buglossi domestici & syluestris, aquæ rosarum stillaticia añ lib. j. coque simul expuma & cola, deinde adde sacchari albi lib. vj. percoquantur in syrupum.

PLANTIVS.

Ridiculum videbatur syrupum è pomis habere tanquam pomarium simplex, nisi & aliq ad melancholiam vel atram bilem succi accedissent.

SYRVPVS althææ crassam obstruentemque renum pituitam & lentam purulentamque eorum saniem & arenulas blandè ac clementer expurgat citra manifestum calorem, urinæ præterea demulcet ardorem. ℥. radicum althææ ℥ ij. cicerum rubrorum ℥ j. radicum graminis & asparagi, glycyrrhizæ mundatæ, vuarum passarum expurgatarum añ ℥ β. cymarum althææ, maluar, helxines, pimpinellæ, plantaginis, adianti vtriusque añ. m. j. quatuor seminum frigidorum maiorum & minorum añ ℥ iij. coquantur ex aquæ lib. vj. dum quatuor supersint, cum sacchari albi lib. iij. percoquatur syrupus.

PLANTIVS.

Syrupus althææ cum nusquam descriptus haberetur, frequens tamen eius esset & usus ex cuiusque arbitrio, non aliter potuit nec vtilius ad eos qui propositi sunt affectus componi.

SYRVPVS raphani renes & vesicam validius expurgat, calculos cōminuit, arenulas exturbat, suppressam vrinam deducit. ℥. radicum raphani domestici & syluestris añ ℥ j. radicum saxifragi, rusci, leuistici, eryngij, anonis, petroselini & feniculi añ ℥ β. foliorum betonicae, pimpinellae, pulegij, cymarum vrticae, nasturtij, crichmi, callitrichi añ. m̄. j. fructus halicacabi, zizypha añ xx. num. seminis ocimi, bardanae, petroselini macedonici, seselios, carui, dauci, lithospermi, corticum radiceis lauri añ ℥ ij. vuarum passerum expurgatarum, glycyrrhizae añ ℥ vj. coquantur quo decet ordine in aquae lib. x. dum sex supersint, e quibus cum sacchari lib. iiii. & mellis expumati lib. ij. syrupus fiat clarus & conditus ℥ j. cinamomi & ℥ β. nucis moschatae.

PLANTIVS.

Quod Syrupus nullus descriptus inueniatur ad renū calculos & arenulas exturbandas, magno certē & sub hic ē raphano substituendus erat, qui aptē & conuenienter ex iis componitur, quibus summa & is est comminuendi calculos, aliis quibusdam interiectis lenientibus atque detergentibus.

SYRVPVS artemisiae suppressos aut parcius fluentes menses potenter mouet, quod syrupus adiantinus & hyssopi moderatiū efficiunt, vteri strangularatus & subuersiones sedat. ℥. artemisiae m̄. ij. radicum iridis, helenij, rubiae, praenariae, libistici, feniculi añ ℥ β. pulegij, origani, calaminthes, nepitae, melilophylli, sabiniae, lampuchi, hyssopi, prassij, chamaedryos, chamaepityos, hyperici, parthenij, betonicae añ. m̄. j. seminis anisi, petroselini, feniculi, ocimi, dauci, rutae, nigellae

nigellæ añ ʒ iij. Contusa macerentur horis xxiiij.
in hydromelitis lib. viij. coquatur ad lib. v. & cum
sacchari lib. v. percoquantur in syrupum condi-
tum cinamomi ʒ j. & spicæ ʒ iij.

PLANTIVS.

*In syrupo ex artemisia quod multa continerentur & teri-
nis affectibus parum apta & inconsideratè confusa, nō pau-
ca qua aut non suppetunt nobis, aut quorum vis coquendo
exolescit, ea ut superuacua aut incommoda auctor subtra-
xit, is solum derelictis qua præcipua sunt & optima.*

PVRGANTES COM-
POSITIONES.

MEDICAMENTA quæ ad purgandos hu-
mores comparantur, tametsi in formas a-
ptantur varias, in vnum tamen locum omnia re-
ferre expedit, ita quidem ordine à mitioribus in-
stituto.

ELECTARIVM è prunis summè leniens, ob-
duratam aluum molliens, varios humores blan-
dè ac leniter expurgans, per vehementes cœli æ-
stus, in febrium ardore, in siti, omni ætati utilis.

℞. radicum althææ, polypodij è quercu, pas-
sarum expurgatarum añ ʒ ij,

glycyrrhizæ mundatæ, seminis cnici añ ʒ j,

maluæ, violæ, helxines, mercurialis añ. m. ij,

coquantur in lib. x. aquæ dum ad sex redeant:
in colati dimidio percoquantur.

pruna dulcia, zizypha, mixaria añ xx. num. fi-
cus passæ pingues x. num.

deinde pulpa cribro transmittatur, in altero

Zz

colati dimidio bulliant foliorū sennæ mundatorū lib. j. β, expressumque hoc pulpæ permisceatur cū sacchari & mellis expumati añ lib. β. rursum coquantur ad electarij consistentiam, sub finem inspergendo cinamomi tenuissimè triti ꝓ j. zinziberis ꝓ iij. doses ꝓ j. Tota compositio est lib. iij. doses autem sunt circiter xxviiij. aut xxx.

ELECTARIUM è prunis solidū eadem præstans.

℞. pruna dulcia num. x.
maluæ, violæ, mercurialis, helxines añ. m. j.
polypodij è quercu, seminis carthami, radici
althææ, passarū purgatarum, glycyrrhizæ añ ꝓ β,
foliorum sennæ mundatorum ꝓ x.

coquantur ex aquæ lib. v. dum duæ supersint,
deinde torculari expressis adde sacchari rubri lib.
j. β. coquantur rursum igne lento in electarij soli
di consistentiam, asperso sub finem puluere ele
ctarij aromatici rosati maioris ad ꝓ iij,
concinnentur tabellæ pondere ꝓ β. Tota cō
positio est ꝓ circiter xx. doses circiter xxx.

Vtrumque compositum fiet atque validius è
locis distantioribus omnes humores, præsertim
verò bilem vtramque expurgabit hoc modo,

℞. electarij è prunis simplicis recentis & ad
huc calētis lib. j. in quo dissolue diadactydij ꝓ iij,
Dosis à ꝓ iij. ad ꝓ β. In lib. j. compositionis
doses sunt circiter xxxij.

Plantj scholia in purgantes compositiones.

*Vt syrups, ita & purgantium medicamentorum compo
sitiones vndique arte nulla depromptæ sunt, & in medica
mentarios codices relata, Et idcirco duas tres &c. aut plures
depre-*

deprehendere liceat effectibus planè consimiles, nec aptè ad curandos affectus accommodatas. Quo fit Et non abs re author purgantium compositiones multū immutauerit, ut ad singula conueniens quiddam & stile proferret. Quantum autem posteriores ista à primis nomina sortita, à vetustioribus distent, quantumq; propositis affectibus magis conueniant, unusquisq; simplicium viribus aestimatis facile intel- liget. Diaprunorum simplex cum compositum à Nicolao descriptū cum maximè refrigerare debeat & febribus conuenire, aromata plurima continet calidissima, quæ etiam in composito scammonij acrimoniam exasperant.

CATHOLICVM simplex omnes æquabiliter humores blandè ac leniter è quauis corporis particula deducit & expurgat, siue cum febre siue sine febre, nec pueris, nec senibus, nec pręgnantibus insensum.

℞. radicū helenij, buglossi, cichorij, althææ, polypodij quercini, seminis cnici contusorum añ ʒ ij,
 itæchados, hyssopi, melissophylli, eupatorij veri, asplenij, betonicæ, artemisiæ añ m̄. ij,
 vuarum passarum expurgatarum ʒ iij,
 quatuor seminum frigidorum maiorum, seminis anisi, glycyrrhiæ añ ʒ iij,
 coquantur omnia ex arte in lib. x. hydromelitis dum vij. supersint. In colato iure macera horis xij. foliorum sennæ mundatorum lib. j. β,
 agarici albi lib. β, zinziberis ʒ j. aliquantum bulliant & in expresso liquore dissolue pulpæ myxariorum lib. β,
 foliorum sennæ mundatorum tenuissimè tritorum ʒ iijj, syrupi infusionis rosarum pallidarum lib. j.

mellis optimi expumati lib. ij. percoquantur
igne lento in mellis temperaturam, inspergendo
sub finem rheibarbati electi & cinamomi electi
añ ʒj,

santali citrini ʒ ʒ,
nucis moschata ʒ ij. Dosis est ʒ j. Tota com-
positio existit lib. iij. Doses sunt circiter quin-
quaginta.

PLANTIVS.

Catholicum hoc Serè dici potest, quòd medicamenta omnes humores purgantia & partibus singulis interioribus præsertim familiaria contineat. Blandè autem atque clementer purgans, ab extremis summisq; partibus nihil aut minimum detrahit: catholicum Serò maius id valide & efficaciter præstat, cuius compositio ex omni pharmacorum genere constat, quæ tum è propinquis tum è distantioribus sedibus trahunt, aptè confusis atque repressis. In catholico autè Veteri malè coquitur rheubarbarum & cassia, quæ cum thamarindis acescit, ac totam ferè cõpositionem corrumpit.

CATHOLICVM maius omnes quoque humores promiscuè trahit, id quæ validius non è vicinis tantum, sed & è distantioribus sedibus citra corporis perturbationem aut virium iacturam.

℞. quatuor seminum frigidorum maiorum mundatorum, seminis papaveris albi añ ʒj,

tragacanthæ ʒ iij,

rosarum rubrarum, santali citrini, cinamomi añ ʒ ij,

zinziberis ʒ j,

rheibarbati selecti, diadacrydij añ ʒ ʒ,

agarici, turpethi añ ʒ vj,

sacchari albi soluti in aqua rosarum in qua ʒ ij,
foliorum sennæ incoctæ sint lib. j.

con-

concinnentur tabellæ ponderis ʒ iij. Dosis tabella vna. Tota compositio est lib. j. β. Doses autem circiter quinquaginta.

SYRVPVS infusionis rosarum pallidarum, tenem bilem serososque humores è primis visceribus nullo labore detrahit, morbis leuioribus, pueris, senibus & imbecillis aptus.

℞. aquæ infusionis rosarum pallidarum lib. v, sacchari expurgati lib. iij. coquantur igne lento in syrupi temperationem, macerantur autem rosarum pallidarum recentium lib. duæ in aqua tepida lib. vj. horis xij. operculato vase: rosæ deinde eximuntur exprimunturque, his recentes aliæ similiter substituuntur, hisque abiectis aliæ tertio, quarto, octauo etiam atque nono, dum facultatis plurimum liquor ebiberit, in quo saccharum soluetur, neque profectò ex contusis rosis, neque ex earum succo perinde efficax syrupus fuerit. E persicorum floribus aqua, vt dixi, maceratis syrupus quoque fit, qui similiter bilè aqua, quæ ducit & vermes enecat.

PLANTIVS.

Syrupus rosarum pallidarum, electarium è succo rosarum & diacydonion veterem componendi rationem retinent, non admodum manifesta mutatione. At in electario diacarthami, quod manna granata, mellis rosati & sacchari geminati adiectio compositionis rationem solidam peruerteret, hic rectè est suppressa.

ELECTARIVM è succo rosarum bilem ac tenues aquososque humores validè & è distantioribus locis prælicit: his vtile ac tutum qui ar-

ticulari morbo laborant, nec admodum vehementi febre iactantur.

℞. succi rosarum siccarum recentium, sacchari albi añ lib. j. β. coquantur in electarium solidum igne lento.

Insperge sub finem trium santalorum, mastiches, cinamomi exquisitè tritorum añ ʒ ij.

diadacrydij ʒ j. β.

caphuræ ʒ β. concinnentur tabellæ ponderis ʒ ij. β. Dosis tabella vna. Tota compositio est ʒ xxij. doses autem sunt circiter septuaginta.

DIACYDONIΩN eadem quæ electarium è succo rosarum aliquantò moderatius atque facilius efficit.

℞. pulpæ cydoniorum expurgatæ, coctæ & cribro transmissæ lib. j. β.

succi cydoniorum lib. β.

sacchari albi ss. lib. ij.

coquantur in mellis crassitiem, inspergendo sub finem cinamomi triti ʒ j.

zinziberis, maceris, caryophyllorum añ ʒ ij.

diadacrydij ʒ ij. Dosis à ʒ iij. ad ʒ β. Tota compositio est lib. iij. doses autè circiter nonaginta.

ELECTARIUM diacnicu pituitam serofosque humores, atque etiam bilem è distantissimis euocat atque ducit: peculiariter capitis, nervorum articulorumque doloribus benefacit.

℞. pulueris electarij diatragacanthi frigidi, medullæ seminis cnici, hermodactylorū añ ʒ β.

rosarum rubrarum, succi glycyrrhizæ, cinamomi añ ʒ ij.

turpe-

turpethi ℥ j,
 diadacrydij ℥ β,
 sacchari albi aqua rosarum soluti lib. j.
 concinnentur tabellæ ponderis ℥ iij. β. Dosis
 tabella vna.

DIAPHOENICON bilem crudamque pituitam atque etiam lentam clementer expurgat, compositis ac etiam diuturnis febribus & morbis ex cruditate ortis, & colico flatulentoque dolori aptum.

℥. pulpæ palmularum mundatarum ex hydromelite coctæ & cribro cretæ, penidiorum recentium añ lib. β,

amygdalarum expurgatarum ℥ iij. β. Con-
 tufis & permistis omnibus adde mellis expumati
 lib. ij,

Paulum coquantur ac deinde insperge zinzi-
 beris, piperis, maceris, cinamomi, foliorum rutæ
 siccorum, seminis feniculi & dauci añ ℥ ij,

turpethi tenuissimè triti ℥ iij,

diadacrydij ℥ j. β. Dosis est ℥ iij. ad ℥ β. To-
 ta compositio est ferè lib. iij. doles autem insunt
 centum & circiter triginta.

PLANTIVS.

*In diaphœnico palmula hic rectè macerantur & coquun-
 tur in hydromelite, quòd vetus infusio qua triduo in aceto
 fieri precipiebatur, horrendum saporem præ se ferat. Sub-
 tracta quoque sunt nonnulla & leuistici semen, pinei nu-
 clei, galanga, xyloaloe, quòd nimium multa inessent facul-
 tatis eiusdem, aut àque est palmularum, penidiorum & a-
 liorum miriorum quantitas, & inde compositio tota & suua-
 nior & facilius existat.*

BENEDICTA crassos pituitososque humores atque etiam serosos à parte euocat, calculi materiam reuellit, ipsosque calculos exturbat & nephriticum dolorem lenit, frigida naturæ frigidoque cœlo apta.

℞. turpethi ℥ x,
diadacrydij, hermodactylorum, rosarum rubrarum añ ℥ v,

caryophyllorum, zinziberis, saxifragi, seminis apij, salis gemmei, galanga, maceris, carui, feniculi, acinorum asparagi & rusci, seminis milij solis, quatuor seminum frigidorum maiorum, glycyrrhizæ añ ℥ j,

mellis optimi expumati lib. j. β. conficiantur ex arte.

Dosis à ℥ iij. ad ℥ β. Totæ compositio est ferè lib. ij. doses autem insunt circiter quinquaginta.

PLANTIVS.

Ex benedicta quòd multò calidior videretur, nec & sufficiens nec propter febrem tuta, optima ratione author subtraxit spicam nardi, macropiper, cardamomum & crocum, atque pro his substituit quatuor semina frigida maiora, & glycyrrhizam.

CONFECTIO Hamech bilem atram ac rectorridam salsamque pituitam detrahit, mania, pforæ, lepræ, impetiginis, cancri & elephantiasis peculiare subsidium.

℞. corticis myrobalanorum citrearum ℥ ij, cepularum & nigrarum violarum, colocynthidis, polypodij quercini añ ℥ j. β, absinthij, thymi añ ℥ β, anisi, feniculi, rosarum rubrarum añ ℥ iij.

Tusa

Tusa omnia macerentur in feri lactis lib. ij. deinde coquantur ad lib. j. fricentur manibus & exprimantur.

Colatis adde succi fumarie, pulpæ prunorum & vuarum passarum añ lib. ß,

sacchari albi, mellis expumati añ lib. j.

coquantur ad mellis crassitiem, inspergendo sub finem agarici, sennæ tritorum añ ζ ij,

rheibarbari triti ζ j. ß,

epithymi ζ j,

diadacrydij ζ vj,

cinamomi ζ ß,

zinziberis ζ ij,

feminis fumarie & anisi, spicæ nardi añ ζ j, dosis à ζ iij. ad ζ ß. Tota compositio est lib. iij. & ζ viij. doses vero insunt circiter octoginta.

PLANTIVS.

In confectioe Hamech frustra myrobalani geminantur in decocto primum, deinde rursum triti impositi. Rheibarbari cocti vis perit, cassia & manna cum thamarindis cocta corrumpuntur, scammonij cocti vis exolefcit nec facile aliis permiscetur. Quocirca aptior multò atque utilior & usu facilior est ea confectio quâ hic nobis auctor expressit. Hæ compositiones omnium optimæ sunt ac tutissimæ, quod in iis turpethi & scammonij acrimonia atque feruor pulchre retundatur permixtione vel pulpæ prunorum atque vuarum passarum, vel hermodactylis & amygdalis, vel rosis earumq; succo vel myrobalanis. Aliæ quædam extant non aque tute & electarium indum, virunque electarium elechos, electarium de psyllio & diaturbith, in quibus scammonij & validiorum acrimonia minimè retunditur: imò potius calidorum societate exacuitur. Adde quòd nihil ea contineant aut prestare possint quod non alia hic descripta feliciter efficiant. Quocirca ad omnium affectuum causas summonendas satis ea possunt conducere.

HIERA simplex bilem pituitamque ventriculo, intestinis, hypochondriis & mesenterij venis impactam expurgans, validèque infarctu liberans, morbis omnibus ex cruditate & ex venarum obstructione genitis blandè succurrit.

℥. cinamomi, maceris, asari, spicæ nardi, croci, mastiches, añ ʒ vj,

aloës non lotæ ʒ centum siue lib. j. & ʒ ß, mellis optimi expumati lib. iiij.

Conficiantur vt artis est. Datur puluis solus à ʒ ij. ad ʒ iiij. melle verò exceptus ab ʒ j. ad ʒ j. ß.

HIERA diacolocynthidos quæ vna vice fuerit omnium à veteribus descriptarum, crassos lentosque humores præcipuè verò bilem atram & aquas citrinas tutò ac clementer expurgans: eximie confert paralyti, tremori, conuulsioni, arthritidi, inueteratisque nervorum affectibus atque etiam hydropi, deinde melancholiæ, mania, epilepsiæ, psoræ, lepræ, maligno vlceri, cancro & elephantiasi, qui affectus leniora aspernantur pharmaca.

℥. stœchados, marrubij, chamædryos, hyperici, scyllæ assatæ, polij, calaminthes montanæ, cinamomi, spicæ nardi, epithymi, polypodij quercini aridi, quatuor seminum frigidorum maiorum mundatorum añ ʒ j. ß,

pulpæ colocynthidis, scammonij, ellebori nigri præparatorum añ ʒ ij,

euphorbij præparati, aloës, myrrhæ, ammoniaci, opopanacis, sagapeni, castorij añ ʒ j,

mellis cocti in succo cydoniorum & expumati lib. j.

lib. j. conficiantur ex arte, dantur ℥ iij.

Colocynthis, scammonium, elleborus niger & euphorbium trita fricetur cum oleo amygdalarum dulcium, ac deinde macerentur biduum in mucilagine tragacanthæ & gummi arabici deprompta ex aqua rosarum dum mucilaginem totam ebiberint.

PLANTIVS.

Hiera simplicis vetus compositio permansit, neque quicquam mutandum fuit præter xylobalsamum, quod minime suppetit nobis. Compositiones multa ex validioribus constant pharmacis, alia quidem ex scammonio & electarium est prunis, diacydoniis, & electarium est succo rosarum: alia præterea turpethum habent & diaphanicos, alia cum his hermodactylos & diacnicis & benedicta: alia colocynthidem & confectio Hamechi: alia insuper elleborum nigrum & euphorbium, ut hiera diacolocynthidos, qua quorundam affectuum sed admodum raro peculiaris est. Ex quo intelligi potest nullum simplex medicamentum purgans in usum venire, à quo non aliqua ex ter compositio, & idcirco non alia plures videantur expetende.

HYDRAGOGVM minus hydropicorum aquas clementer & citra offensionem deducens, pueris, senibus, imbecillis atque prægnati tutum, siue febris vlla sit siue nulla.

℥. succi rosarum pallidarum lib. β,
 sacchari albi, mellis optimi añ ℥ xv.
 coquantur dum expumauerint & crassescant,
 ac tum adde succi radices ebuli lib. j,
 prassij ficci, seminis feniculi tritorum añ ℥ ij. a-
 cinorū ebuli & sambuci añ ℥ ij. cinamomi ℥ vj,
 maceris, galangæ añ ℥ iij. igne lēto percoquan-
 tur in mellis crassitiem, datur ℥ β. ex sero lactis

aut ex decocto hordei aut vuarum passarum. Efficacius reddetur adiecta elaterij \mathfrak{z} β , aut radices cucumeris agrestis arefactæ ac tritæ \mathfrak{z} vj , aut succi radices iridis nostratis lib. β .

HYDRAGOGVM maius ex laureola, aquas potenter detrahens,

\mathcal{L} . feri lactis lib. ij ,
sacchari albi, carnis cydoniorum ex aceto coctorum añ \mathfrak{z} x . mannæ calabrinæ \mathfrak{z} v .

coquantur igne lento in mellis crassitiem: sub finem adijce foliorum laureolæ præparatorum ex aceto & oleo amygdalarum dulcium \mathfrak{z} ij . Datur \mathfrak{z} β .

Præparandiratio hæc est: foliorum laureolæ \mathfrak{z} ij . macera horis xxiij . in aceto mali punici vel portulacæ: modicè coquantur, exprimantur, siccantur atque terantur, deinde affunde aquæ rosarum lib. β ,

olei amygdalarum dulcium \mathfrak{z} j . β . bulliant rursus dum absumpta sit aqua, & pulvis superstiti oleo mixtus in compositionem addendus.

PLANTIVS.

Ne quid illo modo deesset, his postremo loco compositiones adiecit ad detrahendas hydropicorum aquas, has tametsi valentiora pharmaca præsertim scammonium & euphorbiū expurgent, peculiare tamen compositiones ex his constare soluit, quibus ad aquas suis propria & familiaris est. Vna mitior est, altera vehementior ex laureola foliū, quæ nondum in compositionem illam relata fuerat. Quam appositè autem eiusmodi compositiones ad aquas detrahendas instituta sint, quivis è simplicium permissione cōsiciet.

VNGVENTVM è lathyride aluum molli ac subdu-

subducit, & potenter hydropicorum aquas detrahens, distentum abdomen remittit. Eas autem infernè & ab aluo ducit, si umbilicus, imus venter, inguina, femoræque oblinantur: superne verò atque vomitione, si ventriculus attingatur.

℞. succilathyridis lib. β,

succi esulæ ℥ iiij.

In quibus dissolue radices cyclamini ℥ ij,

scammonij ℥ β,

granorum ricini & lathyridis expurgatorum añ ℥ j. β,

feminum feniculi, rutæ & anethi, baccarum lauri añ ℥ j. Trita omnia macerentur in succis diem vnum.

Postea axungia ℥ viij. & cera ℥ iiij. liquefiant, in hisque sensim omnia dissoluantur, & igne non acri coquantur, dum totus absumptus sit humor, & omnia in vnguenti temperaturam coëant.

Si eadem materia ex olei ℥ xv. coquatur ad totius liquoris consumptionem, expressum oleum easdem quoque vires nanciscetur.

Vnguento præterea si vel gummi ammoniacum, vel cera concorporetur in emplastri consistentiam, aquas quoque id impositum sed ignavius promouebit.

ELECTARIUM diasaru omnis generis humores circum ventriculum & præcordia exuperantes vomitione ducit, non continuato sed ex intervallis facto impetu: seni atque prægnanti tutum ac facile.

℞. syrupi mentæ & violarum añ ʒ viij. coquantur in mellis crassitiem.

Sub finem subducto igne insperge radices peponis arefactæ, seminum raphani & vriticæ maceratorum in aqua rosarum & arefactorum & tritorum añ ʒ j,

radicis alari contritæ & cretæ ʒ ij,
cinamomi, seminis feniculi añ ʒ iij. confice in electarium liquidum.

Dantur ʒ iij. ex aqua hordei vel ex mulsa vel ex fero lactis.

PLANTIVS.

Magnas rei medica suppetias tulisse auctor videtur his postremis compositionibus, & ea præsertim qua ad ciendam vomitionem destinatur: quòd nulla squam extaret, qua tutò nobis liceret humores sursum purgare, cum sit tamen ea sacuatio ad multorum morborum curationem in primis necessaria.

QVA ratione electaria tum liquida tum solida, eadem & nunc pilullas ad omne tum morborum tum causarum genus accommodemus.

PILVLLAE è hiera simplici fiunt è ʒ j. pulueris cum melle rosato subacti.

PILVLLAE stomachicæ quæ cibo præmissæ ventriculum expurgant, concoctionem iuuant, cibum deducunt, aluúmque blandè exonerant.

℞. aloës ʒ vj,
mastiches, rosarum rubratum añ ʒ ij. cum syrupo rosato vel absinthij cogantur in massam.

PLANTIVS.

Pilullarum stomachicarum cum sex descriptiones existant.

Plant, omnes hac vna dempra stomacho sunt aduersissima, nec cibo pramitti possunt, quòd vel scammonium vel turperhum contineant, quibus corpus vniuersum precipueq; Ventriculum conturbatur.

PILVLLAE ruffi quæ & communes appellantur, crebro vsu concoctionem iuuant, nec cibum corrumpi sinunt, humores atque corpus à putredine vindicant, qua ratione aduersus pestiferæ luis contagia mirificè profunt.

℞. aloës optimæ \mathfrak{z} ij,
myrrhæ electæ, croci synceriañ \mathfrak{z} j. excipiantur vino aromatico.

PLANTIVS.

A pilulis qua ex sola constant aloë compositiones sensim deducens ac veluti coagmentans, alias is deinde subiecit qua ex aloë & rheobarbaro, mox ex aloë & agarico componuntur: postea qua ex agarico, aloë & rheobarbaro, ab his alias ex aloë, agarico, & rheobarbaro & senna: quibus demum pilullas sine quibus subiunxit, in quibus præter ea quatuor scammonij vis atque infusio magis quàm substantia continetur, ex his autem myrobalanorum portionem subtrahit, quòd re vera nimium multa cum aliis etiam adstringentibus inesset.

PILVLLAE assaieret quòd plus aloës quàm quæ hiera contineant, efficaciores quoque existunt.

℞. pulueris hieræ simplicis \mathfrak{z} j,
aloës \mathfrak{z} ij,
mastiches, myrobalanorum citrearum añ \mathfrak{z} β,
cum syrupo è stœchade cogantur in massam.

PILVLLAE de eupatorio bilē leniter expurgant, & iecur infarctu liberant corroborantque,

præstantiores quàm quæ è rheobarbaro inscribuntur.

℞. succi eupatorii, succi absinthij, myrobalanorum citrearum añ ʒ iij,
rheubarbari electi ʒ iij. β,
mastiches ʒ j,
croci ʒ β,
aloës ʒ v,
succu endiuia quantum satis fuerit vt cogantur in massam.

PILVLLÆ mastichinæ quòd agaricum continent validius bilem crassamque pituitam expurgant quàm quæ ex sola aloë constant.

℞. mastiches ʒ ij,
aloës ʒ iij,
agarici trochiscati, pulueris hieræ simplicis añ ʒ j. β. cum vino maluatico cogantur in massam.

PILVLLÆ ex tribus, constant ex iisdem addendo rheubarbari selecti ʒ ij,
cinamomi ʒ β. cū syrupo è cichorio fit massa.

PILVLLÆ imperiales clementer ac moderate omnes humores è visceribus expurgant, ea pariter corroborant, infarctu liberant, omniumque nutrientium partium concoctionem iuuant.

℞. aloës optimæ ʒ ij,
rheubarbari electi ʒ j. β,
agarici trochiscati, toliorum fennæ mundatorum añ ʒ j,
cinamomi ʒ iij,
zinziberis ʒ ij,

nucis

nucis moschatae, caryophyllorum, spicae nardi, mastiches an. \mathfrak{z} j. cum syrupo violato subacta cogantur in massam.

PILVLLÆ sine quibus esse nolo, bilem, pituitam & melancholiam vndique sed præcipue ex capite, oculis & sensibus detrahunt, oculorum suffusiones minuunt, & visum cōseruant, aurium dolores tinnitumque tollunt.

\mathcal{R} . aloës optimæ \mathfrak{z} xiiij.

myrobalanorum citrinarum cepularum & indarum, rheibarbary, mastiches, absinthij, rosarum, violarum, sennæ, agarici, cassuthæ an. \mathfrak{z} j,

scammonij \mathfrak{z} vj. β . Scammonium solvatur succo feniculi quātum sufficit, traiciaturque per pannum, eoque liquore pulveres tenuissimi excipiantur in massam.

PILVLLÆ è fumaria biliosos humores, acres quoque & salios extrahunt, cutis vitia emendant.

\mathcal{R} . myrobalanorum citrearum, cepularum & indarum an. \mathfrak{z} v,

diadacrydij \mathfrak{z} v,

aloës \mathfrak{z} vij. Trita omnia ter imbuantur succo fumarie terque siccari sinantur, ac demum cogantur in massam.

PILVLLÆ aureæ iis quidem propter colocynthidem validiores, caput & sensus oculosque præsertim expurgant, hisque aciem restitunt, biliosos pariterque pituitosos humores detrahunt.

℞. aloës, diadacrydij an. drach. v,
rosarum rubrarum, seminis apij an. drach. ij. ℞,
seminis anisi & feniculi, mastiches añ ʒ j. ℞,
croci, pulpæ colocynthidos an. drach. j, mucilaginis gummi tragacanthę quantum satis est: singatur massa.

PILVLLÆ de agarico pituitam lentosque humores vndique, præsertim verò è capite & è thorace potenter ducunt, destillationi & asthmati peculiares.

℞. agarici, mastiches an. drach. iij,
radicis iridis, prassij an. drach. j,
turpethi drach. v,
pulveris hieræ pieræ ʒ. ℞,
pulpæ colocynthidos, sarcocollæ an. drach. ij,
myrrhæ drach. j, sapæ quantum satis est ut coquantur in massam.

P L A N T I V S.

In pilulis ex agarico congesta sunt præstantissima quæque ad crassam pituitam tum è vicinis, tum è distantiorebus partibus detrahendam. In quarum compositione nihil prorsus immutandum fuit.

PILVLLÆ cocciæ bilem quidem, sed pituitam crassam validius vndique purgant, peculiari-ter tamen è cerebro atque nervis, quorum præcipuè morbis medentur.

℞. pulveris hieræ simplicis drach. x,
pulpæ colocynthidis drach. iij, & ʒ j,
diadacrydij drach. ij. ℞,
turpethi, stœchados an. drach. v. cum syrupo è stœchade massa concinetur.

P L A N.

Pilulle coccialicet bilem pituitamq; valide purgent, non tamen omnes pariter humores perinde atque haec quae polychresta & Sulyò aggregatiua maiores vocantur, quarum compositio nihil à veterè distat, nisi quòd pro ratione ponderum transposita quaedam sunt simplicia. Harum autem compositio multò conuenientior est quàm pilularum de octo rebus & quàm pilularum de quinque generibus myrobalanorum, quae tamen eadem pharmaca comprehendunt. Harum igitur descriptiones hic iure praetermissae videntur. Praetermissa quoq; & descriptio pilularum de colocynthide, quòd sub istis contineri videantur: quemadmodum & pilulae de euphorbio sub pilulis de hermodactylis.

PILVLLÆ ex hermodactylis crassos humores simulque serofos potenter ab extremis partibus praesertim ab articularibus euellunt, cerebri, neruorum articularumque frigidis morbis familiares.
℞. hermodactylorum, aloës, myrobalanorum citrinarum, turpethi, colocynthidis, bdellij mollis, sagapeni an. ʒvj,
castorij, sarcocollæ, opopanacis, feminis rutæ agrestis & apij an. ʒiij,
croci ʒj. ℞,
succu braslicæ quantum satis fuerit ad massam conformandam.

PLANTIVS.

Pilulle ex hermodactylis veterem compositionem retinent solaq; satis sunt ad veteres articularum dolores: efficaciores in id quàm quae arthritica vocantur, & ruitiores quàm quae feride aut de opopanace aut de sagapeno aut de sarcocolla, & ideo huiusmodi harum descriptione minime fuerit opus.

PILVLLÆ polychrestæ ad capitis, ventriculi, hepatis, aliorumque viscerum varios & impli-

citos affectus: ex his enim pituitam & bilem vtramque purgant.

\mathcal{L} . myrobalanorum citrearum, rheibarbari añ $\frac{3}{4}$ β,

lucci eupatorij, succi absinthij, myrobalanorum cepularum & indarum, agarici, colocynthidis, polypodij añ $\frac{3}{4}$ ij,

diadacrydij, turpethi, aloës añ $\frac{3}{4}$ vj,

mastiches, rosarum rubrarum, salis gemmei, epithymi, anisi, zinziberis añ $\frac{3}{4}$ j. confice cum syrupo rosarum. dantur à \mathfrak{D} ij. ad $\frac{3}{4}$ j.

PILVILLÆ è lapide cyano bilem atram crassamque pituitam eximiè purgant, ad melancholiam, mœstitiam & furorem, ad cancrû & elephasiafm, ad alphas nigros idque in primis viles.

\mathcal{L} . lapidis cyanæi abluti $\frac{3}{4}$ vj,

epithymi, polypodij añ $\frac{3}{4}$ viij,

diadacrydij, ellebori nigri, salis indi añ $\frac{3}{4}$ ij. β,

agarici $\frac{3}{4}$ viij,

caryophyllorum, anisi, añ $\frac{3}{4}$ iiij,

pulueris hieræ pictæ simplicis $\frac{3}{4}$ xv. cum succo intubi seu endiuia massa fingatur.

PLANTIVS.

Pilulla è lapide cyano propter elleborum nigrum & surpata & stratiore sunt quam pilulla inde qua elleborum quoque cormen. Eas idcirco descripsit alij prætermisit, & efficaciores quoque ad melancholicos affectus quam pilulla è lapide armeno, quas eadem ex causa prætermisit.

PILVILLÆ è thymelæa serosos humores & hydropicorum aquas strenuè proliciunt.

\mathcal{L} . foliorum thymelææ aceto maceratorum & exiccatorum $\frac{3}{4}$ v.

myro-

myrobalanorum flauarum ℥ ss,
myrobalanorum cepularum ℥. iij, mannæ &
thamarindorum aqua intubi solutorum quan-
tum opus est ad pilullarum formam.

PLANTIVS.

*In pilulis è thymelea nihil immutatum est, his & alie ac-
cesserunt ex esula apte quidem composita, & quibus magna
vis est ad aquas detrahendas.*

*Pilulas lucis tu maiores tum minores idcirco derelictas
fuisse consicio, quod nimium multa & parum apta simpli-
cium miscellanea mistura confusa sint, quodq; ad oculorum
affectus satis efficaces sint pilulle sine quibus.*

PILVLLÆ ex esula hydropicorum quoque
aquas ab aluo deducunt non leui perturbatione,
vt idcirco solis robustis atque iis non febricitan-
tibus conueniant.

℥. corticis radice esulæ minoris macerata
horis xxiiij. in aceto & succo portulacæ ℥ ij.

grana ricini expurgata torrefactaque quadra-
ginta,

myrobalanorum citrinarum ℥ j. ss,
chamadryos, camæpityos, spicæ nardi, cina-
momi añ ℥ ij. trita omnia tenuissimè excipian-
tur ℥ j tragacanthæ aqua rosarum solutæ, cogan-
tur in massam. dantur ℥ ij.

PILVLLÆ è cynoglossò non ad purgandum
quidem, sed ad omnes destillationes cohibendas
comparatæ, siue in thoracem & pulmones cum
tussi, siue in dentes aut aliò procumbant.

℥. myrrhæ ℥ vj,
thuris masculi ℥ v,
opij, hyoscyami seminis, radice cynoglossi a-
ridæ añ ℥ ss, croci, castorei añ ℥ j. ss. cum aqua ro-

farum stillaticia fiat massa. dantur à D j. ad 3 β .

PLANTIVS.

Pilulis è cynoglossò rectè additum est castorium, Si cui cum croco præcipua vis sit emendandi opij malignitatem, idq; videbatur inconsideratè prætermisum.

PILVLLÆ aristolochiæ summam incidendi detergendique vim adeptæ, epilepsiæ, paralyfi, asthmati, tulli veteri, iecoris renumque incipienti scirrho, nephritidi, suppressis mensibus, excludendo fœtui atque secundis vtilis, hyeme humidisque naturis conuenientiores purgato iam corpore.

\mathcal{L} . radice aristolochiæ rotundæ \mathfrak{z} j,
radice gentianæ, myrrhæ electæ an \mathfrak{z} iij,
aloës, cinamomi an \mathfrak{z} β ,
zinziberis 3 j. Omnia exquisitissimè trita excipiantur oleo amygdalarum dulcium recenti. datur 3 j. β , ac protinus sorbendum iusculum quo diluantur.

PLANTIVS.

Pilula aristolochiæ his postremò scilicet adiecta sunt & præclare instituta, quòd summa aperiendi & polleant. Poterant & in portionem referri, sed quòd forent amarissimæ, cataposisorum forma tadio minori denorantur.

DE ANTIDOTIS AC PRI-

MVM DE SOLIDIS QVIBVS

MAXIME PRINCIPIBVS

partibus robur additur.

DIANTHON cerebrum imbecillum recreat, eiusque destillationes compefcit, melancholiam & tristitiam quæ præter rationem fit lenit, animique defectionem tollit.

\mathcal{L} . flo.

℞. Florum roris marini ʒ ʒ,
 rosarum, violarum, glycyrrhizæ añ ʒ iij,
 caryophyllorum, spicæ nardi, nucis moschatæ,
 galangæ, cinamomi, zinziberis, maceris, ligni a-
 loës, cardamomi, anisi, seminis anethi añ ʒ ij,
 sacchari albi aqua saluæ aut betonicæ soluti
 ℥ j. ʒ. Concinnetur electarium per tabellas.

ELECTARIUM pleres archonticon cere-
 brum mirè corroborat, sensus exacuit, abolitam
 memoriâ restituit, epilepticos iuuat & asthmati-
 cos, tristes, melancholicos & animi delirio pres-
 sos recreat, diuturno morbo confectos instaurat.

℞. cinamomi, caryophyllorum, ligni aloës,
 galangæ, spicæ nardi, nucis moschatæ, zinziberis,
 spodij, schœnanthi, cyperi, rosarum, violarum añ
 ʒ j.

folij aut maceris, glycyrrhizæ, mastiches, sty-
 racis calaminthæ, sampsuchi, balsamitæ, ocimi,
 cardamomi, macropiperis, myrtilorum, corticū
 malicij añ ʒ ʒ. & ʒ̃ vj.

margaritarum splendorum, been albi & ru-
 bri, corallij, serici combusti añ ʒ̃ xvij.

moschi ʒ̃ vj.

caphuræ ʒ̃ iij.

sacchari albi aqua melissæ soluti decuplum vel
 etiam duodecuplum.

PLANTIVS.

*Quod antidoti principibus partibus corroborandis de-
 sineretur, recte earum compositiones ex partium corporis or-
 dine hic instituit, ab ijs exorsus qua cerebro, deinde qua
 thoraci alijsq; partibus conuenirent.*

DIATRAGACANTHVM frigidum omni-

bus pulmonis thoracisq̃ue vitiis, peripneumoniae, pleuritidi, tabi, tussi calidae cum febre, faucium & arteriae asperitati conuenit.

℞. gummi tragacanthae albißimi ℥ j,
gummi arabici ℥ v,
amyli ℥ ij,
glycyrrhizae, seminis papaueris albi, quatuor
seminum frigidorum maiorum cortice libero-
rum añ ℥ j,
caphurae ḡ v,
penidiorum ℥ j ℞,
sacchari albißimi aqua violarum soluti ℔ j.
electarium concinnetur in tesseras.

P L A N T I V S.

*Diatragacanthum calidis confert affectibus, Siresq̃ ob-
tinet alterius compositionis quae diapaouer appellatur, hac-
que idcirco rectè pratermissa est.*

DIAIREOS simplex thoracis pulmonum-
que vitia blandè attenuando expectorat, spu-
tumque facilius reddit: calidis morbis increscen-
tibus aut frigidis leuioribus accommodatum.

℞. radice iridis florentinae ℥ j,
pulueris electarij diatragacanthi frigidi, sac-
chari candiani ℥ ℞,
sacchari albiß. hyssopi aqua soluti ℥ viij. fiat
electarium solidum.

ELECTARIUM diaireos compositum bene-
facit calidis morbis iam inclinantibus & frigidis
inueteratis, vt tussi, asthma, raucitati.

℞. radice iridis ℥ ℞,
pulegij, hyssopi, glycyrrhizae añ ℥ iij,
tragacanthae, amygdalarum amararum, pi-
nearum,

nearum, cinamomi, zinziberis, piperis añ 3 j β.
 seminis lini, althææ & fœnigræci añ 3 ij,
 sacchari albiss. aqua tusilaginis soluti lb. j.
 vel 3 xiiij.

PLANTIVS.

Electarium diatreos compositum est hic quoque pro electario diatragacantho calido, & pro electario diapenidiow, qua idcirco non nisi frustra & pharmacopœorum iactura his inferi possent, hac autem compositione pro caricis, passulis, palmulis & styrace, qua malè ad hanc compositionem apta erant, rectè substituit semen lini, althææ & fœnigræci, quibus vis eximia est ad inueterata pectoris vitia.

DIACALAMINTHES contumacia & inueterata pectoris pulmonumque vitia horumque crassos lentosque humores attenuat, detergit & expectorat, flatus discutit, concoctionem alimentique distributionem adiuuat, vrinas, menses, sudoresque ciet.

℞. calaminthes montanæ, pulegij, petroselinij, feseleos, origani añ 3 ij,
 seminis apij, cymarum thymiañ 3 β.
 libystici, piperis añ 3 j,
 sacchari albiss. aqua violarum aut rosarum soluti lb. ij. β. fiat electarium.

PLANTIVS.

In hac diacalaminthes compositione rectè adiectum videtur organum: in ceteris Galeni compositionem author est imitatus, & simplicium pondera, praterquam in libystico & in pipere. hic enim libystici semissem duntaxat, piperis vero sexrantem, quod scilicet compositio hac quadrans solum sit totius eius quæ à Galeno describitur lib. iij. de iuenda Galetudine. Quñ praterea in ceteris electariis supra descriptis qua mitia erant, suauis sapore nec & su difficilia, sexuplo aut octuplo saccharo pulueres exceperit, in hac cerè compositione qua calida multum est & su difficilia, duo-

decuplum adiecit. Hac porrò diacalaminthes compositio earum vice etiam fuerit, quæ appellatur diabyssopu & diaprasium, & quæ iure tanquàm supernacua exolefcent, ne multitudo gravis sit.

DIAMARGARITON frigidum febriū æstus atque malignitatem cōpescit, cor munit, roborat, & à maligna cōtagione vindicat, animi defectione & syncope liberat, mœroremque discutit.

℥. quatuor seminum frigidorum maiorum mundatorum, feminis portulacæ & papaveris albi, feminis endiuix, oxalidis & citrij, trium fantalorum, ligni aloës, zinziberis, rosarum rubrarum, florum nymphææ, buglossi & violarum, baccarum myrti, ossis è corde cerui, eboris, doronici romani, cinamomi añ 3 j,

corallij albi & rubri añ 3 ss,

margaritarum splendorum 3 iij,

ambaris, caphuræ añ ḡ vj,

moschi ḡ ij,

sacchari albi aqua buglossi vel rosarum soluti lib. ij.

PLANTIVS.

Hoc electarium diamargariton, Et præstantius & efficacius existeret, supra vulgarem descriptionem quæ incertis est authoris recte & similiter continet semina endivia, oxalidis & citrij, ebur quoque, os è corde cerui, doricum romanum, cinamomum: quæ constat omnia cardiaca esse. Nonnulli in hoc etiam electarium gemmarum fragmenta adiecerunt, sed tamen frustra, quod omnia in electario de gemmis comprehensa sint, quod huic interdum prescribendo admisceri potest. Hoc autem calida pauca continet aromata, frigida verò plurima, Et idcirco tutius sit & sus.

ELECTARIUM de gemmis cor eximiè roborat, idque in febribus à maligna & pestilenti putre-

putredine tuetur, animi defectioni, cordis palpi-
tationi & tristitia spontanea succurrit.

℥. margaritarum splendorum 3 j. β.

saphiri, hyacinthi, sardæ id est corneolæ, gra-
natorum, smaragdi, añ ʒ ij. & ḡ. v,

zedoaria, doronici, corticum citrij mali, mace-
ris, seminis ocimi, caryophyllati añ 3 j,

corallij rubri, succini, eboris añ ʒ ij. β,

been albi, been rubri, caryophyllorum, zinzi-
beris, piperis longi, spicæ indicæ, folij, croci, car-
damomi maioris añ 3 β.

trochiscorum diarhodon, ligni aloës añ 3 ij. β,

cinamomi, galangæ añ ʒ ij. ḡ. v,

foliorum auri, foliorum argenti añ ʒ j.

ambra 3 j,

moschi ḡ xv,

sacchari albi aqua rosarum soluti ʒ xx. quod
est octuplum.

PLANTIVS.

*Electarium è gemmis omne ferè calidiorum aromaticum
genus complectitur, neque ea iam harum fragmentis mul-
tum retunduntur. Expediret igitur portionem eorum sub-
trahere, præsertim been album & rubrum, piper longum,
cardamomum maius & folium: quod etiam rare suppetit.*

ELECTARIUM diambra cor, cerebrum,
principesque partes corroborat & exhilarat, in-
situm calorē senibus præsertim ac imbecillis, fri-
gidisque naturis suscitatur, non alimenti modò, sed
& frigidorum humorum concoctionem iuuat: om-
nemque corporis ac vteri perfrigerationem dis-
cutit, ut idcirco ad concipiendum conferat.

℥. cinamomi, doronici romani, caryophyl-

lorum, maceris, nucis moschata, folij, galangæ

añ 3 iij,

spicæ nardi, cardamomi maioris & minoris

añ 3 j,

zinziberis 3 j.ß,

fantali citrini, lignialoës, piperis longi añ 3 ij,

ambaris 3 j,

moschi 3 ß. Singulæ pulueris vncie excipiuntur singulis libris sacchari aqua rosarum soluti.

PLANTIVS.

Diambras ex omnibus quoque aromatum generibus promiscue nulloque delectu congestis atque confusis constitui videtur, quemadmodum & diacymum & dianisum & dia cinamomum, diazinziber, diatrium piperem & diaxyloaloes et diamargaritum calidum, & diamoschu dulce, et diamoschu amarum: quæ omnia vehementer calida sunt, ex calidis minime repressis constantia, et idcirco videantur easdem facultates sortiri, & eosdem penè effectus proferre. Quocirca reliquis omnibus repressis auctor hic unicam diambram compositionem inseruit, quæ vice sit omnium, ne multitudine obruatur medicina studiosus, & ne immodicam pharmacopæus iacturam faciat. Sed & in hac compositione quæ & cætera vehementer calida existit, & vilissimum putarem subtrahere cardamomum & utrumque & piper longum, atque pro his substituere rosarum rubrarum 3 iij. Six enim aliter & si ea liceat in calidis naturis aut æstuoso cælo, in febribus, aliisve morbis calidis. Sed & immodicus compositionum eiusmodi calor effecit, & & sus quoque difficilis esset, & tanquam inutiles exolecerent: quemadmodum & diatrium piperem Galeni & diacalaminthes. Hac autem prospiciens auctor rectè iussit pulveres duodecuplo sacchari excipi, ita nimirum suavitati consulens.

PVLVIS cardiacus cor mitificè corroborans & muniens, ne in pestilenti constitutione contagione offendatur: in ardenti febre & æstuoso cælo tutus, quòd moderato sit calore.

℥. radicum tormentillæ, dictamnī, tunicis
& scabiosæ, feminis acetosæ, endiuix, coriandri
præparati, feminis citrij, rutæ & cardui benedicti
an 3 j,

trium santalorum, been albi, been rubri, doro-
nici romani, ligni aloës, zedoariæ, cinamomi, car-
damomi, maceris, croci, rosarum rubrarum, flo-
rum buglossi vtriusque, florū nymphææ an 3 ij.

rasuræ eboris, spodij, id est eboris vsti, ossis è
corde cerui, coraliij albi, coraliij rubri, succini, mar-
garitarum splendorum, smaragdi, hyacinthi,
granati an 3 j,

serici crudi torrefacti, boli armenæ, terræ le-
mnix an 3 β,

caphuræ, moschi, ambaris an 3 ḡ vj. fiat puluis
& ex octuplo sacchari albi aqua rosarum soluti
concinnentur tabellæ.

AROMATICVM rosatum maius moderato
calore ventriculum omniumque viscerum con-
coctionem adiuuat, cruditatem emendat, humo-
res supernacuos absomit, flatu discutit, ex mor-
bo conualecentibus aptissimum.

℥. rosarum rubrarum 3 xv,

glycyrrhizæ rasæ 3 vij,

ligni aloës, santali citrini an 3 iij,

cinamomi electi 3 v,

maceris, caryophyllorum an 3 ij. β,

gummi arabici, tragacanthæ an 3 ij. 3 ij,

nucis moschatæ, cardamomi, galangæ an 3 j,

spicæ nardi, ambræ an. 3 ij,

moschi 3 j. ex octuplo sacchari tabulæ con-
cinnentur.

Aromatici rosati & sitata compositio placuit.

ELECTARIUM diarhodon Abbatis ventriculi & præcordiorum æstus temperat, ac eorum nihilominus concoctioni opitulatur, flatus dissipat, doloresque lenit.

℞. rosarum rubrarum ℥ j. β,
santali albi & rubri añ ℥ ij. β,
tragacanthæ, gūmi arabici, eboris vsti añ ℥ ij,
masticæ, spicæ nardi, cardamomi, succi gly-
cyrrhizæ, croci, xyloaloes, caryophyllorum, gal-
liæ moschatæ, anisi, feniculi, seminis ocimi, acino-
rum berberis, seminis scariolæ, portulacæ & pa-
paueris albi, quatuor seminum frigidorum maio-
rum, rheibarbari electi, cinamomi añ ℥ i,
margaritarum, ossis e corde cerui añ ℥ β,
caphuræ ℥ vij,
moschi ℥ iij. ex octuplo sacchari aqua rosa-
rum soluti tingantur tabellæ.

PLANTIVS.

Ab electario diarhodon asarum subtraxit quod ventriculum subvertat etiam leuissimè tritum, & saccharū candum quod nihil magis quam saccharum album conferat. electarium diagalanga tamen si à plerisque ad ventriculi cruditates celebratum, propter tamen immodicum calorem exoleuit, cuius etiam loco si res postulet substitui poterit diambas vel diacalaminthes.

ELECTARIUM diatrium santalœon calidam iecoris intemperiem emendat, eiusque obstructi reliquias tollit, & icterum persanat, viscus ipsum & ventriculum corroborat.

℞. trium santalorum albi, rubri & citrini, rosarum rubrarum añ ℥ iij,

rheu-

rheubarbari electi, eboris vlti, succi glycyrrhizæ, seminis portulacæ an. drach. ij.

gummi arabici, tragacanthæ, quatuor seminum frigidorum maiorum mundatorum, seminis intubi an. drach. j. β,

caphurę ꝑ j. sacchari albi aqua rosarum soluti octuplum.

PLANTIVS.

Ex electario trium santalorum subtractum est & exemplum amylium tanquam supernacuum, neque in hunc ordinem relatum est electarium diacubeba, quod ad icoris calidos affectus & obstructions plerique celebrant, quandoquidem non aliud complectitur quam hoc electarium trium santalorum.

DIACROCV quod & diacucurma vulgò appellatur, inueteratos hepatis lienisq̃ affectus soluit, peruicaces obstructions atque iam incipientem scirrhum euellit, hincq̃ ortam cachexiam & hydropis rudimenta persanat.

℥. croci, afari, petroselini macedonici, dauci, anili, apij seminis an. ʒ β,

rheubarbari, meu, ipicæ nardi an. drach. vj.

costi, myrrhæ, cassiæ lignæ, schœnanthi, carpobalsami, radicis rubiæ, succi absinthij, succi eupatorii arefacti, olei balsami an. drach. ij,

calami odorati, cinamomi an. drach. j. β,

scordij, scolopendrij, succi glycyrrhizæ an. ʒ ij. β, sacchari albi aqua endiuix soluti decuplum.

PLANTIVS.

Electarium diacrocu quadam continet admodum rara & quæ vix suppetunt nobis, Et cassiam ligneam, carpobalsamum, carpobalsamum: quæ si pratermittantur, non minus efficax medicamentum erit ad ea quæ proposita sunt.

DIALACCA maior ad iecoris lienis que veteres obstructions, ad malum habitum & incipientem hydropem efficacior quam diacrocū.

℥. laccæ præparatæ, rheibarbani añ. ʒ iij, spicæ indicæ, mastiches, stipitum schœnanthi, absinthij romani, succi eupatorij Mesuæ, sabinæ, amygdalarum amararum, costi, myrrhæ, rubiæ, seminis apij, ammios, feniculi & anisi, asari, aristolochiæ longæ, aristolochiæ rotundæ, gentianæ, croci, cinamomi, hyssopi, cassiæ lignæ, summatum schœnanthi, bdellij añ ʒ j. β, piperis, zinziberis añ ʒ j, sacchari albi duodecuplum.

PLANTIVS.

Electarium dialacca maior, plures archonticon & exhilarans veterem retinent componendi rationem, quod satis accommodata viderentur ad affectus titulo designatos.

ELECTARIUM exhilarans Galeno falsò adscriptum, mœrorem & melancholiam prauasque cogitationes discutit, spiritus omnes suscitatur, concoctionem iuuat, natium calorem auget, & canitiem arceat.

℥. florum ocimi, caryophyllati, croci, zedoariæ, xylobalsami aut ligni aloës, caryophyllorum, corticum citrij mali, galangæ, maceris, nucis moschatæ, styracis calaminthæ añ. ʒ ij. β, anisi, scobis eboris, thymi, epithymi añ. ʒ j, caphuræ, moschi, ambaris, margaritarum splendidarum, ossis e corde cerui añ. ʒ β, foliorum auri & argenti añ. ʒ β, sacchari albiss. octuplum.

ELECTARIUM diaspermation renes & vri-

nae feminisq̃ue vias refrigerans ac leniens, ab omni humoris illuue clementer expurgat.

℞. quatuor seminū frigidorum maiorum & minorum, feminis asparagi, pimpinellæ, ocimi & petroselini, granorum halicacabian. ʒ ij, milij solis, succi glycyrrhizæ an. ʒ iij, cinamomi, maceris an. ʒ j. sacchari albi aqua althææ soluti octuplum.

ELECTARIVM λιθων Σπυρτικόν lumborum dolores compescit, renum ac vesicæ arenulas exturbat, nephritico dolori & dysuriæ succurrit, calculum sensim comminuit ac proterit.

℞. spicæ nardi, zinziberis, cinamomi, melanopiperis, cardamomi, caryophyllorum, maceris an. ʒ β,

costi, glycyrrhizæ, cyperi, tragacanthæ, chamædrysos, an. ʒ ij,

feminis apij, ammios, asparagi, ocimi, vrticæ, citrij mali, laxifragi, pimpinellæ, carui, dauci, feniculi, tusci, petroselini macedonici, bardanæ & feseleos, asari an. ʒ j,

Lapidis spongiæ, lapidis lyncis, lapidis cancri & lapidis iudaici an. ʒ j β,

sanguinis hircini præparati ʒ j β, fiat puluis, sacchari albi aqua betonicæ soluti decuplum.

Vrgente autem doloris necessitate aut vrina suppressa puluis purus datur ex passo cretico a ʒ ij ad ʒ j.

PLANTIVS.

Electarium diaspermation varic & ad plerosque affectus descriptum legimus, hoc tamen sub eodem nomine apriusimè compositum videtur ad renum astus, vrina ardores & ceteros affectus qui titulo designantur. Ab electario quod

hircobribon appellant, detracta sunt ea imprimis quæ hinc
 & quam sincera inueniri queunt, & alia quadam adstrin-
 gentia qua ob sunt confringendo calculo & exturbandis a-
 renulis. Adiecta Verò sunt pleraque semina & lapides non-
 nulli, & sanguis hircinus preparatus, quibus cerè omnib⁹
 eximia vis est & facultas ad calculos & ad symptomata o-
 mnia eorum vitio genita. Si qua ex causa immoderatus hu-
 ius calor metuitur, alterius electarij diaspersmaton tempe-
 ratione leniri poterit.

ELECTARIUM diacalaminthes compo-
 situm potenter menstrua omnesque vteri purga-
 tiones ciet.

℞. pulueris electarij diacalaminthes simpli-
 cis ℥ β,

foliorum prassij, sampsuchi, melissophylli, ar-
 temisiæ, sabinæ aridorum añ ℥ j,

cyperi, seminis rutæ & rubiæ, maceris, cina-
 momi añ ℥ ij, sacchari albi aqua parthenij solu-
 ti duodecuplum.

PLANTIVS.

*Electarium diacalaminthes compositum rectè his po-
 stre mò loco adiectum videtur, quòd nullum extaret ad vici-
 ri illuuiem expurgandam aptum.*

DE ANTIDOTIS

HUMIDIS.

ANTIDOTVS analeptica vires omnes exo-
 lutas instaurat, cardialgiam, animi defectio-
 nem & syncopen tollit, corpus sanguinis profu-
 sione aut quauis immodica vacuatione extenua-
 tum refarcit, tabidis & consumptis succurrit: hu-
 mectans nimirum, nuttiens & corroborans.

℞. re-

℥. rosarū rubratū, glycyrrhizæ añ ʒ ij. ḡ v,
 gummi arabici & tragacanthæ añ ʒ ij. ḡ v,
 fantali albi & rubri añ ʒ j. ḡ j,
 succi glycyrrhizæ, amyli, seminum papaueris
 albi, portulacæ, lactucæ & feriolæ añ ʒ iij,
 quatuor seminum frigidorum maiorum, semi-
 nis cydoniorum, seminis maluæ, seminis bomba-
 cis, seminis violarum, strobilorum, pistaciorum
 recentium, amygdalarum dulcium, pulpæ sebe-
 sten añ ʒ ij,
 caryophyllorum, spodij, cinamomi añ ʒ j,
 croci ḡ v,
 penidiorum ʒ β. trita omnia excipiantur tri-
 plo syrupi violati.

PLANTIVS.

*In antidoto analeptica quam resumptiuam appellāt ni-
 hil prorsus immutandum visum est præter simplicium or-
 dinem, quodq; pro granis berberis adiecta sint pistacia.*

ANTIDOTVS diasatyrion semen genitale
 auget, venerem excitat, eamque ignauio-
 rem & velut sopitam erigit, renum & spermaticorum va-
 forum imbecillitati auxilio est, & ad liberorum
 procreationem confert.

℥. radice satyrj recentis ac solidæ, radice pa-
 stinacæ satiuæ, radice eringij, nucis indicæ, strobi-
 lorum, pistaciorum añ ʒ j. β,

caryophyllorū, zinziberis, anisi, seminis eru-
 cæ, linguæ auis quæ semen est fraxini añ ʒ v,
 cinamomi, caudarum scincorum, seminis bul-
 bi añ ʒ ij. β,
 moichi ḡ v,

mellis optimi expumati lib. iij. Radices tunc

coquuntur ex melle ac subiguntur, his deinde nux in olea, strobili & pistacia tusa similiter adiunguntur: reliqua postremò exquisitè trita.

PLANTIVS.

Diasatyron tres quidem compositiones traduntur, sed quarum hac una sit efficacissima vice sit omnium.

ANTIDOTVS è cocco baphico seu grano infectorio, quod kermes est Arabibus, cor exhibet, mœtorem sine occasione discutit, melancholiam domat & maniam, spiritus virésque exolutas refarcit.

℞. succi malorum fragrantium, aquæ rosarum an. ℞. ij. In quibus macera horis xxiiij. ferici staminis crudi lib. j. modicè bulliat & exprimitur, in liquore coquantur granorum infectiorum ℥ ij, decoctum iam rubens coletur, in quo dissolue sacchari albi lib. j ℞. Rursum coquantur ad mellis consistentiam, adice sub finem ambræ crudæ contusæ ℥ ℞, cumque liquefacta fuerit, insperge hos pulveres.

ligni aloës crudi, cinamomi an. ℥ vj,
lapis cyani loti & præparati ℥ j ℞,
margaritarum non perforatarum ℥ ij,
foliorum auri purissimi ℥ j,
moschi ℥ j.

PLANTIVS.

Antidotus è cocco baphico, confectio Alkermes appellata. Sicut tunc potest ex serico iam tincto & (ut appellant) kermesino comparari, quod id non sine galla, alumine & arrhenico, quod prorsus venenatum est, infici soleat. Multo igitur tutior atque præstantior est hæc componendi ratio.

ANTIDOTVS è baccis lauri calore ac tenuitate fla-

tate flatus potenter discutit, colico atque etiam
iliaco dolori familiaris.

℞. foliorum rutæ ʒ x,
ammios, cumini, nigellæ, libystici seminis, ori-
gani, carui, amygdalarum amatarum, piperis lon-
gi, mentastri, dauci, acori, baccarum lauri, casto-
rij añ. ʒ ij,
sagapeni ʒ β,
opopanax ʒ iij,
mellis optimi expumati lib. j. β.

PHILONIVM post sex mēses datum ex opio
vehementes & acerbos dolores cōsopit, colicos,
nephriticos, atque pleuriticos: somnum accersit,
destillationem sistit, tussimque lenit, sanguinis
excreationem cohibet.

℞. croci ʒ v,
pyrethri, euphorbij, spicæ nardi, myrrhæ, ca-
storij añ. ʒ j,
piperis albi, hyoscyami añ. ʒ xx,
opij ʒ x,
mellis optimi expumati lib. ij. huius dosi est à
ʒ j. ad ʒ β.

PLANTIVS.

Philonij hanc descriptionem Galeni autoritate & esse
comprobatam ceteris author prætulit, quod una satis sit ad
vehementes cruciatus consopitendos. Et tamen, Mesuem sc-
entus, myrrham & castorium addidit, quæ neque Galenus
improbat, si tutior sit permixtio, quandoquidem his pecu-
liaris vis inest corrigendi opij. Si compositionis modus spe-
ctetur, hic opij pondus est ferè duplum est quod in Philonio
romano. Philonium maius quod romanum appellant, quo-
nam non nisi circiter dimidium habet opij, dupla dosi da-
ri potest à ʒ j. ad ʒ j.

ANTIDOTVS requies appellata sine opio summum febrium ardentium astum restinguit, sitim lenit, deliria reprimat, somnum accersit, & requiem præstat.

℞. rosarum, violarum, añ ʒ iij, corticum radices mandragoræ, seminis hyoscyami albi & papaveris albi, seminis seriola, lactuca, portulacæ & psyllij, nucis moschata, cinamomi electi añ ʒ j. β.

trium santalorum, spodij, tragacanthæ añ ʒ ij. mellis optimi expumati triplum.

PLANTIVS.

Antidotus requies appellata minus habet opij quam omne philonij & opiatum genus, valide tamen refrigerat ex aliorum simplicium permistione, quia omnia fere frigida sunt. Eius tamen usus vix tutus esse possit, propterea quod opium non satis emendatur calidorum mistione. At vero si ea compositio sine opio comparatur, non parum certe conferet ad leniendos ardentissimam febriem astum & deliria & sitim & quaecunque symptomata ex febrii fervore prodeunt.

Cetera philonij compositiones exterminande sunt, & minimum necessaria, quemadmodum & antidotus diabolica & athanasia & musa anea, & requies cum opio, & tryphera magna, & Esdra magna à quovis autore sit, & aurea alexandrina. Eiusmodi enim compositiones quæ opium habent, si ad dolores sunt compescendos, pro his satis fuerit descriptum philonium: sin vero desiderantur vel ad principes partes corroborandas, vel ad arcendam veneni cuiusvis malignitatem & alios plerumque affectus, ut tryphera magna, Esdra magna & aurea alexandrina, & athanasia, satis pro his fuerint theriace & mithridaticum. Prætermittitur quoque confectio anacardina, his quas dixi planè contraria. Nam tametsi ad multos celebretur affectus, calore tamen quo summo exuperat, parum iuta est quod spiritus & humores promptè inflammet & febrem promptè accersat.

THERIACE diateffaron ad epilepsiam, convulsionem, paralyfin, ventriculi cruditatem, cachexiā & hydropem, aliosque frigidos affectus, præterea aduersus haustum venenum, & virulentarum bestiarum morsum & pestilentem constitutionem apprimè utilis.

℞. radices gentianæ, baccarum lauri, myrrhæ, aristolochiæ rotundæ añ \mathfrak{z} ij. laboriosè tria omnia excipiantur lib. ij. mellis optimi expumati.

THERIACE Andromachi senioris, virulentarum bestiarum ictibus & exitialibus venenis aduersatur, comitiales, attonitos, resolutos, cephalalgicos, asthmaticos, hæmaptoicos, stomachicos, ictericos, hydropicos, nephriticos, colicos, arthriticos, melancholicos, lymphaticos, atque etiam elephanticos iuuat: menstrua & mortuum foetum excludit, cor, cerebrum, hepar, stomachum & corpus vniuersum mirè corroborat, idque à pestilenti contagione tuetur.

℞. trochiscorum scylliticorum \mathfrak{z} vj, trochiscorum theriacorum, magmatis hedychroi, piperis longi, opij añ \mathfrak{z} iij, rosarum rubrarum, iridis illyricæ aut florentinæ, glycyrrhizæ, seminis naptilylestis, scordij, opobalsami, cinamomi, agarici añ \mathfrak{z} j. β ,

myrrhæ, costi, croci, cassiæ lignæ, nardi indicæ, schœnanthi, thuris masculi, piperis albi & nigri, dictamni, marrubij, rheibarbari, stœchadis, seminis petroselinii macedonici, calamites, terebinthinæ, zinziberis, radices pentaphylli añ \mathfrak{z} vj,

polij montani, chamapityos, styracis calami-
tæ, mei, amomi, nardi celticæ, sigilli lemnij, phu
pontici, chamædryos, foliorū malabathri aut ma-
cis, chalcitidis tostæ (quæ vtiliter prætermitti po-
test) radice gentianæ, anisi, succi hypocistidis,
carpobalsami, gummi arabici splendidi, seminis
feniculi, cardamomi minoris, seseleos, acatiæ,
thlaspios, seminis hyperici, ammios añ ʒ ss,

castorij, aristolochiæ longæ seu tenuis, seminis
dauci, bituminis iudaici, opopanacis, centaurij
minoris, galbani añ ʒ ij.

mellis optimi expumati triplū, id est lib. xiiij.
ʒ ij, vini optimi odorati quantū satis fuerit dis-
soluendis liquoribus & succis. Summa dosis est
ʒ iij, aut selquidrachmæ. Nā ʒ j pulueris aut ʒ
iij compositionis continent opij granum vnuin.

PLANTIVS.

*Theriaces compositionem ab Andromacho seniore ele-
giaco carmine traditam sequutus idcirco est, quod neque
simplicium numerus neque pondus carmine facile mutari
possit. Hunc nonnulli postea alio & fortasse conuenientiore
simplicium ordine digesserunt, quibus etiam abrotanum
& acorum adiecerunt, mutatis quoque quorundam simpli-
cium ponderibus, et idcirco minus certa haberi debeat, sit-
que huic vni inscriptioni citra controuersiam insistendum.
Quod de chalcitide, id est Vitriolo ʒss huic compositioni
non admiscendo Valerij Cordi imitatione monet, id qui-
dem in primis consentaneum videtur. Cum enim medica-
mentum id præsertim ʒssum summè causticum sit, escha-
roticum & internis visceribus insensissimum, nihilque ad
illius interiorum affectum conferre proditum sit, non est
tunc tanto incommode & saporis insuauitate in hanc com-
positionem admitti debeat. Si et quibusdam videtur com-
positionem totam nigriorem reddat, non debet in vnam co-
loris gratiam sapore & viribus tantopere corpori incommo-
dare:*

*modare. Et subtractio compositio tota Stilior, minus acris
& calida, & suauior euadet.*

MITHRIDATIVM theriacæ vires proximè æmulatur, & ad eodē vsurpatur affectus, vsu quidem faciliore & minore actimonia caloris. Ex Andromachi descriptione quæ Galeno aliisque vetustioribus medicis probatur.

℥. myrrhæ, nardi indicæ añ ʒ i. ʒ β,
croci, cinamomi, scordij, zinziberis añ ʒ vij β,
opij ʒ iiij. ʒ xxv,
styracis, seledios, abrotoni, libanotidis, añ ʒ v,
castorij ʒ vj. ʒ β,
polij, colli, piperis longi, seminis dauci, schœnanthi, galbani, terebinthinæ añ ʒ vj β,
piperis albi ʒ v. ʒ j,
petroselinii seminis, nardi celtice, seminis feniculi, folij indi aut maceris, gentianæ, rosarum siccarum, mei athamantici añ ʒ iiij,
cassie lignæ ʒ v β,
thuris ʒ vj. ʒ j,
succij hypocistidis ʒ vj. ʒ xv,
acori aut calami aromatici, phu pontici, sagapeni, fructus balsami, hyperici, iridis, acatiæ, gummi, cardamomi, pelicini, id est nigellæ añ ʒ ij,
terræ lemnæ, lumborum scinci, cyphæos, opopanax añ ʒ vj,
thlaspios ʒ vj. ʒ ij,
anisi, hyssopi, chamæpityos añ ʒ iiij,
opobalsami, aristolochiæ rotundæ, marrubij añ ʒ j,
mellis optimi expumati ℥. vij. β,

Mithridatij antidoti compositiones quatuor extant vana quidem & admodum dissimiles: Vna omniumq; maxima Nicolai est Myrepsi à Nicolao Praposito descripta, & ab omnibus vbiq; pharmacopæis usurpata, quam omnes quotidie experiuntur magna vi pollere aduersus febres malignas & pestilentes, Venenâ, vomitiones, cruditates, lienterias aliosque plurimos affectus. Ea quacunque primum auctorem aut inuentorem habuerit, longè lateque innulgata tandè est. Altera est Democratis vetustis Græci auctoris ab Auicenna quoq; usurpata & in Nicolai Prapositi medicamentarium librâ relictâ: quæ sit compositione, ita & usus periore faciliior, nec viribus inferior est deprehensa, sed sanè ad malignos & contagiosos affectus multò præstantior. Tertia ab Andromacho descripta, deinde & quarta quam Galenus, Aetius, aliiq; Græci ex Antipatro & Cleophanto vetustioribus medicis deprompserunt. Posteriores hæc duæ non admodum dissimiles videntur, nam ex iisdem ferè simplicibus ordine licet transpositis hæc constant, quorum pondera paucis quibusdam obolis euariant: sit idcirco hæc videntur in eisdem usus coaptanda. At nihilominus quoniam postrema hæc paulò locupletior est, ex duobus & quinquaginta simplicibus composita, & Galeni diligentia iudicioq; reformata atque comprobata, tanquam omnium præstantissima & ad eos qui dicti sunt affectus efficacissima censeferi debet. Hanc igitur vna à medicis omnibus usurpandam auctor in antidotos retulit, transposito tamén simplicium ordine, & omnibus quorum idem pondus erat in eandem classẽ reductis, sit hinc minor esset pharmacopæo componendi atque conficiendi labor.

DE TROCHISCIS SEV

PASTILLIS.

TR O C H I S C I è vipera quorum usus est ad magno theriaces compositionem. Viperarum electarum atque præparatarũ caro ex aqua puracum

cum anetho viridi & sale coquitur dum ossa deferat: exempta teritur pila marmorea, sensimque aspergitur pari pondere medullæ panis triticeï arefacti, affuso interim proprio viperarum iusculo si opus sit, & opobalsami vel succedanei momento, trochisci concinnantur drachmæ pondere diligenterque siccantur in umbra.

TROCHISCI scyllitici in eandem theriaces compositionem referendi.

℞. medullæ scyllæ assatæ lib. j,
fatinae erui ℥ viij. simul exquisitè tunsa digeruntur in trochiscos, & in umbra exiccantur.

TROCHISCI hedychroi quorum idem quoque est usus ad theriaces compositionem.

℞. mari aut balsamitæ, amaraci, asari, aspalathi aut eius succedanei añ ℥ ij,

schœnanthi, calami odorati aut galangæ, phupontici, xylobalsami, opobalsami aut succedaneorum, cinamomi, costi añ ℥ iij,

myrrhæ, folij, nardi indicæ, croci, cassiæ añ ℥ vj,

amomi ℥ xij,

masticis ℥ j. vini optimi quantum satis est ad trochiscos fingendos.

TROCHISCI eypheos ad mithridatij compositionem expetiti.

℞. pulpæ vuarum passerum, terebinthinæ codicis añ ℥ iij,

myrrhæ, schœnanthi añ ℥ j. β,

calami aromatici ℥ ix,

cinamomi ℥ β.

bdellij, onychis id est blattæ byzantiæ, spicæ

nardi, cassiæ lignæ, cyperi, arceuthidum, id est
baccarum iuniperi añ ʒ iij,

aspalathi ʒ ij.ß,

croci ʒ j, mellis expumati, vini optimi añ quā-
tum satis fuerit ad trochiscos concinnandos.

PLANTIVS introchiscos.

*Trochiscorum qui ad magnas compositiones veterum o-
mnium sententia celebrati sunt, nulla facta est mutatio, ne
quid etiam in maioribus compositionibus & su confirmatis
immutaretur.*

TROCHISCI è capparibus lienis duritiem,
terrenam melancholiam flatusque discutiunt.

℞. corticum radicum capparidis, seminis agni
añ ʒ vj.

ammoniaci ʒ ß,

seminis nigellæ, calamitæ, succi eupatorii, a-
mygdalarum amararum, foliorum rutæ, aristolo-
chiæ rotundæ, seminis nasturtij añ ʒ ij,

cyperi, scolopendrij, id est ceterachi, añ ʒ j.
Pulveres excipiantur ammoniaco in aceto diuol-
luto, finganturque pastilli.

PLANTIVS.

*Trochisci è capparibus optimè etiam descripti sunt, qui-
bus si præterea addere placet gummi lacca seu caucami &
rubia tinctorum añ. ʒ j. efficaciores reddentur: nec alij tro-
chisci de lacca in hunc usum admittendi erunt, quòd hi è cap-
parib⁹ satis sint ad lienis obstructions & veteres affectus.*

TROCHISCI de eupatorio iecoris præfer-
tim obstructions tumoremque solvunt, diutur-
nas hinc natas febres, icterum & incipientem hy-
dropem sanant.

℞. mannæ electæ, succi eupatorii añ ʒ j,

rolarum ʒ ß,

spodij

spodij ꝓ iij ꝑ,
 spicæ nardi indicæ ꝓ iij,
 rheibarbati, asari, anisi añ ꝓ ij ꝑ. Excepta omnia succo eupatorij & manna redigantur in trochiscos.

PLANTIVS.

Trochisci ex eupatorio substituantur quoque pro trochiscis ex rheobarbato & pro trochiscis ex absinthio, quod eorum magna sit affinitas, idemq; usus.

TROCHISCI alkekengi seu halicacabi renū ac vesicæ exulcerationes, hincq; natam vrinæ difficultatem & sanguinis emictionem compescunt.

℞. baccarum halicacabi ꝓ iij,
 seminum citrulli, melonū & cucurbitæ mundatorum añ ꝓ iij. ꝑ,

boli armenæ, gummi arabici, thuris, sanguinis draconis, papaveris albi, amygdalarum amararum, succi glycyrrhizæ, tragacanthæ, amyli, strobilorum añ ꝓ vj,

seminis apij, succini, terræ lemnizæ, seminis hyoscyami, opij añ ꝓ ij. ex succo halicacabi trochisci fiant. Alij quoque his persimiles sine opio componantur.

TROCHISCI è myrrha menses validè cient, morbisq; ex eorum suppressione medentur, secundas, fortumq; mortuum excludunt.

℞. myrrhæ ꝓ iij,
 lupinorum ꝓ v,
 foliorum rutæ, mentastri, pulegij, cumini, rubiæ, assæ fœtidæ, sagapeni, opopanacis añ ꝓ ij. ex succo artemisizæ pastilli formantur.

TROCHISCI è terra lemnia incitatos & ferocientes humores præsertimque tenues compescunt, immodicum alui fluorem sumpti sedant, sanguinis sputum, vomitionem atque mictionem sumpti quoque compescunt, & aliam siue è naribus, siue ex vtero, siue ex hæmorrhoidè & vndevis factam sanguinis profusionem admoti supprimunt.

℞. sanguinis draconis, gummi arabici assati, rosarum rubrarum, seminis rosarum, amyli assati, spodij, acatiæ, hypocistidos, lapidis hæmatitæ, balaustiorum, boli armenæ, terræ lemnia, corallij rubri, succini añ ʒ ij,

margaritarum, tragacanthæ, papaueris nigri añ ʒ j. β,

seminis portulacæ tosti, cornu cerui vsti, thuris, nucū cupressi, croci añ ʒ ij. cum succo aut stillicio liquore plantaginis tingantur trochisci.

PLANTIVS.

A trochiscū è terra lemnia subtrahit sunt trochisci ramich, quod bonam istorum partem contineant. Hi autem plurimam adstringentium pariterque refrigerantium medicamentorum materiā complexi videntur, Et idcirco non aliū sit opus adstringentibus compositionibus: cumq; hæc omnium sit salidissima atque tutissima, alia omnes supprimantur Et trochisci ramich, trochisci diarhodan, trochisci ex yacantha, trochisci è succino seu carabe & trochisci è spodio, quorum omnium minus est apta compositio. Trochisci diarhodan qui ex rosis, spodio santalo rubro & albo, ex croco & caphura constant, in istorum locum suffici quoque poterunt, si sapore nimium horrendi videbuntur.

TROCHISCI è caphura februm ardentium æstus, sanguinis bilisque feruorem, viscerum inflammationem,

flammationem calidiorémque intemperiem, ex hisque ortam sitim compescunt.

℞. rosarum rubrarum ℥ ss,

spodij, glycyrrhizæ añ ℥ ij,

quatuor seminum frigidorum maiorum, tragacanthæ, gummi arabici, croci, spicæ nardi indicæ añ ℥ j,

santalici citrini ℥ ij. ss,

ligni aloës, cardamomi, amyli, caphuræ añ ℥ ij. sacchari albiss. mannæ electæ añ ℥ iij. mucilaginis psyllij ex aqua rosarum depromptæ quantum satis est ad concinnandos trochiscos.

TROCHISCI galliæ moschatæ sumpti cor, cerebrum, reliquæque viscera mirè corroborant, os corpusque totum odoris suauitate perfundunt.

℞. ligni aloës crudi ℥ v,

ambrae ℥ iij,

moschi ℥ j. mucilaginis tragacanthæ ex aqua rosarum factæ quantum satis est ad trochiscos.

TROCHISCI aliptæ moschatæ idem quoque tum sumpti tum suffitu excepti præstant, difficiliusque respiratione liberant.

℞. ladanii puriss. ℥ iij,

styracis calaminthæ ℥ j ss,

styracis rubiæ ℥ j,

ligni aloës ℥ ij,

ambrae ℥ j,

caphuræ ℥ ss,

moschi ℥ ss, aquæ rosarum stillaticæ quantum exigitur.

TROCHISCI bechici albi qui & pilullæ al-

ba nuncupantur, acrem destillationem leniunt, raurcitatem & assiduam tussim compescunt.

\mathcal{L} . sacchari albißimi lib. j.

sacchari candi, penidiorum añ \mathfrak{z} iiij,

radicis iridis florentinae \mathfrak{z} ij,

amyli \mathfrak{z} j β , mucilaginis tragacanthæ ex aqua rosarum factæ quantum satis fuerit ad trochilcorum conformationem.

TROCHISCI narcotici tutò admoti capitis dentiumque dolorem consopiant, in febrium ardoribus somnum accersunt, erysipelata, inflammationes extinguunt, partium omnium externarum dolores aliis medicamentis soluti compescunt.

\mathcal{L} . gummi arabici & tragacanthæ, amyli añ \mathfrak{z} β ,

cerusæ lotæ aqua rosarum \mathfrak{z} vj,

styracis calaminthæ, myrrhæ, castorij, opij sapæ soluti añ \mathfrak{z} iiij,

croci \mathfrak{z} β . Trita omnia excipiantur mucilagine psyllij ex aqua rosarum deprompta, singanturque trochisci.

PLANTIVS.

In trochiscorum ordinē ad Virgentes cruciatus rectè hos loco postremo trochiscos adiecit narcoticos, quorum in primis apta est compositio, & usus per necessarius: nec illi exstant in eos affectus accommodandi.

DE ECLEGMATIS

ET CONDITIS.

ECLEGMA è pineis nucleis crassos thoracis pulmonumque humores extenuat atque deter-

detergit, asthma, spirandi difficultati, tussique veteri idoneum.

℞. nucleorum pineorum recentium ℥ xxx,
pulpæ palmularum ℥ xxxv,
amygdalarum dulcium, amygdalarum amara-
rum, auellandarum asatarum, tragacanthæ, gum-
mi arabici, glycyrrhizæ, amyli, capilli veneris, iri-
dis florentinæ añ ℥ iiij,

pulpæ passularum, butyri recentis, sacchari al-
biss. añ ℥ iiij,

mellis albi expumati lib. iiij. fiat eclegma.

ECLEGMATA sanum & expertum, ad ea quæ
proposita sunt superiore validius.

℞. cinamomi, hyssopi, glycyrrhizæ, añ ℥ β,
zizypha, myxaria, añ xxx. num.
vuarum passerum purgatarum, ficuum arida-
rum, palmularum pinguium añ ℥ ij,
fœnigræci ℥ v,
capilli veneris m. j,

feminis anisi, feniculi & lini, radices iridis, fo-
liorum calaminthæ añ ℥ β. coquantur omnia in
aquæ lib. iiij. dum libræ duæ supersint: expressum
ius coquatur cum penidiorum lib. ij. ad mellis
crassitudinem, ac rum adice,

pinearum purgatarum ℥ v,
amygdalarum dulcium mundatarum, gly-
cyrrhizæ, tragacanthæ, gummi arabici, amyli añ
℥ iiij,
iridis ℥ ij.

ECLEGMATA è scylla ad eadem vitia accom-
modatum.

℞. succi seu mucoris scyllæ & mellis optimi

expumati añ lib. j. coquantur in eclegmatis consistentiam.

ECLEGMA ad asthma omnium quæ propo-
sita sunt efficacissimum.

℥. scyllæ assatæ ʒ. β,

radicis iridis, hytiopi, prassij, marrubij, añ ʒ j,
myrrhæ, croci añ ʒ β, ex melle sufficiens fiat
eclegma quod etiā ex icylla compositū appellant.

SIMPLICIA multa saccharo condiantur, vt
diutius integris viribus persistant: alia quidem in-
tegra, alia contusa. Integra quidem triplo saccha-
ro coquantur, dum omni absumpto humore sy-
rupi perfecti consistentia super sit: vt acorus con-
ditus, ad frigidos cerebri & neruorum affectus, &
eorum robur accersendum.

ZINZIBER conditum ad ventriculi crudita-
tes & lentam pulmonum pituitam.

Buglossi radix cōdita ad cordis palpitacionem
& animi defectionem.

Perfica cōdita, Mala odorata condita, Cortex
citrij conditus ad cardialgiam & melancholiam.

Cydonia condita & diacydoniōn, Pyra condi-
ta ad ventriculum firmandum atque corrobo-
randum.

Nuces iuglandes conditæ, Myrobalani embli-
cæ atque cepulæ conditæ, Nux moschata condi-
ta ventriculi concoctionem iuuant, appetentiam
inuitant, roburque augent.

Cerasia condita, Surculi lactucæ, endiuicæ &
portulacæ conditi refrigerant, sitim leniunt, ap-
petentiam excitant.

Oxyacantha condita, Ribes conditum sitim
& bi-

& bilis ardorem extinguunt, reprimuntque alui profluuia.

Satyrium conditum, Eryngium conditum seminis prouentum faciunt & libidinem excitant, conceptionemque iuuant.

At verò quæ coctionem vix sustinent contrita duploque saccharo permista insolantur conseruanturque, & nomen retinent sacchari compositi vt iolacchar, rhodolacchar: hæc autem præcipuè extare debent, saccharum roris marini, saccharum florum saluie, florum betonicæ, florum pæoniæ & stæchados, ad cerebri neruorumque frigidus affectus & eorum robur continendum, ad epilepsiam & apoplexiam.

Saccharum è floribus iridis & è capillis ueneris, & è radice enulæ, pectus blandè expurgat, pulmonesque iuuat.

Saccharum symphyti cruentam excreationem sedat.

Saccharum violarum & florum buglossi, cor refrigerat & exhilarat.

Saccharum rosatum ventriculum firmat, arcetque destillationes, & sanguinis eruptiones cõpescit.

Saccharum è floribus cichorij iecur refrigerat eiusque obstructions expedit.

Sic et præterea medicati non pauci in vsu asseruantur alij simplices ac synceri, alij saccharo permisti, qui quòd coquendo in sapæ consistentiam crassescant, Arabibus propterea robur, id est sapales appellatur. Expressi subsidere permittuntur dum inclarescant, purior portio percoquitur in mellis crassitudinem, deinde insolatur & re-

conditur. Si saccharum permiscendum est, debet id pari dimidium modo esse.

Succus è ribes asseruatur ad sitim, ad biliosas vomitiones aut alui excretiones.

Succus è nucibus diacaryon dictus, ad acres destillationes & anginas, habet succi nucum iuglandium recentium lib. iij. mellis optimi lib. ij. coquuntur ad mellis consistentiam.

Succus è moris diamorøn dictus, ad depascencia oris & gingiuarum vlcera & ad destillationes acres.

℥. succi mororum domesticorum lib. β, succi mororum rubi, mellis optimi expumati añ lib. j,

sapæ ʒ iij. coquantur in mellis consistentiam.

Succus prunorum syluestrium coquitur dum prorsus crassescat, & pro acatia vsurpatur.

DE EXTERNIS MEDI-

CAMENTIS, AC PRIMVM
DE OLEIS.

OLEVM rosarum inflammationes & stomachi ardores extinguit, roborat, densat, fluxionesque sistit.

℥. gemmarum rosarum rubrarum recetium, vnguibus expurgatarum atque tritarum, succi rosarum añ lib. j. macerentur in olei omphacini salis expertis lib. v. in vitreo vase obturato, diebus septem insolentur, coquantur tribus horis in vase duplici, expressis abiectisque foliis noua immittantur, permutenturque secundo ac tertio.

tiò. Postremò expressis abiectisque foliis infolentur & coquantur vase duplici, dum succus absumptus sit. Si oleum deest omphacinum salis expers, vulgare identidem agitandum lauandumque succo vultu acerba.

OLEVM violarum ardores extinguit remittitque phlegmonas, pleuriticos iuuat, pulmonis thoracisque vitia lenit. Fit ex vulgari oleo maturo vel amygdalino recenti & insulso, aut quod saltem aqua frigida elotum sit. In id igitur recentes violæ purpureæ coniiciuntur operculato vase, insolanturque dies solùm x. tertio quoque die violis mutatis additisque postremò siccis.

OLEVM nymphaeæ magis refrigerat, ardoresque præcipuè renum, vesicæ & capitis, ac etiam delirium compescit, accersitque somnum. Fit vt violaceum ex floribus nymphaeæ albis oleo loto maceratis, at insolatur dies xx. floribus ter interea mutatis.

OLEVM papaueris omnia efficacius quàm nymphaeæ præstat, & propriè capitis dolores atque deliria sedat, somnumque conciliat. Papaueris albi flores, folia, atque capita contusa macerantur oleo loto, perficiturque vt nymphaeæ. Cui etiam potest leniter vase duplici. Sunt qui è papaueris albi semine perinde atque ex amygdalis oleum hoc exprimunt.

OLEVM hyoscyami albi eadem ratione comparatur atque papauerinum, tum macerando tum exprimendo: non minus ad omnia efficax quàm papauerinum.

OLEVM mādagoræ simplex multò euiden-

tius refrigerat, dolores ex inflammatione compescit & somnū accersit. Fit autem è pomis mandragorę tuis & oleo maceratis leniterque coctis vt nymphaꝝ oleum.

OLEVM mandragorę compositum omnium summè refrigerat & dolores omnes ex inflammatione atque etiam alios consopit, capitis dolores, phrenitides compescit illitum & naribus obiectum, promptèque somnum conciliat.

℞. olei ℥. ij. β.

succi pomorum mandragorę ℥. iij,

succi hyoscyami albi ℥. ij,

succi capitis papaueris albi ℥. iij,

succi violarum, succi cicuta tenerrimæ añ ℥. j,

opij, styracis calaminthæ añ ℥. β. permista omnia diebus x. insolentur, deinde coquantur vase duplici dum succi absumpti sint, oleum tandem coletur atque recondatur.

OLEVM melinum quod & cydoniorum, refrigerat & adstringit, ventriculo, iecori, intestinisque imbecillis accommodatum: hinc vomitum, alui profluvium, sudoremque illitu sistit.

℞. cydoniorum cum cortice & semine tusorum, succi cydoniorum añ lib. β.

misce in vase vitreo & affunde olei omphacini lib. j. β. In sola diebus xv. deinde bulliant horis quatuor in vase duplici. Expressis cydoniis alia deinde similiter secundò incoquantur, atque etiam tertio dum nihil reliquū sit humoris. Expressum tandem oleum recondatur.

OLEVM myrtinum refrigerat, adstringit, & roborat, propriè verò cor, ventriculum, cerebrum atque

atque nervos: fit vt melinum ex myrti baccis & foliis, addito etiam succo cūm haberi potest.

OLEVM mastichinum cerebrum, nervos, ventriculū heparque adstrictione corroborat, lienteria, vomitioni & cruditati accommodatum.

℥. mastiches ℥. iij,

aquæ rosarum ℥. iij,

olei omphacini vel rosacei lib. j. coquantur in vase duplici ad aquæ consumptionem. Vinum vice aquæ rosarum imponitur, quum nervorum lassitudo lenienda est.

OLEVM mentæ ventriculū aliasque partes illitu corroborans concoctionemque iuuans moderato calore: mentæ sativæ tunsa folia cum succo macerantur in oleo omphacino, insolantur, coquuntur, sæpiusque mutantur, vt in rosaceo præceptum est.

OLEVM absinthij modicè calfacit & corroborat, concoctionem iuuat, appetentiam excitat, obstructa soluit, lumbricos enecat. Absinthij comæ tunsa in oleo quoque omphacino macerantur, hocque vt mentæ oleum perficitur.

OLEVM chamæmelinū nervos atque membranas moderata adstrictione corroborat, modicè resoluit, dolores apprimè sedat.

℥. florum chamæmeli recētium & tusorū lib. j. mergantur & macerentur in oleo dulci maturo & insolentur diebus canicularibus xx. Expressis reiectis que foliis oleum recondatur.

OLEVM liliorum thoracis, ventriculi, vterii, renū, vesicæ atque nervorum dolores sedat, lenit atque coquit.

℥. florum liliorum alborum integrorum abiectis duntaxat filamentis croceis lib. j. macera in oleo dulci & maturo & insola diebus xx. Fit & aliud quod compositum appellant ad omnia quæ dixi efficacius, quod recipit,

massiches, calami aromatici, costi, olei pyrethri, carpobalsami añ ℥ j.

caryophyllorum, cinamomi añ ℥ ss,

croci ℥ iij. Tusa omnia aqua macerentur horis xxiiij. bulliant modicè, subtractis igne affunde olei dulcis lib. ij,

Foliorum lilij ℥ viij. Insolentur dies xl. expresse sumque oleum reponatur.

OLEVM leucoij lutei, thoracis, renum, vesicæ, neruorum articulorumque dolores compescit.

℥. florum leucoij lib. j. macera in ℥b. j. ss, olei dulcis. Insola dies x. ter mutatis floribus: expressum oleum reponitur, adiectis si placet florū siccorum ℥ iij.

OLEVM iasminum eadem que leucoij oleum multoque validius confert, summè præterea molliens ac leniens. Similiter è iasmini floribus comparatur atque liliorum.

OLEVM anethinū modicè calfacit & digerit, cephalalgiam neruorumque dolores lenit & somnū conciliat. Fit ex comis anethi viridibus quæ in sufficiente oleo dulci macerantur insolanturque die vno: aut coquantur in vase duplici, expresseque comis colatum oleum reconditur.

OLEVM amygdalarum dulcium dolores demulcet,

mulcet, partes exasperatas, præcipuè verò pulmones renesque lenit, sicca & dura emollic, hecticis & tabidis familiare. Fit autem sic, amygdalæ dulces diligenter expurgatæ plurimum teruntur, affuso aque rosaceæ momento, deinde vase exceptæ circiter horas quinque in aqua calida contineantur foveanturque vt aliquantum incalescât. Postea sacculo conclusæ torculari premantur dum oleum emanet.

OLEUM lumbricorum moderato calore emollit lenitque dolorem, contusis & arthriticis in primis aptum.

℥. lumbricorum terrestrium lotorū & præparatorum lib. β,
vini albi ℥ ij,
olei dulcis lib. ij. bulliant dum vinum consumptum sit, & lumbrici contabuerint, percoletur oleum & seruetur.

OLEUM irinum coquit, extenuat, resoluit, hepatis, splenis, vteri, & articulorum dolores sedat, thoracis pulmonumque materiam coquit.

℥. radicum iridis tunsarum lib. β. florum integrorum lib. j,

decocti vel si potentius optatur succi alterius radicum iridis lib. j,

olei dulcis lib. ij. β. coquantur in vase duplici dum liquor euaporauerit: expressis deinde radicibus & foliis recondatur oleum.

OLEUM rutaceum calfacit, crassos humores attenuat, discutitque flatus quàm anethinum va-

lentius, confert dolori colico, paralyfi, fpafmo, vteri ac vesicæ perfrigerationi.

℞. foliorum rutæ modicè siccorū, succi eiusdem añ ℥. β. Macera triduum in olei dulcis ℥. iij. bulliant in vase duplici dum succus sit absumptus: expressa deinde ruta ter quaterve mutetur, postremo expressum oleum seruetur.

OLEVM amygdalarum amararum validè attenuat atque incidit, flatus omnes præsertim aurium tinnitus dissipat, obstructions iecoris aliorumque viscerum tenuando tergendoque expedit, duritias præsertimque netuorum mollit. Fit ex amygdalis amaris siccis & expurgatis, tunsis, aqua feruente calfactis, pressis que torculari dum oleum emanet.

OLEVM è capparibus extenuando detergendoque duritiem omnem propriè que lienis & obstructionem soluit, eiusque dolorem omnemque affectum lenit.

℞. corticis radicis capparidis ℥ j,
corticum tamarisci, foliorū tamarisci, seminis agni, scolopendrij seu asplenij, cyperi añ ʒ ij,
rutæ ʒ j,
aceti, vini optimi añ ʒ ij,
olei maturi lib. j. coquantur in vase duplici ad consumptionem vini & acetis, percolatum oleum recondatur.

OLEVM nardinum calfacit, tenuat, digerit ac roborat: cerebri, ventriculi, hepatis, lienis, tenum, vesicæ ac vteri frigidis & flatulentis affectibus mixtè iuccurrit tum simplex tum compositum.

℞. spi-

℥. spicæ nardi ℥ iij,
vini optimi, aquæ rosacæ añ ℥ ij. ℞.
olei dulcis lib. j. ℞. coquantur horis circiter
quatuor vase duplici prunis non acribus dum vi-
num & aqua euaporent.

OLEVM nardinum compositum.

℥. spicæ nardi ℥ iij,
sampluchi ℥ ij,
xyloaloës, enulæ, folij aut maceris, calami aro-
matici aut galangæ, foliorum lauri, cyperi, schæ-
nanthi, cardamomi añ ℥ j. ℞. contusis affunde,
vini, aquæ rosacæ añ lib. j.
olei dulcis lib. v. macerentur horis xxiiij, dein-
de coquantur in diplomate horis sex subinde mo-
uendo dum vinum & aqua absumatur.

OLEVM laurinum calidū & extenuans, ven-
triculi flatus colicosque dolores, capitis, visce-
rum, vteri, renum neruorumque frigidos morbos
discutit. Lauri baccæ maturæ tundantur diuque
ex aqua coquantur, colato iuri atque refrigerato
pinguedo innatans colligatur & pro oleo recon-
datur.

OLEVM vulpinum attenuat & aliquantum
digerit: podagræ omni que arthritidi leniendæ o-
mni morbi tempore vtile.

Vulpem pelle nudam & exenteratam, minu-
tim concisam, coque in aquæ fontanæ & marinæ
feu salis paribus portionibus: ex dimidio coctæ
adde

salis ℥ iij,

olei veteris puri lib. iij,
 thymi, anethi, origani añ lib. ß. coquantur ad
 artuum dissolutionem & aquæ consumptionem,
 exprimaturque oleum.

O L E V M è scorpionibus extenuat adeò vt illi-
 tum lumbis renum calculum, pubi verò aut peri-
 næo illitum aut in vesicam iniectum vesicæ cal-
 culum terere & exturbare credatur.

℥. radice aristolochiæ rotundæ, gentianæ, cy-
 peri, corticum radice capparis añ ʒ j. contusa o-
 mnia macerentur in lib. j. ß, olei amygdalarum
 amararum & insolentur dies xx. deinde modicè
 coquantur in vase duplici, iniectis sub finem scor-
 pionibus quindecim. Iterum insolentur dies xxx.
 actum excolatum oleum recondatur.

O L E V M terebinthinæ calidum est ac tenue,
 alteque penetrans magis quàm terebinthina:
 præduros tumores mollit & extenuat, frigidos
 neruorum & articulorum morbos tollit addito
 robore.

℥. terebinthinæ lucidæ lib. iij. reponere in cu-
 curbitam vitream, quam in arenas immerge, i-
 gneque subdito arte alchymistica aquam pri-
 mum, deinde lucidissimum elicies oleum, ac po-
 strémò flauum.

O L E V M ricininum quod de kerua appellant,
 summè tenuans ac digerens, aurium dolorestin-
 nitusque dissipat, manantia capitis vlcera, pforas,
 lepras fœdasque cicatrices extergit, clystere a-
 quas & lumbricos elicit.

Ricini

Ricini grana expurgata tunduntur, ex hisque perinde atque ex amygdalis oleum prolicitur.

OLEVM balaninum aurium quoque dolores & strepitus soluit, varos, lentigines, maculas, cicatricesque nigras delet, & aluum subducit, vomitumque ciet. Fit ex balano myrepfica quod granum ben Arabes appellant, teritur, calefit, oleumque exprimitur, non aliter quàm ab amygdalis.

OLEVM è castorio frigidis confert cerebri & neruorum affectibus, surditati, aurium tinnitui, paralyfi, tremori, spafmo & febrium rigori inuncta dorsi spina.

℥. castorij aqua vitæ soluti ℥ j, olei lb. j. bulliant in vase duplici dum tertia pars absumpta sit.

OLEVM euphorbij simplex eadem sed efficacius multò præstat, ac præterea naribus immisum pituitam elicit.

℥. euphorbij ℥ β,

olei leucoij lutei, vini odoriferi añ ℥ v. coquantur ad vini consumptionem.

OLEVM è lateribus, quod & philosophorum appellant, calfacit, penetrat, mollit dura, resoluit ac discutit tumores frigidos: opitulatur spafmo, epilepsia, paralyfi, podagra, & omnibus iuncturarum & neruorum frigidis affectibus. Laterem ruffum ac inueteratum in frustula confringe, hæc vrito in prunis donec tota excanduerint: deinde exempta restinguito in oleo claro veteri, & dimittito quousque se oleo impleuerint. Postea oleo exempta in tenuissimum pul-

uerem contundito, atque in cucurbitam vitream indito & arte oleum elcito & reponito.

PETROLEVM summè calidum, attenuans, penetrans, siccans ac digerens: materiam omnem frigidam è quauis corporis sede absumit, epilepsiam, paralysem, spasmus, nervorum articulorumque dolores, lienis, renum, vesicæ, vteri frigidiore affectus soluit: hoc non arte sed natura prouenit, ac plerisque locis ex petris & rupibus emanat.

PLANTIVS in olea.

Oleorum compositiones Veteribus & scriptis secutus anthor, nihil in iis immutandum putauit, nec (quod extrinsecus solum inducantur) tanta fuit in laborantium gratiam mutandi necessitas. Ad omnium causarum affectuumque generum, præstantissima quaque olea selegit ac protulit, cæteris prætermisiss, quæ aut parum efficacia aut superuacua videbantur. Nec enim necessarium videbatur oleum nymphaeæ citrina quod sub altero comprehendatur, nec oleum populeum quod efficacius eo sit vnguentum populeum: nec oleum alterum mædragoræ, nec oleum costinum, nec oleum de piperibus, nec oleum maioranæ, nec irinum compositum, nec sambucinum, nec moschelinum, quod alia satis multa existant quibus & sibi faciliore maior sit calfaciendi, attenuandi digerendiq; facultas.

DE VNGVENTIS.

VNGVENTVM Galeni refrigerans, ad phlegmonas, erysipelata, herpetas, omnemque calidiorem intemperiem efficax.

℞. ceræ albæ ℥ iiij, olei rosati lib. j. liquata vase duplici in vas aliud transfundantur, sensimque

que affusa aqua frigidissima ac subinde mutata diu subigantur. Postremo autem semperuiui aut solani defecatus succus subigendo infunditur, si præsertim ad affectus non exulceratos expolcitur, aut acetum si integra necdum exasperata est cuticula.

PLANTIVS in vnguenta.

Vnguentū Galeni refrigerans tametsi descriptione vulgari nec solani nec semperuiui succum habeat, his tamen adiectis efficacissimum redditur ad omnes affectus qui refrigerari possunt.

VNGVENTVM rosatum ad eosdem quoque affectus adhibetur, at certè ineffacius.

Adeps suillus membranis expurgatus nouies lauetur aqua calida, ac deinde toties aqua frigida: postea rotarum rubrarum recentium contusarum par pondus ei permisceatur, sinaturque marcescere diebus septem. Fusus adeps igne lento percoletur, rursusque in eo rosarum tusarum tantundem maceretur diebus septem, affuso pariter succi rosarum dimidio & olei amygdalini partibus sex: rursus sensim coquantur dum succus totus absorptus fuerit.

VNGVENTVM populeum phlegmonas, febrium æstus, renum capitisque ardores compescit, somnum temporibus illitum conciliat.

Gemmarum populi recentium lib. j. maceretur in axungia suillæ insulsæ præparatæ lib. iij. dum quæ sequuntur omnia æstate comparari possint.

24. foliorum papaueris rubri, foliorum man-

dragoræ, foliorum hyofcyami, cymarum rubi-
nerrimarum, solani, lactucæ, semperuiui maioris
& minoris, bardanæ, violæ, vmbilici veneris añ ℥
iij. contusa omnia permisceantur axungia & o-
culis populi, exactis diebus x. affunde aquæ rosa-
rum lib. j. coquatur igne lento dum aqua omnis-
que liquor sit absumptus: coletur exprimatur-
que, ac si opus sit recoquatur dum vnguenti tem-
peraturam acceperit.

VNGVENTVM album refrigerans ac leuiter
adstringēs, inflammationes exullionesque com-
pescit, scabiei & pruritus ardorem omnesque bi-
liosæ eruptiones restinguit.

℥. cerusæ ℥ iiij. lithargyri ℥ ij. lauentur diu in
aqua rosarum, qua eiecta mortario excipiantur,
sensimque oleum affundatur rosaceum quantum
combibere possint, continenter agitando atque
subigendo dum bona sit vnguenti consistentia:
addatur sub finem aceti albi pauxillum & caphu-
ræ ℥ j. β.

PLANTIVS.

*Vnguentum album quale hic descriptum est, vnum erit
vix eorum quæ inscribuntur, Vnguentum de lithargyro,
Vnguentum nuxitū, Vnguentum de cerusa crudum, & Vn-
guentum de cerusa coctum, quod & emplastrum de cerusa
appellatur: eorum enim vires hoc vnum complectitur.*

VNGVENTVM adstringens laxiores partes
contrahit, ductus viasque coarctat, fluxiones in-
tercipit atque repellit, vulue, vteri, sedis, intestini-
que prolapsum cohibet, & profluentem sangui-
nem admotum sistit.

℥. gallæ immaturæ, nucum cupressi, bacca-
rum

rum myrti, balauſtiorum, malicorij, corticum glandium, acatiæ, rhois, maſtiches añ \mathfrak{z} j. omnia exquiſitiſſimè trita macerentur dies circiter quatuor in ſuccis meſpilorum & ſorborum immaturorum, deinde ſiccantur igni non acri, & cum olei roſati ſæpius in aqua aluminofa lotilib. j. β . & ceræ albæ \mathfrak{z} iiij. fiat vnguentum.

PLANTIVS.

Vnguentum hoc adſtringens quòd validiſſimum ſit ad paratu facile, & ſurpandum erit pro vnguento comiſſæ & alio quouis adſtringente.

VNGVENTVM diachalciteos, quod & palmarum appellant, omnes recentes fluxiones ſiſtit, veteresque reſoluit, vlcera maligna & dyſepulotica glutinat.

\mathfrak{z} . adipis ſuilli recentis ſine ſale & fibris lib. iij, olei veteris, lithargyri triti & creti añ lib. iiij, chalcitidos læuigatæ \mathfrak{z} iiij. Adeps & oleum liquantur prunis non acibus, iſſque inſperguntur lithargyros & chalcitis, mouenturque continenter tribus palmæ aut ſaltem myrti, ſorbi, meſpilive ramis recentibus, vbi cerati craſſities erit, inter coquendum ramus tenellus minutim conciſus iniicietur: ruruſumque coquetur donec digitos non inquinet, veramque emplaſtri temperaturam ſit aſſequutum.

PLANTIVS.

Vnguentum diachalciteos ex hac Galeni deſcriptione & ſurpandum eſt vice eorum quatuor quæ à Meſue traduntur, duo ſub deſcriptione vnguenti diaphanicon, aliæque duo ſub deſcriptione vnguenti palmas.

VNGVENTVM diapompholygos refrigerat, adstringit, fluxiones inhibet & vlcera caua implet, maligna ad cicatricem perducit.

\mathcal{L} . olei rosacei \mathfrak{z} x,
succisolatri \mathfrak{z} iiij. bulliant ad succi cōsumptionem: adde ceræ albæ \mathfrak{z} v,
cerusæ lotæ \mathfrak{z} ij,
plumbi vsti & loti, pompholygis, thuris añ vnciam: coquantur in vnguenti formam.

VNGVENTVM rubrum exiccans eiusdem facultatis.

\mathcal{L} . olei rosarum lib. j.
ceræ albæ \mathfrak{z} v. liquatis insperge
lapidis calaminaris, terræ lemniz exquisitè
tritiorum añ \mathfrak{z} iiij,
lithargyri, cerusæ añ \mathfrak{z} iij,
caphuræ \mathfrak{z} j. coquantur in vnguentum.

VNGVENTVM dialthæas modicè calfacit, emollit, humectat atque lenit.

\mathcal{L} . althææ radicum recentium & contusarum lib. ij,
seminis lini & fenigræci contusorum añ lib. j.
macerentur in aqua lib. viij. dein leniter coquantur exprimaturque mucilago: de hac lib. ij. & olei lib. iiij. pariter bulliant dum mucilago sit abstracta, actum adde
ceræ lib. j,
resinæ lib. ß,
terebinthinæ \mathfrak{z} ij. percoquantur in vnguenti crassitiem.

Vnguentum dialthæas simplex descriptum est, quod compositum propter colophonium & galbanum, & gummi hedera sordidum nimis esset, aliæque extarent ad digerendum efficaciora.

VNGVENTVM resumptium dictum, cui etiam summa vis inest emolliendi blandè & sine manifesto calore asthmaticis, hæcticis, tabidis, pleuriticis atque febricitantibus tutò adhiberi potest.

℞. seminis lini, althææ & fenigræci, gummi arabici, tragacanthæ añ ʒ ij. macerentur & bulliant in lib. β. aquæ rosarum, eliciatur mucilago, in qua dissolue

adipis suilli, gallinæ, anseris & anatis añ ʒ ij, œsypi ʒ β,

olei violarum, chamæmeli & amygdalarum dulcium añ ʒ ij,

medullæ vituli, butyri recentis, ceræ albæ añ lib. β. coquantur in vnguentum.

PLANTIVS.

Vnguentum hoc, quod resumptium inscribitur, ea est compositione, & cæteris quæ ad emolliendum, leniendum aut relaxandum composita sunt, iure præferendum sit. Nam neque Vnguentum diadipibus, neque Vnguentum pectorale geminum, neque Vnguentum philagri, neque illud & quæquam ad emolliendum & ad eos quos dixi effectus præstantis.

VNGVENTVM agrippæ non modò emollit, sed & validè attenuat & incidit, corporisquæ œdemata discutit, & vetera nervorum vicia sanat, renum dolori succurrit, ventrem illitu subducit, & hydropicos iuuat.

℞. radicis bryoniæ lib. ij,
 radicum cucumeris agrestis lib. j,
 scyllæ lib. β,
 radicis ireos recentis ℥ iij,
 radicum filicis & ebuli, tribuli marini añ ℥ ij.

Tunsa omnia recentia macerentur diebus sex vel octo in olei veteris non rancidi lib. iij, parum deinde feruefiant, & in expreflo oleo ceræ citrinæ ℥ xv. liquefiant in vnguenti confistentiam.

P L A N T I V S.

In Vnguento Agrippa rectè monet simplicia omnia recentia sumenda eſſe, nec admodum eſſe coquenda: his enim crudis tamen ſi vis ineſt molliendi & attenuandi & lidifiſſima, coſtione tamen perit atque diſperditur. Vnde alio loco rectè præcepit author ad ſcirrhos emolliendos ex hiſce radicibus contuſis atque crudis addita axungia & cera cataplasma conſci in primis efficaci.

VNGVENTVM ἀγrippον, id eſt auxiliare calfacit, validè extenuat atque digerit, corporis præfertimque neruorum frigidis affectibus, conuulſioni, reſolutioni, lumborum, articulorum, colicoque dolori aptum.

℞. roris marini, maioranæ, radicis iari, ſerpilli, rutæ, radicis cucumeris agrestis añ ℥ iij β,
 foliorum lauri, ſaluiæ, ſabinæ, pulicariæ maioris & minoris, radicum bryoniæ añ ℥ iij,
 laureolæ ℥ ix,

foliorum cucumeris agrestis & nepitæ an lib. β. Omnia Maio menſe collecta & expurgata tunduntur recentia, & macerantur diebus ſeptem in olei optimi lib. vj. affuſa aqua vitæ ad lib. j.

deinde coquuntur dum contabefcant & abſumpta ſit aqua, oleum percolatur in quo ceræ ℥ xvj.

xxvj. liquantur, & adipis vrsini, olei laurini añ
 iij,

olei moschelini ℥ ss,

petrolei ℥ j,

butyri ℥ iij, agitando hi pulueres insperguntur,

mastiches, olibani añ ℥ vij,

pyrethri, euphorbij, zinziberis, piperis añ ℥ j.

Omnia in vnguenti formam coeant.

VNGVENTVM marciatum magnum cerebri,
 neruorum articulorumque frigidis affectibus,
 tremori, conuulsioni, paralyfi, arthritidi in pri-
 mis vtile: præduris tumoribus lienis præsertim
 emolliendis efficax.

℥. ceræ albæ lib. j,

olei lib. iij,

rosæ marini, foliorum lauri añ ℥ iij,

tamarisci ℥ iij,

rutæ ℥ iij. ss,

ebuli, sabina, balsamitæ, id est mentæ aquati-
 cæ, ocimi, saluiæ, polij, calaminthes, artemisiæ,
 helenij, betonicæ, acanthiquæ est branca vrsina,
 aspargulæ quæ est aparinæ, anemones quæ her-
 ba venti dicitur, pimpinellæ, agrimonij, absin-
 thij, phlomi minoris qui & herba paralyfis, costi
 herbæ hortensis, quæ herba dicitur sanctæ Ma-
 riæ, cymarum sambuci, semperuiui minoris quod
 crassula appellatur, millefolij, semperuiui maio-
 ris, chamædryos, plantaginis seu quinquener-
 uiæ, centaurij minoris, fragariæ, quinquæfolij, te-
 trahit id est herbæ iudaicæ añ ℥ ij. ℥ ij,

radicis althææ, cumini, myrrhæ añ ℥ j ss,

DD 3

fenigræci ꝑj,

butyri ꝑ,

seminis vrticæ, violarum & papaueris rubri, mentastri seu mentæ agrestis, mentæ satiuę, oxylapathi, polytrichi, cardiobatani, id est cardui benedicti, periclymeni, id est capitoliij seu matris syluæ, marathri, herbæ moschata quæ est prima geranij species, trifolij acetosi quod aleluya dicitur, scolopendrij quod est ceterach, crispulę, id est bupthalmi, caphurata herbæ, id est abrotoni, styracis, medullæ ceruinæ añ ꝑij,

adipis vrsini, adipis gallinacæ, mastiches añ ꝑß,

thuris ꝑij,

olei nardini ꝑj. Herbæ ad finem Maij mensis collectæ recentes terantur macerenturque diebus septem in vino optimo odorato, octauo die coquantur simul dum vinum ex dimidio absumptum sit, actum oleum affunditur. Rursumque coquantur dum herbæ cõtabescant & vinũ prorsus sit absumptum: deinde colatur & exprimitur oleum, in quo rursus concalescto styrax, butyrum, adipēs, mastiche, thus, oleum nardinum & cera quo dixi ordine adiiciuntur, cumque dissoluta fuerint agitatione continenti, subtrahantur igni, & concretum vnguentum recondatur.

PLANTIVS.

Vnguenti martiati tres apud quosdam traduntur descriptiones non admodum quidem necessariæ ad frigidos nervorum aliarumque partium affectus, cum ad hos abunde faciat vnguentum aregũ nunc descriptum. At Verò qui martiatum hoc habere velit, descriptionem hanc sequatur ex Nicolao Myrepsso depromptam atque reformatam.

VNGVENTVM basilicum minus quod & tetrpharmacum veteres appellarunt, calfacit, humectat, dolorem mitigat, ac pus mouet, phlegmonis incrementibus vtile.

℞. resinæ, picis, ceræ añ ℥b. β, olei quod satis est.

BASILICVM magnum eadem præstat & detergendis quoque & implendis viceribus idoneum.

℞. ceræ albæ, resinæ, seui vaccini, picis, terebinthinæ, olibani, myrrhæ añ ℥ j, olei quod satis est.

PLANTIVS.

In Unguento basilico, aureo, apostolorum, ægyptiaco & emulato nihil immutandum putauit: in Unguento citrino simplicium doses admodum incertas atque deprauatas reformauit, atque plus inesse voluit radicis dracuntij (cuius ad propositos cutis affectus summa vis est) quam cerusæ aut aliterius cuiusvis simplicis. In componendi quoque ratione certum modum expressit adiciendorum citriorum malorum, quorum pulpa atque succus ad ea cutis vitia non minus visus, imò etiam visibilior quàm cortex habetur.

VNGVENTVM aureum vulnera leuiter detergit, glutinat ac tutò curat.

℞. ceræ citrinæ ℥b. β,
olei non rancidi ℥b. ij β,
terebinthinæ ℥ ij,
resinæ, colophonix añ ℥ j β,
thuris, mastiches añ ℥ j,
croci ℥ j. Cera ex oleo liquatur, adiciuntur-
que reliqua exquisitè trita.

VNGVENTVM apostolorum vulnera & vlcera contumacia itemque fistulas detergendo ex-

purgat, fungosam aut mortuam carnem absumit
& nouam restituit.

℞. terebinthinæ, ceræ albæ, ammoniaci añ
3 xiiij,
opopanacis, floris arisañ 3 ij,
aristolochiæ rotundæ, thuris masculi, bdellij
añ 3 vj,

myrrhæ, galbani añ 3 iiij,
lithargyri 3 ix,

olei si æstas fuerit lib. ij. si hyems lib. iiij. Bdel-
lium, ammoniacum, opopanax & galbanum ace-
to macerata atque soluta cum cæteris tritis in ole-
um & ceram liquefacta coniiciuntur, coquuntur-
que agitando in vnguenti formam.

VNGVENTVM Ægyptiacum multò validius
quàm apostolorum vlcera vetera atque fistulo-
sa extergit, excrecentem aut emortuam carnem
vehementer exiccat & exedit non sine sensu do-
loris.

℞. æruginis 3 v,
mellis optimi 3 xiiij,
aceti fortis 3 vij. coquuntur simul omnia dum
vnguento sua crassities & purpureus color acce-
dat.

VNGVENTVM ex enula quod enulatum ap-
pellant, ad prurimum, ad scabiem tum siccam
tum humidam, & ad alias cutis fœditates mirè ef-
ficax.

℞. radices enulæ ex aceto coctæ, tusæ & cre-
tæ lb. j,
axungia porci, olei añ 3 iiij,

ceræ

cera noua \mathfrak{z} j,

argenti viui extincti, terebinthinę lotę añ \mathfrak{z} ij,
 salis vulgaris bene triti \mathfrak{z} β . Cera & axungia
 ex oleo liquantur, his additur enula, deinde ar-
 gentum viuum & sal, postremò terebinthina. Tu-
 tior eius fuerit vsus, si vice argenti viui imponan-
 tur succi fumarie & limonum añ \mathfrak{z} j. Vtrumque
 igitur seorsum habendum est.

VNGVENTVM citrinum aut rectius citreum,
 papulas ex bile aut salsa pituita in cute præsertim-
 que faciei erumpentes reprimat, lentigines, im-
 petigines, liuores, fædas cicatrices & oculorum
 rubores extergit.

\mathcal{L} . boraçis \mathfrak{z} ij,

caphura \mathfrak{z} j,

corallij albi \mathfrak{z} β ,

amianti, id est aluminis plumosi, vmbilici ma-
 rini seu belirici, tragacanthę, amyli, crysalli, en-
 thali, dentali, thuris albi, nitri añ \mathfrak{z} ij,

cerusę ex radice dracuntij factę \mathfrak{z} j,

cerusę vulgaris \mathfrak{z} vj,

adipis suilli recentis salis expertis & puri lib.
 j. β ,

seui caprini \mathfrak{z} j. β ,

adipis gallinacei \mathfrak{z} j. Adipes in duplici vase li-
 quefiant, in iis macerentur & leniter coquantur
 citrea mala duo minutim concisa. Adipes colen-
 tur in hisque trita omnia laboriosè iniiciantur &
 rudicula subigantur: nouissimè borax & caphu-
 ra tenuissimè tritę inspergantur. Coctum vn-
 guentum ac deinde concretum recondatur.

DE EMPLASTRIS.

EMPLASTRUM diachylon simplex iecoris, lienis, externarumque partium præduros tumores incipientesque scirrhus emollic, sensimque dissipat.

℞. mucilaginum, seminis fenigræci, seminis lini & radicum althææ añ lib. j, olei veteris puri ℥. iij,

lithargyri purgati atque triti ℥. j. β, lithargyrum in mortario sensim oleo diluatur dum exquisita sit permixtio: igni dein lento coquantur spatha assiduò subigendo dum crassescant: ac tum his paulatim infundantur depromptæ mucilagine, percoquanturque in emplastri substantiam. Si valentius desideratur in singulas libras singulæ vnciæ radicis iridis tritæ inspergentur.

EMPLASTRUM diachylon magnum cui vis ad omnia quæ dixi quàm simplici præstantior est, propterea quòd ex pluribus tum mollientibus tum digerentibus constet.

℞. lithargyri puri, triti & creti ℥. j, olei irini, chamæmelini, anethini añ ℥ viij, mucilaginum seminis lini, fenigræci, ficuum pinguium, & vuarum passerarum, succi iridis & scyllæ, cæsypii, ichthyocollæ añ ℥ xij β, terebinthinæ ℥ iij, resina pini, cera citrinæ añ ℥ ij. Omnia in emplastrum redigantur eadem arte qua in simplici diximus.

EMPLASTRUM è mucilaginibus præduros quoque

quoque tumores validè molli ac digerit, abscessus quoque maturat, eorumque ruptorum saniem ac pus abstergit.

℞. mucilaginum seminis lini, althææ, fenigræci, & mediani corticis vlmī añ ℥ iij β,
oleorum chamæmeli, liliorū & anethi añ ℥ j,
ammoniāci, galbani, opopanacis, sagapeniā añ
℥ β,
croci ℥ ij,
terebinthinæ ℥ ij,
ceræ nouæ ℥ xx, fiat emplastrum arte iam præscripta.

PLANTIVS in emplastra.

Multa quidem ad emolliendum emplastra Veteres descripserunt, & ex his quatuor sub nomine diachylon, quorum duo hæc tamen præstantissima sunt. Sed & hoc emplastrum è mucilaginisbus multò ad omnia potentius existit quàm quod Zacharia filio adscribitur, quod proinde minime describendum fuit.

EMPLASTRUM è meliloto strenuè quoque emollit ac digerit, doloresque lenit, accommodatum ventriculi, iecoris, atque lienis præduris tumoribus tensisque hypochondriis.

℞. meliloti ℥ vj,
florum chamæmeli, seminis fenigræci, radicis althææ, baccarum lauri, absinthij, sampsuchi añ
℥ iij,
cardamomi, cyperi, ireos, spicæ nardi, ammios, cassiæ lignæ, seminis apij, anisi añ ℥ ij. β,
ammoniāci ℥ x,
styracis, bdellij añ ℥ v,
terebinthinæ ℥ j. β,

ficus pingues xij,
 feui hircini, resina añ ʒ ij. β,
 cera ʒ vj,
 olei maiorana & nardini añ quantum sufficit,
 fiat emplastrum. Seuum hircinum, resina & cera
 in oleis liquentur, his ficus pingues trita & creta
 addantur, deinde ammoniacum & bdellium ace-
 to soluta, postea terebinthina, postremò reliquo-
 rum pulueres creti.

P L A N T I V S.

*Emplastrum è meliloto, è baccis lauri, ceroneum & oxy-
 croceum satis quidem esse videbuntur ad omnes affectus &
 dolores qui digeri resoluq; postulant, Et idcirco non alijs o-
 pus fuerit, neque emplastra è sinapi, neque emplastris Sa-
 ris è fermento, neque emplastro de allis, neque emplastro
 relato ad Aristarchum.*

E M P L A S T R V M è baccis lauri ventriculi, præ-
 cordiorum, intestinorum, vteri ac vesicę, aliarum-
 que partiũ dolores à flatibus aut à frigida quauis
 causa subortos mirè demulcet.

℞. thuris, mastiches, myrrha añ ʒ j,
 baccharum lauri ʒ ij,
 cyperi, costi añ ʒ β, mellis colati quantum ad
 omnia cogenda satis est. Id putant ad hydropem
 mirabile reddi si pondus cyperi sit ʒ ij. β, & ca-
 prinũ stercus arefactum addatur pondere ℞. β.

E M P L A S T R V M ceroneum lienis duritiem
 mollit, hydropi & frigidis vteri affectibus, tho-
 racis scapularumque doloribus à frigore ortis suc-
 currit.

℞. picis naualis colata, cera añ ʒ ij. & ʒ iij,
 sagapeni ʒ ij,

ammo-

ammoniacy, terebinthinæ, colophonix, croci
añ ℥ j. & ℥ iij.

aloës, thuris, myrrhæ añ ℥ j.

opopanacy, styracy, galbani, mastiches, alu-
minis, fenigræci, styracy rubri, bdellij añ ℥ iij.

lithargyri ℥ j. ℞. Emplastrum hac forma con-
cinnetur: sagapenum, galbanum, opopanax, am-
moniacum & pix vino liquentur & colentur, his
colophoniam colatam, deinde styracem, masti-
chen, thus, myrrham, bdellium trita cretâque,
paulò pòst iniice terebinthinam, alumen, lithar-
gyrum & fenigræcum. Coctum ex his empla-
strum in aquam mergitur frigidam & subigitur
manibus addito puluere aloës & croci manibus
semper vnctis oleo laurino, concinnantur ma-
gdalæ.

EMPLASTRUM oxycroceum omnem quo-
que duritiem mollit, atque discutit, articulorum
dolores & eos qui circum membranas sunt ossi-
um, euocat atque disperdit.

\mathcal{R} . ceræ, picis naualis, croci, colophonix añ
 ℥ iij.

terebinthinæ, galbani, ammoniaci, myrrhæ,
thuris, mastiches añ ℥ j. & ℥ iij. Galbanum &
ammoniacum aceto liquantur atque colantur:
pix dein colata additur, ab hac cera, mox colopho-
nia & terebinthina, non multò pòst thus, masti-
che & myrrha. Coctum emplastrum in frigidam
mergitur, expressumque subigitur cum puluere
croci, manibus oleo perunctis.

EMPLASTRUM de ianua ad vulnera & re-
centia vlcera mirè efficax inflammationē sedat,

detergit, agglutinat & carne implet, & ad cicatricem perducit.

℥. succorum apij, plantaginis & betonicae añ ℥. j.

cera, picis, resina, terebinthina añ ℥. β. In succis reliqua tria sensim agitando coquantur ad succorum consumptionem, ac tum igni sublatis addatur terebinthina.

EMPLASTRUM gratia Dei ex eadem ferè materia & ad eodẽm v̄sus.

℥. terebinthina ℥. β.

resina ℥. j.

cera alba ℥. iiij.

mastiche ℥. j.

betonica, verbenæ, pimpinellæ recentium añ m̄. j. tunsæ herbæ ex vino albo coquantur dum tabescant, liquor exprimatur in quo cera, resina & mastiche coquantur in idoneam emplastri consistentiam: igni sublatis terebinthina permisceatur.

EMPLASTRUM diuinum ad maligna vlcera multò præstantius, eorum enim saniem ac putredinem detergit & absomit, nouam carnem profert & ad cicatricem perducit.

℥. galbani, myrrhæ añ ℥. ij, & ℥. ij.

ammoniacy ℥. iiij, & ℥. iiij.

opopanacy, mastiche, aristolochiæ longæ, æruginis añ ℥. j.

lithargyri, olei communis añ lib. j. β.

cera noua ℥. viij.

thuris ℥. j. & ℥. j.

bdellij ℥. ij.

magne-

magnetis \mathfrak{z} iij. Lithargyrum cum oleo agitan-
do permiscetur, postea coquitur dum crassescat,
tum cera additur minutim concisa, ea liquata i-
gni auferitur, addunturque galbanum, ammoni-
acum, opopanax & bdellium ex aceto vel vino dis-
soluta, cocta & colata: deinde pulvis inspergitur
myrrhæ, mastiches, thuris, aristolochiæ & ma-
gnetis: postremò æruginis, ne hac diutius cocta
emplastrum rubrum euadat.

PLANTIVS in emplastrum diuinum.

*Emplastra qua ad Vulnera & Ulcera describuntur, de
sanua, gratia dei & diuinum, ea quoque satis sunt, nec plu-
ra huc adferenda fuerūt. Nam emplastrum Orsibasi duplex
& emplastrum apostolorum comprehenduntur sub hoc di-
mino, quod in eisdem sint & sus, minus tamen efficacia.*

EMPLASTRVM AD HERNIAM.

\mathcal{L} . gallarum,
nucum cupressi,
psidia,
balaustiorum,
acatiæ,
seminis plantaginis,
seminis psyllij,
seminis nasturtij,
cupularum glandium,
fabarum torrefactorum,
aristolochiæ longæ & rotundæ,
myrrillorum $\mathfrak{a}\mathfrak{n}$ \mathfrak{z} β , hæc omnia puluerisen-
tur & in aceto rosato macerentur per quatuor di-
es, deinde torrefiant & exiccentur.

T V M

℥. consolidæ maioris & minoris,
 caudæ equinæ,
 glasti,
 scolopendrij,
 radicis osmundæ regalis & filicis añ ℥ j,
 thuris, myrrhæ, aloës, mastiches, mummiæ
 añ. ℥ ij,
 boli armenæ lotæ in aceto, lapidis calamina-
 ris præparati, lithargyri auri, sanguinis draconis
 añ ℥ iij,
 picis naualis ℔. ij,
 terebinthinæ ℥ vj, vel quantum satis sit ad em-
 plastrum fingendum.

PLANTIVS.

*Prætermiffa hic quoque sunt alia emplastra adstringen-
 tia & corroborantia Vetriculum, renes & Vrerum, quæ non
 usurpantur, & pro quibus alia quadam in rem presentem
 præstitui solent: Et idcirco Videatur hic emplastrorum & a-
 liarum compositionum numerus satis esse ad pharmacopœi-
 am & ad curanda summa morborum, causarum & sym-
 ptomatum genera: neque opus fuit medicamentarium
 hunc librum otiosis & superuacuis compositionibus imple-
 re, quæ non nisi frustra & ad confusam multitudinem au-
 gendam recenseri possunt. Quæ autem compositiones ad pe-
 culiaries quosdam & singulares affectus curandos utiles
 existant, quia rarius contingunt, in propria singulorum
 curatione tanquam illis peculiaries & accommodatæ tra-
 lentur.*

METHODI MEDENDI LIBRI

SEPTIMI FINIS.

IOANNIS
FERNELII

AMBIANI, FEBRIVM

CYRANDARVM METHO-
dus generalis.

NOBILISSIMO LITE-

RATISSIMOQVE IOANNI BARJOTTIO
Marcheffræo, Philiberti Barjottij Equitis, Præ-
toriani Consilij Præsidis, sacrique confessus
Consiliarij Fil. primogenito, IOAN-
NES LAMY Medicus
Parif. S.



V T quisque eius artis quam cupide
exercet ac profitetur amore delimi-
tus est (Barjotti iurisperite clarissi-
me) ita ad eius summum perfectio-
nemque studiosè contendit. Quod
cum in cæteris omnibus, tum maximè in politioribus
disciplinis, quæq; ad humanitatem pertinent, factita-
ri solet. Qui enim in iis principes haberi volunt, ta-
met si ipsa re ac veritate victi, multos olim iisdem in
tractandis rebus ingenio ac gloria floruisse fateantur,
tamen partim iis non assentiuntur artificiumq; ei-
rant, partim nonnulla imitantur, nonnulla suo mar-
te excogitant, ut in ea contentione quod veterum in-
dustria opponere possint, assequantur. Ita quippe in-
EE

austrij architecti quum aliorum & inuenta & perfecta opera admirentur, tamen a populari eorum via interdum deflecentes, ex usdem ea eliciunt ac mendicant, quibus sua ad numeros omnes artificij componant. Sic dum eorum vestigia negligenter sequi videntur, in iis tamen diligenter ac laboriose insistant. Quo exemplo D. Fernelius anustuus (cuius recordatio tibi semper incundissima esse debet) arte medicina clarissimus, omnique laude (testante ipsa invidia) cumulatissimus, palmam tam solidam promeruit, ut suo ipse lumine non solum Galliam, sed exterarum quoque gentes illustrasse videatur. Etenim quia in eo maxima & praeclara fuit ad praeclaras artes indoles, ab ea virtutis ac absoluta eruditionis primam etiam apud suas (quod raro homini concessum est) commendationem facile reportavit. Idcirco cum Henricus II. Galliarum Rex Christianissimus (cui consiliarius ac primarius erat medicus) iussisset, ut pro ea quam apud omnes susinebat expectatione, artem medendi meliori forma redderet (eam enim multis locis deturpatam, & pluribus imperfectam esse acceperat) aut iam tum fortassis magnitudine & mole nimia laborantem, instauraret: ad id muneris praeclare exequendum omnia veterum monumenta (nulum enim vel minimum scriptorem neglexit) cum accurate excussisset, nusquam se tamen illis omnino addixit. Verum eximij illius pictoris exemplo, qui Agrigentinis tabulam politissima arte depicturus, nudas eorum virgines inspexit, ut quid in quaque pulchrum esset (cum natura in uno nihil omni ex parte expoliat) ex iis tanquam viuo exemplari in mutuum simulachrum artificiose transferret: praestantissima
 artis

artis veram imaginem, veris coloribus additis, ad-
vnguem expressam, maximis laboribus insumptis,
posteritati ille consecrauit. Etenim obscuram ante il-
lustrauit, contaminatam perpurgauit, proiectam
erexit, & stabilivit, ita ut suis iam restituta natali-
bus unius hominis industria videatur. Idq; non secus
ac arbores & flores qui ex pulu & vigorem suum hye-
mis molestia decussum unius solis accessu ac favore
ineunte vere recuperant. Denique quod factum difficil-
limum erat, tanto ingenij acumine, verbis tam exi-
miis ac venustis veterum sensa expressit. ut aut noua
omnia fecisse, aut mira luce collustrasse merito cen-
seatur. Ac proinde omnes fateri necesse est unicum
Fernelium in tantis medicina tenebris clarissimum
lumen prætulisse. Quod utique Rex veri prouidus
augur iam tum præsentens, Alexandri magni ex-
emplo, qui editto cauit, ne quis præter Apellem suam
depingeret effigiem, vnicū Fernelium huius tantæ ar-
tis (qua nulla est neq; honestior nec diuinior possessio) ha-
bere voluit illustratorem & amplificatorem, qui & rerū
& verborū suppellectile maxima hanc nondū satis do-
tatam & comptā locupletaret & augetet. Enimvero
si pares ingenio corporis vires nactus fuisset, fortasse
nunc haberemus quem non Hippocratis aut Galeni
tantum interpretem, & tantis ingenij dignum geni-
um, sed exornatorem diceremus. Quinetiam propter
excellentem ingenij magnitudinem, necnon sum-
mam in re medica peritiā tantum aliquando ma-
ximus ille Rex huic tribuit, ut aula proceribus in-
solentius de domesticis & suis medicis inter se ali-
quando gloriantibus clarissimo de eo elogio illam o-
stentationem represserit. grauiter enim & verè re-

spondit se non reperisse quenkū prater vnum Ferneliū quem iure Medici nomine cohonestaret. Adeo nempe Regi maximo satisfecerat Fernelius, vt vnus instar omnium videretur. Atqui principibus placuisse viris (inquit ille) non vltima laus est. Verum enimvero licet hoc grauissimum fuerit Regis de Fernelij medicina parentis singulari doctrina iudicium, & dignum tanto viro testimonium, haud tamen obrectatores literarum & literatorū osiores defuerunt, qui crabronibus deteriores non irritati aculeos in bene meritum exacuerint: magistro enim veteris disciplina iucundissimam ingenij laudem inuidentes, & sanctissimam eius existimationem virtute & labore pariam violare frustra cupientes, Fernelium docuisse res admirari, non autem intelligere, distinarunt. Quae censura hominum tantum sibi iribuentium, & fama viri semper suspiciendi detrahentium admiratione est digna. Mirum enim est censores tam acutos & tam doctos aut non intelligere aut in admirationem trahi, quam ab ignoratione proficisci philosophus testatur. Prater eo quorundam aliorum effrenatam maledicendi licentiam & contumeliosas ingratorum discipulorum voces, cum praesertim nemo sit qui nesciat eum in tanto precio & existimatione apud omnes fuisse, vt qui Fernelium repudiat, idem omnes omnium hominum statas ratasque de homine erudito opiniones ac sententias (quod impium est) reiciat ac euret. Quem enim innumeri pleniore quasi ore laudant & amplectuntur, eum nefas est ab oppido paucis repudiari. Veris magis sana fuerit mens, nemo non intelligit. Quanto enim vniuersorum iudicium paucorum aestimationi & pondere & numero

ante-

antecellit, tanto facilius laudatium iudicij grauitas, obiret tantum leuitatem pessundat ac opprimit. Ut enim aqua particula facilius corrumpitur quam tota aqua: sic probabilius est paucos caco amore sui occupatos quam multos veritatis studio impulsos, à ratione ac vero deflexisse. Ac illi pauci melius sibi suoque nomini consuluisse, si vocem inhumanam conuulsiuissent, ut paucitatis testem, sic stultitia sua indicem ac leuitatis. Aut me domesticus amor fallit, aut nullus vnquam intelligendo res abditas luculentius docuit admirari, & intelligere admirando. Testis diuinus ille de abditis rerum causis liber, vniuersa ferè natura mysteria complexus, qui posteritatis memoriam promeretur. Testis & vniuersa Fernelij medicina multis praeclarisq; monimentis ad omnem memoriam commendata, qua sibi monumentum ære perennius extruxit, qua iam velut altissimis defixa radicibus sic ab omnibus expetitur, tanto ardore legitur, ut iam passim vno Fernelij nomine publica schola personent. Quinetiam nullus adhuc ad bene faciliusque medendum praeclarè secum agi putat, qui in ea non sit saepe versatus. Quod nuper Ioannes Crato vir præter morum grauitatem vitæq; integritatem omni litterarum genere clarissimus, Casarea Maiestatis prætor ac consiliarius, elegantissima illa epistola qua in opus Fernelij nuper ab Andrea Wechelo Typographo diligentissimo excusum prætulit, videtur confirmasse. Illic enim utilem sibi fuisse lectionem scriptorum Fernelij ex animo professus, eum demum in medicina profecisse statuit, cui Ferneliana non displicent. Quinimò illis tantum tribuisse, tantoque studio prosequutum accepimus, ut ea vaticum

vita appellarit, nec sine iis unquam *Alexandri* magni exemplo qui *Homeri* *Iliadem* sub puluino seruabat, pernoctarit. Alij in eum paulo iustiores, praeclara quidem eruditione atque doctrina ornatum, & in arte medendi in primis versatum quodammodo commendarunt, quod viderint admiranda artis opera scriptis consentire, & ea quotidie felici rerum euentu confirmari, magisque ad magis illorum veritatem elucere, quam cum nec auderent nec possent rationibus ullis conuellere, tandem veritate victi istorum scriptorum inuentionem uni *Fernelio* attribuerunt. At ne quid ad virulentam rabiem deesse videretur, intestino velut flagrantis odio necdum adhuc vetere deposita inuidia, dictionem diuulgarunt cuiusdam alterius esse, nec illi licuisse tot occupationibus distracto tam accuratè & eleganter tantum opus concinnare. O puerilem hominum cauillationem, qui ocio & ignavia liquecemes, aliena duntaxat opera vellere atq; insectari norunt, quiq; omnino philosophia rudes, praetermissa aestimatione rerũ, verba sola grammaticorum more ponderant & examinant. Quisquis priora eius opera, quae omnes sine controuersia *Fernelio* adscribunt, cum posterioribus contulerit, aut dicendi characterem illum ipsaq; verba accurata observatione animaduenerit, sui sane ubiq; similia & ex eadem officina profecta (nisi prorsus sit mente captus) agnoscat. Alij denique ut ea etiamnum improbarent, & in summam inuidiam adducerent, novas eum & falsas opiniones inseruisse & insitas euulsisse peruulgarunt. At verò nona quo pacto dici possit, quae ex limpidissimis veterũ fontib. hausta sunt & deprompta, aut quorsũ falsa & adulterina, praesertim cum & veritati

& pra

Et præceptis artis sint consentanea? Nam constans et
 firma de calculo, paralyfi, catarrho et arthritide eius
 opinio tot alioqui doctissimorum virorum exquisitissi-
 mis rationibus tanquam machinis oppugnata ita fir-
 miter stat et subsistit, ut nulla unquam ratione (qua
 rerum omnium veritas est exquirenda) conuelli ad-
 huc potuerit. Quendam esse audio, qui fame potius
 quam famâ conspicuus eô venerit impudentia, ut eū
 etiam dicere non puduerit, vniuersam Fernelij medi-
 cinam procul à libera benèq; constituta academia esse
 relegandam, quod ex turbidis Arabum rinulis peti-
 ta, et ab eodem tantum dictionis quodā lenocinio phi-
 losophis indigno, ornata, omnem medicinæ splendorem
 contaminarit, sustulerit, penèq; extinxerit. O subtile
 philosophum, sed crassum medicum, cum nemo usquā
 sit gentium, qui per lectis eius operibus, et eorum veri-
 tate comperta, summam in ijs rerum inuentionem nō
 admiretur et suspiciat, fateaturque supra modū au-
 etam, magno cum mortalium commodo et profectu
 illustratam esse medicinam. Sic virum omni disci-
 plinarum genere insignem, quem non fortuna ad glo-
 riam erexit, sed virtus ad laudem exiulit, contumelijs
 dilacerant ac proscindunt. Sic magni animi et inge-
 nij virum, cui virtute et eruditione pares esse ne-
 queunt, aulicorum exemplo, qui subitam aliorum
 felicitatem ternis oculis intuentes, et viribus su-
 is dissidentes, industrijs hominibus obirectant, in-
 iudicia ac maleuolentia prosequuntur. Adeo lau-
 di et gloriæ inuideri solet. Sed id mirum, quem
 viuum apertè petere noluerunt, cum mortu-
 um (si modo is mortuus est qui libris editis tanquam
 liberis nouaque sobole fecundus reuiuiscit) clam

oppugnare voluerunt. At mortuorum laudibus ob-
 trectare, id illorum manes violare est. Quod quam
 impium, id etiam Scytharum ipsa testatur barbari-
 es. Est ne quicquam crudelius quam hunc dolorem
 Fernelj cinerique ossibus inurere, ut quam ei lun-
 dem multi graui iudicio tribuerunt, eam pauci ma-
 le feriati leni opinionis vento agitati imminuant &
 deirahere conentur? Quod tibi (Barjotti opume) glo-
 riosum esse debet, cum auum tuum inuidis non carni-
 sse videas. Id enim praclarum est auita in auo tuo &
 angusta virtutis argumentum. Hac lingua proca-
 ciate percussus si quid amisit, id plurimi amiserunt:
 consecutus est gloria sua quod pauci obtinuerunt.
 Quo fit, ut tibi gratuler cum ab auo patreque ortus
 tui principia duxeris, quibus inuidi non pepercere, id
 est, quorum gloria tanta extitit, ut male sanorum o-
 culis aciem prastrinxerit. Quae causa fuit ut acerbi-
 tatis suae virus in eos frustra enomuerint. Et nisi fal-
 lor sustines imitanda & auita & paterna virtutis ex-
 pectationem. Immo si quis istam tuam frontem aper-
 tam ac ingenuam indolem inspiciat, iam magnum
 quid promittis, quo utriusque parentis imago viva in
 te vno reluceat. Et si bene ominor, emulis cariturus
 non es: solida enim virtutem plerisque scientiarum
 generibus cumulatam amplecteris, quod ut semper
 facias, te per istum tuum genium, & per istam fron-
 tem tuam oro & obtestor. Oro & per utriusque pa-
 rentis lineamenta quae tu exprimis. Omitto corporis,
 quae vi sunt inferiora, ita pro nihilo duci debent. Ac
 dubio an tibi maior utilitas, quam tuis voluptas fu-
 tura sit. Utilitas quidem, cum insistes tuis vestigiis, in
 quibus parentes pedem prefferunt, & cum labores tui
 honesto

honesto gloria premio lenientur, & mitigabuntur. Voluptas verò, cum & ad demortuos, & ad viuos perueniet tui in excolenda virtute & terendis maiorum vestigis progressus fama. Ita enim tāquam idoneum solum eris, cui virtutis parentum semen commissurus natino quodam ac verno tepore excitatū reuiuiscit, adolescit, fructum uberem iuxta & suauem redditurum. Iam locus postulat, vt institutum consilij nostri cursum persequamur. Vt primum Fernelij quæ restant nondum vulgata opera in manus meas fato potius quàm iure hæreditario peruenerunt, consilium hoc meum & institutum fuit, ea primo quoque tempore in lucem emigere, vt multorum desiderium nouo hoc edito parit explerent. Ab eo consilio quadam merereuocabant, ad id multa hortabantur. Reuocabat ea difficultas quam in diuulsis, dispersis, ac dissipatis aduersariis reppereram. Reuocabat exigua perficiundis spes, & parua de iudicio meo opinio, vt qui in ea re præstanda impar ac inferior forem. Sed inuitabat primum Guilielmi Plantij viri Gracè Latinèque periti, de arte medica supra quàm credi potest meriti, fides quam præstuerat. Sponderat enim, nisi matura mors (quæ laudi, gloria, & conatibus virorum illustrium semper obstitit) nobis eum eripuisset, eam se diligentiam præstaturum, vt quæ dispersa dissipatæque forent, colligeret, ac in optimum ordinem redigeret. Ac lubens eius fidem liberarem, nisi improborū versutia ac præpropera festinatio per medios conatus transuersa ageretur. Maximè verò quòd Fernelius animam agens vni Plantio, qui illi quoad vixit intimus fuit & domesticus, omnia sua monumenta & aduersaria credidisset, ac veluti testamento legasset.

Hortabantur quoque & plerique de me bene meriti, qui me assiduè litteris sollicitarunt, cum me in eam honestam familiam accitum & cooptatum intellexissent, ut diuturna multorum expectationi & desiderio aliquando satisfacerem. Et mecum quasi ex scripto agere voluerunt, quod Plantius in Epistola nūcupatoria id promississet. Nam id se suo iure postulare credebant, quod ad quem & Fernelij & Plantij istud luculentū scriptorum patrimonium tanquam ad filium, aut affinem pervenisset, is aut de iure teneretur, aut ingrati & inhumani hominis crimine conuinceretur, nisi de emittendis in lucem libris laboraret. Caterum Plantius receperat se septem libellos in lucem editurum. Et nos idem iam prestitissemus, nisi fregisset consilium meum, propensamq; animi voluntatem retardasset plagiarium quidam, cuius fidei multa aduersaria precario (inconsulto fateor) commiseram, qui vniuersalem februm curadarum methodum furtim à me acceptam cum transcripisset, iam veluti alienis spoliis ac furto insolescens, cepit iactare sese ac gloriari, quod iam pridem iis de rebus libros conscripisset, quos propediem praelo esset commissurus. Atque eo veluti temerario ausu cepit Fernelij (qui virtute tantum duce & comite fortuna caput extulit) fama ac nomini insidiari, dum istis verborum prestigiis venerandum senem, quem non solum sui, sed & exteri aeterna laude decorandum putant, honore merito ac omni dignitate fraudare vult atque spoliare. Et ut est vir maximè popularis, malis istis artibus falso doctrinae prae-textu auram vulgarem captat & venatur. Quem ut consilio & diligentia auerterem, necnon Typographos eius studio obsequentes,

quentes, nimiumque festinantes retardarem, à priorē instituto abductus, duos tantum libros, priorē qui februm, posteriorē qui morbi Gallici curationem continet coactus sum euulgare, fidem de reliquis datam breui (om̃i) liberaturus. Quod eò lubentius fecero, si nostrā industria primitias ac magni laboris praludia, medicina studiosi grato susceperint animo. Quod iam penē me consecuturum spero, si noua successus industria, expectationi nostrae aliquando responderit. Nam si scripta considero, ea cum per se plausibilia sint, nemo non boni consulet laborem nostrum & institutum. Sed maior sperandi occasio sese offert, quod in tuo nomine (Barjotti ingenue) hic liber veluti reliquae naufragij tabula & luculenti tui patrimonij pars, est producturus. Tuarum enim est partium, tui muneris, ut diligentia hunc librum ab improborum manibus veluti lacerum ac spoliatum asseras, liberes, ac restituas. Alioquin vix effugias quin neglecta hac patrimonij parte, veluti aliquo parricidio te inquines. Id enim potes si vis, velle autem debes, quia pates. Hoc autem tui manes iure suo à te repetere possunt. Quod si in hac officij tui in parentes parte claudicares, iniuriam tibi tuisque faceres, & veluti desertoris crimine tete alligares. Bonis tinctus es literis, ius, iusticiamque colis, libere educatus, raris animi dotibus insignitus, in vrbe terrarum principe natus, tuo ipsius genere & nomine nobilitatus, fortunis denique amplissimis illustratus. Si quae inris sunt, quod tu tantopere colis, praestare vis, hoc iam auus tuus iure a te postulare debet, ut sua monumenta ab omni impietate vindices. Quod autem cla-

rissimus quisque iuuenum pro amplificanda & retinenda re domestica plurimum laboris sustinet, deforme tibi existimato ab eis te virtute superari, quibus dignitate praestas. Atq; si eam nauabis operam quam spero, meam augebis industriam, ut tandem utriusq; nostrum consensione atque conspiratione aliquid extremum & augustum in commendationes tuorum parentum, in virtutis tuae laudem & laborum meorum quandam subleuationem, existat. Vale, Barjotti clarissime, Lutetia Parisiorum Cal. Sept. 1577.

VICTIS NIL NISI DOLOR.

IOANNI LAMY PARIS. MEDICO
eo Ioannes Barjottius Paris.

Hippolytum, quondam, sacris Epidaurius herbis
Eripuit diris correptum faucibus Orci:
Hinc genitus Phæbo, Nymphæque Coronide, Parcis
Cessit. At ægria tæq; posthac, FERNELIVS, iisdem
Passibus incedens, Stygiæque palude, suorum
Vmbra educens, (tantum profecerat arte
Delia) ad Empyreum sublimis fertur olympum.
Sed tuus iste labor, redituum reddit, AMICE,
Cuius de Medicis diuulsa volumina rebus
Congeris, incendi tradis, donasque nitore:
Ex quibus, haud prodis, FERNELIVS vnus, & alter,
At plures, illinc qui Parca tela retundent.
Sic facis, Si mors hac, reparabilis alitis ortu
Sit melior: similem, qui per sua funera, tantum
Suscitatur. Inuideat quantum solet Atropos: Vni
Liuor edax Domino pectus miserabile rodit.

NON INFERIORA SEQVVTVS.

Fernelius Segeto lustrans arcana labore
Artu, Apollinei quam coluere Patres,

Eripit innumeros fato, sibi nilq; pepercit.
Dum possum contra sapere refurgit onus.
Nil intentatum liquit, dum pollice docto
Expolis obscuras nobilis Artis opes.
Vitam non clausit senio, sed membra labore
Condit in emissis languida facta libris.
Nam tumulus liber est. Aliena salusq; fit illi
Chara nimis: moritur mortem alius adimens.
Scriptaque qua toto spargit ditissimus orbe,
Vitam Erebo raptam, post sua busta dabunt.
Claras fatalis nequit urna capessere mentes,
Futura ingenii non peritura viget.
Nam non intereunt, quorum post debita fata
Divitis ingenii vis reduvina manet.

Sacris Ioannis Fernelij Regij Archiat. mani-
 bus Gul. de Baillou Parrhif. medicus B.P.

ΕΙΣ ΤΟ ΤΟΥ ΦΕΡΝΕΛΙΟΥ ΠΕΡΙ

πυρετῶν συγγραμμα, Ἐρρῆκος ὁ Βλακοδαῖος
 Σκότς ἱατρῶς.

Λευοῦτε Φερνέλιον τῇ τῆς φρενὸς ἡλιον αὐγαῖς
 Φαινόμενον καμῆσι βροτέϊς, λάμποντα τῇ βίβλῳ
 Τῇ αὐτῇ πυρετῶν, μετὰ ταῦτα φρενήλιος αὐτῷ
 Οὔνομα· τῆς γνώμης ἵνα φῶς ἀσφαλῆσ· ὅς οἶσι
 Ἡελίῳ μερόπαι φίλῳ, ὅ λαμπρόωνι.
 Εἰ δέ σε Φερνελίε πὸ πηλαίφατον ὄνομα δέλγῃ,
 Ἡλίων ὀνηπίσι φέρῃ συγγραμμάτι τέτῳ,
 Κάμνοντας φερέβῃ δὲ ἐλῶν, ὅ φωτὶ δεικνύς.

EIVSDEM BLACVODÆ.

*Frustratus olim Sisyphus inferos
 Paruo reuixit tempore, coniugi
 Sibi que fallax. Nam retractum
 Atropos ad Phlegethontis undam
 Et furua sua regna Proserpina
 Non passa techas reddere commodo,
 Damnavit aterni Laboris.*

*Fata dolo nequeunt repelli.
 At rectè diuis fata Volentibus
 Urco remittunt Fernelium, sua
 Virtute terris sempiternum
 Vinere promeritum: nec ante
 Sedes reniset Diis, & AEaci
 Sanum tribunal, donec erit genus
 Mortale. Nam Vinet sibi, qui
 Vitam aliis bonis arte confert.*

*Igni nomas solitum febres extinguere, febrū
 FERNELIVM è Vinis insidiosa tulit.
 Sed fugite o febres: quia nunquam febris hostis,
 Dum liber hic Vinet, FERNELIVS deerit.*

I. R.



447

IO. FERNELII

AMBIANI FEBRIVM

CVRANDARVM METHO-
dus generalis.

PRÆFATIO.

TANTA olim Empiricæ sectæ vis fuisse videtur & celebritas, ut apud eos, qui se Rationales profitentur, non parum etiamnum pristinae retineat authoritatis. Per pauci enim morborum causas, aut continentes, aut antecedentes, aut etiam concomitantes accuratè satis scrutantur, sed morbi cuiusque audito nomine, seu quòd febris continua tertiana ve sit, seu pleuritis, seu nephritis, aut arthritis, protinus ad peculiare traditis sibi medendi præceptiones concurrunt, quas mirificè, sed nullo aut certè minimo iudicio amplexantur & excolunt, umbras potius & nomina quàm morbos ipsos sequuti. Si qui fortè ex his continentes causas attingunt, antecedentes tamen aut concomitantes (vniuersam dico corporis, principumque partium, & humorum, qui in his peccant, constitutionem) prætermittunt. Generalem igitur medendi rationem ac methodum, & summam, quæ hætenus protuli, remediorum genera statuens ad singulorum deinceps morborum peculiarem curationem accommodare, insuper & propria cuiusque remedia producere, hoc quasi initio præceptiones tradam: quibus, qui medicinam facturus est, curandi iudicium dirigat atque confirmet: tum ne quid inconsideratè gerat, tum etiam ne in singulorum tractatione breuitatis studiosi cogamur hæc subinde inculcare, quæ multorum sunt communia.

Ante morbi cuiusque curationem omnium, tum humorum, tum partium corporis, vitia peruestiganda esse. CAP. I.

OMNIVM id iure primum videtur, vt ad ægrum veniens, ex symptomatum quæ plurimum fatigant recessione, & affectam primario sedem, & affectum qui in ea consistit, & eius continet causam intelligas, vt quorum gratia sis maximè accersitus. Deinde verò reliqui quoque corporis (vt secundo pathologiæ docui) constitutionem discas, sine qua nihil tutò aggredi possis. Inter sermonem tacite obserues, quo habitus, gracilis an obeso, & quo ferè temperamento decumbens sit: deinde scisciteris, quæ viuendi consuetudo olim familiaris, quæ ante morbum integra valetudine esset corporis constitutio, quis habitus. medicis an plethoricus, qui non nisi purorum est & bene valetum. Si deterior corporis constitutio suspecta fuerit, querendum quibus olim grauioribus morbis conflictatus sit, & perfectène sublat. sint: in hos enim facilis est relapsus. Ad hæc quoque propriis notis de corpore sciendum, purumne id sit an impurum: si impurum, quæ corporis regio oblideatur vitioso humore, primæne, an secundæ, aut tertiæ: is verò humor alteratus solūne sit: vt crudus aut leuiter corruptus (qui citra vacuationem seu naturæ, seu artis beneficio, possit in pristinam bonitatem redire) anue sic viciatus, vt naturæ limites prætergressus, & omninò præter naturam profus extirpari vacuarique debeat. Tertio, vagusne ad confluentem sit: an contra venarum, aut viscerum, alia: ūve partium substantiæ impactus & adhærens: ille enim breuiorem morbum facit, promptèque medicamento cedit: hic verò difficilè, & morbum peruicaciorem reddit. Si adhærens, an cum obstructione simplici, aut etiam cum tumore, qui in aliquo viscere aut alia parte contactu mollis aut durus, renitens aut laxus percipitur. Tumor enim, præsertim durus atque diuturnus, non nisi præparatione adhibita, multo tempore eximitur. Quartò sit vitiosus humor, anue corruptus: hic enim accelerandam curationem cautione maiore indicat, præsertim si febris adest: & hæc corruptio atque pueredo simplèxne sit & solitaria:

an præterea partus, cui adhærescit, substantia labefacta sit. Hæc rursus labes siue ex diutina humoris corrupti contagione & adhæsu, an ab ipso ortu & à prima origine quasi hæreditatio iure contracta. Postremò, leuissime ea sit accens, an consummata adeò vt non amplius in naturalem atque bonum statum pars reuocari possit. Grauißimum sane vitium est labes aut corruptio substantiæ visceris, quòd, etiam si omnem noxiu humorem expurgaueris, persistit in viscere, & vix aut vilo modo arte corrigi potest, præsertim si hæreditarium est, vel graue atq; consummatum existit. Hæc præcipua interioru est causarum obseruatio, tum ad prædicendum, tum ad curandum imprimis necessaria. Nam siue interior præter naturam causa morbum protulit, eiq; coniuncta est atq; continens, siue illi duntaxat implicita sit, propterea tamen quòd vel eum ipsum fouet, vel eius symptomata asperiora reddit, prætermitti non debet: quandoquidem siue eius animaduersione neq; prædictio neque curatio iniri rectè potest. Magni igitur interest, morbus hoc illòve modo affectum corpus inuadat. Qui in purum & bene constitutum corpus incidit, certos atq; legitimos, qui in vitiosum atque impurum, distortos atque inopinatos progressus habebit. Si quem euchyino & puro corpore, paribusq; principibus bene constitutis, euidentium causarum vi, ex subita post exercitationem validam refrigeratione, pleuritis adoriatur: ea vique pura & exquisita existet, quam protinus secta vena quamplurimum leniet, aliaque adhibita remedia luculenter inuabunt: huius quoque concoctio statim fiet periodicis, nec alia quàm pleuritidis symptomata ægrum affligent. Alium item bene constitutum, pluuioso cælo simulque æstuoso iter facientem, si constipata cute obsideat continua febris, eaque conclusa ex putrefactis humoribus qui in maioribus sunt vasis: ea omnino simplex quum sit, propriis duntaxat stipabitur symptomatis, constantes nec perturbatos, sed decretoriis diebus definitos motus habebit, legitimæque iudicia. In hoc statim initio, nulla purgatione præmissa, venæ sectio quæ multitudinem conclusæque putredinis magnam portionem subtrahat, plurimum ad curationem conducet: deinde detergentia medicamenta & attenuantia, quæ corpus reliquumque

putredinem præparent, vt inſiti caloris beneficio cocta ſecretave, tum arte, tum naturæ beneficio atque impetu deducatur in ſalutem. Ad eundem quoque modum peſtilens febris, quæ ex inquinati aëris contagione maligna purum corpus inuaſerit, ſui duntaxat generis ſymptomata promer, & antidotis maximè cardiacis, & iis quæ malignitatem frenant, abigetur, nulla vacuationis neceſſitate. Ac ſi contrà ſtatuamus iſdem ex cauſis alios, quibus ante morbum vel impurum corpus eſſet, vel malè conſtituta viſcera, morbis ſimilibus exerceri: horum neque certa lex, neque certum fuerit iudicium: ſed omnia perturbata, conſuſa, & plerumque inopinata ingruent, ac velut tumultuoſiſſimè adorientur, vt ſubinde remedia mutanda atque permiſcenda ſint. Pleuritis enim ſi obrigerit, neque exquiſita neque legitima exiſtet, ſed vel è deſtillatione frigida, vel è corporis frigido pituitosoſque habitu crudior euadet, concoctūque difficilior, è qua vix quicquam tuſſi educetur, neque hanc vena ſecta conſpicuè minuet: ſed & extraordinaria ac illegitima ſymptomata, vt ſuffocationis metus, progreſſus ordinem peruerient, præſertim ſi olim aſthmati opportunus fuit æger. Si verò continua aut etiam peſtilens febris idiplum occupauerit corpus, impuritatis ſymptomata, vt cordis dolor, animi deſectio, nauſea, frequens vomitio, oppreſſio, hiſque ſimilia propriam febris conditionem mutabunt, vt eius incertum futurum ſit iudicium. Eadem quoque impuritas viſcera primasque venas inferciens, obſiſtet ne ſtatim initio propria febris remedia accommodari poſſint. Ea enim antequam venæ ſectio adhibeatur, expurgari poſtulat, non paruo temporis viriūque diſpendio. Febris etiam longior, & tum iudicatu, tum curatu difficilior atque periculoſior euadit: multo autem magis, ſi quod viſcus ante morbum malè iam affectum erat. Hæc igitur ſunt ante cuiuſque morbi curationem animaduertiſſione digna: quibus prætermiſſis, nihil certò poteſt de morbi cuiuſque iudicio aut curatione ſtatuī.

Quanam plethora, qua cacochymia præcipua ſit ſedes, & qua ſtriſque ſint cauſa.

CAP. II.

PLETHORA.

PLETHORA, quæ probi ac utilis sanguinis seu succorum omnium est redundantia, maxime ac præcipue è venis oritur maioribus, è quibus anastomosi tenue nonnihil, quæadmodum è pleniore sinistro cordis sinu crassiusculum aliquid, vnà cum vitali spiritu in maiores effunditur arterias: quæ non minus quàm venæ, copia turgentes atque distentæ validum tum pulsum edunt. E maioribus tum venis tum arteriis copia turgentibus in minores, ex hisque in carnis molem, habitumque corporis effusio fit, atque plethora summas corporis partes ac musculos implens & distendens: addito robore colorque viuio. Porro autem in prima corporis regione, quæ ante portas est iecoris, nulla proprie plethora succrescit: neque quum ventriculus, & partes sub abdomine cibi vel optimi copia quasi saginata distenduntur, plethora est: sed solum multitudo, quæ in vasis maioribus & in habitu corporis sani ac bene constituti cumulat ex opportune dati cibi potusque vbertate & affluentia. Quæcumque aliis ex causis redundantia in vasis congeritur multa potius est cacochymia. Omnis autem cacochymia & humorum impuritas aut ex vitiosa viscerum affectione, aut ex improba viuendi ratione, non aliis ex causis, proficiscitur. Iecur, lien, ventriculus, assidentesque partes seu intemperie, seu impuritate, seu substantiæ labe inquinantur, humores succosque vel ex temperato & puro alimento proferunt sui similes & labefactatos. Intemperatus quoque cibus, aut crassus, aut tenax, aut corruptus, non sic exquisitè poterit concoctione mutari, quin vel in sanguinem, vel in alium humorem faciens pristina conditionis & naturæ nonnihil retineat atque redoleat, aut vitium aliud contrahat, si immodicus sit & à nostro calore minimè vincatur. Præcipua verò cacochymia sedes est prima corporis regio, ventriculo, liene, iecoris cauo, circumpositisque partibus circumscripta. Hæc enim vt cibi promptuarium est, in quod omnia demittuntur, ita & corporis totius velut sentina quædam est, in quam illorum superuacua amandantur, siue sanum, siue ægrum corpus sit, siue purum, siue impurum alimentum. Non solum enim cibi reliquiæ & fæces, verumetiam humores superuacui è iecoris concoctione & ex succis in venas delatis secreti, illic subsistunt. In ventriculo, & in-

testinis membranosis quidem ac frigidis cruda ac superuacanea cumulat ptiuita, quæ eorum proprium excrementum est, primum quidem aquea, deinde calore crassescens & mucosa euadens: ab hac vitrea, postremo gypsea omnium crassissima, & intestinistenacius adhærescens. In folliculo fellis, & secundum iecoris caua, flaua bilis abundat, quæ feruore in vitellinam, deinde in porraceam, in æruginosam, in cæruleam, & in atram omnium acerrimam atque perniciosissimam facessit. In liene melancholicus atque terrenus humor colligitur, qui vltione in atram eam bilem, quæ mitior appellatur, degenerat. Sic igitur in regione prima coërcentur humores superuacui, sique interdum cum putredine, interdum citra putredinem. Illic verò interdum vsque adeo exuperant, vt è propriis conceptaculis in alienas sedes redundant, & præcopia irruant in mesenterium, in pancreas, & in intestina: in quibus etiam diuturnitate in præduros plerumque concresecunt tumores. Ab his interdum per iecur in secundam quoque corporis regionem, quæ maiorum est venarum, hincque tandem in corporis habitum incurrunt, vt in regio morbo, in arquato nigro, in leucophlegmatia. Interdum, at rarius, venarum succi corrumpuntur labemque contrahunt, etiam si nulla sit viscerum impuritas: nam æstu, exercitatione, vel ira incallescunt, inspiratione graui & putrida corrumpuntur, pestilente cælo labefactantur. hinc autem magna curandi varietas (vt mox dicam) depromitur. Hæc verò externarum causarum vis sine præparatione corporis leuis. Quocirca temerè ac fortuito omnia dirigit, qui neglecto viscerum statu morbi cuiusquam curationem suscipit.

Summaratio eximenda tum plethoræ tum cacochymia, quæ duæ sunt communes morborum causa.

CAP. III.

PLETHORA, quæ iam grauis citra morbi vllius metum esse cepit, tenui cibo potuque, aut etiam inedia lentè, sensim, ac tutò eximitur. Quæ verò instans morbi periculū minatur, repentè venæ sectione soluenda, vt periculo subtrahat, tutumque corpus reddat. Quæ iam morbum protulit,

VICOM.

vt continuam febrem, interiore phlegmonem, suffocationem, hæmorrhagiã ex rupta, aperta, aut exesa vena, pro-
tinus quoq; sectio: ne venæ minuenda, vt morbi cursum in-
tercipiat, & quidquid eius factum iam est, breuius efficiat.
Plethora quæ alieno morbo duntaxat comes affistit, neque
efficiens eius est causa, vt quæ febrem comitatur intermit-
tentem, aperta etiam vena vtiliter eximitur: tamen si enim
propriam morbi causam non tollit, multa tamen eius sym-
ptomata lenit, & cætera deinceps remedia tutiora expedi-
tioraque facit. Quocunque igitur modo venę multo ferui-
dó que sanguine turgebunt, si modo carnosum ac bene ha-
bitum corpus est, & vires, vt ferè sit, constant, quæ superat, &
copia sui grauis est materia, nullo incommodo detrahi po-
test, etiam si secta vena nihil ad primariam morbi curatio-
nem conferre videatur. Ea tamen, si lentus morbus minimè
vrget, sub victu tenui spacio eximitur potest. Plethoram
impuram, quę multa est cacochymia, iisdem casibus repen-
tinis, & simili rerum necessitate, turò venę sectione subtra-
hes: præcordiis tamen, si huic initium dederint, prius ex-
purgatis. Nam quauis materia turgentes distendat quę venę
repentinis casibus depleri turò possunt, vt ea vacuatione le-
uetur æger, & multitudinis pericula declinet. Citra pletho-
ram verò, etiam si non superet, sed vel integra, vel deficiens
sit venarum materia, interdum tamen reuulsionis gratia e-
mittitur, vt alio dato itinere, eoque contrario, eius cursus a-
uertatur. Id autem commodissimum est, quum sanguis
præter naturam è venis prorumpens in modicè è naribus,
ex vtero, hæmorrhoidibus, aut vomitione, se creatiue pro-
funditur, aut quum in partem quamuis irruēs erysipelatis
phlegmonesve collectionem minatur, siue id sponte ex-
eū aut apertis venis contingat, siue ex aliquo subito casu, vt
labore, vociferatione, ictu, contusione, disruptæ sint venę.
Hæc igitur affectuum & vitiorum genera sunt, quibus aut
vtiliter, aut necessariò, secta vena succurritur.

Summa ratio eximenda cacochymia. CAP. IIII.

Dæ cacochymia autem, cui peculiaris est purgatio, ita
statuendum. In prima corporis regione, si reuens ad-

huc est impuritas, nec morbum vllum progenuit, quoniam ferè cruditatis soboles est, parciore victu aut inedia emendari potest: vetustiore, quam nec victus tenuis ac siccans, nec inedia sustulit, aut vomitione, aut deiectione, aut vtraque subtrahes, vt quum in omnes primæ regionis partes æqualiter effusa est: tum enim alius molli clystere primum ducenda: deinde, si crassioris pituitæ atque glutinosæ prouetus intestina (vt plerumque fit) inferciat, ea detergente clystere eluenda subinde repetito, dum (si cætera sinunt) nihil graue, tensum, durumve reliquum sit in imo ventre, & viæ omnes in aluum directæ, liberæ sint & expeditæ. Expurgatis intestinis si ventriculus impuritate grauetur, eaque vel cordis dolore vel frequenti nausea sursum obrepere cõtendat, vomitione ducenda, leui primum, deinde si opus sit validiore. Sin verò citra nauseam grauis est, & ventriculi distentione, dolore, ructu, rugitu, cibi fastidio, aut oris amaro affligit, portione ex hiera detergenda deiiciendâque est, idque sæpius ex interuallis, dum quæ dixi mala omnia, aut certè plurima desierint. In interuallis autem subsistens materia appareatur attenuante atque detergẽte apozemate, foris quoque illitu, atque etiam si rei grauitas exposcit, fomento, cuiusmodi inest facultas. Victus tenuis sit atque boni succi, qui exigua materia vires aut parës, aut paulò infirmiores conseruet, vt natura concoctione cibi minimum impedita, eos qui lædunt humores miuificet atque domet. Si victus pariter siccans sit & attenuans, medicamentorum vis maior existet, nulla aliena permistione retusa. Expurgatus ventriculus propriis demum corroboretur subsidiis. Præcordia verò, si tum etiamnum impura maneant, idque nullo tumore conspicuo, sed obstructione sola, quam sitis, vel oris amaror indicet (vt in simplici duplicive tertiana) vel virium imbecillitas, vel fœdus faciei color (vt in ictero) vel mala corporis enutritio (vt in leucophlegmaria & atrophia) purganda aliquanto validius erunt ac sæpius, sed nulla tamen scammonij, vel colocynthidis, vel turpethi facultate, quod è distantioribus ea sedibus tenues proliciant humores, iis plerumque prætermisiss crassiusculis qui præcordiorum obstructiones parere solent. At verò si quis in iecore, aut in liene, aut in pancreate, aut in alia quauis mesenterij sede tu-

mor obduruiffe deprehendetur, idque vel fitu doloris, vel ingrauescente pondere, vel decubitu difficili, vel contactu atque renixu, diutius continuandæ purgationes erunt, æque blandæ ex fenna, agarico, atque interdum rheobarbaro, ita quidem detergentibus aperientibusq; medicamentis dilutę, vt crassum & tenacem humorem eumque in progressu tyncerum detrahant: atque, si virium status patitur, subinde repetendæ erunt, dum pedetentim tumor omnis sublatus appareat, laboransque nihil amplius de se queratur. Hæc medendi ratio, citra virium offensionem, inueterata & obdurata vitia sensim demolitur, quæ vehementiora pharmaca summa vi, summæque virium perturbatione, non excutunt, & quæ antiqui vt immedicabilia reliquerunt. His autem purgationibus interferenda erunt quæ concretum humorem incidant ac detergeant, vt validiora apozemata, fots molliens, colliquans, & incidens, illitūsque similis, cui inducetur lana succida, vel similis facultatis emplastrum, vt omnium ope humor fluxilior euadat, & ad purgationem sequacior. Si pars quæ intumuerat, iam conuenienter expurgata, proprię substantiæ labem contraxisse tandem noscatur iis notis quas in pathologia recensui: aut si languidiores vires curationis longitudine labascunt, & ægrè possunt curationis longitudinem perferre: medio etiam cursu subsiste, ne in vitæ discrimen adducas eum, cui maximè opitulati consilium est. Sedata enim medicamentorum perturbatione, cum corpus in tranquillum iam se receperit, non parua adhibetæ curationis emolumenta commodæque percipiet. Si tum non parum ipse sibi adiutus æger leuatusque videatur, spes est reliquam posse curationem aliquando compleri. Sin verò eadem quæ antè symptomata, aut non multò mitiora persistunt, non leuis suspicio sit labefactatæ substantiæ partis, quæ vix vnquam pristinam & integram constitutionē sit receptura: Tum blandiri, & quod mali reliquum est suauiter lenire satius est, quàm ope irrita ægrum præcipitare. Hæc summa expurgandæ cacochymię ratio exquisitè & ad vnguem, si lentus nec admodum præceps est morbus, obseruari potest, siue cum diuturna febre, siue sine febre sit. At verò in acuto & præcipiti morbo, vt in cōtinua febre, aut pleuritide, cuius præser-

tum ea impuritas causa non fuerit, vix antè tota demipe-
 test, quàm breui acutus morbus finitus fuerit. Nunc
 de cacochymia, quæ in vasis & in habitu est corporis vacu-
 anda, dicendum. Hanc vix tutò aggredi possis, antequàm sit
 primæ regioni prospectum: quæ quasi sentina est & prima
 origo omnis impuritatis. Ea neglecta quisquis morbi vilius
 curationem suscipit, tanquam cæcus omnia fortunæ teme-
 ritate dirigit. Vnde veteres mirari subit, qui hac prætermissa
 de sola valorum & habitus corporis impuritate verba fece-
 runt. Valorum impuritas, si immodica fuerit, venasque dil-
 tendat, venæ sectione tutò (vt dixi) minuitur. Quæ verò ci-
 tra plenitudinem est, si ab euidēibus causis, quæ sanguinem
 succosque corruperint, profecta est, tum venæ sectione tum
 purgatione peræquè subtrahi potest. Corrupto enim san-
 guine detracto, purior è sanis visceribus euchymis quæ eibis
 succedet. Sin verò primæ regionis impuritas, aut mala vi-
 scerum affectio (vt ferè fit) huic initium dedit, nihil potest
 venæ sectio cōferre, quòd impuro sanguini mox impurius
 succedat, neque possit impuritatis eum fontem secta vena
 exhaustire. Purgatio sola eam eximet impuritatem, vt quæ
 primùm regionem infimam, deinde maiores venas, po-
 stremò corporis habitum illuue liberat, nō semel quidem
 & vniuersè, sed pedetentim ac sensim auctis (vt antè dixi)
 remediū vitiis, id quæ dum puriores vrinæ existant,
 & color corporis viuidiore, ceteraque symptomata mitiora.
 Ad eos humores qui in vasis peccant, præparatio quoque
 necessaria validis apozematis, quæ vias in aluum directas
 referent, visceraque expediant, humores crassos attenuent,
 lentosque detergant. Quorum omnium administratio
 non citra dierum, in quibus maior est tranquillitas, & in
 quibus concoctionis notæ se produnt, obseruationem, tu-
 tō fieri potest. Humorum vitia, quæ in habitum summā-
 que corporis è subiectis regionibus emerferunt, alia purga-
 tio, alia venæ sectio vacuat. Phlegmonas enim, carbunculos,
 furunculos, erysipelata, scabiem sordidam, tensiuam lassitu-
 dinem, & alia quæcunque cum inflammatione mala ingru-
 unt, venæ sectio tollit, expurgatis tamen antè visceribus,
 primisve sedibus, si sordidæ fuerint. Secta vena impuritatis
 reliquæ medicamento ducendæ, cuius vis non ad venas
 modò

modò maiores, sed ad corporis quoque partes summas attingat. Si quid præterea in corporis summo reliquum subsistat, is dissipabitur quæ halitu digerunt sudorêve cient. Sin verò collectum in tumorem id ipsum est, ut in phlegmone, in carbunculo atque furunculo, peculiaribus remediis curandum. At verò herpetas, impetigines, ictetum, leucophlegmatiam, cachexiam, eiusque generis affectus, quos non inflammatio, sed vna humoris vitiositas protulit, valida purgatio reuocat & exigit per aluum. Expurgato corpore, sudores aut halitus quod reliquum est eripiunt. Id tamen si extremis partibus, ut articulis, capiti, alis, inguinibusve aut artubus impactum, ac velut concretum adhæreret, siue scirchi, siue œdematis, siue laxioris tumoris specie, non nisi topicis remediis mollientibus, incidentibus, aperientibus, digerentibusve tolli posset. Hæc in singulorum morborum, qui vacuationem vllam exigunt, curationes præfari decuit. Medendi præceptiones simplicium quidem morborum hæc sunt, quum solitarij non aliis implicantur affectibus: quandoquidem non omnes implicatos persequi licet. Si tamen aliquando simplices illi variè concurrant, hac vna præfatione sua cuique curatio poterit accommodari. In simplicibus eum, quem in pathologia institui, sequar ordinem, primùmque febrium curationem tradam: deinde morborum qui partes supra diaphragma obsident: tertio eorum qui sub diaphragmate sunt: post eum exteriorum quos in chirurgiam referunt. Neque, ut plerique omnes, in solam remedium enumerationem, empiricorum more, incumbam: sed qua etiã ratione, quo morbi tempore, quibus naturis ea conueniant, quamdiu singulis vtendum, & quando ad alia transcendendum indicabo, ut remedium inuentioni methodus quoque & vtendi ratio coniuncta sit propriis confirmata signis.

Quæ ad methodicam febrium curationem obseruanda. CAP. V.

QUAS olim febrium differentias atque causas tractaui, eas nunc ad medendi rationem accommodare præstat. Febres aliz repente hominem adoriuntur & inuadunt,

certumque habent sui ortus initium: alia verò clam & sensim, quarum adeò obscura sunt initia, vix ut laborans febricitare se putet, nec nisi quò vehementius increuerint agnoscì possint. Illarum rursus alia ab horrore aut rigore, alia sine his, aut à manifesto calore, aut à capitis dolore, à siti, ab aliòve pathemate initium habent. Earum etiam quæ lenissimè inuadunt, aliæ lentæ ac pigræ persistunt, alia paulò post incrementum sumunt, dum in summo sint vigore. omnes autem eiusmodi differentiæ non in intermittentibus modò, verum & in continuis notantur. Nam sæpe continuas videre licet biduum, atq; etiam triduum, quadam inæqualitate modò caloris, modò frigoris affligere. Quocirca ex inuadendi modo vix potest certò febris genus vllum dignosci. At nihilominus quum iam illa vel frigore, vel calore, vel symptomatis molesta esse cœperit, lenioribus quidem subsidis quoad licet leniri debet, ac deinde deposito ac remisso primi impetus feruore, antequam propriam curationem aggrediare, febris species atque magnitudo exploranda. Rarò quidem contingit, ut citra vllam remissionem vel assiduò increseat, vel biduum eadem magnitudine persistat: quod tamen si obrigerit, synochi species quædam putanda. Vbi igitur febris vel eodem, vel postero die, sese remittit, videndum quid sit ratione factum. Si impetus, qui ab horrore aut rigore inuaserat, copioso vniuersoque sudore sit remissus, eoque deterso febris prorsum desinat, pura & simplex est intermittens, cuius speciem postero die cognoscēs. Sin verò febris à sudore perseverat, implexus est continuæ & intermittētis, præsertim si hæc diu permaneat illius cōditio. Ferè tamen longiore progressu ea vel in simplicem intermittētē, vel in continuam degenerat. Ita quidem plerunq; febres per initia ambigunt, & ancipitis naturæ quum sint, in alterutrum postea genus diuertūt. Si sudor nullus emanauit, simplex est continua, licet ab horrore quodam initium fecerit. Ea autem causâ sit an continua conclusa, ex impetus vehementia, atq; etiam ex propriis signis internoscendum. An verò continua tertiana, tertius id postea dies certò patefaciet. Si tum cœli status pestilens infestat, suspicio sit, ne continua hæc vulgaris malignitatis sit participes. Atq; tum in propria illius signa sedulò intendendum, quòd

quod omnibus morbis propè illa infidietur. Lenta porro febris obscura admodum initio, nec nisi diurno progressu nosci potest, ac tum laborans sibi vires imminui sine febre putat. De hac etiam obseruandum ex viscerum constitutione, nunquid tandem hecticæ quandam speciem minetur. Symptomatica, quoniam aliorum affectuû, vt pleuritidis, peripneumoniar, hepatitidis, & similium comes est, ex eorum signisprehenditur. Quamquam primarij illi affectus, quemadmodum vomica pulmonum, & hepatitis, diu plerumq; latent incomperti. Symptomaticæ febris primaria nonnunquam permiscetur, quum ante partis affectum laborans se febricitasse sensit. Ex iis igitur atque ex proprijs signis cuiusque febris species die saltem secundo dignoscenda: ac tum quoque eius, quacunque specie fuerit, magnitudo spectanda. Intelligitur autem febris magnitudo ex impetus vehementia, quemadmodum & mos eius ex malignitate. Nam in vnoquoque continuarum genere interdum mitis, interdum vehemens febris existit. Causæ præterea eius magnitudo ex iis quæ antecesserunt, inuestiganda. Si febris nulla euidente causa, sed sponteprehendit, & antequam hominem adoriretur, corporis grauitas, lassitudo, vigilia, inappetentia, nausea afflixit: si impuram & improbam viuendi rationem diu laborans exercuit: si consueta quædam & vtilis euacuatio iamdiu suppressa est: interior ea humoris causa, quæ febrem fouet, multa copiosaque est: pauca verò, si contraria præcesserint. Quisnam autem is humor sit, simplèxne an mistus, ex iis quæ de proprij humoris dominio olim prodita sunt, percipi debet. In quam autem maxime corporis partem humor febris causa (is verò ferè coërcetur in venis maioribus) incumbet & impetû faciet, symptomatum species ostendet. Quum enim aut nausea, aut vomitio, aut ventriculi atque præcordiorum dolor, aut tensio atque grauitas, aut inappetentia, aut oris amaror vehementer laborantem fatigat, morbus præcipuè in iecur atque præcordia impetum facit: quum lumborum grauitas, aut renum dolor vel ardor, in venam maiorem quæ lumbis incubat: quum vehemens cordis æstus & spirandi difficultas cum pectoris laterumve grauitate, in cor & venam cauam quæ illi assistit: quum vehemens capitis dolor, aut temporum

pulsatio, aut vigilia, aut grauitas, aut cataphora, in caput & cerebrum: quum denique artuum grauitas, aut lassitudo, aut summarum & externarum partium dolor, in corporis ambitum. Hæc verò non initio solùm, sed & toto morbi decursu accuratius obseruanda. Tertiò autem, quum iam febris species atque magnitudo innotuerit, laborantis constitutio exquisitè tenenda: & quibus is præcipuè morbis olim fuerit opportunus: num quod vitium aut in iecore, aut in liene, aut in ventriculo contractu aliisve signis percipiat, eumve mala quædam affectio aut renes aut pulmones aut caput obsideat. Actum quoque de his quæ dixi symptomatis perpendendum, an ex propria febris & causæ eius essentia, an ex veteri quadam vitiosa constitutione procedant: his quippe neglectis curatio nulla rectè instituitur. Iam verò iis ad vnguem exploratis curatio quædam incunda. Si parum vehemens acutæ febris conicitur, dies secundus non sine vacatione prætereat: sæpe enim ab exordiis leuioribus incrementa magna morbi capessunt. Non solùm igitur in valde acutis morbis, quorum materia turget Hippocratis more (cui vehementiora duntaxat medicamenta innotuerant) verum etiam in quouis modo acutis vtiliter statim initio vacuandum. Secundus dies, quod ferè tranquillior sit, vacationi accommodandus: cui tamen præparatio sub primi finem syrupis aut clystere sit præmissa. In morbis autem lentis ac leuibus, non æquè festinanda vacuatio: sed cunctari ac supersedere licet, dum certius constet de morbi genere, præsertim si vel ægroti conditio, vel ætas, vel cœli constitutio non faciliè vacationi consentit. Si primis diebus quauis occasione prætermissa sit euacuatio, quoquo primùm tempore sis accersitus, quasi incipienti morbo remedia decernes, omnibus quidem exploratis quæ initio inuestiganda esse dixi. Hęc igitur in vniuersum de quauis incipiente febre præfari visum est. Nunc autem quod vacationis genus, quæ medicamenta, quæ denique curatio, atque viuendi ratio vnicuique tum incipienti tum procedenti morbo aptius conueniat, particulatim tradendum.

Ephemerarum febrium causæ, indicia, & curationes. CAP VI.

FEBRIS

FEBRIS, quæ euentium caufarum vi derepente purum beneque habitum corpus etiam ab horrore inuaserit, ephemera putetur. Non enim euidentibus illæ & prægressæ causæ putridam repente ingenerant, nisi quum vitiosa subest corporis præparatio. Licet autem per ephemeram spiritus soli incendantur, humoresque puri ac boni duntaxat incallescant, agitati tamen horrores acrimonia sua sæpe excitant, febrémque sudore soluunt. Itaque si calor habituosus, & citra acrimoniam, vehementius increuit, corporisque exolutio quædam existit, pulsus celerior, frequentior, ac vehementior citra inæqualitatem (quæ putredinis index esse solet) si vrina nec colore, nec substantia, nec contentis à naturali differt, & euentium caufarum insueta vis præcessit, nec antè vlla erat functionum querimonia, quæ ita repente orta fuerit febris, ephemera coniicienda est. Ea autem cognitu difficilis, sed curatu perfacilis, ac nisi in pestilentium sit numero, toto genere salutaris est, ac ferè solet die naturali finiri, sensimque mitescere calore decedere, interdum manifesto sudore, interdum perspiratione sola: quanquam dum, vehementior fuit occasio, in secundū tertiumve diem nonnunquam exporrigitur. Vna quidem curandæ omnis ephemeræ communis ratio est. Etenim spiritus & humores perciti atque concitati tum animi tranquillitate, tum quiete corporis atque somno compescendi sunt: in idque tumultus omnis & motus, nimiusque luminis splendor arcendus est: ac nisi necessitas (vt quum ab inedia aut inanitione fit) postulet, sine cibo continendus æger est, dum sese calor remittat. Cibus autem tum conueniens erit hordei cremor, aut iusculum è gallinaceis, aut ex vitulina hædinæve carne, in quo lactuca, oxalis, buglossum & portulaca incoxerint: panis quoque ex eo iusculo coctus & ipsarum carnum non nihil oxalidis vel citrij mali succo vel omphacio intinctum: oua insuper sorbilia, eorumque præsertim vitelli: fructus etiam passi, aut dulces, aut aciduli. Potus verò vel aqua simplex, eaque frigida, si nulla suspecta est viscerum imbecillitas, aut certè iam prius feruefacta, vel ea in qua hordeum incoxerit, vel glycyrrhiza macerata, aut solutum saccharum sit, vel vinum album tenue & oligophorum aqua multa dilutū. Sitis verò, quæ per febris æstum vehementius

excruciat, lenienda est syrupo violato, aut iuiubino, aut dianthino, aut iulebo rosato, aut (quia dulces molesti sunt) succus limonum aut punicorū his affundetur, propinabunturque ex aqua quadruplo aut sextuplo. Inclinate iam ea dulcis aqua balneum confert, nisi aut putredinis, aut destillationis fluxionisque suspicio sit. Quinetiam si compactior alius negotium facessit, hanc opportunè molli clystere ducere nihil noceat. Plenior autem vacuatio rarò attentanda est, quòd integra sponte sanatio succedat. Hæc igitur habenda est omnium ephemerarum communis curatio. Cæterum, ut earum variæ ex evidentium causarum numero statuuntur species, quæ & diuersa symptomata proferrunt, ita & his leniendis peculiaria quædam aptantur remedia. Ephemera, quæ ab æstuoso aëre, aut à solis ardore, aut à balneis, aut ab æstuario inducta sit, rarò sine capitis est dolore. hunc verò lenire oportet oxyrhodo simplici, vel eo cui olei nymphaeæ vel papaueris, vel vnguenti populei quiddam sit admistum, aut etiam oxycrato simplici, vel eo quod ex aquis stillatitiis rosarum, plantaginis, solani, atque betonicæ & aceti sextante comparatum sit. His non modò frontem & tempora, sed & scapulas quoque irrigare licet, modò tepidis, modò frigidis. Contrariis ex causis ephemera quoque interdum succenditur, ut quum æstuans concafactumque corpus derepentè in frigidiorè aërem se confert, qui cutim denset atque constipet, nec concafactos humores expirare sinat: aut quum in balneum frigidum aut aluminosum descendit: quod minimè contingeret, si pariter interiora, ut per brumam iter facientibus, frigerent. Per hanc igitur frictione molli, aut vnctione laxanda cutis est, vel sudoris promotione, vel balneo calido: quòd si horror in balneo percipiatur, confestim egrediendum: conceptam enim iam esse putredinem testatur, alioqui si diutius cutis constipetur metuenda putrida erit. Ephemera ex motu, ex peregrinatione, aut labore immodico generata, lassitudinem artuum musculorumque dolores exhibet: quos vel leniac molli frictione, vel vnctione ex oleo dulci ac tenui, ut violato, aut chamæmelino, aut liliaceo, demulcere iuuat: quumque iam febris inclinare cœperit, sudor fomentis blandè prouocetur, aut etiam dulci balneo: cui peculiare id

ac proprium est eiusmodi lassitudinis dolores finire. Eadem ferè sit ratio, si ephemeram vehemens dentium cruciatus, aut colicus nephriticusve dolor excitari. Neque admodum dissimilis est ratio si eam vehementiores animi perturbationes, ut ira, excandescencia, protulerunt: summa quippe animi tranquillitas & hilaritas imperanda, bilisque feruor frenandus est victu potuque refrigerante, & vini abstinencia. Quæ ex vigiliis, ex literarum studio, ex multa meditatione, ex curis, ex mœrore, aut ex tristitia processerit, ignauior quidem existit ac minus feruida, pulsuque languidiore & contractiore. Atque ut ex iis causis rarior est ephamera, ita quæ fortasse inciderit, proprios ferè limites excedit, & causis perseverantibus in diurnam lentam plerumque abit, quæ marcorem accersit. Per hanc omni studio exhilarandus est animus, spiritus excitandi, cardiacis cor fouendum, atque muniendum epithemate odorato: somno sarcinendus est spiritus dissipatus, & cibi bonitate, odorato tenuique vino moderatè reparandus humor benignus, qui exhaustus fuerat, & corpus balneo sine sudore humectandum. Simili propè ratione curari ea postulat, quam fortè inanitio immoderata induxit, siue ex inedia aut siti intolerabili, siue ex vacuatione spontanea, aut medicamentis visacta. Raro tamen aut ex inanitio, aut inedia febrem infert, hæc enim præcipuè humores compescit atque spiritus, non autem excitat aut impellit, corpusque sæpius refrigerat. Si enim bilem ab hac accendi contingat, putrida quam ephamera potius metuenda: quæ ne succedat, refrigerans humectansque cibus, etiam inuadente ea, multoque magis inclinata, conceditur. At verò repletio immodica, tum quæ ex cohibitis naturæ excrementis, tum quæ ex pleniore aut calidiore alimento profisciscitur, frequens est febris gignendæ causa, principio quidem ephemeræ, deinde etiam putridæ, si quidem inualescat aut diutius ea persistat. Primum enim suppressorum excrementorum vapore spiritus humoresque inquinantur & incalescunt: caput dolore tentatur, & eorum mole oppressum corpus ingrauescit, quæ peculiaria huic feбри symptomata sunt. Præter cætera igitur confestim naturalis consuetudoque omnis vacuatio est molienda: adstrictior aluus clystere sollicitanda: vrina parcior

diureticis mouenda: sudores præter naturam cohibiti ciendi sunt diaphoreticis: hæmorrhoides, aut menses, qui præter consuetudinem subsistunt, proritandi sunt: quemadmodum & vetus fistulosumque vlcus, è quo consueta sanies iamdiu non emanat. Huius quidem ephemeræ facilis est in putridam transitus. Itaq; si causis perseverantibus ea longius excurret, & ex impuritate impendeat suspectaue sit putredo, purgatione quidem aut accommodata venæ sectione arceri poterit, si plethoraiam grauis euaserit. Ea enim ephamera, quæ ex subita frigidiusculi humoris fluxione in inguina, aut in alas, aut in aliam corporis sedem obtingent, purgationem postulat, quemadmodum & venæ sectionem quæ ex tenui feruidique sanguinis irruptione in crura, in aliàsve sedes, erysipelatis specie cum horrore inuaserit: & quæ ex pruritu, ex scabie, ex furunculis, aut ex abscessu externo. Nam interior omnis putridam parit. Iam verò immodica alimenticiusque optimi repletio quòd ægrè domeatur atque coquatur, cruditarémque pariat, diarræ plerumq; sit occasio: multo autem magis, si ex acriori calidioréq; alimento fuerit, vt ex immodico generosi vini potu, ex sinapis, nasturtij, ceparum, alliorum, & aromaticum esu. Sub hac ventriculus distenditur, ac plerumque dolet, caput vapore impletur: tempora pullant: corpus ignauum, graue, & inquietum existit. Quocirca præter quietem & refrigerationem, quæ omnium communis est, inedia atque cibi parcitas apprimè est utilis. Potus tamen, si implacabilis sitis est, permittendus. Vomitus, aut etiam alui subductio accommodata, si malum crudelius increuit. Imò etiam si cruditas nondum euicta calore, putredinis nidorem quandam induxisse videatur, purgatio accedat ex puluere hieræ, aut rheo barbaro, aut ex senna, aut ex catholico, eaque sic aptè comparata, vt ventriculum primasque sedes exquisitè purget. Multo autem magis hæc necessaria fuerit, si ex immodico & intempestiuo fugacium fructuum, vt persicorum, malorum, chrysomelorum, si agorum, mororum, peporum, melonum, cucumerum, vuarum, lactis, & omnium quæ promptè corrumpuntur, esu eborta sit. Etenim corruptio, si diutius in ventriculo primisve sedibus resedit, aut si hinc in iecur venasq; maiores penetret, cum spiritu humores sanguinemque

némque contaminans, putridam febrē accendat. Quocirca expurganda est protinus, etiam si portio eius vomitione, aut alui defectione sponte proruperit: quandoquidē solus corruptionis nidor derelictus putridæ febris initium plerumque fuit. Ab his deinde concoctio iuuanda electario diarrhodon, vel aromatico rosato, vel cortice citri condito, vel myrobalano, vel nucē moschata condita, vel coadito ex his concinnato. Firmandus quoque ventriculus oleo mastichino, nardino, mentæ, vel absinthij, idque dum concoctionis bonitas existat. Posteriora hæc ephemera genera, si vel causarum magnitudine inualescant, vel negligentius curentur, quod aliqua intus materia foueantur, in putridarum species desciscunt. Id autem certò & circumspicius ex inclinatione præuidendum. Si longa atque difficilis est diarræ inclinatione, quam neque sudor, neque mador excipiat, aut si à sudore frequens adhuc pulsus inæqualitatem nanciscitur, aut capitis dolor, aut sitis, aut inappetentia, aut aliud symptoma persistit, neque biduo triduo vera sequitur integritas, metuenda certè in putridam permutationem. Hoc tandem loco minimè prætereundum duxi, febres quasdam tum assiduas, tum intermittentes, artis vñ notari quodammodo ancipites, & quas neque in ephemeras, neque in vllum putridarum genus certò referre possis. Quædam enim vltra diem tertium excurrunt, ac eodem interdum die sæpius exasperantur, idque aut dum cibus conficitur, aut sub vespere, nullā intermissionem puram sortitæ; blandæ quidem, & quibus laborans vix se teneri putat: pulsus tamen celeritate ac frequentia, lassitudine, corporis gravitate, aut exolutione, interdum etiam grauioribus symptomatis conspicue. Quædam verò ad puram intermissionem deductæ sine horroris sensu, leuiter, vt dixi, aut dum concoctio fit, aut sub vespere, aut quauis occasione recrudescunt. Eius generis nonnullæ à vehementiore pruritu, à scabie, à furunculis, ab externis abscessibus, & ab acri destillatione fiunt. Nonnullæ etiam à cruditate indomita, vel à bile citra putredinem efferuescente, vel à semimala humorum qualitate, quæ aut primam, aut alias corporis regiones obfideat: hæc enim vitiosa illorum qualitas media quædam via est ad putredinem, in qua plerumque affectio subsistit.

Quocirca eius generis febres omnes aut tenui refrigerantēque victu sustuli, sub quo natura qualitatis vitium sola emendaret: si victus parum profuit, huic insuper aut venæsectionem, aut purgationem accommodaui, quibus breui est solutio sequuta.

De putridis febribus. CAP. VII.

PUTRIDARVM febrium curationem non apud veteres modò, sed & apud iuniores plerosq; ancipitem parumq; tutam effecit causarum affectarumq; partium igno ratio. Neque enim humorum qui peccant recta est habita internotio, neq; locorum in quibus illi computrescunt. Et enim bilem, verbi gratia, vnam eandemque malè statuunt tertianę intermittētis, & continuę, atq; etiam causi materiam, illique sedem perperam designant. Quocirca, posthabitis eorum sententiis, traditis olim per demonstrationem hac de re hypotheses sequuti, earum curationem trademus, non contemplatione solum, verum etiam vsu longo & obseruatione comprobata, idque veritate magis quam aliorum testimonio & authoritate ductus. Si quem horror aut rigor adoritur, qui ab extremarum partium refrigeratione sensim auctus corpus vehementer concutiat, hinc deinde calor acer atque siccus cum pulsu celeri, crebro, & inæquali excipiat, qui summo accessionis vigore in sitim inexhaustam capitisque dolorem pungentem, & æstuantem cordis dolorem, atque irrequietam corporis totius iactationem deducat, nec supra horas duodecim productus, copiosus eoque calido & acri sudore solutus integrè soluator ac desinat, vt in intermissione nihil quicquam symptomatum superfit, exquisita tertiana expectari potest, si præsertim laborantis natura & ætas, anni tempus, cœlique status in id conspirent. Hanc verò proximus circuitus siue status sit, siue anticipet, siue cunetetur, confirmabit. Proxima continensque eius causa bilis est superuacua, citrina quidem, aut etiam præsina, eaque syncerior, nec frigido humore permista, non exuperans modò vel nimium exæstiuans, verum etiam putrescens, idque aut in propria cysti, aut circum caua iecoris, aut in pancreate, aut in vicinis sedibus.

In his quidem ea neque concreuit, neque obduruit, neque impacta vlli parti tenacius adhærescit, vt tumorem vllum pariat in visceribus, sed tenuis liberè diffluit. Quocirca nisi obstructione coercita fuerit, accessionis impetu excutitolet, aut prorumpere vomitione, deiectione, mictione, & sudore: hinc tertiana exquisita brevis existit, nec vltra septimum circuitum producit. Tantò autem breuior est, quò aut parciore materia subest, aut expeditior eius erupio: quibus verò non ita sensim per circuitus ea prorumpit, plenior sub finè, & in ipsa totius declinatione quasi decretoria vacuatio expectanda est, quæ omnino tutam illius solutionem facit. Accessiones ab ortu inualescunt ad quartam, quæ tum longitudine, tum magnitudine & acrimonia omnium esse solet vehementissima: quæ deinceps sunt, inclinant ad septimam. Si qua citius miscet, ante septimam soluitur: si tardius, longius excurret. Itaque accessione quarta status est & summus morbi vigor, reliquo deinceps tempore declinatio. Hæc rarò repentina crisi vt continua, sæpius lentè soluitur. Vrina interdum toto progressu pura & cum sedimento deprehenditur, quum scilicet bilis non admodum prosilit in venas: quum autem eò fertur, summè turbida est, accessione quarta, exinde verò inclarescit, sedimentumque deponit: tum enim minus bile perfunditur, minusque sunt impeditæ functiones natui caloris. Itaque concoctionis indicia non in incremento, aut in statu intermittentium febrium, quemadmodum continuarum, sed ferè in declinatione visuntur, cum peccantis materiæ pars magna iam est exhausta. Neque tamen ea noxiæ materiæ, sed cibi cocti indicia sunt: neque præterea bilis superuacua, quæ putrescens intermittentium est materia, concoctionem similiter admittit atque putredo, quæ in maioribus conclusa venis continuam febrem profert.

Continuarum febrium indicia.

Porro febres terminantur crisi, solutione, & commutatione. CAP. VIII.

CONTINVAM febrem secunda, aut (quod tardissimum est) tertia hebdomada decretoriè soluit. Siue enim synochus ea sit, siue causus, siue continua conclusa, si primaria est, putredinis materiam habet in venis coëctam maioribus, quæ inter alas & inguina excurrunt: quumq; nulli visceri, nulli parti affixa ea sit, sed in venarum capacitate cum sanguine eiusq; sero fluctuet, satis hoc temporis curriculo solet à natura domari atq; concoqui, & nusquam hærens excludi forasq; depellid autem decretoria est solutio illius: quæ etiam febris commutatione soluitur, quoniam hæc imperfecta quædam crisis est, qua non omnino natura potest materiam excludere, sed subsistit ea aut in aliquo viscere, aut in adenibus, aut in alia parte corporis, in qua morbum novum progignit: ea inquam commutatio, quia crisis quædam est, tertia saltem hebdomada fit. Quæ verò non repente crisi, nec excretionem, nec commutationem, velut abscessu, soluitur, ea tamen vel decimo quarto die, vel vigesimo summum feruorem summamque symptomatum sæuitiam deponit, idque nulla, vel imperfecta excretionem, ac deinde quasi speciem genusque mutet, lento progressu & dierum numero sensim paulatimque desinit. Longa huius est inclinatio, diciturque concoctione paulatim solui. Et enim vitiosus humor, qui sanguini permiscetur in venis, ac etiam sanguis totus venarum si vitiosus fuerit, diebus viginti aut triginta totus absumi solet, ac ferè totus renouari, si modò purius sufficitur alimentum, nec iecoris viscerumque impuritas, aut vitiosa quædam constitutio obstat. Si quam igitur febrem contingat supra diem vigesimum pari, aut etiam maiore acrimonia & magnitudine exporrigi, hanc tu symptomaticam censeto: atque eam vel interiore phlegmone & abscessu, vel ex putredine visceri alicui impacta profectam. Solutio autem, quæ perfecta fit crisi, imprimis opranda, ut quæ depulsa morbi materia omni, nihilque reliquum faciens, summam quietem & integram valetudinè restituat. Quæ verò sensim ac paulatim fit, ut maximè fastidiosa est prolixitate, ita & minimè tuta, & sæpe cum metu recidiuæ. Atq; si quidem ipsa declinatione (quia adhuc impurum est corpus) eger quicquam committat, facile relabitur. Putridæ porro febris continuæ crisis nulla fit perfecta

perfecta sudore; quanquam enim sudor decretorio die (ex Hippocratis sententia) confert, atque dissipata, tenui quadam humoris portione febris feruorem lenit, & impetum sedat, non tamen potest crassio rem eam putrescentem materiam educere, quæ febris est fomes, Sanguis quoque seu ex naribus, seu ex hæmorrhoidibus, seu ex vtero profluens die critico, licet synochum soluat, neq; tamen causum, neque continuam terminare potest: neque harum perfectam atq; tutam crism fecisse deprehenditur, quòd exiguam duntaxat impuritatis portionem cum maiore portione vtilioris sanguinis magna virium iactura educat. Abscessus vnus, vt parotis aut bubo, nequit vniuersam febrem excutere. At si vel plures sparsim erumpant, vel vndiq; in articulos artusve confluentes tumores excitent, febrem quidem soluere possunt, at certè difficultate non modica, quòd exorti dolores non parum excrucient, eosq; ferè lenta quadam febris comitatur, ac tum febris nò critice nec solutione, sed commutatione potius terminatur. Vna igitur alui spontanea solutio atque perturbatio continuam febrem tutò ac perfectè iudicat. Ea quippe sola potest putridam febriis materiam perfectà iam concoctione apparatam prorsus excludere, atque viscera & maiores venas, sordida illuue obsedas, citra virium & naturæ iacturam & offensionem expedire. Vomitus intermittentes febres plerumque iudicat, continuas verò non item. Licet enim ventriculus & circumposita, vomitione sese faciliè exonerent, maiores tamen venæ deiectione potius per eas venas quæ à iecore in intestina contendunt expurgantur. Perspecta igitur febris specie cognitum hinc esse potest qua ratione ea si salutaris sit, secundum naturā faciliè, vtiliter, perfectè, ac tutò iudicari & decretoriè solui debeat. Nunc autem exponendum, quo pacto ea toto morbi progressu debeat à natura dirigi, vt ad hanc còuenientem & perfectam crism perueniat. Primum autem in exquisitis typis exercitari vnumquemque velim. Continua febris quæ ex sua magnitudine, impetu, & more, primis diebus cognoscetur, iudicanda decimò quarto die, si exquisitam motus & progressionis formā seruat. Primum quidem repentiè inuadit, & certam atque manifestam habet inuasionis horam. Quæ enim repentiè inuaserit, repentiè

quoque (nisi aliundè quippiam obftet) soluetur: quæ verò clàm, obscurè, & longa præcedente lassitudine vel inæqualitate inuadens nullum manifestum ortus sui initium habuerit, nec repentè, nec crisi vlla solui potest: par enim exitus atque ortus est ratio. Rursum quæ nullius enidētis causæ vi, sed in corporis animiq; quiete summa, vt sub noctis & somni finem suscitatur, grauior ac multò periculosior est, quàm quæ prægressæ causæ impulsu, & post diei æstum atque laborem obtingit: omnem enim ortus sui causam intus habet in corpore. Febris igitur cuius formam & progressum explico, siue ab aliqua, siue à nulla euidente causa processit, repentèprehendit, certumq; habet ortus sui initium: hocque modò blandum est ac mite, modò acre ac vehemens. Sensim hæc increfcit ad diem septimum, licet non pari semper impetu laborantem exerceat. Vrinæ exhibet interdum biduo (quum nondum putredo inualuit) sanis nò admodum dissimiles, sed quæ postea, augefciente putredine, crassescunt, rubent atque confusæ sunt. Interdum etiam statim initio crassæ, rubicundæ & confusæ, mox dein obscuræ coctæ existunt: talésq; ferè in diem septimum permanent. Septimo die grauior quædam fit morbi perturbatio, quam vel sudor, vel spontanea alui biliosa deiectiono excipit: quemadmodum salutaris est & pollicetur perfectam crism posthac futuram. Sedata diei septimi perturbatione urinae manifestam coctionem exhibent, estque tum verè morbi incrementum, licet ab ea perturbatione, sæpe tanquam ex imperfecta crisi symptomata mitescunt: æger enim plurimum leuatur, atque interdum sine febre existit. At iis, quæ ex ratione non leuant, confidendum non est, inquit Hippocrates. Vrinarum concoctio nonnunquam persistit, nonnunquam intermitte: ac deinde redit atque relucet. Vndecimo autem die febris aut redit, aut inualefcit, isque summus est morbi vigor, qui ferè permanet in diem quartumdecimum. Hoc die, atq; interdum decimotertio, febris vehementius excandescit cum signis perfectæ cōcoctionis, nempe cum hypostasi alba, leui & æquali: quumq; ea excandescencia & exacerbatio inclinât, febris repentè soluitur ac definit, idque tuboræ deiectione biliosa & copiosa, quæ in diem vnum aut etiam in alterum perseverat. Ab hac igitur

pertur-

perturbatione & copiosa alui deiectione æger necessario imbecillior euadit: at nihilominus si perfecta crisis ea fuit, febris nulla prorsus manet, nullus capitis dolor, nullum denique febris symptoma, sed summa inest corporis tranquillitas: plerisque tamen sudor præsertim dormientibus emanat, quæ omnium est euacuationum postrema. Hæc quidem perfecta est & repentina morbi sanatio, cuius breuis est admodum declinatio, tum solum durans, quum aluus solutior noxiam materiam excludit. Si non omnino perfecta crisis fuit, cohibita aut subsistente alui deiectione, febris etiamnum aliquanta manet, quam & symptomata leuia comitantur: sed non multo post omnia desinunt, ac tum morbi inclinatio prolixior est atq; manifestior, in qua & plures sudores erumpunt. Si (quod rarius est) acutior febris septem die soluenda est decretorie, ea primo statim die hominem vehementius adoritur, vrinasque rubras, crassas, atq; confusas promit: quarta verò die concoctione quandam sed quiete manifestiorẽ exhibet, nullaq; aut certè leuissima atq; minima remissione in die septimum perseuerans, tum magna admodum perturbatione concutiens, repentina quoq; alui deiectione crism habet, eamq; modò perfectã, modò imperfectam. Quæ vndecimo die soluetur, omnia quadam mediocritate habet, & rarior est ea solutio. Quæ verò vigesimo die aut vigesimo primo crism est acceptura, ferè languidior initio existit, die septimo summam cruditatem habet, quæ in vndecimum ac sæpe in decimum quartum perseuerat: ac tum ferè primum apparente concoctione mitescit, idq; interdum vacuatione quadam imperfecta, interdum etiam nulla. Rarò enim fit vt in diem vicesimum summa illius sæuitia perduret: quumq; sese illa remisierit, vigesimo tamẽ appetente, excandescit & perturbatione suborta, alui tandẽ eruptione biliosa soluitur, quæ in plures sæpè dies cõtinuat. Hic autem obiter animaduertendum, febris atq; symptomatum sæuitiam, quum primum signa concoctionis apparẽt, sapius mitescere: neq; vsu obseruauimus in ipso statu cõcoctionis omnia esse grauissima, neq; (quod dixit Hippocrates) omnia cū incipiunt & finiunt leuiora esse, cum consistunt grauiora. Rarò enim fit, vt tempora concoctionis prorsus respondeant & consentiant symptomatum

temporibus. Id autem idcirco contingit, quod non parum materię morbi vacuatione subtraximus ante concoctionem, qua subtracta tum febris, tum symptomata eius mitescunt. Fortasse autē Hippocrates omnia censuit in statu fieri grauissima, quum curatio tota naturę committitur, vniuersaq; morbi materia conseruatur in extremam crism. Tum quippe ratione optima & crisis ipsa vehemēti perturbatione fit, & status quoq; crism præcedens vehemens existit.

Pro Curatione.

QUONIAM autem vehementi huic perturbationi & crisi periculū non deest, præstat certē multo antē tempore nonnihil materię morbi demere, vt omnia deinceps tranquilliora & tutiora succedant. Atq; licet & venę sectione & medicamentis purgantibus multum sit illius materię ante iudicationem detractum, natura nihilominus motus suos statim temporibus obseruans, concoctionem actādem decretorio die crism molitur ac perficit, sed tamen perturbatione atq; vacuatione minore. Id igitur in morbis salutaribus efficit artis curatio, vt & breuiores illi euadant & securiore tranquillitate soluantur. Nonnunquam etiam leniter exitiales salutare reddit. Hę formulę sunt continuarum febrium, quę perfecta crisi terminantur ad salutem.

De febribus continuis quę crisi non terminantur.

CAP. IX.

CONTINVA verō febris, si crism habitura non est, vix initio potest internosci, ac in progressu, præsertim quā iam concoctionis signa apparebunt. hinc autem dignoscitur, quod neque vomitio, neque alui deiectio biliosa vlla sponte fit, nec facillē sudore corpus diffluit, nec facilis est aut libera satis medicamentorum purgatio: sed quasi præclusis omnibus vacuandi viis, aut humore contumaciore existente, nullam natura vacuationem sponte molitur. Rarō quippe perfectam crism natura efficit, quam non antē spontanea quadam vacuatione præmonstrauerit. Contrā, quum viis omnibus expeditis ac liberis humores purganti medicamento facillē obtemperant, & nonnunquam, præ-

sertim

sertim diebus iudicibus aut decretoriis, aut vomitiones, aut deiectiones biliosæ sponte prodeunt, facile laborantis tolerantia futura crisis sperari potest. Continua igitur febris, quæ iam apparente concoctione salutaris speratur, si nulla vacuatione spontanea impetum fecerit, sensim atque paulatim concoctione atque digestionem soluetur. Licet autem nullas sponte vacuationes exhibeat, singulis tamen criticis diebus exacerbationum impetus habet, quibus victricis naturæ molitionem ostendit: quumque vel septimo, vel quarto decimo, vel vigesimo die, perfectæ concoctionis signis apparentibus, summum vigoris impetum fecerit, reliquo deinceps tempore sese remittit, ac perseverante concoctione sensim decedit, dum prorsus desinat, nulla vacuatione suborta. Hoc autem tempus totius est morbi declinatio, quæ longa planè, ac interdum toto morbo diuturnior obtingit. Quæ nulla vacuatione, sed sensim concoctione soluitur, facile minimòque errore redit. Ab hac enim corpus non aequè purum, atque à perfecta crisi manet: quumque pristinæ qualitatis non nihil etiam nunc retineat, si quid vel alimentorum copia & qualitate, vel labore, vel virgilitis peccatur, ex veteri fermento noua putredo excitatur, facilisque in pristinum morbum relapsus. Corpore verò per crism exquiritè purgato, nihil efficere potest externarum euidentiumque causarum iniuria. Est porro tertia febrium solutio, quæ commutatione fit. Nonnunquam enim continua in tertianam, nonnunquam (idque sæpius autumnò) in quartanam degenerat. Id autem accidit, quia crassior est venarum materia, quàm ut in aluum prorsus extirpari possit: aut quum magna viscerum obstructio ac densitas obstitit, ne morbi materia deuoluatur in aluum. Ab his quippe causis peccans febris materia, vincentis naturæ robore à venis excussa, nec excidere potens in aluum, hæret ac subsistit in mediis visceribus, illicque fixa & obhærens, seruansque putredinem ex loci, id est, præcordiorum natura atque conditione, intermittentem facit, quæ præsertim materiæ situ à continua differt. Sic propemodum nonnunquam natura, materiam noxiam à venis in summum corpus expellens, dolores articulares infert pro solutione, quam crisi tentat & molitur, nec tamè perficere potest. Sic & abscessus

& bubones interdum sub febris finem erumpere videmus. De iis porro febribus, quarum materia turgere dicitur, quos impetus faciant æstimandum, ut intelligatur quis earum tandem sit exitus futurus. Causa quæ hunc illarum impetum facit, non simplex est putredo, sed peculiaris quædam humoris malignitas, aut ex acrimonia vehementiore, aut ex venenata qualitate profecta, ob quam ita impulsus humor nullo potest loco subsistere, sed in venis maioribus licet conclusus, huc tamen illucque, quasi æstuans ut mare, effertur, ac plerumque è venis in nobilem aliquam partem erumpit. Noscitur autem materia turgere, quod in ea febre, licet nec dolor ullus nec calor atrocius urgeat, magna tamen percipitur corporis perturbatio, magnaque inquietudo atque iactatio. Dolores quibusdam modo in hanc, modò in illam partem insiliunt: quumque materia sese aliquò infixit, sequiora symptomata emergunt. Itaque alios summa spirandi difficultas obsessis pulmonibus premit, cum suffocandi periculo: alios syncope repentina, aut periculosa animi defectio: quam interdum vidi supra horas 24. sine ullo pulsus perseverare citra exitium: alios cruenta exputio, apertis magis vi pulmonum venis: alios delirium, quum cerebri arcem humor inuasit: ac deinde eius impetu & ardore sedato cataphora: nonnunquam in externas quoque partes profilit summo dolore, tanquam sit abscessus futurus & erupturus modò in alas & inguina, modò in latus, idque cum tussi, cum spiritu difficili, & cum exputione cruenta, quasi vera pleuritis esset. Hinc igitur fit, ut acutorum morborum, quorum præsertim materia turget, prorsus (ut inquit Hippocrates) incerta sit prædictio. Ancipites enim ij ferè sunt, & inopinata quoque eorum symptomata, idque ob turgentis materię impetum: neque si iam concoctio appareat certa salus esse debet. Quæ per has febres ex humoris impetu emergunt, ut laterum dolores, sanguinis vomitiones & exputiones, exanthemata purpurea, bubones, parotides, animi defectiones, aut syncope, pro crisi perfecta censerì minimè debent: licet enim ipsum humoris furorè atque malignitatè interdum finiant, reliquam tamen putredinem, quæ præcipua est febris causa, non eximunt: sed huic necessaria est alia maior, eaque vniuersalis, vacuatio, quæ totius febris iudicatio sit:

fit: parotidas igitur, vel delirium, vel cataphoram, at non ipsam febrem vniuersam soluit. Hactenus omnem rationē atq; formam expressi, quā cōtinuæ febres salutare progrediuntur, & quā etiā aut repenti crīsi, aut sensim concoctione soluantur, siue earum materia turgēat, siue non turgēat. Nunc de exitialibus dicendum, quis earum progressus, & quis exitus sit: idem quoque de pestilentibus.

De exitialibus atque pestilentibus febribus.

CAP. I.

EXITIALIS eadem plerumque ac salutaris febris exordia sunt, nec sæuitiæ eius, nec symptomatum vis aut ratio diuersa: at progressu vniuscuiusque genus dignoscitur. Aliās enim statim ea dum incipit vehementer conturbat, talisq; persistit: aliās à leuibus orta initiis sensim inualefcit, dum summam vehementiam aut malignitatem nacta prorsus iugulet. Atqui alterutrum etiam incipiente saluari febre deprehenditur, raroq; primis diebus exitialia signa existūt. Quocirca initio nihil de morbi exitu citò pronunciandum, sed omnia adhuc in ancipiti versari. Atque licet nonnulla symptomata mitescant, vt hinc aliquid melius sperari possit, quamdiu tamen confusæ aut crudæ apparent vrinæ, spes semper dubia est & incerta, atque inter spem metumque versatur æger, præsertim si acuta febris & anceps est. Nonnunquam enim in leuioribus cum cruditate (quem admodum in quibusdam tertianis) certa est salus. Si deinde quarto, septimo, aliòve decretorio die aut circiter manifesta elucet concoctio, spes quoque elucet, si modò ea permaneat. Interrupta autem concoctio infida est. Perseuerans verò atque in dies melior succedens concoctio, certæ salutis est nuncia: modò nec pestilens febris sit, nec malignitatis occultæ particeps. In pestilente simplici vrina nonnunquam toto decursu concocta existit. In pestilente, quæ est coniuncta putridæ, licet quæ confusa & cruda fuerat vrina, superata deinde putredine, coctionis notas exhibeat, permanens tamen cæca eius malignitas plerumque hominem de medio tollit. Nonnunquā etiam (licet admodum rarò) in putrida simplici, quæ nullius erat malignita-

tis pestilentis particeps, notaui post vrinas diu concoctas interitum nullo errore consequi. Vrinis igitur non semper fiendum, nisi & vndiq; meliora signa compareant, præsertim ex pullu & virium robore. In acuta febre putrida, cui nulla malignitas comes sit, si crudæ vrinæ, aut etiam obscuræ seu ex dimidio coctæ diutius perseuerent, diemque decimumquartum excedant, si natura nullam procedente morbo vtilem vacuationem per os, per aluum, aut sudores molitur, quæ leuari æger videatur, tora morbi materia intus ad vndecimum vel decimumquartum diem, aut si vehementior febris est, ad septimum subsistente, tum quidem anceps adhuc morbus est: actum siue symptomata ingrauescant, siue mitescant, si concoctionis indicia apparebunt, salus quidem sperari potest, non crisi, sed lenta paulatinaq; concoctione, cui sanè diuturnitas comes est. Sin verò omni suppressa vacuatione naturali, cruditas aut etiam obscura concoctio diutius perseueret in vrinis, nec manifesta concoctio in valde acuto septimo die, nec in mitiore decimoquarto appareat, formidabilis est, ac deinde siue symptomata ingrauescant, siue mitescant, si perseuerante cruditate, pulsus languidior, vox respiratioque difficilior euadit, & laboranti robur virisque concidunt, res ad exitum vergit: natura quippe morbi magnitudini succumbit. Quanto postea deteriora hæc omnia fient, tantò propinquior exitus erit: ad hæc q; attentus si diligenter æstimes quantum vires declinent, aut quantum sustinere morbum queant, æstimare quoque possis quando moriturus sit æger. Exitialis morbus interdum ipso statim initio dignosci potest, quum summo quodam furore incipiens vel corrupti humoris copia, vel malignitate, vires natuumque calorem premit ac ferè obruit, spiritu difficili, cum vomitione vel nausea, cum pulsu paruo ac celeri, cum magna corporis dissolutione, & cum vrinis confusis. Qui ita statim dum incipit, tam sæua & tam exitialia signa exhibet, vix arte potest euinci. Licet enim vacuationes idoneæ tempestiuè decernantur, aut etiā sponte contingant vtilēs, quibus noxi humoris portio quædam detrahatur, omnia tamen quæ dixi exitialia signa permanent, aut etiam deteriora fiunt, aut noua emergunt. Quum igitur procedente morbo sic omnia progredi videbuntur,

deplorata

deplorata sit omnino salus. Exitialis alius est initio quilen-
tius inuadit atque progreditur, nec multum distat ab eo qui
simpliciter crudus est, atq; is sanè anceps est: quia licet quæ-
dam præ se ferat lethalia signa, ea tamen emendari possunt:
& quicquid leuiter exitialis est, arte potest salutaris reddi. Cru-
dus morbus vrinæ habet, quales ferè exitialis: at lethalia
signa non adsunt: hicq; quamdiu crudus est, facillè potest vel
errore, vel negligentia in exitialem transire. Quorsum au-
tem fiat mutatio procedente morbo, ex his quæ nunc dixi
deprehendi potest. Salutaris simpliciter morbus nec magnæ
cruditatis nec mortis notas habet: atq; licet nulla artis sub-
sidia opulentur, aut leuis quidam viuendi aut medendi er-
ror committatur, sponte tamen sua soluitur ad salutem.

Curatio febrium. CAP. II.

QUUM per accessiones multæ bilis spontanea vacuatio
contingit, febris sine medicamento integrè solui po-
test. At quæ ea aut nulla, aut parciore existit, medicatio adhi-
benda, ne neglecta febris speciem mutet, & deterior vel pro-
lixior euadat. Itaque statim die secunda, cum iam accessio-
ne soluta, deterfoque sudore, laborans cibum sumpserit, &
horæ circiter octo quietis interuenerint, medicamentum
dato. Interdum etiam serius, si longa speratur intermissio
futura, in qua ante proximam inuasionem totus compleri
potest purgationis effectus. Quum enim præcipuè impura
sit prima corporis regio, in qua & humor noxi fluctuat,
neq; (vt dixi) coarctatus sitis, statim initio eius nonnihil tem-
pestiuè expurgandum est, præsertim si vel oris amaror, vel
cordis dolor, vel nausea, vel inappetentia, vel stomachi
præcordiorumque dolor, vel suffocatio acrius urget. Si
verò hæc desint, nihilque sollicitet post circuitum secun-
dum, differri medicamentum potest. At interim tamen
præparatio quædam adhibenda in intermissione, clystere
molliente atq; detergente, & apozemate quod leniter ob-
structiones expediat, è radicibus cichorij, oxalidis, grami-
nis, ex endiuia, eupatorio, & adianto, aut ex syrupo adian-
tino, vel è cichorio simplici: in accessionibus quoque
syrupo acetoso, vel è limonibus, vel oxy saccharo. Si tempe-

stiue purgandi occasio quauis ex causa periit, primo quoque
 tempore accersitus hanc decernito. Conueniens autem ea
 fuerit ex manna, ex medulla cassiæ, ex leniente electario,
 ex catholico : aut, si quæ dixi ventriculi tædia deterfionem
 maiorem postulent, ex diluto rheibarbari, vel ex sennæ de-
 cocto iure, vel ex his aptè permistis, ac tum laborantis na-
 turæ & ætati, tum regioni & cœli conditioni, ea arte quam
 alio loco tradidi, accommodatis. Hieram quidē etiam sim-
 plicem, quod humores maximēque bilem acrius incendat,
 febrēmque biliosis non elota aloē suscitet, non admiserim:
 nec myrobalanos, quod tandem adstrictione humores vi-
 asq; coarctent: qua ex causa rheumbarbarum sine aperien-
 tibus & lenientibus plerisque incommodum: nec præterea
 acriorum medicamentorum, quæ vel scammonio vel tur-
 petho constant, lenibus istis quidquam permistum, nisi
 fortè robustis qui ægrè purgantur, aut hyeme rigidiorēq;
 cœlo. Ad hanc quidem purgationē licet præparatio quædā
 (vt dixi) conducat, minimē tamē est necessaria, vt neq; con-
 coctio ex vrinis, quod ē primis his sedibus humor aut spon-
 te prorūpat, aut facile trahatur. Venæ sectio exquisitæ ter-
 tianæ est incommoda, vt quæ vtilem ac necessarium humo-
 rem detrahit relicto impuro ac noxio. Sub hac enim febre
 attenuatum corpus esse solet, pauciq; sanguinis: bilis verò
 acrior ipsa febris materia sub cauo iecoris exuperare & æ-
 stuare, quā venæ sectio minimē eximit, nec proinde morbi
 substantiam minuit. Imò verò, si vel sponte, vel arte nimium
 profusus sanguis sit, plerumque deprehendes bilem acrius
 ferocire, febrēmque inualescere. Peccant igitur, qui ex vrina
 crassa atq; citrina statim mittendum sanguinem pronunciant.
 Ea enim non sanguinis exuperantiam, non eius incen-
 dium, quemadmodum quæ ardens est, & flammea, ac verè
 rubra, sed bilis ē iecore effusionem portendit, quæ in tertiana,
 perinde ac in ictero, & in hydropse, non substantiæ san-
 guinis, sed vni sero permiscetur, præsertim accessionis vigo-
 re. Ita enim secta fortasse tum vena videas illam sanguini
 minimè permisceri, nec cum sanguine concrefcere, neq; san-
 guinem, sed serum ipsum bile inquinari, quod postea in in-
 termissione emittū purius appareat. At nihilominus, si quan-
 dō febris ea in corpus inciderit bene carnosum, bonique
 habitus,

habitus, cui amplæ venæ copia distentæ sint, & plethoræ speciem exhibeant, ob quam febris symptomata grauiora existant, vt capitis dolor, temporum pulsatio, spiritus difficilis, corporis grauitas, phlegmonosa lassitudo, summaque iactatio, sanguis vtique ob plethoram venæ sectione minuendus est, perinde atq; si tertianæ febri pleuritis superueniret: quod certè non febris, sed eorū, quæ aliunde committatur, symptomatū gratia, conceditur. In plethora, si non iuuet, non tamen læsura est venæ sectio. Ita igitur de sanguinis emissionem in tertiana febre statuendum. Si purgatione impuritas, aut etiam noxiæ bilis portio iam multa detracta expurioribus vrinis percipitur, & æger leuatus quodammodo est, sequensque accessio tum breuior tum mitior, & eius symptomata faciliora existunt, totius morbi breuitas speranda est. Reliquo igitur eius tempore ac progressu apozematis, aut syrupis leniter refrigerantibus & aperientibus obstructions blandè soluentur, & naturæ opus dirigetur ne quid subsistat, vt apozemate è cichorio, endiuiâ, oxalide, gramine, agrimonia, lichene, & ex seminibus frigidis tum maioribus tum minoribus, syrupo quoq; adiantino & è cichorio simplicis, quibus & interdum acetosi simplicis portio adiecta sit. Sæpe enim tertiana mitior, cuius pauca est materia putris, vna leni purgatione tollitur, sæpe etiam feruidioribus papulis circum labra narésq; obortis sponte soluitur: quanquam & hæ interdum solius feruoris sunt indices, & cum his febris persistat. Iam verò si tā acris est febris, tantāq; noxiæ materiæ vis, vt data purgatio non quod sperabatur contulerit, nec breuior mitiorve sequens fuerit accessio, quod defuit indito clystere supplendum: & eo alius quoties pigrior fuerit sollicitanda, vt natura ad eam aliquando futuramalui excretionem proritetur: hac enim via libera & expedita tutior fuerit morbi exitus. Ac tum temporis in ipsa febris intermissione apozemata, & syrupi offerendi sunt, quibus tum incidendi tum detergendi maior vis insit, cuiusmodi sunt quæ præter commemorata, apij quoque, & petroselini, & fœniculi radicem in aceto maceratam, & hyssopi nonnihil continent: syrupus etiam byzantinus, & endiuiæ, & nonnihil acetosi compositi. His igitur recludendæ sunt viæ, attenuandique humores etiam biliosi, quum

non facilis eorum est aut in ventriculum, aut in aluum excursio. Si bilis vel sponte, vel istorum ope concitata iam frequentius aut vomitione, aut deiectione prorumpat, tutus ac brevis morbi exitus erit. At si eius duntaxat quædam veluti stimulatio appareat, vomitio quidem præcipuè accessionis initio vel hydrelæo, vel oxymelite, alui autè deiectioni acriori clystere in intermissione procurabitur. Eadem quoque opera tum vrinæ, tum sudores liberè & copiosè cientur: tamen si ad bilis euacuationem minus conueniant atq; vtilis sint. Hæc in vehementi & exquisita tertiana ad quartam ferè accessionem molienda sunt. Ab hac verò si (vt plerumque fit) vrinæ minus crassæ, & citrinæ, purioresq; iam euadent, & hypostaseos quoddam signum apparebit, expurgati magna ex parte fomitis indicium est. Quod si præterea sequens circuitus breuior atq; tranquillior inclinantis totius morbi initium portendat, quod reliquum est morbi iam dominanti naturæ committi potest, præsertim si reliquam vacuationem æger auersatur ac metuit, multò autem magis si quæ spontaneæ vacuationes satis procedunt, & nihil supra exquisitæ tertianæ conditionem obrigit: tamen si & in iis moderata quoq; purgatio conducatur, morbumque tuto soluat. In iis saltem tum temporis natura ad spontaneam curationem apozematis atq; syrupis, vt dixi, dirigenda. At verò si quinta accessio sextavæ vehementior sit, aut symptoma quoddam accius inualescat, aut vrinæ nondum satis puræ exstant, metusq; sit ne proprios limites febris transcendat, non viliis modò, sed & necessaria ante accessionem septimæ purgatio ex rheobarbaro macerato, vel ex rheo & ex senna, vel ex catholico, cuius beneficio præparati humoris pars maxima euellatur, naturæque accessione proxima ad perfectam iudicationem incitetur, & nihil aut minimum morbi reliquum fiat. Quinetiam si febre soluta symptomata quædam diutius persistant, vt cibi fastidium, sitis, capitis dolor, & cætera: nec facillè æger conualeseat à morbo, ne quod ex morbo derelictum est reciduum faciat, purgatio quoque necessaria: sic enim tutior ac firmitior sanitas existeret. Ea igitur medendi ratione tertianæ exquisitæ ardor pariter cum causa tollitur. Si qua tamen per curationem peculiari refrigeratione febris ardor indigeat, salubriter per ea sic

ea fiet quæ refrigerando pariter attenuant, nec putridum humorem impingunt, nec diffari prohibent, nec vasorum meatus coarctant: dum etiam febrem restinguunt eius pariter causam dissipant, quod in putrida febre vehementer optandum: imò etiam si ardentior febris æstus vires nimium prostermit, & ægrè tolerari potest, causæ obseruatione aliquantum prætermissa, refrigeratione multa (etiam quæ putredinis dissolutionem cohibeat) vitior, viresque idoneo cibo ne concidant foueto, ne in tortoris calumniam incurras: deinde remisso seruore ad causam reuersus noxium humorem exime, accibum in reliquam curationem subtrahæ. Non pauci iuuenes atque robusti in tertianæ simplicis & exquisitæ accessione, trium horarum spatio, ab iis qui causam solam intuerentur, vestibis multis extincti, & sicut sudoribusque exhausti fuere.

Summa refrigerandi nutriendique ratio in febris.

AMPLO & quàm maximo conclauì cubare debet, qui acuta febre iactatur, quo multum purumque aerem ducere possit, eumque refrigeratum, abacta omni turba & hominum frequentia, sparsa quoque uersum aqua gelida & aceto, stratis herbis frigidis, ut salicis foliis, vitis, lactuca, nymphaea, rosarum & violarum: odoribus quoque & rosis, violis, nymphaea, & fantalis, aqua rosarum stillatitia, & aceto & camphoræ momento conspersis. Tum temporis non multis, sed admodum leuibus vestibis tegendum corpus est, ne vniuersè refrigeret. At si nihilominus ardore nimio id torretur, in ipso vigore æstuantes partes hydrelæo perfundentur, cuius oleum & aqua manu permisceantur donec albescant: huic & aceti sextans interdum adici potest, & vice simplicis olei rosatum, violatum, nymphetum, aut papauerinum substitui. Id autem iocineri, renibus, æstuantique capiti induci potest, idque tutò, si modò nulla tussis, nulla capitis grauitas, nullaque destillatio molesta sit, nec cataphora profundiorve somnus obrepit. Epithema iidem quoque partibus atque cordi vtiliter accommodatur, ex liquore stillatio rosarum, violarum, plantaginis, sola-

ni, nymphææ, & acetii sextante, in quibus fantali & camphora, aut pastilli albi Rasis soluti sint. Ex iisdem quoque tracta psyllij vel cydoniorum mucago eximie opitulatur. Observandum autem, ne hæc instante sudore corpori infideant illiusque eruptionem cohibeant, breuemque morbum producant: quanquam longitudo interdum optabilior est acrimonia. Interiora verò corporis si æstu atque siti vruntur, lenienda sunt succo vel aqua cucurbitæ, aut melopum, aut cucumeris, aut esu oxalidis, portulacæ, lactucæ, ex aceto, quæ aut crudæ sint, aut aqua feruente contabuerint: aut, si forte corroboratio quædam adstrictione petitur, succo mali punici acidi, aut limonis, aut citrij, aut cerasij, aut oxyacanthæ, aut oxalidis, aut vuar acerbæ, eoque vel puro, vel aqua diluto: horum enim quàm syruporum maior refrigeratio. Hæc ipsa alimenta quoque sunt, in quorum moderato vsu olim veteres tenuissimum victum collocauerunt, quemadmodum & longè tenuissimum in cibi potusque abstinentia: ab hoc sensim ad tenuem, & ad plenum, qui sanorum & integrè valentium est pervenerunt. Omnis autem febricitantium victus humidus, frigidusque habendus est, ex materia leui. Primus autem cibus est aqua hordei simplex, quæ refrigerando, humectandoque leniter abstergit: deinde aqua mulsa, quæ melle temperata minùs refrigerat, sed magis abstergit & aperit: vel aqua saccharo condita, quæ minùs quàm mulsa viscera calfacit, sed minùs quoque abstergit. Ab his hordei cremor refrigerans & humectans, abstergens, leniens, sitim compescens, nusquam ductuum viis adhærescens. Hæc sequitur sorbitio è pulli gallinacii vel columbini iusculo, in quo frigidiore olera, lactuca, oxalis, portulaca, buglossum, & vua acerba incocta sint. Mediæ verò materiæ sunt ea ipsa olera, deinde hordeum integrum saccharo conspersum: ab his panis medulla elota, & ex aqua cocta: sequitur quæ ex pullorum iusculo coquitur: hinc pisces saxatiles, deinde oua tremula sine testa in feruentem aquam coniecta: carnis deinde aqua liquidior vaporario elicita, modò simplex, modò rosarum, buglossi, aut violarum saccharo temperata. Valentioris iam quodammodo, sed nondum plenæ materiæ sunt pulli gallinacii & columbini,

ni, & gallinarum caponumque extrema, deinde ius eorum feruore consumptum, & quod iam quasi in gelu concreuit: ipsa quoque eorum caro, & hœdina, & vitulina, ea quidem elixa, & dum editur succo quodam refrigerante intincta, vt carnis saporem quodammodo sopiat: quod & amygdalæ rursus iusculis quoque præstant. Quæcunque iam crassiusculæ sunt materiæ, vt ea ipsa assa, & perdices, auiculæ montanæ, lepusculi assi, & assorum quorumuis expressus succus, aut qui elicitur è carne in diplomate sine aqua elixa, quod nimium alant, ægrè coquantur, æstumque in præcordiis excitent, non in acriter febricitantium, sed in sanorum cibus numerantur. Si quid tamen horum vehementer expetitur, id ex succo, aut condimento refrigerante in laborantis gratiam concedi potest. Potus esto vel aqua feruefacta & refrigerata, vel aqua hordei simplex, vel aqua cum sacchari sextante feruefacta, vel quiuis potus ex his quos connumeravi refrigerantibus, & aqua quoque frigida vini albi tenuis sextante conspersa: sic enim magis refrigerata, & citra viscerum offensionem, quoquoersum expeditius digeri distribuique putatur. Frigida verò quæ pura sit ac simplex, minimè cibus permiscenda. At verò quum summus ardor ingensque sitis summam quoque refrigerationem postulant, sine qua metuitur ne nimium vexatus æger exarescat, marcescat, aut fortè exhausto spiritu breui exoluatur, præstanda quidem frigida, qua nihil ad infringendum calorem valentius. Sed & ipsa quoque synochi, causi, aliarumque continuarum ardentium peculiare remedium est, quum illas vel extinguere, vel infringere, vel in aliud temperatum genus commutare consilium est. Id tamen non nisi eorum quæ sequuntur obseruatione tentandum. Notia morbi materia ex vrinis iam concocta appareat, quod non ante diem morbi quantum contingere solet. Laborans bono sit habitu, carnosoque corpore, integris viribus, infuso calore exuberans, potui frigida dum bene valeat citra læsionem vllam assuetus: ei quoque pectus & viscera firma sint & valida, sine dolore, sine obstructione magna, sine tumore, sine abscessu: nec alui deiectio nimia,

nec cruditas vlla fatiget. Hæc igitur cum adfunt, magna fiti antecedente, frigida aqua copioſe, ad duas circiter heminas, & vltraſatietatem epota, dum venter præcordiaque diſtendantur, ſatisque refrigerata ſint, & horrore quaſi inalgſcant, ſummum febris ardorem tutò extinguit. Protinus autem multis ſtragulis operiendus eſt qui bibit, moxq; cogendus vt vomat, aut aluum copioſe deſiciat, aut ingentem ſudorem effundat. Cohibita enim aut ſubſiſtens tanta frigida moles, ſummo vitæ diſcrimine, natium calorem cū febrili pariter extinguit, aut ſaltem partium nutrientium functionem tollit, ſpirandi difficultatem, tremorem atque conuulſionem, deglutiendi meiendi que difficultatem infert, ipſas inſuper ductuum vias coarctans, morbi que materiam compingens, morbum multo diuturniorem facit. In eadem atque etiam in grauiora incommoda eos præcipitat, qui contrà affecti fuerint, extenuati, exangues, imbecilli, pauci caloris, non aſſueti eius potui, viſceribus dolentibus, tumentibus, obſtructis, aut vlceratis, maxime autem ſi adhuc crudus eſt morbus: vnde conſtat, febris inſermittentibus, quarum ſcilicet peccans materia in primis eſt viſceribus, liberaliorem frigida potionem aduerſiſſimā eſſe: neq; ſemper continuam etiam, quæ ardens fuerit, tutò extingueret: & ſub tanta refrigeratione omnino anticipem eſſe febris curationem. Talis igitur per febres eſto cibi potusque qualitas. Quantitas verò vtendi que ratio non parum diſſicilis: ſumma quippe controuertita certatur, quantum & quando cibus in acutis morbis offerendus. Antiqui, præſertim que Aſclepiades, primis totius morbi diebus non modò à cibo, verum etiam à potu abſtinendum putabant, vt ne os quidem elui ſinerent: ita quidem ſuperantem materiam minui digeri que rati, ſi nulla noua accederet. Eam Hippocratis ſententiam eſſe cenſuerunt: quia, inquit, vbi morbus peracutus eſt, ſtatim & labores ſummi fatigant, & tenuiſſimo victu (quæ pura eſt abſtinentia) vti neceſſe eſt. Quum verò ægrum tri duo per omnia fatigaſſent, quarto die cibo deſtinabant, interdum etiam quinto aut ſexto, ſed quartus in plerisque ad initium cibi aptiſſimus habebatur. Dein verò altero quoque die alebant, ac vltioribus diebus ſummo vigore, contra Hippocratis doctrinam, vberius dum

dum prorsus morbus decederet. Postea verò eorum æmul-
li cum ægris mitius agere cœperunt, pauloque maturius a-
lere. Sed hæc fuit eorum olim doctrina, qui purgantia aliâ-
que medicamenta ex arte sustulerunt, omnem prorsus cu-
rationem vno victu moliri. Quoniam verò qui prorsus
computruit humor inedia absumi non potest, sed quòd to-
tus præter naturam sit, medicamento exigendus est, ne-
cessariò quidem non ex victu tantum opportuno, sed ex
medicamentis quoque instituenda est morborum putrido-
rum curatio: & eius materiæ, quæ lædit, pars crudior con-
coctione per inediam victumque tenuem, pars corruptior
purgatione extenuanda. Itaque quum ex interiorum cau-
sarum obseruatione nuntiusior quàm olim expeditiorque
morborum curatio ex medicamentis constituta stabilita-
que sit, non tam exquisitè tenuis victus imperandus, neque
omnino vires abstinentia infringendæ sunt, sed tenui cibo
sustinendæ, vt faciliè necessariam medicationem ferant. Vix
villo die æger abstinere rectè potest. Si per initia ventricu-
li præcordiorumque dolor, aut tensio, aut nausea, aut cibi
fastidium, aut vomitio nimium affligit, tum medicamen-
to, tum parciori victu demenda est materia, præsertim si
anteactis diebus laborans gulæ liberaliùs indulsit. Deinde
verò ea imminuta quum iam puriora erunt præcordia, ex
morbi magnitudine, acrimonia, & motu, æstimandum
quousque producendus is sit, aut quando summum vigo-
rem habiturus. Si per acutus existit, & ex eorum numero
qui statim dum incipiunt florescunt ac vigent, statim quo-
que tenuissimo victu vtendum. Si paulò mitior atque et-
iam diuturnior in diem septimum excurrat, simplici-
ter tenui: sin verò in decimum quartum diem producen-
dus videatur, paulò plenior. Perpetuò autem cibus ini-
tio plenior sit, sensimque minuatür dum ad summum vigo-
rem morbus pertingat, in quo dari tenuissimum præ-
cipit Hippocrates. Sic igitur temperandus est, vt in sum-
mo vigore summè quoque tenuis sit, incremento tenuis,
initio aliquantum plenior, quo tamen corpus vires non
acquirat, sed duntaxat paulò infirmiores confirmet, vt
aduenturi mali spatium sustinere, & in eo morbi conco-
ctionem moliri, & eas quæ tum arte tum spontè fient va-

cuationes tolerare possit, & ne ante summum vigorem deficiat atque hebetescat, & tum temporis nutrire & naturam ad cibi concoctionem reuocare cogamur, cum maxime in morbi concoctionem pugnamque incumbit. Hæc ut declines incommoda, in paulo plenior potius quam in tenuiore victum deuerges: quandoquidem (ut est apud Hippocratem) victus nimis tenuis & exquisitus paulò plenior periculosior est, & error ex tenui quam ex pleno grauior, quem & ægroti difficilius ferunt. Et hæc quidem acutis omnibus communia sunt. Quibus autem horis, & quoties conueniat videndum. In morbis, qui ex interuallis exasperantur atque fatigant, obseruanda hæc tempora sunt: instans accessio, initium, incrementum, status seu vigor, decessio, remissio, aut etiam intermissio, si perfecta integritas est infecuta. Integerrimo corpori cibus est offerendus, minus enim corrumpitur qui in vas syncerum demittitur. Itaq; si tempus intermissionis in intermittente, aut etiam remissionis in continua febre, longius est, eius initio quum iam maxime omnia tranquilla sunt, & arteriæ conquiescunt, dare cibum expedit, rursumq; secundo si longum est interuallum. At quum quietis breue tempus erit, & maturè altera timetur accessio, inhærente adhuc febre, & eius reliquiis manentibus, cibus etiam tutò dari potest: præstat enim decedente febre quàm instante ægrum cibo destinari. Eadem ratione si vaga febris est, & incertum eius recurrere tempus, ne inopinatò eum excipiat, quandocunque quis ex accessione leuatus apparebit, etiam si nondum ex toto integer sit, cibum assumat, & cibus semper ab accessione proxima quàm maxime reducatur. Atque etiam, si bis eodem die accessiones complures hominem adorianur, post grauiorem præcipuè alendum. Cæterum in accessione iubet Hippocrates prorsus abstinere, & totius eius tempus sine cibo præterire. At nihilominus si quis propter viriū imbecillitatem deficit, nullo accessionis tempore non est sustinendus, idque aut prunis cerasiisve coctis, aut conditis saccharo, aut hordei cremore, aut etiam pauco concreto carniū iure, quæ refrigerata sitim pariter extinguūt. Hæc tamen minore periculo dabuntur instante quàm incipiente febre, & crescente quàm summè vigente. In ea porro febre,

febre, quæ continua est & remissionem nullam habet, neque lenior vnquam fit, antelucanis horis, quibus omnes ferè in somnum propensi sunt, aut matutino tempore, quod natura sua lenissimum est, plenior dandus est cibus, quam meridiano aut vespertino, quo ferè asperior morbus est. Veruntamen in homotono febre aptæ sunt cibo horæ, quibus & integra valetudine quis ali consuevit. In quacunq; nihilominus febre continua vis corpori deesse videtur, & arteriæ præ exilitate concidunt, & laborans exolui se metuit, eum cibo fouere, viresq; recreare licet.

Symptomatum quæ per febres affligunt remedia.

CAP. XII.

RIGOR continuæ feбри superueniens, quod eam plerunque soluat, in malis non est, nec vlla ratione cohibendus, si eum præsertim sudor excipiat. Frigus autem, horror, aut rigor intermittentium inuasionibus si vehementius fatiget corpúsve concutiat, leniri tutò potest. Primum autem sub expectatione accessionis maturè vestibus multis operiendus est æger, & omni potione prohibendus: summis partibus, & iis quæ plurimum inalgescunt, adhibenda fomenta calida atq; sicca, vt lapides candentes, aut titiones extincti: simul quoq; obuolutus laborans spiritum diu continere debet. Si nihilominus horror rigórve prorumpat inter vestimenta, extremæ partes perfricandæ sunt oleo chamæmelino calefacto, vel liliaceo, vel anethino, vel rutaceo, vel vnguento quod ex his & ex piperis, cardamomi, pyrethræ conficitur. Si vnctionum grauis est vsus, ea ipsa in aqua vitæ maceranda sunt, qua dein expressa rigentes partes perfundentur. Nonnulli vehementius rigoris initio eum qui constitatur, in balneum deducunt, in quo etiam calidiores herbæ incoctæ fuerint. At certè ne quid in eo peccetur, nève calor acrius inualescat, commodissimum sit ventriculum atq; præcordia fouere, feruefacto iure calidorum stirpium vt menthæ, abanthij, saluæ, rutæ, origani, chamæmeli, & anethi, cum anisi & fœniculi semine, cui etiam vini albi paulum sit adiectum: concalfacta enim febris origine, horror sæpè discutitur, simulq; melior fit præcordiorum

status. Quum quis ex horrore iam incallescere cœpit, si (vt ferè fit) nauseabundus est, data aqua tepida interdum subfalsa vomere cogendus est, vel mulsæ data, vel hydrelæo, vel si tenacior humor est, syrupo acetoso, aut oxymelitem simplici, tũ scillitico, aqua hordei tepida diluto. Quinetiam quis sponte euomuit, horum ope iterum vomere cogendus est, vt proritans intus materia radicitus extirpetur: quæ si multa tenaciôrque existit, vehementiora etiam suo loco tradenda postulat. Nam vt circumspicere Celsus ante nos animaduertit, ferè talis horror ab his oritur, quæ biliosa in stomacho resederunt. Si per hæc vomitio proritari nequit, piper tritum drachmæ vnus pondo, ex aqua calida, ante accessionem potum horrorem inhiabit: sed efficacius pillulæ quæ habent rad. aristolochiæ rotundæ ʒij. myrrhæ electæ, piperis an. ʒss. ex absinthij vel mentæ syrupo concinnatæ. Sæpe etiam, per quartanam maximè, omnia tum externa tum interiora corporis vsq; adeò perfrigerata sunt, vt in ipso horrore aut vinum generosum, meracum, & calefactum, aut aromatis, aut aquam vitæ, aut calidiora quædam offerre cogamur. Sitis, quam solius linguæ & faucium ariditas parit, oris collutione ex aqua hordei tepida, vel ex aqua stillatitia plantaginis compescitur, vel ex ea, in qua cocta sint pruna dulcia, zizypha, myxa, aut cydoniorum, cucurbitæ, vel lactucæ semen, aut glycyrrhiza, aut quæcunque citra adstrictionem & calorem blandè leniunt atque humectant. Ea ipsa ore diutius etiam contenta lentore suo linguam, os, & fauces siccescere non sinunt. Si dulcia non arident, fallenda sitis est acinis mali punici, vel citrij, aurantiue laminis aqua rosata & saccharo macerata, vel oxalide mansa. Scabrities verò, atque etiam linguæ orisve lentor detergendus primùm est penicillo ex melle rosato: quod si non satis respondeat, penicillus aqua rosata intingendus est, in cuius vncia aluminis drachma vna & sacchari candisemuncia sit soluta. At si exaresfacto, aut æstuante ventriculo & præcordiis, sitis vehementer excruciat, neque his, quæ nunc dixi, falli potest, potus permitendus est, sed quàm tardissimè, vt hunc sudor promptus excipiat. Maturior accessionem pròducit, sitimque nouam mox exasperat. Conuenient autem potus ex diluto iure la-

ctuca,

etuæ, portulacæ, plantaginis, & eorum lenientium quæ
 dixi ex syrupo violato, zizyphorum aut nymphææ & aqua
 sextupla: aut si putrescens stomachi humor sitis occasio
 fuerit, è succo oxalidis, vñæ acerbæ, cerasiorum, malp-
 unici vel citrij, aut è syrupis qui ab his comparari solent, pari
 aquæ modo dilutis. Quum ceruicis, * aliarumve partium * *Alias legi-*
 mador sudorem instare pollicetur, vinum album tenue, *tur, alarum*
 quadrupla aut sextupla aqua dilutum, hunc liberalius ciet. *mador.*
 Potus autem omnis moderatus esto, ne præcordia diuellat,
 & frigidiusculus, ne crudiores aluum liquidioresq; red-
 dat. Capitis ex febre dolorem sedat rosa, viola, nymphæa,
 lactuca, plantago, semperuiuum, & alia quælibet herba ex
 refrigerantibus tunsa, & ex aceto fronti temporibusq; in-
 ducta: & quæ ab his extant tum olea, tum vnguenta, cuius-
 modi est quod populeum appellant. Si vigiliæ, aut delirium
 molestè exercet, his adiici poterunt hyoscyami, papaueris,
 & mandragoræ folia, vel semen, quæ & ipsa odoratu quo-
 que, non parum iuuant. Ex his lotiones, vnctiones, cata-
 plasmata, non fronti modò & temporibus, sed syncipiti
 quoque tutò admoventur: si neque capitis grauitas, neque
 destillatio, neque tussis dehortatur. Si nimia metuitur re-
 frigeratio, permisceantur his serpillum, anethum, & ruta,
 quibus etiam ad vigiliæ & deliria non parua vis est. Si ex-
 tremum malum est, in quouis oleo solui potest opium, vt in
 singulis vncijs huius vini sint scrupuli, eoque frons, tempo-
 ra, & ipsæ nares oblinantur. Sed & interdum drachmam
 vnam Philonij Romani, aut scrupulos duos pillularum è
 cynoglossò vorare extrema necessitas expostulat. His eti-
 am præsidij succurritur, cum febricitans, aut quouis acuto
 morbo decumbens, citra manifestam occasionem huc il-
 luc immodica iactatione sese deuoluit. Aut si fortè iacta-
 tionis causa fuerit capitis, præcordiorum, aut lumborum
 æstus, his refrigerantibus, quæ suprà retuli, demulcendus
 erit. Spirandi difficultas, quæ ferè ob febris æstum vehe-
 meenter premit ac penè suffocat, iisdem quoque tollitur re-
 medijs, & cordis epithemate, quod inter refrigerantia re-
 tuli, & poru frigido, quo minimè prohibendus est ager si
 tum maximè exigit. Animi defectio, aut etiam syncope,
 quum per febres ardentes ex bile in os ventris effusa profi-

cilici soleat, non melius arceri abigive potest quàm succo mali punici, aut citrij, aut vuz acerbe sumpto, aut pane vorato iisdem intincto. Spongia quoq; mistis inter se aqua rosacea & aceto imbuta, quæ vetriculi ori tepida imponetur, ad id nõ parũ cõducit. Sudor optimus, tenuis, tepidus, calidusve, minimè fœtidus, facilè ac citra laborem vniuersum è toto corpore dimanans, qui sitim ardoremq; compefcit, & intermittentis febris accessionem integrè finit, aut continuæ acrimoniam remittit, qualis ferè est qui decretorio die superuenerit. Is verò quoad vires permittunt tolerandus est, atq; etiam, si parcius erumpit, proliciendus. Si verò immoderatiore corpus iam diffluit & exoluitur, coërceri debet tum aeris, tum corporis refrigeratione: interdum profusione ex oxycrato aut omphacio, aut ex aqua in qua incoctæ sint rosæ, cytini, balauftia, malicorium, myrti, salicisq; folia, gallæ & cupressi glandes: interdum vnctione ex oleo rosato, myrtino, mastichino, aut melino, in quibus (si necessitas postulat) succinum tritum, aut gummi, aut ceræ exiguum solutũ sit, vt emplastica vi cutis spiracula tenaciùs infarciat. At verò sudor crassus, glutinosus, frigidus, ac fœtidus, egrè, nec è corpore toto prorumpēs, initio quidẽ nõ omninò malus: sæpe enim qui eiusmodi primus vel è capite, vel ex alia parte manat, postea melior ex vniuerso corpore euadit. Talis autẽ diu ac multũ perseuerans, omnino malus: nam cum virium robore, impuritatem summam & morbi longitudinem: cum imbecillitate, extinctionem fore denunciat. Sudorem malum nunquam prouoces, sæpè cohibeas, ac tum præcipuè purgando corpori sustinendisq; viribus operam nauato. Si qua alia symptomata præter febris conditionem obrepunt, vt lenteria ex frigidiore & immodico potu, vt tussis ex refrigerato pectore, vt ex nudato capite destillatio, propriis ea tollantur remediis, sed quæ tamen aut nihil aut minimum curandæ febrì obfint, & hanc, quoad fieri potest, leniant.

F I N I S.



IO. FERNELII
 AMBIANI, DE LVIS VE-
 NEREÆ CVRATIONE PERFE-
 ctissima, liber.

Lvis Venerea definitio. CAP. I.



LVIS Venerea totius substantiæ mor-
 bus est occultus, contagiosus, tubercu-
 lis, maculis, viceribus, eruciatis & do-
 loribus sese prodens: *solo concubitu, aut
 alio impuro contractu contrahendus.* At-
 que ut huius morbi vis & natura, de qua
 hæcenus inter Medicos parum conue-
 nit, certius innotescat, paulò altius repetenda est definitio-
 nis explicatio. Cum omnis morbus primum & per se in a-
 liqua parte corporis insideat; partes autem omnes simila-
 res sint & dissimilares: necesse profectò fuerit in harum al-
 terutra vel in utraq; luem Veneream primum & per se in-
 hærescere. At verò in dissimilaribus primum & per se non
 consistit, neque enim conformationis neque magnitudi-
 nis, neque numeri, *neque collocationis sine sit* morbus ex-
 sistit. Restat igitur ut partium similiarium primum & per se
 vitium sit, & affectus præter naturam: neque enim, si cum
 omni genere morborum concurrat & complicatur, aut et-
 iam varios partium dissimilarium affectus inuehit; idcirco
 sanè morbus vnus non fuerit, aut etiam partium dissimila-
 rium primum & per se affectus censetur. Ita enim & fe-
 bris partes omnes obsidens, dissimilarium partium pri-

mum & per se morbus diceretur, nec vnus esset affectus, sed
 plures: quod veterum auctoritas redarguit. Verum enim-
 uerò cum affectuū partis similis tria sint summa omni-
 no genera, intemperies, materiæ immoderatio, & totius
 substantiæ corruptela: ad quod Lues hæc sit referenda, vi-
 dendum. Primum ad intemperiem non pertinere, apertè
 posthac demonstrabimus, cum de eius causa dicemus. mul-
 to minùs ad materiæ amertiam referri potest: neque enim
 mollities aut durities est, neque laxitas aut adstrictio, neq;
 tenuitas aut crassities, neque demum raritas aut densitas,
 qui materiæ immoderate omnes sunt morbi. Ad formam
 ergo necessariò referenda est, quæ quoniam præcipua est,
 & pene tota rei cuiusque substantia; eius affectus totius
 substantiæ morbi dicuntur. Atque ideo lues Venerea me-
 ritò totius substantiæ affectus dicitur. Iam verò cum mor-
 borum totius substantiæ alij intemperiem manifestam se-
 quantur, cuiusmodi sunt febres omnes putres, aliarumque
 partium affectus ex putredine ortum ducentes; alij alias
 causas occultiores: ad quod genus Lues pertineat, viden-
 dum. Qui intemperiei succedit morbus, manifestus est, isq;
 vel putredo quædam existit, vel putredinis quædam sobo-
 les, quod Lui non conuenit. Superest igitur, vt à secretio-
 re causa orta putetur. Atque hic oculi morbi dicuntur,
 qui non ex dissoluto temperamento, neque ex simplici pu-
 tredine, sed ex abditore quadâ causa processere, quæ cor-
 poris totam substantiam primum & per se afficit. Hoc cau-
 sarum genere continentur omnia pestifera deleteria & ve-
 nena, quorum ferocia in natium nostrum calorem, in
 ipsumque vitæ principium, cui tota essentia contraria est &
 insensa, maximè ac primum sæuit ac debaccharur. Non
 enim eiusmodi causæ sola putredine, vt iunioribus plerisq;
 visum est, sed tota specie & vi deleteria nos vel offendunt
 vel enecant. Hæc autem quæ toto genere & profus vene-
 nata sunt, tribus omnino modis nos attingunt: aut enim
 cum aere spirando ducuntur, vt pestilentia; semina: aut ex-
 trinsecus nos attingunt, vt rabidi canis & venenatarum be-
 stiærū virus: aut intrò sumūtur, cibi, potus, aut medicamen-
 ti specie. Venenum, quod nō nisi intrò sumptū vires habet,
 omniū infirmissimū existit: non in spiritu, non in tenui hu-

more

more, sed in crassiore quadam substantia inhærescens. huius generis sunt fungi, arrhenicum, auripigmentum, & alia præ innumera, quæ non odore, non adhæsu, sed haustu solo enecant. hæc Chirurghi in malignorum vlcerum curatione citra ullam partium corporis iacturam, magnoque vfu extrinsecus adhibere solent. ex quo intelligitur non esse illa contactu deleteria. At verò si quid istorum sumatur; è crassiore materia venenum vi nostri caloris fuscitatum in principes demum partes sese inferit, profertque sui furoris incommoda. Venenum, quod halitu nos ferit, omnium præsentissimum est & efficacissimum, nec humore, nec crassiore materia tanquam vehiculo indigens, vt in nos agat, ac commigret: sed tenuissimum cum sit, spiritu haustum, celerimè per pulmones in cor viscus nobilissimum & in arterias, in omne denique corpus irrepit: primumque spiritus, deinde humores, postremò ipsarum partium substantiam labefactat. Quod autem venenum contactu ferit, minus efficax est: neque in solo spiritu, vel in aere, sed in humore quodam prouehente vires habet. Hoc verò cum in partem cute nudatam infederit; contactu quidem eam primum, dein verò proximas, reliquumque corpus omne consecutione quadam inquinabit. Non enim rabidi canis halitus solum contagione quempiam polluit. at in partem demorsu apertam vel humor vel saliuæ eructatur: cum quo virus illinc sensim in omne corpus euadit. In integram verò cutim si inciderit, nihil efficit. epidermis enim densa cum sit atque valida, horum hebetiorum & crassiorum venenorum substantiam altius penetrare non sinit, nisi vel findatur vel dilaceretur. Sic enim bestiarum, quæ virus eiacularantur, venenum prouehente ducitur humore. sic sagittarum venenatarum, sic elephantiasis, aut luis Veneræ virus, non inspiratu, sed humore in quamuis partem cute nudam defixo sensim prorepat in omne corpus. Exiis tamen quæ solo contactu efficiunt, pauca quædam numerantur, quæ integram etiamnum cutim, quamuis validam & densam, peruadunt & penetrant, introque subeunt: vt quod à basilisco aut torpedine pisce infigitur virus. Atque hæ tres occultæ atque venenatæ causæ tres occulcorum morborum differentias constituunt: quorum alij ab aere; alij contactu;

alij à venenata, quæ intus sit, materia procedunt contrahunturque. Hi quidem omnes venenati sunt: at non similiter, neque iisdem ex causis. Nam qui ex intus conclusa materia processerunt, quia foras non emigrant, neque in vicinas partes prorepunt, simpliciter venenati nuncupantur. qui verò ab aere, aut contactu fiunt, contagiosi: quod vel externæ, eiusque venenatæ causæ occursum geniti sint, vel contagione mutuaque societate vicinas partes contaminent. At hi qui solo contactu contrahuntur, vt hydrophobia, Lues Venerea, & qui bestiarum venenatarum ictu fiunt, simpliciter contagiosi dicuntur. alij qui ab aere procedunt, pestilentes. Vt idcirco breuissimè dici possit, Occultorum morborum alios venenatos esse, alios contagiosos, alios pestilentes. Sed venenatis & pestilentibus relictis, de contagiosis pauca quedam dicemus. Contagiosi tota substantia morbi alij manifesti sunt, alij occulti. Manifesti sunt phthisis, pruritus, scabies, lepra, achores, faui & reliqui huius generis: qui licet contactu & fiunt & afficiunt; nihil tamè occultum malignumque respiciunt: sed à manifesta putredine, & qualitatū primarum intemperie, oriuntur. Contagiosi occulti dicuntur, qui externi cuiuspiam veneni occursum & contagione primum contracti sunt, vt stupor à torpedine pisce, vel ab opio, hydrophobia, & qui scorpionum bestiarumque venenatarum morsum vel telorum veneno infectorum ictu fiunt. In horum censu iure numeranda venit Lues Venerea. cum enim neminè vnquam hac Lue labefactauerit, inquinaveritve aeris inspiratio, nec multos communiter illa inuadat: non potest inter Epidemicos morbos censeri. cumque nec alimentorum impuritate nec vitio sit orta, non numerabitur in venenatis. Restat igitur vt habeatur inter contagiosos, quorum peculiaris est sua cuiusque causa. Et licet fortassis ab externis hæc causis primum originem non habuerit: quoniam tamen hæc semel genita non nisi contagione postea afficit, contagiosorum more, contagiosus quoque morbus dicendus est. alioqui nec elephantia, nec qui Luis Venereæ & Elephantiæ permixtione fieri possunt, inter morbos contagiosos recenserentur. quod tamè veterum auctoritas & usus coarguit. Itaque Lues Venerea totius substantiæ affectus est occultus & contagiosus.

ANNVS fuit à Christo nato post M. & cccc. nonagesimus tertius (aliis secundus) cum irrepsit lues Venerea apud Neapolim primum in Gallorum exercitum. Unde à Gallis Neapolitanus, à Neapolitanis Gallicus morbus est appellatus. Hunc irà Dei Opt. Maximi interpretati sunt Theologi, cum hanc malorum à nobis morū poenam exigi, hoc supplicium de scortatoribus sumi publicè docuerunt. Hinc statim mira tam horrendum affectum superstitio excepit, indoctis quibusq; hominib. & mulierculis ad Diuos nescio quos vota sua referentibus, opemq; ab his poscentibus. Non defuerunt etiam Astrologi & Meteorologici, qui morborum popularium causas altius repetentes, insolentem quandam siderum constitutionem ac binas solis eclipses, acri inquinamenta quædam respergentes accularunt, Epidemicumque hunc affectum dixerunt: quorum etiam opinione plures Medici postea sunt secuti. At ego vel ab insulis quibusdam Americis, in quibus populariter affectum hunc grassari audio, per Hispanos in Gallorū exercitum vitium allatum crediderim: aut illic certè scorti cuiuspiam magna impuritate contractum: cuius dein contagio in omnem Europam, Asiam, Africam, & extremā Indiam defluxerit, omnemq; orbis partem, quæ nostratum commerciis vititur, impleuerit. Etenim si Epidemicorū morborum conditione, à certo astrorum influxu deriuata est hæc Lues; quomodo paucis diebus plures non afflixit, tandēq; tempore desit? Ita enim pestis illa Anglica hoc seculo nata sæpius iam & inuasit, & exstincta est penitus. Ita morbi omnes Epidemici ab Hippocrate celebrati: ita exanthemata & ecphymata ortus & interitus sui cursum semper absoluunt. At aut ab vno aut admodum paucis apud Neapolim originem habuit lues Venerea: cuius contagio hætenus serpsit in reliquos, nec tempore desit. Itaque accusanda hoc loco mutorum credulitas, qui multas se in cœnobis virgines arte conclusas hac lue labefactatas vidisse scripserant sine viri consuetudine, & impuro contactu, sola inquinatas aeris inspiratione. Non minùs explodenda est illorum opinio, qui alimentorum impuritate & vitio luem hanc sæpius oriri contendunt. quasi verò nun-

quam antea putridis & vitiosis alimentis vſi ſint homines ſine lue Venerea: aut hæc in plebeios tantum & infimæ ſortis homines vitiosis plerumque cibis victitantes, non autem in magnates & reges ipſos ſelectiſſimis cibis vtentes graſſata ſit. Multi etiam Luem hanc indies mutari, & ita inclinare atque conſeſcere, vt ſit poſthac breui ſinem habitura, litteris prodiderunt. aiunt enim, cum primum oriretur, tanta fuiſſe ſœditate, vt quæ nunc graſſatur, vix illius generis eſſe putetur. Vlcers erant innumera, in quæ glandis ſpeciem & magnitudinem aſpera, exporrectaque: ſpurcus ab iis profluens humor, ſœtor verò tantus exhalans, vt cuius nares attigifſet, iſ inſici mox crederetur: color puſtulis ex nigro viſcens, ipſo aſpectu non minus agros quam dolore cruciabat, Fugiebant idcirco omnes eius aſpectum, nedum contactu abſtinebant, vt morbi præterea nullius. Quæ verò ſecuta eſt, & iam paſſim vagatur, puſtulas quidem habet paucas, vt & vlcers; dolores autem atroces cum tuberculis ſcirrhoſis. ea vt ſœditate tolerabilior; ita certè doloribus & cruciatibus immanior euafit. Id verò minimè ſenſcentis Luis naturæ & conditioni tribuerunt, ſed præpoſteræ multorum curationi. Adeo enim eſt hæc Lues mortalibus formidabilis, vt vel illius minima ſuſpicionem conſeſtim ad remedium ex hydrargyro concurratur: quod ſanè puſtularum ardorem extinguit, exſiccaturque vlcers: at diſtillationes, articulorumque dolores adauget. Itaque hanc, niſi Deus Opt. Max. ſua clementia ipſe extinguat, aut effrenem hominum libidinem temperet, nunquam exſtinctum iri, ſed fore humano generi comitem, & immortalẽ crediderim.

Luis cauſa efficiens ex nonnullorum opinione.

CAP. III.

DIXIMVS de Luis origine & externa occaſione. Iam de efficiente cauſa, cuius ad curationem in primis eſt neceſſaria cognitio, accuratiùs diſſerendum. Huius quidem natura & eſſentia quæ ſit, quæ qualitas, quantæ iamdiu, quamque odioſæ concertationes, quot opiniones, quam maximè à Neotericis agitata & ſumma diſcordia conuerſata!

fatæ: at nondum tamen definita quæstio est. Alius enim hepatis intemperiem valdè siccam & paulo calidiorē per cōtagium impressam arguit, ac eam primū quidem simplicem, deinde verò crescente humore noxio, composuit: qui in carnes ac corporis habitum à natura propulsus, & continuum soluat, & pustulas, vlceraq; excitet, dolores, rōphos, aliāq; incommoda innumerabilia accersat. neque mirum videri debere si medicamentis, quæ ad omnis generis intemperie comparata sunt, hæcenus non cesserit: quòd omnis sicca intemperies partis alicuius nobilis maximèq; hepatis humidi primogenij plurimum absumat atq; dissipet, nec nisi arte summa & summo remediorum vsu tolli emendare possit: cū reliquæ omnes intemperies facillè corrigantur. Intemperiem calidam esse à natura rei cognō sci, & ab eius effectibus. siquidem pustulæ & vlcera, quæ in hoc sunt morbo, duriciem habent insignem: durities autem fit vel à pituita crassa, vel à melancholia. At pituita crassa facta non corrodit. Erosiones enim, quæ cum duritie affligunt, sui causam materiam crassam & densam agnoscunt. Adhæc materia tenuis erysipelata vel herpes excitat: vlcera autem Luis profunda sunt & caua. Denique Luis Venereæ vlcera iis tolluntur remediis, quæ veteres Arabes ad vlcera à sicca & torrida materia compararunt. Quocirca à materia calida sicca & densa emergunt. Hæc autem materia non potest aliunde peti quàm ab hepate: siquidem medicum est theorema: Actione aliqua per corpus totum æquabiliter læsa, principium eius naturale necessariò esse malè affectum, neque enim (quod exempli causa dictum sit) motu & sensu totum corpus privari potest, illaeso cerebro, motus & sensus principio: neque asphyxia, id est, summa pulsus imbecillitas, in toto corpore deprehendi potest, illaeso eius principio corde. Sic profectò vitiatò sanguine in omnibus corporis partibus, necesse est hepar læsum esse, & cuiusmodi est sanguinis vitium, talem quoque esse iecoris noxam. At omnes eo morbo affecti, liuidi ferè & subnigri cernuntur, floridūque tum faciei tum reliqui corporis amittunt colorem. quo fit, vt sanguis in hepate gignatur crassus, densus & mordax, qui postea in superficiem protusus, eum colorem inuehit. nam talis est cutis in superfi-

cic, quales sunt humores in intimo corpore exsuperantes; nisi ad profundum frigore aut alia occasione decubuerint, recesserintve. Alij omnes in hoc conveniunt, quatuor humorum exustionem & malignā quandam affectionem antecedentem causam esse Luis, dum nec dolores, nec pustulas excitat: coniunctam verò & continentem, dum illa iam prorulerit: humores autem in hunc modum vitiiati atque corrumpi, scilicet vel aëris vitiiati atque corrupti inspiratione, vel cibi cacochymi & aquæ corruptæ usu, vel certè alterius inquinati cuiuspiam contagione atque congressu. Quidam nihil aliud esse scripsit, quàm depravati sanguinis impurationem, quæ post in tumores & nodos conuiscata induretur, & cuius scaturigo à malè affecto iecinore pullulet. Horum rationes quam vim habeant, paucis excutiamus, vt veritas magis eluceat.

Intemperiem siccam Luis causam non esse, ex inuadendi serpendique modo conspicuum est. Omnis enim viscerum intemperies, præsertim verò sicca paulatim contrahitur, idque vel potus penuria, vel rerum calidarum & siccantium diuturno usu. Est enim siccitas patiens qualitas minimam vim agendi sortita. Atqui Luis causa, quāquam non semper subito se prodit, sed interdum, vt rabidi canis virus, aliquandiu in nobis delitescit; repentè tamen semper contrahitur eo ipso die vel altero, vel certè breui admodum temporis spacio. qua parte contracta est, ea vlcere aliòve symptomate certa de se indicia prodit, totūque corpus vel optimè sanum peruenit. At potèstne iecur tam citò siccescere, humidūque eius primogenium absumi, & retorridus in eo genitus humor in corporis ambitum propelli? Quænam ista, aut in quo alio morbo tam repentina perspecta est humorum secretio, genitæve intemperies? In febre quidem pestilenti, dum inquinati aëris inspiratione repente cordis spiritus contaminantur, lacescitum cor suæ affectionis indicia carbunculum & bubonem foras eructat. At minimè tamen accensa aut rescicata sunt viscera. cor siquidem maligna quadam & inexplicabili qualitate obsessam sæpe prius extinguitur, quàm viscerum temperies possit permurari. Adhæc cedo, quæ intemperies vnquam contagiosa visa est? Neque verò si tubercula dura & viscera

exceden-

exedentia Luem Veneream statim excipiunt, idcirco sanè horum principium iecur sicca intemperie statim laborat. Ea quippe non tam à iecoris vitio & noxa, quàm à malignitate causæ, quæ humores in sui naturam depravat, proficiuntur. Itaque calida & sicca hepatis intemperies Luis Venereæ causa esse non potest. Indignum certè fuit tanti philosophi gravitate in re adeò aperta cæcutire. Aliorum ego omnium opiniones, quæ non nisi simplicem humorum corruptionem & exustionem proponunt, nihil moror: cum vel ipsis Medicinæ tironibus ac tonsoribus notum sit, omnis generis ex humorum putredine morbos sine Lue superioribus seculis grassatos fuisse: nec iis remediis, quæ humorum putredinem arcent & emendant, luem Veneream bene unquam fuisse curatam.

Vera luis causa efficiens. CAP. IIII.

EFFICIENS Luis Venereæ causa occulta est, & venenata qualitas atque perniciosa labes tactu & contagione contracta: quæ licet levis admodum & ferè corporis expers sit, sensusq; nostros effugiat, non simplex tamen & solitaria existit, sed in humore aut alio quouis corpore in hærescit; quo ut subiecto quodam & vehiculo vitur. Qui enim possit corpori nostro vim inferre virtus incorporea? Huius perniciæ vis & efficacia diutius aliquando in nobis delitescit, tempore tamen copiosis signis & argumentis se prodit. Ut enim rabidi canis aut scorpionis, ita huius venenum ab ea sede, quæ sit primum contagione inquinata, sensim in omne corpus spargitur, contagiosorum morborum naturam & conditionem imitatum. maxime autem Venereo contrahitur concubitu, à quo & nomen inuenit, & eius frequentatione propagata est Lues in hominum genus, & ex vius impuritate & inquinamento sensim in vniuersum orbem diseminata, miserabile scortorum flagellum. Itaque qui Venereo complexu iungitur cum inquinata, à pudendis Luem contrahit: nutrix, à qua infans pollutus lac sugit, à mammis; obsterix, quæ infectæ parienti opem tulerit, à manu: infans à vitata nutrice altus, nunc ab ore, nunc ab interioribus: condormiens inquinato sudore

diffuenti, à cute & à summis partibus: qui effusore osculo saluam exceperit, ab ore. Huius tamen veneni vis, quia est hebetior, non nisi in apertam nudamque partem sœuit. neque qui iam inquinatus est, alium haliu solo, sed liquore de se in alterius corporis partem epidermide nudatam reiecto contaminat, à qua malum prorsus initium sumit. Partium à quibus Lues initium capit, aliæ aliis grauius vitæ discrimen inferunt. omnium exitiosissima est Lues, quæ ab interioribus & reconditis visceribus, aut à partibus obscænis inchoat: cæteræ leuiore & minus periculosa. Cuicumque particulæ Lues primùm insederit, illic in hærescens pustulâ excitat, interim & vlcusculum inde longius prorepens radices figit, sensimq; partium continuatione interiora subit, & ex prauo initio & quasi suscitabulo profecta paulatim propagatur & inualefcit: dum non spiritus modò atque humores, sed & carnem & partes solidas omnes peruagerur, & ad extremum, ni medicamentum adhibueris, furore omne corpus vastet atq; depopuletur. idq; hac ferè ratione. Cum virus, exempli causâ, concubitu à pudendis madore perfusus initium habet: pustulas in his primùm & vlcuscula euocat contumacia, malique moris. Vapor deinde aut spiritus ductu cauo pudendi introrepens (neque enim credibile est, humoris quidquam eò subire) venæ cauæ sanguinem arteriæque maioris spiritum labefactat. tunc etiam bubo prorumpit in inguine: hinc vasis spermaticis, renibusque affectis, gonorrhœa se prodit, qua virus velut eructando turpissimè eiicitur. Cum exsecrandum malum iam iecur & ventriculum inuasit: leuis quidam alui fluor suboffendit: mórque cum iecore sanguis polluitur, cuius cunctæ postea venæ participes fiunt: eoque in artus, in cutim, in musculos disseminato, compressum maleficium atque tacitum erumpit, prosiliuntq; liuidæ rubentésq; pustulæ, vlcuscula crustosa & herpes, nonnullis caua vlcera atque maligna, biliosis quidem phagedænica & exedentia, melancholicis cancrofa, pituitosis leuiora, sed scædiora, & humore quodam mucoso scetidòque manantia: sanguineis crebriora carbunculi effigie: omnia quidem labris præduris, tumentibus & inuersis, quæ exesa carne ipsa etiam ossa depascunt, primùm tenella, qualia sunt nati & palati; deinde solidiora, quæ putria cariosaque

riosaque tempore excidunt. Ab iis cum malum iam cerebrum, summamque corporis arcem obsidet, multa superuacua pro partis conditione pituitosa colligi necesse est: quæ si interclusa capite cōtineantur, magnum & acerbum dolorem commouent. Sin foras sub cutim capitis promineant, vel in articulos vel artus deturbentur, cruciatus excitant immanes ac diuturnos, qui noctu maximè ingrauescant: aut tophos præduros scirrhososque tumores, haudquaquam tamen doloris expertes, progignunt. Quanquam enim pituitosa videtur materia, veneni tamē maleficio perfusa acrimoniæ particeps est. Hinc sub ossium membranas se recondens tum acrimonia, tum distentione dolorē excitat: in ossium verò substantiam per tenues quasi tubos sese inferens, illa diffundit dilatatque in tumorem, quæ tandem carie consumpta putrescunt. Si minus acris materia & mordax cutim non exedit, ad pilorum radices effusa malignitate aut venenato vapore effluuium concitat: quo plerique visi sunt sine capillis, sine supercilio, sine barba, sine pilis, qui postea repullularunt. Cum tamen multa vbique sint huius pernicipi signa, nullum tamen cernitur in vrinis: neque ex iis quisquam aut hoc aut aliud vllum veneni genus possit apprehendere. Iam verò hæc paucula de lue Venerea si acriore iudicio studiosè obseruaremus, cui non perspicua fuerit eius pernicies, quis eam veneni participem inficiabitur? Si enim minima eius portio in totum corpus disseminata serpit non aliter, quàm quæ à canis rabidi morsu infertur, possitne esse veneni expers? Non enim in externas duntaxat, quæ sub aspectum veniunt, verum etiam in interiores quasque partes, in ipsa que viscera penetrat, quæ dissectis mortuis comparent pustulis vlceribusque fœda. Itaque hoc in morbo, aliis que venenatis plurimos videas captiosa eaque admodum inani ratione falli, quòd dum vident symptomata hæc omnia cum humoris cuiuspiam vitio insultare; nihil præter humorem inesse putant, nihil maius animo concipiunt, neque acriore animi acie perscrutantur, num aliud quippiam in humores subsit, in quo præcipua affectio nis causa consistat: quale procul dubio, si sensu non cernimus, potest certè ratione ac intelligentia comprehendendi. alioqui in maxima rerum ignoratione versamur. sed de his

alias. Hanc lueni nulli adnasci, nisi contagio quise polluerit, diximus. quod quoniam in cōcubitu solet euenire, pueros & senes aut aliqui coitus expertes rarius occupat: sapius & facilius, quo quis salacior, & in Venerem est procliuor. quā de re & à partibus obscenae sapiissime incipit: licet & interdum ex aliis plerisque, vt dixi, locis expullulet, quib⁹ labes contagio quē fuerit aspersa. Inquinatur autem duntaxat vel purus ab impuro, vel impurus ab eo qui sit longē impurius: à simili verò, vel minus impuro nunquam. Equē impuros citra offensionem congregari licet: & vterque tamē alium puriorem congressu labefactat. Hauritur etiam interdum Lues ē scotto, quod nondum sit inquinatum, cum quis cum eo volutatur, mox ab alio impuro scortatore. Impuritas non ex cute spectatur, quod saepe inueteratē luis fermentum intus reconditum sit & abstrusum, iam quos corripuit, vt quisque viuit, ita eum aut citò deserit, aut diu tenet, & in totum absūmit. In Italia & Hispania ac sicubi præterea sobrij sunt homines, mitior: in Germania propter crapulam & victus intemperantiam, vt diutius hæret, ita prehensos infestissime torquet, & acerbissime affligit. Secundo loco sunt Galli.

Luis species, signa & symptomata.

CAP. V.

LVIS differentias speciesque nonnulli, quibus symptomatum quā essentiae maior cura fuit, varias multiplicēsque statuerunt. Vna tamē & eadem est essentia totius: sed variis distincta ordinibus, vt alia leuior sit, alia grauior. Est & corporum, in quē illa incidit, permagna varietas. Ac vtraque ex causa fit vt lues alia leuioribus alia grauiorib⁹ symptomatis exerceat. Omnium leuissima est ea species, qua solū capitis & barbae pili sensim citra vllam corporis effusionem defluunt. Eius quippe virus in tenui quodā vapore consistit, qui in corporis summa diffunditur ad pilorum radicem. Atque vt ephemera febris à putrida, ita & hæc species distat à cæteris. Altera paulò deterior est, qua cutis vniuersa crebris maculis minimè tuberantibus aspergitur, iisque paruis lētiginis instar, ac modò rubris, modò flanis: qua

quæ non antè deleri extinguive possunt, quàm morbi radix sit euulsa. Hæc in tenuissimo sanguine virus habet: quam nulla alia graviora sequuntur symptomata. Tertia species gravior, ac iam vera Lues est. Hac rubræ aut flauæ pustulæ primùm quidem circa frontem ac tempora, ponèque aures, dein in capite atque etiam in reliquo corpore erumpunt, & extuberant rotundo schemate, siccæ sine pure, quæ dein sicca crusta obducuntur: atque si negligentur, serpunt in ambitum, excavantque cutim, dum ex pustula verum vlcus fiat: quod ferè virulentum est ac sordidum. partes quæ ad pedicem, nares atque fauces sunt, quia tenellæ, omnium primæ exulcerari solent. Emergunt autem hæc, cùm iecur ipsum, atque sanguinis humorumque massa labefactatur: à qua protinus carnosæ mollésque partes detrimentum capiunt. Quarta his species succedit, cùm iam inualescens Lues solidas partes, ossa, vincula, membranas ac nervos adurit. In his iam viciatis excrementa multa, crassa quidem ac glutinosa pro partis conditione, sed tamen maligna confectione accumulantur. quæ nonnunquam in tendones, sæpius inter ossa & periostia confluunt. Hæc cùm vel membranam ab osse diuellunt, vel eam maligna acrimonia feriunt: cruciatus eient implacabiles, qui noctu ferè ingrauescunt. Ab his demum coaugmentatis præduri topi cum cruciatu mukò graviore succrescunt. Eadem porrò cùm in osse figuntur, id amplificat, distendunt, atque excedunt, vt eius sæpe deprehensa sit monstrosa figura. Tandem verò corpus vigiliis, diris que cruciatibus confectum, & atrophia marcescens, vita destituitur. Quæ Luis natura ac conditio, & quibus illa ordinibus tanquam differentiis discretæ sit, ex his constat. Iam certa eius signa, quæ causæ efficientis symptomata sint sparsim proposita, seorsum enumeranda, & in epilogum coartanda sunt. Itaque si capillorum aut barbæ defluuium citra morbum grauem & acutum incidat, & maculæ exiguæ lentiginis instar, modò rubræ, modò flauæ per cutim vniuersam exortæ sint. Lues Venerea contracta est, idque certius constat, si vel in pene vel in inguinib⁹ *ἐν τοῖς ἰσχυροῖς* aliquod præcessit. Eadem sententia ferenda est, si rubræ, aut flauæ, aut liuidæ pustulæ circa frontem & tempora, ponèque aures, dein in capite &

podice ac reliquo corpore extuberant rotundo schemate, quæ cum initio siccæ essent & sine pure, deinde sicca crusta obducuntur, aut etiam exulcerantur, excauanturque & in vlcus sordidum rotundum ferè degenerant. Sed omnium harum pustularum & vlcenum ab aliis simplicibus distinctio vix planè & ad vnguem literis explicari potest: oculorum intuitu & frequenti aspectione cognoscenda. Si dolores & cruciatus ingentes noctu ingrauescentes non in articulis, sed in mediis artubus affligunt, in quibus etiam topi præduti inter ossa & periostea ex crassa lentâque materia succreuerint; aut etiam carie consumptum os est exesumque: Lues iam diu contracta est. Horum multis aut aliquibus tandem comparentibus, Lues contracta intelligitur, & curatio maturanda. Multos video symptomatum multitudinem inter Luis signa reponere, quæ quoniam illius propria non sunt; cognitionem interturbant, & tyronum ingeniis nondum exercitatis & vsu confirmatis, caliginem offundunt. Quorsum autem attinet lassitudinem, prostratâ appetentiam, somnolentiam, faciei pallorem, linguæ scabriciem, aliâque innumera, siue lue quotidie affligentia inter Luis signa recensere? iam verò cum clanculum sæpe serpat Lues, hereatque in corpore diutius, nullis signis prædictis conspicua, illius ab aliis affectibus internotio atque diremptus accuratè tradendus. Itaque cum ex dubiis signis de Lue ambigitur, eius origo est altius inuestiganda, & partes omnes adeunda, à quibus initium habere potest. Et quoniam non nisi attractu contrahi potest: necesse est, vt labes aliqua in ea parte primùm comparuerit, per quam insertum est virus. Quendam exempli causa statuamus, multos iam menses de scapularum & occipitis dolore, noctu quàm interdum grauius affligente conqueri: qui iustis purgationibus & topicis remediis non cesserit. Cum dolor externus sine manifesto tumore aut abscessu tam diu afflixerit, frigidum ex capite humorem eò confluere sensim, aut certè partis vitio & imbecillitate gigni, cumulatiquè necesse est. Qui tantum à vlcenibus in partes externas pellitur noxius humor siue tubercula aut pustulas excitet, siue scabiem, siue per vniuersum corporis habitum diffundatur, dolores non efficit tam atroces, non noctu excandescentes, sed qui duntaxat

taxat circa partes membranofas cumulat. Luis enim initio ex interioribus noxia materia ad cutim pellitur: quæ poſtea in tubercula & puſtulas erumpit: nullus tamen ante affligit dolor, quàm circum membranas venenata qualitate iam perſuſus vitioſus humor *venenata* & maligna congeſtione coaceruatus fit. Et in hydropo Anaſarca licet totius corporis habitus cruciatibus diſtendatur, nullus tamen aut obſcuſus admodum dolor eſt, vt nec in tumoribus pedum cedematofis, circa finem diuturnarum febrium contingentibus. Vtrum verò frigidum hunc humorem ſimplex parvis intemperies cumulet, an qualitas potius maligna ei perſuſa, inueſtigandum diligentius. Perſcrutandum ergo num ante hos dolores, quidquam in partibus obſcœnis comparuerit. Emergunt autem in his puſtulæ, vlcera maligna, virulenta, gonorrhœa, & inguinum bubones. Hæc tamen non dum lues Venerea dicuntur, ſunt tamen rudimentum & veluti character eius impendentes. quorum ſi quippiam præceſſerit, quod poſtea quibudam remediis fuerit ſublatum, quoniam tamen ſcapularum dolores diutius perſeuerant, venenata cuiuſdam qualitatis inde relicta ſuſpicio eſſe debet: quæ ſolidas partes iam obſidens, ac illarum concoctionem peruertens, excrementa multa congerit, eaque craſſa & maligna, quæ doloris cauſa ſunt efficiens. & hic communia omnia deſtillationum remedia conueniunt. Si vel in faucibus vel in ore vlcus, vel excoriatio, aut quauis alia corporis parte contagione aliquid in hæſit, eadem eſt ferenda ſententia. Licet enim reſiccatum forte ſi fuerit vlcus, non eſt tamen mali radix enuſſa, ſed ſenſim interiora vaſtans, tempore ſui teſtimonium proferet. Suſpicionis porro occaſionem confirmabit, ſi circa os tibia, aut brachij, aut frontis, aut alterius partis alicuius humor in calum aut tophum concreſcens, nocturno dolore fatigans, exſiſterit, hic enim non aliunde naſci ſolet, & huic morbo familiaris eſt. Quòd ſi præterea inunctiones ex hydrargyro æger expertus eſt: multò erit certior cauſæ interioris coniectura. At verò ſi iſtorum nihil præceſſit, ſed ſolitarius dolor eſt: cauſæ internotio difficillima exiſtit: quam tamen hac ratione aſſequi licet, ſi dolor, cuius cauſa inueſtigatur, vel in articulis, vel medijs artubus & muſculis ſedem

Dolore meo in pectus
quia misit in eo lignum
quia tu peccasti tunc
Dixit dominus ad
Ioseph dicitur dol
lens et dixit mihi
et non ego et non
dixit ei crepusculum
magistra hic anima
fuit

habet. Qui in articulis, vel circa hos existit, fixusque est: non Venereus, sed vel Arthriticus, si consuetus est, ex interuallis repente inuadit, paulatimque soluitur: vel à simplici est defluxione. Non enim Venereus dolor articulos (id pace multorum dixerim) sed medios artus obfidet. In quibus etiam diximus plerumque tophos succrescere, maxime verò in fronte & capite, in clauibus, in medio humeri radio, & cubiti osse, in parte priore tibiarum: nonnunquam & in aliis quoque ossibus. Iam verò ex iis qui in mediis artubus sunt, qui breui paruoque tempore exoriuntur, à defluxione simplici sunt, quæ repente è capite eò labi solet: cuius etià fons antea fortasse fuerat deprehensus. Qui verò sensim multoque tempore procedunt ab eo excremento, quod pars male affecta paulatim congeffit, Luis materiam redolent, atque idcirco cunctandum est, dum alia se produnt symptomata. Neque enim iacogniti & nondum planè perspecti affectus tentanda vnquam est curatio. Solent enim complures admissum scelus constanter denegare, dum dolorum vehementia & ingenti symptomatum turba conuincantur. Sed de his satis. Iam agnita Luis tradenda curatio.

Curatio per hydrargyrum.

CAP. VI.

QUI omnium primi tecti huius & immanis morbi curationem sunt aggressi; neglecta eius essentia, horum duorum symptomatum, tuberum nempe & vlcerum tantum curam habuerunt. Ac primum cum illa corpus depascebantur, causticis combutere conati sunt. Dein quia vno extincto, noua renascebantur; per multa excogitauerunt vnguento eodem restinguere omnia, in aliarum pustularum & scabiei modum. Aliter atque aliter hoc tentabant, verum nullo quisquam effectu, argentum viuum qui non addidisset. Huius enim vsum aui nostri ex Arabum schola deduxerunt, quos constat hydrargyrum ad vlcera maligna & cacoethea coercenda, atque ad scabiem omnem siccam feliciter vsurpasse. Itaque eo cum aliis quibusdam oleis & pulueribus in vnguenti formam concinato, iungebant brachiorum & crurum iuncturas, alij & spinam

spinam & cervicem: nonnulli etiam tempora; item & ventrem: atque iterum alij vniuersum corpus. Quibusdam semel die, quibusdam bis: nonnullis tertio iterum die; nonnullis quarto. Claudebatur æger in æstuario, quod calebat assidue atque intentissime, alij viginti, alij triginta totos dies, nonnulli plures. perunctum lecto, qui intra æstuarium sternebatur, apponebant, ac multa superiecta veste sudare cogebant. Empiricā hanc curandi rationem hactenus secuti sunt medici & chirurgi ferè omnes, non sine magno Reip. detrimento. Tanta siquidem huius vnguenti crudelitas est atque ferocia, vt secundo statim aut tertio die languescere incipiat æger. quippe quod in summo corpore est, & in toto corporis ambitu, summa sua tenuitate colliquat ac dissoluit, ac tandem extrema refrigerandi, qua pollet, facultate, ad interna repellit: inde in ventriculum & thoracem, è quibus deinde sursum partium continuacione ad gulam & os compellit, tanta tamque violenta iniuria, vt dentes quibus, vt & cerebro, peculiariter inimicum est, statim omnibus vacillent, ac nonnullis liuidi decidunt omnes. Quædam è corpore per sudores dissipat: quædam purgatoria vi in aluum deturbat magnis torminibus. Atque vt paucis complectar, omnibus cerè, qui ita curantur, exulcerantur fauces; lingua, & palatum intumescunt, gingiua, dentes vacillant: spiritum per ora sine intermissione profluit, omni prorsus fœtore olentius, tanto contagio, vt labia eius contactu vlcus contrahant, & intus buccæ vlcerentur. frige facto stomacho, & turbato fœtore, appetentia cibi destituuntur agri: cùmque siti intolerabili crucientur, vix tamen bibere possunt, os alioqui totum vno occupante vlcere. Quinetiam lingua balbutiem, aures surditatem contrahunt nonnullis immedicabilem. Fœtet omnis circum habitatio. Atque adeò durum est hoc medicationis genus, vt perire morbo complures malint, quàm tanto periculo tam acerbo discrimine leuari, quanquam vix centesimus quisque leuatur, recidiuo vt plurimum agro. Recidiua rarò similis est radici: neque iisdem symptomatis exercet, sed ferè distillatione, arthritide, tophis vel ossium carie. Neque pari contagione eos, cum quibus societas est, afficit; quòd humoris furor & impetus illis auxiliis repressus sit, etiam nondum mali radice reuulsa.

tempore siquidem ea reuirescit, recurritque interdum post annum vigesimum, aut etiam trigesimum: tantò que intervallo mali fomes, quasi sepultus, delitescit. Et nihilominus, qui tum expertes mali, prorsusque expeditos se putant, alios cum quibus concubuerint, contaminant, prolemque gignunt ea Lue conspersam: indicium sanè, cum temporis mali fermentum in venis, in ipsisque partibus reservari, & ut dicere solent, in ipsis quasi medullis delitescere. Est igitur omnium curationum acerbissima, quæ huiusmodi perunctione fit: & in ea miserimum hoc quoque est, quòd plerique omnes qui sic medentur, medicinam non callent, sed ut audacissimus quisque aut in aliis vidit, aut ipse tulit, ita medicum agit, vno quoque omnes vnguento utens, & ut ille ait, vno collyrio omnes persanans, nullius neque temporis neque corporum qualitatis habita ratione. Si quid accidat interim ægro, consilij inopia, quid suadeat non habens, morbi peruiaciam & malignitatem arguit, quæ non nisi iterata vactione tolli possit. Hinc alius bis, alius ter aut quater, nonnulli decies, alij etiam undecies aut duodecies eam curationem experiuntur, tanta cum doloris acerbitate & malorum aceruo, ut credi possit, nimium viuendi cupidos, qui non mori maluerint, quàm sic vitam proferre. Multis namque ad vertiginem, quibusdam ad insaniam usque infestatur cerebrum post curationem. Tremunt multis non manus tantum, sed pedes etiam & vniuersum corpus, aliis quidem ad annos aliquot, aliis ad omnem vitam. Multos in media curatione interire vidimus, dum carnifices illos hypocausto plus æquo calido includunt: in quo illi salutis, quam sic adepturos se esse sperant, studio patientius consistunt, donec resolutis caloris vehementia spiritibus, ac defectis cordibus mori se non sentiant. Alios vidimus, intumescere ad fauces gutture, cum exitum non haberet sanies & spiritus, suffocari: quosdam cum meiere non possent, alios exorta dysenteria ac febre, mori. Omnino pauci ita conualescunt: illique validi ac robusto corpore, quibus malum inter initia consistit, solusque corporis spiritus vel humor, non autem partium substantia obsidetur. atque illi hoc periculo, hac amaritudine, his malis affliguntur. Nam cum initium præterlapsa Lues ipsam iam partium substantiam obsidet, ut argentum vitæ

num pustulis, vlceribus, tophis, doloribus, aliisque symptomatis tanto periculo opem ferat; mali tamen radicem haudquaquam euellit. Et si quod inuamentum eius adferat vsus; id profectò vix ad paucos menses ne dicam dies durare consuevit. Pro hac tam acerba, tamque periculosa curatione, Chirurgi naturæ arcana penitus (si Diis placet) intuiti, veluti pro aris & focis decertant. Nec inuenta meliore fruge, glandibus etiamnum vesci desinunt, veriti credo, ne vel ipsis de suo aliquid decedat lucro, vel à iunioribus aliquid didicisse videantur. His ego ad Solem excutientibus longum Vale præfatus, quæ de hydrargyro sentiam, paucis exponam.

Hydrargyri Sires. CAP. VII.

HYDRARGYRVS summa partium tenuitate præditus tantam vim purgandi sortitus est; vt ne vstione quidem, ea spoliari, priuarique possit; sed quod aliorum purgantium nulli concessum video, in eius cinere supersit ea multo etiam, quàm antea vehementior. Purgat autem peculiari & sibi insita proprietate crassum lentumque mucum, atq; ipsam pituitam, deinde consecutione quadam bilem vtramq;. Crassum hunc lentumq; mucum cum ex corporibus vel exquisitè sanis eo perunctis detrahat, tendones, membranas, neruos aliasque partes solidas dissoluere videtur: atque propriam ipsorum substantiam colliquare, & in eam materiam conuertere, quam ex ore stillare manifestè cernimus: carnosas verò & molles in sudores digerere, totiusq; corporis constitutionem adeò peruertere, vt diu postea non nisi crassum lentumque mucum vel ex puris alimentis proferat. Sed ne ossibus quidem, si quis sæpius vnguine ex eo illitus fuerit, vel eius vapore, aut cinnabaris eius sobolis suffitu, pepercit. Siquidem dentes eo sæpius inunctis statim postea vacillât & liuescentes marcescunt. alia verò crassiora cariem parte quadam contrahunt, quam ferro excidēs guttulas argenti viui tremulas non rarò ipse cōperi. Quamquam autem vt & reliqua omnia validiora, ita hydrargyrus nonnunquam supra & infra vacuat non intra corpus modò assumptus, sed etiam foris inunctus; maximè tamen

& propria vi supra purgare natus est, & humores omnes præsertim crassos & lentos ex corporis ambitu, & vniuersa mole primùm in ventriculum & pulmones regerere, ex his deinde in fauces, tandèmq; in os compellere, non quidem vomitione, sed continua mucosi sputi profusione. Vnde & Saluatio vulgo dicta noua hæc & veteribus intentata purgationis forma. At hæc quidem toris inuncto hydrargyro, nunquam intrò sumpto, tentatur purgatio, quæ quoniam inchoata semel in multos dies velis nolis producit, imbecillis viribus quisquis illam promouerit, in certum vitæ discrimen laborantem adducet. Rectè Dioscorides argentum viuum seu facticium ex minio, quod cinnabaris dicitur, siue minerale in argenti fodinarum tectis stillatum concretum, aut per se in metallis repertum, potum vim perniciousam habere censuit: eius vsu grauissima fieri tormina, interna exedi & exulcerari, urinam supprimi, corpus intumescere, plumbeamque deformitatem concipere testatus. Ac Galenus suspectum eius vsum ita meritò abhorruit, vt interimat necne sumptus vel admotus, periculum nunquam facere voluerit: nec dènique ex veteribus Græcis in medicinæ vsum tam periculosum pharmacum inducere quiquam est ausus. Quod igitur ex Arabum medicorum sententia à multis argentum viuum vel extinctum cum aliis sumi intrò posse dictitant, suâque, vt interpretantur, instabilitate & grauitate, mox vt ingestum est, ad aluum deuolui, reddique sincerum nullo ventriculi aut interaneorum vulnere, minimè recipiendum censeo. Multò minus verò consenti, quod Antonius Musa multis literarum monumentis clarus scriptum reliquit, infantium lumbricos argento viuo propinato tutò sese enecasse professus. Nec, si puerorum pediculos vnguento ex hydrargyro in capite parte neruosa & frigida mulierculæ nullo discrimine interimunt, idcirco sanè statim licuerit argentum viuum, cuius solo vapore non homines solum perculsi, sæpe stupidi ac prorsus veternosi redduntur, sed aues quoque omnes repente mortuæ concidunt, intra corpus assumere. Quid igitur de his sentiam, expertusque sim, paucis completar.

Equidem tam mihi peccare videntur, qui hydrargyrum quouis

quouis modo præparatum tuto ore porrigi posse contendunt, quàm qui venenatum adeò & humano generi ita periculosum existimant, vt à remedium etiam externorum censu prorsus sit expungendum. Nam tamen fortasse intrò sumptum ventriculum & interanea, pondere non exulcerat, sicut neque plumbei sclopetorum globuli, (siquidem hi diu interdum in corpore hærent sine incommodo, dum sibi viam & exitum pondere suo pararunt) alia tamen ingenti frigore, quo os præsertim ventriculi lædit, alia eaque multo graviora, venenata sua qualitate ac malignitate symptomata concitat, iis non dissimilia, quæ sumpto pulvere plumbi amicus quidam meus his diebus expertus est. Erat is distillationi è capite interdum in ceruicem & scapulas, interdum in pedum articulos obnoxius: qua tamen superueniente iustis vacationibus haud ægrè liberari solebat. Huic à me iam doloribus liberato Empiricus quidam plumbi pulverem aduersus Arthritim ita commendauit, vt in eo solo eius recurrentis præcautionem positam esse statim persuaderet. Cuius idcirco vsum amplexus, pulveris eius sesquialbra ex iusculis, ex vino, & pyris coctis aliisq; cibis sacchari loco diuersum quindecim spacio absumpsit. Sed dii boni! quot quantaque incommoda statim persensit! Dysenteria crudelis febris stipata die duodecimo exorta est cum grauissimis non ventris solum, sed & ventriculi torsionibus ad eam spinæ dorsæ partem, in quam os ipsius incumbit, pertinentibus. Ventriculi tanta dissolutio, tanta oris oblatio, subsecuta est, vt ne contactum vel blandissimum ferre posset. Et quæcumque ingerebantur, vel in plumbeum nidorem, vel in mucorem tenuissimum versa mox reuomebantur. Inde ructuum tanta edebatur copia, vt in flatus omnia abire viderentur. Sedata dysenteria, graues illi ventris, lumborum & ventriculi cruciatus dies viginti perseverarunt cum incendij interni molestissimo sentu, toridèmq; noctes peregit insomnes. Atque hoc temporis interuallo licet sitis ipsum non valde exercuerit, appetentia tamen semper prostrata iacuit: nec aliud quidquam nisi vel clystere, vel cathartico medicamento proritata reddidit: & quæcumque infra tum supra aut sponte aut artis beneficio prodierat, plumbeo colore infecta erant omnia. suam illam qua-

litem internis partibus pertinaciter adeo impresserat. Interim ex orta ictero corpus totum foedatum apparuit, ac sanguis sedata dysenteria ad febris curationem reſerata vena detractus, totus flauus, bilioſus ac ſpumofus deprehensus eſt. Hæc tam grauiâ tamque periculofa ſymptomata ſi plumbum non tam pondere aut inſita frigidityte, quàm oculta quadam eâque inexplicabili malignitate, oblaſis viſceribus inferre animaduertimus, quid de hydrargyro intro ſumpto cenſendum putemus?

Pictor quidam Andegaueniſis annos natus xxx. firma ac laudabili corporis conſtitutione non ita pridem hic agens anno M. D. LVII. manuum digitos grauioreſ ſolito, torpidioreſ, ægriusque mobileſ percipiendos, paucis poſt diebus contrahi illos, conuellique ſenſit: atque ſenſim indies magis ac magis aucta affectio eſt; dum incurui illi & pæne inflexibiles manerent. Quin & carpum & brachia, peruaſit affectio, dum neruiſ tendonibûsque inſrigeratis, humoreque craſſo imbutis admodum torpida, conuulſa, grauiâq; redderentur. Haud multo poſt idem pedes vicium ſenſere, ſublata incedendi potentia: in hiſ tamen vt neque in brachiis neque in manibus, non admodum vehemens dolor affligebat. Miſellus hic tor malis non ſatis, credo, diuexatus, aliud ſymptoma longè grauiſſimum ac crudeliſſimum incurrit. Dolor enim acerbiffimus atque atrociffimus ventriculû atque hypochondrium vtrumque occupare cœpit, ſed qui ad totum ventrem pertineret. cui, cum nec noctu nec interdiu intermittebat, clyſteribus, ſoribus, balneis, ac aliis quibuſdâ remediorum generibus, ſed fruſtra, leuatio quaſita eſt. Vnicum tantum in acceſſione inuentum eſt ſolatiû, tres quatuorve robuſtos homines ventri ſuperpoſitos ſuſtinere. Compreſſo ſiquidem ventre, paulo mitior cruciatus erat. Vbi ſex, octo ve dies, nonnunquam & duodecim miſer ille adeo fuerat diſcruciatus, ſenſim abeunte dolore languidus quidem ac pæne moribundus cernebatur, ſed qui ſtatim reſtituta appetentia vires aliquas reciperet, dum alia ruſſus ſimili acceſſione correptus proſternereſ. Viginti enim non amplius dies intermittebat. Atque in acceſſionibus alius ne validis quidem protirata medicamentis quidquam demittere poterat. quod ſi quando contingeret, nigrum

nigrum omnino ac liuidum stercus erat. Sed & in intermissionibus, quæcunq; purgantium medicamentorum vi detrahebantur, attrabiliaria omnia ac splenis purgamenta iudicari poterant. Adhibiti ad tantæ mali expugnationem celeberrimi quique Medici brachiorum & pedum resolutionem ad cinnabrium, quo pictores non raro vtuntur, referendum putauerunt. Cum enim penicillum ille sæpe digitis extingeret, iis inhaerens cinnabrium ex hydrargyro facticiū, partium continuatione vim suam in cerebrum, cui vt & neruis & tendonibus & membranis omnibus imprimis inimicum est, transmisit. in quo frigefacto pituita multa tandem collecta est, quæ postea in tota brachia & pedes influens eorum tendonibus & neruis symptomata iis non dissimilia, quæ vnguento ex hydrargyro perunctis accidunt, excitauit. Et hæc sana fuit, me iudice, sententia. At in doloris istius atrocis peruestiganda causa quandiu laboratum est? quot habitæ concertationes! quàm varia fuerunt Medicorum iudicia! Alius frigidam vitreamque pituitam intestinis firmitus inhaerentem quàm vt facile posset detergeri, in flatu resolui, doloremque colicum excitare contendebat. Alius bilem acrem, quam natura in intestina expurgare debuerat, inter abdominis membranas effusam, illicque coercitam certis cruciatibus inualescere, intumescere, & quoquoersum furibundè moueri iudicabat; atq; in ipso motus impetu tum distentione, tum compunctione membranarum crudelem illum dolorem excitare. Alij denique alias causas asstruebant: quas superuacaneum fuerit recensere. Et si autem vnusquisque positæ à se & probabilibus coniecturis inuentæ causæ remedia opposuit consentanea; nullus tamen potuit dolorem non dico in totum tollere, sed ne aliqua ex parte quidem minuere, vel accessiones eius breuiores aut tardiores efficere. Immo verò annos tres crudeliter excarnificatus, ex sanguis tandem ac planè tabidus vitam cum morte commutauit. In disseccto huius corpore singula ad causæ investigationem inspiciunt, iecur, lienem, ventriculū, & renes naturalem constitutionem præferre vidimus: nulla in cysti felis obstructio: nulla in mesenterio humoris vitiosi congestio: nihil denique in vlla alia parte notari potuit, quod tam

torum fuisset malorum causa. Omnes siquidem longe ab-
 eramus a scopo, & tota; quod aiunt, via errabamus. Cum e-
 nim penicillum non digitis modo extingeret, sed etiam im-
 prudens & incautus ore exsugeret, verisimile est, ut ma-
 nuum digitis, partium continuatione cerebro, totique ge-
 neri nervoso communicata fuit cinnabaris, ita ore acce-
 ptam ventriculum & intestina, membranasque omnes in-
 teriores non humectasse solum aut frigefecisse, sed inex-
 plicabili vitio & maligna quadam qualitate, quæ oculo-
 rum refugiat obtutum, infecisse; quæ tantorum dolorum
 causa occulta fuerit: cui non tam purgantibus, quam con-
 trario erat antidoto succurrendum. Sicuti dolores his non
 dissimiles plumbei pulueris usu concitatos, cum nullis pur-
 gationibus cedere viderentur, balneorum & lactis asinini
 usu curavimus. Ratum sit igitur argentum viuum & plum-
 bum incomprehensa sua qualitate venenata, inexplicabi-
 lia vitia partibus internis intrare, unde vix unquam expediti
 queant: nec intra corpus unquam sumi debere. quod & alia
 observatione constat. Populi qui ad Alpes habitant, bron-
 chocelis turgida guttura habent: id quod & nos aliquando
 vidimus, & veteres etiam complures litteris prodiderunt.
 Id autem illis vitium peculiare est, quod Alpes metallo: um
 venis, maximèque argenti abundant, per quas aquarum
 scaturigines emanant. aquæ autem vitiosa hydrargyri fa-
 cultate imbutæ suos tumores proferunt, quæ & dentibus
 & toti cerebro non parum obsunt. Quæ ex causa veteres mul-
 tos fontes notarunt, ex quibus qui biberant, alij intra bien-
 nium, alij citius vitam amittebant. Quamquam tamen hy-
 drargyrus externis affectibus sæpe auxilio fuit: quippe qui
 sanguinis incendium, bilis ardores exfectionesque foris ad-
 motus mitiget, sistat atque compescat, ex iisq; nata vlcera
 persanet. Quocirca ad cohibendam omnis generis serpen-
 tem scabiem siccam, ad lichenas, ad ploram ac lepram af-
 fectus sanè perquam rebelles, nec aliis quantumvis accom-
 modatis remediis obsequentes, magno profectu illud aliis
 ritè permistum, ut proprio dicetur loco, usurpauimus. Sed
 de his satis. iam de primis qualitatibus.

Argentum viuum aliud ex plumbo, aliæve materia fieri,
 aliud in argenti fodinarum testis stillatum concretum in-
 ueniri.

ueniri, inter omnes constat metallicæ rei peritos scriptores. Verum de eius temperie non parum inter se Medici dissentiunt. Aliis frigidum & humidum, aliis calidum & siccum existimatur. Qui de fodinis inueniendis ac de ipso in illis legendo obseruationes litteris mandarunt, montes locosque omnes in quibus abstrusus delitescit hydrargyrus, ineunte verè crassius densisque vaporibus ac nubibus circumdari, altius ob sui grauitatē ascendere nequeuntibus, vixque vnquam aquæ penuria vel media æstate laborare prodiderunt. Idcirco arboribus plurimis illa loca luxuriant, & herbis variis decorantur, alias viriditate & venustate facile superantibus. Sua enim frigida ac humoris multi copia æstatis æstus & siccitatem hydrargyrus contemperat. Contrà sulphur, viriolum, & sal calore suo & siccitate arida omnia & sterilia vicina loca reddunt. Adhæc arbores ad fodinas argenti viui tardius multo quàm alius in locis folia emittunt, & vix vnquam flores edunt: qui si fortè aliquando erumpant; fructus certè ad maturitatem peruenire nequit. Postremò in fodinis, qui hydrargyrum legunt, aut præparant, nisi prudenter & cautè se gerant, in necruorum contractionem facile incidunt. Et hæc quidem, quæ vel rei Medicæ ignaris experientia quotidiana innotuerunt, hydrargyrum frigidum & humidum esse testantur. Sed ad alia pergamus.

Argentum viuū aliud facticium ex plumbo, vel, vt Dioscorides censuit, ex minio, quod Cinnabaris dicitur: aliud sponte naturæ provenit, legiturque in propriis fodinis. Illud originis suæ nondum immemor crassius & impurius, vt quod ad inaurandum, nisi accurata præparatione expurgatum attenuatumque fuerit, accommodari nequit. Naturale verò tenuius, purius, & ad omnia multò præstantius, durissimaqueq; metallorum corpora subit ac penetrat, secumque in his assutum retinet aurum. Vtrumque tamen eiusdem esse naturæ, eodemque temperamento prædita, inter omnes constat. Quocirca si facticium ortus sui ratione frigidū sit, argentum omne viuū frigidū esse necesse est. Sed ad eius opera & effectus oculos mentemque conuertamus. Dolo- res quoscunque, tum calidos tum frigidos vi narcotica sistit, & cōsopit; perinde atque opium: sanguinis eruptiones omnes

sistit, bilis ardores exesionesque retundit, & acriū omnium humorum impetus cohibet: pustulis vlceribusque ex iis natis opitulatur. Hæcne vllus ad causam caloris participem referet? Sed mala, quæ corpori admotum inuhere Aui-cennas commemorat, & nos longa didicimus experientia, percurramus. Cerebrum neruorum principium ita refrigerat, emollit, & laxat, vt rheumatismis nulla aut leui admodum occasione tentetur in posterum. atque si aliquando in aurem incidat, præterquam quòd tanto frigore dolores excitat diuturnos, surditatem quoque parit, atque mentem peruertit, & sua sede dimouet: sed, vt sæpe, conuulsionem; qua conuiescente, magna partis conuulsæ relinquitur grauitas; interdum vertiginem, sæpissimè epilepsiam concitat; nonnunquam veternum, aut etiam apoplexiam cerebri substantia nimio opere refrigerata commotæque. Hæc si inunctus ac corpori affricus hydrargyrus infligit incommoda, nonne impenitè frigidus & humidus sit oportet?

Faber quidam aurarius anno Christi 1556. solius hydrargyri vapore grauissima, quæ mox dicam, sensit incommoda. Is bis aut ter ad summum, dum argenteam supellectilem inaurabat, hydrargyri vapore admissio imprudentiùs, statim stupidus, veterinosus ac planè mutus euasit. quæ in os indebantur, deuorabat ille quidem; stercus tamen & vrinam minimè exire sentiebat, neque ad aurem inclamantes audiebat. Exactis mensibus sex accensus humor febrim tandem acutam concepit: ac tum excusso torpore loqui cœpit, & quæ sitis respondere, sed perturbata omnia & confusa. Remisit die xx. post accommodatas vacuationes febris, & in lentam degenerauit: qua tandem liberato, cerebrum graue torpidique sensus omnes remanserunt, mensesque ex interuallis perturbata. Hic quis opera non agnoscit immensæ frigiditatis & humiditatis? Sed quid hæc vt noua profero? Nonne ex iis, qui vel vnguento ex hydrargyro illinuntur, vel eius vaporem aut cinnabaris suffitum admittunt, alios quotidie videas subito resolutos aut attonitos repente concidere; quosdam asthma anhelos, alios paralyticos, collo, manibus, pedibusque tremulis vacillantes, alios surdos, reliquam vitam miserè exigere? Hispano-

rum & Italorum aliptæ ex hydrargyro fucum mulieribus quærentes in quàm fœda mala illas coniciunt? Solius faciei illius dentes his breui luti marcescunt, fœtet anhelitus, facie cotrugata oculi caligant, & senescentes asthmate pereunt. Sed rem in hydrargyro admiratione dignam, à nullo, quod sciam, animaduertiâ contemblemur. Hic enim, si quis rerum euentus bene obseruet, non modò pituitosis morbis obnoxia nostra reddit corpora, partesque omnes in primis carnosas suo frigore & humore lædit; verùm ita labefactat, & sua qualitate imbuat, vix vt corpus febre corripì possit, etiam si multa scatet cacochymia.

Anno à Christo nato 1556. Coriarium quendam tonsor vt inuiserem rogauit, rarum affectum & obseruatione dignum me visurum dictitans. Is tamen annos amplius decem post curationem per hydrargyrum ita salubriter exegerat, vt videretur percuratus; repentè tamen exorto in sincipite dolore diutius perseverante, non modò eius partis os totum paulatim computruit, excusumque est, vt frustulatim excideret: sed & cerebri vtraque meninx eadem putredine ablumpta, subiecta que cerebri substantia in abscissum conuersa est; vnde magna puris copia (miserabile visu) per multos menses, non ex ea tantum parte, sed ex vtriusque oculi angulis etiam stillauit: dentes exciderunt omnes. Hic tamen neque febre corripì (incredibile dictu) visus est, neque cibi fastidio multum premi, neque extenuari, dum ad ventriculos cerebri ventum est. quo tempore mors repentè hominem diu miserè afflictum è medio sustulit. Alios complures vidimus non minùs crudeliter excarnificatos ad longum tempus vitam produxisse sine vlla febre; nisi fortè dolorum vehementia, aut vigiliarum diuturnitate lentæ cuiusdam species inducatur. quæ etsi diutius perseverauerit, non tamen, vt parum in his versatus existimare posset, in hecticam degenerat: sed remediis quæ Luem, eiusque symptomata tollunt, interdum etiam febris aduersis, delitescit. Huc quoque spectat, quod Medicis in artis quidem operibus diu versatis & exercitatis, sed parum oculatis sæpe imposuit; eos qui vnguento ex hydrargyro semel fuerunt inuncti, ægrè ad eò medicamentis purgantibus moueri, vt ea duplo validiora, quàm antè, facile

perferant. Quæ omnia si quis aciore animi acie intueatur, & ponderet iudicio; nonne à frigida quadã causa hæc proficisci existimet, quæ non modò corporis nostri natiuũ calorem ita obtundit, vt ægrè postea catharticum è potentia in actum reducat; sed & partes omnes humoresq; ita refrigerat & humectat, & in similem sibi qualitatem alterat, vix vt vel medicamentorum vim sentire, vel inflammationem concipere possint. Summa autem hæc refrigerandi humectandiq; potentia nisi in tenui substantia consisteret, haudquaquam tantis operibus excelleret.

Qui contrariæ sunt sententiæ, his maximè argumentis nituntur. Argentum viuum temperie calidum esse, ex effectis, inquit, intelligitur: licet aliis quibusdam probabilibus rationibus frigidum esse appareat. Crassa quippe attenuat, incidit, dissoluit, & in sudores dissipat, obstructa aperit, durissima quæq; penetrat, aliâq; multa edit opera, quæ non aliunde, quàm ab eius calore peti possunt. Sunt enim illa caloris propria effecta, frigoris planè contraria. Verum enimvero si quis hanc rem propius intuetur, efficientem istorum causam aliò referendam esse, quàm ad hydrargyri calorem, intelliget. Etenim demonstratũ est à philosophis & medicis, summas medicamentorum vires & facultates, quæ causæ sunt efficientes, alias à qualitatibus primis, calido, frigido, humido, sicco: alias à secundis, quæ à materia prodeunt, cuiusmodi est tenuitas, crassities, lentor & acrimonia: & alias à forma & occulta proprietate proficisci: eosq; prorsus excutire, qui in medicamentis vires omnes à primis qualitatibus quærunr, nihilq; in tota arte præter intemperiem circumsonant. Itaque argentum viuum summa partium tenuitate, qua vel durissima metallorum corpora subitac penetrat, non calore attenuare, incidere, & sudores mouere credendum est. Piper & pyrethrum calidissima cum sint; imbecillius tamen sudores promouent, quàm Guaiacum temperatum. minus quoque attenuant & incidunt pulmonum crassum lentumq; mucum, minusq; menses promouent, quàm Gentianæ aut Aristolochiæ radix, illis calore cedens. Sed quæret fortasse aliquis, quĩ fieri possit, vt in medicamento impentẽ frigido & humido materia insit summa partium tenuitate prædita? quærendum quoque

que fuerat, cur opium adeò frigidum, vt narcoticorum sit vehementissimum, amarore gustantibus sit molestum. Multa crede mihi deprehendas in rerum natura, si singula bene examines, in quibus cæcutire humanum intellectum sit necesse. Iam verò hydrargyrum vehementer humidum esse, non siccum, præter supraposita, hinc colligitur: quòd præduros scirrhososque tumores præ cæteris omnibus emolliat, concretosque dissoluat: quodque nervos omnes & articulos adeò relaxet & debilitet, vt omnem fluxionem faciliè admittant; suscitenturque eius vlu tremores immedicabiles. At nihilominus quoniam vispecifica omnis generis humores violenter euacuat, rectè ex accidenti exsiccare perhibetur. Hos quidem tremores ad Luis malè curatæ reliquias nervos obstruentes, vel ad motorum spirituum resolutionem dissipationemque non ad argenti viui humiditatem aut vim & qualitatem maleficam referendos esse contendunt Chirurgi: & ad hoc argumentis vtuntur parum validis, quæ nobis redarguere faciliè liceat.

Tremore videntur corripi non Lue modò contaminati, sed alij ferè omnes exquisitè sani, quicumque argentum viuum in puteis legunt, vel minium effodiunt, vel ex eo hydrargyrum & hinc addito sulphure cinnabarim decoquunt, vel qui inaurando vel alio quouis modo venenatum argenti viui vaporem aut cinnabaris eius sobolis suffitum, ore naribusque exceperint. Tremunt etiam iis manus, qui Lue Venerea affectos vnguento ex hydrargyro sepius inunxerunt, idque sine momentanea ac effatu digna spirituum motorum resolutione, ac sine Lue Venerea. Non ita pridem inauratorem quendam inuisi, hominem alioqui robustum & quadratum, cui hydrargyri vapore ita cerebrum, totumque genus neruosum repente affectum est; vt non modò brachia & tibiae vehemèter illi tremerent; sed ne stare quidem aut incedere, aut artonitum caput & tremulū artollere posset. Hic curatus standi ac incedēdi vires paulatim recuperavit. Verū cerebrum illi graue torpidumque remansit, & rheumatismis obnoxium. Occurrunt quotidie & alia eius generis symptomata, quorum animaduersione intelligere est, vim summā inesse hydrargyro refrigerandi, laxandi, &

molliendi, cerebro, nervis, tendonibus, membranisque omnibus in primis perniciosum. atque idcirco hoc vix unquam, nisi in calido & sicco corpore ad calidum siccumque affectum utendum, qua ratione mox dicitur.

Iam verò ex purgantibus medicamentis omnibus crassum lentumque mucum spuitione solus vacuat inunctus hydrargyrus, Luisque incipientis symptomata interdum compescit. Chirurghi verum illius alexipharmacum esse rati, reliquis omnibus remediis posthabitis, hunc medicis omnibus eruditis merito suspectum & inuisum ad Luis curationem vsurpandum contendunt. At licet hydrargyro, ut supra comprehensum est, eam vim insitam esse, eamque naturam nouerimus, ut vel tibiæ affrictu è corpore etiam exquisitè sano crassum lentumque mucum spuitione violenter prouocet: quem admodum sanè agaricus, scammonium, colocynthis tenues serososque humores insita proprietate vel ex sano corpore detrahunt in aluum: quoniam tamen malignam humoris qualitatem ipsumque Luis venenum iam fortasse solidis partibus tenaciùs inhaerens atque impressum, manifesta contrarietate, aliàve occulta proprietate non exstinguit, ipsius alexipharmacum aut antidotum dici non potest: ut neque colocynthis distillationum antidotum dicitur: nisi fortè communi appellatione alexipharmaca & antidota nomines medicamenta omnia, quantumque vel purgando vel aliqua facultate alia morbo cuiuspiam auxiliantur. quod tamen veterum auctoritas & vsus loquendi ac nominis etymon redarguit. Antidota enim & alexipharmaca propriè appellamus, quæ non quidem extrinsecus imposita, sed intra corpus ipsum assumpta, tota substantia & occulta proprietate venenis resistunt, atque aduersantur, ipsamque malignitatem exstinguunt. Nam & lethalia venena, quæ deleteria appellantur, ubi in animalis corpus ingressa sunt; totum id momento temporis immutant, sibi que simili affectione alterant: ita sanè alexipharmaca seu alexiteria, quæ venenorum remedia & antidota sunt, contraria venenis lethalibus alteratione totum etiam corpus immutant, & alterationem à deleteriis impressam, exstinguunt: non sanè quòd substantia ipsorum per totum corpus penetret (neque enim potest tam paucus succus tam breui

brevi tempore corporis interdum maximam molem reple-
re) sed qualitatis diffusionem, qualis & extra nos à solis ful-
gore in ambientem aerem diffunditur, & in nobis tum à
corde in arterias, tum à cerebro in nervos fieri conspici-
tur.

Hydrargyro tantam vim purgandi inesse diximus, ut ne
vstione quidē depereat, sed in cinere superstit multo etiam
quàm antè vehementior. Siquidem vstione consumpta ex-
hausta quæ aquea hydrargyri substantia, in qua vis refrige-
randi infidebat, etsi natiua eius temperies dissoluta est, ma-
net tamen in cinere, quæ à forma nascitur vis purgatrix
multo quàm antè efficacior. est quæ is tum vstione, tum a-
quæ fortis admistione acerrimus, hoc ab argento vivo dif-
ferens, quo acetum ab eius vsta facce. Hunc autem exhi-
bent circumforanci, tonsiores, scelerati impostores, non
medici, ad luis Venereæ dolores diuturnos, vel alios frigi-
dos quoscunque affectus, ut hydropem, febrem quartanam,
id quæ granorum VII I. aut X. pondere ex oui luteo, aut
Mithridatio vel Theriaca. ac statim ex vniuerso corporis
ambitu omnis generis humores sursum ac deorsum pro-
rumpunt, tanto impetu, tam quæ violento, ut exhaustis spi-
ritibus, fractisque viribus, vel repenti moriatur æger, vel
aliquot dies sine viribus, sine pulsu, sine voce iaceat mor-
tuo per similes. Os interdum totum inflammatur, ac gingi-
uæ vlcera contrahunt putria ac valde foetida: fauces quæ in-
terdum ita intumescunt, ut æger ad multos dies nihil pror-
sus deglutire possit. Sic dum hæc scriberem, in mea vicini-
a scelestus quidam huius urbis pharmacopœus ad quartanæ
curationem tria catapotia ex eo & Mithridatio concinna-
ta exhibens, iuuenem quadratum paucis diebus exorta dys-
enteria & delirio è medio sustulit.

Qua ante Luis curationem obseruanda.

CAP. VIII.

ANTIQUAM agnitæ Luis curationem aggrediamur,
multa sunt pernoscentia: ac primùm, quam diu ea af-
fixerit, & quibus symptomatibus stipetur. Recens quippe
humores accarnes tantum obfidens, aut vix dum solidas

attingens, nullo graui symptomate, solis maculis aut pustulis quibufdam conspicua, facili curationem recipit; ægrius verò, quæ præterea doloribus & scirrhis tumoribus molesta est. Omnium difficillimè, quæ confirmata, quæ ossium carie ac partium cartilaginearum excisione se prodit: quam in interioribus etiam visceribus vlcera & tubercula multa proferte in mortuorum corporibus dissecatis notauimus. Ab his considerandus venit totius affecti corporis habitus, & viscerum, præsertim verò iecoris constitutio & temperies. Nam qui sicco sunt & squalido corporis habitu, & os ventriculi debile nacti sunt, mitiora, quàm qui frigido & humido sunt corpore, remedia exposcunt; vt qui raro & laxo sunt corporis habitu, quàm qui crasso & denso. Idem de his quoquesentiendum, qui improba viuendi ratione intemperiem hepatis calidiorem & sicciolem contraxerunt. Hi enim omnes nec magnam in ediam, nec validas exsiccantes vllas purgationes perferre possunt, cum tenui bile & malis humoribus os ventriculi imbuatur, atque compungatur, vnde in graues stomachicas syn copas incidunt. Inspicere verò oportet, & qui in ipsis visceribus humores exsuperet. Nam si vel partium nutrientium insito vitio, vel viuendi errore & longa crapula, vel alimentorum impuritate & intempestiuo vsu illuuiem multam in primis venis & visceribus congesserint, quæ etiam inde in venas maiores effunditur, antequam Luis propria suscipi possit curatio: purgandum corpus sæpius est, & cacochymia focus prorsus exhauriendus, primum quidem apozematis aliisque quibuslibet blandioribus primæ corporis regioni expurgandæ destinatis. Ab iis deinde ad ea venietur, quæ è venis maioribus aliquid etiam euellant: eademque ad venæ reserationem. Quòd si quis temerarius & rei medicæ faciendæ ignarus cacochymia manente tentare audeat Luis curationem: vt ipsam (opus sanè quàm difficile) tollat; corpus sanè variis affectibus in omne fortasse vitium obnoxium reliquerit. Non enim biliosa, melancholica, aliæve crassa illuuiæ circum viscera collecta tota in sudores digeri, dissipariue potest; vt quæ circum membranas, neruofas ac solidas omnes partes maligna luis congesione succrescit, sed tenuiore parte resoluta siccescit impingiturque visceribus, ac tandem acrem malignamque

quali-

qualitatem contrahens, ipsorum substantiam labefactat. Hinc profectò curata Lucienis scirrhus comparet vel iccoris tensio: hinc & herpes sæpius in manibus, nonnumquam & in aliis corporis sedibus maligni erumpunt: qui non nisi longa viscerum deterfione, humectatione & refrigeratione mitescunt. Contrario errore tenentur, qui partibus externis iam impactam crassam lentamq; materiam, aluum ducentibus, aut vomitoriis medicamentis validioribus reuocare cōtendunt, atq; ita luem curare Veneream. Hi certè ventriculum & viscera omnia grauiter offendunt, ac multis symptomatis nullo pæne vsu laborantem conuellunt, eiusq; vires adeò prosternunt, vt nequeat postea propriam curationis viam perficere. Neq; igitur, quæ in primis est corporis sedibus humorum illuuiem per vrinas, aut sudores euacuare, neq; quod externis partibus tenaciùs iam inhæsit, per aluum reuocare tentandum, sed Hippocrati auscultandum. Quæ ducere oportet; per loca conferentia, quò natura vergit, ducere monenti. At verò si per vniuersum corpus fusa iam sparsaq; erit cacochymia, quæ tamen à visceribus prodierit: non modò ante Lues curatione primæ ac secundæ corporis sedes iustis purgationibus identidem repetitis detergendæ erunt, ac omni illuui liberandæ; sed & per totam curationem, ne quæ in affectis visceribus denuò succrescant sordes, diligenter prouidendū. Nam si bene habiti (vt rectè censuit Alexander Aphrodisæus) famescientes solito cibi vsu prætermisso bilescunt, & materiam congerunt acriorem; multo certè magis, quibus viscera latentis vitio & prima affectione laborant, per inediam alimenti portionem corrumpent. Itaque purgatione, quod sic quotidie cumulabunt extrahetur, vt vacuum maneat ægri corpus, tutiorque sit alterius affectus curatio. Consideranda & consuetudo. Hæc enim nec sanis nec ægris repente mutari potest sine discrimine. oportet igitur ad insueta paulatim transire. Videndum, & quod anni tempus sit, quæ regio, quæ ambientis aeris conditio. Hæc enim si ad calidum declinârint; blandioribus agendum esse suadent: si verò ad frigidum, validioribus. Ætas quoque puerilis & senilis eandem indicationem præbent, ceteræ contrariam. Sed & symptomata grauià cùm su-

peruenerint, si vires ademerint, curationis ordinem peruer-
bent, dum leniantur.

Alia Lvis curanda ratio, sed minus perfecta.

C A P. I X.

QVAM paulò ante proposuimus curandi rationem, quæ argenti viui inunctione fit, cum inefficacem & parum tutam multorum periculo experti essent maiores; aliam tentare aggressi sunt. Itaque purgabant valide sæpius: Deinde quibus competeat, sanguinem mittebant: mox reliquias idoneis syrupis præparabant: quas postea purgationibus identidem repetitis exhauriebant: ita Lvis radicem multiplici præparatione mitigatam penitus euelli citra ullam virium iacturam aut corporis noxam sperantes. Hæc quidem curatio si vitium recens contractum sit, solusque spiritus aut humor contaminatus, interdum liberat. at certè, si iam obfessa est partium substantia, impetum quidem & humoris furorem reprimat ac mitigat: sed qui postea crudeliùs excandescat, sensim & clanculum radice altius defixa: ita vt vix ullis remediis inueteratum vitium possit extirpari. Hoc igitur lenit, non causam eorum euacuat: differt perniciem, non aufert. Interuenerunt & alij, qui ratione non admodum dissimili, tenui extenuantèque victu & potu ex hebeno, Guaiaco, vel ex sancta Chynarum radice corpus absumunt, humores detergunt, dissipantque in vrinæ & sudores. Hinc necesse est pustulas & vlcera cum corpore siccari & sanescere, tophos præduros incidi atque dissolui, ex hisque natos dolores mitescere. At symptomata isthæc putato; morbi verò essentiam multo diuersam, quæ illis abeuntibus etiamnum tãquam radix solidarum partium substantiæ firmiùs inhærescit. Quocirca tamen hæc, quàm superiores, multò tutior & efficacior curatio; minimè tamen periculo recidiuæ liberat: eum præsertim Lues initium præterlapso ipsam partium substantiam obsedit. Itaque quibus remediis, quaque methodo vltrapars perfecta compleri possit tanti morbi curatio, tradendum, vt nos quoque Christianæ Reip. pro viribus consulamus. At quoniam hic Guaiacum causæ sine qua non, non commode, aut citò

cirò perfici queat curatio, locum obtinet; de eius ortu & viribus priùs dicendum.

Guataci inuentio, nomen & descriptio.

C A P . I .

INSVLA quædam superioribus annis inter nouas terras & antiquis incognitas reperta est, ea parte Americæ sita, qua longitudine in Septentrionem desinit. huic Spangiola à repertore Hispano nomen inditum est. Illius insulæ accolis omnibus Luem quandam, Venereæ hîc grassantis persimilem, aliquando familiarè esse, & endemiam, quemadmodum exanthemata & ecphymata hîc nobis, litteris prodiderunt.

Huius Luis vnicum remedium illis est ligni cuiusdam decoctum. Quod cum animaduertisset nobilis quidam Hispanus, illic Gallico morbo, quem in Hispania contraxerat, diutiùs & immanùs distortus, eadem medicina vltus feliciter conualuit. Cuius idcirco vsum postea in Hispanias attulit, primùm anxius ne non trans mare, qualis in Insula, esset eius effectus. Nomen ei ligno fecerunt Guaiacum, quod cum hiatu Huiacum pronunciant insulares. Aiunt crescere, qua apud nos fraxinus proceritate, arborem tere-tem: folia habere plantaginis, neruosa, sed minora acrotundiora & duriora, ac nuces gignere castanearum forma. Cortex huius cum ad nos peruenit, colore cinericeo, haud ita densus, sed immodicè durus. Color, qui buxeo ligno, externæ parti, nigrescens interne, quam medullam dicunt. Pondus ei, quale nulli præterea ligno. Nulla eius quamminima pars in aqua fluitat, sed mergitur continuò & subsidit. Duritiæ robur omnesuperat, & idcirco quamminimè hiat; neque facillè videas, quòd rimas traxerit. Vritur ac inflammatur odore suauis. ab accenso gummi profuit subnigrum, & prædurum, vbi refrixerit. Huius ligni sapor subamarus, miti acrimonia palatum ac fauces compungens: qui semel cognitus nunquam errare in dignoscendo finit emptorem; vt neque odor. Huius ligni quanquam vna est species, varij tamen ad nos mittuntur trunci, alij crassiores ab arbore, alij minores, vbique ferè albicantes à ramis de-

cifi. Praferendum quod recens fatus, non vetus aut cariosum existit, cui cortex proximè adhæret: quod quamplurimum nigri habet, & veluti lineis quibuldam colore fulco per longum intersectum est: quod quammaximè pinguescit, & pondere valet: Eius enim senecta leuitas est, & marcedo. Fallitur itaque Manardus ligni huius differentias constituens: truncos enim albicantes & prorsus buxeos acriores & odoratiores, atque idcirco valentiores esse colligit: aliisque parte nigricantibus interna præferret; nisi decoctum redderent & aspectu turpius & gustu insuauius. Est enim lignum illud omnino buxeum pæne inodorum & inefficax, redditq; decoctum clarum & limpidum, nulla acrimonia fauces mordicâs, sed vt cortex amaro molestum. At quod intus multum nigri obtinet, vt odoratius & acrius, ita decoctū facit albidius, & minimè lucidum: plurimam enim obtinet resinam, quæ aquæ incocta turbidam illam albidamq; reddit. Sed & rationi consentaneum est, arbori quàm ramis maiorem esse vim: & quanto truncus quisque radici est propinquior, tanto præstantiorem esse: ac rursum qui ab arbore nec senio marcescente, nec recens orta decidunt rami, iis qui à modò natis aut senescentibus, multo esse præstantiores & efficaciores. Præcipiunt nonnulli fugiendum esse vsum eius, cuius trunci afferuntur magni, & valde crassi, vbique nigri, id enim contingere senescentibus arboribus, vt succo destitutæ paulatim nigrescant. At verò cum omnes eos truncos experiundi gratia sæpius dissecuissem, ac non modò gummi multis locis concretum deprehendissem, sed etiam è ligno accenso profluere vidiissem: eius decoctum vsurpare cœpi, quod vt maximè crassum & albidum, ita omnium efficacissimum longa experientia deprehendi. Quocirca hoc ego vel natali solo, vel arboris parte, non solo senio ab aliis differre existimo, eiusque vt maximè succulenti vsum in primis commendo. Iam verò cum in multis insulis reperiatur; nullius tamē litteris certè proditum est, ex qua mittatur præstantius. Video magnam copiam albicantis, quod imbecillius diximus, per exiguam nigri ad nos vehi. Hoc mercatores ab insula Ioannis sacra, illud tum ab insula S. Crucis, tum ab insula S. Dominici adferri afferunt. Itaque Guaiacum aliud ab alio differt, vel

pro arboris parte è qua deciditur, vel pro solo in quo ortum incrementumq; sumpfit, vel certè pro astate.

Guaiaci Vires. CAP. XII.

CUM medicamentum vnumquodque calidum aut frigidum, humidum aut siccum ad corpus humanum dicatur: quòd ipsum per se ac semper calefaciat, refrigeret, humectet, aut siccet: Guaiacum temperamento calidum & siccum existimandum est. Si quis enim ramentum aut puluerem diutius mandat; caliditatem quandam percipiet, acrimonix participem. quin & externa vlcera, si eius decocto, aut bullientis spuma illinantur; diu postea calor, & acrimonia quædã sentietur. huic opinioni subscribunt odor & sapor. Nam vt auctor est Galen. 11. Simplic. cap. v. odorata omnia calida esse certum est. sit enim, vt scripsit Aristoteles, à vaporatone odor seu exhalatione quapiam: quorũ utrumq; caliditatẽ arguit. Hæc autẽ cum temperata sint & mitia; reperaturã & mitẽ caliditatẽ declarant; quæ secundi ordinis initium non transcendat. Est enim secundo ordine calidum, frigidum, humidum, siccum medicamentum, quod manifestè suam qualitatem imprimit: primo verò, quod obscurè. Non tamen vt quibusdam placet, siccitas in eo obscura est, vt in primo ordine subsistat. quin potius secundi finem assequi ex manifestis morborum humidorum curationibus opinor. Quanquam verò Guaiacum calidum deprehenditur & siccum; est tamen humiditatis eiusdã particeps, maximè parte interiore nigra, præpingui, & resinacea, qua viscerum & partium solidarum humidum primogenium conseruat & alit: ventremq; lubricum facit, præterquam dum sudores promouentur. Quod si cuiquam mirum videatur; veteres consulat artis processores, qui medicamentum vnum & simplex pluribus interdũ, iisq; planè contrariis pollere facultatibus experti sunt, vt exalfaciendi, refrigerandi, aut exsiccandi & humectandi, aut tenuiũ partium & crassarũ, &c. Et nisi primæ illæ & efficacissimæ qualitates ita in vno medicamento confunderentur: haud sanè quæ ex illis oriuntur, secundæ similiter complicatæ forent. Iam verò materia Guaiaco eiusq; cor-

fici inest valdè tenuium partium: cuius vi ac sua temperie præstantissima edit opera. Hunc enim crassa incidit & attenuat, lenta deterget, obstructa aperit & liberat, sudores promoucat, vrinas ciet, sputa adiuuat, stomachum præhumidum, nauseabundum & resolutum sua siccitate astrictionis participare exsiccat & corroborat, vt & alia omnia viscera: oris malum odorem tollit: diuturnas & inueteratas iccoris & lienis obstructions, icterum, hydropem, aliâque vitia ex iis nata curat: omnium corporis partium superfluos humores frigidos dissipat atque absorbit: capitis destillationes omnes exhaurit, ex iisq; natos dolores tollit: anginam notam, podagram, chiragram, ischiada, omnemque arthritim mirè iuuat: asthmaticos, paralyticos, stupidos, & quouis modo resolutos curat. Nerviû affectionibus omnibus subuenit. tumores omnes frigidos & duros ad suppurationem perducit. vlcera cacoëthea & Chironia sistit, exsiccat, & cicatrice obducit. Luis pustulas, tubercula, viciatq; omnia, atque omnes ex iis natos dolores, aliâque symptomata nulla corporis noxa nullâque virium iactura paulatim cohibet & tollit. Vt non abs re lignum hoc Guaiacum ob admirabiles in hoc morbo percurando proprietates Sâctum à multis dictum sit. Vt autem cortex ligno aliquanto acrior & amarior gustu deprehenditur, ita maiorem vim siccandi ac sudores promouendi obtinet: præstantiorq; & efficacior in siccando & tenuando haberetur; nisi iccori calida & sicca intemperie laboranti & febricitanti multum esset noxius.

Guaiaci præparatio. CAP. XII.

LIGNVM oportet lima in scobem planè ac puluerem redigere, quo penetratu sit facilius, & melius eius excoquatur vis. Nonnulli ad tornum in frustra quantumvis pusilla comminuunt. quod vt inefficacius est, ita limpidius reddit decoctum. Hunc puluerem pondere sèlibræ in aque fontanæ aut fluuiialis libris VI. diem vnum macerare oportet: deinde percoquere lento igne, leni vapore, in fictili olla noua, plumbo intus illita, & diligenter prius elota, ad prunam, dum ad libras duas sese imminuat, magna cura &

attenta

attenta custodia, ne nimio calore ebulliat, néve exaestu-
 aut efferveat. Nam si quid exundaverit; multum de vi & ef-
 ficacia perit, minúsq; efficax reliquum existit. ob idq; ad
 flammam coqui nō debet; & prunam quoque modicam pe-
 tit; atque ollam quæ non repletur, sed cuius quarta pars ad
 minimū vacet: quæque perpetuò sit cooperculata, nequid
 virium expiret. Sunt qui ad dimidias tantum percoquunt
 partes. Sed ego illud certè decoctum magis probo, quod ad
 ignem diutius fuit, & quod à multo ligno paucum perue-
 nit. Ita vt suadeam ad morbos inneteratos ad quartam
 etiam partem decoquere, modò nulla obsit calidior hepa-
 tis intemperies. Sic decoctum perfrigerari sinendum, dum
 scobs desideat: dein percolare & in vitreum vas. defundere
 oportet: in quo diligenter obstructo conseruetur ad vsum.
 Hoc primum decoctum alij Guaiaci cremorem appellant;
 alij serapium. Color huic decocto est, qui aquæ ex limo
 minimum turbatæ. Sapor gustanti subacidus, initio qui-
 dem ingratus, sed paulatim alluescenti iucundus. Nonnulli
 ex relicta denuò scobe cum libris v i. aut v i i i. aquæ
 quandam quasi loram percoquunt ad libras x i i i. aut vi .
 Hoc tenue percolatum ad cibum potui dant: cum prius
 medicinæ loco sorbeat. Ego verò pulverem novum Gua-
 iaci pondere selibræ in libris decem aquæ tepidæ horis xv .
 maceratum ad prunas decoquo, dum ad libras v i i. redi-
 gantur. Hoc non modò alit & humectat, sed etiam medi-
 catæ cuiusdam est virtutis particeps; vt idcirco in pastu &
 extra pastum quantumlibet tutò concedi possit.

Acerba hoc loco inter medicos de Guaiaci natura & vi-
 ribus exorta quæstio est: aliis quidem eius solius vsum Luem
 Veneream penitus extinguere, nec aliorum medicamento-
 rum mistionem ipsum sustinere; quin de vi & efficacia de-
 perdat: aliis contrà eius imbecillas vires aliorum validio-
 rum mistione intendi augeri que, & quod eius naturæ deest,
 id aliorum admistione suppleri contendentibus; si perfecta
 Luis, eius vsum expectatur curatio. Ego verò opinionem in-
 definitè prolatam falsi insimulo. Neque enim ita per se ef-
 ficax existit Guaiaci decoctum, vt nullius alterius præsidij
 ope Luem percuret Veneream; neque ita imbecillum, vt
 non nisi aliorum mistione vires habeat. Cum ergo eius

quidem solius vſu abſumptis humoribus Luis ſymptomata omnia cohibeantur; viſ tamen & qualitas partibus iam inſidens eodem penitus decocto exſtingui deſerive nequit; niſi cum eo aliquod incoquatur alexipharmacum, aut eius præmittatur, miſceaturve decocto. Itaque ſi ſolius Luis ſuſcipitur curatio; ſolius Guaiaci decoctum ad ſudores promouendos, cohibendâque eius omnia ſymptomata ſatis eſſe proſiteor. cui tamen ad exſtinguendam latentis veneni perniciem, impediendâq; recidiuam, noſtrum alexipharmacum, qua ratione mox dicemus, adiungeretur. Niſi fortè pauca quædam incoquere placeat, quæ ipſum iucundius reddant, cuiuſmodi ſunt vuz paſſæ in primis & glycyrrhiza. Quod ſi quis cum eo ingentem tot ſimplicium medicamentorum ſarcinam decoquere iubeat; eius ſæpe vim & efficaciam ita obtundet, vt optatus minimè ſuccedat effectus. Non enim bene illi cum omnibus conuenit: ſed habent nonnulla certam inter ſe repugnantiam medicamenta. quam niſi medicus longo vſu & experientia agnouerit, vnus interdum permiſſione, multorum ſæpe egregias vires obtundet, & effectus cohibebit. At verò ſi Lues in corpus inciderit vel aſthmate, vel arthritide, vel iecoris aut lienis inueterata obſtructione, vel ſcirrho, vel certè inſigni aliqua intemperie preſſum, cuius eadem opera tentanda ſit curatio; Guaiaco ea incoquenda erunt medicamenta, quæ particulæ laboranti eiſque affectui ſint accommodata. Exempli cauſa, ſi annuo aſthmate Lues coniungatur Venerea, multis iisque diris ſymptomatis ſtipata; eſt vterque quidem affectus diuturnus & curatu difficilis. ſed Lues Venerea tamen multis doloribus acerbior. eiſ itaque curatio, quamprimû fieri poterit, ſuſcipiendâ eſt, ſed iis admiſtis Guaiaci decocto medicamentiſ, quæ aſthmatis fontem & ſcaturiginem exſiccant, ac cerebrum corroborent: Cuiuſmodi ſunt flores roris marini, ſaluia, betonica, ſtechados: & quæ pulmones multa pituita cralla ac lenta inſarctos & obſtructos expediant. Huius ordinis in primis commendantur enulæ campanæ radix ſicca, glycyrrhiza, polypodium, hyſſopus, ſatureia, ſcabioſa, vngula caballina, mel; nonnunquam & liquor Cyrenaicus, & ſtyrax calamita, modò iecoris intemperies non reclamet. Huius decocti vſu Lues pariter atque aſthma

asthma ita iuuari aliquando mihi visa sunt; vt eodem p̄nc
temporis spacio, vtriusque sequeretur sanatio. Sed sunt in-
terim topica alia multa Lui minimè aduersa remedia ad
asthma adferenda. Eiusmodi sunt tum syrups tum linctus
omnes, qui crassa attenuant & incidunt, ac spūta promo-
uent. Item quæ extrinsecus capiti admota ipsum exsiccant
& corroborant: cuiusmodi sunt calida omnia, præsertim
verò hæc, quæ modò nominauimus: item suffitus. Hic ma-
nè & vesperi, in sudoris exitu per nares & os excipiendus.
Et vt paucis perstringam, erunt ea semper Guaiaci decocto
incoquenda, quæ tum aduersus affectum Lui implicandū vi-
res habere putantur, tum partes primario oblesas cono-
borent. Est enim Guaiaci decoctum optimum aliorum o-
mnium, quæ vel illi permiscuntur, vel præmittuntur, vehi-
culum ad solidas partes quasque etiamnum illa deducens.

*Curatio per Guaiacum, & ipsius luis Venerea
Alexipharmacum. CAP. XIII.*

IN conclau, hyeme præsertim, curatio tentanda, aëri mi-
nimè, nedum ventis obnoxio, vbi ignis continuo sit: aut
vt in Germania, intra æstuariū tepidum, cuius ostio velum
aut tapetes obtendantur intus & foris; ne qui egredietur,
aut intrabit, aërem frigidiorē intromittat. Melius est e-
nim corporis spiracula laxa habere & patefacta, quo virus
vndique expiret. Æstate est hæc cautio noxia, nedum super-
uacua. Primo statim die alius ducetur medicina purgato-
ria, quæ ad eximendam noxiæ humoris in corpore exsuper-
antis portionem dicata sit: ne is postea remediis cōcitatus
curationem cœptam inturbet. Concinnetur autem ferè
eiusmodi, vt ad coërcendam grassantem veneni perniciem
apta sit. Postridie purgationis aperienda est vena mediana
aut basilica, maximè si plenum & succulentum sit corpus,
aut aliqua venarum plenitudine pressum. Hinc opus au-
spicari sic licet in hunc modum. Prius illud & valentius
decoctum bis die propinetur tepidum ad cyathum vnum;
manè quidem ad quintam; vesperi ad quartam aut quin-
tam. Porro cyathum voco 3̄ vj. quanquam dimidium
libræ commodè datur. Hausto Guaiaci decocto inter-

quiescendum horis aliquot: & tamdiu stragulis munitum & contactū esse oportet, dum caloris ope digesto in artus medicamento noxium exsudet eger. Cūque alij hausto potu statim sudoribus disfluant; alij non nisi post duas trēse horas; nemo possit certum sudoris excipiedi tempus præfinire. Constat tamē quibus ab hausta portione sudores mox erumpunt; citius detegendos esse, & calidis linteis extergendos, ne vires labascant. Qui cōtrā verò, tardius. Sudandum ergo erit, quamdiu vires ferre poterunt: & cū deficere sentientur: etiam si vix parum quid eruperit, subsistendum, ac resiccato corpore & venis concidentibus è lecto surgere, & ad cibum se præparare par est. bis enim die cibus est exhibendus, manē quidem post quartam à sumpto poculo horā, ad nonam, vel iuxta horam; vesperti ad septimam. sique is quidem satis tenuis & exiguus sed boni succi, nam inanem in primis ventrē quærīt hoc medicamentum. itaq; qui celerrimē sanescere cupiunt, cibum sumunt, non qui vires augeat, sed deficere qui non sinat. Neq; periculum metui debet. siquidem vis tanta inest Guaiaco reficiendi alendi que, vt nullus hactenus defecerit, quantumcunque parum ederet; qui eius cremore fideliter præparato vteretur. Sit autē cibus assus potius quàm elixus; pulli scilicet columbini aut gallinacei adhuc molliusculi, magnitudinem non excedentes. Non ignoro alios esse, qui carnes omnes ablegant; solum biscoctum panem ad 3 ij. cum vis passis Corinthienſibus aut Damascenis concedentes. quod vt inueterato morbo & altius fixo interdum concedi potest; ita in recenti minimē necessarium est. Sed hi solis resiccantibus Luem Veneream curare contendunt: nos alexipharmaco malignitatem extinguimus & cohibemus. Panis verò quatuor 3, delicatioribus, validioribus sex, nō amplius in diem scilicet concedantur. bellariorum loco sint passulæ & modicum panis nautici biscocti aut ad ignem exsiccati, aut etiam intermedia panis crustula. Potus erit supradictū aquosius alterum Guaiaci decoctum. Vinum ne delibare quidem oportet toto curationis decursu. tale enim huic ligno est vinum, quale cicuta: cum qua si hauseris; nullo remedio restitui possis. Nonnulli cenæ tempus circumcidendum volunt, & ad meridiem tantum reficiendum. ego verò vix

bis die sudoribus tutò corpus exerceri diu posse existimo, nisi cibus aliquis interueniat, qui vires dissolutas recreet & reficiat. Alij non ante cœnam, sed tribus horis ab ea hausto decocto sudores prouocant, crudum aut semicoctum cibum in totius corporis partes malè deficientes. Porro inter vtrumque pastum legendis iucundis rebus, aut familiarium gratis colloquiis, aut lepidis confabulationibus, aut cantorum vel citharædorum modulationibus aut alio denique aliquo cōsuetò lusu oblectamenta quærenda. Omnia verò negotia, omnes circumcidendæ grauiiores cogitationes, & ab omni cura conuiescendum. Cauendum & ab iracundia, quæ biliosas in primis materias accendit. Sed & Venereum tanquam pestem fugere oportet. Iam verò si haustu Guaiaci sudores non faciliè proluciantur; vires aqua calente pleni, vel lapides candentes, vel titiones in vino extincti, pedum plantis & genibus admouendi, ita enim repente calore fusus liquatusque frigidus & crassus humor in extima corporis digestus facilius in sudores abibit. Sed & haustu validiore Guaiaci decocto sacculi sequentes calidissimè admouebantur capitis externæ parti; totumque caput linteis calidis diligenter superintegendum est, ne aërem frigidiorē sentiat: idque præsertim cum dolore caput oblidetur. Non enim in parte frigida collectus vitiosus humor decocti beneficio in sudores faciliè resoluetur; nisi externorum præsidiorum ope incalcescat. Sudore quantum vires ferre possunt effuso; linteis calidis exstergendum exsiccandumque corpus est, & lenibus frictionibus, quod in partibus extimis hæsit, dissipandum. Sed & in primis calidis linteis aut pannis exercendum caput est, aut etiam calentibus sacculis perfricandum. Seruetur alius toto curationis tempore quam tenerrima. Itaque si sponte sua non fluat; vel Senna carniū iulculo, vel decocto matutino validiori incoquenda, vel cerè cassiæ fistularis semiuncia alternis diebus pastus initio voranda. Hæc enim præterquam quod venter in partem reddunt, quæ in ventriculo & hepatis cauis & in lienem iam diu fortasse delitescabant, detergunt & expurgant. Sed nihilominus in sextum aut iuxta curationis diem sæpe sicque incidentis & attenuantis decocti vsu vitiosi humores concitati non modò cōsuetos artuum aut capitis dolores erude-

liores reddant; sed alia quoque varia, in qua inhaerent pro partis conditione symptomata proferant: vt in os quidem ventriculi incidentes, nauseam, inappetentiam, interdum propter malignitatem syncopas cardiacas; in pulmones vero tussis, initio inanes & siccas, sed tandem in crassato humore humidas. In thoracis partes externas, si liquefactus humor est, aut à capitis externis partibus insuat; nouos dolores omnium atrocissimos, ac spirandi difficultatem, sine febre pleuritiam mentientes inuehit. Si verò è posterioribus partibus capitis per ceruicem in dorsi aut lumborum vertebrae, aut etiam in ischion illabatur, altiùsque subeat; diris adeò cruciatibus laborantem prostrernit; vt in peiore res statu videatur esse quàm vnquam. Hæc aliàque multa curationi huic superuenientia non modò laborantibus spem de salute conceptam adimunt, sed & medicos nondum artis longo vsu confirmatos de cœpta curandi ratione ad aliam transire cogunt. Atq; hîc mirè gestiunt tonsores: & dum hydrargyri vim & efficaciam in cœlum laudibus efferunt; neque Guaiaci decocto neque vllis aliis remediis vllum vnquam restitutum fuisse impudenter mentiuntur: solùm hydrargyrû vim alexipharmaci habere contendunt. At ea certè Guaiaco vis est, eaque natura, vt quos initio impetus agitat humoribus concitauerit dolores, hos tandem iisdem absumptis cohibeat atque cõpescat, si quis eo constanter vtatur. Itaque iis imminetibus aut certè iam exortis purgâs medicamentû initio vsurpatum aut ei simile repetendum; quod humores cõcitos & furibundos è toto corpore potenter expurgat, intermisso eo die validiore decocto. Sed & sexto & septimo quoque huius curationis die catharticum aliquod validum repetendum. Ita enim non modò quod Guaiaci decocto sensim attenuatum concitatum fuerit; sed & quod de quotidianis alimētis pro partium vitiosa actione corrumpitur & curationem retardat, repentè extrahitur; vacuûmque excrementis marcet ægri corpus. Interea quibus perierat appetentia, restituitur, aliis post secundam medicinam purgatoriam septimo statim die; aliis non nisi decimo aut decimoquinto. Hæc ratione moderari oportet; & in victus ratione initio prudenter instituta constanter perseverare. Vnicum ibi solatium est, non videre plures cibos,

cibos, non videre edentes, & nidorem non sentire. Ad diem huius curationis decimum aut duodecimum corpore bis aut ter iam purgato, liberatis obstructionibus vilcerum, totoque corpore iam aperto & patente, Opiata nostra superioribus remediis adiicienda hunc in modum.

Quotidie manè & vespèri decoctum validius Guaiaci haustus, opiata sesquidrachmam deuoret, hinc statim prædicti decocti \bar{z} vi. aut vij. superbibat, ac in lecto se ad excipiendos sudores, qua ratione suprapositum est, componat. Huius per octo decemve dies continuandus est vsus, aut etiam diutius, dum veneni radix sit euulsa, prorsusque extincta eius pernicies. quod quoniam fit aliàs breuiore temporis spacio, aliàs ferius pro veneni conditione, & affectionis diuturnitate, tutius omnino est paulò vltà progredi, quàm infrà subsistere. Itaque si quis perfectissimè liberari cupit; hyeme aut cælo frigidiore & aquilonio, conclaue vbi ipse cubat, non excedat, priusquam omnis in totum morbus sit abactus, & restituta valetudo. Sed & sedaris dolorib⁹, omnibusque symptomatis superiorum remedium vsu sublatis; ne quid altius demersum non prorsus extinctum, denuò se prodat: perutile sit laconicum adire exquisitè paratum, in quo sudores sumpto in ingressu Guaiaci decocto cum opiata, dies aliquot promoueantur pro viribus; in eius verò exitu, dum in lecto rursum ad sudores excipiendos se componet; aquæ nostræ ad omnia venena sanè quàm efficacis, \bar{z} v. haurire. Hæc vbi iam septem octòve dies aut amplius pro affectionis diuturnitate & sui ipsius natura, ac viribus pertulerit; sumendum iterum erit quod purget medicamentum, atque ab eo quatuor sexve diebus in pastu aquosum bibendum decoctum omisso fortiore. post ad pristinam viuendi rationem paulatim redeat, ac exire incipiat, sed cautè & longiùs ac longiùs, nec in apertum statim; sed primum intra parietes, & de vno cœnaculo in aliud inambulandum; deinde ad vicinam aliquam nec longiùs domum, donec aërem ferre assuescat. Nihil enim hic repentè fieri aut mutari debet, sed omnibus paulatim assuescendum. Alij viginti, alij triginta dies satis esse putant, quibus concludatur æger. sed secundarium decoctum minimum dies quindecim bibat valdè dilutum. Ita sanè esse in recens affe-

ctis comperio. quos cū quindecim, aut ad summum viginti dies in cubiculo continui; exire sino, & ad consueta viuentiationem paulatim redire; vlceribus etiam nōdum cicatrice obductis, nec maculis prorsum extinctis: quæ tamen postea paulatim exsiccantur, euanescentque omnia, idque hyeme. Nam æstate & temperato cœlo domi laborantes continere superuacuum puto: quin & deterfis sudoribus matutinis sumptōque cibo vel foris inambulare, vel quotidianis muniis vacare permitto, dum ad vespertinos sit redeundum. ac nihilominus perfectè curantur. tanta est opiata vis atque efficacia. At verò cū vel minimum huius Luis fermentum aliquando diu consopitum intusque delitescens recidiuam haud rarò inuehat: quādiu vel tubercula, vel vlcera, vel maculæ, vel dolores supersunt; tādīu profectò suspecta esse medico debet futura valetudo. Eam ob rem si quis existimationem integram tueri, & nominis famā preclaris curationibus extendere contendit; remediorum vsum minimè intermitat, dum omnem Luis sobolem radicitus extirpauerit, tantique ac tam crudelis tyranni omnia vestigia deleuerit. Quod si fortè vel cubantis intemperantia, vel exoleti ligni infirmitate quippiam aliquando reuirescat, recurratque post aliquot menses aut annos; simulatque hoc deprehensum fuerit; eandem omnino suaserim subire curandi rationem; dum nihil prorsus superfit. neque igitur dierum numerus, neque ligni & opiata pondus vtendum certò definiri potest. Recens inquinati sæpe xv aut xx diebus perfectè liberatur. vtuntur ligni pondere sex, septem, octōve ad summum librarum: opiata 3 iij. aut paulò amplius. At qui morbi diuturnitate extenuati sunt, & doloribus ac nodosis tuberculis iam obfessi, vix quadraginta aut quinquaginta diebus euadunt. Ligni lb. xv. aut xx. aut vltra insunt: opiata 3 iij. aut iiij. Qui sæpius etiam fuerunt peruncti, omnium difficilimè, & vix vnquam in totum liberantur, duplici de causa: quod & ea sit hydrargyri vis & proprietas, vt qui eo fuerunt peruncti, aliorum remediorum vires vix sentiant: & quod etiam morbi huius causam altius illa in corpus impingant. Metuunt ac verentur nonnulli, cū fragile & siccum corpus, aut morbi diuturnitate exsangue & exarefactum occurrit; viribus ne destituatur in hac curatione,

tione, aut etiam in hecticam tandem coniiciatur vel corporis atrophiam: ob idque parum quid satis esse putant, cui vis morbi cedere possit, dum vires recreentur. At certè multorum fide & experientia comprobatum est, hac victus obseruatione siccos humescere & macros pinguescere. estque huius cremoris natura, neminè destitui vt sinat. Quare etiam infirmis non minus, sed aliquanto etiam plus dandum est, quia nihil cum impetu facit, cum eius iuuentum sit paulatim sanare. In his tamen aut nulli aut parcè mouendi sunt sudores, dum vites paulatim huius decocti beneficio receperint. Interim nisi vlcera & vulnera sint, nihil foris illinitur. His verò si exigua sint, neque vnguentum neque aliud quid imponendum: sed expectandum, dum extincta mali radice sponte siccescant. Sin altius ferpunt, sordidioraque sunt; aqua nostra planè diuina bis terte quotidie abluantur, carpinatùmque gossypium in ea maceratum imponatur vlcis cauo. Hæc non modò mirificè deterget. & siccet, serpentemque malignam putredinè arceat & cohibet, sed etià quidquid in vlcis cauo durum est, paulatim maturat & in pus deducit, vlcus dein carne replet & tandem cicatrice obducit, vt multorum vnguentorum vice meritò vsurpari possit.

Luis aliis affectibus implicata curatio.

CAP. XIII.

CVRATIONEM Luis Venereæ simplicis recens aut non ita pridem contractæ, quàm breuissimè licuit, perstrinximus. Nunc cum plures cum ea concurrant & implicentur morbi; aut iamdiu inueterata est, quænam tenenda curandi methodus, tradendum. Lues Venerea morbis quibuscumque componitur ac complicatur: interdum omnino consentit atque congruit; interdum dissentit. Consentit, cum eius curatio aliis quoque sanandis conducit, aut nihil saltem obest. Dissentit, cum eius curatio alteri incommodat moramque adfert. Lui consentiunt Arthritis omnis, & dolores externarum partium omnes à capitis distillatione; intemperies ventriculi aut iecoris humidior, aut frigidior, hincque nata obstructio, vel etiam hydrops,

epilepsia, vel etiam stupor, paralysis, aliæque complures ab humida & frigida causa etiamnum præsentente contracti. Hos itaque & simul cum Lue & seorsum sanare licet. Cumque id tentare libet; ab urgentiore semper incipere iubemur, altero tamen, quoad fieri licet, minime neglecto. Dissentiunt febris omnis, intemperies hepatis calidior & siccior, psora, lepra, aliæque omnia scabiei siccae genera: omnis sanguinis siue ex utero, siue ex ano, siue ex pulmone reiectio, aliique affectus complures à calida & sicca causa etiamnum præsentente profecti: horum enim legitima curatio legitimis & refrigerantibus medicamentis perficitur, quorum usu quoniam Lues sit deterior multo, eius quoque & difficilior & longior futura est, quæ calidis & siccis & valde attenuantibus remediis perficitur, curatio. Itaque cum horum quispiam acutus & præceps, ut pleuritis, vel febris ardens Lui complicatur, posthabita Lue, eius statim debet tentari curatio; iis tamen remediis, quæ quàm minimum Luis causam augeant. In connexis enim affectibus urgentiori vel præpostero ordine in primis est succurrendum: atque in id quod est gravissimum, omni cura & cogitatione primum incumbendum; siue id ante Luem Veneream & coeptam eius curationem partum iam erat, siue recens, dum legitima tentabatur curatio, interuenerit. Gravissimum porro est vel quod maxime ægrum in vitæ discrimen adducit; vel de quo is gravissimè conqueritur, cuius interdum precibus cedere cogimur. Horum exempla ponenda.

Non ita pridem tonsor me ad visendum rusticum quendam bene habitum & quadratum deduxit, qui cum duos iam annos ab inunctione ex hydrargyro, omni dolore vacasset, ac omnino restitutus sibi videretur; in recidivam tamen incidit, qua duos iam menses crudeliter admodum premebatur. Dolores acerbi tibias & brachia media obsidebant, atque ipsas etiam scapulas, noctu gravius excandescentes: sed omnium gravissimi in capitis externa parte fiebantur; in qua etiam ali-

quid

quid circa pericranium occalluisse plurimis in locis deprehendebatur. fauces quoque ingens vlcus ad palati basim iamdiu occupabat sordidum. nihilominus tamen nec decumbebat, nec cibi fastidio, nec siti premebatur, sed muniis omnibus pro more vacabat; dum superueniente inopinata deglutiendi difficultate, & viribus repente concidentibus in lecto manere coactus est, in quo eum deprehendi languidum cum pulsu frequenti & celeri, febre teneri, ac maxima difficultate non modo deglutiendi bibendique, sed etiam loquendi: nihil interim tumoris foris in faucibus, vt neque intus in amygdalis apparente. Quis non hic agnoscat periculosam anginam Luis recidiuæ implicitam, omni celeritate accommodatis remediis, Lue etiam neglecta curandam? At imperitus tonfor moræ impatiens, lucro inhians, omnia deglutiendi symptomata ad faucium vlcus pertinere credens, statim me incscio suis seruis inungendum aut potius miserè iugulandum ægrum commisit. Itaque vnguento proritata fluxione noua, biduo extinguitur. Haud mitius cum aliis multis agitur Lue Venerea correptis, si vel febris adsit continua, vel etiam grauis morbus aliquis, cuius postponatur curatio.

Familiaris quidam meus annos natus triginta quinque, quater aut quinquies in anno diris cruciatibus spinam dorsi à scapulis ad finem lumborum obsidentibus, & nonnunquam ischiade solebat torqueri sine febre, sine vlla spirandi aut meiendi difficultate, sine vomitione, idque à maligna quadam distillatione, Luis naturam, qua olim inunctione fuerat curatus, resipiente. Hic cum sæpius à nobis fuisset his doloribus liberatus, iteratis purgationibus, vnguentis, & solis anodynis primum, deinde resoluentibus & roborantibus, ac demum recreatis viribus æstuariis ac fortibus siccis capiti admotis; recurrerétque nihilominus dolor consuetus; atrocis tandem Chirurgi industriam experiri cogitauit, num fortè horum dolorum radicem penitus eximere posset, ac re-

cidinae periculo liberare. Hic dolorem crudelissimum ad lumborum regionem pertinentem nephriticum esse ratus; languidum iam ægrum quatuor iam dies noctesque in forma in balneum præcipitat aquæ dulcis calidioris, ibique morari diu iubet, quod ille doloris crudelissimi leniendi spe fretus exequitur; dum resolutis spiritibus ac defecto præ virium inopia corde, mori se non sentiret. Rectè quidem hic properabat dolori, ut crudelissimo symptomati vires frangenti corporis gubernatrices, neglecto etiam morbo succurrere. Hoc enim præstabilius, quàm virgentioris ferocia sinere prosterni ægrotantis vires, quarum gratia curatio instituitur. Nam quanquam sublato morbo symptomata protinus vanescunt, neque usquam possint in corpore sola subsistere; si tamen grauiora adeò infestaque sunt, ut periculum sit, ne antequam dematur morbus, violentia aut perniciæ iugulent, lenienda protinus, ipsaque medendi methodus inuertenda. At ibi tamen peccatum grauius est. Est enim terminus nunquam prætereundus medico, qui ex arte generosè contra morbum quempiam pugnare contendit, constitutus, ut tutò medicetur ei cui dolorem mitigat, ut vires custodiat, per ea scilicet, quæ virium robur tuentur atque conseruant symptomata leniendo, quo & morbo resistere & curationis spacio sufficere possint. Iam verò si Lui complicatus dissentaneus affectus diuturnus & lentus est, cuius nequeat statim curatio perfici, & à quo etiamnum aliquando neglecto minus quàm à Lue impendeat periculi, eo posthabito Lues curanda periculosior, iis tamen remediis, quæ contrario & dissentienti morbo quam minimum obstant. At si æquè graues & periculosi existunt; non huic aut illi prorsus, sed vtrique mediocritate quadam & remediorum contrariorum temperatione eadem opera succurrendum.

Esto itaque, nobis occurrat quispiam annorum xxv. Lue Veneræ contaminatus: cui corpus sit siccum & aridum, variis febribus biliosis obnoxium: volæ manuum plantarumque pedum impendio sæpè caleant: os amarore perfusum sit, atque perpetuò aridum, unde cibi inappetens & siticulosus euadat. Luem Veneræam si quis remediis descriptis curare aggreditur, aliis affectibus neglectis, in certum

vita

vitæ discrimen ægrum adducet. Etenim manifesta hæc viscerum intemperies calida & sicca refrigerari & humectari postulat, seruat robor: Lues verò contracta, non nisi attenuantibus & resoluentibus, quæ omnia ferè siccant & exalfaciunt, curari debet. Itaque summa methòdo opus est, quæ eodem tempore remediorum contrariorum permistione, vtriusq; affectus curationem perficiat: vt in crescenti phlegmonæ digerentia remedia reprimentibus permista adhibemus. Victus instituat non omnino siccans, aut tenuis, vt in curatione legitima; sed quodammodo humectans & refrigerans: in quo per initia loco Guaiaci sola in potu vtriusq; ptilanæ. In cibo conuenient non modò pulli columbini aut gallinacci, aliæve carnes coctu faciles, assæ in succo oxalidis aut malignati aut aurancij macerata, sed etiam elixæ, atq; etiam interdum ex iis paratæ sorbitiones refrigerantes, aut etiam hordeatum. Æger quoq; non semel tantum die aut bis, sed ter quaterve copiosius alendus. Soluenda primo statim die erit alius medicamento è Catholico: aut si magis arrideat, per cassiam fistulam: aut per apozema aliquod in duos matutinos haustus alternos ex decocto aperiente, incidente, detergente & refrigerante comparatum cum senna & agarico. Hæc enim omnia quoniam purgando humectant, pariter & refrigerant, idcirco sanè viscerum siccitatem & calorem emendant immodicū, non tantum quod humores acres biliososque expurgent; sed etiam propria vi & insita facultate. Rhabarbarum sola siccitate noxiū est, multoque magis, quæcunq; vehemētiore aliqua siccandi & exalfaciendi vi pollent, vt scammoniū, colocynthis, aloë. Postridie purgationis apozema bis die vsurpandum ad materię præparationem paretur. Repurgato bis aut ter alternis diebus corpore mittendus sanguis est, pro plenitudinis & virium ratione. Ita enim non modò viscera totumque corpus refrigeratur, sed plenitudinis etiam pericula, quæ aliis attenuantibus resoluentibusque concitari facile possent, declinantur. Posteaquam viscerum impuritati & intemperiei prospectum erit VI aut VII diebus, refrigerantibus his & blandè expurgantibus: propria Luis remedia adiungenda sunt. Itaq; ptilanæ loco decoctum Guaiaci hoc modo præparetur, quo & in pastu & extra pastum

cum volet viatur. Ad sudores quoque promouendos concinnetur etiam validius Guaiaci decoctum, quod longo usu notauimus non modo non augere calidam & siccam viscerum intemperiem, sed ita etiam humectare, vt quavis ratione extenuatos & macros pinguiore reddat, & omnia symptomata ab intemperie calida & sicca hepatis contracta demulceat. Quod in legitima curatione monuimus aluum semper liberam esse oportere; id in hac corporis constitutione maxime curandum, obseruandumque est: neque committendum, vt quippiam circum hepar aut lienem aut in ipso etiam mesaræo indurescat. Tertio igitur quoque die si ea subsistat; aut etiam, si sponte aliquid deponat, quarto tamen quoque die, si quid in visceribus iamdiu hærete vel de quotidiano etiam alimento gigni, cumularique existimatur; expurgandum vel apozematis suprapositi dosi; vel castia fistula, vel Catholico: eodemque die validiore Guaiaci decocto manè saltem abstinendum: nisi in eius 3. vj. sennæ 3. ss. incoquere visum fuerit, idque percolatum loco apozematis usurpare ad vtrumque efficax. Cum iam horum remediorum alternato usu, toto corpore humorum portio maior absumpta dissipataque fuerit, ac corpus ad opiata usum rectè præparatum: balneum paretur aquæ dulcis tepidæ: in quod ingressus æger opiata iustam quantitatem deglutiat, ac mox Guaiaci decoctum superbibat, ibique desideat integram horam. In exitu dein ad sudores pro viribus excipiendos in lecto se componat. Balneum præterquam quod è corpore sicco sudores copiosiores elicit; partium etiam solidarum omnium nedum viscerum siccam & calidam intemperiem si quid aliud emendat, impeditque quo minus sudorum eruptione ac moderatè siccantium remediorum usu, quæ ad curationem reliquam necessaria sunt, lædi possint. Maxime autem melancholicis omnibus Lue impeditis conuenit: quos constat sicco esse viscerum & partium solidarum temperamento, quod humectari desiderat. Id itaque vel quotidie vel alternis diebus semel ingredi siccos & attenuatos, calida & sicca vel alterutra hepatis intemperie affectos confert. Ad id autem præparentur, qua ratione iam dixi, perseuerentque dum Lues omnino sit subacta, aut certè quandiu opiata usus erit necessarius: nisi forte inter-

intermittere aliquot dies adstantis medici prudentia aliquando censuerit. Quòd si fortè per curationem, iudicatione quapiam repugnante balneum ingredi non licuerit; ea certè absoluta, si qua longo remediorum vñu partium temperiei labes iniusta est: ea tepentis balnei vñu ad multos dies continuato facilè delebitur; nisi vel hydropis vel distillationis cuiusdam consuetæ metus abstinendum exhortetur. Sit autem vt dixi tepidum ex decocto herbarum refrigerantium & humectantium comparatum: in quo, vt neque in egressu, sudores nec promoueantur, nec excipiantur. Conferet tamen ingredientem sequentis decocti refrigerantis & viscera roborantis ꝑ vj. ebibere, quamdiu assidenti medico videbitur. (*Hoc decoctum in neutro exemplari video descriptum, sed medico ad praxim suam Vera arte instructo facile erit simile formare.*)

Curandi modus perfectiss. CAP. XV.

IAM verò si neglecta Lues aut imperfectè curata tamdiu in corpore hæsit, vt non modò dolores implacabiles, sed nodos etiam complures vel in tibiis vel in capite inuexerit; supraposita quidem curandi methodus tenenda est; sed cui alia atq; alia pro laborantium natura & symptomatum varietate validiora remedia accedant. Duos referam à me repositos, quorum imitatione cæteri curari possint.

Dominus de Messieres, Prior S. Dionysij à carcere, annos natus x l. corpore mediocriter carnoso & bene habito, Lue correptus Venerea, seniores statim consuluit præclaræ huius vrbs Medicos & Chirurgos. Horum omnium communi consilio atque consensu repurgato prius corpore ac sanguine misso, hydrargyro accuratè inungitur. sputatio etumpit v i. die copiosa: tandèmq; alius etiam sponte resoluitur. quod animaduertentes, qui hunc inungebant Chirurgi, breui adeò curatum iri pollicebantur, vt iam sibi restitutus videretur, eorum nimirum omnium vñu, quæ ad perfectam per hydrargyrum curationem spectant. Verum enimverò cum iam exactis diebus viginti, opis nihil afferretur; reuocati in subsidium Chirurgi, morbi contumaciam arguunt: quæ interdū nisi iterata simili inunctione

compesci aut cohiberi non possit: ad quos accersiti medici facile annuunt. Itaque eandem, sed tamen crudeliorem curationem expertus est: cum nihilo magis quam prima leuaretur, calumniam amolientes chirurgi, quosdam esse propesuerunt, qui licet curatione hac non modò non liberentur, sed etiam crudelius multo, quam prius crucientur; exacto tamen ab ea mensē vno atque altero paulatim postea faneſcunt, hydrargyro partibus solidis admissō morbi causam sentim demolente, superantēque. Quod sibi laborans salutaris cupidus facillē persuasit. Sed cum totos tres menses mussitans nihilo melius haberet; ac multi præterea scirrhi ac tophi in capite, in osse crurium, humerorum & brachiorum exorti essent diris cruciatibus molesti; Chirurgos reuocat: qui vno omnes ore curationem per hydrargyrum repetendam putant. Neque hi prius finem inunctionibus imponunt; quam duodecies duobus annis eandem curationem tanto dolore tantisq; cruciatibus sine vlla ope perpeſsus est. Inde siccum aded & exsangue corpus euasit, vt in eo nihil præter aridā cutim & ossa superesset, ac ὀστεὸν potius videretur, quam viuum corpus. Tophi interim multi obsederant tibiæ, crurium, brachiorum & capitis ossa diris cruciatibus, qui impediunt, quo minus integro biennio somnum inire potuerit. Hos Chirurgi alia curandi ratione destituti, cauterio aperire cogitant: ita virus aliquod aperta cute stillaturum sperantes. Itaq; cum duobus in locis, vbi tophi crudelius affligebant, nudatum in capite os nigrum cerneretur: ipsum terebello eximunt humoris acrimonia parte iam interna exesum, & veluti terebra omnino perforatum. ac cum ne sicquidem dolores remitterent; nec somnum inire posset: emplastris de Vego cum duplicato mercurio hominem per mensem vestiunt. Alij vinum Guaiacinum postea per mensem exhibent: alij etiam balneo ex decocto Guaiaci mergunt: sed omnia nullo auxilio. Itaq; hominem moribundum pro deplorato deferunt, nulla ei medicamenta opem allatura professi. Quam cedo claudis tantæ causam afferent: Cur hydrargyrum, quod Luis alexipharmacum vnicum prædicabant, hunc atrociter aded diuexatum restituere non potuit? Empiricos credo curationem instituisse dicent. At chirurgi erant huius præclaræ

claræ vr̄bis celeberrimi, medicorum etiam multorum adiuti consiliis. nec ægrotus ipse sibi vnquam defuit. nihil enim ei vnquam tam durum, tamque molestum præscriptum est, quod non dicto citius subire voluerit. Nemo à feruis accuratius vnquam fuit tractatus. Denique non opes, non ætas, non vires, neque quidquam aliud illi defuit, quod ad curationem requiri possit. Ratum igitur sit, hydragryon Luis non esse antidotum, sed Empiricorum inuentum, quod tanquam fucum malo adhibent. neque à viris bonis & reip. studiosis tam fallacem, incertam, atque adeò crudelem curationem vnquam tentari debere. Non multò melius, cum hæc scriberem, actum est cum huius vr̄bis medico docto quidem & bene noto, sed nimis credulo. Hic cum ex impuro concubitu contraxisset penis vlcus, ac tandem in Luem Veneream incidisset: quinquies crudelem eam curationem frustra tentauit. Nodosis tandem tumoribus & diris cruciatibus in dies inualescentibus prorsum contabuit, dum dentibus excidentibus, ac gingiuis putredine absumptis, crudeliter vitam finierit.

Qua ratione restitutus ille sit.

Cum aridum corpus lenta etiam febre contabescere videretur; visum est ægrum alere euchymis & concoctu facilibus, cuiusmodi sunt pulli gallinacei, columbini, perdicis iuniores, dein vitulina caro & hœdina, hisque persimiles aut etiam præstantiores. Sint autem hæc ob corporis ariditatem maciemque modò elixa, modò assa. facilius est enim liquidis impleri, reficique, quàm durioribus. Conueniebat itaque ex Guaiaci decocto vitulina caro cum pullo gallinaceo diu elixata, circa finem adiecta oxalide, botagine, buglosso, portulaca & pimpinella. siquidem eorum expressum ius bis die ad 3 vj. exhibitum, præterquam quòd vires promptissimè & sensim instaurat; morbi quoque causam mitigat. Ab ea sorbitione, quæ octaua quaque hora exhibebatur, quippiam assum, si poterat, assumebat: tandè pro bellariis uvas passas & panem biscoctum. A vino toto curationis decursu abstinendum censuimus, id nimirum verum esse experti, quod iam semel admonui, Guaiaci & aliorum

alexipharmacorum beneficio neminem qui vino vtatur facile posse restitui. Eius loco Guaiaci decoctum, quale in legitima curatione descripsi, tum in pastu, tum in siti extra pastum vsurpabatur: cui inter coquendum cornu ceruini rasuræ ꝑ. ss. addebatur. Manè hora sexta & à prandio hora quarta ꝑ. vj. sequentis decocti exhauriebat: neque tamen sudores, qui è corpore ex sanguine & præarido nullis præfidiis elici possunt, expectabat: neque si erumpere potuissent, vires ferendo fuissent.

Decoctum.

℞ rasuræ Guaiaci interioris nigri, odoriferi, resinacei quart. iij. corticum eiusdem puluerisatorum ꝑ. j. ss. infunde in lb. vj. aquæ tepidæ: fiat decoctum addendo rad. helenij, polypodii querni, gran. iuniperi, radicum cichorei an. ꝑ. j. passulorum enucleatarum ꝑ. j. ss. seminum cardui benedicti, radicum tunicæ tormentillæ an. ꝑ. j. ss. pimpinellæ, morsus, scabiosæ an. p. j.

Semel in hebdomade repurgabatur sequenti aut simili medicamento: quod licet languido videri posset validius paulo, si quis tamen quæ alibi diximus memoria repetat, corpora nempe quæ hydrargyro fuerunt inuncta, duplo validiora medicamenta perferre, nec facile iis commoueri; aliter iudicabit.

(Nec hoc auctoris medicamentum purgans nancisci potui.)

Hæc dum sunt, cataplasmata institui ad scirrhus remolliendos discutiendosque efficacissima huiusmodi.

℞ sem. sinapi in aceto macerati per horas xx. dein contriti ꝑ. ij. radicum bryoniæ crudæ ꝑ. ij. radicum sigilli beatæ Mariæ crudi ꝑ. vj. axungie porcine veteris omnium æquale pondus: croci ꝑ. ss. malaxentur simul in formam cataplasmatidis pro partibus dolentibus. renouetur semel quotidie, & ad multos dies perseueret.

Fiat & emplastrum nostrum, quod capiti toti quidem infideat per tres aut quatuor hebdomadas, sed ea lege, vt leuetur quotidie semel, dum totum caput oleo nostro efficacissimo obungatur. renouetur verò sexto quoque die.

Em-

Emplastrum.

℞ sem. sinapi per noctem in aceto macerati ʒ ij. pipēris, pyrethri, caryophyllorum an. ʒ ij. maceris ʒ j. hellebori nigri, rad. ireos Florentinæ, hermodactylorum an. ʒ iij. sem. staphisagriæ ʒ j. β. gummi pini & ammoniaci an. ʒ j. β. malaxentur simul cum oleo de euphorbio, addendo in fine terebinthinæ q. s. ut bene cohæreant omnia, fiat emplastrum per magdal. extendatur portio super alutam, pro nodosis tumoribus aut doloribus diuturnis capitis à Luc, aut alia causa frigida circum peticranium collectis.

Oleum.

℞ rad. acori, galangæ, cal. aromatici an. ʒ iij. mucis moschata, caryophyll. cinnamomi, piperis utriusque, pyrethri, maceris an. ʒ β. foliorum siccorum lauendulæ, maioranæ, origani, saluiæ, pulegij, mentæ, rosismarini an. p. j. florum anthos, saluiæ, lauendulæ, an. p. β. olei communis lb j. vel amplius si voles, aquæ vitæ ʒ ix. reponantur omnia in phiala vitrea, bulliant supra cineres calidos ad aquæ consumptionem, deinde exprimatur oleum in torculari ad usum dictum in curatione.

Cum primum horum remediorum usu dolores aliquantulum cōquiescere cœperunt: non modò lenta illa febris, quæ hæctica putabatur, evanuit; sed corpus cum carne sensim ita vires recepit, ut in lecto sedere posset. Æstuarium tum temporis parari iussi, in quo tertio quoque die semel intromitteretur, ac illic federet, quamdiu vires faciliè ferre possent, sed prius decocti ʒ vj. exhaustiebat, præmissa opiata ʒ j. Deinde ad ignem totum corpus oleo nostro calente inungebatur molli frictione. hoc enim si quid aliud infestas hydragyri qualitates venoso generi impressas delet, & nativum recreat calorem, omnium quæ in nobis sunt functionum auctorem. In æstuario exiguus aliquis sudor statim eliciebatur: quem imbecillæ vires cum sustinere haud possent, aperto æstuarij ostio, ac lectum repente laborante, statim sistere cogebamur. In hanc medendi rationem dum pertinaciter insisto: ita ægri iacentis vires paulatim recreari in dies visæ sunt; ut tandem circa quadragesimum

diem certa nobis salutis spes affuigeret. Nam non modò dolores illi capitis inueterati resolutio humore extinctaque causa euanescebant; paulatimque scirrhi omnes nodosi dissoluebantur: sed & quæ cruda & cinericia initio fuerant alui excrementa; bene figurata & rufa reddebantur: simulque pro aquosis & tenuibus vrinis crassiores & flauiores effluerunt. ipseque æger, qui duos annos fuerat peruiugil; noctu aliquantum dormitabat. Hinc pulsus statim meliores euaserunt, & vox initio ita exilis ut vix obaudiretur, validior ac plenior edebatur. Sed & seruo & baculo innixus ad l. x. curationis diem corpus erigere cœpit, ac tandem incedere. quo tempore sudorem facis copiosum semel die per vires elicere licuit, non in æstuario solum, sed etiam in eius egressu in lecto, non quidem diebus continuis, sed triduum interquiescendo; dum validior natura quotidie eorum eruptiones perferre posset. Iam verò cum corpus initio ossium, carne iam satis vestitum videretur: sorbitiones & elixa omnia circumcidimus, assis solis eum committentes, ne (quod in fine aliorum multorum diuturnorum morborum nimio potu aut humidorū ciborum vsu fracto iecoris robore contingit) in huius quoque declinatione, tumor aliquis cedematosus in pedibus ac tibiis irreperet. Huius enim rudimenta vesperi iam in pedibus cernebantur; cum præsertim aliquantisper stabat aut incedebat. Sed & electuar. trium sanctorum quadruplicato Rheo parari curauimus, cuius tabellam vnā manè bis in hebdomade ad iecoris robur potioni Guaiacina præmitteret. Cumque omnis doloris expers fuisset dies iam quindecim, ac bene adeo omnia iam membra nutriri viderentur, ut paulatim magis ac magis omnes eius artus corroborarentur: die tandem curationis l. x. x. Guaiaci decoctum validius aliquot menses intermittendum, censuimus; si quid interim non prorsus extinctum dolores tuberæve protulisset: nos id verè nouo tutius faciliusque remedium vsu repetito extincturos, roborata nimirum quiete & natura ferente. Verendum enim ne iisdem remediis natura diutius assuefacta, illorum vim tandem non sentiret, aut certè aspèraretur. Neque verò hic, ut in recenter contaminatis metuendum ne interim radices altius morbus agat, reddaturque

turque difficilior. Immo qui in tam calamitosum corporis itatum aut sua negligentia aut medicorum inscitia precipitati sunt, vix vnquam nisi in annum iterata curatione modò propòsita restituuntur. Verùm enimvero Guaiaci imbecillius decoctum in ipso etiam interuallo vini loco prudenter me consultore vsurpauit, ne vaporem quidem vini admittens. Mense exacto bellè adedò habere cœpit, vt consueta munia omnia ebire posset. Idcirco & aeri die Februarij x i r. se committere cœpit & quoquouersum discurre-re, nullis dolorum vestigijs, ne in iis quidem locis in quibus ante curationem tubera discruciabant, remanentibus. Tantùm capite & artubus grauis sibi videbatur, & veluti lassitudine quadam pressus, idque præsertim cùm è sereno in nubilum aut pluuiosum cælum mutabatur. & post exertitationes oedemate quodam pedes vesperi dolebant, sed quod manè prorsus euauerat.

Quamquam post exactos quatuor menses neque dolor, neque aliud eximèlscendum quidquam superuenerit, quod latentis fermenti suspicionem vllam mouere posset: vñum est tamen curationem repetere feliciter antea vsurpatam. vt si fortè lentus crassusque humor aliquis, aliudve Luis fermentũ circa periosteā supererat, prorsus huius remedij continuatione attenuari, paulatimque in sudores resolui posset: simulque malignitas si qua solidis partibus infixā delitesceret, exstingui, atque ita omnium tuberum dolorumque causa exstirpari ac funditus euelli. Ingrediebatur porro semel in die æstuarium. inungebatur quoque oleo nostro: in quo æstuario, vt & ab eius egressu sudores in lecto excipiebat pro viribus. Vesperi verò hora quarta sorbebat quidem decoctum, sudores tamen minimè promouebat, nec lectum repetebat. In pastu vtroque mediocriter assis omnibus alebatur ac biscocto pane utebatur, quem in hunc modum parari curabam.

℞ sem. card. benedicti mundati, pimpinellæ mundatæ, anisi & feniculi an. ʒj. misceantur diligenter cum quantitate sufficienti pastæ ex optima farina, seu ex qua fiunt panes ciuium Parisiensium fermento adiecto. Dein fiant panes bene cocti. qui vbi refrixerint, in tesseras secantur, ac saccharo in aqua rosata soluto abluti, in furno tepido diu sic

centur, atque ita ad vsum referuentur. Istorum tandem remedium vñ salubriter adeò viuit, vt nunquam laborasse videri possit. Quam Deus mentem omnibus indat, vt ita curari velint, antequam tam crudeliter fuerint excarnificati.

Quidam non ita pridem ad me venit, cui vlcus ingens à penis radice totum imum ventrem & inguina atrociter depascebat, vmbilicum etiam supergressum, quod neque emplastris de Vigo cum superaucto Mercurio, neque vllis inunctionibus ipurationem & alui fluorem mouentibus coerceri potuerat, adeò interim extenuato corpore, vt quæ ossa tegerentur, nihil præter cutim superesset. Alius faucium malignum adeò vlcus & omnibus remediis ex hydrargyro rebelle gerebat, vt columella iam exesa radice decidisset, exederenturque omnia tenella narium & palati ossa. Vterque curatione supradicta xx i v. diebus conualuit, nullius alterius medicamenti ope, nisi quòd exesæ & ulceratæ particulæ aqua nostra diuina bis aut ter quotidie admouebatur.

Opiata antidotum alexipharmaca.

℥ scordij ʒ ss. polij montani, pulegij, prassij albi, origani, calaminthæ, hyperici, centaurij minoris, stæchados, chamædryos, chamæpityos, spicæ nardi an. ʒ ij. feminum anisi, sceniculi, petroselinum, dauci, fileris montani, rutæ, ocymy, hormini, thlaspi, baccarum lauri, sem. præniæ maris an. ʒ j. ss. rad. aristolochiæ rot. gentianæ, diptamni, Valerianæ, alari, an. ʒ j. zinziberis, nucis moschatæ, caryophyll. piperis, croci an. ʒ iij. cinnamomi electi, myrrhæ, castorei, styracis calamitæ an. ʒ iij. mellis boni q. s. fiat opiata.

Aqua mirifica.

℥ scordij m. ij. calendulæ, mortus, pimpinellæ, hyperici, beronicæ, maieranæ, buglossæ, scabiosæ, saluiæ an. m. j. hyslopi, melissi an. m. j. ss. contundantur & in vase terreo nouo ad solem exponantur, adiecta ea aquæ quantitate, qua omnia bene mergi possint, ita vt aqua superet.


Vbi

Vbi sex septémve dies in sole efferbuerint, exprimere vehementer ea oportebit: deinde in remanente humore similes herbas contusas reponere, & rursus soli exponere vt supra, dum octo aut decem dies efferbuerint (sed interim semel saltem quotidie ista moueri debent baculo) ac tum exprimere. Deinde in manente liquore sequentia miscere. ℞ rad. tunica tormentillæ, sem. card. benedicti an. ʒ ss. zedoariæ, nucis moschatæ, caryophyllorum an. ʒ j. maceis ʒ ss. sem. pimpinellæ ʒ j. ss. croci ʒ j. Mithridatij opt. lb. j. theriacæ veteris ʒ iij. commista soli exponantur ad 5. aut 6. dies aut amplius in alembico obturato. Deinde fiat omnium distillatio in vase duplici, & seruetur ad vsum.

Aqua diuina ad Ulcera.

℞ sublimati optimi gr. x i i. aquæ plantaginis ʒ v i. decoque super calidos cineres in phiala vitrea ad dimidias, & vtcre.

MM 4



IO. FERNELII

CONSILIVM EPILE- ptico præscriptum.



V V M apud eruditos experientesq; viros
 scholastica & minutissima quæq; perse-
 qui indignū videatur, & superuacaneum,
 operæ precium & vestra eruditione di-
 gnum de affectione proposita duxeram,
 etiam si apprimè grauis & curatu sit diffi-
 cilis, paucis multa complecti, & summas rerum sententias
 appositè apud vos proferre. At quoniam ita nunc vestra exi-
 git sedulitas, vt non contracta, sed effusiore quadam oratio-
 nis serie rem totam particulatim explicem: obseruata qua-
 dam styli moderatione, neq; periphrasi, neq; metaphoris,
 neq; iocis, sed seriis nudisq; verbis orationem aliquantum
 dilatare contendam: non tam vobis, quàm laboranti, & iis
 qui ingentem admirantur scriptorum vocem satis facturus.
 Sequar autem non eum quem de exponendis naturalibus,
 non naturalibus, & contra naturam rebus artificiosè ordi-
 nem proponitis, sed quem tandem resolutione ad curatio-
 nem tenendum existimaui. Primūq; quæ propositi mor-
 bi aut symptomatis notio sit, & ratio, & quæ vis, attingam.

Morbus, item symptoma quod in consultationem & de-
 liberationem venit, epilepsia est, quæ annos decem insedit,
 ac inueterauit. Hæc licet à leuioribus orta initiis, olim in
 vertiginis potius quàm in epilepsiæ genus diuertisse vide-
 batur, progressu tamen dierum verà & exquisitam epilepsiæ
 speciem est consequuta. Tanta affinitate hi affectus conne-
 xi sunt, vt rectè Auicenna vertiginem diminutā epilepsiam
 ex eaq; in hanc transitum fieri notauerit. Cū etiā in con-
 summata epilepsia obseruemus non semper grauiores illos
 & immaniores, sed & interdum leuiiores quoldam & irritos
 insultus fieri, qui vt in vertigine nulla conuulsione, sed sola
 sensum & visus hallucinatione cerebrum impetunt. Cū
 nimiram

nimirum proxima illa, continensq; mali causa leuius ex-
candescit, & exiguum de se vaporē effert. Hanc autem quæ
illustrem & magnificum virum diris modis exercet, & ex-
quisitam & consummatam epilepsiam esse recipio, quod in
eius paroxysmo absoluta fiat totius corporis conuulsio,
quodq; spuma stridore quodam elidatur ab ore, & sensus
omnis atque cognitio cum memoria pereat. Imò verò si
neque vllum eius signum describeretur à vobis, vestra ta-
men autoritate innixus, hanc pro epilepsia habendam es-
se non dubitarem.

Sed quum tamen tria à Galeno tradantur, vsq; noten-
tur epilepsia genera: Vnum ab extremis sulcitatum corpo-
ris partibus, vt à manuum pedumq; digitis: Alterum ab in-
terioribus visceribus: Tertium à cerebro, quod primum
est, & ipsi proprium: Optarem sanè à vobis indicia tradita
pathognomonica, tum epiphænomena, quibus certò & lu-
culenter intelligerem in quod genus epilepsiam hanc refe-
rendam putetis. Id enim tum ad medendi rationem, tum ad
remediorum inuentionem imprimis necessarium videba-
tur, quum non vna omnium, sed sua sit cuiusq; generis cura-
tio. Aliis multo ante paroxysmum tempore caput artusque
omnes ingrauescunt, aliis nausea, aut etià vomitio molesta
est, aliis stupore quodam refrigescunt artus: Alij instantem
paroxysmum præsentiant, possuntq; impendentis repenti-
ni casus pericula vitare: alij derepentèprehenduntur &
concidunt, nulla præsentione futuri mali. Sunt qui paroxy-
simo soluto protinus surgūt nullo affecti symptomate: non-
nullis verò symptomata quædam ab accessione grauiora ma-
nent. Horum igitur animaduersione propriū epilepsia ge-
nus designari internosciqu; debuerat. Cæterum in hac reti-
centia conticiendum nobis & disquirendum in quod hæc
genus maximè pertineat. Comitiali morbo intercipiuntur
mentis sensuūq; functiones, hinc cerebri censetur affectio.
At quoniam ea interceptio interdum fit consensu aliarum
partium, vt duobus prioribus generibus: interdū verò per
se affecto cerebro, neq; ex his quæ describuntur vlla prio-
rum generum audio pathognomonica signa, in postremum
diuertendum puto, & recipiendū cerebrum idio pathetiqu; atq;
etiā *πρωτοπαθητικῶς* concuti. Nec enim venenatus vapor in-

star autæ frigidiusculæ, aut è pedibus, aut è manibus sensum partium continuatione in caput aut cerebrū obrepere percipitur, nec ventriculi cordisve subuersio, aut præcordiorū molesta coarctio paroxysmum anteuerit, aut ob oculos nonnulla quasi spectra obuersari videntur. Sed cum illustrius desuperent quasi attonitus, aut fulgure percussus corruat, necesse est cerebrum, & ipsam mentis ac sensuum arcem obsideri, in eaq; proximam & continentem huius epilepsie causam contineri, ac proinde in tertium hanc genus esse coniiciendam. Hanc denique epilepsiam esse primariam, & vt appellant essentialem.

Percepta iam affecta sede, & quodd cerebrū non aliarum partium consensu, sed per se & primario laborat, disquirendum quæ in ea sit causa. Galenus tertio de locis affectis, & libro de symptomatum causis, epilepsiam, quæ præsertim primaria sit, contendit ex obstructione quadam omnium ventriculorum cerebri proficisci, ob quam animalis spiritus liberè nequit in sensuum motusq; neruos influere, & omnis legitimum mouendum sentiendi, atque ratiocinandi functio perit. Impedita verò natura arctius oppressa nondum tamen prostrata onus quasi excutens, caput corpusq; vehementer concutit, dum obstructione soluta infarctum

*Obstructione
ventriculorum
cerebri non est
se causam epi-
lepsie, sed qua-
litatem quan-
dam malignam
occultam cere-
bro veneni in-
star infestam.*

humorem expellat. Hanc causam, quam vos rectè formalem nuncupatis, magnæ licet rationum probabilitati innixam, & Galeni decreto passim comprobata, validis tum argumentis tum experimentis in pathologia & in dialogis de abditis rerū causis infregimus, aliam statuentes, nempe malignam & occultam qualitatem cerebro cunctisq; facultatibus animalibus perinde atq; venenum insensam, quæ vt è pede percipitur specie quadam frigidioris & malignæ aure per continuatas partes sursum in cerebrum efferri: ita ex ipso quoque cerebro suscitari potest, idque protinus sua malignitate ferire nulla præensione paroxysmi futuri. Hanc verò qualitatem malignam & aduersissimam cerebrū multo validius excutere contendit, quàm humorem simplicem sola mole obstruentem, neque tamen concussioni aut conuersioni finis est, donec qualitas illa vaporis specie suscitata dissipetur, aut sponte sua euanescat. Causa hæc non admodum ei dissimilis est quam vel ipse Galenus libro sexto de locis

locis affectis de vteri strangulatu faterur. Vtenim è sanguine menstruo, atque è semine corrupto vis quædam venenata profertur, quæ in præcordia, in fauces, atq; in ipsum cerebrum prorepēs paria strangulatus symptomata gignit: Ita sanè & alia quædam venenatæ & malignæ qualitatæ species epilepsiam facit. Propriè autem epilepsia symptoma est: qualitas verò maligna cerebro insidens ipsa morbus est, isq; partis similis, & quem alibi demonstrauius totius substantiæ morbum appellandum esse. His ergo principiis firmitus innitendum, hæc stabilienda sunt nobis fundamenta, si quæ tam diri & inueterati morbi curatio speretur.

Quanquam autem huiusce qualitatæ ad excitandam epilepsiam summa atque etiam præcipua vis est, non parua tamen existit & eius materiæ, è qua tanquam è fonte qualitas illa prodit, & sine qua vix illa subsistit. Eam quidem esse crassam lentamq; pituitam cuidam melancholico humori permixtam, & in cerebro contineri, eiq; pertinacius adhærescere, multis complector indiciiis. Ac quidem vetus illa dextræ naris obturatio, ante annos quindecim nata, oculi quoque dextri obtusior acies, dextræ auris grauior auditio, dextram ipsam cerebri partem, non parum offendit, luculenter demonstrant. In ea autem cerebri parte dextra, pituitæ lentæ magnum esse prouentum, ostendit, insita cerebri temperatura humidior, quam deinde supra modum auxerunt ingluuies, crapula, cruditates, & aer impense frigidus ac humidus. At verò melancholiam pituitæ permisceri, testantur ætas in eum humorem gignendum propensa, curæ, mœrores, & graues cogitationes quibus dominus implicatur. Quod etiam nobilissimus vir plerunque citra occasionem metu atq; mœsticia iactetur, Hippocrati indicium est iam obsidentis melancholiæ. Hic certè affectus illos tanta affinitate coniunxit, vt ex eo eodemq; melancholico humore nasci putet: qui si in cerebrū insideat, epilepsiam: si in mentem, melancholiam facit. Itaq; pituitæ ac melancholiæ nō exigua est redundantiā in parte dextra cerebri. Sed hæc si simplex sit, minimè epilepsiam infert, nisi & ea quæ dixi externa qualitas accedat. Quo circa varia hæc cerebri excremēta diutius cohibita, & inherētia, dierū numero,

Causa materialis continens seu proxima.

profluuq; temporis corruptione nacta sunt externam illam ac prorsus malignam qualitatem, in qua dixi mali essentiam haberi. Ad hæc multum mihi contulisse videtur tuberculū in dextro tempore instar oui columbini exortum, & ipsi comitiali morbo cōtaneum. Memini iis dissectis quos viuentes morbus comitialis aliquando immaniter corripuerat, me aliàs circa meninges, aliàs in cerebri substantia putridam quandam & glutinosam saniem quantitate fabæ aut nucis iuglandis inuenisse, quæ crudelis huius & immanis affectus fomes fuerit. Ita igitur de continenti mali causâ, de quæ primaria affecta sede statuendum.

Quoniam verò continentem illam & proximam morbi causam, alia quædâ antecedens appellata fouet, quæ & ipsa interior existit, & sine qua summoueri illa integrè non possit, de hac quoq; dicendum. Ea est totius corporis cacochymia & impuritas ex praua viscerū constitutione profecta. Magna hæc quidem & in primis obseruanda, quòd affectæ sedi ipsiq; cerebro primo mali fonti nouam assiduè materiam suppeditet. Illustrissimo igitur viro iecoris, cordis, cerebri, & renum insita temperatura ex parentum semine, & primo ortu calida humidaque est, ac deinde similis reliquo corpori est impartita, quandoquidem totius temperaturæ principū partium, vt auctor est Galenus, constitutionē ferè sequitur. Optima quidem illa, & ad probū sanguinem, & bene quadratum corpus comparandū apta: at verò postea in frigidiorē humidioriq; coelo frequens habitatio, paludum, lacuum, & stagnorum expiratio fœtida, victus omnium quos audiui intemperantissimus, omnium obsoniorum & ferculorū varietate confertus, nullo instructus ordine, supra satietatem ferina quadam voracitate grauis, vt ei qui gulæ & abdomini omnino sit natus, viscera, venas, habitumq; totum cruditatibus implens: Somni, laboris, exercitationis, inanitionis, & pathematum animi ratio prorsus neglecta, bonam illam & laudabilem temperaturam, atq; insitam corporis constitutionem penitus euerterunt, & pro ea vitiosam substituerunt: nuncq; ingluuie alijsq; commemoratis causis obruto calore natiuo, vires & facultates, præsertim naturales, quæ illius beneficio fouentur, impeditæ ac etiam debilitatæ, tantam alimentorum molem modificare

dificare atq; domare minimè potuerunt. Hinc non cruditates modò, sed & omnis generis excrementorum prouentus, toto sic corpore succreuit, vt pars nulla existat quæ non proprio quodam supernacui humoris vitio prematur. Ventericulum multa esse pituita confertum indicio est nausea illa frequens, & tenebræ à cibo ob oculos offusæ, huiusq; ingentem copiam in intestina deuolui, aliam in eis etiam gigni, minimè dubitari potest. Cerebrum multò grauius illius redundantia offundi testantur peculiare eius affectiones. Sed & iecur, & lienem obstrui, atq; etiam turgere, illud quidem bilis flauæ, hunc verò atræ copia, indicio sunt præter cætera, mores olim quidem ob hepatis calorem, & bilis feruorem in iracundiam, nunc verò ob nimiam adustionem in melancholiam propensi. Sub hac vitiosa constitutione viscerum, quis reliqui corporis bonus habitus esse possit? Corpus totum supra naturam & ætatem ingrauescens, impuritatis ingentem molem & acervum confirmat. Hæc igitur corporis impuritas ob viscerum imbecillitatem, & continuatam viuendi rationem illegitimam, quotidie noua etiam atq; etiam succrescens, nouum quoque pabulum suggerit continenti causæ quam in cerebro constituimus. Neque hæc antè conuenienter extirpari potest, quàm corpus ipsum omni forde & illunie sit expurgatum.

Prognosticum.

Epilepsiam quæ aut annum ætatis vigesimum quintum excessit, aut postea hominem adoritur, comori, & in supremum vitæ diem manere autor est Hippocrates: Cum præsertim vt hæc vehemens fuerit, & originis suæ nec certum habuerit initium, nec compertam sedem. Classici verò auctores toto hanc genere immedicabile statuunt, quòd causa non satis perspecta illam videant neq; medicamentis, neq; vacationibus vllis, neq; cæli mutationi, neq; viuendi legibus cedere, neque temporis diuturnitate vinci. Quibus de causis plerique omnes diuinam hanc appellant, & pro eius curatione implorant diuorum operam. Huius sanè conditio & essentia supra elementorum naturam est, omnemq; sensum, & humanæ mentis aciem effugit: non ratione aut demonstratione, sed obseruatione sola & vsu comprehensa.

Quantquam autē difficilis est epilepsię curatio, præsertimq; in malè habito corpore, suscipienda tamen ea est, atque iis remediis tentanda quæ multis sæpe profuerunt. Ea licet quadam substantię proprietate id præstent, arte tamen adhibenda sunt exinanito & puriori iam facto corpori.

Medendi Methodus.

Curationis initium ab eo quidem ducendum est, quod resolutione atq; inuestigatione postremò fuit inuentum. Id autem est totius corporis cacochymia & impuritas, quæ præsentē, nec tutò quidem medicamenta, quæ substantię proprietate prodesse solent, adhibeantur. Sæpe enim vel malum ipsum ingeminatur, vel etiam noua quædam symptomata accersunt. Itaque corporis hæc immodica moles imprimis absumenda, & in pristinum naturalemq; statū quoad licet reuocanda. Deinde caput & cerebrū modis omnibus exhauriendum, ac demū ipsa morbi radix funditus euellenda, corroboratis simul hisce partibus quæ vehementius afflictæ fuerant. Quæ omnia si non æquè distinctè vt pronuntiantur, tutò nihilominus & pro eius quod curationi profuerit iudicio, opportunè decernentur.

Corporis totius curatio.

Nec superuacuum humorum exuperantiam, nec corporis tantam molem semel & vniuersè demoliri licet. Non enim tam repentinam mutationem illa natura ferat, sed sensim ac pedetentim, vt quæ longo tempore contracta sunt, lentè quoq; citra virium offensionem tollantur. Neque id profectò solis medicamentis præstandum, vt quorum immodico vsu corpus nimium labefactetur, sed cum his, tum victu tenui & accommodato. Hic enim cruditates & luxuriantem corporis molem sensim absumet: illa verò superuacuos ac etiam iam corruptos humores sensim quoq; excludet. Quoniam verò methodicam illam curandi formam satis videor demonstratione prolequutus, vt tandem frugifera sit hæc nostra contemplatio, conducibile sit omnem deinceps curationis seriem subnectere. Nec enim verebor apud eruditissimos viros ipsas medicamentorum formas depromere, quòd sæpe curandi summa vis posita sit in remedium quantitate, & vtendi ratione. Autumno igitur aut
alio

alio quouis elementiore cœli statu curatione suscepta, primum aluus si adstrictior erit, clystere proritetur, qui etiam crassam intestinorum pituitam eluat, atque detrahat. Atque in t̄b. j. decocti accommodati habeat hieræ simp. diaphœnici an. ʒ. β. mellis ros. & anthosati an. ʒ. j. olei rutæ & anethi an. ʒ. j. β. Postridie portio humorum superuacuorum qui in ventriculo & in primis ductibus sine adhæsu fluctuant, expurgetur hoc medicamento: ℞. polypodij quercini, sem. carthami, carui, fœniculi, foliorum lenæ an. ʒ. iij. epithymi ʒ. j. fiat decoctio in vnam dosim. in colatura infunde rhabbari electi ʒ. j. β. agarici trochiscati ʒ. j. cinamomi ʒ. β. expressioni adde syr. capillorum Ven. ʒ. vj. fiat potio. Detur manè horis saltem quatuor ante cibum. Tercio die constituatur viuendi ratio tenuis, & citra manifestū calorem attenuans, eaq; ex cibis euchymis, vt ex pullis galinaceis & columbinis, ex perdicibus, auculis montanis, phasianis, & similibus: iisque assis potius quàm elixis. A iusculis & sorbitionibus multis abstinendum, quoniam præcordia nimis implent atq; distendunt. A fructibus quoque, & leguminibus, & ab omnibus flatulētis aut vaporosis. His igitur & purioribus cibis qui facilè designari poterunt, parcere nec vnquam ad satietatem vratur, & solum bis die cibum sumat, idq; ex iustis interuallis quæ concoctioni sint satis. Percipiet autem dominus laborans se his conuenienter vti, si nec ventriculi distensionem, nec rugitum, nec ructum vllum in concoctione sentiat. Vt etiam potu cruditatum portio facilius absorbeatur, in easq; natiuus calor validius incumbat, parcus sit potus, isque in pastu solo: potu enim quàm cibo impleri facilius est. Immoderatus corpus grauat, omnemq; concoctionem interpellat. Hoc etiā tempore humores ad pleniorē purgationem apparandi erunt, vel apozemate ex rad. petroselinij, fœniculi, & polypodij cū hyssopo, betonica, & stœchade, in quo nonnihil oxymelitis dissolutum sit. Vel si mauult guaiaci decocto in quo commemoratæ radices, & herbæ sub finem aliquantū incoctæ fuerint. Alterutro aut bis die, aut certè semel vt dū horis duab. tribusve ante cibū. Sed quàm minimè ciendi sunt sudores. Si interim alu⁹ subsistat, sollicitetur cōmemorato clystere. Cū & victus ratione, & apozemate diebus quinque aut sex

apparati iam satis, ac fortassis concitati erunt humores, altero medicamēto proliciendi erunt, quod aut priori simile sit, aut aliquanto efficacius, & curando affectum accommodariis. Quale hoc est: ℞. rad. apij, polipodij quercini, sem. carthami, passularū mundatarum, fol. senæ mundatorū an. ʒ. iij. epithymi ʒ. j. fiat decoctio pro vna dosi. In colatura dissolue pulueris hieræ simpl. diaphœnici an. ʒ. ij. fiat potio. Detur manè horis saltē quatuor ante cibū. Ab hac purgatione ad apozema redeundū, victusq; similis continuandus, ac deinde post dies circiter quinq; tertio medicamento, si res, postulet purgandum, quod horū persimile sit. Vbi autē circiter diebus quindecim horū remedium ope ventriculus, iecur, lien, pancreas, & partes omnes quæ in prima corporis regione cōsistunt, puriores existent, tū deinde secunda corporis regio quæ maiorum est venarū tempestiue vacuabitur sectione venæ. Hanc enim non modò morbi species atq; magnitudo, sed & corporis habitus & antè acta vita postulat, vires verò & ætas permittunt. Secunda porro erit vena cubiti media, quæ & de cerebro, & de iecore, ac inferis partibus perinde vacuat: & ea quidē in brachio dextero, quòd i oculus dexter sit hebetior, eiusq; lateris auris, atq; etiam natis obturetur, & tuberculū in dextro tempore prominent, partesq; omnes dextrę ad motū, & ad sua munera sint ob humorū copiam & grauitatē ignauiores. Detrahatur autē sanguis non minus quàm libra vna q̄ vociarū est duodecim.

Cerebri particularis curatio.

A venę sectione cū iam corpus extenuari & macrescere coeperit, ne quid ad perfectā curationē desit, tertia corporis regio, quæ summās omnes partes ipsūq; caput cōplectitur, exinanienda erit. In idq; vtiliter guaiaci decocto, vel simpliciter, vel, vt dixi, cōposito sudores bis die aut semel cientur. Et quo tempore dimanant, totū iam capite adhibeātur hæc calorifica. ℞. seminis anisi, fœniculi, cumini, baccarum lauri contularū an. ʒ. ij. milij lb. j. talis vulgaris librā semis. torresiant omnia in sartagine, reponantur in sacculis qui calidi applicentur capiti tempore sudoris. Sudore deterfō pituita ē dextra præsertim nare proliciatur hoc errhino: ℞. saluie, maioranæ an. lb. iij. tritis affundantur vini albi ʒ. iij. fiat expressio in qua maceretur radice cyclamini minutim concisæ

concise 3. j. rursus exprimat, reponatur pro errhino, hauriatur in na- rem dextram, vel penicillus in eo intinctus immittatur in na- rem dextram, contineaturq; dum pituita profluat. In aurem verò dextram quotidie manè huius liquoris duæ trësve guttulæ instil- lentur. ℞. aquæ vitæ, succi cepæ an. 3. ij. in quibus infundatur pul- pæ colocynthidos 3. j. in expressione castorei 3. ij. repone, & vitior vt dixi, obstrueturq; auris bombace. Pomeridianis horis sub cœnam cucurbitulæ scapulis, cervici, & occipitio affigendæ, modò leues, modò cum scarificatu, idq; maximè parte dextra quæ grauius affici- tur. Hæc igitur topica remedia cum guaiaco, & victu tenui eousq; cõtinuanda erunt, dum odoratus nari, & auditus auri dextræ sit re- stitutus. Quod si non facile sit assequi, nonnunquam manè caput ieiuno lauandum, fouendumq; citi lixiuio calido in quo cephalicæ herbæ incoxerint, quod & eius noxios humores vetustate concre- tos colliquabit, fluxosq; reddet, vt deinde topicis illis promptius ob- temperent, simul etiam occulta quæcunque cerebri vitia detegat.

Peculiaria huius epilepsia remedia.

Superiorum remediorum continuatione, cum & corporis toti- us, & cerebri vitiosa constitutio, in pristinam ac ferè naturalem re- diisse videbitur, intermisso guaiaci & topicorum remediorum usu, sed tamen victu siccante, tenui, & attenuante semper obseruato, epilepsia remedia propria opportunè decernuntur, hæc ferè metho- do. Primum quod vniuersalis purgatio aliquandiu fuerit intermissa, hoc modo repetenda erit: ℞. fol. saluiæ, betonicæ, stœchad. an- thos, an. m. 3. j. epithymi 3. j. sol. senæ mundat. 3. iij. fiat decoctio pro vna dosi, addendo sub sinem agarici 3. j. 3. in expresso adde pul- hieræ diacolocynthidos 3. ij. fiat potio sumenda die electa, horis quatuor ante cibum. Postridie bolus hic voretur: ℞. conferuæ be- tonicæ, anthos an. 3. 3. mithridatij veteris 3. j. milce. capiat manè horis tribus vel quatuor ante cibum. Sequenti die qui tertius erit, puluis hic sumatur, vel solus, vel hydromelite dilutus: ℞. rad. aristo- lochiæ rotundæ, epithymi an. 3. 3. rad. asari 3. ij. fiat puluis tenuis, sumat manè horis duabus ab accepto iusculo, aut ab alio quouis leui cibo. Si fortè vomitionem concitet, non antè cibum alius offeratur, quàm ea desierit: ac tum pulli aut capi iusculum apprimè cõuenier, ad hoc deinde consuetus cibis. Si ob amarorem huius pulueris dif- ficilior sit vsus, poterit in pillulas redigi, quæ parem vim & faculta- tem obtinent. Est autem vis huic medicamento summa ad epilepsi- am. At nihilominus ne quid suspectum supersit, die quarto, cauterio

aperiatur tumor in tempore dextro prominens, illæsisque venis, arteriis, & musculis, sensim omnis eius illuies eluatur atque detegatur, sinaturque aliquandiu manare dum in naturalem statum redeat. Occipitium verò, aut sinciput ad coronalem commissuram cauterio inurere, nihil mea sententia contulerit, neque id citra grauioris periculi discrimen experiri licet. Thermarum, quacumque sint facultate præditæ, vis ad affectum hunc nulla deprehendetur. Neque fieri potest vt corpus à prauis humoribus aptius vindicetur, quam exposita ratione curandi. His ita paucis videor ad quæstiones respondisse in quibus plurimum inerat difficultatis.

Cæterum vt totam curationem compleam, & huic quasi colophonem addam, dum vlcus in dextro tempore inustum curabitur, vsurpanda erunt remedia, quæ secreta proprietate epilepsiam inhibent, atque etiam depellunt. Cuiusmodi est puluis, aut electuarium ex scobe cornu cerui, & eboris, cranio humano, radice & semine pæoniæ maris, visco quercino, corallio, & gingibere exceptis saccharo soluto aqua betonicæ. Semen pæoniæ maris collo subnexum vim habere experimur, & vngulam eius animalis quod vestrares *ellend* appellant, vel appensam, vel annulo inclusam vidimus epilepticam accessionem cohibere. Æstiuo solstitio, & maximè diui Ioannis Baptistæ profesto, si artemisiæ herbæ radix euellatur, sub ea verus carbo, sed tamen bene odoratus, inueniri solet, qui si indone inclusus appensusque collo epilepsiam arceat. Et hæc quidem propriè symptomati, cætera verò quæ prædixi eius causæ succurrunt.

Præcautio.

Hac autem curatione prorsus & ad vnguem completa, ne postea in consimilem affectum relapsus contingat, obseruanda erit aut exquisitè, aut quàm proximè licebit viuendi ratio iam exposita. Circum solstitia & æquinoctia Luna decrescente, clystere præmisso corpus purgetur medicamento quod præscripsi ex hiera diacolocynthidos. Postridie bolus detur ex mithridatio. Tercio die vomitio proritetur vel puluere, vel pillulis præscriptis. Reliquo deinceps tempore ex intervalis ea vsurpentur, quæ dixi proprietate valere. Si certus & status est epilepticæ accessionis recursus, iisdem mediis quinque tæxve diebus vtiliter anteuerteretur, nec eius præcauendi certior lex vlla statui potest

F I N I S.

INDEX

INDEX IN THERAPEVTI- CES SEV METHODI MEDENDI LI-

BROS VII. ET ANNEXOS TRACTATVS.

A Bdominis muscoli supra vmbilicum phlegmone laborâtes qua vena incisa iu- uentur Pag. 45	Adeps anserinus	ibid.
Abrotanum 240	Adeps humanus	ibid.
Abscëssus purgantia 305	Adeps anatinus	288
Abforbentia medicamenta 293	Adeps bubulus	ibid.
Abfynthium 132, 137, 138, 149, 151, 248, 252, 291, 307	Adeps arietinus	ibid.
Acacia 166, 249, 275	Adeps ceruinus	ibid.
Acanthium 244	Adeps hircinus	ibid.
Accessiones cur purgationes pro hibeant 116	Adeps caninus	292
Acer fapor 134	Adeps leoninus	ibid.
Acerbus fapor 137	Adeps vrsinus	ibid.
Acetabulum 148, 149	Adeps vulpinus	ibid.
Acetum 198, 271, 278, 294	Adiantum 199, 257, 552	
Acetum metalla soluit 134	Adiantum album 240	
Acetum inter adstringentia non esse numerandum ibid.	Adiantum omne ventrem sol- uere 559	
Acetum stillatitium 219	Æger vt à sanguinis missione sit regendus 76	
Acetum ὑπερπλῆς 325	Ægri situs dum vena secatur 73	
Acidus fapor 134	Ægri à venæ sectione decubitus 76	
Aconitum 319	Ægroti euphoria perfectâ pur- gationem indicat 122	
Acorus 235, 265	Ær quomodo corporis vires im- mutet 52	
Acorus conditus 366	Ær quis purgationibus aduer- sus 121	
Actu quæ dicantur 127	Æreolus 146	
Adeps 135, 282, 303	Æris squama 316, 318	
Adeps venâ sectâ si exiliat, quid agendum 76	Ærugo 151, 308, 318	
Adeps suillus 282, 288	Æs 151	
Adeps vitulinus ibid.	Æs vstum 151, 316, 320	
Adeps gallinaceus ibid.	Æstate minimum sanguinis de- trahendum 61	

INDEX

Æstate difficiles sunt purgationes	108	Aloë lota	315
Æstus ut spiritus dissipet	54	Aloën cibis interponere licet	226
Ætas ut in sanguine detrahendo spectanda sit	60	Alteratio quid	112
Ætas nulla est quæ non aliquem vacationis modum ferat	61	Alterantia medicamenta	142
Ætatis in purgationibus habenda est ratio	110	Altercum	284
Affectum nullum esse, cui natura non contrarium quiddam protulerit	126	Althæa	135, 139, 155, 159, 168, 257, 280, 304
Affectus persistente causa tolli nequit	11	Althææ semina	266
Affectus connexi quo ordine curandi sint	12	Alumen scissile	279
Affectus quot modis urgere dicatur	15	Alumen	151, 294, 308
Affectus quis omnium periculo sistimus	ibid.	Alumen vstum	316, 318
Affectus nullus toto genere immedicabilis	126	Alui delectio quas partes vacuet	33
Agallochum	237, 250	Aluo suppressa phlebotomia quæ adferat incommoda	71
Agarici & colocynthidis inducenda pituita differentia	21	Aluum quæ molliunt & subducunt assumpta	226
Agaticus pituitæ totâ substantiâ similis censetur	96	Aluum materiæ vi emollientia	269
Agaticus in pituitâ verti potest	ibid.	Aluus suppressa ante purgationem clystere mollienda	117
Agaricus	215	Aluus clystere & balano soluitur	35
Agnus	254	Aluus sæcibus astricta venæ sectionem impedit	70
Agrimonium	306	Alypia	215
Alexiteria seu alexipharmaca	142	Alyssum	143
Alimenta medicamentosa	191	Amarus sapor	137
Alimentum quid	130	Ambar	263
Alimentum medicamentosum	ibid.	Ambarum	153, 238, 246, 250
Allium	241	Ambustis medentia	321
Aloë	208, 212, 306, 313	Amomum	153, 245
		Ammoniacum	267, 288, 304
		Amphora	149
		Amygdalæ	166
		Amygdalarum dulcium succus	239
		Amylum	277

IN METHODVM MEDENDI

Anacardi	299	Apium satium	258
Anagallis purpurea	296	Apium saxatile	259
Anagallis	307,312	ἀποχυσμα	176
Ανεσμοτιξά	195	ἀποχυσματα	329
Anatomes cognitio quid ad remedia scitè adhibenda conferat	24	Apophlegmatismus	124,142
Androsæmon	311	Apophlegmatismi	231
Anemone	229,296	Apozema	167,328
Anethum	290	Apozema catharticum	167
Aneurysma	82	Apozema obstructa liberās	202
Angine cuius venæ sectio sit utilis	46	Appetentia à perfecta purgatione restituitur	122
Animanti viuo multa inesse vasæ & spiracula, quæ in extincto non apparent	101	Aqua tenuis è ventriculo in os confluens	92
Animi affectiones vt spiritus afficiant	54	Aqua frigida affusa vt corp⁹ per accidens calfaciat	129
Anisum	151,153	Aqua simplex	140,191
Anni tempora vt in detrahendo sanguine sint spectanda	61	Aqua rosacea	141,153
Anodyna	266	Aqua stillatitia	150,160
Anodyna medicamenta	280	Aqua vitæ	162
Anonis	258	Aqua cocta	200
Antidota	143	Aqua marina	294
Antidoti	173	Aqua fortis	320
Antidotorum confectio	ibid.	Aquæ stillatitiæ ad arthritidem	265
Antidotus analeptica	386	Aquæ tepidæ fatus	303
Antidotus diasalyrican	287	Aquam citrinam educentia	223
Antidotus è cocco baphico	288	Aquilonia tēpestas difficiles redit purgationes	108
Antidotus è baccis lauri	ibid.	Arabum falsum dogma de venæ sectione	41
Antidot⁹ requies appellata	390	Αραιωτιξόν	286
Antimonij cinis	318	Arctium	322
Antimonium	279	Argentum	245
Antimonium vstum	316	Argilla	278
Antipharmaca	143	Aristolochia	208,225,242,262,297,307
Aperiens medicamentum	195	Aristoteli purgatio quæ sit	100
Apij radix	254	Armena bolus	333
Apium	206,306	Arnoglossum	312

INDEX

Aromata calida omnia humores concitant	193	Asparagus	199, 252, 259
Atomatum rosatum	381	Asphodelus	308, 321
Arthenicum	133, 319	Asplenium	204
Artemisia	142, 151, 261	Aspidium	147
Arteria incisa neque coit, neque faneſcit	74	Astrologica obſervatio ad venę ſectionem non parum efficax eſt	70
Arteria maior cubiti aut poplitis non turo ſecatur	81	Atracylis	244, 312
Arteria inter pollicem & indicem ſecta	82	Atramentum ſcriptorium	321
Arteria iuxta malleolum ſecta, ibid.		Attenuans medicamentum	194
Arterię ponē aures incifę quos capitis affectus leuent	46	Attenuantia medicamenta	290
Arterię incifę ſigna	74	Attractio vt fiat	95
Arterię incifę remedia. ibid.		Attrahentia medicamenta	296
Arterię in temporibus ſectę	82	Auellanę	239
Arterię ponē aures ſectę ibid.		Auenzoar filio trimo venam ſecuit	60
Arteriam maiorem totam oblique diſſecare præſtat, quàm recta plaga findere ibid.		Auerrois erronea de medicamento purgante ſententia	94
Arteriam alperam potulētorum liquore rigari	125	Aureus	147
Arterias minores incidere minus periculolum eſt	82	Auripigmentum	133, 319
Arteriarum obſtructio vt ſpiritus opprimat	54	Aurium humores quomodo deriuatione ſint expurgandi	26
Arteriarum ſectio quando utilis ſit	82	Aurium inflammationibus quę vena incifa ſuccurrat	46
Arthanita	298	Aurum	244
Arthritica herba	266	Auſterus ſapor	136
Arthritidis remedia	265	Auſtrina tempeſtas purgationes reddit faciles	108
Aspidium	173	Auicennas phlebotomiam non niſi poſt concoctionem admittens reſellitur	67
Arum	241, 308, 321	Auicennę de phlebotomia ſententia reſellitur	35
Arundinis radix	142	Auicennę de attractione per ſubſtantię ſimilitudinem error	96
As	147	Auicennę tenues humores ante pur-	
Aſarum	220, 255, 262		

IN METHODVM MEDENDI.

purgationem incrassantis con-	124	Rechica	124
silium refellitur	118	Rechicorum forma commoda	
Auicennæ de vi confusorū me-		125	
dicamentorum discretrice sen-		Benedicta	360
tentia	156	Benioin	237, 263
B Accharis odorata	161	Bes	147
Balanus myrepica	221	Beta	229, 323
Balani seu glandes	170	Betonica	206, 229, 235, 248,
Balanorum frequentior vsus quæ		261, 263, 306, 312	
incommoda adferat	ibid.	Bilis abundans ut spiritus immu-	
Balaustium	249, 260, 275,	ter	53
316		Bilis tenuis medicamento facile	
Balneum, eiusque vires & vsus		educitur	107
87		Bilem atram domantia	203
Balneum quibus noxium	ibid.	Bilem atram ad purgationem	
Balneum quibus utile	ibid.	præparantia	ibid.
Balneum à phlebotomia fugien-		Bilem flauam purgantia	211
dum	77	Bilem atram purgantia	213
Balneum vitiosos humores pur-		Bilem expurgantia	222
gationi præparans	117	Bilem atram educentia	223
Balneum eiusque differentia &		Biliofa plenitudo dextri cubiti	
effecta	179	secta vena interiore minuitur	
Balnei incommoda	180	45	
Balneo vtentibus quid præca-		Bistorta	244, 263
uendum	87	Bolus	171
Balsamum vulnera conglutinās		Bolus armena	245, 278, 311
313		Bombacis semen	239
Balsamum sarcoticum	315	Borrago	203
Balsamita	248	Brassica	229, 323
Bardana	259	Bryonia radix	287
Basis	151, 153	Bubo pestilens, uti & carbuncu-	
Basis vel ignaua, vel maligna, vel		lus, phlebotomiam eodem	
parti affecta inepta ut iuue-		die iterandam monet	78
tur	154	Buglossum	203, 273, 254
Basos qualitas & quantitas ut		Buglossi radix condita	402
fit constituenda	153	Bugula	312
Bases confusæ	155	Butyrum	135, 281, 303
Batrachium	231	C Achezia venæ sectionem	
Bdellium	262, 267, 289, 304	disfluadet	72

INDEX

Cacochymia quid	32	Callitrichon	199
Cacochymia duplex	ibid.	Callos fistularū deterentia	309
Cacochymia an venæ sectione minuenda sit	38	Calor insitus functionū omniū naturalium author	84
Cacochymia viscerum vitio ge- nita purgatione non venæ se- ctione emendanda	39	Calor noster medicamentis nul- las impertit vires	128
Cacochymia primæ regionis so- la purgatione vtiliter demitur	102	Calor agendi vim auget	131
Cacochymia multas regiones æqualiter occupās quomo- do demenda	103	Caloris quàm frigoris maior est efficacia	10
Cacochymia causæ	451	Calx	133, 295, 323
Cacochymia eximendæ ratio	452, 453	Calx viua	316, 320
Cacochymia sedes	32, 451	Cancamum	255
Cacochymia in venis cōclusam, aut in corporis habitū effusā medicamento vix detrabi	97	Canis rabidus	143
Cacochymiam primæ regionis venæ sectione purgari nō pos- se	103	Cantharis	134, 143
καταρκτη medicamenta	317	Cantharides brachio vel scapu- lis appositæ nō solum aquam ad se trahunt, sed & vrinas co- piosè cient	110
καταρκτη	305	Caphura	233, 245, 270
Cadmia botrytis	278	Capillus veneris	240
Cadmia	316	Capitis peculiaria medicamen- ta	229
Cadus	149	Capitis ardores & deliria quæ sedant	232
Calamintha	207, 240, 262, 265, 266, 296	Capitis affectibus cuius venæ incisio vtilis sit	45
Calamus odoratus	259, 263	Capparis	204
Calamus aromaticus	253	Capparis radix	254
Calculos frangentia	256	Caprifolium	259
Calida quæ nos solā qualitate immutant	191	Carabe	337
Calida alimenta medicamento- sa	ibid.	Cardamomum	259
Calidorum quàm frigidorū tu- tior est vsus	10	Cardamum	297
		Cardiaca medicamenta	243
		Carduus benedictus	244
		Caricæ	303
		Carnem gignentia inflamma- tiones augent	15
		Caryophyllū	153, 237, 245, 250,
		Cassia fistularis	211 (263
		Cassia	

IN METHODVM MEDENDI.

Cassia non satis aptum est deter- gendo expurgandoq; ventri- culo medicamentum	71	Cerasia condita	402
Castoriū 151, 230, 263, 267, 299		Cerasiorum succus	165
Cassutha	204, 254	Cerasium	197
Cataplasma	184	Ceration	146
Cataplasma anodynū	268, 283	Ceratum	183
Cataplasma refrigerans	272	Ceratum acopum	ibid.
Cataplasma fluxiones sistēs	276	Ceratum durius	186
Cataplasma emolliens	290	Ceratum stomachicum	251
Cataplasmata attrahentia	300	Cerata ad capitis ardores	234
Cataplasmata maturantia	305	Cerebrum errhinis & apophle- gmatis mis purgatur	34
Cataplasmatidis formula	184	Cerebrum quā purgetur	105
Catholicum simplex	355	Cerebrum quando tutius expur- getur	124
Catholicum maius	356	Cerebri affectibus remedia ad- hibendi ratio	25
Catapotorum vñs	152	Cerebri humores quomodo de- riuandi	22
Causa prima	150	Cerebri peculiaria medicamen- ta	229
Causa prius quā affectus tol- lenda	11	Cerebri frigidos affectus diffi- pantia	236
Causæ sublatio quādo affectum eximat	ibid.	Cerusa	153, 278, 316
Causæ magnitudo vnde æsti- manda	50	Ceterachum	204
Causæ externæ, quibus insitū virium temperies mutatur	52	καλαμίδον	286
Causæ externæ spiritus dissol- uentes	53	Chalcanthum	151, 308, 318
Causæ quæ vires obruant	54	Chalcitis	308, 318
Causis multis in vñs morbi ge- nerationem concurrentibus quæ curādi ratio sit tenēda	11	Chalcus	146
καυσικά	320	Chamepitys	207, 253, 265, 266
Centaurium minus	208, 236, 255, 265, 266, 291, 307	Chamaedrys	207, 252, 254
Cepa	241, 304, 321	Chamaemelum	132, 258, 261, 281
Cephalica omnium tutissimē pertunditur	74	Chamaelea	218
Cera	151, 153	Chelidonium	307
Ceranium	149	Cheme	148
		Chelopina Parisiensis	148
		Chos	149
		Chœpiz	148
		Chondrilla	252

INDEX

Chrysanthemum	322	Clyster quibus ex rebus constet	169
Chus	148	Clyster simplicissimus	ibid.
Cibus cur in accessionibus vel paulò ante eas exhiberi non debeat	28	Clyster emolliens	ibid.
Cibus à sanguine misso quando, & qualis offerendus	77	Clyster dissipandis flatibus	ibi.
Cibus à medicamento quando offerendus	121	Clyster detergens	ibid.
Cibi coctio vel cruditas vnde dignoscatur	71	Clyster ad humores è superiori- bus sedibus euocandos	ibid.
Cibo videntes prauo cur faciliè purgationibus fatiscant	109	Clyster ad leniēdos dolores	170
Cicatricem inducentia validè sicant	14	Clyster ad constringendam al- uum	ibid.
Cicatricem inducentia medica- menta	316	Clyster ad recreanda intestina,	ibid.
Cicer	258	Clyster intestina commodè va- cuat	25
Cicerbita	198, 252	Clyster simplicissimus veterum	224
Cicerum farina	306	Clyster emolliens	ibid.
Cichorium	305	Clyster discutiens flatus	ibid.
Cicuta	266, 284	Clyster detergens	225
Cimolia	321	Clyster in varios vsus	ibid.
Cinabaris	323	Clyster anodynus	ibid.
Cinnabrium	321	Clyster adstringens	ibid.
Cinamomum	151, 153, 167, 245, 250	Clyster vt iniciendus	91
Cinis	294	Clyster raro in ventriculum ra- pitur	ibid.
Cinis ficulneus	ibid.	Clysteris effecta	90
Cinis sarmentitius	ibid.	Clystere vrentis situs	91
Kiriat	146	Clysterem morantem quid re- uocet	ibid.
Cistus	249	Clysterum quot genera	90
Citrago	203	Clysterū vsus & formulæ	224
Citrei mali cortex	245	Cnici semen	241
Citrij semen	143	Cnicus substantia non tempe- ramento pituitosus est	96
Citrij cortex conditus	402	Cochleæ	312
Citrulus	199	Cochlearium	148
Clyster	90, 169	Coctio vt medicamenta immu- set	140
Clysteris vsus	91	Coctio-	

IN METHODVM MEDENDI.

Cochlionem quæ longiorem aut breuiorem poscant	163	obseruanda	61
κώδιωνες ἢ κώδιαι	343	Contenta	30
Cœli status in venæ sectione ani mauertendus	61	Contentorum vitia	31
Cœli constitutio vt futuras vi- res significet	63	Continuarū febriū iudicia	467
Cœli status, quales futuræ sint purgationes vt significet	108	Contrarium quid	6
Cognitio quot modis fiat	144	Contraria multifariam dici	7
κοιλιακόν	312	Cōtraria quæ mathematicis	39
Coli intestini phlegmonæ cuius venæ sectione succurratur	45	Contraria quæ medicis	40
Colocynthis	216	Corallus	245
Colocynthis medicamētum est malignum	96	Corallium	253, 263, 277, 311
Comparatè dici quid	128	Cordis palpitacioni cuius venæ sectio medeatur	14
Componendorum medicamen- torum causæ secundariæ	152	Coriandrum	249, 323
Compositionis medicamento- rum necessitas	150	Corianura	271
Compositiones mollientes, re- laxantes, rarefacientes	289	Corna	275
Concha	148	Cornu cerni	244, 260
Conchæ	318	Cornu vnicornis	244
Concoctio quid	112	Corpus intrò forasque spirabile	101
Concoctio & præparatio quid differant	118	Corpus vt purgationi sit præpa- randum	116
Concoctione perfecta venæ se- ctioni locum non esse	69	Corporis regiones tres propriis terminis distinctæ	32
Concoctionis omnis solum ca- lorem insitū auctorē esse	112	Corporis habitus vt mittēdi san- guinis quantitātē indicet	59
Conditum compositum	177	Corporis regione prima impu- ra venā non esse secandā	67
Conditum cardiacū	178, 247	Corporis summa per cutem ha- litu & sudore purgantur	105
Confectio Hamech	360	Corporis conditio vt purgandi facilitatem aut difficultatem indicet	107
Congius	148	Costus	153, 263
Conserua	177	Cotonei mali semina	266
Consuetudo	18	Cotoneum malum	151, 134,
Consuetudo in secanda vena est		165, 275	
		Cotyle	148
		Craßula maior	310
		Crithmum	135, 258

INDEX

Crocus	242, 245, 250	Curado quousque sit progredi-	
Crocum	151	endum	23
Crurum inflammationibus cu-		Cyathus	148, 149
ius venæ sectio proſit	47	Cyclaminus	165, 255, 289, 323
Cucufa	187	Cyclamini succus	230
Cucullus ad capitis frigidos af-		Cydonia condita	402
fectus & destillationes	238	Cynoglossum	312
Cucullus herba	322	Cyperus	153, 259, 262, 307
Cucurbita	199	Cypriæ auiculæ	188
Cucurbitula	83	Cytinus	200, 240, 275
Cucurbitula cum scarificatione		Daphnoides	218
ibid.		Daucus	151, 153, 259
Cucurbitula sine scarificatione		Daue	146
84		Decoctum	163
Cucurbitulæ subter mammæ		Defrutum	166, 176
põſitæ menſes ſiſtunt	47	Deleteria vt venenum ſuum in	
Cucurbitulæ quid remedij præ-		nobis depromant	128
ſtent	84	Denarius Romanus	146
Cucumer	199	Deriuatio	25
Cucumer agreſtis	217, 308	Deriuatio quid	41
Cucumeris agreſtis radix	287	Deriuatio quando adminiſtran-	
Culeus	149	da	42
Cuminum	151, 292	Deriuationis genera	26
Cupreſſus	274	Deſtillata cardiaca	247
Cupreſſi nux	133, 137	Deſtillatio	159
Curatio methodica	11	Deſtillationis ſiſtentia	236
Curatio quæ maximè ſit optabi-		Deſtillationis modus	160
lis	16	Detergens medicamentum	193
Curatio lentè & paulatim fieri		Detergeantia medicamenta	305
biſariam dicitur	20	Deunx	147
Curatio tuta	ibid.	Dextans	ibid.
Curatio lenta quando neceſſa-		Diadacrydion	213
ria	21	Diacodion	342
Curationis methodicæ exẽpla 11		Diacydion	258
Curationis extraordinariæ ex-		διαφορητικὰ	195
empla	15	διαφορητικόν	287
Curationis opportunitas obſer-		Diaphœnicon	359
uanda	27	Dianthum	374
Curationis ordo	ibid.	Diatragacanthum frigidũ	376
		Diaireæ	

IN METHODVM MEDENDI.

Diairews	ibid.	Eclegma è scylla	ibid.
Diacalaminthes	377	Eclegma ad asthma	402
Diamargariton frigidum	378	Eccoprora	226
Diacrocu	383	εκφρακτικα	194
Dialacca maior	384	εκπυσις	302
Diacaryon	404	εκπυτικόν	ibid.
Diamoron	ibid.	εγχεισον	183
Diachalcum	146	Elaterium	166, 217, 230
Dictamni radix	262	ελκτικα	296
Dictamnnum	151, 244, 296	Electaria cardiaca	246
Didrachmum	147	Electaria stomachica	250
Dies purgationi accommodus		Electaria hepatica	253
115		Electaria vterum corroboran-	
Dierum numerus venæ sectionē		ria	264
per se non dehortatur	69	Electarium formæ solidæ	174
διωβολον	146	Electarium regium	178
Dissolvens medicamentum	195	Electarium è prunis	353
Dodrans	147	Electariū è prunis solidum	354
Dolor vires disperdit	54	Electariū è succo rosarū	357
Doronicum	244	Electarium diacnicu	358
Dosis medicamenti vt statuen-		Electarium diasaru	365
da	141	Electatium pleres archonticon	
Drachma	145, 146	375	
Dracunculus	241	Electarium diairews compositū	
Dracontium	298, 308	376	
Dryopteris	142, 319	Electarium de gemmis	378
Duella	147	Electarium diambrae	379
Dulcis sapor	136	Electarium diarhodon abbatis	
Dupondium	147	382	
Durum quid	286	Electarium diatrium santallon,	
Dysenteria cur purgans medi-		ibid.	
camentum ferat	62	Electarium exhilarans	384
Dysenteriam aceti fotu cohibe-		Electarium diaspermation	ibid.
ri	134	Electarium λιθων θρυπτικόν	385
E Bulus	216, 288, 321	Electarium diacalaminthes cō-	
Ebur	244, 253, 260	positum	386
Eclegma	175	Electarium ad pestem	246
Eclegma è pineis nucleis	400	Elementa vires suas actu obti-	
Eclegma sanū & expertum	401	nent	127

INDEX

Elleborus	214	ἐπαφαιστος temerè iteratè in-	
Elleborus albus	221, 231	commòda	79
Elixatio	159, 163	Ephemerarum febrium causæ,	
Elixandi modus	ibid.	indicia, & curationes	460
Embrocha	183	Epilepsia quid	57
Embrocha absorbens	295	Epilepsiae curatio	552
Emolliens medicamentum	286	Epilepticis infensum est apium	
ἐμπλαστικά	194	206	
Emplastra arthritica	268	ἐπισπαστικά	296
Emplastra attrahentia	300	Epithema	180
Emplastri confectio	185	Epithema adiecur	ibid.
Emplastica medicamenta	277	Epithema ad cor	ibid.
Emplastrum	152, 185	Epithema cardiacum	247
Emplastrum tetrapharmacum		Epithemata refrigerantia	272
185		Epithema attenuans	293
Emplastrum menses cohibens		Epithematis confectio	180
264		Epithymus	205
Emplastrum emolliens	292	ἐπουλωτικά	316
Emplastrum vehementer siccās		Equisetum	311
296		Errhina	124
Emplastrum diachylon simplex		Errhina purgando capiti	230
426		Eryngium	258
Emplastrum diachylon magnū		Eryngium conditum	403
ibid.		Erysipelatis humor antè non est	
Emplastrum è mucilaginibus		digerendus quàm deferbuere	
ibid.		27	
Emplastrum è meliloto	427	ἐχθροτικά	319
Emplastrum è baccis lauri	428	Esula maior	218
Emplastrum ceroneum	ibid.	Esula minor	ibid.
Emplastrum oxycroceum	429	Eupatorium	200, 252, 253
Emplastrum de ianua	ibid.	Euphorbium	219, 231, 267,
Emplastrum gratia Dei	430	299	
Emplastrum diuinum	ibid.	Exasperans medicamentū	195
Emplastrum ad herniam	431	Excrementa	30
Emulso	166	Exemplum quo sanguinis mit-	
Endiua	305	tendi ratio ostenditur	64
ἐπαφαιστος, id est, phleboto-		Exercitatio, & eius effecta	86
miae iteratio, quando & quo-		Exercitatio impuro corpori vi-	
modo obeunda	77	tanda	ibid.
		Expe-	

IN METHODVM MEDENDI.

Experiri quid	143	Fermentum	296, 298
Experientia	ibid.	Fibræ rectæ tractioni destinatae	
Expressio	159, 165	40	
F abacea farina	306	Ficus	168, 240, 287, 323
Fabiarum farina	277	Fimus anserinus	296, 299
Facultas triplex	51	Fimus columbinus	296
Facultatis naturalis imbecillitas		Fimus gallinaceus	299
unde deprehendatur	ibid.	Flores conditi	77
Facultatis vitalis imbecillitatem		Fluxionis curatio methodica	27
quæ arguant	52	Fœnumgræcum	281
Facultatis animalis imbecillitas		Fœnigræci semen	287
unde cognoscatur	ibid.	Fœnigræci farina	206, 315
Far	137	Fomenta cephalica	179
Farina tritici	303	Fomenta ad dolores capitis, ibid.	
Febris continua quæ venæ sectione curanda	43	Fomenta ad ventriculi dolores, ibid.	
Febris intermittens pura venæ sectione non rectè curatur	43	Fomenta ad iccoris lienisq; tumores	ibid.
Febris continua qua methodo curanda	104	Fomenta ad nephritidem	ibid.
Febres continuæ quæ crisi non terminantur	472	Fomenta vterina	ibid.
Febres exitiales & pestilentes	475	Fomenta stomachica	251
Febres terminari crisi, solutione & commutatione	467	Fomentis vtendi modus	179
Febres quæ dextri cubiti venam internam incidi postulent	45	Fomentorum differentia	178
Febres ardentes celerandam venæ sectionem monent	66	Formæ medicamentorum liquidæ	158
Febriliū continuarū iudicia	467	Formæ medicamentorum solidæ	157
Febrilium curatio	477	Fotus humorem purgationi præparantes	117
Febrilium ephemerarum causæ, iudicia & curatio	460	Fotus ad capitis ardores	234
Febrilium methodica curatio	28	Fotus hepatici	253
quæ ad methodicam febriliū curationem requirantur	457	Fotus ad splenem	256
Febrilium putridarū curatio	466	Fotus menstrua mouentes	264
Feniculum	296, 258	Fotus ad arthritidem	267
Feniculi radices	252	Fotus anodynæ	283
		Fotus emollientes	289
		Fotus attenuans	293
		Fraga chamæbatæ	257
		Fraxini corticis cinis	320

INDEX

Frenans medicamentum	193	Gummi lacca	255
Frictio	88	Gummi è pino	288
Frigiditas agendi vim reprimi		Gummi spinæ Ægyptiæ	322
131		Gypsum	278
Frigida quæ nos sola qualitate		Hæmorrhoidas fluentes se-	
immutant	191	cta in cubito vena sistit,	
Frigida alimenta medicamen-		in malleolo suppressas ciet	47
tosæ	ibid.	Hæmorrhoidas aceti foru sisti	
Frigida medicamenta	196	134	
Frontale	187	Halchymia	136
Fructus conditi	176	Halchymistæ	161
Fruentum tostum	323	Halicacabum	257
Rumaria	204, 252	Hedera	323
Albanum	262, 267, 289	Helenium	241, 265, 267, 291
Galanga	235, 250	Helleborus	298, 308
Galanga maior	254	Helxine	155, 159, 257, 270, 322
Galla	133, 137, 323, 374	Hemina	148, 149
Gargarismus pituitam ducens		Hemisextarius Parisiensis	148
232		Hepatica	252
Gemista	259	Heraclius lapis ferrum vt trahat	
Gentiana	208, 242, 262, 308	95	
Gingiuarum, maxillarū, & den-		Herbæ quæ vires, odorem, & sa-	
tium affectus calidos cuius ve-		porem destillatione retineat	
næ sectio leuet	46	aut amittant	161, 165
Glandis vsus & formulæ	223	Herbæ fomentis dedicatæ qui-	
Glandis vsus	91	bus liquoribus pro affectu	
Gluten ex boū tergoribus	321	varietate sint incoquendæ	165
Glutinosum medicamentum	312	Herbæ succulentæ	ibid.
Glutinosum medicamentū	194	Herbæ exuccæ	ibid.
Glycyrrhiza	239	Hermes sigillum	161
Graduum partes tres	131, 139	Hermodactylus	215, 265, 267,
Gramen	199, 251, 257	298	
Granum	144, 146	Hexagium	147
Granum ben	221	Hiberis	297
Guaiaci inuentio, nomen & de-		Hiera simplex	362
scriptio	525	Hiera diacolocynthidos	ibid.
preparatio	528	Hieracium	252, 270
Gummi Arabicum	168, 239	Hippoc. quid per animi defectio	
		nē in euacuando intelligat	57
		Hippo-	

IN METHODYM MEDENDI.

Hippocrat. pleuritidis initio hu-
morem noxium purgationi
fotum præparauit 117
Hippocrat. aphor. 22 lib. 1. ex-
plicatur 114
Hippuris 311
Hirudo 82
Hirudines quibus partibus ad-
hibeantur, quibusq; medean-
tur vitiiis 83
Homo quatenus nature legibus
sit subditus 4
Hora sanguinis missioni apta
89
Horarum in morbis summa ha-
benda est ratio 28
Hordei decoctum 191, 200
Hordei cremor 192, 229
Hordei farina 306
Hordei combusti cinis 323
Hordeum 166
Hordeum tostum 323
Humectantia alimenta medica-
mentosa 191
Humeri vel axillæ inflammatio cu-
ius venæ sectione reprimenda
46
Humiditas agendi vim reprimi-
t 131
Humor exuperans quoad edu-
cendus sit 58
Humor in ventriculo corruptus
venæ incisionem differre hor-
tatur 71
Humor vitiosus sanguine per-
mixtus vena, secta eorsum ef-
fluere nequit 103
Humor aquosus medicamentum
facile sequitur 107

Humor à natura alienus omni-
no est expurgandus 109
Humor purgationis vias obstru-
ens quomodo morbi tempore
viliter amonetur 115
Humor quis absque præpara-
tione mouendus 118
Humorem crudum in morbis acu-
tis plerumq; turgere 115
Humores superuacui 30
Humores phlebotomiâ neque
extenuari, neq; exagitari 67
Humores concocti quomodo
vacuandi 69
Humores quanto citra vltimam
sanguinis naturam longius re-
cesserint, tanto parcius san-
guis detrahendus 81
Humores tenues in euacuatione
non semper crassis antecedere 94
Humores noxii per quos du-
ctus expurgentur 101
Humores sæpe per incognitos
meatus huc illuc minime im-
pelli ibid.
Humores noxios nunquam per affe-
ctas sedes esse deriuandos 105
Humores qui nunquam verè con-
coquantur 112
Humores crudos nonnunquam me-
dicatione mouendos esse 115
Humores concitati si subsistant
quæ incommoda adferant 116
Humores aquosi & biliosi ante
purgationem quomodo præ-
parandi 118
Humores omnes expurgantia 222
Humoris noxii attracti expul-
sionem naturalem esse 292

INDEX

Humoris noxij inclinatio ob-		I Aspīs	312
seruanda	105	Iecori conuenientia remedia	
Humoris natura vt purgandi fa-		25	
cilitatem aut difficultatem o-		Iecori inflammato quæ vena se-	
stendat	107	cta succurrat	46
Humoris vitiosi concoctio	112	Iecori peculiaria medicamenta	
Humoris ante purgationē præ-		251	
paratio	117	Iecoris morbus compositus	14
Humorum vitia	8	Iecoris pars gibba per vrinas, ca-	
Humorum diuisio	30	ua per aluū expurgatur	26, 69
Humorum cursus qui laudabi-		Iecoris scirrhus phlebotomiam	
les, & contrā	40	verat	72
Humorum natura in vacuando		Iecoris cacochymia quando ex-	
obseruanda	60	purganda	113
Humorū noxiorū colluies san-		Ignis proprii mali alexiteriū	21
guinis missione retardat	70	Ilarium	146
Humorum confusa illuies vt		Ἰλαριον	237
eluenda	227	Illitum	183
Humorum vitia ante morbi cu-		Illitum mollientes	289
rationem inuestiganda	448	Ἰλλιτον	148
Hyacinthus	245	Ἰμωβολον	146
Hydragoga	216	Impuritas regionis primæ qui-	
Hydragogum minus	363	bus signis percipiat	71
Hydragogum maius	364	Impuritas cum totum corpus	
Hydrargyrus	143	occupauit, quis ordo tenen-	
Hydrargyrus sublimatus, & præ-		dus in purgando	72
cipitatus	318	Incrassans medicamentum	194
Hydrargyri vires	509	Indicationibus contrariis quid	
Hydrelæum	303	agendū in venæ sectione	64
Hydromeli	153, 162, 163	Inedia quomodo sudores ex ac-	
Hydrops venæ sectionem non		cidenti moueat	34
admittit	72	Inedia corporis robur vt fran-	
Hyeme media difficilis purga-		gat	54
tio	108	Inedia, eiusque effecta	84
Hyoscyamus	233, 266, 270,	Inedia corporibus impuris quæ	
284, 322		ineuat lymphomata	85
Hypericum	293, 307, 312, 332	Inedia quibus morbis medea-	
Hypocistis	249, 275	tur, & contrā	ibid.
Hyslopum	206, 240	Inedia quid	86
		Inediā	

IN METHODVM MEDENDI.

Inediā quando vice medicatio- nis vtendum	111	Iulepi vsus	166
Inedia p̄r accidens corpus ex- liccat	192	Iulepi hyeme conficiendi ratio	167
Inedia immoderatę incommo- da	85	Iulepum	166
Infarctu liberans medicamen- tum	194	Iulepus	328
Infusio	159, 162	Iuncus odoratus	253
Infusio violarū & rosarum	344	Iuniperi fructus	219
Infusus	179	Iuniperus	241
Inipidus sapor	137	Abor vt spirit ^o dissoluat	54
Intēperies frigida tutiūs & mi- tiūs quā calida tollitur	10	Lac	156, 281
Intēperies sicca difficiliūs quā humida eximitur	ibid.	Lac schistum	142
Intemperies vniuersalis quibus curetur	190	Lac amygdalinum	166
Intemperies simplex non diu so- litaria subsistit	192	Lac vaccinum	266
Intemperiem simplicem corri- gentia	191	Lac mulieris	281
Intestina vt purgationi præpa- randa	116	Laconicum, & eius vites	87
Intestinis superioribus potio, inferioribus clyster vtilior	25	Laconicum quibus vtile, quibus aduersum	ibid.
Intestinarū affectus omnis per aluū expurgatur	26	Lactantibus fœminis inimicum est apium	206
Intestinarum cacochymia cly- stere expurgatur	102, 105	Lactis serum	163
Intybum	198, 251, 270, 305	Lactis cremor	323
Iris	217, 241, 255, 262, 205, 307	Lactuca	196, 232, 269, 322
Iris illyrica	336	Ladanum	288
Iris radix	230, 288	Lapathum	255
Isatis	311	Lapis iudaicus	257
Ioxama	310	Lapis hamatites	277, 311, 316
Iuglādis arboris medianus cor- tex	221	Lapis calaminaris	279, 316
Iulubæ	136, 239	Lapis cornalinus	311
		Lapis ruptorius	320
		Laridum	323
		Lathyridis grana licet integra valide tamen purgare	100
		Lathyrus	218
		Laurus	165, 235, 259, 261, 292
		Λεοάνθη	194
		Lemniaterra	133
		Lenitētia omnia dulcia sunt	136
		Leniens seu laeuigans medica- mentum	194

I N D E X

Lens palustris	155	Lipothymia in venæ sectione vi-
Lenticula palustris	270	ribus iam prostratis pericu-
Lentiscina resina	288	losa 78
Leonis adeps	135	Lipothymia à purgatione 110
Lepidion	297	Liquor stillatius 160
Lepidium	134	Lithargyros 153, 278, 316
Lepus marinus	143	Lithargyros auri 313
Λεπιδιον	194	Lithospermum 258
Lex propria	4	Lixiuum 294
Libido effrenata cur vires fran-		Lixiuum è calce 295
gat 54		Loca purgationibus conuenien-
Libypticum 258		tia 105
Libra 145, 147		Lorio vt medicamenta immu-
Lichen 199, 252, 253		ter 144
Lien per alium expurgatur 26		Luis Venereæ causa efficiens ex
Lieni conuenientia medicamē-		nōnullorum opinione 496.
ta 254		vera causa 499
Lienis affectibus idonea reme-		Luis Venereæ definitio 491. ori-
dia 25		go 495. species, signa & sym-
Lienis affectibus cuius venæ se-		ptomata 502. curatio per hy-
ctio conducatur 46, 72		drargyrū 506. quæ ante cu-
Lienis scirrhus venæ incisionem		rationem obseruanda 521. a-
non fert ibid.		lia curatio, sed minus perfe-
Lienis cacochymia quando ex-		cta 524. curatio per Guaia-
purganda 113		cū & alexipharmacū 531. cu-
Lienteria quæ sanguinis missio-		randi modus perfectissimus
nem non vetat 62		luculento exemplo expresse-
Ligula 149		543
Ligustrum 271, 321		Luis Venereæ aliis affectibus im-
Lilij radix 304		plicata curatio 537
Lilium 261, 281, 322		Lumbrici interdum per ventri-
Limonum succus 272		culum & gulam ex intestinis
Linifemen 281, 287		in os subrepunt 91
Lini farina 306		Lumbrici terrestres 312
Lipothymia, siue lipopsychia		Lupinorum farina 306
quid 57		Lupini farina 315
Lipothymia viribus integris		Lupulus 204, 252
quos tantum spiritus dissol-		Lupus salictarius 254
uat 77		Lycium 166, 249
		Macer

IN METHODVM MEDENDI.

M Acer	250	Maturatio	ibid.
Magnes ferrum actu at-		Meconium	285, 343
trahit	127	Medicamenta maligna et si par-	
Magnes	323	ua portione exhibita nō ma-	
Mala odorata condita	402	gnopere lædunt, frequenti ta-	
Malabathrum	153	men vtu noxia sunt	20
Μαλακτικόν	286	Medicamenta liquida quibus	
Malagma	184	partibus conueniant	27
Mali Punici succ ^o	197, 243, 272	Medicamēta solida quibus par-	
Mali citrij, limoni, arancij suc-		tibus conueniant	ibid.
cus	198	Medicamēta extrinsec ^o applicā-	
Mali citrij semen	243	da quādo exhiberi possint	28
Mali citrij succus	243, 272	Medicamenta intrō sumenda	
Mali arancij succus	243	quādo propinari debeāt	29
Mali cotonei succus	244	Medicamenta, quibus corpus	
Mali odorati succus	ibid.	ad venæ sectionem est præ-	
Malicorium	137, 275, 316	parandum	71
Malua	139 155, 159, 165, 280,	Medicamenta purgantia beni-	
322		gna	96
Maluæ semen	239	Medicamenta purgantia inter	
Mādragora	128, 226, 266, 271	benignitatem & malignita-	
Manipulorum modus	164	tem media	ibid.
Manipulus	148	Medicamenta simplicia in com-	
Manna	211	positionē mutuo se iuuare	98
Manna thuris	315	Medicamenta, quorū aliās exi-	
Manus Christi	246	gua, aliās magna portio ad va-	
Margaritæ mali citrei succo sol-		cundum humorem perua-	
uuntur	134	dit	100
Margaritæ	245	Medicamenta cur alia deiection-	
Marrubium album	206	nem, alia vomitionem mo-	
Marrubium	307	ueant	ibid.
Massæ panis, seu Marci panis		Medicamēta ab humoribus di-	
178		uersa nullius aut parui esse e-	
Mastiche	151, 231, 236, 249,	molumenti	106
277, 311		Medicamenta alia aliis parti-	
Materia medicamentorum	131	bus purgandis accommoda-	
Materia pariter & qualitate in-		tiora	ibid.
temperiem corrigentia	191	Medicamenta quæ naturæ ini-	
Maturantia medicamenta	302	mica sint.	119

INDEX

Medicamenta eccoprotica	120	ſpectanda	130
Medicamenta peculiareſ partes expurgantia	124	Medicamentis purgantibus duplicē inefſe vim, peculiarem & generalem	99
Medicamenta vires ſuas poteſtate obtinent	127	Medicamentis cur iucunditas comparanda, & quomodo	153
Medicamenta vt calore noſtro excitata nos afficiant	128	Medicamento peculiarem humorem expurgandi proprietatem poteſtate non actu inefſe	99
Medicamenta imbecilla vt excitentur	150	Medicamento leui qui immo-deratiūſ moueantur	107
Medicamenta maligna vt corrigantur	151	Medicamento vtiliter ſuperdormitur	120
Medicamenta polychreſta	152	Medicamentorum formæ quot	27
Medicamenta componēdi methodus	153	Medicamentorum formas pro eorum facultatibus variadas eſſe	ibid.
Medicamenta calida	205	Medicamentorum purgantium vniuerſum genus calidum eſt	25
Medicamenti formā quæ oſtendunt	27	Medicamentorum purgantium tres ordines	96
Medicamenti vapor vt ad noxiū humorem perſtingat	99	Medicamentorum genera	105
Medicamenti ſubſtantia ad humorem vacuādum non permeat	ibid.	Medicamentorum corpus humanum afficientium genus triplex	129
Medicamenti purgantis facultas in omne corpus penetrat	102	Medicamentorum ex ſecundis qualitatibus variæ facultates	131
Medicamenti genus ex humoris genere petendum	105	Medicamentorum facultates experiundi cautio	138
Medicamenti quantitas pro purgandi facilitate aut difficultate mutanda	106	Medicamentorum ſimplicium vires quæ augeant aut minuant	139
Medicamenti in omni morborum curatione ſumma eſt habendaratio	119	Medicamentorum formæ	157
Medicamenti forma ſolida & liquida	ibid.	Medicamentorum externo-	
Medicamenti hauſti ingrati-udo quomodo lenienda	120		
Medicamenti proprietas vnde			

IN METHODVM MEDENDI.

rum forma	158	Medicatio	89
Medicamentum purgans vt attrahat	95	Medicatio quibus succurrat	113
Medicamentum purgans quando facultate sua frustretur	96	Medicatio pridie quartanæ quæ postridie vilior	116
Medicamentum cur interdum alium quàm familiarem humorem trahat	97	Medicatio quæ saluberrima	119
Medicamentum calore nostro excitatum vt in actum prorumpat	99	Medicationes cur salubribus corporibus sint noxiæ	108
Medicamentum quàm validum deligi debeat humoris noxiæ situs ostendit	106	Medici munus	5
Medicamentum quando ieiuno ventriculo exhibendum	120	Medicina tribus rebus constituitur	6
Medicamentum, gratius vt sit, quibus rebus condiendum ibid.		Medicinam facturo quid sit necessarium	154
Medicamentum qui bibit quo loco sit continendus	121	Medicinæ cum natura comparatio	4
Medicamentum quid	127, 130	Medicinæ scopus	5
Medicamentum nullum sua nos facultate immutare citra caloris nostri opem	127	Medicum interdum natura præstantiorem esse	ibid.
Medicamentum vnde definia- tur	128	Medicus herbario & pharmaco- pœo quid præstet	11
Medicamentum alimento ad- uersum	130	Medimus	149
Medicamentum compositum	130, 150	Medulla	303
Medicamentum simplex	130, 149	Medulla ceruina, vitulina	281
Medicatio incerta periculosa est	19	Medulla ceruina	288
Medicatio quæ scilicet, quæ irri- ta	28	Medulla vitulina	ibid.
		Mel	240, 306, 328
		Mel quanto grauius vino	149
		Mel quod optimum	333
		Melancholica plenitudo secta interiore sinistri cubiti vena detrahitur	45
		Melancholia pigre fluit	107
		Melanthium	237, 263
		Melilotus	281
		Mellis despumatio	173
		Melissophyllum	203, 244,
			261, 307
		Melo	199
		Mens diuina	3

I N D E X

Menses sistentia	260	est per contrarium curatio	9
Menses mouentia	261	Morbi disparati quam medendi rationem exhibeant	14
Menstruum retentum vt spiritus viciet	53	Morbi impliciti & compositi si consentiant, quæ curandi ratio sit tenenda	ibid.
Menta	248	Morbi impliciti & compositi si dissentiant, quomodo institueda medicatio	ibid.
Menta aquatica	ibid.	Morbi impliciti qui sint infanabiles	ibid.
Mercurius sublimatus & precipitatus	321	Morbi impliciti si partim consentiant partim dissentiant, quæ sit medendi ratio	ibid.
Mesenterij cacoehymia quando expurganda	113	Morbi speciem quæ ostendant	18
Mesenterij per alium purgatur	26	Morbi magnitudinem quæ indicent	ibid.
Mespila	275	Morbi qui semel ac vniuersim pari contrario sint profligandi	19
Methodus curandi quando sit tenenda, quando inuertenda	17	Morbi qui sensim pari contrario sint tollendi	ibid.
Methodi in medicatione inuersio morbum sæpe conduplicat	13	Morbi magnitudo vnde æstimanda	50
Methodum ubiq; non esse pertinaciter reuocandam	16	Morbi, quorum initio vena secunda est	66
Metretes	149	Morbi quando maxima sit tranquillitas	70
Mezereon	218	Morbi recidui vnde	109
Milium solis	257	Morbi materia vniuersa quando radicatus extirpanda	114
Millesfolium	312	Morbi augmentum, & principij finem interdum medicatio ē admittere	ibid.
Minutū nummariū, siue momentum	144	Morbis aduersa quæ sint	7
Mity	308, 318	Morbis, in quibus materia turget, valentissima statim adhibenda sunt remedia	19
Mithridatium	143, 393		Morbo
Modificatio	302		
Mina cydoniorum	166, 349		
Mina siue mina	147		
Modius	149		
Modulus	148		
Molybdæna	279		
Montani de aqua opinio	140, 163		
Morbi simplicis simplicissima			

IN METHODVM MEDENDI.

Morbo cuique suum oppositum remedium	9	vacuationem postulat	ibid.
Morbo sublato symptomata protinus vaneſcunt	17	Morbus exitialis ad concoctio- nem nunquam perducitur	168
Morbo creando & curando pa- ria quodammodo eſſe debet		Morbus quo acutior, hoc ma- gis accelerandam eſſe purga- tionem	115
temporum momenta	23	Mori folia	322
Morbos quosdam ſimilibus abi- gi quomodo intelligendū	7	Mororum ſuccus	166
Morborum quot ſunt genera, tot eſſe & remediorum	8	Mofchata nux	153
Morborū qualis eſt per ſua tem- pora mutatio, talis & reme- diorum eſſe debet	27	Mofchum	ibid.
Morborū initio victus tenuis, incremento tenuior, in ſtatu tenuiſſimus ſit	28	Mofchus	245, 263
Morborum præſentium & futu- rorum eadem eſt in medendo ratio	44	Morus contrarij	40
Morborum periculoſe acutorū initio purgationem eſſe ne- ceſſariam	144	Mucilago	181
Morbum impendentem pur- gatione ſæpe arceri	ibid.	Mucerdæ	224
Morbum ſimplicem medica- mentum ſimplex tollit	150	Mulſa	167
Morbus omnis contrariis pro- ſtigandus	6	Mumia	277, 311, 312
Morbus remediorum blandi- mentis ſæpe exaſperatur	21	Muria	294
Morbus quo breuior, hoc victus tenuior, quo longior, hoc mi- nus tenuis victus ſit	28	Myoſotis	312
Morbus quis habendus ſit leuiſ- ſimus	51	Mugæ	182
Morbus vehemens copioſam va- cuationem expoſcit	57	Myracopon	283
Morbus mediocris mediocrem		Myrobalani	209, 250
		Myrobalani conditæ	402
		Myropolæ	182
		Myrrha	237, 242, 262, 307, 313, 315, 323
		Myrtus	133, 235, 249, 274, 316, 321, 323
		Myſtrum	148
		Myxaria	168, 239
		Narcifſus	296
		Narcotica medicamenta	284
		Narcotica compoſitiones	285
		Nardus	263
		Nafurtium	231, 255, 266, 297
		Natura mundi vniuerſa	3
		Natura cuiusque rei peculiaris	4
		Natura laborantis quid	18

INDEX

Natura in morbi coctionem incumbens aliò non est avertenda	28	Oculi morbus implicitus	14
Natura vacationem quomodo molitur	34	Oculorum inflammationes cuius venæ sectione curentur	46
Natura concoctione humores puros ab impuris secernit	68	Oculorū vitia deriuatione quomodo sint curanda	26
Naturæ lex summa	3	Ocymum	161, 261
Naturæ & medicinæ leges omnibus necessarias esse, & immutabiles	4	Ocymi semen	244
Naturæ quando curatio cõmittenda	10	Odoramenta	188
Naturæ motus languidus artis præsidio iuuandus est	28	OEsypus	266, 282, 288, 303
Naturæ motus obseruandus	105	Olea ad frigidos capitis affectus	236
Naturalis corporis constitutio quibus constet	129	Olea menses cohibentia	264
Nausea ferè ieiunos infestat	93	Olea refrigerantia	272
Nausea omnis ante purgationem tollenda	117	Olea fluxiones inibentia	276
Nerui puncti signa	74	Olea anodyna	283
Nerui puncti remedia	74, 76	Olea attenuantia	292
Neruorum & cerebri eadem est ratio	265	Olea absorbentia	295
Nitri spuma	308	Olea attrahentia	300
Nitrum	135, 294, 320	Olea ambustis medentia	323
Nux moschata	237, 250, 263, 402	Olei è stirpibus eliciendi ratio	161
Nuces iuglandes conditæ	402	Olei differentia	181
Nuclei pinei	239	Oleum simplex	132, 135, 151, 153, 182
Nutriendi ratio in febris	481	Oleum amygdalinum	135
Nymphæa	232, 243, 260	Oleum quantò vino leuius	149
Obeli cur sanguinis missione difficile sustineant	60	Oleum stillatitium	158, 181
Obolus	145, 146	Oleum pressu factum	ibid.
Obstructio quibus medicamentis expediatur	118	Oleum philosophorum	ibid.
Occludens medicamentū	195	Oleum mixtum	182
		Oleum è nuce iuglande	224
		Oleum ex oliuis maturis	282
		Oleum amygdalarum dulcium	282, 408
		Oleum narcoticum	285
		Oleum stillatitiū attenuans	293
		Oleum maturum	303
		Oleum ouorum	323
		Oleum	

IN METHODVM MEDENDI.

Oleum rosarum	404	ОΛΗ	146
Oleum violarum	405	Omphacium	197, 271
Oleum nymphae	ibid.	Onolosat	146
Oleum papaueris	ibid.	Ophthalmiae albugini coniun-	
Oleum hyoscyami	ibid.	ctae curatio	14
Oleum mandragorae simplex		Opium	142, 151, 233, 266,
ibid.			270, 285
Oleum mandragorae composi-		Opium vt corrigendum	285
tum	406	Oppopanax	263, 267, 289
Oleum melinum	ibid.	Origanum	207, 240, 261, 291
Oleum myrtinum	ibid.	Orobi farina	306, 315
Oleum mastichinum	407	Os e corde cerui	244
Oleum menthae	ibid.	Ouum crudum	322
Oleum absinthij	ibid.	Oui albumen	277
Oleum chamæmelinum	ibid.	Ouorum testae	257
Oleum liliorum	ibid.	Oua durata	322
Oleum leucoij lutei	408	Oxalis	199, 252, 304
Oleum iasminum	ibid.	Oxalidis succus	193
Oleum anethinum	ibid.	Oxalidis semen	243
Oleum lumbricorum	409	Oxyacantha	275
Oleum irinum	ibid.	Oxyacantha condita	401
Oleum rutaceum	ibid.	Oxyacanthae succus	198
Oleum amygdalarum amara-		Oxybaphum	148
rum	410	Oxycratum	191, 321
Oleum e capparibus	ibid.	Oxymeli	219
Oleum nardinum	ibid.	Oxymeli simplex	332
Oleum nardinum compositum		Oxymeli scylliticum simplex	
411		ibid.	
Oleum laurinum	ibid.	Oxymeli Galeni	333
Oleum vulpiaum	ibid.	Oxymeli quibus molestum	ibid.
Oleum e scorpionibus	412	Oxyfaccharum simplex	331
Oleum terebinthinæ	ibid.	ΠΑΧΥΤΙΚΑ	194
Oleum ricininum	135, 412	Pæonia	235, 261
Oleum balaninum	413	Pæoniae radix	259
Oleum e castorio	ibid.	Pancreas per aluum purgatur	26
Oleum euphorbij	ibid.	Panis bis coctus	192
Oleum e lateribus	ibid.	Panis triticeus	303
Oleorum coctio	182	Papauer	233, 270
Oliua	249, 322	Papauer album	285

INDEX

Papauer nigrum	ibid.	sunt accommodanda	23
Papauer corniculatum	322	Partium conformatio & consen-	
Paralysis	266	sus quomodo vias vacuatio-	
Paregoricum quid	280	ni aptas ostendant	25
Parotidas quæ vena secta iuuet		Pasta regia	178
46		Pastilli	173
Parthenium	261	Pastilli theriaci	154
Partis ignobilis quæ medicamen-		Pentaphyllum	244, 311
ta proferat	23	πένταφυλλον	302
Parti principi quale adhibendū		πένταφυλλον	ibid.
remedium	ibid.	πένταφυλλον	ibid.
Partis similis morbi	8	Peplos	218
Partis instrumentariæ vitia ibid.		Peponis radix	220
Partis conditio vnde æstimanda	22	Per se	129
Partis conformatio quomodo æstimanda	ibid.	Per accidens	ibid.
Partis situs quomodo spectandus	ibid.	Periclymenum	259
Partis præstantia quomodo obseruanda	ibid.	Perfica condita	402
Partis sensus quomodo æstimandus	ibid.	Personata	259
Partis præstantia vt remedia variet	23	Pessus menstrua mouentes	264
Partis, cuius vena inciditur situs	73	Pessus vterum corroboras	265
Partes principes quæ	22	Pestilentium febrilium iudicia	475
Partes corporis quæ remedia postulent valentiora, & contra	ibid.	Petroleum	414
Partes incidendæ quando in aquam tepentem demitti debeant	73	Petroselinæ radices	252
Partium substantiæ remedia accommodanda	ibid.	Petroselinum	206, 258
Partium situs vt remedia variet	ibid.	Petroselinum macedonicum	259
Partium sensui vt medicamenta		Peucedanum	252, 258
		Phalangium	143
		Pharmacopœi quæ scire debeat	156
		Philonium	389
		Phlebotomia promiscuè vacuat quicquid in venis continetur	35
		Phlebotomia quibus ex locis trahat	36
		Phlebotomia vniuersum corpus euacuat	ibid.
		Phlebotomia non æqualiter ex omnibus partibus trahit	ibid.

Phlebo-

IN METHODVM MEDENDI.

Phlebotomia humores vacuat	Pilullæ sine quibus	369
in venis peccantes 37	Pilullæ è fumaria	ibid.
Phlebotomia quando opus sit	Pilullæ aureæ	ibid.
ibid.	Pilullæ de agarico	370
Phlebotomiæ commoda ibid.	Pilullæ coccia	ibid.
Phlebotomiæ incommoda post	Pilullæ ex hermodactylis	371
humorum cōcoctionem 68,	Pilullæ polychrestæ	ibid.
69	Pilullæ è lapide cyanzo	372
Phlegmonarum pus mouentia	Pilullæ è thymelæa	ibid.
303	Pilullæ ex esula	373
Phlegmonæ incrementi quibus	Pilullæ è cynoglossò	ibid.
utendum sit remediis 14	Pilullæ aristolochiæ	374
Phlegmone quando fiat 42	Pimpinella 143, 242, 258, 310	
Phlegmones materia putris in	Pinci nuclei	166
quid cōcoctione mutetur 112	Pingue nihil partibus inflamma	
Phœnicobalani 151	tis imponendum 268	
Phœnigmi 301	Pinguis sapor 135	
Phœnigmus 296	Pinta Parisiensis 148	
Phœnigmus è cātharidibus 301	Piper 118, 141, 232	
Phu 262	Piper longum 231	
Pilosella 312	Piperitis 297	
Pilullæ integræ, alio abundè so	Pistacia 166, 239	
luta, vomitione aut deiectione	Pistacium 253	
reddita 99	Pituita vnde in intestinis copio-	
Pilullæ 174	sè cumuletur 90	
Pilullæ vt reponendæ 175	Pituita in intestinis cumulata	
Pilullæ ad bilem 223	quæ mala pariat ibid.	
Pilullæ ad pituitam ibid.	Pituita pigre fluit 107	
Pilullæ ad atram bilem ibid.	Pituitam purgantia 215	
Pilullæ ad aquas ducendas ibid.	Pituitam expurgantia 223	
Pilullæ è hiera simplici 366	Piryocampe 143, 319	
Pilullæ stomachicæ ibid.	Pityusa 218	
Pilullæ Ruffi, siue communes	Pix nigra 299	
367	Pix liquida 304, 313, 315	
Pilullæ assaieret ibid.	Pix arida 304	
Pilullæ de Eupatorio ibid.	Plantago 196, 223, 252, 257,	
Pilullæ mastichinæ 368	260, 261, 306	
Pilullæ ex tribus ibid.	Plantaginis & opij in refrigerā-	
Pilullæ imperiales ibid.	do differentia 21	

INDEX

Platanus	322	Polium	165
Plethora ad vasa	31	Polium montanum	262
Plethora ad vires	ibid.	Polygonum	271, 310
Plethora sedes	32	Polypodium	204, 240
Plethora duplex	37	Polytrichon	199
Plethora quæ minetur pericula		Pomacium	156
ibid.		Pomorum succus	165, 203
Plethora impura quem mittendi sanguinis modum præstituat	ibid.	Pompholyx	278, 316, 318
Plethora biliosa	ibid.	Pomum odoratum cerebrum	
Plethora melancholica	38	corroborans	338
Plethora picuitosa	ibid.	Pondo	147
Plethora ad vires an leuanda sit venæ sectione	ibid.	Pondus numarium	145
Plethora cuius venæ sectione sit minuenda	44	Porrum	241, 321
Plethora ut vires strangulet	55	Portulaca	196, 260, 269, 270
Plethoræ præcipua sedes & causa	450	Potestate quæ dicantur	127
Plethoræ eximendæ ratio	452	Potio cathartica	170
Plethoræ proprium remedium est venæ sectio	37	Potio cathartica quibus exibus fiat	171
Plethoræ omnis impuræ curatio cur à venæ sectione sit aspicienda	38	Potio ad vulnera	314
Pleuritidi dextræ latus sinistrum non est contrarium	40	Potiones medicatæ ad sitim restringendæ	201
Pleuritidi cuius venæ sectio conducatur	46	Potionis vsus	152
Pleuritidis & peripneumoniarum materia concocta per sputa expurgatur	69	Potionis catharticæ dosis	171
Plumbum	279	Potus parsimonia corpus exiccat	191
Plumbago	ibid.	Præssium	206, 240, 252, 261
Plumbum vsum	316, 318	Prægnatio an inter obseruationes mittendi sanguinis sit habenda	65
Plumbi crudi lamina	317	Prægnationis in purgando habenda ratio est	110
Podicis, inguinū, & pudendorū affectib. quæ vena sit secanda	47	Prægnationis octauo ac nono mense venæ sectio periculosa est	65
		Prægnans benignis purganda medicamentis	111
		Prægnanti venæ sectio quam purgans medicamentum tutius præscribitur	65
		Prægnanti	

IN METHODVM MEDENDI.

Prægnanti pleuritide correptæ	terna vitia excreatione pur-
vena in cubito secanda ibid.	gat 26
Prægnantiû venas inferiores in-	Pulmones bechicis purgantur
cidere minimè tutû est ibid.	35
Præparatio purgationi adhiben-	Pulmonum, laterum & thoracis
da duplex 116	internis vitiis quæ conducant
Præparatio simplicium vires vt	remedia 25
augeat aut minuat 140	Pulmonum & pectoris vitiis me-
Præparatio naturæ 192	dentia 238
Præparatio artis ibid.	Puls 184
Præparationis ad purgationem	Pulsus solus virium roburnon
forma 119	indicat 55
Priuantia 7	Pulsus in venæ sectione vt sit vi-
Propolis 296	rium index 58, 76
Propotismata 327	Pulueres leuigati 172
Proprietas similitudinis, quæ me-	Pulueres odorati 188
dicamentû familiârè humore	Puluis 172, 187
trahit, vnde proficiscatur 95	Puluis destillationes reprimens
Pruna dulcia 239	238
Pruna 168	Puluis cardiacus 246, 378
Pseudonardus 236	Puluis sanguinis fluxum sistens
Psyllium 135, 186, 266, 270	280
Ptarmica 230	Puluis præcipitati 309
Pueri sanguinis detractionem	Puluis sarcoticus 315
tutò non ferunt 60	Puluis epuloticus 317
Pueri qui minùs agtè sanguinis	Puluis ex plumbo ibid.
missionem ferant 61	Pumex crematus 318
Pueris medicamenta maligna	Purgandi facilitatem aut diffi-
non esse præscribenda 10	cultatem quæ denuncient 107
Puerpera nonnunquâ venæ se-	Purgandi opportunitas vnde
ctione leuanda 62	spectanda 112
Puerperis etiam ritè purgatis	Purgantia medicamenta 142
quândo sanguis demêdus 49	Purgantia medicamenta quæ ex
Pugillus 148	viu recesserunt 222
Pulegium 207, 262, 291	Purgantium medicamentorum
Pulli gallinacei 142	differentiæ 209
Pulmone inflammato quæ vena	Purgatio viscera & mesenterium
aperienda 46	utiliter vacuat 25
Pulmones, latera & pectoris in-	Purgatio quomodo molliêda 34

- Purgatio quid 89
 Purgatio a venæ sectione quid
 differat ibid.
 Purgatio vniuersalis ibid.
 Purgatio particularis ibid.
 Purgatio vniuersalis triplex 90
 Purgatio quæ dicatur inutilis
 97
 Purgatio quæ languida ibid.
 Purgatio proprium est remediū
 cacoehymiz 102
 Purgatio quando venæ sectioni
 tutius præmittatur 104
 Purgatio quib⁹ ex partibus ex-
 pedita, & contra 106
 Purgatio quādo vniuersè, quā-
 do partitè obeunda 109
 Purgatio immoderata nō æquē
 vires atq; exuperans phlebo-
 tomia deñcit 110
 Purgatio à concoctione perfe-
 cta felicior 115
 Purgatio utilis 121
 Purgatio obscura ibid.
 Purgatio manifesta ibid.
 Purgatio perfecta ibid.
 Purgatio vitiosa 123
 Purgatio inutilis ibid.
 Purgatio molesta ibid.
 Purgatio exuperans ibid.
 Purgatione quando sit opus 89
 Purgationem aptam & vilem
 efficiētia 97
 Purgationem perfectam quæ
 sequantur commoda 122
 Purgationes qui faciliè aut agrè
 ferant 111
 Purgationi tempus opportuniū
 vnde captandum 113
 Purgationi tempus in morbis
 acutis quod sit accommoda-
 tissimum ibid.
 Purgationi humorem præpa-
 rantia 117
 Purgationis differentia 89
 Purgationis exuperantiam non
 fieri substantiæ proprietate 98
 Purgationis vias quæ indicent
 105
 Purgationis viis interceptis a-
 liò deriuandos esse humores
 ibid.
 Purgationis modus ex ægri vi-
 ribus æstimandus 111
 Purgationis utilitas vnde æsti-
 manda 121
 Purgatio cacoehymiz sola sub-
 trahit 89
 Purgationum formulæ 226
 Pus a duplici calore nō fieri 112
 Pus inter putredinem & corpo-
 ris nostri substantiā medium
 est ibid.
 Putridarum febriū curatio 466
 ΠΥΡΕΤΡΟΝ 287
 Pyrethrum 128, 231, 232, 297
 Pyrorum succus 165
 Q Vadrantal 148
 Qualitas medicamenti
 prima 130
 Qualitas prima elementis actus
 medicamenti potestate inest
 131
 Qualitas medicamentorum se-
 cunda ibid.
 Qualitas medicamentorum ter-
 tia 141
 Qualitas medicamentorū ter-
 tia scilicet

IN METHODVM MEDENDI.

ria sensibus non percipitur	143	Refrigerandi ratio in febris	481
Qualitate solâ quæ nos immu-		Refrigeratîa medicamēta	269
rant	191	Regio corporis prima quas par-	
Qualitate peccantes humores		tes contineat	32
quidicantur	89	Regio corporis secunda quas	
Qualitates medicamentorum		partes comprehendat	ibid.
primæ & secundæ vnde perci-		Regio corporis tertia quas com-	
pianur	133	plectatur partes	ibid.
Qualitates rerum non solæ, sed		Regio vt in venæ sectione ob-	
earum quoq; substantia con-		seruanda sit	61
coctione muratur	112	Regio quo quæque ordine ex-	
Qualitates medicamentorum		purganda	104
tertiis quid patefaciat	133	Regio vt simpliciu vires augeat	
Qualitates medicamentorum		aut minuat	139
quartæ falsò à nonnullis indu-		Regio corporis prima vt expur-	
ctæ	143	ganda	227
Qualitatum primarum gradus		Regio corporis secunda vt ex-	
quatuor	131	purganda	228
Qualitatum secundarum gra-		Regio corporis tertia vt expur-	
du	139	ganda	229
Qualitatum ordines qua quan-		Regionis primæ puritas potis-	
titate sint constituendi	141	suma est ad phlebotomiâ præ-	
Quarra	152	paratio	70
Quartana internam sinistri cu-		Relaxans medicamentum	286
biti venam inacidi postulat	46	Remedia	6
Quartarius seu quadrans	145,	Remedia multa & varia eiusdē	
147, 148, 149		generis commodè ad vnum	
Quercus	274	morbura vsurpantur	21
Quies à venæ sectione imperan-		Remedia quomodo administra-	
da	76	ri in quaui curatione debeât	
Quinque	147	ibid.	
R Adices conditæ	177	Remedia immutantia affectæ	
Ranunculus	134, 301	parti proximæ sunt adhiben-	
Raphanus	220, 254, 255,	da	24
259		Remedia extrinsecus apponen-	
Raresfaciens medicamentum		di ratio	ibid.
286		Remedia intrò sumendi ratio	
Ratio	3	ibid.	

I N D E X

Remedia vniuersalia particula-	Reuulsio	25	
ribus pramittenda	47	Reuulsio vnde spectanda	ibid.
Remedia vt diuulgata fuerint		Reuulsio quid	39
324		Reuulsionis genera	ibid.
Remedij genus	6	Reuulsionem fieri debere e di-	
Remedij quantitas	ibid.	recto	40
Remedij genus, quantitas & v-		Rhases seni decrepito sanguine	
tendi ratio vnde innotescant		emissit	60
18		Rheumbarbarum	211
Remedij quantitas pro morbi		Rheumbarbarum vt ex acciden-	
magnitudine & partis affe-		ti nos refrigeret	129, 142
cti natura immutata est	22	Rheumbarbarum syrupo e ci-	
Remedij vtendi ratio	6	chorio inuulter adiungi	334
Remediorum genera tria	7	Rhus	137, 249, 260, 275
Remediorum duplex genus	24	Ribes	197
Remediorum genera	126	Ricinus	217
Remedium quo vsque affectui		Rob	176
contrarium sit adhibendum		Robus ex ribes	166
19		Robus	176
Remedium affectui pariter co-		Rosa	196, 249, 253, 273, 305
trariū vniuersim eum eximit		Rosarum succus	211
& per sanat	ibid.	Rosarum fex	274
Remedium morbo suppar mi-		Rosmarinus	191, 235, 291
nuit eum, non per sanat	ibid.	Rubia	207
Remedij lene sæpius iteratum		Rubia maior	262
possitne se sim prestare quod		Rubia semen	255
validius vniuersim	21	Rubus	160, 274
Remedium idem cur vni, alteri		Rumex	252
non conferat	ibid.	Ruscus	257
Renes per vrinas expurgantur		Ruta	255, 262, 291, 322, 335
26		Pvñix	193, 305
Renes diureticis vacuantur	35	Sabina	262, 307
Renes per vrinæ vias purgandi		Sabinæ cinis	320
105		Saccharum succo acido disso-	
Renibus vtilia remedia	25	lutum nunquam denuo ob-	
Renum inflammationibus que		durescere	174
vena secta conferat	46	Saccharum	240, 306, 328
Renum medicamenta	256	Saccharum Maderanum	330
Repellentia medicamenta	273	Saccharum e floribus iridis, ca-	
		pill.	

IN METHODOVM MEDENDI.

pill. veneris, è radice enulæ		quid arguat	30
403		Sanguini granula immixta ele-	
Saccharum symphyti	ibid.	phantiaſin ſignificant	ibid.
Saccharum violarum, ſlorum bu-		Sanguinis quantitate peccantis	
gloſſi	ibid.	ſigna	31
Saccharum roſatum	ibid.	Sanguinis profuſio ad vniuerſa	
Saccharum è ſloribus cichorij		lem vacuationem refertur	33
ibid.		Sanguinis profuſio quas partes	
Sacculus	187	exhauriat	ibid.
Sacculus ſtomachicus	251	Sanguinis profundendi modus	
Sagapenum	263, 267, 6	34	
Sal	135, 294	Sanguinis extracti partes omnes	
Sal gemmeus	151	in ſuam quamque regionem	
Sal quando clyſteribus adden-		contendere	36
dus	169	Sanguinis è naribus, vtero, vel	
Sal torrefactus	318	hæmorrhoidè plenior eru-	
Salicis folia	311	puiſio ſecta vena ſiſtitur	43
Salicis flores & folia	312	Sanguinis eruptiones ſpon- taneas in putridis febribus pa-	
Salſorum ſyncerus & nimius v-		rum eſſe vtilis	48
ſus humores & ſanguinē la-		Sanguinis conditio ex ſubſtan-	
befactat	135	tia	79
Salſus ſapor	ibid.	Sanguinis concreſcentis colo-	
Salvia	143, 165, 229, 234, 248, 322	res quid indicent	80
Sambucus	217, 321	Sanguinis detractio morbo ge-	
Sampſuchus	165, 229, 235, 261, 291	nito quàm impendenti ma-	
Sandaracha	319	gis eſt neceſſaria	44
Sanguinaria	310	Sanguinis grumus vti ſpiritus la-	
Sanguinem è venis extractum		befactet	53
concreſcere	36	Sanguinis lenta & parca proſu-	
Sanguinem ſuccumque vtilem		xio inutilis eſt	48
inedia in corporis ſubſtantiã		Sanguinis mittendi quantita-	
mutari	84	tem primariò indicant mor-	
Sanguinem è naribus fluentem		bi magnitudo & virium ro-	
aceto ſiſti	134	bur	59
Sanguinem profluentem cohi-		Sanguinis detrahendi quan- tita-	
bentia	310	tem que ſecundariò indicent	
Sanguini pinguedo ſupernatans		ibid.	
		Sanguinis miſſione abſtinendũ	

INDEX

esse, vbi materia in venis co- cta apparet	68	Sanguis naturæ thesaurus	63
Sanguis effluentis quantitas in venæ sectione vnde æstimanda	75	Sanguis solis ortu & diei lumi- ne tenuis fit	70
Sanguinis mutatio in venæ se- ctione obseruanda	ibid.	Sanguis viscosus	79
Sanguinis fæx	80	Sanguis crassus & densus	ibid.
Sanguinis foetor deploratæ pu- tredinis indicium est	ibid.	Sanguis tenuis	ibid.
Sanguinis sapor	ibid.	Sanguis aquosus	ibid.
Sanguinis substantia malè co- hærens summæ putredinis in- diciu est	81	Sanguis putridus	ibid.
Sanguinis vacuationes particu- lares	82	Sanguis ab extractione in repi- dam aquam profusus	81
Sanguis venarum non est vnus- modi	31	Sanguis draconis	278, 311
Sanguis hominis bene tempe- rati qualis	ibid.	Sanicula	312
Sanguis quis optimus	ibid.	Santala	253
Sanguis quantitate quando pec- cet	ibid.	Sapa	166, 176
Sanguis totus ex quatuor succis & sero constat	35	Sapphyrus	245
Sanguis non tantum è plenitu- dine prorumpit	39	Sapo albus	223
Sanguis quibus ex causis faciliè prorumpat	ibid.	Sapo niger	301, 320
Sanguis tutius imminere quàm præsentem morbo detrahatur	44	Sapo odoratus	188
Sanguis quibus ex partibus spõ- re prorumpere soleat	48	Saponaria	297
Sanguis vitiosus per nares po- stremus elabatur	49	Sapores primarum & secunda- rum qualitatum indices	133
Sanguis sponte fluens venæ se- ctionem, si eam morbus exi- gat, non dehortatur	49	Saporum differentiarum nouem	134
		Sarcocolla	313, 315
		σαρκωτικόν medicamentū	314
		Sarmentorum cinis	323
		Satureia	207, 241, 291
		Satyrium conditum	403
		Saxifraga	258
		Scabiola	242
		Scalpellum vt venæ impingen- dum	73
		Scammonium	212
		Scammonium medicamentum est malignum	96
		Scarificatio vnde vacuet	83
		Scarificatio quibus affectibus medeatur	ibid.
		Scirrhus prius discutiendus non est	est

IN METHODYM MEDENDI.

est quàm fuerit emollius	27	Septica medicamenta	318
Scriptulus seu scrupulus	145,	Septunx	147
146		Seriola	193
Scœnatum	253	Serpillum	235
Scolopendrium	204, 254	Serum concreto sanguini inna-	
Scolopendrium quid	338	tans quid arguat	79
Scordium	151, 241, 261, 307	Sescuncia	145
Scoria ferri	316	Seseli	262
Scorpius	142, 143, 297	Seseli masiliense	241, 259
Scutum	187	Sesquiamphora	149
Seylla	242, 254	Sesquicyathum	148
Sebesten	239	Sesquilibra	145
Secunda	151	Sesquiscriptulum	146
Sedum	306	Sesquisextarius	148
Selibra	145	Sextans	147
Semina pingua cur pulueribus		Sextarius	148, 149
cardiacis diu conseruadis nō		Sextula	417
fiat addenda	172	Siccantia alimenta medicamen-	
Semina frigida	252	tola	192
Semina frigida maiora	166,	Siccitas agendi vim auget	131
257		Sicilicus	147
Semina frigida minora	257	Sigillum lemnium	245, 278
Semidrachma	146	Sigillum beatæ Mariæ	298
Semis	147	Siler montanum	241
Semiobolus	145, 146	Siliqua	146
Semedius	149	Simplex composito prius	150
Semperuiuum	139, 155, 233,	Simplex nullum medicamentū	
260, 266, 284, 271, 323		compositum affectum depel-	
Semuncia	145, 147	lendi vi pollet	152
Senna	213	Simplici affectui vt medicamē-	
Senes decrepiti nullam venæ se-		tum aliquando sit necessariū	
ctionem tolerant	60	ibid.	
Senex, qui iuxta ac iuuenis fe-		Simplicium multorū eiusdem	
bricitat, frigidiora quàm iu-		facultatis permistio sitne ūti-	
uenis auxilia exposcit	18	lis	155
Sensus facultatesque corporis		Simplicia diuersarum virium	
omnes inedia expeditiores		commixta retineant ne singu-	
reddi	81	la pristinas vires	156
Septica	132	Simpliciter dici quid	128

INDEX

Sinapi	255, 297	Spuma sanguini innatans quid significet	80
Sina ifmus	185	Spuit alia, alia humoris medica- mento expurgandi est ratio	118
Sion	258	Stactæ	182
σινδών	302	Staphis agria	234
σινδών η εφύμ	176	Stater	231
Silybrium	248, 258	Status corporis pristinus quan- do cōseruandus aut commu- tandus sit	23
σινδών	146	Status corporis pristinus possit- ne à morbo cuiquam restitui ibid.	
Situm restinguentia	200	Stræbe	312
Sitis perfectæ purgationis fi- gum	122	Stræbe scabiosa	244
Situs ut simpliciu vires augeat aut minuat	139	Stercus caprillum	299
Smaragdus	245	Stercus vaccinum	266
Smirnum	258, 262	Sternutamentum	124
Solactu calidus est	127	Sternutatoria pituitam è cere- bro mouentia	230
Solanū	139, 155, 159, 232, 271	Schrutium	255
Solanum somnificum	271	Stibium	279
Soldanella	217	Stripes quæ præstantissimæ	190
Solidum	147	Stræchas	207, 235
Somnus cōtinuò à venæ sectio- ne vitandus	77	Stomachica	248
Somnus quādo à sanguinis mis- sione admittendus	ibid.	Strobili	166
Somnus arctior purgationis o- pus sistit	121	Strobilina resina	299
Sorba	275	Struthium	230, 297
Sorbitio cur aliquot post medi- camentum horis exhibeatur	121	Stybium	316
Sory	308, 318	Styrax	237, 262, 263
Sparthum	221, 259	Styrax liquidus	289, 304
Spica	236	Sublimatum	134
Spicanardi	151, 153, 237, 250	Substantia (cuius similitudine medicamentum familiarem humorem trahit) quid sit	95
Spiritus ex quocunque humoris superatis vitio ut labefacten- tur	53	Substantiæ proprietates quomo- do percipiatur	ibid.
Spirituum substantia ut dissolu- tur	ibid.	Succago	176
Spodium	253, 278, 316	Succi	

IN METHODVM MEDENDI.

Succl	30	Symphytum	242, 311
Succi exiccati	166	Symptomata quæ maximè vi-	
Succidia	223	res deiciant	63
Succida lana	282	Symptomata, quæ venæ sectio	
Succinum paleas vttrahat	95	• iis infert, quibus os ventriculi	
Succinũ actupaleas trahit	127	eximio sensu præditũ est, aut	
Succorum clarificatio	165, 168	ipse ventriculus imbecillitate	
Succus herbarum quis efficacis-		laborat	72
simus	165	Symptomati sæuiori interdum	
Succus medicatus è ribes	404	prætermisso morbo occurren-	
Succus prunorum syluestrium		dum est	17
ibid.		Symptomatis nihil contrariũ,	
Sudor ad vniuersalem vacuatio		neque eorum propria est cu-	
nem refertur	33	ratio	13
Sudor quas partes vacuet	ibid.	Symptomatis magnitudo vnde	
Sudores corporis habitum va-		æstimanda	50
cuant	31	Symptomatum quæ per febres	
Sudores quomodo mouēdi	34	affligunt remedia	487
Sudorum eruptio bene valen-		συμπτωτικά	195
tium est, non ægrotantium		Synapi	134, 231
86		Syncope quid	57
Suffitus	128	Syncope quos ab aperta vena	
Suffitus ad roborandum cere-		inuadat	63
brum	ibid.	Syrupi sitim restinguentes	201
Suffitus pulmones expurgans		Syrupi cardiaci	246
ibid.		Syrupi stomachici	250
Suffitus cardiacus	ibid.	Syrupi ad splenem	255
Suffitus destillationes restringēs		Syrupi nephritici	259
238		Syrupi hepatici	253
Suffitus vterum corroboran-		Syrupi menses cohibentes	264
tes	265	Syrupi menstrua mouētes	ibid.
Sulfur	299	Syruporum vsus	329
Sumach	275	Syrupus	167, 327
Suppuratio quando procuran-		Syrupus ex melle	168
da	28	Syrupus ex saccharo	ibid.
Suppuratio	302	Syrupus ad complurium humo-	
Surculi lactuæ, endiuia, portu-		rum colluuiem	228
lactæ conditi	402	Syrupus acidus simplex	327,
		329	

I N D E X

Syrupus acetosus compositus

329

Syrupus è succo limonum 330

Syrupus è succo citrij 331

Syrupus è granatis acidis ibid.

Syrupus de auranciis ibid.

Syrupus ex omphacio ibid.

Syrupus è succo oxalidis ibid.

Syrupus è ribes ibid.

Syrupus è cichorio 334

Syrupus intybi domestici 336

Syrupus byzantinus 337

Syrupus scolopendrij ibid.

Syrupus è radicibus 338

Syrupus adiantinus ibid.

Syrupus è stoechade 340

Syrupus rosarum siccarum 341

Syrupus nymphææ ibid.

Syrupus de papauæ 342

Syrupus violarū cōpositus 344

Syrupus violarum simplex ibid.

Syrupus zyziphorum 345

Syrupus de hyssopo ibid.

Syrupus de prassio 346

Syrupus symphyti ibid.

Syrupus è succo buglossi 347

Syrupus è cortice citrij mali 348

Syrupus melissophylli ibid.

Syrupus è menta ibid.

Syrupus abſinthij 349

Syrupus myrtinus 350

Syrupus fumariz ibid.

Syrupus è malis odoriferis 351

Syrupus althææ ibid.

Syrupus raphani 352

Syrupus artemisiz ibid.

Syrupus infusionis rosarum pal-

lidarum

357

T Abidis opem ferentia 242

Tamaricis cortex 254

Tamariscus 204

Tela emplastica 186

Telephium 310

Tellus vt simplicium vires au-

geat aut minuat 139

Temperamentum vt sanguinis

detrahendi quantitatem præ-

situat 59

Tempora morborum & vniuer-

ſalia, & particularia in phle-

botomia lunt obſeruanda 69

Temporum in morbis obſerua-

tio neceſſaria 28

Tempus vt simplicium vires au-

geat aut minuat 139

Tendo, pari atque caro humo-

rum influxu laborans, ſiccio-

ra quàm caro remedia poſtu-

lat 19

Tendonis puncti ſigna 74

Terebinthina 258, 306, 315

Terebinthina reſina 288, 304,

313

Terra 278

Terra lemnia 311, 316

Terra armena 316

Tertia 151

Teſta 318

Teſtes & vaſa ſpermatice per-

paraſtatas expurgantur 26

Thapſia 134, 296, 298

Theriace diateſtaron 391

Theriace Andromachi ibid.

Thlaſpi 297

Thus 227, 266, 304, 307,

311, 313, 315, 322

Thymelæa 218

Thymus

IN METHODVM MEDENDI.

Thymus	207, 241, 291	Tuthia	278
Tithymali cinis	318	Tymbra	241
Tithymalus	218, 298, 301	Vacuantia medicamenta, & eorum differentia	142
Tormentilla	244	Vacuatio quā fieri debeat	25
Torpedo	284	Vacuatio triplex	ibid.
τραχύοντα	195	Vacuatio absolutè vocata	ibid.
Tragacantha	135, 151, 168, 239	Vacuatio quid	30
Tribulus	259	Vacuatio vniuersalis	33
Trichomanes	199	Vacuatio particularis	ibid.
Triens	147	Vacuatio naturalis	34
Trifolium odoratum	261	Vacuatio præter naturam, quæ & symptomatica	ibid.
τριώβολον	146	Vacuatio artificiosa	ibid.
Triticum	277	Vacuatio immodica spiritus dif soluit	53
τροχίσκοι ἢ κυκλίσκοι	173	Vacuatio omnis, quæ ad depel lendum morbum adhibetur, vires conuellit	55
Trochisci hepatici	253	Vacuatio spontanea vt ad venæ sectionem sit consideranda	62
Trochisci menses cohibentes	264	Vacuatio mitescēte morbo ten tanda	69
τροχίσκοι καταρετικοί	318	Vacuatio per venæ sectionem quando affatim & vniuersè præscribenda	77
Trochisci è vipera	394	Vacuatio per inediam utilis est	85
Trochisci scyllitici	395	Vacuationes nunquam ad syn copen vsque sunt producen dæ	58
Trochisci hedychroi	ibid.	Vacuationes per venæ sectiones quando paritæ longiore in teruallo sint seiungendæ	78
Trochisci cypheos	ibid.	Vacuationes extremæ omnes periculosæ	110
Trochisci è capparibus	396	Vacuatiōi quæ hora sit accom moda	19
Trochisci de eupatorio	ibid.		
Trochisci Alkekengi	397		
Trochisci è myrrha	ibid.		
Trochisci è terra lemnia	398		
Trochisci è caphura	ibid.		
Trochisci gallæ moschata	399		
Trochisci aliptæ moschata	ibid.		
Trochisci bechici	ibid.		
Trochisci narcotici	285, 400		
Tryblum	148		
Tunix	244		
Turbet	218		
Turpethum	215		
Tussilago	242, 304		

INDEX

Vacuacionis differentia vnde petenda	31	Vena quo morbi die aperienda	69
Vacuacionis quantitas vt decernenda	56	Vena secta sanguis si fluat segnius quid agendum	75
Vacuacionum tres gradus ibid.		Vena secta cur sanguis interdum in medio cursu sistendus ibid.	
Valeriana	262	Vena sectio venas maiores recte vacuat	25
Vascula excipiendo sanguini idonea qua debeant esse matena	79	Vena secunda delectus	41
Vascula, quibus exceptus est sanguis, inter se comparanda	80	Vena sectio quibus morbis succurrat	42
Valorum maiorum cacoehymia quando expurganda	113	Vena sectio omnium partium inflammationibus conducit ibid.	
Vena secta nullus humor alio prius erumpit	36	Vena sectio praesentine an imminenti morbo magis conducit	44
Vena lateris oppositi secta in pleuritide quae pericula affert	40	Vena sectio quibus affectibus semper sit adhibenda	49
Vena in pleuritide secanda est directo	ibid.	Vena sectio prius quam adhibeatur, quae sint obseruanda	50
Vena quando conuenienter sectetur etiam in febribus intermittentibus	43	Vena sectio omnes humores promiscue euocat	68
Vena interdum vel in penuria sanguinis inciditur	44	Vena sectioni quae praeparatio adhibenda	70, 71
Vena humeraria quas partes secta vacuet	45	Vena sectionem quae vitia prohibeant	70
Vena cubiti interna quibus ex partibus secta reuellat	ibid.	Vena sectio quae adferat incommoda cruditate vbi ventriculus laborat	ibid.
Vena cubiti media quibus ex partibus incisa vacuet	ibid.	Vena sectionem quae sequatur incommoda regionem primam impuritas vbi occupat	ibid.
Vena in poplite secta vnde trahat	ibid.	Vena sectioni quando praeparatio adhibenda, quando non	72
Vena frontis quibus capitis doloribus aperta conterat	46	Vena quomodo findenda sint	74
Vena malleoli aut poplitei secta mentes mouet	47		
Vena quae secanda ad plenitudinem arceadam	48		

Vena

IN METHODVM MEDENDI.

- | | |
|--|---|
| Venæ quanta fieri debeat aper-
tio ibid. | Ventriculi os nimio opere sen-
tiens vel imbecillum venæ se-
ctionem remoratur 71 |
| Venæ sectioni intemperantes
non sunt idonei 77 | Ventriculi sensus quibus sit exi-
mius 72 |
| Venæ sectio humorum impetū
sistit, & reuellit 103 | Ventriculi imbecillitas vnde co-
gnoscat ibid. |
| Venæ sectæ vtilitas non est ex
sanguinis effluentis impurita-
te æstimanda 104 | Ventriculi intemperiem frigi-
dam emendantia ibid. |
| Venæ intempestiua sectio quæ
interdum adferat incommo-
da ibid. | Ventriculi cacochymia vomiti-
one tollitur 102, 105 |
| Venarum continuatio 36 | Ventriculi cacochymia quando
expurganda 113 |
| Venarum obstructio vt spiritus
obruat 54 | Ventriculi in quouis morbo sum-
ma est habenda ratio 119 |
| Venarum capacitas in sangui-
ne detrahendo spectanda 60 | Ventriculo conuenienti reme-
dia 25 |
| Venarum primarum cruditas
phlebotomiam remoratur
70 | Ventriculo aut præcordiis adhi-
benda extrinsecus remedia
cibo præmitti debent 29 |
| Venarū cacochymiam sola pur-
gatione nō phlebotomia tol-
lendam esse 103 | Ventriculo imbecillo aut puro
conueniens medicamentum
120 |
| Venarum cacochymia quando
phlebotomiā admittat ibid. | Ventriculo robusto aut impuro
medicamentum conueniens
ibid. |
| Venarum cacochymiā omnem
nulla potest tollere phlebo-
tomia ibid. | Ventriculum quæ venæ sectio-
ni præmuniat 72 |
| Venarum maiorum putrescens
succus in quid concoctione
mutetur 112 | Ventriculus vt ad purgationem
præparandus 116 |
| Venena 142 | Ventriculus cur imprimis me-
dicamento offendatur 119 |
| Venerea lues, vide Lues Vene-
rea. | Ventriculus quando medica-
mentum auidius retineat, &
contra ibid. |
| Ventriculi pars summa vomiti-
one, imā deiectione expur-
gatur 26 | Venus à venæ sectione prohi-
benda 77 |
| Ventriculi cruditas venæ sectio
nem retardat 70 | Ver sanguinem largius fundi
permittit 68 |

INDEX

Ver purgationi liberæ aptissimum	116	Vires bifariam læsæ dicuntur	52
Veratro corpus quomodo præparandum	120	Vires languidæ ab oppressis quomodo distinguantur	52,
Veratrum album	142		55
Veratrum nigrum	151	Vires possintne adeò debilitari, vt ne minimam vacuationem tolerant	56
Verbasculum	265	Vires quales in posterum futurae sint vnde coniectandum	63
Verbascum	322		
Verbena	312	Vires collapsas à venæ sectione recreandi modi	76
Vernice	237	Viribus integris quanta vacuatio sit præscribenda	57
Vesica per vrinas expurgatur	26	Viribus mediocribus quantum vacuandum	58
Vesica diureticis purgatur	35	Viribus exiguis nihil vacuandū ibid.	
Vesica quā purganda	105	Virium insitarum substantia vnde muteur	52
Vesicæ conuenientia remedia	25	Virium influentium triplex spiritus vnde immutetur	ibid.
Vesicæ inflammationem cuius venæ sectio coërceat	47	Virium affectarum tres ordines	55
Vesicæ medicamenta	256	Virium offensio ex legitima vacuatione cur leuis sit	56
Vetonica altera	244	Virium labantium signa præuia	75
Victoriatu	146	Virium obseruatio in purgationibus quanti sit momēti	110
Victus ratio pro morborū temporibus præscribenda	28	Visceribus conuenientia medicamenta	151
Victus ratio à missione sanguinis	77	Viscerum infra diaphragma im puritas quā purganda	102,
Victus humores noxios purgationi preparans	117		105
Vigiliae vt spiritus labefaciant	54	Vitis folia	273
Vinculum parti, quæ inciditur, vt admauendum	73	Vitriolum	308
Vina medicata	151	Vitri axungia	136
Vinum creticum	156		
Vinum factitium	162		
Vinum medicinae vehiculum ibid.			
Vinum absinthites	251		
Viola	203, 232, 239, 243, 254, 344		
Vires vnde æstimandæ	51		
		Vitriolum	

IN METHODVM MEDENDI.

Vitriolum vſum	316, 320	Vnguentum martiatum	423
Vitrum combuſtum	257	Vnguentum baſilicum minus	423
Vlcera quæ expurgant	305	Vnguētum baſilicum magnum.	ibid.
Vlceris caui cum inflammatio-			
ne coniuncti curatio	14	Vnguentum aureum	423
Vlmus	312	Vnguentum Apoſtolorum	ibid
Vmbilicus veneris	270	Vnguentum Ægyptiacum	151
Vncia	145, 147		424
Vnctio	88	Vnguentum enulatum	ibid.
Vnguenta emplaſtica	279	Vnguentum citrinum	425
Vnguenta maturantia	304	Vniones	245
Vnguenta glutinantia	313	Vomentis ſitus	93
Vnguenta ſarcotica	315	Vomitio vomitionem ſedat	7
Vnguenta epulotica	316	Vomitio ventriculū vtiliter	
Vnguenta xadaperinda	318	vacuat	25
Vnguenta ambuſtis medentia		Vomitio fluxum ē iecore & lie-	
	323	ne in aluū reuulſione ſiſtit	26
Vnguenta detergentia	308	Vomitio deiectione ſiſtitur ibi.	
Vnguentum humorem purga-		Vomitio & deiectione ad vniuer-	
tionem præparans	117	ſalem vacationem referuntur	33
Vnguentum	152, 183	Vomitio quomodo prouocan-	
Vnguentum ſtomachicum	251	da	71
Vnguētum ad perniones & am-		Vomitio quid	91
buſta	323	Vomitio vt fiat	92
Vnguentum ē lathyride	364	Vomitio quibus difficilis, & con-	
Vnguentum Galeni refrigerans		trā	ibid.
	414	Vomitio crebrior quæ pariat	
Vnguentum roſatum	415	incommoda	ibid.
Vnguentum populeum	ibid.	Vomitio quibus morbis medea-	
Vnguentum album	416	tur	ibid.
Vnguentum adſtringens	ibid.	Vomitio vt ritè fiat, quæ præpa-	
Vnguentum diachalciteos	417	ratio adhibenda	93
Vnguentum diapompholygos		Vomitio quando cienda	ibid.
	418	Vomitio quando & quomodo	
Vnguentum rubrum	ibid.	lenienda	ibid.
Vnguentum dialthæas	ibid.	Vomitio quæ partes vacuen-	
Vnguentum reſumptiuum	419	tur	33
Vnguentum Agrippæ	ibid.		
Vnguentum ἀγρίου	420		

INDEX IN METHODVM MEDENDI.

Vomitio purgantia	210	Vterum corroborantia	263
Vomitionis moderatæ cōmoda		Vterus per suam ipsi ⁹ cervicem	
92		expurgatur	26
Vomitionis vtilitas aut inutilitas vnde censenda	94	Vterus hystericeis vacuatur	35
Vomitum cientia	219	Vterus quæ expurgandus	105
Vomitus aliquando excitandus, vt vires à venæ sectione collapsæ recreentur	76	Vua acerba	136
Vomitus à medicamento vnde		Vua passa	231, 240, 253
120		Vulpis adeps	135
Vrgentiori magis est obstitendum	16	Vulpis pulmo	242
Vrna	148	Ξ ^{Ξ579}	148
Vrtica	220, 225, 258, 297, 307, 310	Xyloaloe	237, 245
Vteri immoderatas fluxiones aceti suffitu sisti	134	Υ ^{Υπεκδαρσις} , id est effrenatæ purgationes quæ dicantur	98
Vteri medicamenta	260	Υπεκδαρσις causæ	ibid.
Vtero quæ conferant remedia		Z ²⁵⁰	
25		Inziber	151, 192, 242,
Vtero affecto quæ vena secanda		Zinziber conditum	413
47		Zyzipha	168, 239

INDICIS IN THERAPEVTICES

SVI METHODI MEDENDI LIBROS

SEPTEM FINIS.

FRANCOFVRTI

Excudebat Andreas Wechelus,

ANNO SALVTIS M. D. LXXXI.

